


叢書集成續編 第一六五册目錄

文學類



詩別集——宋

章安集一卷……………	宋 楊 蟠撰	台州後集	一
伊川擊壤集二十卷集外詩一卷……………	宋 邵 雍撰	宋人集	一一
參寥集十二卷附錄二卷……………	宋 釋道潛著 明 汪汝謙輯	武林往哲	一六一
日涉園集十卷補遺一卷……………	宋 李 彭撰	豫 章	二三五
慶湖遺老詩集九卷後集補遺一卷拾遺……………	宋 賀 鑄撰	宋人集	三一七
崧庵集六卷……………	宋 李處權撰	宋人集	四一三
藏海居士集二卷……………	宋 吳 可撰	宋人集	四七一
郴江百詠一卷輯補一卷……………	宋 阮 閱撰	宋人集	四八七
飄然集三卷附校勘記一卷校勘續記一卷……………	宋 歐陽澈撰	豫 章	五〇三
大隱居士集二卷……………	民 魏元曠撰		
委羽居士集一卷……………	民 胡思敬撰		
香山集十六卷……………	宋 鄧 深撰	宋人集	五三三
頤堂先生文集五卷……………	宋 左 緯撰	台州後集	五六三
	宋 王 灼撰	續金華	五七三
		續古逸	六三九

義豐集一卷附校勘記一卷

宋 王 阮 撰
豫 章 六七五

野處類稿二卷附集外詩一卷附校勘記二卷

宋 洪 邁 撰
豫 章 七〇五

新注朱淑貞斷腸詩集十卷補遺一卷後集七卷

宋 朱淑貞 撰
□ 鄭元佐 注
武 林 往 哲 七二九

wt94/05

平

卑

集

後學邵洽題





章安集

宋臨海楊蟠公濟

華蓋山

七山如北斗城鎖幾重重斗口向何處正當華蓋峯

春草池

寂寂綠巖畔相期無數人不知康樂後池草幾回春

西山

雲引踏青客尋山西出城始知圖畫上今日有人行

白雲嶺

白雲出山去搖曳或西東人住白雲下安然心已空

瑞鹿山

千年白鹿地今有佛樓臺昨日到山下銜花猶出來

章安集

五馬坊

相傳有五馬曾此立脚路人愛使君好換鷲非俗書

眾樂園

昨日折花者又隨蜂蝶來思量妨底事紅藥續還開

蓮花莊

會昌湖上客今已化為塵一束青芻奠空思如玉人

西堂

謝公何所憶白日看雲眠忽夢惠連弟遂得春草篇

海月堂

杳杳壁沈水亭亭珠在淵落潮流不去還向定中圓

翠幄軒

海榕樹倒出皮餘亦輪囷或問壽幾許千年爲一春

翠微亭

飛蓋出西郭正當新雨晴遙山已可數木落更分明

紅雲閣

重重風日透花氣滿池塘誰把紅雲比紅雲無此香

滄浪閣

萍實祇如斗練江都尉開水清當自鑑無爲濯纓來

冷翠閣

山杪一泉迸俯窺臨日屋明珠不待拾自濺入人來

章安集

放生池

悠然已更樂知是鼎中餘有海尙可往慎毋重見漁

南塘

出門日已晚棹短路何長賴有風相送荷花十里香

永嘉

一片繁華海上頭從來喚作小杭州水如棋局分街陌山

似屏幃繞畫樓是處有花迎我笑何時無月逐人游西湖

宴賞爭標日多少珠簾不下鉤

登孤嶼

把麾何所往海上有名山潮落魚堪拾雲低雁可攀一城
仙島外雙塔盡圖間當路誰知已天應賜我間

贈仰孝子

思親處慕隱西山竹屋蕭然月塢間有道自高塵世外無
心得共野雲閒姓名遠達邦符奏東甬榮沾帝澤頌不見
孝廉人已久東嘉今喜識曾顏

去郡後作

為官一十政宦游五十秋平生憶何處最憶是温州思遠
城南曲西岑古渡頭綠觴春送酒紅燭夜行舟不敢言遺
愛惟應念舊遊憑君將此句寄寫謝公樓 以上温州志

章安集

三

陪潤州裴如晦學士遊金山回作

世上蓬萊第幾洲長雲漠漠鳥飛愁海山亂點當軒出江
水中分繞檻流天遠樓臺橫北固夜深燈火見揚州回船
卻望金陵月獨倚牙旗坐上頭 宋文鑑

尊茶

休說江東日日寒到來且覓鑑湖船鶴生嫩頂浮新紫龍
脫香鬢帶舊涎玉割鱸魚迎刃滑香炊稻飯落匙圓歸期
不待秋風起漉酒調羹似去年 若溪漁隱語
話詩人玉屑

東岡隋真觀法師塔

東岡人不識野寺在樵漁落葉年年滿春風為掃除

楊梅塢

夏日紅相照天晴塢自開襄陽多稚子摘贈故人來

西溪

為愛西溪好長憂溪水窮山源春更落散入野田中

錢塘江上

一氣遶江色寥寥萬古清客心兼浪湧時事為湖生路轉

青山出沙空白鳥行幾年滄海夢吟罷獨含情 以上咸清
臨安志

時燕堂

在高郵州治東成樂園蟠為守時建
吏隱孟城九十旬豐年日日是佳辰賦成席上猶飛雪歌

動梁間已落塵此地誰為愛酒伴他時儻憶種花人五墮

章安集

四

芍藥齊教放何處揚州更覓春 高郵州志

練江亭

寒光萬頃淡高秋粉壁朱闌佇客愁晚日蕭蕭聞落葉晴
天歷歷數飛鷗煙橫絕島疎難掩月在平波瑩不流懷抱
未忘知有處且和風笛醉滄洲 丹陽縣志

石橋

金臺五百幾龍尊隱隱香山聖迹存方廣寺開無俗路優
曇花現有靈根一峯突岸臨天壁雙澗淙橋透石門今日
不將心洗盡更從何處覓真源 天台集

就食

未知田上勞徒厭鼎中味及與農事接方驚食者買余生
寡營求念此豈易致况敢懷寸祿平居但羞愧

除夕次東坡守歲韻

人生無百年誰問龜蛇容顏鏡水換老醜不可遮殷勤
守此歲來歲復如何南隣祭灶喧北里驅傩譁須臾罷無
爲但聽樓鼓搥明朝四十過暮景眞易斜初心自慷慨白
首還蹉跎寄語少年子雖強不足誇

春日南園

天淨鳥飛遠路幽花自香春風吹草木野水滿池塘事去
青山在人間白日長興來搔短髮微意久難忘

章安集

甘露上方

滄江萬景對朱欄白鳥羣飛去復還雲捧樓臺出天上風
飄鐘磬落人間銀河倒瀉分雙月錦水西來轉幾山今古
冥冥難借問且持玉爵破愁顏

湧金池

湧金春色晚吹落碧桃花一片何人得經流十萬家

三台詩錄

句

兩州城郭青煙起千里江山白鷺飛
海近雲濤驚夜夢天低月露濕朝衣
雲間鐵甕近青天縹緲飛蔓百尺連幾番畫角催紅日

事滄洲起白煙 輿地紀勝

永嘉雙蓮

昨日采蓮者雙雙橋畔新舊花今不見今見似花人 王栴溪集

章安集

宋史文苑傳楊蟠章安人 東都事畧同其地今在臨海東楊姓猶夥舉進士爲

密和二州推官蘇軾知杭州蟠通判州事多與倡酬 蘇集

楊公濟梅花詩二十首而楊詩已失傳 歐陽文忠有讀章安集詩云蘇梅久

作黃泉客我亦今爲白髮翁卧讀楊蟠一千首乞渠秋月

與春風嘗知温州有永嘉百韻罷歸寓西湖每乘月泛舟

使二婢以篋侑樽悠然忘返沈注贈詞云竹閣雲深巢居

人閒幾年湖上音塵寂風流今有使君家月明夜聞雙

笛 見泊又嘗提點廣東院治鑄錢碧落洞有題名 廣東志 後

知壽州卒藝文志載其集二十卷今佚就所見聞輯爲一

帙以存其概云爾

初冬同晤賢二師登映發亭望會稽

我有一林侶相邀步寒日超然人外游下見眾山出不葉
落已靜乾坤久蕭瑟浮雲當空翻慘慘百鳥沒欲辨越中
岸青煙易為失山川何寂寥宮闕猶彷彿誰是古來念
之難再述功名隨塵埃豈復有其骨今我一三子永為傲
時物篇章逢太平窈窕坐天末生理本無固願言從此畢
登臨望前人世事安敢忽

墨池懷古

書畫常聞晉右軍當時深遁樂天真空山寂寞人何在
一水泓澄墨尚新靈運也思輕印綬季鷹還解憶鱸尊高風
夏古應相照共是知幾此避身

憶越

蓬萊閣面對青山地上游人半是仙漁浦夕陽橫挂雨鑑
湖春浪倒垂天高城尚鎖當時月故殿空留幾處煙長愛
剡溪堪乘興雪中曾棹子猷船以上會稽
掇英集

秦王纜船石見宋
文鑑

色陰常帶雨疑是白雲根欲問東巡事今猶不敢言

巾子山

見咸清臨安志
一作金輪梵天院

首出羣山內晴窗幾處看不須風雨折開檻滿溪澗

巢居閣

見清祐
臨安志

昔日巢居客今為天上仙文章流海內几杖葬山前

孤山上同

曩曩雲中路滄波四面開詩人吟不得喚作小蓬萊

辟支塔

見咸清臨安志
州府志

佛心隨處見層出更分明不用催燈火天高月自生

陳朝檜

見咸清臨安志
一作柏堂

零落雪霜後猶舍千載春一株化為石誰是種時人

金沙井

見清祐
臨安志

細細沙痕落流金在井泉山人邀我飲化骨其為仙

連嵒棧上同

章安集

岌岌青松外安知鳥翼孤寒猿三叫罷便是蜀州圖

伏龍灘上同

靜久波濤散溪深湧亂絲悠悠山下客將見水停時

楓樹林

見咸清臨安志
一作楓木塢

太平雲外客行採老山中莫歎秋霜早君看世上楓

青截嶺

見清祐臨安志
一作青林嶺

鳥外無行迹寒林引薜蘿山中僧已老不信雪霜多

白沙泉

見夢
梁錄

不見泉來穴沙平落細聲夜高寒月漾銀漢太分明

韜光庵

見靈隱
寺志

寂寂階前草春深鹿自耕老僧垂白髮山下不知名

香林洞見清祐
隨安志

百年樵斧外留得掛寒猿不柰西溪水流香出洞門

天竺二峰同上
一作飛來峰

飛來天竺遠山秀已舍春不遇名僧識千年豈有神

龍泓洞同上

六月千里旱偷泉心亦卑不煩山老祝神物久無思

碼礮坡同上

石徑生光怪傳流碼礮坡天人曾布地此物至今多

北高峰見靈隱
寺志

章安集

九

杳杳孤峰上寒雲帶遠城不知山下雨奎斗自分明

呼猿澗見成化
杭州府志
一作呼猿洞

青松懸絕澗日夜白猿吟掌握多相就安知世上心

日雲峰見清祐
臨安志

萬頃田閒雨多從頂上生野人猶不足常擬鑿爲玉

九師堂見輿地
紀勝

易道已南矣清風今尚寒山人空再拜不識漢衣冠

朱野見清祐
臨安志
一作朱野

白雲今不去惆悵昔人非葉落風前響猶疑踏雪歸

葛塢同上

此塢久無色何年朝太真曉耕雲下路猶恐是仙民

石橋同上

突兀臨飛鳥溪僧慣往來雲山多樂處且入小天台

卧龍石同上

歲旱須神物皆疑石有名卧龍今不起長負澤邊情

理公窟同上

日月崑前鳥秋來不復聞達人今已化名繫此山雲

客兒亭見靈隱
寺志

昔日林閒興風流謝客兒春山花又發不見屐來時

東岡塔同上

章安集

十

東查人不識野寺在樵漁落葉年年滿春風爲掃除

靈石山見清祐
臨安志

石冷雲長掛林寒鳥未棲青松花自發不使後人迷

南高峰見靈隱
寺志
一作南高峰塔

日氣層層秀連山萬丈孤崖鬼天上影一半入江湖

樵歌嶺見清祐
臨安志

衣冠仁義少敢忽嶺邊人亦恐修榮達行歌自負薪

南屏山同上

日落遊人散山寒起樹聲玲瓏石上穴處處有雲生

長橋同上

皎皎冰壺裏天寒六月風水仙來往處三島忽相通

慈雲嶺上同

落日愁飛雨雲中一綫明西湖將盡處忽見大江橫

華嚴塔上同

石下有靈骨千年生玉芝山神每藏護不使世人知

保叔塔上同

寂寥千古事今日有誰登落日雲閒合空中露幾層

翠樾堂上同

野鳥久不去清風長迎人山閒豈有麻祇見四時春

章安集

十一

和契嵩禪師

零落東山老佛師古來獨往似君稀雪邊氣候春將破林

下神情句欲飛後日當尋慧遠社何人更贈大顛衣一篇

感發渾閑事須脫青衫動少微山游唱和詩

約冲晦宿東山禪寺精舍先寄

上人合動林閒興吾恨衰遲學謝安納屐操筇那有限吹

雲落雨漫無端先憑報信春枝破預想分題雪屋寒林下

不諳人世苦笑將雙鬢與君看

宿永安方丈書呈東山禪師

千年道在高僧傳未論詩人更有評曾著文章原大道獨

章安集

十一

推性命濟羣生白雲已鎖山閒寺流水空傳世上名林遠

不聞鐘磬作五更幽鳥轉春聲

和契嵩

數百招提隱亂峰蒼茫豈復辨君鐘春舍未得黃鸝報路

轉唯尋白鹿蹤庵在月邊長不鎖興來天外忽相逢山人

莫笑衣冠客亦有鴻來待賃春

游靈隱遇雨呈普慈及二詩翁

山老未容山客去故將雲陣鎖山門雨催晚色凝諸嶺雷

送春聲落後村今夜青林妨月上故人白首把詩論來朝

山水終瀾汎策杖相隨討澗源

和契嵩

山風亦會山人意卷盡天紛掃雪花明月當樓情已興碧
雲落紙句還佳天威忽霽應通物仙侶相便合姓麻羣動
已消林木響卧看星斗隔窻紗

早過天竺呈明智及同游二老

雨夜靈峰卧竹牀平明屐齒到雲堂門前雨過新溪滿石
上風回舊草香山抱鐘聲圓不散雪鋪瓦面冷無光理公
莫怪詩相惱今日偕行總姓湯

和契嵩南澗游戲

湖南一歎清風發林下重來白日長雲遠石深連鷺嶺水
寒沙淺似魚梁漫因野老詢前事閑伴幽人擷翠芳更欲
窮源情未已知君嘆我索歸牀

游天竺上寺呈東山仲靈冲晦

入林已忻猿鳥樂共傲浮生勝大還身外是非雲不繫社
中留戀雨相關籃輿寂寞愧彭澤挂杖風流肖德山寄語
葛洪巖下水莫流清夢落人間

和契嵩游天竺

不問猿厓鳥道深攜筇著屐伴君尋山中桂子驚寒夜雪
後梅花逼歲陰欲住更逢青眼顧相看須盡白頭吟他年
若續高僧傳未放湯休與道林

宿天竺再贈東山禪師與冲晦

仲靈述作慙知已冲晦篇章竊賞音勝侶俱恬山水樂神
交已過雪霜深燈前自笑平生事雨後重論一夜心相檢
莫教詩閒斷更闌同聽夜猿吟

宿天竺寺賦聞泉呈二老

我有泉中興平生愛水經山空時泱泱夜靜轉泠泠暗脈
來湍急清聲出混冥月寒風不響高枕與君聽

和契嵩送出山兼簡駐泊李思文

臘後東風掃翠微同看芳柳破春機三宵聽水都無夢四
日登山未肯歸野老止憑雲送客家人應笑雨沾衣君詩

兼簡佳公子只恐夔傾一夜飛

山游歸遇雨呈仲靈冲晦

九里松門雪過時籃輿裊裊礙松枝雨留宿客還斜落風
送行人亦倒吹華表忽驚黃鶴返耳中猶帶白猿悲來朝
弗著登山屐可避君呼謝客兒

山中回憶東山老

山游興發特尋君屐齒筇枝繞四鄰峰北看雲忘世務澗
南聽水得天真名高寂寞存僧史林下風流似晉人何日
枇杷苦筍熟却游未減去年春

和契嵩

章安集

十三

章安集

十四

幾夕論詩坐石窗憐君百首妙無雙句牽野興侵孤月惱
亂詞源湧大江數紙忽然來竺嶺千年猶可照吳邦相思
未免還相挑莫監旂幡卻詐降

和契嵩

猿聲未落鳥聲愁筍發花開澗水流還對春風驚節物漫
思野老傍林邱古人得道多深隱賢守知名貴早收林下
頻過君莫怪自看骨相匪封侯

和契嵩歲暮還西塢

聞說西庵好藤州恐不歸延年松可養避世草堪衣山鳴
雪應滾林端梅亦稀猶憐二禪老佳句及城扉

章安集

十五

寄東山禪師

高卧西林月孤閒獨見君杖藜探澗水敲枕看山雲鹿過
何人見猿啼只自聞篇章知幾首寄我莫辭勤

雪夜登湧金樓遠望西山憶仲靈灑然有邁世之風因

思山陰王徽之雪夜獨酌四望皎然徘徊詠左太冲

招隱詩忽憶戴逵扁舟乘興余恨未能遂往聊寄此

詩

家占西湖島上雲雪光月色更侵魂興來爛漫心空老詩
罷蒼茫眼正昏晉國衣冠何處覓梁朝殿閣儼猶存思君
不及山陰夜遙望青松聽雪猿

寄勉冲晦速和拙作

冲晦僧儒詩者豪尤憐頰汝壯方袍一千篇興時無敵三
十年功格最高白髮逢春今更勇清吟徹老莫辭勞何朝
始肯將珠玉卻報仙人換木桃

和契嵩

林扉厭聽雨聲頻爲惜春風只九旬裏撲山花將放杏侵
尋歲月已過人何時好去游南澗每夜空來望北辰愁坐
更無車馬客獨憐詩筆漫相親

章安集

十六

伊集川擊子壤
集十卷

康有為



本文宜
校靖秋
刊書館
院據
刊明

欽定四庫全書總目卷一百五十三

擊壤集二十卷 河內巡撫
採進

宋邵子撰前有治平丙午自序後有元祐辛卯
邗怨序晁公武讀書志云雍窳於易數歌詩蓋
其餘事亦頗切理案自班固作詠史詩始兆論
宗東方朔作誡子詩始涉理路沿及北宋鄙唐
人之不知道於是以論理為本以修詞為末而
詩格於是乎大變此集其尤著者也朱國禎湧
幢小品曰佛語衍為寒山詩儒語衍為擊壤集
此聖人平易近人覺世喚醒之妙用是亦一說

擊壤總目

一宜秋節

然北宋自嘉祐以前厭五季佻薄之弊事事反
樸還淳其人品率以光明豁達為宗其文章亦
以平實坦易為主故一時作者往往衍長慶餘
風王禹偁詩所謂本與樂天為後進敢期杜甫
是前身者是也邵子之詩其源亦出白居易而
晚年絕意世事不復以文字為長意所欲言自
抒胸臆原脫然於詩法之外毀之者務以聲律
繩之固所謂謬傷海鳥橫斥山木譽之者以為
風雅正傳莊景諸人轉相摹仿如所謂送我一
壺陶靖節還他兩首邵堯夫者少為刻畫無鹽

唐突西子失邵子之所以為詩矣況邵子之詩

不過不苦吟以求工亦非以工為厲禁如邵伯

温聞見前錄所載安樂窩詩日半記不記夢覺

後似愁無愁情倦時擁衾側臥未欲起簾外落

花撩亂飛此雖置之江西派中有何不可而明

人乃惟以鄙俚相高又烏知邵子哉集為邵子

所自編而楊時龜山語錄所稱須信畫前原有

易自從刪後更無詩一聯集中乃無之知其隨

手散佚不復收拾真為寄意於詩而非刻意於

詩者矣又案邵子抱道自高蓋亦顏子陋巷之

擊壤總目

二宜秋節

志而黃冠者流以其先天之學出於華山道士

陳搏又恬淡自怡迹似黃老遂以是集編入道

藏太元部賤字體字二號中殊為誕妄今併附

辨於此使異教無得牽附焉

伊川擊壤集序

擊壤集伊川翁自樂之詩也非唯自樂又能樂時與萬物之自得也伊川翁曰子夏謂詩者志之所之也在心為志發言為詩情動於中而形於言聲成其文而謂之音是知懷其時則謂之志感其物則謂之情發其志則謂之言揚其情則謂之聲言成章則謂之詩聲成文則謂之音然後聞其詩聽其音則人之志情可知之矣且情有七其要在二二謂身也時也謂身則一身之休感也謂時則一時之否泰也一身之休感則不過貧富貴賤而已一時之否泰則在夫興

擊壤序

一宜秋館

廢治亂者焉是以仲尼刪詩十去其九諸侯千有餘國風取十五西周十有二王雅取其六蓋垂訓之道善惡明著者存焉耳近世詩人窮感則職于怨慙榮達則專于淫洗身之休感發于喜怒時之否泰出于愛惡殊不以天下大義而為言者故其詩大率溺于情好也噫情之溺人也甚于水古者謂水能載舟亦能覆舟是覆載在水也不在人也載則為利覆則為害是利害在人也不在水也不知覆載能使人有利害邪利害能使人有覆載邪二者之間必有處焉就如人能蹈水非水能蹈人也然而有稱善蹈者未始

不為水之所害也若外利而蹈水則水之情亦由人之情也若內利而蹈水則敗壞之患立至於前又何必分乎人焉水焉其傷性害命一也性者道之形體也性傷則道亦從之矣心者性之郭郭也心傷則性亦從之矣身者心之區宇也身傷則心亦從之矣物者身之舟車也物傷則身亦從之矣是知以道觀性以性觀心以心觀身以身觀物治則治矣然猶未離乎害者也不若以道觀道以性觀性以心觀心以身觀身以物觀物則雖欲相傷其可得乎若然則以家觀家以國觀國以天下觀天下亦從而可知之矣予

擊壤序

二

自壯歲業于儒術謂人世之樂何嘗有萬之一二而謂名教之樂固有萬萬焉況觀物之樂復有萬萬者焉雖死生榮辱轉戰于前曾未入于胷中則何異四時風花雪月一過乎眼也誠為能以物觀物而兩不相傷者焉蓋其間情累都忘去爾所未忘者獨有詩在焉然而雖曰未忘其實亦若忘之矣何者謂其所作異乎人之所作也所作不限聲律不沿愛惡不立固必不希名譽如鑑之應形如鐘之應聲其或經道之餘因閑觀時因靜照物因時起志因物寓言因志發詠因言成詩因詠成聲因詩成音是故哀而未嘗

傷樂而未嘗淫雖曰吟詠情性曾何累于性情哉鐘鼓樂也玉帛禮也與其嗜鐘鼓玉帛則斯言也不能無陋矣必欲廢鐘鼓玉帛則其如禮樂何人謂風雅之道行于古而不行于今殆非通論牽于一身而為言者也吁獨不念天下為善者少害善者多造危者眾而持危者寡志士在畎畝則以畎畝言故其詩名之曰伊川擊壤集時有宋治平丙午中秋日也

康節先生伊川擊壤集後序

聖人不作而士溺於成俗忽不自知日入於卑近有能奮然拔起追古人於數千百年之上獨與之為徒者傳所謂豪傑之士康節先生是已先生之學以先天地為宗以皇極經世為業揭而為圖萃而成書其論世尚友乃直以堯舜之事而為之師其發為文章者蓋特先生之遺餘至其形於詠歌聲而成詩者則又其文章之餘皆德人之言鬱於中而著於外故其所摭者近而所託者遠為體小而推類大其始感發於性情之間乃若自幸生天下無事飢而食寒而衣

不知帝力之何有於我陶然有以自樂而其極乃斲於身堯舜之民而寄意於唐虞之際此先生所以自名其集曰擊壤也余嘗讀阮籍陶潛詩愛其平易渾厚氣全而致遠二人之學固非先生比然皆志趣高邈不為時俗所汨沒事物所侵亂其胷中所守者完且固則其為詩不煩於繩削而自工又況於正聲大雅之什不為陶阮者乎先生其狀退然其氣和與人

不為崖異初若可親既而莫不起敬終以屈服豈所謂德全之人哉其詩如璞玉如良金溫粹精明而不見其廉隅鋒穎如其為人渾渾浩浩簡易較直薰然

天和不名一體足以想見乎堯舜之時其行己立言若使遭遇其時摭發其蘊則雖致其君為堯舜疑不難而道不小行人不易知故華門環堵卒老於伊洛之間而行誼信天下名聲動京師朝廷始以為試將作監主簿既又為潁州團練推官而以疾辭不起已而道益尊稱益顯賢士大夫往來過洛者必造其廬居守河南尹而下莫不親禮之願見其顏色聆其語言四方英才好學之士皆願質疑請益而受業焉其歿也守臣以為言詔贈秘書省著作郎加贈粟帛久之韓獻肅公守洛又為之請謚於朝奏下太常賜謚

擊壤序

二宜 秋 備

康節蓋自本朝有天下百四十年間隱逸處士名行始卒完具無玷缺而朝廷旌命及存歿賻恤贈謚無一或闕愈久而愈光者先生一人而已恕嘗從先生學而奉親從仕南北未之卒業然於講聞其文章而次第其本末則或能之其子伯溫哀類先生之詩凡若干篇先生固嘗自為序矣又屬恕以序其後義可辭乎元祐六年辛未夏六月甲子十有三日原武邢恕序

予家食時手錄康節先生首尾吟二十餘首讀之怵然自得及登進士於監察御史晉陽王濬家得擊壤集二冊乃知先生所作不止首尾吟而首尾吟又不止予所錄也每欲壽諸梓而未暇及後尹應天始克刊行以廣其傳及進今職致政特取此板回洛意此集乃先生隱洛時所著置之於洛以為先生故物耳已而郡守桂林劉公尙文勗建先生安樂窩書院復訪先生是集而梓行之遂以此板授焉其間殘缺者劉公洗補之為全集云庚子歲副都御史洛人畢亨題

擊壤序

二宜 秋 備

伊川擊壤集目錄

卷一

觀棊大吟 過温寄鞏縣宰吳祕丞皇祐元年

新居成呈劉君玉殿院 寄謝三城太守韓子

華舍人 依韻和張元伯職方歲除嘉祐元年 謝

鄭守王密學惠酒 小園逢春 和張二少卿

丈白菊 生男吟嘉祐二年 閑吟四首 和張少

卿丈再到河陽 高竹八首

卷二

秋日飲鄭州宋園示管城簿周正叔 重陽日

擊壤目錄 二首 秋 節

再到共城百源故居 過陝嘉祐三年 題黃河

過潼關 題華山 宿華清宮 登朝元閣

長安道中作 題留侯廟 題淮陰侯廟十首

鳳州郡樓上書所見 自鳳州還至秦川驛

寄守倅薛姚二君 謝西臺張元伯雪中送詩

送猗氏張主簿 新正吟嘉祐五年 春遊五首

竹庭睡起 秋遊六首 秋日卽事 商山

道中作 和商洛章子厚長官早梅 商山旅

中作 和商守宋郎中早梅 和人放懷 和

商守登樓看雪 和商守西樓雪霽 和商守

雪殘登樓 和商守 雪霽對月 和商守雪

霽登樓 旅中歲除 和商守新歲嘉祐六年 追

和王常侍登郡樓望山 題四皓廟四首 謝

商守宋郎中寄到天柱山戶帖仍依元韻 寄

商守宋郎中 小園睡起 遊山三首 二色

桃 登山臨水吟 謝富丞相招出仕二首

答人語名教 送王伯初學士赴北京機宜

卷三

賀人致政 初秋 偶書 傷足 閑行 晨

起 月夜 盆池 遊山二首 龍門道中作

擊壤目錄 二首

名利吟 三十年吟 答人放言 遊洛川

初出厚載門 宿延秋庄 宿壽安西寺 過

永濟橋二首 至福昌縣作 燕堂卽事 上

寺看南山 縣尉解宇蓮池 女兒祠 故連

昌宮 川上懷舊 燕堂暑飲 燕堂閑坐

立秋日川上作 辯熊耳 登女兒 川上南

望伊川 牧童 夢中吟三鄉道中作 秋懷三十

六首 和陝令張師柔石柱村詩 放言

卷四

天津新居成謝府尹王君貺尙書嘉祐七年 新春

卷五

擊壤自錄

三

吟 有客吟 小圃逢春 暮春吟 惜芳菲

答人見寄 弄筆 問人丐酒 答客 悟

人一言 謝人惠筆 書事吟 雙頭蓮 答

人書意 答人書言 答人書 與人話舊

閑吟 閑坐吟 天津閑步 天津幽居 天

津水聲 不寢 天宮小閣 聽琴 天津感

事二十六首 誠明吟 繩水吟 辛酸吟

言默吟 閑居述事 天宮小閣納涼 天宮

幽居卽事 遊龍門 重遊洛川 川上觀魚

後園卽事三首 嘉祐八年 觀棋長吟 秋日登崇

德閣二首 秋日飲後晚歸 寄陝守祖擇之

舍人 哭張元伯職方 哭張師柔長官 和

登封裴寺丞翰見寄 治平三年 何事吟寄三城富

相公 代書寄友人 訪姚輔周郎中月陝西

園 依韻謝登封劉李裴三君見約遊山 登

嵩頂 登封縣宇觀少室 山中寄登封令

歸洛寄鄭州祖擇之龍圖 和祖龍圖見寄

緣飾吟 白况三首 偶書 代書寄商洛令

陳成伯 治平丁未仲秋遊伊洛二川六日晚

出洛城西門宿奉親僧舍聽張道人彈琴 七

日遡洛夜宿延秋莊上 八月渡洛登南山觀

噴玉泉會壽安縣張趙尹三君同遊 九日登

壽安縣錦嶂山下宿邑中 十日西過永濟橋

唐橋 過宜陽城二首 十一日福昌會雨

依韻和壽安尹尉有寄 十二日同福昌令王

贊善遊龍潭 潭在南山去 十三日遊上寺 在

北及黃澗 西在縣 十四日留題福昌縣宇之東

軒 十五日別福昌因有所感 是夕宿至錦

嶂山下 十六日依韻酬福昌令有寄 十七

擊壤自錄

四

日錦嶂山下謝城中張孫二君惠茶 壽安縣

晚望 十八日逾牽羊坂南達伊川墳上 思

程氏父子兄弟因以寄之 十九日歸洛城路

遊龍門 留題龍門 龍門石樓看伊川 二

十日到城中見交舊 二十二日晚步天津次

日有詩 二十五日依韻和左藏吳傳正寺丞

見贈 二十九日依韻和洛陽陸剛叔主簿見

贈

卷六

代書寄劔州普安令周士彥屯田 又一絕

和趙充德祕丞見贈 和王不疑郎中見贈

和魏教授見贈 和吳冲卿省副見贈 和孫

傳師祕教見贈 依韻和陳成伯著作長壽雪

會 依韻和陳成伯著作史館園會上作 和

夔峽張憲白帝城懷古 閒適吟熙寧元年 桃李

吟 傷心行 傷二舍弟無疾而化 又一首

又一絕 聽杜鵑思亡弟 書亡弟殯所

南園南晚步思亡弟 自憫 戊申自貽 代

書寄北海幕趙充道太博熙寧二年 依韻和王不

疑少卿見贈 仁者吟 東軒消梅初開勸客

擊壤目錄

五

酒二首 清風長吟 垂柳長吟 花落長吟

芳艸長吟 春水長吟 花月長吟 同府

尹李給事遊上清宮 乞笛竹裁於李少保宅

思山吟 恨月吟 愁花吟 和張子望洛

城觀花 落花短吟 芳草短吟 垂柳短吟

春水短吟 清風短吟 暮春寄李審言龍

圖 初夏閒吟 代書答開封府推官姚輔周

郎中

卷七

代書寄濠倅張都官 詔三下答鄉人不起之

意 和王安之少卿韻 依韻和劉職方見贈

代書謝王勝之學士寄萊石茶酒器 崇德

閣下答諸公不語禪 天宮小閣倚欄 代書

寄華山雲臺觀武道士 代書寄長安幕張文

通 和人聞韓魏公出鎮永興過洛 代書寄

白波張景真輦運 代書寄鄞江知縣張太博

先幾吟 秋暮西軒 天津閒步 寄和長

安張強二機宜 代書答淮南憲張司封 偶

得吟 代書寄友人 風吹木葉吟熙寧三年 閒

行吟 對花飲 春盡後園閒步 代書寄吳

擊壤目錄

六

傳正寺丞 洛下園池 夢過城東謁洛陽尉

楊應之 代書寄前洛陽簿陸剛叔祕校 答

人乞碧蘆 逍遙吟 偶得吟 每度過東隣

每度過東街 君子與人交 唯天有二氣

無客迴天意 放小魚 依韻和田大卿見

贈 乞笛竹 依韻和王不疑少卿招飲 再

和王不疑少卿見贈 依韻和三王少卿同過

弊廬安之不疑中 代書寄南陽太守呂獻可諫議

寄吳傳正寺丞 寄前洛陽簿陸剛叔祕校

依韻和淮南憲張司封 重陽前一日作

重九日登石閣三首 依韻答友人 偶見吟
無題吟 無酒吟 讀陶淵明歸去來
卷八

訪南園張氏昆仲因而留宿 和王安之少卿
同遊龍門 歸城中再用前韻 又一首 和
人留題張相公庵 代書可程正叔 歲暮自
貽 歡喜吟熙寧四年 寄李宗真太博 感事吟
寄亳州秦伯鎮兵部 別寄一首 思故人
謝王平甫教授賞花處惠茶仍和元韻 南
園賞花 獨賞牡丹 問春 安樂窩中自貽
擊壤目錄 七
花前勸酒 書皇極經世後 履道會飲
思鄭州陳知默因感其化去不得一識面 謝
城南張氏四兄弟冒雪載餽酒見過 大寒吟
和李審言龍圖大雪 小車行 依韻和浙
憲任度支 和宋都官乞梅熙寧五年 東軒黃紅
二梅正開坐上書呈友人 和任比部憶梅
垂柳 至靈吟 人鬼吟 生平與人交 知
識吟 偶書吟 思患吟 寄三城王宣徽二
首 仁聖吟 和邢和叔學士見別 擊壤吟
春去吟 南園花竹 再答王宣徽 又

蒼蒼吟寄答曹州李審言龍圖 林下五吟
安樂窩中自訟吟 和君實端明花庵二首
卷九

六十二吟 林下局事吟 依韻和吳傳正寺
丞見寄 延福坊李太博乞園池詩 金玉吟
夏日南園 謝甯寺丞惠希夷罇 和君實
端明花庵獨坐 依韻和宋都官惠樓拂子
同王勝之學士轉運賞西園芍藥 戲謝富相
公惠斑笋三首 答李希淳屯田 管錢 種
穀吟 和君實端明見贈 秋夜 平日遊園
擊壤目錄 八
常策筇杖秋豕發篋復出貂褥二物皆景仁所
貺睹物思人斐然成詩 雲 閑來 花庵多
牽牛清晨始開日出已瘁花雖甚美而不能留
賞 和秋夜 和貂褥筇杖二物皆范景仁所
惠 和雲 和閑來 和花庵上牽牛花 寄
三城舊友衛比部二絕 秋日登石閣 和李
審言龍圖行次龍門見寄 風月吟 贈富公
弄筆吟 招司馬君實遊夏圃 秋日雨霽
閑望 四小吟簡陳李常 樂樂吟 誠子吟
聞少華崩 自古吟 代書寄祖龍圖 寒

夜吟 知幸吟 趨嚮 不可知吟 事急吟

知人吟 言語吟 思患吟 人生一世吟

謝人惠石筍 奉和十月二十四日初見雪

呈相國元老 和相國元老 天津看雪代簡

謝蔣秀才還詩卷 安樂窩中看雪 答富韓

公見示正旦四絕熙寧六年 和君實端明 安樂

窩中四長吟 安樂窩中詩一編 安樂窩中

一部書 安樂窩中一炷香 安樂窩中酒一

樽 謝富相公見示新詩一軸 安樂窩中好

打乖吟 和君實端明登石閣 和君實端明

副酒之什 對花吟 依韻寄成都李希淳屯

擊壤目錄

九

田 代書寄廣信李遵度承制 自和打乖吟

卷十

年老逢春十三首 和司馬君實崇德久待不

至 別兩絕 春日登石閣 六十三吟 感

事吟 偶書 偶得吟 太和湯吟 洗竹

天意吟 代書戲祖龍圖 把酒 對花熙寧七年

四道吟 林下吟 春陰 囑花吟 懶起

吟 感事吟 三惑 四喜 何如吟 問春

吟 樓上寄友人 所失吟 插花吟 閑居

吟 依韻和張子堅太傅 還鞠十二著作見

示共成詩卷 藥物吟 喜春吟 暮春吟

和王中美大卿致政二首 和北京王郎中見

訪留詩 喜樂吟 歡喜吟 天道吟 一室

吟 依韻和君實端明洛濱獨步 雨後天津

獨步 春色 太平吟 禁煙留題錦嶺山下

四首 兩歲錦嶺之遊不克見鄭令因以寄之

東軒前添色牡丹一株開二十四枝成二絕

呈諸公 花時阻雨不出 安樂窩中吟 食

梨 依韻答王安之少卿

擊壤目錄

十一

卷十一

上巳觀花思友人 戲呈王郎中 流鶯吟

善賞花吟 善飲酒吟 省事吟 一春吟

舉世吟 春水吟 春雨吟 可惜吟 簪花

吟 春去吟 和大尹李君錫龍圖留別詩

答李希淳屯田三首 箋年老逢春詩 謝彥

國相公和詩用醉和風雨夜深歸 謝君實端

明用只將花卉記冬春 謝君貺宣徽用少微

今已應星文 謝安之少卿用始知安是道梯

階 謝開叔司封用無事無求得最多 謝伯

淳察院用先生不是打乖人 自謝用此樂直
從天外來 別謝彥國相公三首 別謝君實
端明 大字吟 教子吟 臂痛吟 世上吟
逸書吟 旋風吟二首 又二首 頭風吟
答客吟 老去吟 依韻和王安之判監少
卿 曉事吟 鮮歡吟 病起吟 半醉吟
覽照吟 人壽吟 年老吟 古琴吟 求信
吟 蝸蛇吟 自在吟 心安吟 論詩吟
爲善吟 卽事吟 偶得吟 靜坐吟 靜樂
吟 男子吟 望雨 思義吟 金帛吟 盜

擊壤目錄

三

卷十二

夢中 日中 月到梧桐上吟 步月吟 偶
得吟 答人吟 寄曹州李審言龍圖 清夜
吟 思聖吟 君子吟 安分吟 感事吟
登石閣吟 憶昔吟 可必吟 恍惚吟 謝
君實端明詩 好勇吟 莫如吟 里閑吟
思友吟 忠信吟 代簡答張淳秘校 代簡

謝尹處初先生 代簡謝王茂直惠酒及川膠

寄壽安令溥尉諸君 人情吟 因何吟

天聽吟 白頭吟 天意吟 謝壽安縣惠神

林山牒 依韻和王安之少卿見戲安之非是

棄堯夫吟 小車吟 晚步吟 接花吟 答

任開叔郎中昆仲相訪 小春天 深秋吟

中秋吟 同程郎中父子月陂上閑步吟 秋

望吟 閑適吟 觀陳希夷先生真及墨跡

答君實端明遊壽安神林 杏香花 天津晚

步 歡喜吟 自作真贊 奢侈吟 多多吟

擊壤目錄

三

畏愛吟 秋閣 浮生吟 力外吟 謝傅

欽之學士見訪 賞雪吟 答傅欽之 月陂

閑步 仲尼吟 謝圓益上人惠詩一卷 自

述二首 答會計杜孝錫寺丞見贈

卷十三

天津弊居蒙諸公共爲成買作詩以謝 同諸

友城南張園賞梅十首 二首和長水李令子真韻 答人

依韻和君實端明惠酒 謝壽安簿寄錦岬山

下所失剪刀 謝君實端明惠山蔬八品 謝

君實端明惠牡丹 謝判府王宣徽惠酒 和

君實端明洛陽看花 和君實端明送酒 暮
 春吟 依韻和鎮戎伴龔章屯田 安樂窩銘
 愁恨吟 悲喜吟 善惡吟 所學吟 君
 子行 思省吟 梁鸞吟 鄒田二忌 孫龐
 二將 一言惑人 四公子吟 淳于髡酒諫
 東海有大魚 土木偶人 辯謗吟 三皇
 吟 五帝 三王 五伯 七國 掃地吟
 天人吟 利害吟 時吟 二說吟 言行吟
 治亂吟 太平吟 商君吟 能懷天下心
 始皇吟 有妄吟 乾坤吟 皇極經世一
 擊壤目錄 三

元吟 應龍吟 何處是仙鄉 謝朱推官惠
 白牛 依韻和王之少卿六老詩仍見率成七
 依韻和張靜之少卿惠文房三物 依韻和
 王安之少卿謝富相公詩 安樂窩前蒲柳吟
 瓮牖吟 人生長有兩般愁 白詠 中秋
 月 小車吟 晝夢 晚步洛河灘 和李文
 思早秋五首 堯夫何所有 長憶乍能言
 答友人 獨坐吟 又 意未萌于心 自適
 吟 老翁吟 鐵如意吟 道裝吟 四者吟
 偶得吟 四事吟

卷十四

偶書 五勝之諫議見惠文房四寶內有巨硯
 尤佳因以謝之 再用晴窗氣暖墨花春謝王
 勝之諫議惠金雀硯 題范忠獻公真 觀物
 吟 對花吟 義利吟 代簡謝朱殿直贈長
 韻詩 試筆 試硯 問調鼎 讀古詩 蠹
 書魚 歲儉吟 極論 求鑑吟 學佛吟
 霜露吟 天命吟 性情 心跡吟 觀物吟
 思慮吟 代書答朝中舊友 冬不出吟
 觀物 家國吟 邪正吟 義利吟 天時吟
 擊壤目錄 古

思義吟 閑步吟 坐右吟 感雪吟 六
 十五歲新正自貽熙寧八年 小車六言吟 安樂
 吟 養牖吟 盆池吟 小車吟 大筆吟

卷十五

觀易吟 觀書吟 觀詩吟 觀春秋 觀三
 皇吟 觀五帝吟 觀三王吟 觀五伯吟
 觀七國吟 觀嬴秦吟 觀兩漢吟 觀三國
 吟 觀西晉吟 觀十六國吟 觀南北朝吟
 觀隋朝吟 觀有唐吟 觀五代吟 觀盛
 化吟 喜老吟 瞻禮孔子吟 還圓益上人

詩卷 天人吟 錦幘春吟 樂春吟 觀物吟四首 人貴有精神吟 義利吟 小車初出吟 府尹王宣徽席上作 春暮答人吟 天津聞樂吟 春暮吟 自問二首 和成都俞公達運使見寄 吳越吟二首 屬事吟 興亡吟 文武吟 善惡吟 責己吟 無疾吟 四者吟 恩怨吟 秦川吟二首 和絳守王仲賢郎中 日月吟 水旱吟 老去吟 人事吟 不同吟 貪義吟 月新吟 和內鄉李師甫長官見寄 內鄉天春亭 內鄉

擊壤目錄

五

卷十六

兼隱亭 李少卿見招代往吟 病酒吟 爭讓吟 謝王諫議見思吟 依韻和任司封見寄吟 齊鄭吟 代書寄呂庫部 和王安之少卿雨後 和和承制見贈 清和吟 異同吟 卽事吟 觀物吟 對酒吟 秋懷吟 和王安之少卿秋遊 和王安之同赴府尹王宣徽洛社秋會 負河陽河清濟源三處之約以

詩愧謝之韓持國傳欽 依韻和王安之少卿

秋約吟 長子伯温失解以詩示之 歲暮自

貽吟 君子飲酒吟 讀張子房傳吟 觀物

吟二首熙寧九年 治亂吟五首 三十年吟 有

病吟 對花吟 自述 去事吟 策杖吟

不願吟 量力吟 戲答友人吟 偶得吟

觀事吟 觀物吟 金玉吟 風霜吟 上下

吟 吾廬吟 漣河上觀杏花回 娶妻吟

好事吟 不再吟 毛頭吟 六得吟 盛衰

吟 富貴吟 無妄吟 善惡吟 春日園中

擊壤目錄

六

吟 解字吟 感事吟 窮達吟 宇宙吟

久旱吟 成性吟 路徑吟 大人吟 先天

吟示那和叔 感事吟 浩歌吟 利名吟

凭高吟 意盡吟 又浩歌吟二首 温良吟

君子吟 先天吟 爽口吟 至誠吟 書

事吟 答甯秀才求詩吟 詩酒吟 白頭吟

卷十七

知音吟 人物吟 偶得吟 觀物吟 戰國吟 感事吟 又五首 履道吟 見義吟 觀物吟

王公吟 自詠吟 觀物吟 能寐吟 鷓鴣吟
吟二首 先天吟 自樂吟 民情吟 牡丹吟
吟 代書吟 病淺吟 借出詩 無苦吟
萬物吟 月窟吟 大象吟 百病吟 小車吟
擊壤吟 留題水北楊郎中園亭二首
秋盡吟 不肖吟 君子吟 小人吟 把手吟
大易吟 罷吟吟 黃金吟 鷓鴣吟
閒中吟 蒼蒼吟 團圓吟 代書吟 失詩吟
不去吟 經世吟 知人吟 言行吟
光陰吟 舉酒吟 酒少吟 觀棊絕句 老
去吟 亂石吟 未有吟 誠子吟 胡越吟
善處吟 百年吟 歲杪吟 觀棊小吟
又借出詩 和王規甫司勳見贈 答友人勸
酒吟

卷十八

冬至吟 盃盤吟 歡喜吟 善人吟 議論吟
推誠吟 堯夫吟 意外吟 當斷吟
憂夢吟 人情吟 人事吟 師資吟 天人吟
樂毅吟 十分吟 生日吟祥符辛亥十月二十五日
誠子吟 有常吟 歲暮吟 春天吟

庶幾吟 人物吟 詫嗟吟 左衽吟 教勸吟
不善吟 多事吟 處身吟 觀性吟
觀物吟 答和吳傳正贊善二首并寄高陽王十三機宜
是非吟 洗心吟 見物吟 力穡吟 六
十六歲吟 寬猛吟 小道吟 得失吟 薰
蕕吟 好惡吟 歲暮吟 安分吟 詩畫吟
詩史吟 演繹吟 史畫吟 好勝吟 治
心吟 吾廬吟 人靈吟 過眼吟 笑來吟
內外吟 名利吟 名實吟 性情吟 丁
寧吟 疑信吟 治亂吟 有時吟 忠厚吟
窮冬吟 知非吟 冬至吟 頭白頭 談
詩吟 繩水吟 刑名吟 陰陽吟 人事吟
內外吟 盛衰吟 死生吟 生日吟 時
事吟 不知吟 水火吟 中原吟 喜飲吟
所感吟 行止吟 太平吟 探春吟 不
出吟

卷十九

不善吟 不同吟 得失吟 痛矣吟 歲除
筆興吟熙寧十年 影論吟 憂喜吟 窺開吟
喜飲吟 貴賤吟 措處吟 費力吟 不

老吟 代書寄陳章屯田 長短吟 迷悟吟
正性吟 幽明吟 無覩吟 事體吟 自
餘吟 四可吟 四不可吟 賃屋吟 小人
覽照 有病 二月吟 三月吟 一等吟
萬物吟 洛陽春吟 自貽吟 落花吟
春暮吟 泉布吟 牡丹吟 和鳳翔橫渠張
子厚學士亡後 自處吟 爲人吟 先天吟
中和吟 四賢吟 年老吟 天地吟 至
論吟 人玉吟 詐者吟 飲酒吟 樂物吟
和王安之小園五題 野軒 汗亭 藥軒
晚暉亭 觀物吟 晝睡 進退吟 爲客
吟 攝生吟 病中吟 重病吟 天人吟
疾革吟 聽天吟 得一吟 答客問病 病
亟吟

卷二十

首尾吟 一百三十五首

擊壤集目錄

伊川擊壤集卷一

伊川邵雍堯夫

觀棊大吟

人有精游藝子嘗觀奕棊算餘知造化著外見幾微
好勝心無已爭先意不低當人盡賓主對面如蠻夷
財利激于衷喜怒見于頰生殺在于手與奪指于頤
戾不殊冰炭和不伴填筦義不及朋友情不通夫妻
珠玉出懷袖龍蛇走肝脾金湯起樽俎劍戟交幟幃
白晝役鬼神平地蟠蛟螭空江響雷電陸海誅鯨鯢
寒暑同舒慘昏明共蔽虧山河璨輿地星斗會璇璣

擊壤一

一頁

因觀輸贏勢翻驚寵辱躐高卑易裁制返覆難拘羈
心跡既一判利害不兩提卷舒當要會取舍在須斯
智者傷于詐信者失于推真偽之相雜名實之都隳
得者失之本福者禍之梯乾坤支作訟離坎變成睽
弧矢相凌犯言辭共詆欺何嘗無勝負未始絕興衰
前日之所是今日之或非今日之所強明日之或贏
以古觀後世終天露端倪以今觀往昔何止乎庖犧
堯舜行揖讓四凶猶起越湯武援干戈二老誠有譏
雖皋陶陳謨而伊周獻規曾未免矣夫療骨而傷肌
仁為名所敗義為利所擠治亂不自己因革徒從宜

與賢不與子賢愚生瑕玼與子不與賢子孫生瘡痍

或苗民逆命或有扈阻威或羿浞起釁或管蔡造疑

或商人征葛或周人乘黎或鳴條振旅或牧野奉旗

灼見夏臺日會照升自陟安知美里月不照逾孟師

厲王奔于彘幽王死于驪平王遷于洛赧王敗于伊

或盟于召陵或會于黃池或戰于長岸或弑于乾谿

或入于鄢郢或棲于會稽或屠其大梁或入于臨淄

五霸共吞噬七雄相鞭笞秦滅六國楚漢決雄雌

天盡于有日地極于無涯遐邇都包括縱橫悉指揮

井田方奕奕兵甲正纍纍易之以阡陌畫之以郊畿

銷之以鋒鏑焚之以書詩罷侯以置守強幹而弱枝

重兵棲上郡長城墜邊陲自謂磐石固萬世無已而

迴天子指掌割地于階墀視人如螻蟻用財如沙泥

阿房宮未畢祖龍車至戲驢山卒未放陳涉兵自斬

灞上心非淺鴻門氣正滋咸陽起煙焰南鄭奮熊羆

人鬼同交錯風雲共慘淒項強劉未勝得鹿莫知誰

約法三章在收兵五國隨廟堂成算重帷幄坐籌奇

廣武貔貅怒鴻溝虎豹飢榮陽留紀信垓下別虞姬

三傑才方展千年運正熙山川舊形勝日月新光輝

正朔承三統車書混四維方隅無割據窮僻有羈縻

擊壤一

二

后族爭行日軍分南北司當時無佐命何以救顛隳
百載方全日長兵震天垂豈知巫蠱事禍起劉屈釐
冢宰司衡日重明正渺瀰見危能致命無忝寄孤遺
劇賊欺孤日行同狐與狸宮中凌寡婦殿上逐嬰兒
龍戰知何所冰堅正在茲潰隄雖患水禦水敢忘隄
東漢重晞日昆陽屋瓦飛幽憂新室鬼狼籍漸臺屍
鄆邑追隆準新安掃赤眉再逢火德王復覩漢官儀
寶鄧緣中饋閭梁挾牝雞經何功殆盡至董業都糜
河洛少煙火京都多蒿藜長天有鳥度白骨無人悲
城有隍須復羊無血可刳大厦之將頽非一木可支

擊壤一

三

孟德提先手仲謀藉世資立德志不遂竟終于涕洟
西晉尚清談大計懸品題婦人執國命骨肉生厲疵
二主蒙霜露五胡犯鼎彝世無管夷吾令人重歎歎
廣陌羌塵合中州胡馬嘶龍光射牛斗日影化虹蜺
關草來洛汭墾田趨江涇二百有四年方駕而並馳
東晉分南尾時或產靈芝凡經五改命至陳卒昌隋
國破西風暮城荒春草萋長江空滿目行客浪一作
沾衣後魏開北首孝文幾緝綬河陰旋有變國分爲
東西尔朱奮高氏宇文滅北齊及隋始併陳四海爲
藩籬泛汴公私匱征遼士卒疲有身皆厭苦無口不

嗟咨處處稱年號人人思亂離中原未有主誰識非
鹿麋千一難知日天人相與期龍騰則雲霧虎步則
風淒母后專朝日相仍紫宮闈可嗟桓彥範不殺武
三思繡嶺喧歌舞漁陽動鼓鼙太平其可傲徒罪一
楊妃劔閣離天日潼關漏虎貌兩京皆覆沒九廟咸
傾歌樂極則悲至恩交則害播事無可奈何舉目誰
與比自此藩方盛都無臣子祇恃功而不朝討賊以
爲詞各擁部兵盛誰憐王室卑邀朝廷姑息觀社稷
安危攻取非君命誅求本自肥乘輿時播越扈從或
參差尾大知難運鞭長豈易麾長姦憂必至養虎害

擊壤一

四

終貽國步何顛沛君心空忸怩時來花爛熳勢去葉
離披十姓分中夏五家遞通遠徒明星有爛但東方
未晞纔返長蘆鎮旋驅胡柳破絳霄兵自取玄武火
何癡中渡降堪罪樂城死可嗤太原朝見入劉子夕
聞啼事體重重別人情旋旋移棄灰猶隱火朽骨尙
稱龜譎詐多陰中艱憂尙自羅撓防膚革易患救腹
心遲語禍不旋踵言傷浪噬臍欲升還隕落將墜却
扶持瞑眩人皆惡康寧世共睎須能蠲重疾始可謂
良醫久廢田礲確難行路險巖不逢眞主出何以見
施爲家國遭迥極君臣際會稀上天生假手我宋遂

開基曆算隨方設羣豪引領歸迄今百餘載兵革民
不知成敗須歸命興亡自繫時天機不常設國手無
常施往事都陳跡前書略可依比觀之博奕不差乎
毫釐消長天旋運陰陽道範圍吉凶人變化動靜事
樞機疾走者先顛穉茂者後萎與其交受害不若兩
忘之求魚必以筌獲兔必以罟得之不能忘羊質而
虎皮道大聞老子才難語仲尼造形能自悟當局豈
憂迷黑白焉能挽死生奚足倚應機如破的迎刃不
容絲勿訝傍人笑休防冷眼窺既能通妙用何必患
多歧同道道亦得先天天弗違窮理以盡性放言而

聖學一

五

遺辭視外方知簡聽餘始識希曆藝無以和立酒莫
能濟上兵不可伐巧曆不可推善言不可道逸駕不
可追兄弟專乎愛父子主于慈天下亦可授此若不
可私

過温寄鞏縣宰吳祕丞

皇祐元年

風軟玉溪騰醉騎花繁石窟漾歌舟相望咫尺僊凡
隔不得同陪三月遊

新居成呈劉君玉殿院

履道坊南竹徑脩綠楊陰裏水分流眾賢買得澄心
景獨我居爲養志秋若比陳門誠已僭苟陪顏巷亦

堪憂無端風雨雖狂暴不信能凌沈隱侯

寄謝三城太守韓子華舍人

洛陽自爲都二千有餘年舉步圖籍中開目今古間
西北岌宮殿東南傾山川照人伊洛清迎門嵩少寒
水竹最佳處履道之南偏下有幽人室一徑通柴關
蓬蒿隱其居藜藿品其殮上親下妻子厚薄隨其緣
人雖不堪憂己亦不改安閱史悟興亡探經得根源
有客謂予曰子獨不通權清朝能用才聖主正求賢
道德與仁義不徒爲空言功業貴及時何不求美官
上食天子祿下拯蒼生殘通衢張大第負郭廣良田

聖學一

六

朱門爛金紫青樓繁管絃外廡列肥駿後庭羅織妍
入則坐虛堂出則乘華軒冠劍何燿燿氣體自舒閑
高談天下事廣坐生晴煙人莫敢仰視屏息候其顏
此所謂男子志可得而觀又何必自苦形容若枯鱸
道古人行事拾前世遺編而臨水一溝而愛竹數竿
此所謂匹夫節何足而攀予敢對客曰事有難其詮
身非好做溫口非惡珍羶豈不知繫匏而固辭執鞭
蓋懼觀衆頤敢忘責巨圍深極有層波峻極有層顛
履之若平地此非人所艱貧賤人所苦富貴人所遷
處之若無事此誠人所難進行己之道退養己之全

既未知易地胡爲乎不堅敢謂寄之說曾無所取焉
猗嗟乎玉兮產之于荆山和氏雖云知楚國未爲然
汚隆道屈伸進退時後先苟不循此理玉毀誰之愆
道之未行兮其命也在天近日遊三城薄言尙盤桓
當世之名卿加等爲之延或清夜論道或後池漾船
數少文酒會有無涯之歡十月初寒外萬葉清霜前
歸來到環堵竹窗晴醉眠仰謝君子知代書成此篇

依韻和張元伯職方歲除

嘉祐元年

及正四十六老去恥無才殘臘方廻律新春又起灰
非唯忘利祿况復外形骸白髮已過半光陰任自催

壁一

二

謝鄭守王密學惠酒

堂堂大府來新酒密密小園開好花此日飲之紅樹
下還驚不稱野人家

小園逢春

小隱園中百本花各隨紅紫發新芽東君見借陽和
力不減公侯富貴家

和張二少卿丈白菊

清淡曉凝霜宜乎殿顯商自知能潔白誰念獨芬芳
豈爲瓊無艷還驚雪有香素英浮玉液一色混瑤觴

生男吟

嘉祐二年

我今行年四十五生男方始爲人父鞠育教誨誠在
我壽天賢愚繫於汝我若壽命七十歲眼前見汝二
十五我欲願汝成大賢未知天意肯從否

閑吟四首

平生如仕宦隨分在風波所損無紀極所得能幾何
既乖經世慮尙可全天和罇中有酒時且飲復且歌
予年四十五已甫知命路豈意天不絕生男始爲父
且免散琴書敢望大門戶萬事盡如此何用過憂懼
居洛八九載役心唯二三相逢各自首共坐多清談
人事已默定世情曾久諳酒行勿相逼徐得奉醺酣

壁一

二

欲有一瓢樂會無二頃田丹誠未貫日白髮已華顛
雲意寒尤淡松心老益堅年來疎懶甚時憶舊林泉

和張少卿丈再到河陽

當年曾任青春客今日重來白雪翁今日當年已一
世幾多興替在其中

高竹八首

高竹百餘挺固知爲予生忽忽有所得時時閑遶行
自信或未至自知或未明竊比于古人不能無愧情
高竹臨清溝軒小亦且幽光陰雖屬夏風露已驚秋
月色林間出泉聲砌下流誰知此夜情邈矣不能收

高竹已可愛況在垂楊下幽人無軒冕得此自可罷
枉尺既不能括囊又何謝賈生若知此慟哭亦自罷
高竹碧相倚自能發餘清時時微風來萬葉同一聲
道汚得夷理物虛含遠情階前閑步人意思何清平
高竹如碧幢翠柳若低蓋幽人有軒榻日夜與之對
宇靜覺神開景閑喜真會與其喪吾真孰若從吾愛
高竹雜高梧還驚秋節初晚涼尤可喜舊帙亦宜舒
池閣輕風裏園林晚景餘人生有此樂何必較錙銖
高竹數十尺仍在高花上柴門晝不開青碧日相向
非止身休逸是亦心夷曠能知閑之樂自可敵卿相

擊壤一

九直 秋 節

高竹逾冬青四月方易葉抽萌如止戈解籜若脫甲
脩靜信可愛遠行不知匝嗟哉凡草木徒自費鋤鋤

伊川擊壤集卷二

秋日飲鄭州宋園示管城簿周正叔

二都相去四百里中有名園屬宋家古木參天羅劔戟長藤垂地走龍蛇我來遊日逢秋杪君為開筵對晚花飲散竹軒微雨後凌晨歸路起棲鴉

重陽日再到共城百源故居

故國逢佳節登臨但可悲山川一夢外風月十年期白髮飄新鬢黃花透舊籬鄉人應笑我書錦是男兒

過陝嘉祐三年

吾祖道何光二南分一方開周為太保封陝輔成王

擊壤二

二宜

歲月裝遼邈山川造渺茫世孫雖不肖猶解憶甘棠

題黃河

誰言為利多于害我謂長渾未始清西去崑崙東至海其間多少不平聲

過潼關

禁密因離亂機閉為太平山河雖設險道德豈容爭不究千一義空傳百二名遐方久無外何復用雞鳴

題華山

域中有五嶽國家謹時祀華嶽居其一作鎮雄西裔唐號金天王今封順聖帝吁咈哉若神僭竊同天地

宿華清宮

天寶初六載作宮于溫泉明皇與妃子自此歲幸焉紫閣清風裏崇巒皓月前奈何雙石甃香溜尚涓涓

登朝元閣

繡嶺岌層巒峩峩十九盤微微經雨後杳杳出雲端往事金輿遠遺蹤玉像殘至今臨渭水依舊見長安

長安道中作

長安道上何沾巾古時道行今時人不知寒暑與朝暮車輪馬跡常磷磷自是此土亦辛苦雨作泥兮風為塵泥塵返復不知數大雨大風無出門

擊壤二

二

題留侯廟

滅項興劉如覆手絕秦昌漢若更某卷舒天下坐籌日鍛鍊心源辟穀時黃石公傳皆是用赤松子伴更何為如君才業求其比今古相望不記誰

題淮陰侯廟十首

一身作亂宜從戮三族全夷似少恩漢道是時初雜霸蕭何王佐殆非尊

據立大功非不智復貪王爵似專愚造成四百年炎漢纔得安寧反受誅

生身既得逢真主立事何須作假王誰謂禍階從此

始不宜廻首怨高皇

一時韓信爲良犬千古蕭何作霸臣彼此並干名教
罪罪猶不逮謂斯人

韓信事劉元不叛蕭何惑漢竟生疑當初若聽蒯通
語高祖功名未可知

雖則有才兼有智存亡進退處非真五湖依舊烟波
在菡蕖無人繼後塵

若非韓信難除項不得蕭何莫制韓天下須知無一
手苟非高祖用蕭難

漢家基定議功勳異姓封王有五人似淮陰最雄
傑敢教根固又生秦

韓信恃功前慮寡漢皇負德尙權安幽囚必欲擒來
斬固要加諸甚不難

若履暴榮須暴辱既經多喜必多憂功成能讓封王
印世世長爲列土侯

鳳州郡樓上書所見

楊柳垂青帶風動如飛蓋危樓思不窮盡日閉相對
鳥去林自空雲移山不礙情隨雙燕還意與孤鴻會
晚角時斷續層崖遞明晦殘陽掛疎紅遠水生微瀨
塞目煙岑密都城若天外如何久客心東望憑欄殺

自鳳州還至秦川驛寄守倅薛姚二君

歡聚九十日廻首都如夢明月與清江東軒又難共
謝西臺張元伯雪中送詩

洛城雪片大如手爐中無火罇無酒凌晨有人來打
門言送西臺詩一首

送猗氏張主簿
人間仕宦幾千里常上親闈別兩重須念鵬飛從此
始方今路險善求容

新正吟嘉祐五年
蓮環知非日宜尼讀易年人情止于是天意豈徒然

立事情尤倦思山興益堅誰能同此志相伴老伊川

春遊五首
五嶺梅花迎臘開三川正月賞寒梅相去萬里先一
月始知春色從南來何人妙曲傳羌笛盡日清香落

酒盃料得天涯未歸客也應臨此重徘徊
洛城春色浩無涯春色城東又復嘉風力緩搖千樹

柳水光輕蕩半川花煙晴翡翠飛平岸日暖鴛鴦下
淺沙不見君王西幸久遊人但感鬢空華

二月方當爛熳時翠華未幸春無依綠楊陰裏尋芳
遍紅杏香中帶醉歸數片落花蝴蝶趁一竿斜日流

鶯啼清鏡有酒慈親樂猶得階前戲彩衣

人間佳節唯寒食天下名園重洛陽金谷暖橫官殿

碧銅駝暗合綺羅光橋邊楊柳細垂地花外鞦韆半

出牆白馬蹄輕草如翦爛遊於此十年強

三月牡丹方盛開鼓聲多處是亭臺車中遊女自笑

語樓下看人閑往來積翠波光搖帳幄上陽花氣撲

樽疊西都風氣所宜者草木空妖誰復哀

竹庭睡起

竹庭睡起閑隱几悠悠夏日光景長鶯方引雛教嫩

舌杏正垂實裝輕黃雨滴幽夢時斷續風翻遠思還

擊壤二

五

飛揚小渠弄水綠陰密迴首又且數日強

秋遊六首

七月芙蓉正爛開東南園近日徘徊有時風向池心

過無限香從水面來罨畫溪深方誤入洞庭湖晚未

成迴坐來一霎蕭蕭雨又送新涼到酒盃

先秋顛氣已潛生洛邑方知節候平庭院乍涼人共

喜園林經雨氣尤清迴舟伊水風微溜緩轡天津月

正明自有皋夔分聖念好將詩酒樂升平

八月光陰未甚淒松亭竹樹尤爲宜况當晝夜初停

處正是炎涼得所時明月入懷如有意好風迎面似

相知閑人歌詠自怡悅不管朝廷不採詩

家住城南水竹涯乘秋行樂未嘗虧輕寒氣候我自

愛半醉光陰人莫知信馬天街微雨後凭欄僧閣晚

晴時十年美景追尋遍好向風前請白髭

九月風光雖已暮中州景物未全衰眼觀秋色千萬

里手把黃花三兩枝美酒易消閑歲月青銅休照老

容儀若言必使他人信歷盡丹誠誰肯知

霜天寥落思無窮不奈樓高逼望中四面谿山從滿

目九秋宮殿自危空雲橫遠嶠千尋直霞亂斜陽數

縷紅無限傷情言不到共誰開口向西風

擊壤二

六

秋日卽事

鳥聲亂畫林爲誰苦驅逼蟲聲亂夜庭爲誰苦勞役

嗟哉彼何短一槩無休息借問此何長兩能忘語默

商山道中作

十舍到商顏雖遙不甚艱東西遡洛水表裏看秦山

身在煙霞外心存人子間庭闈况非遠自可指期還

和商洛章子厚長官早梅

只應王母專輕巧剪碎天邊亂白雲無限清香與清

艷樽前飲享盡輸君

梅覆春溪水遶山梅花爛漫水潺湲南秦地暖開仍

早比至春初已數番

羣芳萬品遞相催若說高標獨有梅會得東君無別
意為憐清淡使先開

霜扶清格高高起風駕寒香遠遠留太守多情客多
感金樽倒盡是良籌

商山旅中作

殘火昏燈夜正沈默思前事擁寒衾霜天皎月雖千
里不抵傷時一寸心

和商守宋即中早梅

山南地似嶺南溫臘月梅開已淡辰恥與百花爭俗

學東二

二

態獨殊羣艷占先春角中飄去淒於骨笛裏吹來妙
入神秀額粧殘黏素粉畫梁歌暖起輕塵宰君惜艷
獻州牧太守分香及野人手把數枝重疊嗅忍教芳
酒不濡唇

和人放懷

為人雖未有前知富貴功名豈力為滌蕩襟懷須是
酒優游情思莫如詩況當水竹雲山地忍負風花雪
月期男子雄圖存用捨不關眉笑待何時

和商守登樓看雪

西樓賞雪眼偏明次第身疑在水晶千片萬片巧粧

地半舞半飛斜犯楹形如玉屑依還碎體似楊花又

更輕誰謂天涯有羈客一般對酒兩般情

和商守西樓雪霽

大雪初晴日半曛高樓何惜上仍頻數峰皆翠劍鏗
立一水縈紆冰縷新崑嶺移歸都是玉天河落後盡
成銀幽人自恨無佳句景物從來不負人

和商守雪殘登樓

殘雪已消冰已開風光漸覺擁樓臺旅人未遂日邊
去春色又從天上來況是樽中常有酒豈堪嶺上却
無梅若非太守金蘭契誰肯傾心重不才

學東二

八

和商守雪霽對月

雪滿羣山霜滿庭光寒月碾一輪輕羈懷殊少曷時
樂皓彩空多此夜明竹近簾櫳饒碎影風涵臺榭有
餘清恨無好句酬佳景徒自漢涼夢不成

和商守雪霽登樓

百尺危樓小雪晴晚來閉望逼人清山樓暮藹高還
下水隔疎林淡復明天際落霞千萬縷風餘殘角兩
三聲此時此景真堪畫只恐丹青筆未精

旅中歲除

此到明年無數刻且令芳酒更斟迴星杓建丑晦將

畫陸伍册

盡歲箭射人春又來不用物情閑作梗大都心緒已
成灰浮名更在浮雲外瞬息光陰況便催

和商守新歲嘉祐六年

衰軀在旅逢新歲因感平生鬢易凋飲罷襟懷還寂
寞歡餘情緒却無聊望仙風月晴偏好抹綠簾櫳夜
正遙對此塊然唯土木降茲未始不魂銷

追和王常侍登郡樓望山

四賢當日此盤桓千百年人尚厚顏天下有名難避
世曾中無物漫居山事觀今古興亡後道在君臣進
退間若蘊奇才必奇用不能須負一生閒

擊壤二

九

題四皓廟四首

強秦失御血橫流天下求君君不有正是英雄較一作
角逐時未知鹿入何人手

灞上真人既已翔四人相顧都無語徐云天命自有
歸不若追蹤巢與許

漢皇傲物終難屈太子卑辭方肯出雖老猶能成大
功至今高義如星日

田橫入海猶能得商至長安百里強能使四人成美
節始知高祖是真王

謝商守宋郎中寄到天柱山戶帖仍依元韻

商於飛到一符新遂已平生分外親尤喜紫芝先入
手西南天柱與天鄰

初心本欲踐臣鄰帝里司廻斗柄春今日得居天柱
下不憂先有夜行人

不將生殺奏嚴宸却抱煙嵐學隱淪多謝史君虛右
席重延天柱一山人

一簇煙嵐鎖亂雲孤高天柱好棲真從今便作西歸
計免向人間更問津

無成麋鹿久同羣占籍恩深荷史君萬古千今名與
姓得隨天柱數峯存

擊壤二

十

寄商守宋郎中

初返洛城無限事閑人體分似相違如今一向覺優
逸却類商顏嘯傲時

小圃睡起

門外似深山天真信可還軒裳奔走外日月往來間
有水園亭活無風草木閑春禽破幽夢枝上語綿蠻

遊山三首

城邑又作久居心自倦闔閭纔出眼先明龍門看盡
伊川景女几聽殘洛水聲太室觀餘紅日旭天壇望

罷白雲生此身已許陪真侶不爲錙銖起重輕

春盡登臨正得宜人情天氣兩融怡泛舟伊水風廻
夜垂釣溪門月上時逸興劇憑詩放肆病軀唯仰酒
扶持浮生日月無多子忍向其間更斂眉
樂則行之憂則違大都知命是男兒至微功業人難
必儘好雲山我自怡休憚煙嵐雖遠處且乘筋力未
衰時平生足外更何樂富貴榮華過則悲

二色桃

施朱施粉色俱好傾國傾城艷不同疑是原作星藥珠
雙姊妹一時俱肯嫁春風

登山臨水吟

山有喬峰水有濤未能容屐豈容舸非無仁智斯為
樂少有登臨不憚勞言味止知甘膾炙語真誰是識
瓊瑤自慙不盡人才處長恨今人論太高

謝富丞相招出仕二首

相招多謝不相遺將謂曾中有所施若進豈能禁吏
責既閑安用更名為將命者云如不欲作願同巢許亦可奉致一閑名目
稱臣日甘老唐虞比屋時滿眼清賢在朝列病夫無
以繫安危

欲遂終焉老閑計未知天意果如何幾重軒冕酬身
貴得似雲山到眼多好景未嘗無興詠壯心都已久

消磨鷓鴣自有江湖樂安用區區設網羅

答人語名教

開闢而來世教敷其間雄者號真儒修身有道名先
覺何代無人達奧區煥若丹青經史義明如日月聖
人途鯁生涵泳雖云久天下英才敢厚誣

送王伯初學士赴北京機宜

丈夫志氣蓋棺定自有雄圖繫重輕去路不能無感
舊到官爭忍便忘情閑時語話貴精密先事經營在
太平誰謂禦戎無上策代人謀處不須兵

擊壤二

三五

伊川擊壤 卷一

伊川擊壤集卷三

賀人致政

人情大率喜爲官達士何嘗有所牽解印本非嫌祿
薄掛冠殊不爲高年因通物性興衰理遂悟天心用
捨權宜放襟懷在清景吾鄉况有好林泉

初秋

夏去暑猶在雨餘涼始來階前已流水天外尚驚雷
曲几靜中隱衡門閑處開壯心都已矣何事更裝懷

偶書

堪笑又堪嗟人生來若何宜將萬端事都入一聲歌

擊壤三

一宜

世態逾翻掌年光劇逝波靜中真氣味所得不勝多
傷足

災由無妄得爲患固非深乖已攝生理貽親憂慮心
乍然艱步履偶爾阻登臨逾月方能出難忘樂正箴

閑行

園圃正蕭然行吟遶澤邊風驚初社後葉遂未霜前
衰草襯斜日暮雲扶遠天何當見真象止可入無言

晨起

山高水復深無計奈如今地盡一時事天開萬古心
輕煙籠曉閣微雨散青林此景雖平淡人間何處尋

月夜

雨霽風自好秋深天未寒移牀就階下看月出林端
有酒欲共飲無賓可同歡他時遇良友此景復求難

盆池

三五小圓荷盆容水不多雖非大藪澤亦有小風波
粗起江湖趣殊無鴛鴦過幽人興難遏時邊醉吟哦

遊山二首

洛川多好山伊川多美竹遊旣各有時雖頻無倦目
貪清非傷廉瀆幽不爲辱麋鹿不害人心無害麋鹿
二室多好峰三川多好雲看之不知倦和氣潛生神

擊壤三

二

一慮若動蕩萬事從紛紛人言無事貴身爲無事人

龍門道中作

物理人情自可明何嘗感感向平生卷舒在我有成
算用捨隨時無定名滿目雲山俱是樂一毫榮辱不
須驚侯門見說深如海三十年來掉臂行

名利吟

名利到頭非樂事風波終久少安流稍鄰美譽無多
取纔近清歡與賸求美譽旣多須有患清歡雖賸且
無憂滔滔天下曾知否覆轍相尋卒未休

三十年吟

三十年間更一世其間堪笑復堪愁天生天殺何嘗
盡人是人非殊未休善偶鴛鴦頭早白能啼杜宇血
先流須知却被才爲害及至無才又却憂

答人放言

經時不見意何如重出新詩笑語初物理悟來添性
淡天心到後覺情疎已全孟樂君無限未識蘧非我
有餘大率空名如所論此身甘老在樵漁

遊洛川初出厚載門

初出都門外西南指洛陔山川闊遠意天地掛雙眸
村落桑榆晚田家禾黍秋民間有此樂何必待封侯

整頓三

三

宿延秋莊

驅車入洛川下馬弄飛泉乍有雲山樂殊無朝市喧
非唯快心志自可忘形言借問塵中友誰爲得手先

宿壽安西寺

好景信移情直連毛骨清爲憐多勝槩尤喜近都城
竹色交山色松聲亂水聲豈辭終日愛解榻傍虛楹

過永濟橋二首

山背錦幘開河臨永濟迴土田平似掌桑柘大如槐
斜日射虹去低雲將雨來無涯負清景長是愧非才
一水一溪門溪門雲復屯珍禽轉喬木幽鹿走荒榛

雨脚拖平地稻畦扶遠村高城半頽缺興廢事休論

至福昌縣作

清景幾人愛愛之當遠尋及臨韓嶽近始見洛川深
縣在雲山腹民居水竹心無機類閑物愈覺少知音

燕堂卽事

川上數峰青林間一水明閑雲無定體幽鳥不知名
遊侶旣非約歸期莫計程錙銖入世事休強作威靈

上寺看南山

疊疊是峰巒西連梁雍寬與其行裏看不若坐中觀
包括經唐漢并吞歷晉韓消沈事難問唯爾尙嶺岵

整頓三

四

縣尉屏字蓮池

縣尉小齋前水清池有蓮豈唯觀菡萏兼可聽潺湲
宛類江湖上殊非塵土邊古人用心處料得不徒然

女几祠

西南有高山山在杳冥間神仙不可見滿目空雲煙
千年女几祠門臨洛水邊但聞霓裳曲世人猶或傳

故連昌宮

洛水來西南昌水來西北二水合流處宮牆有遺壁
行人徒想像往事皆陳跡空餘女几山正對三鄉驛

川上懷舊

去秋遊洛源今秋遊洛川水雖無情人心剛悄然
目亂千萬山一山一重煙山盡煙不盡煙與天相連
田夫忙治禾水禽閑求魚二者皆苦食動靜何相殊
事過見休感時來知卷舒回顧此二物易地還何如
爲今日之山是昔日之原爲今日之原是昔日之川
山川尙如此人事宜信然幸免紅塵中隨風浪著鞭
地迥川原闊村孤煙水閑雷輕龍過一作浦雲亂雨
移山田者荷鋤去漁人背網還伊予獨霑濕猶在道
途間

燕堂暑飲

擊壤三

五

燕堂通高明簷依斷崖欽涼風來松梢清泉飛竹陰
佳果間紅綠旨酒隨淺深却思闐闐間鬱蒸不可任

燕堂閑坐

天網疎難漏世網密莫通我心久不動一脫二網中
高竹漱清泉長松迎清風又云瀟灑松間清冷竹外風此時逢此
景正與此心同

立秋日川上作

富貴固難愛貧窶易得愁休將少時態移作老年羞
既有非常樂須防不次憂誰能保終始長作國公侯
辯熊耳

昔禹別九州導洛自熊耳熊耳自有兩未審孰爲是
東者近成周西者隔丹水書傳稱上洛斯言得之矣

登女几

予看山多矣未嘗逢此奇巨崖如格虎險石若張旗
雲意閑舒卷巖形屢改移丹青難狀處四面盡如斯
川上南望伊川

山留禹鑿門川閣堯水痕古人不復見古跡尙或存
歲月易凋謝善惡難湮淪無作近名事強邀世俗尊

牧童

隨行笠與蓑未始散天和暖戲荒城側寒俱古塚阿

擊壤三

六

數聲牛背笛一曲隴頭歌應是無心問朝廷事若何

夢中吟

三鄉道中作

夢中說夢猶能憶夢覺夢中還又隔今日恩光空喜
歡當年意愛難尋覓水成流處豈無聲花到謝時安
有色過此相逢陌路人都如元未曾相識

秋懷三十六首

七月夜初長星斗爭煌煌庭除經小雨枕簟生微涼
照物無遁形虛鑑自有光照事無遁情虛心自有堂
晴窗日初曛幽庭雨乍洗紅蘭靜自披綠竹閑相倚
榮利若浮雲晴懷淡如水身非天外人意從天外起

明月生海心涼風起天末物象自呈露襟懷驟披豁
悟盡周孔權解開仁義結禮法本防姦豈爲吾曹設
疎雨滴高梧微風投弱柳此景歲歲同世人自白首
俗慮易榮仍塵襟難抖撒浮生已夢中其間強爲有
清湍文鴛鴦寒潭繡鷓鴣長天淨如水不廢秋江碧
男子一寸心壯士萬夫敵菡萏香風中扁舟會相憶
昨日思沃漿今日思去扇豈止人戈矛炎涼自交戰
利害生乎情好尙存乎見欲人爲善人必須自爲善
甘瓜青如藍紅桃鮮若血不忍以手拈而况用齒齧
其色已可愛其味又更絕食此無珍言哀哉口與舌

聖學三

七

國命在乎民民命在乎食聖人雖復生斯言固不易
虛惠豈足尙教人以姑息虛名豈足高教人以緣飾
周詩云娶妻周易云歸妹七夕世俗情乞巧兒女態
日暮雲雨過人謂牛女會雲雨自無蹤牛女豈相配
清風無人兼自可入吾手明月無人并自可入吾牖
中心旣已平外物何嘗誘餘事豈足論但恐罇無酒
青蕉葉披敷碧蘆枝偃亞風雨蕭蕭天更漏沈沈夜
彼物固無嫌此情又何訝但念征路人天涯尙留掛
淡煙羃疎林輕風裊寒雨日暮人已歸羣雞猶啄黍
此心固不動此事極難處一言以蔽之尙恐費言語

八月炎涼均氣味亦自好臨虛喬木低遠望行人小
有跡事皆妄無心物都了何須更問辛願君自食蓼
黃黍秋正熟黃雞秋正肥此物劇易致古人多重之
可以迓賓友可以奉親闈有褐能卒歲此外何足爲
稻稌天所生麴蘗人所製釀之命爲酒飲之可成醉
剛者使之柔懦者使之毅善移造物權其功亦不細
秋色日漸深老心日益懶倦卽下階行閑來弄書卷
廣陌多風塵見說難閉眼後門已是深帝闈又復遠
塞鴻猶未來梁燕已辭去雲山千萬重相逢在何處
岌業都城門綠遠長亭路風土敗人衣纔新又成故

聖學三

八

斷續蟬聲外稀疎鴈下前年光空去也人事益蕭然
洗竹留新筍翻書得舊編誰知養心者肯與世爭權
中秋光景好中州煙水奇天重初寒候人便半醉時
榻綠明月掃襟待好風吹一點胷中事人間都不知
良月滿高樓高樓仍中秋午夜冷露下千里寒光流
何人將此鑑拂拭新磨休照破萬古心白盡萬古頭
寒露綴衰草淒風搖晚林鳥聲上復下天氣晴還陰
節改一時事人懷千古心誰云子期死舉世無知音
風柳散如梳霜雲淡如掃高樓破危空低煙裊寒早
此際興不盡何以戰秋老止可將酒瓶同向西風倒

池荷日取敗離菊日就榮其于品彙間自與節氣爭
盛衰不同時賢愚難並行安得松柱心四時長青青
人老秋更老山深水復深高木已就脫慧禽空好音
筋骸非曩日道德負初心賴有餘編在時時尙可尋
九月氣乍肅衰柳猶有蟬霜外疎鐘斷風餘清籟傳
千山亂遠目一鶚摩高天自非出世人而敢危行言
飽霜梨多紅久雨榴自罅此果世稱珍厥味是可能
地有百物備天無一言掛我患尙有言不得同造化
惟南有美橘惟北有美栗厥包或頗同厥味信不一
天地豈無情草木皆有實物本不負人人自負于物

擊壤三

九

蛺蝶遶寒菊蟋蟀鳴空階門前有犬臥盡日無客來
清波靜中流白雲閑處堆何以發天和時飲酒一盃
紅葉戰西風黃花笑寒日天道有消長人事無固必
靜勝得遺味夢去知餘失利害不相沿是非然後出
九日登高會尋幽講雅歡俗風追故事天氣薦輕寒
白酒連醅飲黃花帶露觀清沉浮世事何足重汎瀾
山橫暮靄中鳥逝孤煙外殘菊憂霜摧幽蘭懼風敗
患難人不喜富貴人所愛我心自不有愛增豈能賣
水寒潭見心木落山露骨始信天無涯萬里不隔物
脫衣掛扶桑引手探月窟不負仁義心區區五十一

草綠露沾衣草衰風切肌物情非作異人意強生疑
岐動楊朱泣綵漆墨子悲知之何太晚徒自淚淋漓
萬里晴天外一片霜上月長松挺青蔥羣卉入消歇
有齒日益衰有髮日益脫獲罪固已多此心難屑屑
草枯山川貧木落天地瘦土口風大行雲罅日微漏
既往不復追未來尙可救餘事不忍言言之必成咎
飲酒不甚多數盃醺心顏未醺不可止既醺勸亦難
誰云萬物廣豈出天地關誰云萬事廣豈出人情間
和陝令張師柔石柱村詩

君爲陝縣令我實康公孫始祖有遺烈託君訪其存

擊壤三

十

夫君有詩來題云石柱村石柱之始立於古無所根
就勒分陝銘惟唐人之言既歷年所多首尾無完文
難以從考正將焉求其源我患讀書寡知識無過人
經書史傳外不能破羣昏從長卿公羊宜自陝而分
從君陳畢命宜成周而云二者兼取之於義自或尊
分政東西郊可以陝洛論此說如近之庶幾緩紛紜
甘棠之蔽芾石柱之青新當時之盛事予不得而親
二南之正化二公之清芬千載之美談予可得而聞
棄經而任傳儒者固不遵作詩以明之馳此庸報君

放言

既得希夷樂曾無寵辱驚
泥空終是著齊物到頭爭
忽忽閑拈筆時時自寫名
誰能苦真性情外更生情

擊壤三

十二宜 秋 節

伊川擊壤集卷三

宜陸伍册

伊川壅壤集卷四

天津新居成謝府尹王君貺尙書

嘉祐七年

嘉祐壬寅歲新巢始僭功仍分道德里更近帝王宮
檻仰端門峻軒迎兩觀雄窗虛響瀾澗臺迥臻伊嵩
好景尤難得昌辰豈易逢無才濟天下有分樂年豐
水竹腹心裏鷺花淵藪中老萊歡不已靜節興何窮
嘯傲陪真侶經營賀府公丹誠徒自寫匪報是恩隆

新春吟

多病筋骸五十二新春猶得共銜杯踐形有說常希
孟樂內無功可比回燕去燕來徒自苦花開花謝漫
相催此心不爲人休感二十年來已若灰

有客吟

伊嵩有客欲無言進退由來盡俟天好樂未能忘水
石樂閑非爲學神仙休嗟紫陌難爲客且喜清風不
用錢枉尺直尋何必較此心都大不求全

小圃逢春

隨分亭欄亦弄妍不妨閑傍酒壚邊夜簷靜透花間
月晝戶寒生竹外煙事到悟來全偶爾天教閑去豈
徒然壺中日月長多少爛占風光二十年

暮春吟

春來小圃弄羣芳誰謂貧居富貴鄉門外柳陰浮翠
潤階前花影溜紅光梁間新燕未調舌天末歸鴻已
著行自問心源何所有答云疎懶味偏長

惜芳菲

細算人間千萬事皆輸花底共開顏芳菲大率一春
內爛漫都無十日間亦恐憂愁爲齟齬更防風雨作
艱難莫教此後成遺恨把火罇前尚可攀

答人見寄

鬢毛不患漸成霜有託琴書子一雙旣乏長才康盛
世無如高枕卧南窗明知筋力難爲強猶說雲山未

壅壤四

樹降多謝故人相愛甚轍魚幸免困西江

弄筆

行年五十二老去復何憂事貴照至底話難言到頭
上有明天子下有賢諸侯飽食高眠外自餘無所求

問人句酒

百病筋骸一老身白頭今日愧因循雖無紫詔還朝
速却有青山入夢頻風月滿天誰是主林泉遍地豈
無人市沽酒味難醇美長負襟懷一片春

答客

人間相識幾無數相識雖多未必知望我實多全爲

道知予淺處却因詩升沈休問百年事今古都歸一局棊乘馬須求似騏驎奈何騏驎未來時

悟人一言

百慮謀猶拙一言迷自開世間無大事天下有雄才唯恐人難得寧憂道未恢忌心都去盡何復病塵埃

謝人惠筆

愛重寄交房慙慙謝遠將兔毫剛且健筠管直而長靜錄新詩藁閑抄舊藥方自餘無所用足以養鋒鋟

書事吟

天地有常理日月無遁形飽食高眠外率是皆虛名

擊壤四

三

雖乏伊吕才不失堯舜氓何須身作相然後爲太平

雙頭蓮

漢室嬋娟雙姊妹天台嫋娜兩神仙當時盡有風流過謫向人間作瑞蓮

答人書意

仲尼言正性子輿言踐形二者能自得殆不爲虛生所交若以道所感若以誠雖三軍在前而莫得之凌

答人書言

無位立事難逢時建功易求全自有毀舉大須略細去惡慮傷恩存惡憂害義徒有仁者心殊無仁者意

答人書

卿相一歲俸寒儒一生費人爵固不同天爵何嘗匱不有霜與雪安知松與桂雖無官自高豈無道自貴

與人話舊

耳目所聞見且言三十春纔更十次聞已換一番人圯族綺紈故朱門車馬新從來皆偶爾何者謂功勳

閑吟

忽忽閑拈筆時時樂性靈何嘗無對景未始更忘情句會飄然得詩因偶爾成天機難狀處一點自分明

閑坐吟

擊壤四

四

當年計過之今日事難隨天命不我祐雲山聊自怡無何緣淡薄遂得造希夷却欲嗤真宰勞勞應不知

天津閑步

天子舊神州葱葱氣象浮園林閑近水殿閣遠橫秋浪雪暑猶在橋虹晴不收人間無事日此地好淹留

天津幽居

子家洛城裏沉復在天津日近先知曉天低易得春光優化國景物厚幽人自可辭軒冕閑中老此身

天津水聲

洛水近吾廬濤溪到枕虛湍驚九秋後波急五更初

細爲輕風背豪因驟雨餘幽人有茲樂何必待笙竿

不寢

閑坐更已深就寢夜尙永展轉不成寐却把前事省
莫枕時昏昏擁衾還耿耿西窗明月中數葉芭蕉影

天宮小閣

夏日到天宮凭欄望莫窮古人用心遠天子建都雄
樓觀深雲裏山川暮藹中行人漫來往此意有誰同

聽琴

琴宜入夜聽別起一般情纔覺哀猿絕還聞離鳳鳴
青山無限好白髮不須驚會取坐忘意方知太古心

擊壤四

天津感事二十六首

五

雲輕日淡天津暮風急林疎洛水秋獨步獨吟人莫
會時時鷗鷺下汀洲

寵辱事多今不見興亡時去止堪哀請觀今日長安
道抵暮行人猶往來

鳳樓深處鎖雲煙一鎖雲煙又百年痛惜汾陰西祀
後翠華辜負上陽天

誰引長河貫洛城鑾輿東去此爲輕洪濤不服天津
東日夜奔騰作怒聲

陽鳥西去水東流今古推移幾度秋四面遠山長斂

莫不知終日爲誰愁

忙忙負乘兩何殊往復由來出此途爭似不才閑處
坐平時雲水遺衣裾

人言垂釣辨浮沈辨著浮沈用意深吾恥不爲知害
性等閑輕動望魚心

自古別都多隙地參天喬木亂昏鴉荒垣壤堵人耕
處半是前朝卿相家

鳳凰樓觀冷橫秋橋下長波入海流千百年來舊朝
市幾番人向此經由

輪蹄交錯未嘗停去若相追來若爭料得中心無別

擊壤四

事苟非干利卽干名

六

煙樹盡歸秋色裏人家常在水聲中數行旅鴈斜飛
去一簇樓臺峭倚空

淶水悠悠際碧天平蕪更與遠山連白頭老叟心無
事閑凭欄干看洛川

去年橋上凭欄人今歲橋邊騎馬身橋上橋邊不知
數於今但記十三春

隄邊草色長芊芊陌上行人自往還淶水欲淨不得
淨春風未放柳條閑

水流任意境一作景常靜花落雖頻意自閑不似世人

忙裏老生平未始得開顏

溪邊閑坐眼慵開波射長隄勢欲推多少水禽文彩好幾番飛去又飛來

名利從來本任才行人不用苦相猜壺中日月長多少閑步天津看往來

地勢東南一槩傾水流何日得安平天津更在急流處無限高深併此聲

三千里外名荒服一百年來號太平爭似洛川無事客何須列土始爲榮

遠隄楊柳輕風裏隔水樓臺細雨中酒放半醺重九後此時情味更無窮

著身靜處觀人事放意閑中鍊物情去盡風波存止水世間何事不能平

隋唐而下貴公卿近世風波走利名借問天津橋下水當時湍激作何聲

前朝無限貴公卿後世徒能記姓名唯此天津橋下水古今都作一般聲

雲無一縷干明月橋有千尋臥淥波料得人間無此景中秋對月興何如

郊鄩城中同德友鳳凰樓下會中秋芳樽倒盡人歸

去月色波光戰未休

了生始可言常事知性方能議大猷只此長川無晝夜爲誰驅逼向東流

誠明吟
孔子生知非假習孟軻先覺亦須脩誠明本屬吾家事自是今人好外求

繩水吟
有水善平難善直唯繩能直不能平如將繩水合爲

一世上何憂事不平
辛酸吟

辛酸旣不爲中味商徵如何是正音舉世未能分曲直使誰爲主主心平

言默吟
言默用言言是垢當言任默默爲塵當言當默都無

任塵垢何由得到身
閑居述事

一點天真都不耗千鍾人祿是難來太平自慶無他事有酒時時三五杯

竹雨侵人氣自涼南窗睡起望瀟湘茅簷滴瀝無休歇却憶當初宿夜航

初晴月向松間出盛暑風從水面來已比他人多數
倍況能時復舉樽鼻

堂上慈親八十餘階前兒女笑相呼旨甘取足隨豐
儉此樂人間更有無

清歡少有虛三日劇飲未嘗過五分相見心中無別
事不評與廢只論文

花木四時分景致經書千卷號生涯有人若問閑居
處道德坊中第一家

天宮小閣納涼

小閣凭虛看洛城滿川雲物拱神京風從萬歲山頭

擊壤四

九

至多少煙嵐併此清

小閣於吾有大功清涼冠絕洛城中自慙虛薄誠多
幸襟袖長涵萬里風

小閣清風豈易當一般情味若羲皇洛陽有客不知
姓二十年來享此涼

天宮幽居卽事

人苦天津遠來須特特來閑餘知道泰靜久覺神開
悟易觀棊局談詩捻酒盃世情千萬狀都不與裝懷

遊龍門

江天無少異幽鳥下晴沙路去山形斷川迴渡口斜

龕殿千萬穴店舍兩三家清景四時好都城況不賒
重遊洛川

買石尚饒雲買山當從水雲可致無心水能爲鑑止
性以無心明情由鑑止已二者不可失出彼而入此

川上觀魚

天氣冷涵秋川長魚正遊雖知能避網猶恐悞吞鈎
已絕登門望曾無點額憂因思濠上樂曠達是莊周

擊壤四

宜秋

伊川擊壤集卷四

伊川擊壤集卷五

後園卽事三首 嘉祐八年

太平身老復何憂
景愛家園自在遊
幾樹綠楊陰乍合
數聲幽鳥語方休
竹侵舊徑高低迸
水滿春渠左右流
借問主人何似樂
答云殊不異封侯

天養疎慵自有方
洛城分得水雲鄉
不聞世上風波險
但見壺中日月長
一局閒棋留野客
數盃醇酒面脩篁
物情悟了都無事
未覺顏淵已坐忘

年來得疾號詩狂
每度詩狂必命觴
樂道襟懷忘檢束
任真言語省思量
賓朋款密過從久
雲水優閒興味長
始信淵明深意在
北窗當日比羲皇

觀棋長吟

院靜春深晝掩扉
竹間閒看客爭棋
搜羅神鬼聚胸臆
措置山河入範圍
局合龍蛇成陣鬪
劫殘鴻雁破行飛
殺多項羽坑秦卒
敗劇符堅畏晉師
座上戈鋌嘗擊搏
面前冰炭旋更移
死生共抵兩家事
勝負都由一著時
當路斷無相假借
對人須且強推辭
腹心受害誠堪懼
唇齒生憂尚可醫
善用中傷爲得策
陰行狡獪謂知機
請觀今日長安道
易地何嘗不有之

秋日登崇德閣二首

無限英賢抑壯圖
登臨不用起長吁
山川千古戰爭後
冠劔百年零落餘
浪把功名爲己任
那知富貴豈人謀
丹青曲盡世間妙
寫得凭欄意思無

一百年來號太平
當初仍患不丁寧
京都尙有漢唐氣
宮闕猶虛霸王形
煙外亂峯纔隱約
霜餘紅樹半凋零
罇中有酒難成醉
旋被西風吹又醒

秋日飲後晚歸

水竹園林秋更好
忍把芳樽容易倒
重陽已過菊方開
情多不學年光老
陰雲不動楊柳低
風遞輕寒生莫早
無涯逸興不可收
馬蹄慢踏天街草

寄陝守祖擇之舍人

記得相逢否
當時在海東
別離千里外
倏忽十年中
跡異名尤異
心同齒更同
終期再清會
文酒樂無窮

哭張元伯職方

近年老輩頽凋落
使我心中又惻然
洛社掛冠高卧者
唯君清澈如神仙
昔者與君論少長
今日與君爭後先
把酒酌君君必知
爲君灑淚西風前

哭張師柔長官

生平志在立功名
誰謂才難與命爭
絕筆有詩形雅意
蓋棺無地盡交情
胸中時事何由展
天下人才不

復評魂若有知宜自慰子孫大可振家聲

和登封裴寺丞翰見寄 治平二年

陋巷簞瓢世所傳予何人則恥蕭然既知富貴須由命難把升沉更問天靜默有功成野性騫驥無路學時賢紛華出入金門者應笑溪翁治石田

何事吟寄三城富相公

何事教人用意深出塵些子索沉吟施爲欲似千鈞弩磨礪當如百鍊金釣水誤持生殺柄著棋閒動戰爭心一盃酒美聊康濟林下時時或自斟

代書寄友人

豐稷五

三

當年有志高天下嘗讀前書笑謝安豈謂此身甘老朽尙無閒地可盤桓棋逢敵手纔堪著琴少知音不願彈非止不才能退默古賢長恨得時難

訪姚輔周郎中月陂西園

相憶不可遏西街來訪時交橫過溝水隙曲遶蔬畦樹偃低頭避筇高換手持朋遊相得甚何樂更如之

依韻謝登封劉李裴三君見約遊山

諸公見約往嵩前重走新詩各一篇擺落塵埃非敢後訪尋雲水奈輪先三陽宮近叢幽石萬崱峰高幕紫煙多少勝遊俱未到願陪仙躅共攀緣

登嵩頂

九州環遠若棋枰萬崱嵩高看太平四海有人能統御中原何復有交爭長憂眼見姦雄輩且願身爲堯舜氓五十三年蕪沒事如今方喜看春耕

登封縣宇觀少室

天地始融結此山已高極羣峰擁旌幢巨石羅劒戟日出崖先紅雨餘嵐更碧安知無神仙其間久遁跡

山中寄登封令

初離縣日謀經宿既到山中未忍迴公宇若無民事決願攜茶器上山來

豐稷五

四

歸洛寄鄭州祖擇之龍圖

恩深骨髓謂慈親義重丘山是故人歸過嵩陽舊遊地白雲收得薜蘿身

和祖龍圖見寄

吾家職分是雲山不見雲山不解顏遊興亦難拘日限夢魂都不到人間煙嵐欲極無涯樂軒冕何常有暫閒洛社交朋屢思約幾時曾得略躋攀

緣飾吟

緣飾了時稱好手作爲成處似真家須防冷眼人觀覩傀儡都無帳幕遮

自況三首

名利場中難著脚
林泉路上早迴頭
不然半百殘軀體
正被風波汨未休

滿天風月爲官守
遍地雲山是事權
唯我敢開無意口
對人高道不妨言

每恨性昏聞道晚
長慙智短適時難
人生三萬六千日
二萬日來身却閒

偶書

紛紛議論出多門
安得真儒號縉紳
名教一宗長有主
中原萬里豈無人
皇王帝伯時雖異
禮樂詩書道

擊壤五

五

自新觀古事多今
可見不知何者謂經綸

代書寄商洛令陳成伯

此去替期猶半歲
商山窮僻少醫名
感傷多後氣防滯
成伯暑溼偏時疾
易生聖智不能無
蹇剗賢才方善處
哀榮斯言至淺理
非淺少補英豪一二明

治平丁未仲秋遊伊洛二川六日晚出洛城西

門宿奉親僧舍聽張道人彈琴

向晚驅車出上陽
初程便宿水雲鄉
更開數弄神仙曲
始信壺中日月長

七日遡洛陽夜宿延秋莊上

陽字衍 鼎注

八月延秋禾熟天
農家富貴在豐年
一簞雞黍一瓢酒
誰美王公食萬錢

八月渡洛登南山
觀噴玉泉會壽安縣張趙尹

三君同遊

渡洛南觀噴玉泉
千峰萬峰遙相連
中間一道長如雪
飛入寒潭不記年

九日登壽安縣錦嶂山下宿邑中

煙嵐一簇特崔嵬
到此令人心自灰
上有神仙不知姓
洞門閑倚白雲開

竝轡西遊疊石溪
斷崖環合與雲齊
飛泉亦有留人意
肯負他年向此棲

擊壤五

六

意肯負他年向此棲
疊石溪在縣南五六里

十日西過永濟橋
東橋名

十日西行過永濟
時時細雨溼衫衣
多情會得山神意
猶恐行人欠翠微

過宜陽城二首

六國區區共事秦
疲於奔命尙難親
如何殺盡半天下
豈是關東沒一人

當日宜陽號別都
奈何韓國特區區
子房不得宣遺恨
博浪沙中中副車

十一日福昌縣會雨

雲勢移峰緩泉聲出竹遲此時無限意唯有翠禽知

依韻和壽安尹尉有寄

不向紅塵浪著鞭殊無才業合時賢本酬壯志都無
效欲往青山却有綠翠竹陰中開縹帙白雲堆裏掛
飛泉錦幘正與南溪對他日從遊子子傳

十二日同福昌令王贊善遊龍潭潭在南山去縣十五里

二潭冷浸崖根黑數峰高入雲衢碧遊人屏氣不敢
言長恐雷霆奮於側

水邊靜坐天將暮猶自盤桓未成去馬上迴頭更一
觀雲煙已隔無重數

擊壤五

十三日遊上寺在縣北及黃澗在縣西

能休塵境為真境未了僧家是俗家不向此中尋洞
府更於何處覓藏花

堪嗟五伯爭周燼可笑三分拾漢餘何事不才閒處
坐平時雲水遶衣裾

十四日留題福昌縣宇之東軒

洛川秋入景尤佳微雨初過徑路斜水竹洞中藏縣
宇煙嵐鳩裏住人家霜餘紅間千重葉天外晴排數
樓霞溪淺溪深清澈灑峰高峰下碧查牙鳥因擇木
飛還遠雲為無心去更賒蓋世功名多齟齬出羣才

業足咨嗟浮生日月仍須惜半老筋骸莫強誇就此
巖邊宜築室樂吾真樂樂無涯

十五日別福昌因有所感

連昌宮廢昌河在事去時移語浪傳下有荒祠難問
處古槐枝秃竹參天

是夕宿至錦幘山下

尋常看月亦嬋娟不似今宵特地圓疑是素娥紆宿
憾相逢為在錦幘前

十六日依韻酬福昌令有寄

道義相歡豈易親古稱難處是知人文章不結市朝

擊壤五

八

士榮辱非關雲水身話入精詳皆物理言無形跡盡
天真他時洛社過從輩圖牒中添又一鄰

十七日錦幘山下謝城中張孫二君惠茶

山似投藍波似染遊心一句難拘檢仍攜二友所分
茶每到煙嵐深處點

壽安縣晚望

休歎浮生榮與辱且聽終日水潺潺遙穿暝靄孤鴻
去橫截野煙雙鷺還佳樹又作老木排青巖下圃好峰環
翠縣前山報言名利差輕者少輟光陰到此間

十八日逾牽羊坂南達伊川墳上

三尺荒墳百尺山生身慈愛在其間此情至死不能
盡日算徘徊又且還

思程氏父子兄弟因以寄之

年年時節近中秋佳水佳山爛熳遊此際歸期爲君
促伊川不得久遲留

氣候如當日山川似舊時獨來還獨往此意有誰知

十九日歸洛城路遊龍門

伊川往復過龍山每過龍山意且閒莫道移人不由
境可堪深著利名間

無煩物象弄精神世態何常不喜新唯有前墀好風

擊壤五

九

月清光依舊屬閒人

留題龍門

融結成來不記秋斷崖蒼壁鎖煙愁中分洪造夏王
力橫截大山伊水流入節灘聲長在耳一川風景盡

歸樓行人莫動凭欄興無限英雄浪白頭

誰將長劍斬長蛟斬斷長蛟劍復鞘爪尾蜿蜒凝華

嶽角牙猶惡結嵩高骨傷兩處斬蒼壁血出東流洶

巨濤此物猶難保身首爲言讒口莫嗷嗷

龍門石樓看伊川

數朝從款走煙霞縱意凭欄看物華百尺樓臺通鳥

道一川煙水屬僧家直須心逸方爲樂始信官榮未
足誇此景得遊無事日也宜知幸福無涯

二十日到城中見交舊

年年此際走煙嵐人亦何嘗謂我貪歸見交親話清
勝且無防患在三緘

二十二日晚步天津次日有詩

溪翁昨晚步天津步到天津佇立頻浴水只聞煎去
棹西風唯解促行人山川慘淡籠寒雨樓觀參差鎖
暮雲此景分明誰會得欲霜時候雁來賓

二十五日依韻和左藏吳傳正寺丞見贈

擊壤五

十一位 秋 備

上陽光景好看書非象之中有坦途良月引歸芳草

渡快風飛過洞庭湖不因赤水時時往焉有黃茅日

日娛莫道天津便無事也須閒處著工夫來詩云從
此天津南

時景不教都屬邵
堯夫故有是句

二十九日依韻和洛陽陸剛叔主簿見贈

一雲蕭蕭晚雨餘鳳凰樓下偶驅車郊詵片玉知能

挹樂廣青天幸未疎相濶夏秋聞甚事可親燈火讀

何書恨無束帛嘉程子徒自悄悄返弊廬

伊川擊壤集卷五

伊川擊壤集卷六

代書寄劍州普安令周士彥屯田

作官休用歎奚爲未有升高不自卑君子屈伸方爲道吾儒進退貴從宜卽今彭澤歸何地他日東門去未遲痛恨伊嵩景無限一名佳處重來資

二蜀至三吳中間萬里餘去年方北望今歲復西驅
劍閣離天日秦川限帝都臨風相憶處能飲一盃無

又一絕

正當老輩過從日况值高秋搖落天一把黃花一罇酒故人西去又經年

擊壤六

二宜秋館

和趙充德祕丞見贈

人言人事危冠冕吾愛吾廬遠市朝野面不堪趨魏
闕閒身唯稱訪楊寥殊無紀律詩千首富有雲山酒
一瓢預惜軒車又東去自茲風月恐難招

和王不疑郎中見贈

二十年來住洛都眼前人事任紛如形同草木何勝
野心類鐘彝不啻虛已沐仁風深骨髓更驚詩思劇
瓊瑤莊周休道虧名實自是無才悅眾狙

和魏教授見贈

清世文章日月懸無才唯幸樂豐年遊山太室更少

室看水伊川又洛川古有孟軻難語覺時無顏子易
爲賢讀書每到天根處長懼諸公問極玄

和吳冲卿省副見贈

非有非無是祖鄉都來相去一毫芒人人可到我未
到物物不妨誰與妨失卽肝脾爲楚楚得之藜藿是
膏粱一言千古難知處妙用仍須看呂梁

和孫傳師祕教見贈

天津南畔是吾廬時荷夫君枉乘車始爲退來忘檢
束却因閒久長空疎與其功業通青史孰若雲山負
素書一片丹誠最難狀庶幾長得類舟虛

擊壤六

二

依韻和陳成伯著作長壽雪會

瓊苑羣花一夜新瑤臺十二玉爲塵城中竹葉湧增
價坐上楊花盛學春時會梁園皆墨客誰思姑射有
神人餘糧豈止千倉望盈尺仍宜莫厭頻

依韻和陳成伯著作史館園會上作

竹遶長松松遶亭令人到此骨毛清梅稍帶雪微微
坼水脉連冰清清鳴殘臘歲華無奈感半醺襟韻不
勝情誰憐相國名空在吾道如何必可行

和夔峽張憲白帝城懷古

不憤曹公跨許昌苟非梁益莫爭王三分區宇風雷

惡橫截西南氣勢強行客往來閒指點史官褒貶淚
文章後人未識興亡意請看江心舊戰場

閒適吟 熙寧元年

爲士幸而居盛世住家況復在中都虛名浮利非我
有淥水青山何處無選勝直宜尋美景命傳須是擇
吾徒樂閒本屬閒人事又與偷閒事更殊

六尺眼前安樂身四時爭忍負佳辰溫涼氣候二八
月道義賓朋三五人量力盃盤隨草具開懷語笑任
天真勸君似此清閒事雖老何須更厭煩
莫將真氣助憂傷憤死英豪世更長陌上雖多馬跳

擊壤六

三

躍天邊亦有鳳翱翔三千賓客磨圭角百二山河擁
劍鎗等是一場春夢過自餘惡足更悲涼
南窗睡起望春山山在霏微煙靄間千里難逃兩眼
淨百年未見一人閒情如落絮無高下心似遊絲自
往還又恐幽禽知此意故來枝上語綿蠻
誰將造化屬東風一屬東風事莫窮殘臘也宜先作
策新正其那便要功柳梢借暖渾搖軟梅萼偷春半
露紅安得尋時情意在輕衫撩亂少年中

桃李吟

桃李因風花滿枝因風桃李却離披慘舒相繼不離

手憂喜兩般都在眉泰到盛時須入壘否當極處却
成隨今人休愛古人好只爲今人生較遲

傷心行

不知何鐵打成針一打成針只刺心料得人心不過
寸刺時須刺十分深

傷二舍弟無疾而化

手足情深不可忘割心猶未比其傷急難疇昔爾相
濟終鮮如今我遂當鞞鞞棣開無並萼邕邕雁去破
初行自茲明月清風夜蕭索東籬看斷腸二弟殯東
渠重九詩云衣如當月白花似昔年
黃擬問東籬事東籬事渺茫語類議

擊壤六

四

腸斷東籬何所尋東籬從此事沉沉差肩行處皆成
往弔影傷時無似今清淚已乾情莫極黃泉未到恨
非深不知何日能消盡三十二年雍睦心

又一首

兄旣名雍弟名睦弟兄雍睦情何足居常出入留一
人奉親教子如其欲慈父享年七十九四人稚子常
相逐其間同戲彩衣時堂上愉愉歡可掬慈父前年
忽傾逝爾弟今年命還促獨子奉母引四子日對几
筵相向哭不知腸有幾千尺不知淚有幾千斛斷盡
滴盡無奈何尋日恩光焉可贖

又一絕

手足恩情重墳簾歡樂長要知能忘處墳草兩荒涼
聽杜鵑思亡弟

嘗憶去年初夏時與爾同聽杜鵑啼杜鵑今年又復
至還是去年初夏時禽鳥亦知人意切一聲未絕一
聲悲腸隨此聲既已斷魂逐此禽何處飛

書亡弟殯所

後乎吾來先乎吾往當往之初殊不相讓

南園南晚步思亡弟

南園之南草如茵迎風晚步清無塵不得與爾同歡

擊壤六

五

欣又疑天上有飛雲一片世間來作人飄來飄去殊
無因

自憫

天無私覆古今同手足情多驟一空五七年來併家
難六十歲許更頭風常情不免順世俗私計固難專
僕童安得仙人舊查在伊川雲水樂無窮

戊申自貽

雖老仍思鼓缶歌庶幾都未喪天和明夷用晦止于
是無妄生災終奈何似箭光陰頭上去如麻人事眼
前過中間若不自爲計所損其來又更多

代書寄北海幕趙充道太博 熙寧二年

自從終鮮罷吟哦仰爲臨風一浩歌別易會難情不
已登高望遠興如何百年可惜時無再千里相思事
更多今日罇罍真北海況君雅重幾人過

依韻和王不疑少卿見贈

不把憂愁累物華光陰過眼疾如車以平爲樂豈知
分待足求安恐未涯食罷有時尋蕙圃睡餘無事訪
僧家天津風月勝他處長是思君共煮茶

仁者吟

仁者難尋思有常平居慎勿恃無傷爭先徑路機關

擊壤六

六

惡近後語言滋味長爽口物多須作疾快心事過必
爲殃與其病後能求藥不若病前能自防

東軒消梅初開勸客酒二首

爲愛消梅勝早梅數枝先發日徘徊若教嶺表臘前
盡安有洛陽正後開香逐暖風初出谷艷隨芳酒正
浮醅佳賓會取東君意莫負乘春此際來

春色融融滿洛城莫辭行樂慰平生深思賢友開眉
笑重惜梅花照眼明况是山翁差好事可憐芳酒最
多情此時不向罇前醉更向何時醉太平

清風長吟

宇宙中和氣清冷無比方與時蠲疾病爲歲造豐穰
起自青蘋末來從翠樹傍得逢明月夜便入故人鄉
密葉搖重幄般花舞靚妝兩三聲迥笛千萬縷垂楊
細度絲桐韻深傳蘭蕙香樓臺臨遠水軒檻近脩篁
盛夏驅煩暑初晴送晚涼輕披綠荷菱緩透薄衣裳
浪走翩翩袂波生激灩觴閑愁難著莫幽思易飛揚
快若乘天馬醒如沃蔗漿面前遊閬苑坐上泛瀟湘
不可將錢買焉能用斗量依憑全藉德收貯豈須倉
無患兼并取寧憂寇盜攘以茲爲樂事未始有憂傷

垂柳長吟

擊壤六

七

垂柳有兩種有長有短垂唯茲長一種偏與靜相宜
院宇深春後亭臺晚景時不勝煙霧羃無奈日遲遲
霖霖雨初過清冷風乍吹章臺街左右華表柱東西
起眼出牆樹拂頭當路枝翩翩絲羅帶縹緲縷金衣
蕩颺飄晴絮續紛舞暖絲絲牽寸腸斷絮入萬家飛
婀娜王恭韻娑娑趙后姿修妍張緒少柔軟沈侯羸
濯濯青拖地粲粲翠連池般添花灼灼引惹草萋萋
鬱鬱籠山館疎疎映酒旗贈人人自泣駐馬馬還嘶
影裏啞啞去陰中輾轉歸淒涼裝暝靄淡薄掛斜暉
悞惱輕攀折憂愁重別離早衰緣傍道先茂爲臨溪

樓外蟬纒噪橋邊鶯又啼生憎遮望眼死恨學妝眉
遠客莫知數長條曾繫誰經霜儘憔悴來歲却依依

落花長吟

以酒戰花穠花穠酒更濃花能十日盡酒未百壺空
尙喜裝衣袂猶憐墜酒鍾多情唯粉蝶薄倖是遊蜂
減却墻頭艷添爲徑畔紅飄零深院宇點綴靜簾櫳
又恐隨流水仍憂嫁遠風水流猶委曲風遠更西東
須籍殘春後離披晚照中亭臺雖有主軒騎斷無蹤
劔去擁妃子兵來圍石崇馬兜方戀戀金谷正怱怱
曹植辭休切襄王夢已終謬稱尋洛浦浪說數巫峰

擊壤六

八

燕訴冤還在鶯傳信莫通昔錢如可買柳線自能縫
悵望尤真宰淒涼磔化工放教成爛熳不使略從容
命掃心爭忍言收計遂窮異香銷骨髓絕色死英雄
任詫回天力饒矜蓋世功奈何時旣往到了事難重
開謝形相戾興衰理一同天機之淺者未始免忡忡

芳草長吟

芳草更休生芳罇更不傾草如生不已罇豈便能停
雨後閑池閣春深小院庭是時簾半卷此際酒初醒
密密嫩方布茸茸綠已成送迴殘照淡引起曉寒輕
靜襯花村薄閑裝竹塢清溪邊微水浸原上未春耕

莫道香車輾休教細馬行藉餘無限意望久不勝情
臺迥眉初斂樓危眼乍明低低暮雲碧隱隱遠山青
翠接鴛鴦浦蕪遮楊柳汀江潭夜帆落海渚晚舟橫
戍壘角一弄牧童笛數聲沙頭雙鷺下渡口亂鴻驚
蒨鬱出征地芊綿奉使程遠披來往路通遶短長亭
苒苒秦皇墓離離漢帝城荒涼故銅雀破碎舊金陵
霧鎖前朝事煙昏後世名枯猶藏狡兔窟亦化流螢
縱刻奚由盡纔燒又却榮徒能蔽京觀仍願且升平

春水長吟

春在水自淥春歸淥遂休清非不逮淥春奈勝于秋

擊壤六

九

淥向陽中得清於冷上求加於清一等用是淥爲優
薄薄水初泮微微雨乍收渺瀰新島嶼激灑舊汀州
荷芰低猶卷荻蒲嫩已抽蘋蘩雖漸出藻荇未全稠
日暖鴛鴦浴煙晴翡翠游波平躍雙鯉風靜戲羣鷗
西蜀遊爭舉東甌稷競修武陵花再識漢曲珮還投
臺下溶溶過堤邊漫漫流檻前纔泚泚天外更悠悠
泛濫情懷惡潏潏意思幽遠山遮不斷一作別浦去
難留二月溪橋畔三吳野渡頭依前橫雨漿特地送
孤舟畫手方停筆騷人正倚樓長江飛絮外只是動

離愁

花月長吟

少年貪讀兩行書人世樂事都如愚而今却欲釋前
憾奈何意氣難如初每逢花開與月圓一般情態還
何如當此之際無詩酒情亦願死不願駐花逢皓月
精神好月見奇花光彩舒人與花月合爲一但覺此
身遊葉珠又恐月爲雲阻隔又恐花爲風破除若無
詩酒重收管過此又却成輕辜可收幸有長詩篇可
管幸有清酒壺詩篇酒壺時一講長如花月相招呼
有花無月愁花老有月無花恨月孤月恨只憑詩告
訴花愁全仰酒支梧月恨花愁無一點始知詩酒有

擊壤六

十

功夫些兒林下閒疎散做得風流罪過無

同府尹李給事遊上清宮

洛城二月春搖蕩桃李盛開如步障高花下花紅相
連垂楊更出高花上閒陪大尹出都門邛阜真宮共
尋訪不見翠華西幸時臨風盡日獨惆悵

乞笛竹栽於李少保宅

浪種閒花占地生未嘗容易暫留情奈何苦愛凌霜
節一作况是猶存鏤管名待鳳至時當有實學龍吟
處豈無聲幽人願乞數枝種得自君家又更榮

思山吟

看卽青山與白雲
尋思沒量大功勳
未知樂處緣何
事豈止飢時會
茹葷千首拙詩難
著怨一樽芳醕別
涵春壺中日月長
多少能老紅塵幾
輩人
祇恐身閒心未閒
閒何必住雲山
果然得手情性
上更肯埋頭利害
間動止未嘗防忌
諱語言何復著
機關不圖爲樂
至于此天馬無蹤
自往還

恨月吟

我儂非是惜黃金
自是常娥愛負心
初未上時猶露
滴怡纔圓處便天
陰欄干倚了還重
倚芳酒斟廻又
再斟安得深閨與
收管奈何前後誤
人深

愁花吟

三千宮女衣宮袍
望幸心同各自嬌
初似綻時猶淡
薄半來開處特妖
饒檀心未吐香先
發露粉旣垂魂
已銷對此芳樽多
少意看看風雨騁
麤豪

和張子望洛城觀花

造化從來不負人
萬般紅紫見天真
滿城車馬空撩
亂未必逢春便得
春

落花短吟

滿園桃李正離披
更被狂風非意吹
長是憂愁初謝
處却須思念未開
時奈何紅艷易消
歇不似青陰少

改移九十日春都去
盡樽前安忍更顰眉

芳草短吟

花間水畔綠如茵
興廢曾經漢與秦
占了山川無限
地愁傷今古幾何
人嚴霜殺盡還逢
雨野火燒殘又
遇春不那路傍多
此物農家長是費
耕耘

垂柳短吟

臨溪拂水正依依
更被狂風來往吹
薄暮不勝煙霧
幕深春無奈日遲
遲誰家縹緲青羅
帔何處蹁躑金
縷衣猶恐離人腸
未斷滿天仍著亂
花飛

春水短吟

雪消冰泮淅盈溝
翡翠鴛鴦得志秋
長恨遠山遮不
斷又疑別浦去難
留遠堤楊柳輕輕
拂近岸新蒲細
細抽滿眼煙波杳
無際三吳特地送
孤舟

清風短吟

清風興況未全衰
豈謂天心便棄遺
長具齋莊緣讀
易每慙疎散爲吟
詩人間好景皆輸
眼世上閒愁不
到眉生長太平無
事日又還身老太
平時

暮春寄李審言龍圖

年年長是怕春深
每到春深病不任
傷酒情懷因小
會養花天氣爲輕
陰歲華易革向來
事節物難廻老

去心唯有前軒堪靜坐臨風想望舊知音

初春閒吟

綠楊深處嘯流鶯鶯語猶能喜太平人享永年非不幸
天生珍物豈無情牡丹謝後紫櫻熟芍藥開時班
笋生林下一般閒富貴何嘗更肯讓公卿

代書答開封府推官姚輔周郎中

世態其如與願違必須言進是無知遍將底事閒思
處不若西街極論時設有奇才能動世奈何雙鬢已
如絲天邊新月從來細不爲人間愛畫眉來書云願
先生自愛
恐不容久
居林下矣

擊壤六

三宜秋備

伊川擊壤集卷七

代書寄濠倅張都官

多慙吾亦未知音天樂雖聞不許尋
惠子相時情自好莊生遊處意能深
聞來略記一春事老去難忘千里心
洛社交朋每相見為吾因掉白頭吟

詔三下答鄉人不趨之意

生平不作皺眉事天下應無切齒人
斷送落花安用雨裝添舊物豈須春
幸逢堯舜為真主且放巢由作外臣
六十病夫宜揣分監司無用苦開陳

和王安之少卿韻

擊壤七

一直秋備

却恐鄉人未甚知相知深後又何疑
貧時與祿是可愛老後得官難更為
自有林泉安素志況無才業動丹墀
荷楊若守吾儒分免被韓文議小疵

依韻和劉職方見贈

造物工夫意自深從吾所樂是山林
少因多病不干祿老為無才難動心
花月靜時行水際蕙風香處臥松陰
閒窗一覺從容睡願當封侯與賜金

代書謝王勝之學士寄萊石茶酒器

東山有石若瓊玖匠者追琢可盛酒
君子得之惜不用慙慙遠寄林下叟
林叟從來用瓦盞驚惶不敢擊

上手重誠兒童無損傷緘藏復以待賢友
未知賢友何時歸男子功名未成就朝廷
先從憂者言方今莫如二虜醜漢之六郡
限遼西唐之八州隔山後自餘甘沙甘與
涼中原久而不能有奈何更餌以金帛重
困吾民猶掣肘若非堂上出奇兵安得闔
外拉餘朽直可逐去此腥羶西出玉門北
逾口城下狐狸既不存路上豺狼自無走
太陽烜赫耀天衢氛妖接變匿塵垢功成
不肯受上賞印解黃金大于斗乞洛辭君
出國門歸鞍暖拂天街柳千官如壁遮道
留仰面弄鞭不回首鄉人夾路迎大尹醉
擁旌幢錦光溜下車

擊壤七

二

拜墓還政餘不訪公門訪親舊始知此器用
有時吾當為君獻眉壽

崇德閣下答諸公不語禪

浩浩長空走日輪何須苦苦辨根塵
鵬程萬里非由駕鶴算三千別有春鉛錫
點金終屬假丹青畫馬妄求真請觀風急
天寒夜誰是當門定脚人

天宮小閣倚欄

六尺殘軀病復羸況堪日日更添衰
滿懷可惜精明處一語未能分付時
沙裏有金然索揀石中韞玉奈何疑
此情牢落西風暮倚遍欄干人不知

代書寄華山雲臺觀武道士

太華中峰五千仞下有大道人往還當時馬上一廻
首十載夢魂猶過關生平愛山山未足由此看盡天
下山求如華山是難得使人消得一生閒

代書寄長安幕張文通

無學又無謨胸中一向虛枯腸忻飲酒病眼怕看書
洛浦輕風裏天津小雨餘故人千里隔相望意何如
和人間韓魏公出鎮永興過洛

佐命三朝爲太宰名垂千古號元功栽培桃李滿天
下出入風濤半海中虎帳夜寒心益壯鳳池波暖位

擊壤七

三

猶空君王鼎盛子儀在萬里河湟不足攻

代書寄白波張景真禳運

秋入山河氣象雄不堪閒望老年中金蘭契重思無
限手足情多感未終半局殘棋消白晝一簪華髮亂
西風唯君父子相知久松桂心同色更同

代書寄鄞江知縣張太博

長憶當年掃弊廬弟兄同受策名初一生不記尋常
事千里猶通咫尺書風月遙知四明好江山況是九
秋餘片帆未得閒飛去徒見巖君問起居

先幾吟

先幾能識是吾儕慎勿輕爲世俗哈把似眾中呈醜
拙爭如靜裏且談諧奇花萬狀皆輸眼明月一輪長
入懷似此光陰豈虛過也知快活作人來

秋暮西軒

遠欄種菊一齊芳戶牖軒窗總是香得意不能無興
詠樂時況復遇豐穰深秋景物隨宜好向老筋骸粗
且康飲罷何妨更登眺爛霞堆裏有斜陽

天津閒步

洛陽城裏任西東二十年來放盡慵故舊人多時款
曲京都國大體雍容池平有類江湖上林靜或如山

擊壤七

四

谷中不必奇功蓋天下閒居之樂自無窮

寄和長安張強二機宜

二公詩美過連城欲報才非禰正平本謂柏舟終不
遇却驚華袞重爲榮岷峨雨後方知峭風月霜餘始
見清前有古人稱寡和陽春白雪豈虛名

代書答淮南憲張司封

緣木求魚固不能緣魚求炙恐能行與其病後求良
藥不若醉時辭大觥芝草無根休用種蟠桃有實豈
難生荷君見愛情非淺一芥還同一芥榮

偶得吟

集大成人不肯模却行何異棄金車便言天下無難
事豈信人間有丈夫天意順時爲善計人情安處是
良圖天人之際只些子過此還同隔五湖

代書寄友人

一別光陰二紀餘歲華如箭止堪吁東西契濶久經
難前後慇懃兩得書故國山川皆夢寐舊家人物半
丘墟何時重講當時事笑對西風圻酒壺

風吹木葉吟

熙寧三年

風吹木葉不吹根慎勿將根苦自陳天子舊都閒好
住聖人餘事冗休論長年國裏神仙侶安樂窩中富

擊壤七

五

貴人萬水千山行已遍歸來認得自家身

閒行吟

長憶當年掃弊廬未嘗三徑草荒蕪欲爲天下屠龍
手肯讀人間非聖書否泰悟來知進退乾坤見了識
親疎自從會得環中意閒氣胸中一點無

投吳走越覓青天殊不知天在眼前開眼見時猶有
病舉頭尋處更無緣顏淵正在如愚日孟子方當不
動年安得功夫遊寶肆愛人珠貝重憂錢

買卜稽疑是買疑病深何藥可能醫夢中說夢重重
妄牀上安牀疊疊非列子御風徒一本有待夸夫逐

日豈無疲勞多未有收功處踏盡人間閒路歧

對花飲

人言物外有煙霞物外煙霞豈足誇若用較量爲樂
事但無憂撓是仙家百年光景留難住十日芳菲去
莫遮對酒有花非負酒對花無酒是虧花

春盡後園閒步

綠樹成陰日黃鶯對語時小渠初激灑新竹正參差
倚杖閒吟久攜童引步遲好風知我意故故向人吹

代書寄吳傳正寺丞

敦篤情懷世所稀昔年今日事難追雪霜未始寒無
甚松桂何嘗色暫移洛邑士人雖我信天津風月只

擊壤七

六

君知夢魂不悟東都遠依舊過從似舊時

洛下園池

洛下園池不閉門洞天休用別尋春縱遊只却輪閒
客遍入何嘗問主人更小亭欄花自好儘荒臺榭景
纔真虛名誤了無涯事未必虛名總到身

夢過城東謁洛陽尉楊應之

夜來清夢過城東溪水分流徑路通全似乘查上天
漢但無嚴子驗行蹤

代書寄前洛陽簿陸剛叔祕校

洛城官滿振衣裾塵土何由浼遠途道在幸逢清日
月眼明應見舊江湖知行知止唯賢者能屈能伸是
丈夫歸去何妨趁殘水三吳還似嚮時無

答人乞碧蘆

草有可嘉者莫將蕭艾儔扶疎全類竹蒼翠特宜秋
風雨聲初入江湖思莫收無功濟天下藉此一淹留

逍遙吟

吾道本來平人多不肯行得心無厚味失脚有深坑
若未通天地焉能了死生向其間一事須是自誠明
人生憂不足外更何求吾生雖未足亦也却無憂

擊壤七

七

天和將酒養真樂用詩勾不信年光會催入早白頭
夜入安樂窩晨興飲太和窮神知道泰養素得天多
日月任推盪山川徒琢磨欲求爲此者到了是誰何
何事感人深求之無處尋兩儀長在手萬化不關心
石裏時藏玉砂中屢得金分明難理會須索入沉吟

偶得吟

相去一毛間千山復萬山雖能忘寢食未肯去機關
不是責人備奈何開口難天心况非遠既遠遂無還

每度過東隣

每度過東隣東隣愈覺勤既來長自愧相見只如親

飲食皆隨好兒童亦自忻吾鄉有是樂何必更求仁

每度過東街

每度過東街東街怨暮來只知閒說話那覺太開懷
我有千般樂人無一點猜半醺歡喜酒未晚未成廻

君子與人交

君子與人交未始無驚惕小人與人交未始無差忒
祇此真歡喜也宜重愛惜他年雲水疎亦恐難尋覓

唯天有二氣

唯天有二氣一陰而一陽陰差產蛇蝎陽和生鸞鳳
安得蛇蝎死不爲人之殃安得鳳凰生長爲國之祥

擊壤七

八

無客廻天意

無客廻天意有人資盜糧日中屢見斗六月時降霜
有書不暇讀有食不暇嘗食況不盈缶書空堆滿牀
惡死而好生古今之常情人心可生事天下自無兵
草木尙成若山川豈不寧胡爲無擊壤飲酒樂昇平

放小魚

纖鮮不足留此失一生休放爾江湖去寬渠鼎鑊遊
更宜深避網慎勿悞吞鈞天下多庖者無令落庶羞

依韻和田大卿見贈

日日步家園清風不著錢城中得野景竹下弄飛泉

自顧無嗟若何妨養浩然却慙天下士語道未忘筌

乞笛竹

洛人好種花唯我好種竹所好雖不同其心亦自足
花止十日紅竹能經歲綠俱霑雨露恩獨無霜雪辱

依韻和王不疑少卿招飲

經難憶浮丘吾鄉足勝遊風前驚白髮雨後喜新秋
仕宦情雖薄登臨興未休人間浪憂事都不到心頭

再和王不疑少卿見贈

乍涼天氣好何處不堪遊鴻雁來賓日鷹鷂得志秋
忘形終夕樂失脚一生休多少江湖上舟船未到頭

擊壤七

依韻和三王少卿同過弊廬

安之不疑中美

洛中詩有社馬上句如神白首交情重黃花節物新
見過心可荷知愧道非淳寂寞西風裏身閒半古人

代書寄南陽太守呂獻可諫議

一別星霜二紀中升沉音問不通林間談笑須歸
我天下安危宜繫公萬乘几前常蹇諤百花洲上畧
從容不知月白風清夜能憶伊川舊釣翁

寄吳傳正寺丞

天津風月一何孤似我經秋相憶無每仗晴波寄聲
去不知曾得到東都

寄前洛陽簿陸剛叔秘校

洛陽官滿歸吳會男子雄圖志未伸若到江山最佳
處舉盃無惜望天津

依韻和淮南憲張司封

庭梧葉半黃籬菊初受霜向晚意不快把酒西南望
聲望君不見君但見鴻南翔正欲思寄書自成書數
行

重陽前一日作

近來多病不堪言長欲醺醺帶醉眠新酒乍逢重九
日好花初接小春天自知命薄臨頭上不願事多來

擊壤七

眼前唯有天津橫落照水聲仍是舊潺湲

重九日登石閣三首

人情見了多世態請來久事過憂嗟臍物傷防掣肘
水濁更澄瀘衣塵須抖擻必欲論主衡何人為好手
事出一時閒時過事莫還當時深可愛過後不堪看
夏去休言暑冬來始講寒人能知此理憂患自難干
今歲重陽日凭欄氣候遲雲煙雖已淡林木未全衰
天地開懷處山川快眼時欄干空倚遍此意有誰知
依韻答友人
百萬貔貅動塞塵朝廷委寄不輕人胡兒生事雖然

淺國士盡忠須是純隴上悲歌應憤惋林間酣飲但
酸辛欲陳一句好言語只恐相知未甚真

偶見吟

富貴多做人人情有時移道德不做人人情久益歸
道德有常理富貴無定期蒿萊霜至萎松柏雪更滋
世人多附炎炎歇人自去君子善處約約久情自固
炎歇勢不廻情固人不去路人或如親親人却如路
心跡貴相親相親善惡分世間須有物天下豈無人
既見薰蕕臭當思玉石焚如何得時態長似洛陽春

無題吟

擊壤七

十一
直
秋
節

昔日不鍊物嘗爲物所誤今日不鍊人又爲人所怒
物誤亦可辯人怒難往訴我對人稱過人亦爲我恕

無酒吟

自從新法行嘗苦罇無酒每有賓朋至盡日間相守
必欲句于人交親自無有必欲典衣買焉能得長久

讀陶淵明歸去來

歸去來兮任我真事雖成往意能新何嘗不遇如斯
世其那難逢似此人近暮特嗟時翳翳向榮還喜木
欣欣可憐六百餘年外復有閑人繼後塵

伊川擊壤集卷七

伊川擊壤集卷八

訪南園張氏昆仲因而留宿

中秋天氣隨宜好來訪南園會隱家張氏園名貪飲不知歸去晚水精宮裏宿煙霞

和王安之少卿同遊龍門

生平有癖好尋幽一歲龍山四五遊或往或還都不計蓋無榮利可稽留
數朝從款看伊流夜卜香山宿石樓會有涼風開遠意更和煙雨弄高秋

歸城中再用前韻

擊壤集八

宜秋節

乘興龍山訪盡幽恰如人在畫圖遊恨無美酒酬佳景正欲留時不得留

又一首

初秋微雨造輕寒倚遍東岑閣上欄不謂是時煙靄裏松齋人作畫圖看松齋安之弟所居在水西

和人留題張相公庵

做了三公更引年人間福德合居先結茅未盡忘君處正在嵩高萬歲前

代書寄程正叔

嚴親出守劔門西色養歡深世表儀唐相規模今歷

歷蜀民邀樂舊熙熙海棠洲畔停機處金雁橋邊立馬時料得預憂天下計不忘君者更為誰

歲暮自貽

當年志意欲橫秋今日思之重可羞事到強圖皆屑屑道非真得盡悠悠靜中照物精難隱老後看書味轉優談塵從容對賓客薦章重疊誤公侯已蒙賢傑開青眼不願妻孥怨白頭谷口鄭真焉敢望壽陵餘子若為謀鼎間龍虎志看守某上山河廢講求一枕晴窗睡初覺數聲幽鳥語方休林泉好處將詩買風月佳時用酒酬三百六旬如去箭肯教襟抱落閒愁

擊壤集八

二

歡喜吟 熙寧四年

行年六十一筋骸未甚老已為兩世人便化豈為天況且粗康強又復無憂撓如何不喜歡佳辰自不少

寄李景真太博

花前靜榻閒眠處竹下明窗獨坐時著甚語言名字泰林間自有翠禽知

感事吟

蛇頭蝎尾不相同毒殺人多始是功風月四時無限好莫將閒事撓胸中

寄亳州秦伯鎮兵部

三川地正得中陽氣入奇葩亦自王善識好花人不
遠好花無恡十分芳

人事紛紛積有年何煩蠶感向花前萬般計較頭須
白饒了胸中不坦然

無恨有情風月間好將醇酒發醜顏奈何人自生疑
阻利害嫌輕更設關

雖貧無害日高眠人不堪憂我自便煨鍊物情時得
意新詩還有百來篇

天心復處是無心心到無時無處尋若謂無心便無
事水中何故却生金

雙環八

三

酒涵花影滿卮紅瀉入天和胸臆中最愛一般情味
好半醺時與太初同

別寄一首

許大秦皇定九州九州纔定却歸劉他人莫謾誇精
彩徒自區區撰白頭

思故人

芳酒一樽雖甚滿故人千里奈思何柳拖池閣條偏
細花近簷楹香更多

謝王平甫教授賞花處惠茶仍和元韻

大學先生善識花得花精處却因茶萬紅香裏烹餘

後分送天津第一家

南園賞花

三月初三花正開開同親舊上春臺尋常不醉此時
醉更醉猶能舉大盃

花前把酒花前醉醉把花枝仍自歌花見白頭人莫
笑白頭人見好花多

獨賞牡丹

賞花全易識花難善識花人獨倚欄雨露功中觀造
化神仙品裏定容顏尋常止可言時尙奇絕方名出
世間賦分也須知不淺算來消得一生閒

雙環八

四

問春

三月春歸留不住春歸春意難分付凡言歸者必歸
家爲問春家在何處

春歸必竟歸何處無限春冤都未訴欲託流鶯問所
因子規又叫不如去

春來愁去只因花春去愁來翻帶酒長恨愁多酒力
微爲春成病花知否

安樂窩中自貽

物如善得終爲美事到巧圖安有公不作風波於世
上自無冰炭到胸中災殃秋葉霜前墜富貴春華雨

後紅造化分明人莫會枯榮消得幾何功

花前勸酒

春在對花飲春歸花亦殘對花不飲酒歡意遂闌珊
酒向花前飲花宜醉後看花前不飲酒終負一年歡

書皇極經世後

樸散人道立法始乎犧皇歲月易遷革書傳難考詳
二帝啟禪讓三王正紀綱五伯仗形勝七國爭強梁
兩漢驤龍鳳三分走虎狼西晉擅風流羣凶來北荒
東晉事清芬傳馨宋齊梁逮陳不足算江表成悲傷
後魏乘晉弊掃除幾小康遷洛未甚久旋聞東西將

擊壤八

五

北齊舉燭火後周馳星光隋能一統之駕福于巨唐
五代如傳舍天下徒擾攘不有真主出何由奠中央
一萬里區宇四千年興亡五百主肇位七十國開疆
或混同六合或控制一方或創業先後或垂祚短長
或奮于將墜或奪于已昌或災興無妄或福會不祥
或患生藩屏或難起蕭牆或病由唇齒或疾亟膏肓
談笑萌事端酒食開戰場情慾之一發利害之相戕
劇力恣吞噬無涯罹禍殃山川纔表裏巨壠又荒涼
荆棘除難盡芝蘭種未芳龍蛇走平地玉石粹崑岡
善設稱周孔能齊是老莊奈何言已病安得意都忘

履道會飲

眾人之所樂所樂唯鶯塵吾友之所樂所樂唯清芬
清芬無鼓吹直與太古隣太古者靡他和氣常細紵
里開舊情好有才復有文過從一日樂十月生陽春
洛陽古神州周公嘗纓陳四時寒暑正四方道里均
代不乏英俊號爲多縉紳至于花與木天下莫敢倫
而逢此之景而當此之辰而能開口笑而世有幾人
清衷貫金石劇談驚鬼神天地爲一指富貴如浮雲
明時緩康濟白晝閒經綸莫如陪歡伯又復對此君
商於六百里黃金四萬斤不能買茲樂自餘惡足論

擊壤八

六

接離倒戴時蟾蜍生海垠小車倒戴時山翁歸天津

思鄭州陳知默因感其化不得一識面

美物須絕代異人須不世造化生得成諒亦非容易
曠世耳可聞同時目能視陳子同時人奈何聞諸耳

謝城南張氏四兄弟冒雪戴簪酒見過

久旱幾逾冬川守祈未得雁行聯鑣來佳雪遽盈尺
酒面生紅光客心喜何極半夜離天津天津陟岑寂

大寒吟

舊雪未及消新雪又擁戶堦前凍銀牀簷頭冰去聲鍾
乳清日無光輝烈風正號怒人口各有舌言語不能

吐

和李審言龍圖大雪

萬樹瓊花一夜開
都和天地色皚皚
素娥腰細舞將微
白玉堂深曲又催
鑿牖書生方挾策
沙場甲士正銜枚
幽人骨瘦欲清損
賴有時時酒一盃

小車行

喜醉豈無千日酒
惜春還有四時花
小車行處人歡喜
滿洛城中都似家

依韻和浙憲任度支

宦路尋知已得真
可堪輕負洛城春
江湖相望三千

擊壤八

二

里休使鄉朋想望頻

和宋都官乞梅

熙寧五年

小園雖有四般梅
不似江南迎臘開
長恨東君少風韻
先時未肯放春來

東軒黃紅二梅正開坐上書呈友人

一年一度見雙梅
能見雙梅幾度開
人壽百年今六十
休論閒事且銜盃

和任比部憶梅

痛惜梅開易得殘
既殘憔悴不堪言
年年長被清香誤
爭似閒栽竹數竿

垂柳

門前垂柳正依依
更被東風來往吹
忘了自家今已老
却疑自是少年時

至靈吟

至靈之謂人至貴
之謂君明則有日月
幽則有鬼神

人鬼吟

既不能事人又焉能事鬼
人鬼雖不同其理何嘗異

生平與人交

生平與人交未始有甘壞
已亦無負人人亦無我害

知識吟

目見之謂識耳聞之謂知
奈何知與識天下亦常稀

擊壤八

八

偶書吟

風林無靜柯風池無靜波
林池既不靜禽魚當如何

思患吟

僕奴凌主人夷狄患中國
自古知不平無由能絕得

寄三城王宣徽二首

林下居雖隱花前飲却煩
世間無事樂都恐屬閒人
路上塵方盈壺中花正開
何須頭盡白然後賦歸來

仁聖吟

盡道之謂聖如天之謂仁
如何仁與聖天下莫敢倫

和邢和叔學士見別

世路如何若大東相逢不待語言通
觀君自比諸葛亮顧我殊非黃石公
講道汗隆無巨細語時興替有初
終出人才業尤須惜慎勿輕為西晉風

擊壤吟

人言別有洞中仙洞裏神仙恐妄傳
若俟靈丹須九轉必求朱頂更千年
長年國裏花千樹安樂窩中樂滿懸
有樂有花仍有酒却疑身是洞中仙

春去吟

好物足艱難都來數日間既為風攪
撓又被雨摧殘

擊壤八

九

富貴醉初醒神仙夢乍還遊人不知
止依舊倚朱欄

南園花竹

花行竹逕緊相挨每日須行四五迴
因把花行侵竹種且圖竹逕對花開
花香遠遠隨衣袂竹影重重上酒盃
誰道山翁少溫潤這般紅翠却長偃

再答王宣徽

自有吾儒樂人多不肯循以禪為樂
事又起一重塵

又

大達誠無礙人人自有家假花猶入
念何者謂真花

蒼蒼吟寄答曹州李審言龍圖

一般顏色正蒼蒼今古人曾望又作斷腸日往月來
無少異陽舒陰慘不相妨迅雷震後山川裂甘露零
時草木香幽暗巖崖生鬼魅清平郊野見鸞鳳千花
爛為三春雨萬木凋因一夜霜此意分明難理會直
須賢者八消詳

林下五吟

真工造化豈容私拙者為謀亦甚微安樂窩中初起
後太和湯醞半醺時長年國裏籃舁往永熟鄉中杖
策歸身似升平無一事數莖髭白任風吹

擊壤八

十

老年軀體素温存安樂窩中別有春萬事去心閒偃
仰四支由我任舒伸庭花盛處涼鋪簟簷雪飛時軟
布袍誰道山翁拙於用也能康濟自家身

有物輕醇號太和半醺中最得春多靈丹換骨還如
否白日升天得似磨儘快意時仍起舞到忘言處只
謳歌賓朋莫怪無拘檢真樂攻心不奈何

相招相勸飲流霞鬢亂秋霜髮亂華所記莫非前甲
子凡經多是老官家共誇今日重孫過更說當時舊
事呀言語丁寧有情味後生無笑太周遮

生來未始事田疇無歲無時長有秋隨分盃盤俱是
樂等閒池館便成遊風花雪月千金子水竹雲山萬

戶侯欲俟河清人壽幾兩眉能著幾多愁

安樂窩中自訟吟

不向紅塵浪著鞭唯求寡過尙無緣虛更遠瑗知非
日謬歷宣尼讀易年髮到白時難受彩心歸通後更
何言至陽之氣方爲玉猶恐鑽磨未甚堅

和君實端明花庵二首

不用丹楹刻桷爲重重自有翠陰垂後人繼取天真
意種蒔增華非所宜
庵後庵前盡植花花開番次以時好主人事簡常燕
休不信歲華能撰老

伊川擊壤集卷九

六十二吟

行年六十二康強况復身居永熟鄉美景良辰非易得淺斟低唱又何妨無涯歲月難拘管有限筋骸莫毀傷多少英豪弄才智大曾經過惡思量

林下局事吟

閑人亦也有官守官守一身四事有一事承曉露看花一事迎晚風觀柳一事對皓月吟詩一事留嘉賓飲酒從前于茲二十年欲求同列誰能否

依韻和吳傳正寺丞見寄

擊壤集九

五十年來讀舊書世間應笑我迂疎因思偶女忘今古迷悟輪人致疾徐道業未醇誠可病生涯雖薄敢言虛時和受賜已多矣安有胸中不晏如

延福坊李太博乞園池詩

宣威十九次高牙奕葉功臣舊將家清世辭榮歸里第白頭行樂過年華杯盈香醕浮春水曲度新聲出觀花如此園池如此壽兒孫滿眼慶無涯

金玉吟

良金美玉信難偕好物其來最受埋盜跖免兵非積善仲尼無土反成猜中孚既若須為信云能無妄

因何却有災莫若致之為外事心源可樂是昭回

夏日南園

夏木無重數森陰翠樾低相呼百禽語大半是黃鸝

謝富寺丞惠希夷鱗

仙掌峯巒峭不收希夷陳圖南也去後遂無儔能斟時事

高擡手善酌人情畧撥頭畫虎不成心尚在悲麟無

應淚橫流悟來不必多言語贏得清閑第一籌

和君實端明花庵獨坐

靜坐養天和其來所得多耽耽同又作殊厦宇密密引

藤蘿忘去貴臣度能容野客過繫時休戚重終不道

擊壤九

如何

依韻和宋都官惠樓拂子

洛邑從來號別都能容無狀久安居眾蚊多少成雷

處一拂何由議掃除

同王勝之學士轉運賞西園芍藥

此物揚州素所聞今于洛汭特稱珍雅知國色善移

物更著天香暗結人欲殿羣芳仍占夏得專奇品不

須春日斜立馬將歸去再倚朱欄看一巡

戲謝富相公惠斑笋三首

名園不放過鴟飛相國如今遂請時鼎食從來稱富

貴更和花筭一兼之

承將大笋來相詫小圃其如都不生雖向性情曾著
力奈何今日未能平

應物功夫出世間豈容人可強躋攀我儂自是不知
量培塿須求比泰山

答李希淳屯田

逢時雖出欲胡為其那天資智識微弊性止堪同蠖
屈薄才安敢望鵬飛長因訪舊歡無極每為尋幽暮
不歸花愛半開承露看奈何花上露沾衣

苔錢

擊壤九

一雨一番新非關鼓鑄頻縱多難贈客便失不猜人
遍地未為富滿堵那濟貧買愁須有為酤酒斷無因
散處如籌計重時似索陳不能賙已急何暇更賙親

種穀吟

農家種穀時種禾不種莠奈何禾未榮而見莠先茂
莠若不誅鋤禾亦未成就又况雨霈時霑及恩一溜

和君實端明見贈

曾不見謔謔城中類遠郊雖無千里馬却有一枝巢
月出雲山背風來松竹稍頽然何所得豈復避人嘲

秋夜

行雲一消散星斗粲長天碧蘚墜丹果清香生白蓮

體涼猶衣葛耳靜已無蟬坐久羣動息秋空唯寂然

平日遊園常策筇杖秋來發篋復出貂褥二物

皆景仁所貺睹物思人斐然成詩

筇杖攜已久貂褥展猶新漸染岷山雪拂除京國塵
危扶醉歸路穩稱病來身賴此齋中物時如見故人

雲

晴空碧於水那得片雲飛映日成丹鳳隨風變白衣
去來皆絕迹隱顯兩忘機天理誰能測終然何所歸

閑來

擊壤九

閑來觀萬物在處可逍遙魚為貪釣得蛾因赴火焦
碧梧飢鷺鴛白粒飽鷓鴣帶索誰家子行歌復采樵
花巷多牽牛清晨始開日出已瘁花雖甚美而
不能留賞

不能留賞

望遠雲凝袖救餘黛散鈿縹囊承曉露翠蓋拂秋煙
嚮慕非葵比雕零在權先才供少頃玩空廢日高眠

和秋夜

久畏夏暑日喜逢秋夜天急雨過修竹涼風搖晚蓮
豈謂敗莎蛩能繼衰柳蟬安得九皋禽清唳一灑然

和紹禔筇杖二物皆范景仁所惠

君子亦保物保故不保新節生蜀部石貂走陰山塵
善扶巖險路能暖瘦羸身行坐不可捨常如親斯人

和雲

萬里幙四垂一片雲自飛祗知根抱石不爲天爲衣
既來曾無心却去寧有機未能作霖雨安用帝鄉歸

和閑來

以身觀萬物萬物理非遙馬爲乘多瘦龜因灼苦焦
能言謝鸚鵡易飽過鷓鴣伊洛好煙水願同漁與樵

和花巷上牽牛花

葉開深如幄花繁翠似鈿灑灑冷曉露幕幕蔽晴煙

擊壤九

五

謝既成番次開仍有後先主人凝佇苦長是廢朝眠

寄三城舊友衛比部二絕

雖老未龍鍾籬邊菊滿叢乍涼天氣好里閉正過從

景好身還健天晴路又乾小車芳草軟又作處處是

清歡

秋日登石閣

初晴僧閣一凭欄風物淒涼八月間欲盡上層嘗脚
力更於高處看人寰秋深天氣隨宜好老後心懷只

愛閑爲報遠山休斂黛這般情意久關珊

和李審言龍圖行次龍門見寄

萬里秋光入坐明交情預喜笑相迎菊花未服重陽
過如待君來泛巨觥

風月吟

涼風無限清良月無限明清明不我捨長能成歡情
終朝三褫辱晝日三接榮榮辱不我預何復能有驚

贈富公

天下繫休戚世間誰擬倫三朝爲宰相四水作閑人
照破萬古事收歸一點真不知緣底事見我却慙慙

弄筆吟

人生所貴有精神既有精神却不淳弄假象真終是

擊壤九

六

假將勤補拙總輸勤因飢得飽飽猶病爲病求安安

未真人誤聖人人不少聖人無誤世間人

招司馬君實遊夏圃

雨霽景自好秋深天未寒可能乘興否夏圃一盤桓

秋日雨霽閑望

水冷雲疎霜意早歲華雖晚黃花好饒教四面遠山

圍奈何一片秋光老上天生物固無私聖人餘事人

難曉陳言生活不須矜自是中才皆可了

四小吟簡陳季常

八月小春天小花開且殷晚來經小雨遂使小車閑

樂樂吟

吾常好樂樂所樂無害義樂天四時好樂地百物備
樂人有美行樂已能樂事此數樂之外更樂微微醉

誠子吟

善惡無他在所存小人君子此中分改圖不害為君
子迷復終歸作小人良藥有功方利病白珪無玷始
稱珍欲成令器須追琢過失如何不就新

聞少華崩

變化無蹤倏忽間力迴天地不為難若教舒展巨靈
手豈止軒騰少華山六社居民皆覆沒九泉磐石盡

樂樂九

飛翾芻蕘一句能收采堯舜之時自可攀

自古吟

自古大聖人猶以為難事而况後世人豈復便能至
求之不勝難得之至容易千人萬人心一人之心是

代書寄祖龍圖

三十年交舊相逢各白頭海壖曾共飲洛社又同遊
脫屣風波地開懷松桂秋兩眉從此後應不著閑愁

寒夜吟

天加一上寒我添一重被不出既往言不為已甚事
責己重以周與人不求備唯是大聖人能立無過地

知幸吟

雞職在司晨犬職在守禦二者皆有功一歸于報主
我飢亦享食我寒亦受衣如何無纖毫功德補于時

趨嚮

捨我靈龜觀我朶頤背義從利人無遠思賁于丘園
束帛寥寥既能圖大小在其間

不可知吟

犁牛生駢角老蚌產明珠人雖欲勿用山川其捨諸
事固不可知物亦難其拘一歸于臆度義失乎精麤

事急吟

阜急望雨意病危思藥心人人當此際不待勸而深

樂樂九

知人吟

事到急時觀態度人于危處露肝脾深心厚貌平時
可慎勿便言容易知

言語吟

一語便喜處千言益怒時既因言語合却為語言離

思患吟

緣飾近虛襟虛襟後患深療飢當用食救旱必須霖
人生一世吟
前有億萬年後有億萬世中間一百年做得幾何事

又况人之壽幾人能百歲如何不喜歡強自生憔悴

謝人惠石笋

誰將天柱峯快刀割一半泉漱痕微漬雲抱色猶見
權門不能移富室不能轉則予何人哉當閣君之獻

奉和十月二十四日初見雪呈相國元老

王子初逢雪未多仍却晴人間多變白林下不勝清
寒士痛遭恐窮民惡著驚杯觴限新法何故便能傾
和相國元老

崇臺未經慶瑞雪下雲端雖地盡成白而天不甚寒
有年豐可待盈尺潤難乾畎畝無忘處追蹤擊壤歡

擊壤九

九

天津看雪代簡謝蔣秀才還詩卷

清洛接天去寒雲貼地飛人於橋上立詩向雪中歸

安樂窩中看雪

同雲漠漠雪霏霏安樂窩中卧看時初訝後園羅玉
樹却驚平地璨瑤池未逢寒食梨花謝不待春風柳
絮飛酒放半醺簾半卷此情無使外人知

滿目是瑤琚貧家遂富如許觀非許賣宜慘不宜舒
醇釀裝醺後重衾造暖餘肯於人世上造一作險較

錙銖

答富韓公見示正旦四絕熙寧六年

正旦四篇詩緣忻七十期請觀唐故事未放晉公歸

和君實端明

養道自安恬霜毛一任添且無官責咎幸免世猜嫌
蓬戶能安分藜藿固不饜一舫偏好處曝背向前簷

安樂窩中四長吟

安樂窩中快活人閑來四物幸相親一編詩逸收花
月一部書嚴驚鬼神一炷香清冲字泰一罇酒美湛
天真太平自慶何多也唯願君王壽萬春

安樂窩中詩一編

安樂窩中詩一編自歌自詠自怡然陶鎔水石閑勲

擊壤九

十

業銓擇風花靜事權意去乍乘千里馬與來初上九
重天快時更改三兩字醉後吟哦五七篇直恐心通
雪外月又疑身是洞中仙銀河洶湧翻晴浪玉樹查
牙生紫煙萬物有情皆可狀百骸無病不能蠲命題
溢被神相助得句謬爲人所傳肯讓貴家常奏樂寧
慙富室賸收錢若條此過知何限因甚臺官獨未言

安樂窩中一部書

安樂窩中一部書號云皇極意何如春秋禮樂能遺
則父子君臣可廢乎浩浩羲軒開闢後巍巍堯舜協
和初炎炎湯武干戈外恂恂桓文弓劍餘日月星辰

高照耀皇帝伯音大鋪舒幾千百主出規制數億
萬年成楷模治久便憂強跋扈患深仍念惡驅除才
堪命世有時有智可濟時無世無既往盡歸閑指點
未來須俟別支梧不知造化誰爲主生得許多奇丈
夫

安樂窩中一炷香

安樂窩中一炷香凌晨焚意豈尋常禍如許免人須
諂福若待求天可量且異緇黃微廟貌又殊兒女真
衣裳中孚起信靈煩禱無妄生災未易禳虛室清冷
都是白靈臺靜別生光觀風禦寇心方醉對景一作

學九

二

境
顏淵坐正忘赤水有珠涵造化泥丸無物隔青蒼
生爲男子仍身健時遇昌辰更歲穰日月照臨功自
大君臣庇廕効何長非又作徒聞道至於此金玉誰
家不滿堂

安樂窩中酒一樽

安樂窩中酒一樽非唯養氣又頤真頻頻到口微成
醉拍拍滿懷都是春何異君臣初際會又同天地乍
細繡醺醺情味難名狀醞釀工夫莫指陳斟有淺深
存變理飲無多少寄經綸鳳凰樓下逍遙客邠郟城
中自在人高閣望時花似錦小車行處草如茵卷舒

萬世興亡手出入千重雲水身而後靜觀山意思風
前閑看月精神這般事業權衡別振古英雄一本恐
未聞

謝富相公示新詩一軸

通衢灑地半松筠元老辭榮向盛辰多種好花觀物
體每斟醇酒發天真清朝將相當年事碧洞神仙今
日身更出新詩二十首其間字字敵陽春
文章天下稱公器詩在文章更不疎到性始知真氣
味入神方見妙工夫閑將歲月觀消長靜把乾坤照
有無辭比離騷更溫潤離騷其奈少寬舒

學九

二

安樂窩中好打乖吟

安樂窩中好打乖打乖年細合挨排重寒盛暑多閑
戶輕暖初涼時出街風月煎催親筆硯鸞花引惹傍
樽罍問君何故能如此祇被才能養不才

和君實端明登石閣

平地雖然遠那知物物新危樓一百尺別有萬般春
和君實端明副酒之什

洛陽花木滿城開更送東都雙榼來遂使閑人轉狂
亂奈何紅日又西頽

對花吟

春在花爭好春歸花遂殘好花留不住好客會亦難
酒既對花飲花宜把酒看如何更斟滿酒盡此時歡

依韻寄成都李希淳屯田

思君君未還君戀蜀中官白首雖知倦清衷宜自寬
花時難得會蠶市易成歡莫歎歸休晚生涯苦未完

代書寄廣信李遵度承制

薊北更千里漢唐爲極邊奈何今境土不復舊山川
虎帳兵家重雕弓嗣子傳他年勒功處無使後燕然

自和打乖吟

安樂窩中好打乖自知元沒出人才老年多病不服

擊壤九

三直
秋
備

藥少日壯心都已灰庭草剷除終未盡檻花擡舉尙
難開輕風吹動半醺酒此樂直從天外來

伊川擊壤集卷十

年老逢春十三首

年老逢春春莫猜老年方自少年迴人情少悅酒不
解天氣却寒花未開堤外有風斜送柳墻陰經雨半
生苔去年波水東流去舊淥奈何新又來

年老逢春春正妍春妍況在禁煙前纔寒却暖養花
日行去雨便晴消酒天進退罇罍宜有主栽培桃李
豈無權清談已是歡情極更把狂詩當管絃

年老逢春雨乍晴雨晴况復近清明天低宮殿初長
日風暖園林未轉鸞花似錦時高閣望草如茵處小

擊壤

一宜

車行東君見賜何多也又復人間久太平

年老逢春莫厭春住家况復在天津既將水竹爲生
計須與風花作主人故宅廢功除瓦礫新畦加意種
蘭薰未知去此閑田地何地更能容此身

年老逢春始識春春妍都恐屬閑身能知青帝工夫
大肯逐後生撩亂頻酒趁嫩醅嘗格韻花承曉露看
精神大凡尤物難分付造化從來不負人

年老逢春春意多波光誰染柳誰搓池亭正好愛不
徹草木向榮情奈何便把樽罍通意思須防風雨害
清和千紅萬翠中間裏似我閑人更有麼

年老逢春春莫厭春工慎勿致猜嫌紅芳若得眼前
過白髮任從頭上添雨後豔花零淚頰風餘新月露
眉尖輕醇酒面斟來凸舉盞長憂不易拈

年老逢春春莫慳春慳不當世艱難四時只有三春
好一歲都無十日閑酒盞不煩人訴免花枝須念雨
摧殘却愁千片飄零後多少金能買此歡

年老逢春莫厭煩更頻能見幾回春須將酒盞強留
客却恐花枝解笑人世態不堪新聞舊物情難免假
疑真誰云梁鸞多言語此箇深冤都未伸

年老逢春興未收願春慈造少遲留既稱好事愁花

擊壤

二

老須與多情秉燭遊酒裏功勞閑汗馬詩中罪過靜
風流東君不奈人嘲戲傷憊花枝惡未休

年老逢春莫惜狂惜狂無那興難當園林恰到惡明
媚風雨便多閑中傷花等半開宜速賞酒闌纔熟便
先嘗大都美物天長惜非是吾儕曲主張

年老逢春春不任不任綠被老來侵一身老去惡足
惜滿眼春歸何處尋紅日墜時風更急落花流處水
仍深流鴛不悟芳菲歇猶向枝頭送好音

年老逢春認破春破春不用苦傷神身心自有安存
地草木焉能媚惑人此日榮爲他日瘁今年陳是去

年新世間憂喜常相逐多少酒能平得君

和司馬君實崇德久待不至

君家梁上年時驚過社今年尙未回請罰誤君凝竚
久萬花深處小車來

天啟夫君八斗才野人中路必須回神仙一句難忘
處花外小車猶未來

別兩絕

樓外花深礙小車難忘有德見思多欲憑桃李爲之
謝桃李無言爭奈何

賞花高閣上負約罪難回若許將詩贖何時不可陪

擊壤十

三

春日登石閣

滿洛城中將相家廣栽桃李作生涯年年二月凭高
處不見人家只見花

六十三吟

行年六十有三歲齒髮雖衰志未衰恥把精神虛作
弄肯將才力妄施爲愁聞剗骨聲音切悶見吹毛智
數卑珍重至人嘗有語落便宜是得便宜

陳希夷先生嘗有是言

感事吟

古人不見面止可觀其心其心固無他而多顧義深

今人不見心止可觀其面其面顧無他而多顧利淺
顧義則利人顧利則害民利人與害民而卒反其身
其身幸而免亦須殃子孫

偶書

天生萬物各遂其一唯人最靈萬物能并芝蘭芬芳
麒麟鳳凰此類之人鮮有不臧狼毒野葛梟鳩蛇蝎
此類之人鮮有不孽賊唯思安孽唯思殘日夜無息
相代于前天無私覆地無私載俱能合養始知廣大

偶得吟

蛙蟻泥中走鳳凰雲外飛雲泥相去遠自是難相知

擊壤十

四

太和湯吟

二味相和就養頭一般收口效偏優同斟祗却因無
事獨酌何嘗爲有愁纔沃便從真宰辟半醺仍約伏
犧遊人間盡愛醉時好未到醉時誰肯休

洗竹

歲寒松柏共經秋叢到無端蔽翳稠遍地冗枝都與
去倚天高幹一齊留應龍吟後聲能效儀鳳來時功
可收未說其他爲用處此般風格最難儔

天意吟

天意無他只自然自然之外更無天不欺誰怕居暗

室絕利須求在一源未喫力時猶有說到收功處更
何言聖人能事人難繼無價明珠正在淵

代書戲祖龍圖

祖兄同中申二十七日長無怨可低眉有歡能抵掌
交情日更深道義久相尙但欠書丹人黃金八百兩
擇之葬其親也
書誌用予名姓

把酒

把酒囑兒男吾今六十三處身雖未至味道固無慙
世上榮都謝林間樂尙貪語其貪一也且免世猜嫌

對花 熙寧七年

學境十

五

花枝照酒卮把酒囑花枝酒盡錢能買花殘藥不醫
人無先酌酹花莫便離披慢慢對花飲况春能幾時

四道吟

天道有消長地道有險夷人道有興廢物道有盛衰
興廢不同世盛衰不同時奈何人當之許多喜與悲

林下吟

林下一般奇俗人那得知乍圓明月夜纔放好花枝
美酒未斟滿佳賓莫放歸世間優我輩幸有這些兒

春陰

日日是春陰春陰又復沈養花雖有力愛月豈無心

月滿方能看花開始可吟奈何花與月殊不諒人深
花好難久觀月好難久看花能五七日月止十二圓
圓時仍齟齬開處足摧殘風雨尋常事人心何不安

囑花吟

把酒囑花枝花枝亦要知花無十日盛人有百年期
據此銷魂處寧思中酒時若非詩斷割難解一生迷

懶起吟

半記不記夢覺後似愁無愁情倦時擁衾側卧未收
起簾外落花撥亂飛

感事吟

君子小人正相反上智下愚誠不移野葛根非連靈
芝奈何生與天地齊

三惑

老而不歎是一惑安而不樂是二惑閑而不清是三
惑三者之惑自戕賊

四喜

一喜長年爲壽域二喜豐年爲樂國三喜清閑爲福
德四喜安康爲福力

何如吟

立身須作真男子臨事無爲淺丈夫料得人生皆素

學境十

六

定空多計較竟何如

問春吟

自古言花須說鷺鷥花本合一時行因何花謝鷺鷥纔
至浪得鷺花相與名輒欲問春春不應私於蜂蝶有
何情流鷺不伏春辜負啼了千聲又萬聲

樓上寄友人

有客常輕平地春夫春不得不云云能安陋巷無如
我既上高樓還憶君滿眼雲林都是綠萬花煙瓦半
來新凭欄須是心無事誰是凭欄無事人

所失吟

擊壤十

七

所失彌多所得微中間贏得一畝畝人榮人悴乃常
理花謝花開何足追偶爾相逢却相別乍然同喜又
同悲只消照破多無事何必區區更辯爲

插花吟

頭上花枝照酒卮酒卮中有好花枝身經兩世太平
日眼見四朝全盛時况復筋骸康健那堪時節正
芳菲酒涵花影紅光溜爭忍花前不醉歸

閑居吟

閑居須是洛中居天下閑居皆莫如文物四方賢後
地山川千古帝王都絕奇花畔持芳醕最軟草間移

小車只有堯夫負親舊交親殊不負堯夫

依韻和張子堅太傅

八載相逢恨未平如何別酒又還傾雖慙坦率珠多
類却識清和玉有聲處世當爲天下士賞花須是洛
陽城也知今古真男子造化工夫不易生

還鞠十二著作見示共成詩卷

寫象丹青未易偕丹青難寫象情懷覽君十首詩三
遍勝我再遊鄉一回故國不知新想望家山如見舊
崔嵬功名時事人休問只有兩行清淚揩

樂物吟

擊壤十

八

日月星辰天之明耳目口鼻人之靈皇王帝伯音由
之生天意不遠人之情飛走草木類既別士農工商
品自成安得歲豐時長平樂與萬物同其榮

喜春吟

春至已將詩探伺春歸更用酒追尋酒因春至春歸
飲詩爲花開花謝吟花謝花開詩屢作春歸春至酒
頻斟情多不是疆年少和氣衝心何可任

暮春吟

多情潘佑羨楊花出入千家復萬家少日壯心都失
去老年新事不知他詩中罪過人多恕酒裏功勞我

自誇猶有一般半落處交親大半在天涯

和王中美大卿致政二首

等候人間七十年便知平子賦歸田知時所得誠多矣養志其誰曰不然況有林泉情悅樂却無官守事拘牽小車近日曾馳謁正值夫君春晝眠

自古有才思奮飛夫君何故獨知時平生懷抱未少屈益世掛冠良得宜入格柳按風細細壓春花笑日遲遲傳呼震地門前過更不令人問是誰

和北京王郎中見訪留詩

車從賞春來北京耿君先期已馳情此時殞霜奈何

擊壤一

九

重今歲花開徒有聲既辱佳章仍墜刺寧無累句代通名天之才美應自惜料得不為時虛生

喜樂吟

生身有五樂居洛有五喜人多輕習常殊不以為事吾才無所長吾識無所紀其心之泰然奈何能了此

- 一樂生中國
- 二樂為男子
- 三樂為士人
- 四樂見太平
- 五樂聞道義
- 一喜多善人
- 二喜多好事
- 三喜多美物
- 四喜多佳景
- 五喜多大體

歡喜吟

歡喜又歡喜喜歡更喜歡吉士為我友好景為我觀美酒為我飲美食為我餐此身生長老盡在太平間

天道吟

天道不難知人情未易親雖聞言語處更看作為時隱几工夫大揮戈事業卑春秋賴乘興出用小車兒

一室吟

一室可容身四時長有春何嘗無美酒未始絕佳賓洞裏賞花者君實也宅天邊泛月人君賦也宅相逢應有語笑我大因循

依韻和君實端明洛濱獨步

冠蓋紛紛塞九衢聲名相軋在前呼獨君都不將為事始信人間有丈夫

擊壤十

二

風背河聲近亦微斜陽淡泊隔雲衣一雙白鷺來煙外將下沙頭又却飛

雨後天津獨步

洛陽宮殿鎖晴煙唐漢以來書可傳多少升沉都不見空餘四面舊山川

春色

去歲春歸留不住今年春色來何處洛陽處處是桃源小車漸轉東街去

太平吟

天下太平日人生安樂時更逢花爛漫爭忍不開眉

禁煙留題錦幙山下四首

滿川桃李弄芳妍不忍重為風所殘忍使一年春遂去儘凭高處與盤桓

寒食風煙錦幙下凭高把酒興何如滿川桃李方妍媚不忍重為風破除

無涯桃李待清明經歲方能開得成不念化工曾著力狂風何故苦相凌

春半花開百萬般東風近日惡摧殘可憐桃李性溫厚吹盡都無一句言

兩歲錦幙之遊不克見鄭令因以寄之

擊壤十

十一

歲歲羣芳正爛開錦幙山下賞春來兩年不得陪仙躡洞裏仙人出未回

東軒前添色牡丹一株開二十四枝成二絕呈

諸公

牡丹一株開絕倫二十四枝嬌娥輦天下唯洛十分

春邵家獨得七八分

牡丹一株開絕奇二十四枝嬌娥圍滿洛城人都不

知邵家獨占春風時

花時阻雨不出

三月洛城春半時鞦韆未折楊花飛小車不出閑春

泥亂紅翻處流鷺啼

安樂窩中吟

安樂窩中職分修分修之外更何求滿天下士情能接遍洛陽園身可遊行已當行誠盡處看人莫看力生頭因思平地春言語使我嘗登百尺樓司馬君實有詩云始知平地上看不盡青春

安樂窩中事事無唯存一卷伏犧書倦時就枕不必睡快後攜筇任所趨准備點茶收露水隄防合藥種魚蘇苟非先聖開蒙吝幾作人間淺丈夫

安樂窩中弄舊編舊編將絕又重聯燈前燭下三千

擊壤十

十一

日水畔花間二十年有主山河難占籍無爭風月任收權閑吟閒咏人休問此箇工夫世不傳

安樂窩中萬戶侯良辰美景忍虛休已曾得手春深日更欲放懷年老頭曉露重時花滿檻暖酌淨處酒盈甌聖人喫緊些兒事又省工夫又省憂

安樂窩中春夢回畧無塵事可裝懷輕風一裏座中過遠樂數聲天外來日影轉時從杖屨花陰交處傍樽罍人間未若吾鄉好又況吾鄉多美才

安樂窩中春不虧山翁出入小車兒水邊平轉綠楊岸花外就移芳草堤明快眼看三月景康強身歷四

朝時鳳凰樓下天津畔仰面迎風倒載歸

安樂窩中三月期老來纔會惜芳菲自知一賞有分
付誰讓萬金無了遺美酒飲教微醉後好花看到半
開時這般意思難名狀只恐人間都未知

安樂窩中春暮時閉門慵坐客來稀蕭蕭微雨竹間
霽嘒嘒翠禽花上飛好景盡將詩記錄歡情須用酒
維持自餘身外無窮事皆可掉頭稱不知

安樂窩中甚不貧中間有榻可容身儒風一變至於
道和氣四時長若春日月作明明主日人言成信信
由人唯人與日不相遠過此何嘗更語真

聖學十

三

安樂窩中設不安畧行湯劑自能痊居常無病不服
藥就使有災宜俟天理到昧時須索講情於盡處更
何言自餘虛費悶思慮都可易之為晝眠

安樂窩中春欲歸春歸忍賦送春詩雖然春老難牽
復却有夏初能就移飲酒莫教成酩酊賞花慎勿至

離披人能知得此般事焉有閑愁到兩眉又云安樂窩中三月

期老年才會惜芳菲酒防酩酊須生病花恐離披遂
便飛飲酒莫教成酩酊賞花慎勿至離披離披酩酊
惡滋味不作
歡欣只作悲

生為男子偶昌辰安樂窩中富貴身大字寫詩誇壯
健小杯飲酒惜輕醇山川澄淨初經雨草木暄妍正

遇春造化工夫精妙處都宜分付與閑人

安樂窩中雖不拘不拘終不失吾儒輕醇酒用小盞
飲豪壯詩將大字書花木暄妍春雨後山川澄淨九
秋餘閑中意思長多少無忝人間一丈夫

食梨

願君莫愛金花梨願君須愛紅消梨金花紅消兩般
味一般顏色如烟脂紅消食之甘如飴金花食之先
羣眉似此誤人事不少未食之前宜辨之

依韻答王安之少卿

疊嶂如嶂四面開可堪虛使亂雲堆已曾同賞花無

聖學十

西直秋

限須約共遊山幾迴未老秋光詩擁筆乍涼天氣酒
盈杯輕風早是得人喜更向菱荷深處來

伊川擊壤集卷十

伊川擊壤集卷十一

上巳觀花思友人

上巳觀花花意穠今年正與昔年同當時同賞知何處把酒猶能對遠風

戲呈王郎中

近年好花人輕之東君惡怒人不知直與增價一百倍滿洛城春都買歸一株二十有四枝枝皆有傾城姿又恐冷地狂風吹盛時都與籍人詩予家有牡丹一株名曰添色紅開二十有四枝

流鸞吟

擊壤十一

一宜秋備

遷喬固有之出谷未多時正嫩簧為舌初新金作衣替花言灼灼代柳說依依柳外晚猶嚶花前曉又啼啼多因雨還嚶少為春歸莫遣行人聽行人路正迷

善賞花吟

人不善賞花只愛花之貌人或善賞花只愛花之妙花貌在顏色顏色人可效花妙在精神精神人莫造

善飲酒吟

人不善飲酒唯喜飲之多人或善飲酒唯喜飲之和飲多成酩酊酩酊身遂痾飲和成醺醺醺顏遂酡

省事吟

慮少夢自少言稀過亦稀簾垂知日永柳靜覺風微但見花開謝不聞人是非何須尋洞府度歲也應遲

一春吟

一春九十日風雨占幾半花好不成觀心狂未能按

舉世吟

舉世自紛紛誰為無事人吾生獨何幸卧看洛陽春

春水吟

春水淥成波成波無奈何難將染他物止可染輕羅

春雨吟

春雨細如絲如絲霰霽時如何一澆霈萬物盡熙熙

擊壤十一

二

可惜吟

可惜熙熙一片春未多時節竟無因眼前園苑知何限只見鴛啼不見人

簪花吟

簪花猶且強年少訴酒固非伴小心花好酒嘉情更好奈何明日病還深

春去吟

春去休驚晚夏來還喜初殘芳雖有在得似綠陰無

和大尹李君錫龍圖留別詩

多情大尹辭春去正是羣芳爛漫時自古英豪重恩

意羣芳慎勿便離披

答李希淳屯田三首

去歲嘗蒙遠寄詩當時已歎友朋希如今存者殆非
半不縱歡遊待幾時

竹間水際情懷好月下風前意思多洛社過從無事

日非吾數輩更誰何

曾中日月時舒慘筆下風雲旋合離老去無成尙如

此不知成後更何爲

箋年老逢春詩

年老逢春莫疑

擊壤十一

三

箋云物理窺開後人情照破時且無形不見只有

意能知

老年纔會惜芳菲

箋云一歲正榮處三春特盛時是花堪愛惜况見

好花枝

自知一賞有分付

箋云羣卉爭妍處奇花獨異時東君深意思亦恐

要人知

誰讓千金無子遺

箋云白日偏催處黃金欲盡時侈心都用了始得

一開眉

美酒飲教微醉後

箋云瓮頭噴液處蓋面起花時有客來相訪通名

曰伏犧

好花放到半開時

箋云風輕如笑處露重似啼時只向笑啼處濃香

惹滿衣

這般意思難名狀

箋云陰陽初感處天地未分時言語既難到丹青

何處施

擊壤十一

四

只恐人間都未知

箋云酒到醺酣處花當爛漫時醺酣歸酌酹爛漫

入離披

謝彥國相公和詩用醉和風雨夜深歸

道堂閑話儘多時塵外杯觴不浪飛初上小車人已

靜醉和風雨夜深歸

謝君實端明用只將花卉記冬春

有時自問自家身莫是犧皇已上人日往月來都不

記只將花卉記冬春

謝君貺宣徽用少微今已應星文

一字詩中義未分少微今已應星文閑人早是無憑
據更與閑人開後門

謝安之少卿用始知安是道梯階

窩名安樂直堪哈臂痛頭風接續來恰見安之便安
樂始知安是道梯階

謝開叔司封用無事無求得最多

客問人問事若何堯夫對曰不知他居林之下行林
下無事無求得最多

謝伯淳察院用先生不是打乖人

經綸事業須才者變理工夫有巨臣安樂窩中閑偃

擊壤十一

五

仰焉知不是打乖人

自謝用此樂直從天外來

得自苦時終入苦來從哀處卒歸哀既非哀苦中間
得此樂直從天外來

別謝彥國相公三首

和詩韓國老見比以宣尼引彼返魯事指予來西畿
又作遷 洛時 日星功共大麋鹿分同微華衮承褒借將何

答所知

仲尼天縱自誠明造化工夫發得成見比當初歸魯
事堯夫才業若爲情

嘗走狂詩到座前座前仍是洞中仙無涯風月供才
思清潤何人敢比肩

別謝君實端明

曹王八斗才今日爲余催錦繡佳章裏芝蘭秀句開
煩痾瘳軀體溽暑爍樓臺宜把君詩諷清風當自來

大字吟

詩成半醉正陶陶更用如椽大筆抄儘得意時仍放
手到凝情處畧濡毫魯陽却日功猶淺宗慙乘風志
未高寫出太平難狀意任他天下頌功勞

教子吟

擊壤十一

六

爲人能了自家身千萬人中有一人雖用知如未知
說在平行與不行分該通始謂才中秀傑出方名席
上珍善惡一何相去遠也由資性也由勤

臂痛吟

先苦頭風已病軀新添臂痛又何如無妨把盞只妨
拜雖廢梳頭未廢書不向醫方求効驗唯將談笑且
消除大凡物老須生病人老何由不病乎

世上吟

世上偷閑始得閑我生長在不忙間光陰有限同歸
老風月無涯可慰顏坐卧遶身唯水竹登臨滿目但

雲山醉眠只就花陰下轉破花陰夢始還

逸書吟

丹山誰道鳳爲巢筆下吾能見九苞逸句得時如虎
變大篇成處若神交千端蜀錦新番樣萬樹春華暖
弄梢天馬無蹤周八極但臨風月鏡相敲

旋風吟二首

安有太平人不平人心平處固無爭棋中機械不願
看琴裏語言時喜聽少日掛心唯帝典老年留意只
犧經自知別得收功處松桂隆冬始見青

松桂隆冬始見青蒿萊盛夏亦能榮光陰去後繩難

繫壞十一

七

繫利害在前人必爭萬事莫於疑處動一身常向吉
中行人心相去無多遠安有太平人不平

又二首

近日衰軀有病侵如何醫藥不求尋軒前密葉自成
幄砌下黃花空散金閑看蜜蜂收蜜意靜觀巢鷺累
巢心非關天下知音少自是堯夫不善琴
自是堯夫不善琴非關天下少知音老年難做少年
事年少不知年老心將養精神便靜坐調停意思喜
清吟如何醫藥不尋訪近日衰軀有病侵

頭風吟

近日頭風不奈何未妨談笑與高歌人才相去不甚
遠事體所爭能許多閉目面前都是暗開懷天外更
無他若由智數經營得大有英雄善揣摩

答客吟

說者從來太過乎道須能卷又能舒人間好事不常
有天下奇才何處無年近縱心唯策杖詩逢得意便
操觚快心亦恐詩拘束更把狂詩大字書

老去吟

老去無成不入時中年養病只吟詩因乘意思要舒
放肯把語言生事治世上閑愁都一致人間何務更

繫壞十一

八

能爲攜筇晚步天津畔爲報沙鷗慎勿飛
行年六十有三歲二十五年居洛陽林靜城中得山
景池平坐上見江鄉賞花長被杯盤苦愛月屢爲風
露傷看了太平無限好此身老去又何妨

依韻和王安之判監少卿

人行一善已爲優何況夫君百行修曩日慈闈貪眷
戀多年宦路不追求官纔少列孤清德職異上庠尊
白頭洛社逾時阻相見許多歡意却還休

曉事吟

曉物情人爲曉事知時態者號知人知人失後却成

害曉事過時還不淳

鮮歡吟

生不爭名與爭利夫君何故鮮歡意以道自重固有之非理相干是無謂白日升天恐虛傳金貂換酒何曾醉誰云憂撓大于山亦是人間常式事

病起吟

病作因循一月前豈期為苦稍淹延朝昏飲食是難進軀體虛羸不可言既勸嘉賓持酒盞更將大筆寫詩篇始知心者氣之帥心快沉痾自釋然

半醉吟

擊壤十一

九

半醉上車兒車兒穩碾歸輕風迎面處翠柳拂頭時意若兼三事情如擁九麾這般閑富貴料得沒人知半醉小車行世間無此榮涼風迎面細垂柳拂頭輕意若兼三事情如擁萬兵這般閑富貴料得沒人爭

覽照吟

凌晨覽照見皤然自喜皤然一叟仙慷慨敢開天下口分明高道世間言雖然天下本無事不奈世間長有賢自問此身何所用此身唯稱老林泉

人壽吟

人壽百年間其間多少難予今六十三何止于一半

骨瘦固非清髮白豈謂算便化不為天況且粗康健

年老吟

身老太平間身閑心更閑非貴亦非賤不飢兼不寒有寶須置酒無日不開顏第一條平路何人伴往還

古琴吟

長隨書與碁貧亦久藏之碧玉琢為軫黃金拍作徽典多因待客彈少為求知近日僮奴惡須防養鶴時

求信吟

始則求人信有知有不知既而求自信人或多知之今我不求信何人更起疑無可無不可安往不熙熙

擊壤十一

十

蝸蛇吟

蛇毒遠于生蝸毒近于死蛇蝸雖不同其毒固無異蛇以首中人蝸以尾用事奈何天地間畏首又畏尾

自在吟

心不過一寸兩手何拘拘身不過數尺兩足何區區何人不飲酒何人不讀書奈何天地間自在獨堯夫

心安吟

心安身自安身安室自寬心與身俱安何事能相干誰謂一身小其安若泰山誰謂一室小寬如天地間

論詩吟

何故謂之詩詩者言其志既用言成章遂道心中事
不止鍊其辭抑亦鍊其意鍊辭得奇句鍊意得餘味

爲善吟

人之爲善事善事義當爲金石猶能動鬼神其可欺
事須安義命言必道肝脾莫問身之外人知與不知

卽事吟

事到患來頻何由得任真就新須果敢從善莫因循
盜亦自有道人而或不仁義緣無定體安處是行身

偶得吟

日爲萬象精人爲萬物靈萬象與萬物由天然後生

擊壤十一

七

言由人而信月由日而明由人與由日何嘗不太平

靜坐吟

人生固有命物生固有定豈謂人最靈不如物正性
或聞陰有鬼善能致人死致死設有由死外何所求
又況人之命繫天不繫他陰鬼設有靈獨且奈天何

靜樂吟

和氣四時均何時不是春都將無事樂變作有形身
靜把詩評物閑將理告人雖然無鼓吹此樂世難倫

男子吟

欲作一男子須了四般事財能使人貪色能使人嗜

名能使人矜勢能使人倚四患既都去豈在塵埃裏

望雨

盛夏久不雨滿天下愁苦安得一片雲救取人間否
久旱偶成雨方喜慰愁苦雖能斂塵土不能救禾黍

思義吟

小人固無知唯以利爲視君子固不欺見得還思義
思義不顧死見利或忘生二者之所起平之與不平

金帛吟

金帛一種物所用固不常聘則謂之幣贖則謂之將
質則謂之貨積則謂之藏賂則謂之賄竊則謂之賊

擊壤十一

三

盜伯吟

盜伯窺財物其心不慮他取時唯恐少敗後只嫌多
盜伯窺財物其心只慮添安得取時貪却似敗時嫌

待物吟

待物莫如誠誠真天下行物情無遠近天道自分明
義理須宜顧才能不用矜世間閑緣飾到了是虛名

唐虞吟

天下目爲目謂之四明目天下耳爲耳謂之達四聰
前旒與鞋纒所貴無近情無爲無不爲知此非虛生

曝書吟

蟲蠹書害少人蠹書害多蟲毒曝已去人蠹當如何

兩犯吟

這般事業人難繼此箇工夫世莫傳窺牖知天乃常
事不窺牖見是知天

憫旱

正要雨時須不雨已成災處更成災如何百穀欲焦
爛遍地止存蒿與萊

無事吟

人間萬事若磨持叢入枯榮利害機祇有一般無對
處都如天地未分時

擊壤十一

三直秋館

閣上招友人

清風正藹如小閣枕通衢不欲久獨擅能來同享無
憶夢吟

心足而家貧體疎而情親開襟知骨瘦發語見天真

六筆吟

詩成大字書意快有誰如巨浪銀山立風檣百尺餘
酒喜小杯飲詩快大字書不知人世上此樂更誰如

自慶吟

俗阜知君德時和見帝功況吾生長老俱在太平中
伊川擊壤集卷十一

伊川擊壤集卷十二

夢中

夢裏常言夢誰知覺後思不知今亦夢更說夢中時

日中

日中為噬嗑交易是尋常彼各不相識何復更思量

月到梧桐上吟

月到梧桐上風來楊柳邊院深人復靜此景共誰言

步月吟

林罅天尤碧風餘月更明人間無事日得向此中行

偶得吟

擊壤十二

人間事有難區處人間事有難安堵有一丈夫不知

名靜中只見閑揮塵

答人吟

林下閑言語何須更問為自知無紀律安得謂之詩

寄曹州李審言龍圖

曩日所云是如今却是非安知今日是不起後來疑

曩日所云我如今却是伊不知今日我又是在後來誰

清夜吟

月到天心處風來水面時一般清意味料得少人知

思聖吟

不逢聖人時不見聖人面聖人言可聞聖人心可見

君子吟

君子存大體小人無常心於人不求備受恩唯恐深

安分吟

安分身無辱知幾心自閑雖居人世上却是出人間

感事吟

四海三江與五湖只通舟楫不通車往來無限平安

者豈是都由香一爐

登石閣吟

一般情意惡難羈長怕登高望遠時今日凭欄異常

擊壤十二

日幾迴將下又遲遲

憶昔吟

憶昔初書大字時學人飲酒與吟詩苟非益友推金

石四十五年成一非

可必吟

可必人間唯善事不由天地只由衷莫嫌効遠因而

止更勉其來更有功

恍惚吟

恍惚陰陽初變化氤氳天地乍迴旋中間些子好光

景安得工夫入語言

謝君實端明詩

人說崑崙多美玉世傳滄海有明珠世傳人說恐無據今我家藏乃不虛

好勇吟

好勇能過我當仁豈讓師勇須仁以濟仁必勇為資

莫如吟

親莫如父子遠莫如蠻夷蠻夷和亦至父子失須離仁莫如父子義莫如君臣二者尚有失自餘惡足論君臣守以義父子守以仁義失為敵國仁失為路人

里閨吟

里閨閑過從太平之盛事吾鄉多吉人況與他鄉異太平之盛事天下之美才人間無事日都向洛中來

思友吟

欲見心無已久違情奈何雲煙雖咫尺不得屢相過

忠信吟

忠信于人最有情平居非是鬼神輕何須只在江湖上患難切身然後行

代簡答張淳秘校

老年前事怕追思更見曾悲先德詩却有斷章聊自慰如今家嗣弱於誰

代簡謝尹處初先生

樂國久容人避乖非窩何以狀清懷則予豈敢窺高躅天險能升不用階

代簡謝王茂直惠酒及川牋

白羊玉屑誠佳物臂痛頭風正苦時酒放半醺詩思動窩中何用更呼醫

寄壽安令簿尉諸君

錦岬山下好安棲花月風煙未改移聞說近來長袖過林前立馬儘多時

人情吟

古事參今事今人乃古人只應情未淡情淡自相親因何吟

梅因何而酸鹽因何而鹹茶因何而苦齋因何而甘

天聽吟

天聽寂無音蒼蒼何處尋非高亦非遠都只在人心

白頭吟

五福雖難備三殤却不逢太平無事日得作白頭翁

天意吟

人能言語自能窺天意無言人莫欺莫道無言便無事殆非流俗所能知

謝壽安縣惠神林山牒

西南有山高崔嵬亂峰圍遠如蓬萊中間有地可容
止泉甘木茂無塵埃諸君之意一何厚協謀判給如
風雷天津八月水波定便可乘查觀一迴

依韻和王安之少卿見戲安之非是棄堯夫吟

安之殊不棄堯夫亦恐傍人有厚誣開叔當初言得
罪希淳在後說無辜諄然情意都如舊刻地杯盤又
見呼始信歲寒心未替安之殊不棄堯夫

小車吟

自從三度絕韋編不讀書來十二年大鑿子中消白

擊壤十二

五

日小車兒上看青天閑為水竹雲山主靜得風花雪
月權俯仰之間俱是樂任他人道似神仙

晚步吟

晚步上陽堤手攜筇竹枝靜隨芳草去閑逐野雲歸
月出松梢處風來蘋末時林間此光景能有幾人知

接花吟

物為萬民生人為萬物靈人非物不活物代人而興
男女天所生夫妻人所成天人相與外率是皆虛名

答任開叔郎中昆仲相訪

竹影戰碁罷閑思安樂窩曠時稱不見聯轡幸相過

寵莫兼金比衰逾華袞多從來有詩癖使我遂成魔

小春天

八月小春天如人強少年偷生誠有謂却老固無緣
既有神仙術能迴草木妍安知太平日不得似堯天

深秋吟

終歲都無事四時長有花小車乘興去所到便如家

中秋吟

中秋光景好況復月團團大抵眾所愛奈何兼獨難
天晴仍客好酒美更身安四者若闕一不能成此歡

同程郎中父子月陂上閑步吟

擊壤十二

六

草軟沙平風細溜雲輕日淡柳低接狂言不記道何
事劇飲未嘗如此杯景好只知閑信步朋歡那覺太
開懷必期快作賞心事却恐賞心難便來

秋望吟

草色連雲色山光接水光危樓一百尺旅鴈兩三行

閑適吟

春看洛城花秋翫天津月夏披嵩峯風冬賞龍山雪

觀陳希夷先生真及墨跡

未見希夷真未見希夷蹟止聞希夷名希夷心未識
及見希夷蹟又見希夷真始知今與古天下長有人

希夷真可觀希夷墨可傳希夷心一片不可得而言
答君實端明遊壽安神林

占得幽棲一片山都離塵土利名間四時分定所遊
處不為移文便往還

杏香花

客說何州事經營杳未涯訝予獨無語貪嗅杏香花

天津晚步

芝蓋久稀疎暮雲空塊扎千年舊都城一片閑宮闕
禁籞尙連延觚稜猶截薛橋勢橫雌霓堤形偃初月
灑澗岸已深漢唐時既歇危亭獨坐人浪把興亡閱

擊壤十二

七

歡喜吟

日往月來終則有始半行天上半下地底照臨之間
不憂則喜予何人哉歡喜不已

自作真贊

松桂操行鶯花文才江山氣度風月情懷借爾面貌
假爾形骸弄丸餘暇閑往閑來丸謂太極

奢侈吟

侈不可極奢不可窮極則有禍窮則有凶

多多吟

天下居常害多于利亂多于治憂多于喜奈何人生

不能免此奈何予生皆為外事

畏愛吟

人有正性事事皆齊人無正性事事皆隳失於用恩
以非為是失於用威以是為非恩威既失畏愛何知
不知畏愛何用恩威喜怒不節鮮不至斯婦人男子
宜用戒之

秋閣吟

秋閣一凭欄人心何悄然乾坤今歲月唐漢舊山川
澹泊霜前日蕭疎雨後天丹青空妙手此意有誰傳

浮生吟

擊壤十二

八

浮生曉露邊且喜又添年動悔須有悔求全未必全
處人心中事道物性中言寰宇雖然廣其誰曰不然

力外吟

以少為多以無為有力外周旋不能長久

謝傅欽之學士見訪

長莫長於天大莫大於地天地尙有極自餘安足計
世態非一朝人情止於是以至立殊功無非借巨勢
適會在其間慎勿強生事雖嚴似雪霜無改如松桂
方惜久離澗却喜由道義相別二十年猶能記憔悴

賞雪吟

一片兩片雪紛紛三杯五杯酒醺醺此時情狀不可
論直疑天地總網緼

答傅欽之

欽之謂我曰詩欲多吟不如少吟詩欲少吟不如不
吟我謂欽之曰亦不多吟亦不少吟亦不吟亦不
必吟芝蘭在室不能無臭金石振地不能無聲惡則
哀之哀而不傷善則樂之樂而不淫

月陂閑步

因隨芳草行來遠爲愛清波歸去遲獨步獨吟仍獨
坐初涼天氣未寒時

擊壤十二

九

仲尼吟

仲尼生魯在吾先去聖千餘五百年今日誰能知此
道當時人自比於天皇帝伯中原主父子君臣萬
世權河不出圖吾已矣修經意思豈徒然

謝圓益上人惠詩一卷

覽公詩十首起我意何多似藥驅疑疾如茶滌睡魔
月當松皎潔山隔水嵯峨明日如無事天津可再過

自述二首

何者堪名席上珍都緣當日得師真是知佚我無如
老惟喜放懷長似春得志當爲天下事退居聊作水

雲身胸中一點分明處不負高天不負人

陸海卧龍收爪甲遼天老鶴戢毛衣難攀騏驎日千
里易足鶴鷄巢一枝最好朋儕同放適儘高臺樹與
登躋雲山勝處追尋遍似我清閑更有誰

答會計杜孝錫寺丞見贈

四方多善人予善未毫分有意空求志無功漫愛君
閑行觀止水靜坐看歸雲老向太平裏朝廷正右文

擊壤十二

一
宜
秋
錄

伊川擊壤集卷十二

伊川擊壤集卷十三

天津弊居蒙諸公共為成買作詩以謝

重謝諸公為買園買園城裏占林泉
七千來步平流水二十餘家爭出錢
嘉祐卜居終是僦熙寧受券遂
能專鳳凰樓下新開客道德坊中舊散仙
洛浦清風朝滿袖嵩岑皓月夜盈軒
接離倒戴芰荷畔談塵輕搖楊柳邊
陌徹銅駝花爛熳堤連金谷草芊綿
青春未老尚可出紅日已高猶自眠
洞號長生宜有主窩名安樂豈無權
敢於世上明開眼會向人間別看天
盡送光陰歸酒盞都移造化入詩篇
也知此片好田

擊壤十三

一宜秋節

地消得堯夫筆似椽

同諸友城南張園賞梅十首

二首和長水李令子真韻

東風一夜圻梅枝舞蝶遊蜂都不知
插了滿頭仍漬酒任他人道拙於時

折來嗅了依前嗅重惜清香難久留
多謝主人情意切未殘仍許客重遊

清香冷艷偏多處猛雨狂風未有前
賞意正濃紅日墜如何既去遂經年

紅日墜時情更切玉山頽處興還深
攀條時棘繁枝折不插滿頭孤此心

梅臺賞罷意何如歸插梅花登小車
陌上行人應見笑風情不薄是堯夫

酒中漬後香尤烈笛裏吹來韻更清
此韻此香來處好此時消得一凝情

春早梅花正爛開生平不飲亦銜杯
城南盡日高臺上恰似江南去一迴

梅花四種或黃紅顏色不同香頗同
更遠也須重一到看看隨水又隨風

五嶺雖多何足觀三川縱少須重去
臺邊況有數千株仍在名園最深處

擊壤十三

二

人間好物尤宜惜天下奇才非易得
他日相逢他處時始知此會重難覓

答人

誰道閑人無事權事權唯只是詩篇
四時雪月風花景都與收來入近編

初春洛城梅開時賞梅更吟梅花詩
梅花雖開難遠寄唯寄梅詩伸所思

依韻和君實端明惠酒

春風吹雪亂飄飄林下如何更寂寥
霜憲威稜正難犯小人當貶是難消

謝壽安簿寄錦嶼山下所失剪刀

江夏尙能悲墜履少原唯解泣遺簪一刀所失安足繫不那久經人用心

謝君實端明惠山蔬八品

八品山蔬盡藥萌何山採得各標名山翁驚受霜臺貶卽命山妻親自烹

謝君實端明惠牡丹

霜臺何處得奇葩分送天津小隱家初訝山妻忽驚走尋常只慣插葵花

謝判府王宣徽惠酒

自得花枝向遠隣只憂輕負一番春無何寵貶酒雙榼少室山人遂不貧

和君實端明洛陽看花

洛陽最得中和氣一草一木皆入看飲水也須無限樂况能時復舉杯盤

洛陽花木誇天下吾輩遊勝庶士遊重念東君分付

意忍於佳處不遲留洛陽交友皆奇傑遞賞名園只似家却笑孟郊窮不

慣一日看盡長安花南園一色栽桃李春到且圖花早開多謝主人情意

厚天津客不等閒來

和君實端明送酒

大凡人意見爲驕雙榼何如水一瓢亦恐孟光心漸侈自茲微厭紫芝苗

暮春吟

林下居常睡起遲那堪車馬近來稀春深晝永簾垂地庭院無風花自飛

依韻和鎮戎倅龔章屯田

十五年前初見君見君情意便如親雖然林下無他事不那心間思故人萬物比之誰至底丹誠到了總

安樂窩銘

輸真過從洛社勝諸處何日能來共卜隣

安莫安于王政平樂莫樂于年穀登王政不平年不登窩中何由得康寧

愁恨吟

城裏住煙霞天津小隱家經書爲事業水竹是生涯恨爲雲遮月愁因風損花恨愁花月外何暇更知他

悲喜吟

吳起初辭魏張儀乍入秦西河蒙惠久南楚受欺頻善惡吟

君子學道則務本小人見利則忘生務本則非理不
動見利則非賄不行

所學吟

人之所學本學人事人事不修無學何異

君子行

何者爲君子君子固可修是知君子途使人從之遊
與義不與利記恩不記讎揚善不揚惡主喜不主憂

思省吟

仲尼再思曾子三省予何人哉敢忘修整

梁鸞吟

雙壤十三

五

物情誰道爾無知秋去春來不失期今歲新雛又成
就去時寧不重依依

鄒田二忌

鄒田二忌不相能買卜之言惡足明利害傷真至于
此姓田人去恨難平

孫龐二將

孫龐伏兵稱有法龐涓鑽火一何愚兵家詭詐盡如
此利害今人自不殊

一言感人

爲女不嫁爲士不官齊人一言田子辭焉

四公子吟

時去三王事歸五霸七雄既爭四子乃詫孟常居先
信陵居亞平原居中春申居下

淳于髡酒諫

賜酒于君飲不知味執法在前恐懼無既當此之時
一斗而醉宗族滿堂既孝且悌尊卑以親少長以齒
當此之時二斗而醉賓之初筵踴躍濟濟獻酬百拜
升降有禮當此之時三斗而醉里閤過從如兄如弟
時和歲豐情懷歡喜當此之時五斗而醉朋友往還
講道求義樂事賞心登山臨水當此之時八斗而醉

雙壤十三

六

男女雜坐杯觴不記燈燭明滅衣冠傾圯當此之時
一石而醉

東海有大魚

東海有大魚罔罟無能近碭然一失水螻蟻得而困

土木偶人

土木偶人慎無相笑天將大雨止可相弔

辯謗吟

田單功蓋國貂勃語迴君謗者古來有猶能殺九人

三皇吟

三皇之世正熙熙烏鵲之巢俯可窺當日一般情味

切初春天氣早晨時

五帝

五帝之時似日中聲明文物正融融古今世盛無如此過此其來便不同

三王

三王之世正如秋權重權輕事有由深谷為陵岸為谷陵遷谷變不知休

五伯

五伯之時正似冬雖然三代莫同風當初管晏權輕重父子君臣尚且宗

鑿環十三

七國

七國縱橫事可明蘇張得路信非平當初天下如何爾市井之人為正卿

掃地吟

管晏治時猶有體蘇張用處更無名三皇五帝從何出掃地中原俟太平

天人吟

犧軒堯舜雖難復湯武桓文尚可循事既不同時又異也由天道也由人

利害吟

兔犬俱斃蚌鵝相持田漁老父坐而利之

時吟

騏驥壯時千里莫追及其衰也駑馬先之時與事會談笑指揮時移事去雖死奚為

二說吟

治不變俗教不易民甘龍之說亦或可循常人習俗學者溺聞商鞅之說異乎所云

言行吟

言不失仁行不失義自天祐之吉無不利言與仁背行與義乖天且不祐人能行哉有商君者賊義殘仁

鑿環十三

為法自弊車分其身始知行義脩仁者便是延年益壽人

壽人

治亂吟

財利為先筆舌用事饑饉相仍盜賊蜂起孝悌為先日月長久時和歲豐延年益壽

太平吟

老者得其養幼者得其仰勞者得其餉死者得其葬

商君吟

商鞅得君持法處趙良終日正言時當其命令炎如火車裂如何都不知

能懷天下心

能懷天下心肯了人間事豈止求于今求古亦未易

始皇吟

并吞天下九千日一統寰中十五年坑血未乾高祖
至驪山丘壠已蕭然

有妄吟

作偽少陰德飾非多隱情人心雖暖昧天道自分明
手足既皆露語言安足憑

乾坤吟

用九見羣龍首能出庶物用六利永貞因乾以爲利

擊壤十三

九

四象以九成遂爲三十六四象以六成遂成二十四
如何九與六能盡人間事

皇極經世一元吟

天地如蓋軫覆載何高極日月如磨蟻往來無休息
上下之歲年其數難窺測且以一元言其理尙可識
一十有二萬九千餘六百中間三千年迄今之陳迹
治亂與廢興著見于方策吾能一貫之皆如身所歷

應龍吟

龍者陽類與時相須首出庶物同遊六虛能潛能見
能吸能呼能大能小能有能無

何處是仙鄉

何處是仙鄉仙鄉不離房眼前無冗長心下有清涼
靜處乾坤大閑中日月長若能安得分都勝別思量

謝宋推官惠白牛

毛如霜雪眼如朱耳角方齊三尺餘狀異不將耕曠
土性馴宜用駕安車水邊牧處龍能擾月下牽時免
可驅從此洛陽圖幘上丹青人更著工夫

依韻和王安之少卿六老詩仍見率成七

六老皤然鬢似霜縱心年至又非狂園池共選何妨
勝樽俎相歡未始忙杖屨爛遊千載運衣巾濃惹萬

擊壤十三

十

花香過從見率添成七況復秋來亦漸涼

六老相陪卿與郎閑曹饒却不清狂過從無事易成
樂職局向人難道忙煙柳嫩垂低更綠露桃紅裏暖
仍香乘春醉卧花陰下恰如花陰別是涼

六翁誰讓少年場老不羞人任意狂同向靜中觀物
動共於閑處看人忙天心月滿蟾蜍動水面風微菡
萼香肯信人間有憂事新醅正熟景初涼

六人相聚會時康著甚來由不放狂遍地園林同已
有滿天風月助詩忙文章高摘漢唐艷騷雅濃薰李
杜香水際竹邊閑適處更無塵事只清涼

六客同遊一醉鄉又非流俗所言狂追遊共喜清平
久唱和爭尋警策忙薦酒月陂林果熟發茶金谷井
泉香千年松下塵談塵襟袖無風亦自涼

見率野人成七老野人唯解野疎狂編排每日清吟
苦趁辦遊年閑適忙夏末喜嘗新酒味春初愛嗅早
梅香問君何故須如此不奈心頭一點涼

林下狂歌不帖腔帖腔安得謂之狂小車行處鬻花
開大筆落時神鬼忙門掩柴荆闕遠牆開瓮牖薜
蘿香一般天下難尋物洛浦清風拂面涼

依韻和張靜之少卿惠文房三物

擊壤十三

三

文房三物品皆精報謝愁無秀句成欲狀升平在歌
頌奈何才不逮升平

依韻和王安之少卿謝富相公詩

寵辱見多惡足驚出塵還喜自誠明閑中氣象乾坤
大靜處光陰宇宙清素業經綸無少愧全功天地不
虛生野人何幸逢昌運一百餘年天下平

安樂窩前蒲柳吟

安樂窩前小江曲新蒲細柳年年綠眼前隨分好光
陰誰道人生多不足

瓮牖吟

瓮破已甘棄言收用有方用時須藉日照處便安牀
不假軒窗力能迴日月光清平卧其下自可比羲皇

人生長有兩般愁

人生長有兩般愁愁死愁生未易休或向利中窮力
取或于名上盡心求多思唯恐晚得手未老已聞先
白頭我有何功居彼上其間攘臂獨無憂

自詠

天下更無雙無知無所長年顏李文爽風度賀知章
靜坐多茶飲閑行或道裝傍人休用笑安樂是吾鄉

中秋月

擊壤十三

三

一年一度中秋夜十度中秋九度陰求滿直須當夜
半要明仍候到天心無雲照處情非淺不睡觀時意
更深徒愛古人詩句好何堪千里共如今

小車吟

春暖秋涼兼景好年豐身健更時和如茵草上輕輕
輾似錦花間慢慢拖

晝夢

夢裏到鄉關鄉關二十年依稀新國土隱約舊山川
身已煙霞外人家道路邊覺來猶在目一飽但蕭然

晚步洛河灘

晚步洛河灘河灘石萬般青黃有長短大小或方圓
考彼多無數求其用實難琅玕在何處止可使人歎

和李文思早秋五首

一雨洗觚稜三川氣象清林風傳顛氣木葉送商聲
忽忽蓮生的看看菊吐英太平時裏老何以報虛生
徑小新經雨庭幽逼有苔風前閑意思堦下靜徘徊
不分筋骸老難甘歲月催時時藉芳草賴有酒同杯
王金秋已至爍石景方闌直養能希孟閑居肯讓潘
竹間風葉葉松罅月團團洛社多賢友人人可共歡
池畔拖垂柳欄邊笑晚花敗荷傾弊蓋老檜露枯槎

擊壤十三

三

歲暮驚時態年高惜物華東陵風未替解憶故園瓜
日脚雲微淡林梢葉漸黃可堪須變色徹了爲侵霜
酒到難成醉風來易得涼老年何所欲唯願且平康

堯夫何所有

堯夫何所有一色得天和夏住長生洞冬居安樂窩
鸚花供放適風月助吟哦竊料人間樂無如我最多

長憶乍能言

長憶乍能言朝遊父母前方行初下膝既老遂華顛
在昔四五歲于今六十年却看兒女戲又喜又潸然

答友人

何者名爲善處身非爲能武又能文可行可止存諸
己或是或非繫在人遍數古來賢所得歷觀天下事
須真吉凶悔吝生乎動剛毅木訥近於仁易地皆然
休計較不言而信省開陳雖居蠻貊亦行矣無患鄉
閭情未親

獨坐吟

天告自丁寧人多不肖聽四時皆有景萬物豈無情
禍福眼前事是非身後名誰能事閑氣浪與世人爭

又

天意自分明人多不肖行鸚花春乍暖風月雨初晴

擊壤十三

西

靜坐澄思慮閑吟樂性情誰能事閑氣浪與世人爭

意未萌于心

意未萌于心言未出諸口神莫得而窺人莫得而咎
君子貴慎獨上不愧屋漏入神亦吾心口自處其後

自適吟

郊廓城中鳳凰樓下風月庭除鸚花臺榭時和歲豐
閑行靜坐期好身安清吟雅話

老翁吟

幡然一老翁凡百事皆備舊物不盡記故人難得逢
幽花渾在霧殘夢半隨風只且願天下時和與歲豐

鐵如意吟

此物鐵爲之何嘗肯妄持長隨大斃子永伴小車兒
擊碎珊瑚處敲殘牙齒時誰能學此輩纔始入鞭笞

道裝吟

道家儀用此衣中只拜星辰不拜人何故堯夫須用
拜安知人不是星辰

道家儀用此巾衣師外曾聞更拜誰何故堯夫須用
拜安知人不是吾師

安車塵尾道衣裝里閑過從乃是常聞說洞天多似
此吾鄉殊不異仙鄉

擊壤十三

五

如知道只在人心造化工夫自可尋若說衣中便爲
道堯夫何者敢披襟

四者吟

目時然後視耳時然後聽目時然後言身時然後行
前不見厚祿後不見重兵惟其義所在安知利與名

偶得吟

壯歲苦奔馳隨分受官職所得唯錙銖所喪無紀極
今日度一朝明日過一夕不免如路人區區被勞役

四事吟

會有四不赴時有四不出公會生會廣會醴會
大寒大暑大風大雨無貴

亦無賤無固亦無必里閑閑過從身安心自逸如此
三十年幸逢太平日

擊壤十三

夫宜秋節

伊川擊壤集卷十三

伊川擊壤集卷十四

偶書

美食無使饜饜則不能受善人無使倦倦則不能久
官小拜人喜官高拜人恥官職自外來中心何若此
才高命寡恥居人下若不固窮非知道者賢德之人
所居之處如芝如蘭使人愛慕凶惡之人所居之處
如虎如狼使人怕怖妻強夫殃奴強主殃臣強君殃
尾大于身水堅于霜辯之不早國破家亡

王勝之諫議見惠文房四寶內有巨硯尤佳因
以謝之

擊壤十四

一

銅雀或常聞未嘗聞金雀始愧林下人識物不甚博
金雀出何所必出自靈岳剪斷白雲根分破蒼岑角
既爲之巨硯遂登于綸閣水貯見温潤墨發知灑濯
窻下喜鑑開案前驚月落見贈何慙歉欲報須和璞
胡爲不且留洪化用斟酌胡爲不且留賢人用選擇
胡爲不且留姦人用誅削胡爲不且留生靈用安泊
則予何人哉拜貺徒驚還須是筆如椽方能無厚作
再用晴窗氣暖墨花春謝王勝之諫議惠金雀
硯

硯名金雀世難倫用報慙無天下珍國士有詩偏雅

處晴窗氣暖墨花春

題范忠獻公眞

范邵居洛陽希夷居華山陳邵爲邑人忠獻爲顯官
邵在范之後陳在范之前三人貌相類兩人名相連

觀物吟

時有代謝物有枯榮人有衰盛事有廢興

對花吟

美酒豈無留客飲好花猶解向人開多情不忍阻花
意未醉何須辭滿杯

義利吟

意不若義義不若利利之使人能忘生死利不若義
義不若意意之使人能動天地

代簡謝朱殿直贈長韻詩

慙慙見贈用長篇里閑過從積有年歲事報成還報
始春華相次又暄妍

試筆

心在人軀號太陽能於事上發輝光如何皎日照八
表得似靈臺高一方家用平康貧不害身無疾病瘦
何妨高吟大笑洛城裏看盡人間手脚忙

試硯

擊壤十四

二

富貴傲人人未信還知富貴去如何常觀靜處光陰
好亦恐閑時思慮多日出自然天不暗風來安得水
無波世間大有平田地因甚須由捷徑過

問調鼎

請將調鼎問于君調鼎工夫敢預聞只有鹽梅難盡
善豈無薑桂助爲辛和羹必欲須求美衆口如何便
得均慎勿輕言天下事伊周殊不是庸人

讀古詩

閑讀古人詩因看古人意古今時雖殊其意固無異
喜怒與哀樂貧賤與富貴借哉情何物使人能如是

擊壤十四

蠹書魚

形狀類于魚其心好蠹書居常遊篋笥未始在江湖
爲害于般有言烹一物無年年當盛夏曝了却如初

歲儉吟

歲儉心非儉家貧道不貧誰知天地內別有好乾坤

極論

下有黃泉上有天人人許住百來年還知虛過死萬
遍都似不曾生一般要識明珠須巨海如求良玉必
名山先能了盡世間事然後方言出世間

求鑑吟

人無鑑流水當求鑑止水流水無定形止水有定體
人無鑑于水當求鑑于人水鑑見人貌人鑑見人神

學佛吟

飽食豐衣不易過日長時節奈愁何求名少日投宣
聖怕死老年親釋迦妄欲斷緣緣愈重微求去病病
還多長江一片常如練幸自無風又起波

霜露吟

天地有潤澤其降也瀼瀼暖則爲湛露寒則爲繁霜
爲露萬物悅爲霜萬物傷二物本一氣恩威何昭彰

天命吟

擊壤十四

可委者命可憑者天人無率爾事不偶然

性情

踐形治性踐跡治情賢人踐跡聖人踐形

心跡吟

聖人了心賢人了跡了心無窮了跡無極

觀物吟

物不兩盛事難獨行榮瘁迭起賢愚並行

思慮吟

思慮未起鬼神莫知不由乎我更由乎誰

代壽答朝中舊友

少日治文章亦曾觀國光山林雖不返賦亦嘗忘
麋鹿寧無志鷓鴣自有行還知今日事大故索思量

冬不出吟

冬非不欲出欲出苦日短年老恐話長天寒怕歸晚
山翁頭有風鄉友情非淺必欲相招延春光況不遠

觀物

地以靜而方天以動而圓既正方圓體還明動靜權
靜久必成潤動極遂成然潤則水體具然則火用全
水體以器受火用以薪傳體在天地後用起天地先

家國吟

皇極十四

五

邪正異心家國同體邪能敗亡正能興起

邪正吟

賢人好正姦人好邪好邪則競好正則和

義利吟

君子尚義小人尚利尚利則亂尚義則治

天時吟

人作者事天命者時時來易失事去難追

思義吟

恩深者親義重者君恩義兩得始謂之人

閑步吟

何者謂知音知音難漫尋既無師曠耳安有伯牙琴
雖通桑榆景寧忘松桂心獨行月堤上一步一高吟

坐右吟

萬化備于身直須資養深因何為寶鑑只被用精金
酒少如茶飲詩多似史吟顏淵方內樂天下事難任

感雪吟

旨酒嘉肴與管絃通宵鼎沸樂豐年侯門深處還知
否百萬流民在露天

六十五歲新正自貽

熙寧八年

予家洛城裏況在天津畔行年六十五當宋之盛且

皇極十四

六

南園臨通衢北圃仰雙觀雖然在京國却如處山澗
清泉篆溝渠茂木繡霄漢涼風竹下來皓月松間見
面前有芝蘭日下無冰炭坐上有餘歡胸中無交戰
冬夏既不出炎涼徒自變榮辱既不入富貴徒自衍
惡聞人之惡樂道人之善不行何越越勿藥何瞑眩
誰謂金石堅其心亦能斷誰謂鬼神靈其誠亦能貫

小車六言吟

昔人乘車是常今見乘車倉皇既有前車戒慎豈無
覆轍兢兢將出必用茶飲欲登先須道裝軫邊更掛
詩帙轅畔仍懸酒紅輪緩為移芳草蓋低因礙垂楊

水際尤宜穩審花間更要安詳朝出頻經履道晚歸
屢過平康春重縱觀明嬌秋深飫看豐穰五鳳樓前
月色天津橋上風涼金谷園中流水魏王堤外脩篁
靜處光陰最好閑中氣味偏長所經莫不意得所見
無非情忘或見農人擁耒或見蠶女求桑或見薜蘿
遍野或見蒺藜滿墻或見荆棘茂密或見芝蘭芬芳
或見雞豚狗彘或見鵬鸞鳳凰惡者既不見善善者
固無相傷華嶽三峰崑崙黃陂萬頃汪洋不爲虛作
男子無負閑居洛陽天地精英多得堯夫老去何妨

安樂吟

擊壤十四

七

安樂先生不顯姓氏垂三十年居洛之淡風月情懷
江湖性氣色斯其舉翔而後至無賤無貧無富無貴
無將無迎無拘無忌窘未嘗憂飲不至醉收天下春
歸之肝肺盆池資吟瓮牖薦睡小車賞心大筆快志
或戴接羅或著半臂或坐林間或行水際樂見善人
樂聞善事樂道善言樂行善意聞人之惡若負芒刺
聞人之善如佩蘭蕙不佞禪伯不諛方士不出戶庭
直際天地三軍莫凌萬鍾莫致爲快活人六十五歲
甕牖吟
有客無知唯知自守自守無他唯求寡咎有屋數間

有田數畝用盆爲池以甕爲牖墻高于肩室大于斗
布被暖餘藜羹飽後氣吐胸中充塞宇宙筆落人間
暉映瓊玖人能知止以退爲茂我自不出何退之有
心無妄思足無妄走人無妄交物無妄受炎炎論之
甘處其陋綽綽言之無出其右犧軒之書未嘗去手
堯舜之談未嘗虛口當中和天同樂易友吟自在詩
飲歡喜酒百年升平不爲不偶七十康強不爲不壽

盆池吟

擊壤十四

八

有客無知唯知不爲不爲無他唯求不欺我有人是
人無我非因開甕牖遂鑿盆池都邑地貴江湖景奇
能遊澤國不下堂基簾外青草軒前黃陂壺中月落
鑑裏雲飛既有荷芰豈無菖茨既有蝌蚪豈無蛟螭
亦或清淺亦或渺瀰亦或淡淨亦或漣漪風起蘋藻
涼生袖衣林宗何在范蠡何歸密雪霏霏輕冰披披
垂柳依依細雨微微可以觀止可以忘機可以照物
可以看時不樂乎我更樂乎誰吾于是日再見伏犧

小車吟

有客無知唯知有家有家能歸其歸非遐靈臺瑩靜
天壤披葩書用大筆出乘小車身爲男子生于中華
又居洛陽爲幸何多天地中央帝王真宅漢唐遺烈

氣象自佳聖賢區宇士人淵藪仁義場圃聞見無涯
里巷相切親朋相過人疑日馭我謂星查或遊金谷
或泛月波或經履道或過銅駝進退雲水舒卷煙霞
揄揚風月擡帖鸞花性喜飲酒飲喜微醺飲未微醺
口先吟哦吟哦不足遂及浩歌浩歌不足無可奈何

大筆吟

有客無知爲性太質不伎不求無固無必足躡天根
手探月窟所得之懷盡賦于筆意遠情融氣和神逸
酒放微醺綃鋪半匹如風之卒如雲之勃如電之欸
如雨之密或住或還或沒或出滌蕩氛埃廓開天日

伊川擊壤集卷十四

九宜秋節

鸞鳳翔翔龍蛇盤屈春葩暄妍秋山崢嶸三千簪裾
俯循儒術百萬貔貅仰聽軍律松桂成林芝蘭滿室
蜀錦初翻朝霞乍拂白璧一雙黃金百溢羲之來求
牧之來乞物外神交人間事畢觀者析醒收之愈疾

伊川擊壤集卷十五

觀易吟

一物其來有一身一身還有一乾坤能知萬物備于
我肯把三才別立根天向一中分體用又云造化人於心
上起經綸天人焉有兩般義又云事道不虛行只在人

觀書吟

吁嗟四代帝王權盡入區區一舊編或讓或爭三萬
里相因相革二千年唐虞事業誰能繼湯武工夫世
莫傳時既不同人又異仲尼惡得不泯然

觀詩吟

愛君難得似當時曲盡人情莫若詩無雅豈明王教
化有風方識國興衰知音未若吳公子潤色曾經魯
仲尼三百五篇天下事後人誰敢更譏非

觀春秋吟

堂堂王室寄空名天下無時不戰爭滅國伐人唯恐
後尋盟報役未嘗寧晉齊命令炎如火文武資基冷
似冰唯有感麟心一片萬年千載若丹青

觀三皇吟

許大乾坤自我宣乾坤之外復何言初分大道非常
道纔有先天未後天作法極微難看蹟收功最久不

擊壤一五

一宜秋館

知年若教世上論勲業料得更無人在前

觀五帝吟

進退肯將天下讓着何言語狀雍容衣裳垂處威儀
盛玉帛修時意思恭物物盡能循至理人人自願立
殊功當時何故得如此只被聲名類日中

觀三王吟

一片中原萬里餘殆非屏德所宜居夏商正朔猶能
布湯武干戈未便驅澤火有名方受革水天無應不
成需詳知又云請觀仁義為心者肯作人間淺丈夫

觀五伯吟

刻意尊名名愈虧人人奔命不勝疲生靈劔戟林中
活公道貨財心裏歸雖則餼羊能愛禮奈何鳴鳳未
來儀東周五百餘年內歎息惟聞一仲尼

觀七國吟

當其末路尚縱橫仁義之言固不聽肯謂破齊存卽
墨能勝坑趙盡長平清晨見鬼未為怪白日殺人奚
足驚加以蘇張掉三寸扼喉其勢不俱生

觀嬴秦吟

轟轟七國正爭籌利害相磨未便休比至一雄心底
定其如四海血橫流三千賓客方成夢百二山河又

擊壤十五

二

變秋說罷侯能置守趙高元不是封侯

觀兩漢吟

秦破山河舊戰場豈期民復見耕桑九千來里開封
域四百餘年號帝王剝喪既而遭莽卓經營殊不念
高光當時文物如斯盛城復何由更在墮

觀三國吟

桓桓鼎峙震雷音絕唱高蹤沒處尋簫鼓一方情未
暢弓刀萬里力難任論兵很石寧無意飲馬黃河徒
有心雖曰天時亦人事誰知慮外失良金

觀西晉吟

擊壤十五

三

承平未必便無憂安樂忘危非善謀題品人材憑雅
諛雌黃時事用風流有刀難剖公間腹無木可梟元
海頭禍在夕陽亭一句上東門嘯浪悠悠

觀十六國吟

溥天之下號寰區大禹曾經治水餘衣到弊時多蟻
蝨瓜當爛後足蟲蛆龍章本不資狂寇象魏何嘗薦
亂胡尼父有言堪味處當時欠一管夷吾

觀南北朝吟

方其天下分南北聘使何嘗絕往還偏霸尚存前典
憲小康猶帶舊腥羶洛陽雅望稱崔浩江表奇才服

謝安二百四年能並轡設將夷虜互為言

觀隋朝吟

始謀當日已非臧又更相承或自戕螻蟻人民貪土
地泥沙金帛悅姬姜征遼意思糜荒服泛汴情懷厭
未央三十六年都掃地不然天下未歸唐

觀有唐吟

天生神武奠中央不爾羣凶未易攘貞觀若無風凜
凜開元安有氣揚揚凭高始見山河壯入夏方知日
月長三百年間能混一事雖成往道彌光

觀五代吟

擊壤十五

四

自從唐季墜皇綱天下生靈被擾攘社稷安危懸卒
伍朝廷輕重繫藩方深冬寒木固不脫未旦小星猶
有光五十三年更五姓始知除掃待真王

觀盛化吟

紛紛五代亂離間一旦雲開復見天草木百年新雨
露車書萬里舊山川尋常巷陌猶簪綬取次園亭亦
管絃人老太平春未老鸞花無害日高眠

吾曹養拙賴明時為幸居多寧不知天下英才中道
跡人問好景處閑眉生來只慣見豐稔老去未嘗經
亂離五事歷將前代舉帝堯而下固無之一事革命之日市不

易肆二事克服天下在即位後三事未嘗殺一
無罪四事百年方四菜五事百年無腹心患

喜老吟

幾何能得鬢如絲安用區區鑷白髮在世上官雖不
做出人間事却能知待天春暖秋涼日是我東遊西
泛時多少寬平好田地山翁方始會開眉

瞻禮孔子吟

執卷何人不讀書能知性者又何如工居天下語言
內妙出世間繩墨餘陶冶有無天事業權衡治亂帝
工夫大哉贊易脩經意料得生民以後無

還圓益上人詩卷

擊壤十五

五

餅錫相從更一巾一巾曾拂十州塵心通佛性久無
礙口道儒言殊不陳吳越江山前日事伊嵩風月此
時身閑行閑坐松陰下應恃眼明長笑人

天人吟

知盡人情天豈異未知何啻隔天地少時氣鏡未更
諳不信人間有難事知盡人情與天意合而言之安
有二能推己心達人心天下何憂不能治

錦幘春吟

錦幘山下有家園每歲家園過禁煙早是三春天氣
好那堪百里主人賢同於一派水邊飲醉向萬株花

底眼明日歸鞍遂東指上陽風景更暄妍

樂春吟

四時唯愛春春更愛春分有暖温存物無寒著莫人
好花方蓓蕾美酒正輕醕安樂窩中客如何不半醺

觀物吟四首

日月無異明晝夜有異體人鬼無異情生死有異理
既未能知生又焉能知死既未能事人又焉能事鬼
鴛蟬體既分安用苦云云氣盛有餘力聲銷無異門
時來由自己勢去屬他人莫作傷心事傷心不益身
古今情一也能處又何難識事事非易知人人所艱

擊壤十五

六

多疑虧任用輕信失防閑堯舜其猶病何嘗無大姦
人之耳所聞不若目親照耳聞有異同日照無多少
併棄耳目官專用口舌較不成天下功止成天下笑

人貴有精神吟

人貴有精神精神反不醇有精神而醇為第一等人
不醇無義理是非隨怒喜怒以是為非喜以非為是
怒是善人疎喜非小人比敗國與亡家鮮有不由此
娶妻娶柔和嫁夫嫁才美安得正婦人作配真男子

義利吟

賁於巨園束帛義既在前利在其間捨爾靈龜

觀我朶頤義既失之利何能爲尙義必讓君子道長
尙利必爭小人道行

小車初出吟

物外洞天三十六都疑布在洛陽中小車春暖秋涼
日一日止能移一宮

府尹王宣徽席上作

留都三判主人翁大第名園冠洛中又喜一年春入
手萬花香照酒卮紅

紛紛又過一年春半落情懷酒漫醇滿眼暄妍都去
盡樽前唯憶舊交親

擊壤十五

七

春暮答人吟

相遠經歲意何如漫說爲隣德不孤咫尺洛陽春已
盡過從能憶舊時無

天津閩樂吟

名園相倚洛陽春巷陌無塵羅綺新何處青樓隔桃
李樂聲時復到天津

春暮吟

有意楊花空學雪無情榆莢漫堆錢窮愁不服春辜
負酒病依還似去年

自問二首

因甚年來可作詩奈何人老又春歸流鶯不忍花離
披啼到黃昏猶自啼

年來因甚可吟詩桃李無言鶯有辭啼到黃昏猶自
啼奈何人老又春歸

和成都俞公達運使見寄

前年車從過天津花底當時把酒頻此日錦城花爛
漫何嘗更憶洛陽春

吳越吟二首

乙未閩廬凌楚歲戊辰勾踐破吳時正如當日乘虛
事三十四年人不知

擊壤十五

八

夫差丁未曾囚越勾踐戊辰還滅吳二十二年時返
復一如當日却乘虛

屬事吟

鶴鷄分寄一枝巢不信甘言便易驕當力尙難超北
海去威何足動鴻毛願將情意分明謝肯把恩光取
次燒天寵居多爲幸久春花無奈正天饒

興亡吟

孫陳李三人亡國體相似雖然少有文何復語英氣
曹劉孫三人興國體相似雖然小有才何復語命世

文武吟

既爲文士必有武備文武之道皆吾家事

善惡吟

瞽鯨有子堯舜無嗣餘慶餘殃何故如是

堯舜無子瞽鯨有嗣福善禍淫何故如此

責己吟

不爲十分人不責十分事既爲十分人須責十分是

無疾吟

無疾之安無災之福舉天下人不爲之足

四者吟

財色名勢爲世所親四者不動然後見人

擊壤十五

九

恩怨吟

人之常情無重于死恩感人心死猶有喜怨結人心死猶未已恩怨之深使人如此

秦川吟二首

當時馬上過秦川倏忽于今二十年因見夫君話家

住依稀記得舊風煙

秦川兩漢帝王區今日關東作帝都多少聖賢存舊

史夕陽唯只見荒蕪

和絳守王仲賢郎中

爲郎得絳分銅虎見寄詩中非浪誇地土尙傳唐草

木山川猶起晉雲霞園池富有吟供筆風俗淳無訟

到衙太守下車民受賜一心殊不負官家

日月吟

月明星自稀日出月亦微既有少正卯豈無孔仲尼

水旱吟

堯水九年湯旱七載調變之功此時安在九年洪水

七年大旱非堯與湯民死過半

老去吟

使吾却十歲亦可少集事奈何天地間日無再中理

吾今六十六衰老何可擬志逮力不逮人共知之矣

擊壤十五

十一

人事吟

索鍊無如事難知莫若人人情隨手別事體到頭均

不同吟

求者不得辭者不能二者相去其遠幾程

貪義吟

貪人之惡其過莫大貪人之善是亦爲罪

月新吟

月新與月殘形狀兩相似奈何人之情初見自歡喜

和內鄉李師甫長官見寄

雖未似神仙能逃暑與寒何嘗無水竹未始離林巒

道不同新學才難動要官時和歲豐後亦自有餘歡
歲豐時又康爲邑在南陽不廢吏民事得遊雲水鄉
春輸桃李豔風薦蕙蘭香太守兼賢傑且無奔走忙

內鄉天春亭

內鄉有園名天春春時桃李如絲雲邑民攜觴連齏
幕或歌或舞何歡欣縣尹中間意自若直謂前世無
古人牡丹百品紅與紫華而不實徒紛紜

內鄉兼隱亭

兼隱詔來書於時特起予民淳無訟聽縣僻類山居
簿領杯盤外官聯談笑餘不知當此際傍邑更誰如

擊壤十五

三

李少卿見招代往吟

洛城春去會仙才春去還驚夏却來微雨過牡丹初
謝輕風動芍藥纔開綠楊陰裏擁罇罍身健時康好
放懷

病酒吟

年年當此際酒病掩柴扉早是人多感那堪春又歸
花殘蝴蝶亂晝永子規啼安得如前日和風初扇微

爭讓吟

有讓豈無爭無訟安有革爭讓起于心訟革生于跡
義軒讓以道堯舜讓以德湯武爭以功桓文爭以力

謝王諫議見思吟

西齋前後半松筠萬慮澄餘始見真不謂天光明淨
處又能時憶舊交親

依韻和任司封見寄吟

王侯貴盛不勝言圖畫中山得一觀不似夫君行坐
看貪嵩又更愛天壇

高樓百尺破危空天淡雲閑看帝功更上一層情未
快思君不見見喬嵩

辭麾來此住雲霄聞健登臨肯憚勞紫陌事多都不
見家山圍遶是嵩高

擊壤十五

五

伊川擊壤集卷十六

答人吟

筋骸得似當年否氣血能如舊日無却喜一般增長
處樽前談笑有工夫

歲寒吟

松柏入冬看方能見歲寒聲須風裏聽色更雪中觀

依韻謝任司封寄逍遙枕吟

夫君惠我逍遙枕恐我逍遙蹟未超形體逍遙終未
至更和魂夢與逍遙

齊鄭吟

擊壤十六

一宜

子產何嘗辭鄭小晏嬰殊不願齊衰二賢生若得其
地才業當為王者師

代書寄呂庫部

周王八駿走天涯爭似君家四寶奇鄭洛風煙雖咫尺
恨無由往一觀之

和王安之少卿雨後

焦勞九夏餘一雨物皆蘇蛙鼓不足聽蚊雷未易驅
非唯仰歲給抑一了官翰林下閑遊客何妨儘自愉

和和承制見贈

自度無能處世間經冬經夏掩柴關青雲路穩無功

上翠竹叢疎有分閑猶許艷花酬素志更將佳酒發
醜顏年來老態非常甚長懼英才未易攀

清和吟

清而不和隘而多鄙和而不清慢而鮮禮既和且清
義無定體時行則行時止則止

異同吟

後快傷滅裂厚重傷滯泥趨造隨所尚不免有同異
異已必為非同己必為是是非戰異同終身不知義

卽事吟

生求媚于人死求媚于鬼媚人幸富貴媚鬼免罪戾
生死雖殊途人鬼豈異理哀哉過用心妄意何時已

擊壤十六

二

觀物吟

耳目聰明男子身洪鈞賦與不為貧因探月窟方知
物未躡天根豈識人乾遇巽時觀月窟地逢雷處看
天根天根月窟閑來往三十六宮都是春

淳厚之人少秀慧秀慧之人少審諦安得淳厚又秀
慧與之共話人間事

對酒吟

有酒時時泛一甌年將七十待何求齒衰婚嫁尚未
了歲旱田園穠薄收客去有時閑拱手日高無事靜

梳頭霜毛不止裝詩景更可因而入畫休

秋懷吟

一番春了未多時雲外征鴻又報歸
節物眼前來若此歲華頭上去如斯
當年志意雖然在今日筋骸寧不衰
賴有寸心常自喜聖人難處却能知

和王安之少卿秋遊

春夏而來可作詩雖然可作待何為
屢空濫得同顏子歷物固難如
惠施風月情懷無奈處雲山意思不勝時
一歌一詠聊酬唱敢詎安之與靜之

張少卿端字靜之

和王安之同赴府尹王宣徽洛社秋會

擊壤十六

三

後房深出會親賓樂按新聲妙入神
紅燭盛時翻翠袖畫橈停處占青蘋
早年金殿舊遊客此日鳳池將去人
宅冠名都號蝸隱邵堯夫敢作西隣

負河陽河清濟源三處之約以詩愧謝之

韓持國傳

秋霖積久泥正滑念念何日天開晴
親朋延望固已甚衰軀怯寒難遠行
一程相去雖不遠兩次講行終未成
二事交戰乎胸中隱几愁坐無由平

依韻和王安之少卿秋約韻

升沉惡足論事體到頭均一片蓬蒿地
千年雲水身

收成時正好寒暖氣初勻自此過從樂諸公莫厭煩

長子伯溫失解以詩示之

儒家所向者行義與文章用舍何嘗定
枯榮未易量千求須勉得失是尋常
外物不可必其言味甚長

歲暮自貽吟

天道無長春地道無常珍須稟中和氣
方生粹美人良田多黍稌薄地足荆榛
樛櫟蓬蒿類正能充惡薪既為萬物靈
須有萬物粹既無萬物靈徒分萬物類
欲出至珍言須有至珍意欲彰至美名
須作至美事濟時為美事悟主為珍意
奈何此二者我獨無一與

擊壤十六

四

君子飲酒吟

父慈子孝兄友弟恭家給人足時和歲豐
筋骸康健里閭過從君子飲酒其樂無窮

讀張子房傳吟

漢室開基第一功善哉能始又能終
直疑後日赤松子便是當年黃石公用捨
隨時無分限行藏在我有窮通古人已死
不復見痛惜令人少此風

觀物吟二首

熙寧九年

柳性至柔軟一年長丈餘雖然易得榮
奈何易得枯百穀仰膏雨極枯變極榮
安得此甘澤聊且振羣生

治亂吟五首

亂多于治害多于利悲多于喜惡多于美一陰一陽
奈何如此

中原一片閑田地曾生三皇與五帝三皇五帝子孫
多或賤或貧或富貴

精義入神以致用利用出入之謂神神無方而易無
體藏諸用而顯諸仁

火能勝水火不勝水其火遂滅水能從火水不從火
其水不熱夫能制妻夫不制妻其妻遂絕妻能從夫

妻不從夫其妻必孽

擊壤十六

五

天能生而不能養地能養而不能生火能烹而不能
沃水能沃而不能烹天地尚猶無全功水火何由有
全能得用二者交相養反為二者交相凌

三十年吟

比三十年前今日為艱難比三十年後今日為安閑
治久人思亂亂久人思安安得千年鶴乘去遊仙山

有病吟

身之有病當求藥醫藥之非良其身必虧國之有病
當求人醫人之非良其國必危事之未急當速改為
事之既急雖悔難追

對花吟

今年花似昔年開今日人開昔日懷煩惱全無半招
子喜歡常有百車來光陰已過意未過齒髮雖頹志
未頹人問堯夫曾出否答云方自洞天回

自述

春暖秋涼人半醉安車塵尾閑從事雖無大德及生
靈且與太平裝景致

去事吟

君子去事民有餘祥小人去事民有餘殃

策杖吟

擊壤十六

六

策杖南園或北園春來尤足慰衰年初晴天氣上元
後乍暖風光寒食前池岸微微妝嫩草林梢薄薄草
輕煙東君此際情何厚非象之中正造妍

不願吟

不願朝廷命官職不願朝廷賜粟帛惟願朝廷省徭
役庶幾天下少安息

量力吟

量力動時無悔吝隨宜樂處省營為須求騏驥方乘
馬亦恐終身無馬騎

戲答友人吟

邵堯夫者是何人歲歲春秋來謁君車小半年行一
轉余春秋非如駿馬走香塵

偶得吟

泉陶遇舜伊尹逢湯武丁得傳文王獲姜齊知管仲
漢識張良諸葛開蜀立齡啟唐

觀事吟

一歲之事勤在春一日之事勤在晨一生之事勤在
少一端之事勤在新

觀物吟

利輕則義重利重則義輕利不能勝義自然多至誠
義不能勝利自然多忿爭

金玉吟

聖在人中出心從行上修金於沙裏得玉向石中求

風霜吟

見風而靡者草也見霜而殞者亦草也見風而鳴者
松也見霜而凌者亦松也見風而靡見霜而傷焉能
為有焉能為亡

上下吟

自下觀上無限富貴自上觀下無限賤貧自心觀物
何物能一自物觀心何心不均

吾廬吟

吾廬雖小粗容身且免輕為僦舍人大有世人無屋
住向人簷下索温存

灤河上觀杏花回

灤河東看杏花開花外天津暮却回更把杏花頭上
插圖人知道看花來

娶妻吟

人之娶妻容德威儀儻或生子不舉則夔

好事吟

好事固難將力取賢人須是著心求浮生日月無多

子時過千休復萬休

不再吟

春無再至花無再開人無再少時無再來

毛頭吟

誰剪毛頭謝陸沈生靈肌骨不勝侵人間自有回天
力林下空多憂國心日過中時憂未艾月幾望處患
仍深軍中儒服吾家事諸葛武侯何處尋

憂國心深為愛君愛君須更重於身口中講得未必
是手裏做成方始真妄意動時難照物俗情私處莫
知人厚誣天下凶之甚多少英才在下塵

六得吟

眼能識得耳能聽得口能道得手能做得身能行得
心能放得六者盡與天地同德飲食起居出處語默
不止省心又更省力

盛衰吟

勢盛舉頭方偃蹇氣衰旋踵却嗟吁厚誣天下稱賢
者天下何嘗可厚誣

富貴吟

大舜與人同好惡以人從欲得安乎能知富貴尋常
事富貴能驕非丈夫

擊壤十六

九

無妄吟

耳無妄聽目無妄顧口無妄言心無妄慮四者不妄
聖賢之具予何人哉敢不希慕

善惡吟

人善不趨己惡不除謂之知道不亦難乎

春日園中吟

春暖遊園迺是常域中殊不異仙鄉竹間日日同真
侶水畔時時泛羽觴雨後鳥聲移樹轉風前花氣觸
人香林間富貴一般樂更縱其來更不妨

解字吟

人言爲信日月爲明止戈爲武羔美爲羹

感事吟

芝蘭種不榮荆棘剪不去二者無奈何徘徊歲將暮

窮達吟

窮不能卷達不能舒謂之知道不亦難乎

宇宙吟

宇宙在乎手萬物在乎身絲絲而若存用之豈有勤

久旱吟

久旱望雨久雨思晴天之常道人之常情

成性吟

成性存存用志不分又何患乎不到古人

擊壤十六

十

路徑吟

面前路徑無令窄路徑窄時無過客過客無時路徑
荒人間大率多荆棘

大人吟

天道遠人道邇盡人情合天理

先天吟示邢和叔

一片先天號太虛當其無事見真腴胸中美物肯自
銜天下英才敢厚誣理順是言皆可放義安何地不
能居直從字泰收功後始信人間有丈夫

感事吟

為善大宜量力分知機都在近人情
情盡後疑難入力分量時事自平
理順面前皆道路義乖門外是榛
荆何人肯認此言語此語分明人
不聽

浩歌吟

何者謂知機惟神能造微行藏全
在我用捨繫於時每恨知人晚常
憂見事遲與天為一體然後識宜
尼

利名吟

利名都不到胸中由此胸中氣自
冲既愛且憎皆是病靈臺何日得
從容

華壤十六

十一

凭高吟

誰將酷烈千般毒變作恩光一派
深惆悵先民不復見更凭高處儘
沈吟

意盡吟

意盡於物言盡於誠矯情鎮物非
我所能

又浩歌吟二首

憂愁與喜歡相去一毛間治亂不
同體山川無雨般笛聲方遠聽草
木正遙看何處危樓上斜陽人凭
欄
嘉善既難投先生宜罷休履霜猶
可救滅木更何求
獸困重來日鴻飛遠去秋民飢須
是食食外盡悠悠

温良吟

君子温良當責備小人情偽又須
知因驚世上機關惡遂覺壺中日
月遲

君子吟

君子與義小人與利與義日興與
利日廢君子尚德小人尚方尚德
樹恩尚力樹敵君子作福小人作
威作福福至作威禍隨君子樂善
小人樂惡樂惡惡至樂善善歸君
子好譽小人好毀好毀人怒好譽
人喜君子思與小人思壞思與召
祥思壞召怪君子好與小人好求
好與多喜好求多憂君子好生小
人好殺

華壤十六

十二

好生道行好殺道絕

先天吟

先天天弗違後天奉天時弗違無
時虧奉時有時疲

爽口吟

爽口之物少茹爽心之行少慮爽
意之言少語爽身之事少做

至誠吟

不多求故得不離學故明欲得心
常明無過用至誠

書事吟

宅山有石能攻玉玉未全成老已
催有限光陰隨事

去無涯衰朽逐人來陶鎔情性詩千首變理筋骸酒
一杯六十六年無事日心源方始似昭回

答甯秀才求詩吟

林下閑言語何須要許多幾乎三百首足以備吟哦

詩酒吟

聖人難處口能宣何止千年與萬年心靜始能知白
日眼明方會看青天鬼神情狀將詩寫造化工夫用
酒傳傳寫不干詩酒事若無詩酒又難言

白頭吟

何人頭不白我白不因愁只被人多欲其如我不憂

擊壤十六

圭璋 秋 備

不憂緣不動多欲爲多求年老人常事如何不白頭

知音吟

仲尼始可言無意孟子方能不動心莫向山中尋白
玉但於身上覓黃金山中白玉有時得身上黃金無
處尋我輩何人敢稱會安知世上無知音

伊川擊壤集卷十七

人物吟

人破須至護物破須至補補護既已多卒歸于敗露
人有人之情物有物之理人物類不同情理安有異

偶得吟

林間無事可裝懷晝睡功勞酒一盃殘夢不能全省
記半隨風雨過東街

觀物吟

一氣纔分兩儀已備圓者為天方者為地變化生成
動植類起人在其間最靈最貴

擊壤十七

戰國吟

七國之時尚戰爭威強知詐一齊行廉頗白起善用
兵蘇秦張儀善縱橫朝為布衣暮公卿昨日鼎食今
鼎烹范雎謝相何心情蔡澤入秦何依憑始皇奮袂
天下寧二世乞為氓不能三千賓客憤未平百二山
河漢已興所存舊物唯空名殘陽衰草山川形都似
一場春夢過自餘惡足語威猛

感事吟

切玉如泥劍不虛誰知世上有昆吾能言未是真男
子善處方名大丈夫士老林泉誠所願民填溝壑諒

何辜然非我事我心惻珍重羲皇一卷書

又五首

萬物有精英人為萬物靈必先詳事體然後論人情
氣靜形安樂心閒身太平伊者治天下不出此名生
用藥似交兵兵交豈有寧求安安未得去病病還生
湯劑未全補甘肥又却爭何由能壽考瑞應老人星
萬物道為樞其來類自殊性雖無厚薄理亦有精麤
未若人為盛還知物有餘我生于此日幸免作庸夫
曾聞不若見曾見不如經既用心經過何煩口說行
改詩知化筆醒酒識和羹料得人間事無由出此情

擊壤十七

履道吟

前有億萬年後有億萬世中間有壽人未過百來歲
出口無善言行身無善事徒有人之身殊無人之貴
何代無人振德輝取賢今日會西畿太平文物風流
事更勝元和全盛時

見義吟

見善必為不見則已量力而動力盡而止

觀物吟

如鸞如鳳意思安詳所生之人匪忠則良如鼠如雀
意思驚蹙所生之人不凶則惡

王公吟

王公大人天下具瞻輕流傳習重損威嚴此尙未了
彼安能兼非爲失道又復起貪頂戴儒冠心存象教
本圖心寧復使心閑譬如生子當求克肖不教義方
教之竊盜

自詠吟

老去無成齒髮衰年將七十待何爲居常無病不服
藥間或有懷猶作詩引水更憐魚並至折花仍喜蝶
相隨平生積學無他効只得胸中惡坦夷

觀物吟

畫工狀物經月經年軒鑑照物立寫于前鑑之爲明
猶或未精工出人手平與不平天下之平莫若于水
止能照表不能照裏表裏洞照其唯聖人察言觀行
罔或不真盡物之性去己之情有德之人而必有言
能言之人未必能行

能寐吟

大驚不寐大憂不寐大傷不寐大病不寐大喜不寐
大安能寐何故不寐湛於有累何故能寐行於無事

鷓鴣吟

人間重者是黃金誰道黃金無處尋不著閒辭文雅

意更將何事悅良心遠山四面供清潤幽鳥千般送
好音無限春光都去盡請君聽唱鷓鴣吟

翠竹叢深啼鷓鴣鷓鴣聲更勝提壺江南江北常相
逐春後春前多自呼遷客銷魂驚夢寐征人零淚溼
衣裾愁中聞處腸先斷似此傷懷禁得無

先天吟

若問先天一字無後天方要著功夫拔山蓋世稱才
力到此分毫強得乎無一作

自樂吟

麟鳳何嘗不在郊太平消得苦饒饒纔聞善士心先

三

四

喜每見奇書手自抄一瓦清泉來竹下兩竿紅日上
松梢窩中睡起窩前坐安得閒辭解客嘲

民情吟

民情旣樂和氣爲祥民情旣憂戾氣爲殃祥爲雨露
天下豐穰殃爲水旱天下凶荒

牡丹吟

牡丹花品冠羣芳況是其間更有王四色變而成百
色百般顏色百般香

代書吟

金須百鍊始知精水鑑何如人鑑明不棄旣能存故

舊久要焉敢忘平生經綸事體當言用道義襟懷只
論誠草木面前何止萬歲寒松桂獨青青

病淺吟

病淺之時人不疑病深之後藥難醫藥謙所以有終
吉迷復何嘗無大虧物我中間難著髮天人相去豈
容絲能知古樂猶今樂省了諛諛多少辭

借出詩

詩狂書更逸近歲不勝多太半落天下未還安樂窩

無苦吟

平生無苦吟書翰不求深行筆因調性成詩爲寫心

擊壤十七

五

詩揚心造化筆發性園林所樂樂吾樂樂而安有淫

萬物吟

萬物備于身乾坤不負人時光嗟在萬事體落因循
既感青春老還驚白髮新胸中若無有未免作埃塵

一云走埃塵

月窟吟

月窟與天根中間來往頻所居皆綽綽何往不申申
投足自有定滿懷都是春若無詩與酒又似太虧人

大象吟

大象自中虛中虛真不渝施爲心事業應對口工夫

伎量千般有憂愁一點無人能知此理勝讀五車書

百病吟

百病起於情情輕病亦輕可能無系累却是有依憑
秋月千山靜春華萬木榮若論真事業人力莫經營

小車吟

春暖未苦熱秋涼未甚寒小車隨意出所到卽成歡

擊壤吟

擊壤三千首行窩十二家樂天爲事業養志是生涯
出入將如意過從用小車人能知此樂何必待紛華

留題水北楊郎中園亭二首

擊壤十七

六

買宅從來重見山見山今值幾何錢奇峰環列遠隔
水喬木俯臨微帶烟行路客疑經洞府凭欄人恐是
神仙長憂暗入丹青手寫向鮫綃天下傳
洛下誰家不買居買居還得似君無風光一片非塵
世景物四時真畫圖後圃花奇真閬苑前軒峰好類
蓬壺人生能向此中老亦是世間豪丈夫

秋盡吟

數日之間秋遂盡百思無以慰蹉跎園林正好愛不
徹草木已黃情奈何雖老筋骸行尙健儘高臺樹望
仍多終朝把酒未成對又欲臨風一浩歌

不肖吟

不肖之人志在遊蕩身在屋下心在屋上不肖之子志在浮誇身尚不保焉能保家

君子吟

君子之去亦如其來小人之來亦如其去既有恩情且無怨怒既有憎嫌且無思慕

小人吟

小人無節棄本逐末喜思其與怒思其奪

把手吟

富貴把手貧賤掣肘貧賤把手富貴掣肘金石之交

擊壤十七

七

死且不朽市井之交自難長久

大易吟

天地定位否泰反類山澤通氣損咸見義雷風相薄恒益起意水火相射既濟未濟四象相交成十六事八卦相盪爲六十四

罷吟吟

久欲罷吟詩還驚意忽奇坐中知物體言外到天機得句不勝易成篇豈忍遺安知千萬載後世無宣尼

黃金吟

身上有黃金人無走陸沈求時未必見得處不因尋

辯捷非通物涵容是了心會彈無粒琴然後能知音

鷓鴣吟

事體一番新纔新又却陳新陳非利物義理不由人歲月休驚晚鷓鴣花續報春餘樽幸無恙宜唱鷓鴣頻

閒中吟

閒中氣味長長處是仙鄉富有林泉樂清無市井忙
爛遊千聖與醉擁萬花香莫作傷心事傷心易斷腸
閒中氣味真真處是天民富有林泉樂清無市井塵
爛遊千聖與醉擁萬花春莫作傷心事傷心愁殺人
閒中氣味全全處是天仙富有林泉樂清無市井喧

擊壤十七

八

爛觀千聖與醉擁萬花妍莫作傷心事傷心事好旋

蒼蒼吟

人人共戴天我戴豈徒然須識天人理方知造化權功名歸酒盞器業入詩篇料得閒中樂無如我得全

團圓吟

如鑑又如鈎回旋莫記秋難窮天上理易白世間頭團處人人喜虧時物物愁有生無不喘何必待吳牛

代書吟

見別一年餘歲殘相憶初重煩君款密遠寄我空疎
衰朽百端有憂愁一點無閒吟四十字聊用答來書

失詩吟

胸中風雨吼筆下龍蛇走前後落人間三千有餘首
不去吟

行年六十六不去兩般事用詩贈真宰以酒勸象帝
面未發醜顏心先動和氣俯仰天地間自知無所愧

經世吟

羲軒堯舜湯武桓文皇帝伯父子君臣四者之道
理限于秦降及兩漢又歷三分東西俶擾南北紛紜
五胡十姓天紀幾焚非唐不濟非宋不存于世萬世
中原有人

聖學十七

九

知人吟

君子知人出于知小人知人出于私出于知則同乎
理者謂之是異乎理者謂之非出于私則同乎己者
謂之是異乎己者謂之非

言行吟

能言未是難行得始為艱須是真男子方能無厚顏

光陰吟

三百六旬有六日光陰過眼如奔輪周而復始未嘗
息安得四時長似春

舉酒吟

閒與賓朋飲酒盃盃中長似有花開清談纔向口中
出和氣已從心上來物外意非由象得坐間春不自
天回施之天下能如此天下何憂不放懷

酒少吟

此物近來貧時時得數斤如茶辜老朽似藥負交親
未飲先憂盡雖對不敢煩何由同九日長有白衣人

觀碁絕句

未去交爭意難忘黑白心一條無敵路徹了沒人尋
未去交爭意難忘黑白情一條平穩路痛惜沒人行

老去吟

聖學十七

十

老去無成鬢已斑縱心年幾合清閒如何得意雲山
外更欲遊心詩酒間大字寫詩酬素志小盃斟酒發
醜顏春雷驚起千年蟄筆下蒼龍自往還

亂石吟

天津多亂石石裏閒尋覓全玉固難求似玉亦難得
徒有碌碌青亦有磷磷白奈無清越聲亦無溫潤色

未有吟

未有一分功先立十分敵所得無分毫所喪無紀極
未有一分讓先立十分爭所喪者實事所得者虛名

誠子吟

至寶明珠非有類全珍良玉自無瑕為珠為玉尚如此何況為人多過差

有過不能改知賢不肯親雖生人世上未得謂之
周孔不足法軻雄不足師還同棄常饕除是適蠻夷
道不遠乎人乾坤只在身誰能天地外別去覓乾坤

胡越吟

胡越同心日夫妻反目時人間無大小得失在須斯

善處吟

善處憂難作能持事自修腹心無外物蠻貊亦懷柔

百年吟

百年嗟荏苒千里痛蕭條忍逐東流水無期任所飄

歲杪吟

一日去一日一年添一年饒教成大器其那已華顛

志意雖依舊聰明不及前若非心有得亦恐學神僊

觀棊小吟

誰言博奕尚優游利害相磨未始休初得手時宜顧

望合行權處莫遲留二年乃正三監罪七日能尸兩

觀囚天下太平無一事南陽高臥更何求

又借出詩

安樂窩中樂媧皇笙萬擯自從聞借出客到遂無歡

和王規甫司勳見贈

何止千年與萬年歲寒松桂獨依然若無楊子天人
學安有莊生內外篇已約月陂尋白石更期金谷弄
清泉誰云影論紛紜甚一任山巔復起顛

答友人勸酒吟

人人誰不願封侯及至封侯未肯休大得却須防大
失多憂元只為多求規模焉敢比才士度量自知非
飲流少日何由能強此況今年老雪堆頭

伊川擊壤集卷十七

三

伊川擊壤集卷十七

伊川擊壤集卷十八

冬至吟

何者謂之幾天根理極微今年初盡處明日未來時
此際易得意其間難下解人能知此意何事不能知

盃盤吟

林下盃盤大寂寥寂寥長願似今朝君看擊鼓撞鐘
者勢去賓朋不易招

歡喜吟

揚善不揚惡記恩不記讐人人自歡喜何息少交遊
善人吟

善人吟

良如金玉重於丘山儼如鸞鳳氣如芝蘭

議論吟

事苟非自有異事苟是安有二

推誠吟

天雖不語人能語心可欺時天可欺天人相去不相
遠只在人心人不知

人心先天天弗違人身後天奉天時身心相去不相
遠只在人誠人不推

堯夫吟

堯夫吟天下拙來無時去無節如山川行不徹如江

河流不竭如芝蘭香不歇如簫韶聲不絕也有花也
有雪也有風也有月又溫柔又峻烈又風流又激切

意外吟

事出意外人難智求自非妄動惡用多愁既有誤中
豈無暗投能知此說天下何憂

當斷吟

斷以決疑疑不可緩當斷不斷反受其亂

憂夢吟

至人無夢聖人無憂夢為多想憂為多求憂既不作
夢來何由能知此說此外何修

人情吟

人達人情無算無廣天下之事如指諸掌

人事吟

人無取次事莫因循因循失事取次壞人人無率爾
事貴丁寧率爾近薄丁寧近誠

師資吟

未知道義尋人為師既知道義人來為資尋師未易
為資實難指南嚮道非去非還師人則恥人師則喜
喜恥皆非我獨無是好為人師與恥何異

天人吟

天學修心人學修身身安心樂乃見天人天之與人相去不遠不知者多知之者鮮身主于人心主于天心既不樂身何由安

樂毅吟

樂毅事燕時其心有深旨破齊七十城迎刃不遺矢豈留卽墨莒却與燕有二欲使燕遂王天下自齊始豈意志未申昭王一旦死惠王固不知使人代其位強燕自此衰何復能振起自古君與臣際會非容易重惜千萬年英雄爲流涕

十分吟

學場十八

所謂十分人須有十分真非謂能寫字非謂能爲文非謂眉目秀非謂衣裳新欲行人世上直須先了身所謂十分人須有十分事事苟不十分終是未完備事父盡其心事兄盡其意事君盡其忠事師盡其義人壽百年來其過豈容易雖然瞬息間其間多少事號爲能了事必先能了身身苟未能了何暇能了人

生日吟

祥符辛亥十二月二十五日

辛亥年辛丑月甲子日甲戌辰日辰同甲年月同辛吾于此際生而爲人

誠子吟

鷄能警旦馬能代行犬能守禦牛能力耕人稟天地萬物之靈如賢嫉能不如不生

有常吟

天地有常理日月有常明四時有常序鬼神有常靈聖人有常德小人無常情

歲暮吟

世上紛華都不見眼前唯見讀書尊百千難過尙驚楊三十歲前尤苦辛少日只知艱險事老年方識太平身家風幸有兒孫繼足以無心伴白雲

春天吟

學場十八

一片春天在眼前眼前須識好春天詩秋冬夏能無果雪月風花都一連能用真腴爲事業豈防他物害嗔妍我生其幸何多也安有閒愁到耳邊

庶幾吟

以聖責人固未完備以人望人自有餘地責人無難受責非易其殆庶幾猶望顏子

人物吟

人盛必有衰物生須有死既見身前人乃知身後事身前人能興身後事豈廢與廢先言人然後語天地

詫嗟吟

昨日炙手今日張羅人間常事何詫何嗟
左衽吟

自古禦戎無上策唯憑仁義是中原王師問罪固能
道天子蒙塵爭忍言二晉亂亡成茂草三君屈辱落
陳編公問延廣何人也始信興邦亦一言

教勸吟

若聖與仁吾豈敢空言猶足慰虛生明開教勸用常
道永使子孫持善名此日貽謨情未顯他時受賜事
非輕庶幾此意流天下天下何由不太平

不善吟

樂壇十八

五

悲哉不善人稟此凶戾德非爲敗人家又能敗人國

多事吟

多事招憂多疑招悶多與招吝多取招損

處身吟

君子處身寧人負己己無負人小人處事寧己負人
無人負己

觀性吟

千萬年之人千萬年之事千萬年之情千萬年之理
唯學之所能坐而爛觀爾

觀物吟

居暗觀明居靜觀動居簡觀繁居輕觀重所居者寡
所觀則取匪居匪觀取寡何用

答和吳傳正贊善二首 并寄高陽王十三機宜

洛陽城裏一愚夫十許年來不讀書老去情懷難狀
處淡煙寒月映松疎

是非吟

樂靜豈無病好閒終有心爭如自得者與世善淨沈
是短非長好丹非素一生區區未免愛惡愛惡不去
何由是非愛惡既去是非何爲

洗心吟

樂壇十八

六

人多求洗身殊不求洗心洗身去塵垢洗心去邪淫
塵垢用水洗邪淫非能淋必欲去心垢須彈無絃琴

見物吟

見物卽謳吟何常曾用意閒將篋笥詩靜看人間事

力穡吟

春時耕種夏時耘耨秋時收治冬時用受雨露不愆
旣苗旣秀水旱爲災尙懼其咎

六十六歲吟

六十有六歲暢然持酒盃少無他得志老有此開懷
往往英心動時時秀句來尙收三百首自謂敵瓊環

寬猛吟

寬則民慢猛則民殘寬猛相濟其民自安

小道吟

藝雖小道事亦繁人苟不造微焉能入神

得失吟

人有賢愚事無巨細得不艱難失必容易

薰蕕吟

善惡之間薰蕕可究近薰必香近蕕必臭

好惡吟

惡死好生去害就利天下之人其情無異

擊壤十八

歲暮吟

此情人不知亦嘗歎遲暮雖則歎遲暮奈何難分付

此情人不知亦嘗歎遲久雖則歎遲久奈何人不受

安分吟

輕得易失多謀少成德無盡利善無近名

詩畫吟

畫筆善狀物長于運丹青丹青入巧思萬物無遁形

詩畫善狀物長于運丹青丹青入秀句萬物無遁情

詩者人之志言者心之聲志因言以發聲因律而成

多識于鳥獸豈止毛與翎多識于草木豈止枝與莖

不有風雅頌何由知功名不有賦比興何由知廢興

觀朝廷盛事壯社稷威靈有湯武締構無幽厲歌頌

知得之艱難肯失之驕矜去巨蠹姦邪進不世賢能

摘陰陽粹美索天地精英籍江山清潤揭日月光榮

收之為民極著之為國經播之于金石奏之于大庭

感之以人心告之以神明人神之胥悅此所謂和羹

既有虞舜歌豈無皋陶賡既有仲尼刪豈無季札聽

必欲樂天下捨詩安足憑得吾之緒餘自可致升平

詩史吟

史筆善記事長于炫其文文勝則實喪徒增口云云

擊壤十八

八

詩史善記事長于造其真真勝則華去非如日紛紛

天下非一事天下非一人天下非一物天下非一身

皇天帝伯時其人長如存百千萬億年其事長如新

可以辯庶政可以齊黎民可以述祖考可以訓子孫

可以尊萬乘可以嚴三軍可以進諷諫可以揚功勳

可以移風俗可以厚人倫可以美教化可以和疎親

規人何切切誨人何諄諄送人何戀戀贈人何懃懃

無歲無嘉節無月無嘉辰無時無嘉景無日無嘉賓

樽中有美祿坐上無妖氛胸中有美物心上無埃塵

忍不用大筆書字如車輪三千有餘首布爲天下春

演繹吟

萬事入沈吟其來味更深雖然會過眼須是更經心
過眼未盡見經心肯儘尋儘尋能得見方始是真金
何者是真金真金入骨沈飽曾經煅鍊足得不沈吟
到手何須眼行動敢放心放心然後樂天下有知音
何者謂知音知音只在心肝脾無効驗鐘鼓漫搜尋
既若能開物何須更鼓琴來儀非爲鳳只是感人深
何者謂來儀來儀意不低有身皆衍衍無物不熙熙
一國若一物四方猶四肢巍巍乎堯舜何得而名之

樂境十八

九

史畫吟

史筆善記事畫筆善狀物狀物與記事二者各得一
詩史善記意詩畫善狀情狀情與記意二者皆能精
狀情不狀物記意不記事形容出造化想像成天地
體用自此分鬼神無敢異詩者豈于此史畫而已矣

好勝吟

人無好勝事無過求好勝多辱過求多憂憂辱並至
道德弗遊不止人患身亦是仇

治心吟

心親于身身親于人不能治心焉能治身不能治身

焉能治人

吾廬吟

吾亦愛吾廬吾廬似野居性隨天共淡身與世俱疎
遍地長芳草滿牀堆亂書自從無事後更不著工夫

人靈吟

天地生萬物其間人最靈既爲人之靈須有人之情
若無人之情徒有人之形

過眼吟

紛紛過眼不須驚利害相磨卒未平仗倆雖多無實
效聰明到了是虛名温涼寒熱四時事甘苦辛酸萬

樂境十八

十

物情除却此心皆外物此心猶恐未全醒一作未醒

災來吟

災自外來猶可消除災自內來何由支梧天人之間
內外察諸

內外吟

目耳鼻口人之尸膈心膽脾腎人之中霤內若能守
外自不受內若無守外何能久

名利吟

重之以名見人之情厚之以利見人之意情意內也
內重則外輕名利外也內賤則外貴

名實吟

內無是實外有是名小人故矜外無是名內有是實
君子何失

性情吟

君子任性小人任情任性則近任情則遠

丁寔吟

人無忽略事貴丁寔忽略近薄丁寔近誠

疑信吟

人無輕信事無多疑輕信招釁多疑招離

治亂吟

君子小人亦常相半時止時行或治或亂

擊壤十八

十一

有時吟

龍不冬躍螢能夜飛小人君子而皆有時

忠厚吟

小人斯須君子長久斯須傾邪長久忠厚

窮冬吟

十二月將終還驚歲律窮藏冰方北陸解凍未東風
草昧徒尋綠花梢強覓紅探春春不見元只在胸中

知非吟

今日已前事知非心可憑虛言安足道實行又何矜

無藥醫衰老有詩歌聖明縱然時飲酒未肯學劉伶

冬至吟

冬至子之半天心無改移一陽初起處萬物未生時
玄酒味方淡大音聲正希此言如不信更請問庖犧

頭白吟

頭白已多時況能垂白髭不如猶甚幸竊此未全衰
潤屋雖無鏹承家却有兒敢言貧淨潔似我亦應稀

談詩吟

詩者人之志非詩志莫傳人和心盡見天與意相連
論物生新句評文起雅言興來如宿構未始用雕鐫

擊壤十八

十二

繩水吟

水能平而不能直繩能直而不能平安得繩水為人
情而使天下都無爭

刑名吟

君子多近名小人多近刑善惡有異同一歸於任情

陰陽吟

陽行一陰行二一主天二主地天行六地行四四主
形六主氣

人事吟

人有去就事無低昂跡有疎密人無較量能此四者

自然長久

內外吟

衣冠整整謂之外修行義純潔謂之內修內外俱修

何人不求

衣冠不整謂之外情行義不修謂之內情內外俱情

何人不睡

盛衰吟

克肖子孫振起家門不肖子孫破敗家門猗嗟子孫

盛衰之根

死生吟

擊壤十八

三

學僊欲不死學佛欲再生再生與不死二者人果能

設使人果能方始入于情賞哉林下人不爲人所惜

哀哉公與卿重爲人所惑

生日吟

三萬五千日伊子享此身當時纔作物此際始爲人

久負陰陽力終虧父母恩一盃爲壽酒牀下列兒孫

時事吟

時之來兮其勢可乘時之去兮其事遂生前日之事

兮今日不行今日之事兮後來必更時久則患生事

久知弊生弊患相仍人何以寧

不知吟

不知陰陽不知天地不知人情不知物理強爲人師
寧不自愧

水火吟

水火得其御交而成既濟水火失其御焚溺可立至
不止水與火萬事盡如此只知用水火不知水火義

中原吟

中原之師仁義爲主仁義既無四夷來侮

喜飲吟

堯夫喜飲酒飲酒喜全真不喜成酪酏只喜成微醺

擊壤十八

四

微醺景何似襟懷如初春初春景何似天地纔細縷

不知身是人不知人是身只知身與人與天都未分

所感吟

人生無定準事體有多端客宦危疑處家書子細看

既曾憂險阻方信喜平安男子平生事須于痛定觀

行止吟

時止則須止時行則可行時行與時止人力莫經營

太平吟

太平時世園亭內豐稔歲年村落間情味一般難狀

處風煙草木盡閒閒

探春吟

草色依稀綠花梢隱約紅一般難道說如醉在心中
不出吟

冬夏遠難出止行南北園如逢好風景亦可至三天
西行至天街二百步北行至天
津三百步東行至天宮四百步

伊川擊壤集卷十九

不善吟

不其之人稟氣非正地蝸其情豺狼其性至其之人
稟氣清明金玉其性芝蘭其情

不同吟

君子之人與己非比聞善則樂見賢則喜小人之人
與己非惡聞善則憎見賢則怒

得失吟

時難得而易失心雖悔而何追不知老之已至不知
志與願違

擊壤十九

痛矣吟

痛矣時難得悲哉道未傳今年年已盡明日是明年

歲除

半百已華顛如今更皓然自知為士子人訝學神仙
風月難忘酒雲山不著錢行年六十六明日又添年

筆興吟

熙寧十年

窗晴氣和暖酒美手柔軟興逸情撩亂筆落春花爛

影論吟

性在體內影在形外性往體隨形行影會體性不存
形影安在影外之言曾何足怪

憂喜吟

大喜與大憂二者莫能寐二者若能寐何憂事不治

窺開吟

物理窺開後人情照破時一身都是我瘦了又還肥
物理窺開後人情照破時能將函谷塞只用一丸泥
物理窺開後人情照破時正如攜寶劍切玉過如泥
物理窺開後人情照破時渴多逢美酒病後遇良醫
物理窺開後人情照破時能將一個字善解百年迷
物理窺開後人情照破時情中明事體理外見天機
物理窺開後人情照破時可嗟兼可唾堪鄙又堪嗤

擊壤十九

二

物理窺開後人情照破初不堪將勸誡止可與嗟吁

物理窺開後人情照破前止堪令執筆不可使持權

物理窺開後人情照破休止堪初看望不可久延留

物理窺開後人情照破時欲知花爛漫須是葉離披

物理窺開後人情照破時有權能處置更狡待何為

物理窺開後人情照破問敢言天下事到手又何難

喜飲吟

平生喜飲酒飲酒喜輕醇不喜大段醉只便微帶醺
融怡如再少和煦似初春亦恐難名狀兩儀仍未分

貴賤吟

繫自我者可以力行繫自人者難乎力爭貴爲萬乘亦莫之矜賤爲匹夫亦莫之凌

措處吟

在未定之時當難處之地方事之危疑見人之措置

費力吟

事無巨細人有得失得之小心失之費力

不老吟

人無不老理日有再中時不老必無也再中應有之

代書寄陳章屯田

執別而來二十春忽飛書意一何慙四方豈是少賢

擊壤十九

三

士千里猶能思故人世態見多知可否物情諳久識

疎親我今老去甘衰朽無補明時臥洛濱

長短吟

君子喜淳誠小人喜欺罔淳誠歲時長欺罔日月短

迷悟吟

君子改過小人飾非改過終悟飾非終迷終悟福至

終迷禍歸

正性吟

未生之前不知其然既生之後迺知有天有天而來

正物之性君子踐形小人輕命

幽明吟

明有日月幽有鬼神日月照物鬼神依人明由物顯幽由人陳人物不作幽明何分

無覩吟

事曾經見物會持鍊天地之間俯仰無覩

事體吟

語言須中節義理貴從宜可革仍三就當行必再思

自餘吟

身生天地後心在天地前天地自我出自餘何足言

四可吟

擊壤十九

四

可勉者行可信者言可委者命可託者天

四不可吟

言不可妄行不可墮命不可忽天不可違

賃屋吟

屋新人喜居屋弊人思去主若善修完何時不能住

小人

小人無恥重利輕死不畏人誅豈顧物議

覽照

其骨爽其神清其祿薄其福輕

有病

一身如一國有病當求醫病愈藥便正節宜良得宜

二月吟

林下故無知唯知二月期酒嘗新熟後花賞半開時
只有醺酣趣殊無爛漫悲誰能將此景長貯在心脾

三月吟

滿城盡日行春去言會行春還有數真宰何嘗不發
生遊人其那無憑據梨花著雨漫成啼柳絮因風爭
肯往一片清明好意多奈何意好難分付

一等吟

欲出第一等言須有第一等意欲為第一等人須作

擊壤十九

五

第一等事

萬物吟

成敗須歸命興衰各有時小人縱多欲真宰豈容私
只此浪喜歡便成空慘悽請觀春去後遊者更為誰

洛陽春吟

四方好景無如洛一歲花奇莫若春景好花奇精妙
處又能分付與閒人

洛陽人慣見奇葩桃李花開未當花須是牡丹花盛
發滿城方始樂無涯

桃李花開人不窺花時須是牡丹時牡丹花發酒增

價夜半遊人猶未歸

光陰不肖略從容九十日春還又空多少落花無著

莫半隨流水半隨風

春歸花謝日初長鶯語鶯啼各自忙何故遊人斷來

往綠陰殊不減紅芳

十日好花都去盡可憐青帝用功深遊人莫便無憑

據未必紅芳勝綠陰

春歸必竟歸何處無限春冤都未訴欲託流鶯問所

因子規又叫不如去

用盡四時周一歲唯春能見好花開十千買酒未為

擊壤十九

六

貴既去紅芳豈再來

自貽吟

六十有七歲生為世上人四方中正地萬物備全身
天外更無樂胸中別有春

落花吟

萬紫千紅處處飛滿川桃李漫成蹊狂風猛雨日將
暮舞榭歌臺人乍稀水上漂浮安有定徑邊狼籍更

無依流鶯不用多言語到了一番春已歸

春暮吟

花開春正好花謝春還暮不意子規禽猶能道歸去

春來蝴蝶亂春去子規啼安得如前日和風初扇時
禽不通人情唯知春已暮亦或叫提壺亦或叫歸去

泉布吟

名爲泉布者無足走人間善發難言口能開不笑顏
償通小續命關急大還丹唯有商山老非干買得門

牡丹吟

一般顏色一般香香是天香色異常真宰工夫精妙
處非容人意可思量

和鳳翔橫渠張子厚學士

亡後篇

秦甸山河半域中精英孕育古今同古來賢傑知多

樂壤十九

七

少何代無人振素風

自處吟

堯夫自處道如何滿洛陽城都似家不德於人焉敢
異至誠從物更無他眼前只見羅天爵頭上誰知換
歲華何止春歸與春在胸中長有四時花

爲人吟

爲人須是與人羣不與人羣不盡人大舜與人焉有
異帝堯親族亦推倫人心齟齬一身病事體和諧四
海春心在四支心是主四支連復遠于身

先天吟

先天事業有誰爲爲者如何告者誰若謂先天言可
告君臣父子外何歸眼前伎倆人皆曉心上工夫世
莫知天地與身皆易地己身殊不異庖犧

中和吟

性亦故無他須是識中和心上語言少人間事體多
如霖回久旱似藥起沉痾一物尙不了其如萬物何

四賢吟

彥國之言鋪陳晦叔之言簡當君實之言優游伯淳
之言調條又作暢四賢洛陽之觀望是以在人之上有
宋熙寧之間大爲一時之壯

樂壤十九

八

年老吟

歲華頭上不能驚唯有交親眼更明皓皓月常因坐
看深深酒不爲愁傾苟於心上無先覺却似人間小
後生欲約何人爲伴侶江湖泛去一舟輕

天地吟

天人之際豈容鍼至理何煩遠去尋凶焰熾時焚更
烈恩波流處浸還深長征戍卒思歸意久旱蒼生望
雨心禍福轉來如反掌可能中夜不沉吟

至論吟

民于萬物已稱珍聖向民中更出羣介石不疑何盡

日知幾何患未如神若無剛果難成善既有精明又
貴純禍福兆時皆有漸不由天地只由人

人玉吟

玉不自珍人與珍人珍何謝玉之純然如粹美始終
一更看清光表裏真韜韞有名初在石琢磨成器却
須人古人已死不復見被褐之言不謬云

詐者吟

詐者固疑人天下盡行詐不信天下人其間無真話

飲酒吟

時時醇酒飲些些頤養天和以代茶無雨將成大凶

擊壤十九

九

歲負城非有好生涯身居畎畝須憂國事委男兒尙
恤家人問老來何長進鑑中添得鬢邊華

樂物吟

物有聲色氣味人有耳目口鼻萬物于人一身反觀
莫不全備

和王安之小園五題

小園新葺不離家高就岡頭低就窰洛邑地疑偏得
勝天津人至又非賒宜將閨苑同時語莫共桃源一
道誇聞說一軒多種藥只應猶欠紫河車

野軒

一軒名野非塵境嵩少煙岑送好風日月歲時都屬
己更於何處覓壺中

汗亭

許由爲計未爲深洗耳何如不動心到此灑然如世
外何嘗更有事來侵

藥軒

山裏藥多人不識夫君移植更標名果能醫得人間
病紅紫何妨好近楹

晚暉亭

高亭新建礙煙霞暮景能留是可嘉最近賞春來往

擊壤十九

十

路遊人應問是誰家

觀物吟

水雨零火雨露土雨濛石雨雹
水風涼火風熱土風和石風冽
水雲黑火雲赤土雲黃石雲白
水雷雲火雷號土雷連石雷霹

晝睡

晝睡工夫未易偕羲皇以上合安排心間無事飽食
後園裏有時間步回未午庭柯鷺屢轉已殘花徑客
稀來請觀世上多愁者枕簟雖涼無此懷

進退吟

進退兩途皆曰賓何煩坐上苦云云低眉坐處當周物掉臂行時莫顧人齒髮既衰非少日林泉能老是長春行於無事人知否寵辱何由得到身

為客吟

忽憶南秦為客日洛陽東望隔秦川雲山去此二千里歲月于今十九年柳色得非新婀娜江聲應是舊潺湲衰軀設使能重往疇昔情懷奈杳然

忽憶東胸為客日壯心初見水雲鄉島夷居處隣荒服潮水來時雜海商卧看蒼溟圍大塊坐觀紅日出

擊壤十九

十一

扶桑虛生虛死人何限男子之稱不易當

忽憶東吳為客日當年意氣樂從遊登山未始等閒輟飲酒何嘗容易休萬柄荷香經楚甸一帆風軟過揚州追思何異邯鄲夢瞬息光陰三十秋

忽憶太原為客日經秋縱酒未成歸遠山近水都成恨高閣斜陽盡是悲年少不禁花到眼情多唯只淚沾衣如今老向洛城裏更沒這般愁到眉

攝生吟

握固如嬰兒作氣如壯士二者非自然皆出不容易心為身之主志者氣之帥沉珠于深淵養自己天地

病中吟

堯夫三月病憂損洛陽人非止交朋意都如骨肉親薦醫心懇切求藥意慇懃安得如前日登門謝此恩

重病吟

安樂五十年一旦感重疾仍在盛夏中伏枕幾百日疢災與藥餌百療効無一以命聽于天于心何所失

天人吟

天生此身人力寄人力盡兮天數至天人相去不毫芒若有毫芒却成一

疾革吟

有命更危亦不死無命極醫亦無効唯將以命聽於天此外誰能閒計較

擊壤十九

十二

聽天吟

上天生我上天死我一聽於天有何不可

得一吟

天自得一天無既我一自天而後至唯天與一無兩般我亦何嘗與天異

答客問病

世上重黃金伊予獨喜吟死生都一致利害漫相尋湯劑功非淺膏肓疾已深然而猶灼艾用慰友朋心

病亟吟

生于太平世長于太平世老于太平世死于太平世
客問年幾何六十有七歲俯仰天地間浩然無所愧

伊川擊壤集卷二十

首尾吟 一百三十五首

堯夫非是愛吟詩爲見聖賢興有時日月星辰堯則
了江河淮濟禹平之皇帝伯經褒貶雪月風花未
品題豈謂古人無闕典堯夫非是愛吟詩

堯夫非是愛吟詩安樂窩中坐看時一氣旋回無少
息兩儀覆燾未嘗私四時更革互爲主百物新陳爭
効奇享了許多家樂事堯夫非是愛吟詩

堯夫非是愛吟詩安樂窩中得意時志快不須求事
顯書成當自有人知林泉且作酬心物風月聊充藉

擊壤二十

一 直 秋 篇

手資多少寬平好田地堯夫非是愛吟詩

堯夫非是愛吟詩安樂窩中半醉時因月因花因興
詠代書代簡代行移池中既有雙魚躍天際寧無一

鴈飛無限交情在南北堯夫非是愛吟詩

堯夫非是愛吟詩詩是堯夫可愛時寶鑑造形難著
髮鸞刀迎刃豈容絲風埃若不來侵路塵土何由得

上衣欲論誠明是難事堯夫非是愛吟詩

堯夫非是愛吟詩爲見興衰各有時天地全功須發
露朝廷盛美在施爲便都默默奈何見若不云云那

得知事在目前人不慮堯夫非是愛吟詩

堯夫非是愛吟詩詩是堯夫不寐時咀茹蘭薰宜有
主恢張風雅更爲誰三千來首收清月二十餘年撚
白髭了却許多閒職分堯夫非是愛吟詩

堯夫非是愛吟詩詩到忘言是盡時雖則借言通要
妙又須從物見幾微夔因不和方知淡樂爲無聲始
識希多少風花待除改堯夫非是愛吟詩

堯夫非是愛吟詩雖老精神未耗時水竹清閒先據
了鶯花富貴又兼之梧桐月向懷中照楊柳風來面
上吹被有許多閒捧擁堯夫非是愛吟詩

擊壤二十

二

在無情山色四邊圍孤鴻遠入晴煙去雙鷺斜穿禁
柳飛景物不妨閒自適堯夫非是愛吟詩

堯夫非是愛吟詩詩是天津再住時積翠鶯花供秀
潤上陽風月助新奇鳳凰樓觀雲中看道德園林枕

上窺不負太平吟笑事堯夫非是愛吟詩

堯夫非是愛吟詩詩是堯夫漸老時每用風騷觀物
體却因言語漏天機林間車馬自稀到塵外盃觴不

浪飛六十一年無事客堯夫非是愛吟詩

堯夫非是愛吟詩詩是堯夫忠恕時無限物情閒處
見諸般藥性病來知暗於成事事必敗失在知人人

必欺家國與身同一體堯夫非是愛吟詩

堯夫非是愛吟詩詩是堯夫默識時初有意時如父子到無情處類蠻夷眼前成敗尙不見天下安危那得知始信知人是難事堯夫非是愛吟詩

堯夫非是愛吟詩詩是堯夫知幸時日未出前朝象帝天纔春處謁庖犧三盃五盃自勸酒一局兩局無爭棊詔漢不知何似樂堯夫非是愛吟詩

堯夫非是愛吟詩詩是堯夫自勵時適道全由就師學出塵須是稟天資好賢只恐知人晚樂善唯憂見事遲多謝友朋常見教堯夫非是愛吟詩

擊壤二十

三

堯夫非是愛吟詩詩是堯夫得意時正得意時嘗起舞到麾毫處輒能飛南溟萬里鵬初舉遼海千年鶴乍歸豈止一詩而已矣堯夫非是愛吟詩

堯夫非是愛吟詩詩是堯夫可歎時固有命焉剛不信是無天也果能欺才高正被聰明使身貴方爲利害移無計奈何春又老堯夫非是愛吟詩

堯夫非是愛吟詩詩是堯夫筆逸時蒼海有神搜鯨鯢陸沉無水藏蛟螭岌業五千仞華嶽汪洋十萬頃黃陂都與收來入近題堯夫非是愛吟詩

堯夫非是愛吟詩詩是堯夫出入時春初暖今日遲

暹秋初涼兮雲微微輕風動垂柳依依細雨過芳草萋萋林下小車遊未歸堯夫非是愛吟詩

堯夫非是愛吟詩詩是堯夫試硯時玉未琢前猶索辯金經煨後更何疑當時掉臂人皆笑今日搖頭誰不知天外鳳凰飛處別堯夫非是愛吟詩

堯夫非是愛吟詩詩是堯夫試筆時以至死生都處了自餘榮辱可知之適居堂上行堂上或在水湄言水湄不止省心兼省力堯夫非是愛吟詩

堯夫非是愛吟詩詩是堯夫試墨時十室邑中須有信三人行處豈無師謀謨不講還疎略思慮傷多又

擊壤二十

四

忸怩機會失時尋不得堯夫非是愛吟詩
堯夫非是愛吟詩詩是堯夫語道時天聽雖高只些子人情相去沒多兒無聲無臭儘休也不忤不求還得之雖有丹青亦難狀堯夫非是愛吟詩

堯夫非是愛吟詩詩是堯夫語物時物盛物衰隨氣候人榮人瘁逐推移天邊新月有時待水上落花何處追皆是世間常事耳堯夫非是愛吟詩

堯夫非是愛吟詩詩是堯夫語事時天若可升非待勸神如無驗不須祈人當堂上易施設事過面前難改移勢盛勢衰非一日堯夫非是愛吟詩

堯夫非是愛吟詩詩是堯夫登閣時往事千年徒渺
漭斜陽一片漫光輝伊川洛川水似線太室少室鋒
如錐爭者從來是閒氣堯夫非是愛吟詩

堯夫非是愛吟詩詩是堯夫隱几時尺寸光陰須愛
惜分毫頭角莫矜馳酒因勸客小盞飲旬到驚人大
字麾無入何嘗不自得堯夫非是愛吟詩

堯夫非是愛吟詩詩是堯夫詠史時曠古第成干覺
夢中原都入一杯棋唐虞玉帛煙光紫湯武干戈草
色萋觀古事多今可見堯夫非是愛吟詩

擊壤二十 五

善行身誤有四方知大凡觀物須生意既若成章必
見辭詩者志之所之也堯夫非是愛吟詩

堯夫非是愛吟詩詩是堯夫半老時肥遁雖無潤屋
物勞謙却有克家兒筋骸幸且粗康健談笑不妨閒
滑稽六十二年無事客堯夫非是愛吟詩

堯夫非是愛吟詩詩是堯夫自笑時閒散何嘗遠人
事語言時復洩天機至微勲業有難立儘大功名或
易爲成敗一歸思慮外堯夫非是愛吟詩

堯夫非是愛吟詩詩是堯夫讓僕時止會搖頭道又
錯奈何轉脚復爲非比圖爲家効功力更却與物生

瑕疵失在知人不無過堯夫非是愛吟詩

堯夫非是愛吟詩詩是堯夫可歎時大器晚成當自
重小人難養又何疑既無一日九遷則安有終朝三
褫之若向槿花求遠到堯夫非是愛吟詩

堯夫非是愛吟詩詩是堯夫樂事時慷慨丈夫無後
悔分明男子有前知在尋常時觀執守當倉卒處看
施爲善事沒身而已矣堯夫非是愛吟詩

堯夫非是愛吟詩詩是堯夫自喜時名在士人當盛
世生於中國作男兒良辰美景忍虛廢驟雨飄風無
定期過此焉能事追悔堯夫非是愛吟詩

擊壤二十 六

堯夫非是愛吟詩詩是堯夫喜老時好話說時常愈
疾善人逢處每忘機此心是物難爲動其志唯天然
後知詩是堯夫分付處堯夫非是愛吟詩

堯夫非是愛吟詩詩是堯夫贊仲尼大事既去止可
歎皇綱已墜如何追由茲春秋無義戰所以定哀多
微辭絕筆獲麟之一句堯夫非是愛吟詩

堯夫非是愛吟詩詩是堯夫自在時何處不尋芳草
地誰家不望小車兒花枝好處安詳折酒盞滿時攔
就持閒氣虛名都忘了堯夫非是愛吟詩

堯夫非是愛吟詩詩是堯夫自負時暖日纔從桃李

過涼風又向芟荷吹月華正似金波溜雪片還如柳絮飛此樂太平然後見堯夫非是愛吟詩

堯夫非是愛吟詩詩是堯夫自得時風露清時收翠潤山川秀處摘新奇揄揚物性多存體拂掠人情薄用辭遺味正宜涵泳處堯夫非是愛吟詩

堯夫非是愛吟詩詩是堯夫默坐時天意教閒須有謂人心剛動似無知煙輕柳葉眉閒皺露重花枝淚靜垂應恨堯夫無一語堯夫非是愛吟詩

堯夫非是愛吟詩詩是堯夫晚望時恰見花開便花謝纔聞春至又春歸流鶯啼處春猶在杜宇來時花

擊壤二十

七

已飛春至花開春去謝堯夫非是愛吟詩

堯夫非是愛吟詩詩是堯夫春出時一點兩點小雨過三聲五聲流鶯啼盃深似錦花間醉車穩如茵草上歸更在太平無事日堯夫非是愛吟詩

堯夫非是愛吟詩詩是堯夫入夏時醪酒竹間留客飲清風水畔向人吹嬋娟月色滿軒檻菡萏花香盈袖衣樂莫樂于無事樂堯夫非是愛吟詩

堯夫非是愛吟詩詩是堯夫秋出時樓上清風猶足喜水邊芳草未全衰纔涼便可停新酒薄暮初能著夾衣都沒人間浪憂事堯夫非是愛吟詩

堯夫非是愛吟詩詩是堯夫自喜時不用虛名矜智數且無閒氣撓心脾酒佳鷄地泛一甌花好有時簪兩枝更縱無人訝狂怪堯夫非是愛吟詩

堯夫非是愛吟詩詩是堯夫確論時若以後時爲失計必將先手作知幾三千賓客成何夢百二山河付阿誰弄巧既多翻作拙堯夫非是愛吟詩

堯夫非是愛吟詩詩是堯夫會計時進退雲山爲主判陶鎔水竹是兼司鶯花舊管三千首風月初收二百題歲暮又須行考課堯夫非是愛吟詩

擊壤二十

八

子無言又欲學宣尼能知同道道亦得始信先天天弗違六十二年無事客堯夫非是愛吟詩

堯夫非是愛吟詩詩是堯夫贊易時火在內而刑寡妻風行外而令庶黎老成人爲福之基駮孺子爲禍之梯此理昭然多不知堯夫非是愛吟詩

堯夫非是愛吟詩詩是堯夫記所思少日過從都似夢老年光景只如飛快心事固難強覓到手物如何不爲欲俟河清人壽幾堯夫非是愛吟詩

堯夫非是愛吟詩詩是堯夫重惜時萬里焦勞無所訴九重深窳莫能知二年斯得誠爲晚七日言誅未

是遲本固邦寧王道在堯夫非是愛吟詩

堯夫非是愛吟詩詩是堯夫髣髴時寫字吟詩爲潤

色通經達道是鐵基經綸亦可爲餘事性命方能盡

所爲可謂一生男子事堯夫非是愛吟詩

堯夫非是愛吟詩詩是堯夫拍手時此路清閒都屬

我這般歡樂更饒誰將何勢力爲憑藉著甚言辭與

指揮遷怒飾非何更有堯夫非是愛吟詩

堯夫非是愛吟詩詩是堯夫試手時生死自明非不

死有知誰道勝無知楊朱眼淚惟能泣宋玉心胸只

解悲爲報西風漫相侮堯夫非是愛吟詩

擊壤二十

九

堯夫非是愛吟詩詩是堯夫憶昔時天下只知才可

處人間不信事難爲眼觀秋水斜陽遠淚洒西風黃

葉飛此意如今都去盡堯夫非是愛吟詩

堯夫非是愛吟詩詩是堯夫相度時合放手時須放

手得開眉處且開眉狂情多見好人喜弊性少爲他

物移只恨一般言不到堯夫非是愛吟詩

堯夫非是愛吟詩詩是堯夫樂物時天地精英都已

得鬼神情狀又能知陶真義向辭中見借論言從意

外移始信時能通造化堯夫非是愛吟詩

堯夫非是愛吟詩詩是堯夫不樂時明月怡圓還却

缺好花纔盛又成衰返魂丹向何人用續命湯於甚

處施天聽雖高只些子堯夫非是愛吟詩

堯夫非是愛吟詩詩是堯夫春盡時有意落花猶去

住無情流水任東西鸞傳信處音聲切燕訴冤時言

語低似此誤人事多少堯夫非是愛吟詩

堯夫非是愛吟詩詩是天津秋盡時見慣不驚新物

盛話長難說故人稀雲疎煙淡山仍遠露冷天高草

已衰賴有餘樽自斟酌堯夫非是愛吟詩

堯夫非是愛吟詩詩是堯夫代記時官職固難稱太

史文章却欲學宣尼能歸豈謝陶元亮善聽何慚鍾

擊壤二十

十

子期德若不孤吾道在堯夫非是愛吟詩

堯夫非是愛吟詩詩是堯夫曠望時一片園林擁京

國幾層樓觀犯雲霓朝昏天氣屢變易今古人情旋

合離欲問遠山唯斂黛堯夫非是愛吟詩

堯夫非是愛吟詩詩是閒觀蔬圃時暖地春初纔鬱

鬱宿根秋木却披披葦蕪蕪青遮瓏蘋芋薑藜綠

滿畦時到皆能弄精彩堯夫非是愛吟詩

堯夫非是愛吟詩詩是堯夫窮理時語愛何嘗過父

子講和曾未若夫妻恩多意思翻成恨歡極情懷却

似悲何事人間不如此堯夫非是愛吟詩

堯夫非是愛吟詩詩是堯夫重惜時西晉浮誇時可
歎南梁崇尚事堪悲仲尼豈欲輕辭魯孟子何嘗便
去齊儀鳳不來人老去堯夫非是愛吟詩

堯夫非是愛吟詩詩是堯夫自足時開口笑多無若
我同心言少更爲誰田園管勾憑諸子樽俎安排仰
老妻不信人間有憂事堯夫非是愛吟詩

堯夫非是愛吟詩詩是堯夫獨酌時一盞兩盞至三
盞五題七題或十題只知人事是太古不信我身非
伏羲爲幸居多宜自樂堯夫非是愛吟詩

學境二十

三

堯夫非是愛吟詩詩是堯夫切慮時千世萬世所遭

遇聖人賢人曾施爲當初何故盡有說在後可能都

沒辭事既不同時又異堯夫非是愛吟詩

堯夫非是愛吟詩詩是堯夫強少時筇杖藜杖到手

拄南園北園隨意之酒醺不怕暖生面花好儘教香

惹衣六十四年無事客堯夫非是愛吟詩

堯夫非是愛吟詩詩是堯夫自顧時若有意時非語

話都無情處是肝脾方將憂已到未到何暇責人知

不知因喜聖賢用心遠堯夫非是愛吟詩

堯夫非是愛吟詩詩是堯夫自得時已把樂爲心事

業更將安作道樞機未來身上休思念既入手中須

指揮迎刃何煩多顧慮堯夫非是愛吟詩

堯夫非是愛吟詩詩是堯夫鑑誠時意淺不知多則
惑心靈須識動之微行凶既有人誅戮心善豈無天
保持讀易不唯明禍福堯夫非是愛吟詩

堯夫非是愛吟詩詩是堯夫贊易時八卦小成皆有
主三才大備略無遺陰陽消長既未已動靜吉凶那
不知爲見至神功效遠堯夫非是愛吟詩

堯夫非是愛吟詩詩是堯夫贊易時大道備人皆有
謂上天生物固無私雖知同道道亦得未若先天天
弗違過此聖人猶不語堯夫非是愛吟詩

學境二十

三

堯夫非是愛吟詩詩是堯夫十月時寒日無光天色

遠陰雲不動柳絲垂園林葉盡鳥未散道路風多人

更稀滿目時光口難道堯夫非是愛吟詩

堯夫非是愛吟詩詩是堯夫可愛時已著意時仍著

意未加辭處與加辭物皆有理我何者天且不言人

代之代了天工無限說堯夫非是愛吟詩

堯夫非是愛吟詩詩是堯夫不著某大智大謀雖妄

設小機小數青輕爲泥沙用處豈無惜螻蟻驅時忍

便窺天下也宜留一路堯夫非是愛吟詩

堯夫非是愛吟詩詩是堯夫歡喜時歡喜焉能便休

得語言須且略形之胸中所有事既說天下固無人
致疑更不防閑尋罅漏堯夫非是愛吟詩

堯夫非是愛吟詩詩是堯夫先見時直在胸中貧亦
樂屈於人下貴奚爲誰何藥可醫無病多少金能買
不疑遲老更逢春未老堯夫非是愛吟詩

堯夫非是愛吟詩詩是堯夫不忍時戾氣中人爲疾
病和風養物號清微世情非利莫能動士節待窮然
後知尙口乃窮非我事堯夫非是愛吟詩

堯夫非是愛吟詩詩是堯夫恨月時見說天長在甚
處照教人老待奚爲嬋娟東面才如鑑屈曲西邊却

學樓二十

三

似眉由此遂多悲與喜堯夫非是愛吟詩

堯夫非是愛吟詩詩是堯夫愛月時松上見時偏皎
潔懷中照處特光輝何如亭午更休轉不奈才圓又
却虧青女素娥應有恨堯夫非是愛吟詩

堯夫非是愛吟詩詩是堯夫中夜時擁被不眠還展
轉披衣却坐忽尋思死生有命尙能處道德出人那
不知須是安之以無事堯夫非是愛吟詩

堯夫非是愛吟詩詩是堯夫訪友時青眼主人偶不
在白頭老叟還空歸幾家大地橫斜照一片殘春啼
子規獨往獨來還獨坐堯夫非是愛吟詩

堯夫非是愛吟詩詩是堯夫信脚時高祖宅前花似
錦魏王堤畔柳如絲因閑看水行來遠就便遊園歸
去遲每遇好風還眷眷堯夫非是愛吟詩

堯夫非是愛吟詩詩是堯夫村度時先見固能無後
悔至誠方始有前知己之欲處人須欲心可欺時天
可欺只被世人難易地堯夫非是愛吟詩

堯夫非是愛吟詩詩是堯夫揮塵時每見賓朋須款
曲更和言語不思惟方將與物同休戚何暇共人爭
是非天地與人同一體堯夫非是愛吟詩

堯夫非是愛吟詩詩是堯夫恣縱時在世上官雖不

學樓二

四

做出人間事却能知待天春暖秋涼日是我東遊西
泛時多少寬平好田地堯夫非是愛吟詩

堯夫非是愛吟詩詩是堯夫服老時簡尺每稱林下
士過從或著道家衣須將賢傑同星漢直把身心比
鹿麋六十五年無事客堯夫非是愛吟詩

堯夫非是愛吟詩詩是堯夫睡覺時夢後舊歡初髮
鬢酒醒前事略依稀任經生死心無異雖隔江湖路
不迷因向此中觀至理堯夫非是愛吟詩

堯夫非是愛吟詩詩是堯夫注思時事少全由心易
足病多休道藥難醫情當少日須思老志在安時莫

忘危天道分明人自昧堯夫非是愛吟詩

堯夫非是愛吟詩詩是堯夫行己時政在我時心必盡事關人處力難爲人如負我我何預我若辜人人有詞就責莫如躬自厚堯夫非是愛吟詩

堯夫非是愛吟詩詩是堯夫自省時義若不爲無勇也幸如有過必知之面前地惡猶能掃心上田荒何所欺從諫如流是難事堯夫非是愛吟詩

堯夫非是愛吟詩詩是堯夫盡性時若聖與仁雖不敢樂天知命又何疑恢恢志意方閒暇綽綽情懷正坦夷心逸日休難狀處堯夫非是愛吟詩

學集二十

五

堯夫非是愛吟詩詩是堯夫用畜時史籍始終明治亂經書表裏見安危庖犧可作三才主孔子當爲萬世師不止前言與往行堯夫非是愛吟詩

堯夫非是愛吟詩詩是堯夫出入時草軟沙平月陂下雲輕日淡上陽西花深柳暗銅駝陌風暖鷺嬌金谷堤盡是堯夫行樂處堯夫非是愛吟詩

堯夫非是愛吟詩詩是春秋後語時七國縱橫如破的九州吞吐若抨碁君臣自作逋逃主將相無非市井兒象入草書猶不誤堯夫非是愛吟詩

堯夫非是愛吟詩詩是堯夫晚步時信意遂過高祖

宅因行更上魏王堤設如終久全無託何似當初都不知料得鬼神知此意堯夫非是愛吟詩

堯夫非是愛吟詩詩是堯夫處困時事體極時觀道妙人情盡處看天機孝慈親和未必見松柏歲寒然後知匪石未聞心可轉堯夫非是愛吟詩

堯夫非是愛吟詩詩是堯夫處否時信道而行安有悔樂天之外更何疑受疑始見周公旦經阨方明孔仲尼大聖大神猶不免堯夫非是愛吟詩

堯夫非是愛吟詩詩是堯夫無奈時眼下見榮還見辱心中疑是又疑非上陽宮殿空遺堵金谷園林但落暉天若有言人可問堯夫非是愛吟詩

學集二十

六

堯夫非是愛吟詩詩是堯夫擲筆時事體順時爲物理人情安處是天機堅如金石猶能動靈若鬼神何可欺此外更無言語道堯夫非是愛吟詩

堯夫非是愛吟詩詩是堯夫自詫時許大天時猶可測些兒人事豈難知崑岡美玉人誰識滄海明珠世莫窺由是堯夫聊自詫堯夫非是愛吟詩

堯夫非是愛吟詩詩是堯夫慎獨時人壽百年無以過心遊萬仞待何爲爲謀須求心無愧作事莫幸人不知誠盡鬼神猶且懼堯夫非是愛吟詩

堯夫非是愛吟詩詩是堯夫慎與時初作事時分可
否始親人處定安危殊鄉忠信同思善異世奸邪共
喜私豈待較量然後見堯夫非是愛吟詩

堯夫非是愛吟詩詩是堯夫樂事時天道虧盈如橐
籥聖人言語似著龜光陰去後繩難繫筋力衰時藥
不醫莫把閒愁伴殘照堯夫非是愛吟詩

堯夫非是愛吟詩詩是堯夫重惜時爭向偽時須便
信奈何真處却生疑既稱有審告曾子豈爲無人毀
仲尼父子君臣獨未免堯夫非是愛吟詩

堯夫非是愛吟詩詩是堯夫捲卷時時過猶能用歸

學集二十

七

妹物傷長懼入明夷夏商盛自何由見唐漢衰年爭
忍思賦畝不忘天下處堯夫非是愛吟詩

堯夫非是愛吟詩詩是堯夫愛物時曉事情懷須灑
落出塵言語必新奇山川秀拔寧無孕天地精英自
有歸粹氣始能生粹物堯夫非是愛吟詩

堯夫非是愛吟詩詩是堯夫默識時日月既來還却
往園林纔盛又成衰登山高下雖然見臨水淺深那
不知世上高深事無限堯夫非是愛吟詩

堯夫非是愛吟詩詩是堯夫自試時事體待諸然得
信人情非久莫能知同霽雨霽蒿萊質獨出雪霜松

柏姿見慣不如身歷過堯夫非是愛吟詩

堯夫非是愛吟詩詩是堯夫可歎時只被人間多用

詐遂令天下盡生疑前唐一云揖讓三盃酒坐上云一

武交爭一局碁小大不同而已矣堯夫非是愛吟詩

堯夫非是愛吟詩詩是堯夫憑式時亂法奈何非獨

古措刑安得見於茲當時既有少正卯今日寧無孔

仲尼時世不同人一也堯夫非是愛吟詩

堯夫非是愛吟詩詩是堯夫自信時必欲全然無後

悔直須曉了有前知言忠能盡己所有事善任他人

致疑外物從來自難必堯夫非是愛吟詩

學集二十

六

堯夫非是愛吟詩詩是堯夫毋必時或讓或爭時既
往相因相革事難齊義軒堯舜前規矩湯武桓文舊
範圍一筆寫成還抹了堯夫非是愛吟詩

堯夫非是愛吟詩詩是堯夫何所爲睡思動時親甕
牖幽情發處旁盆池尋芳更用小車去得句仍將大
筆麾餘事不妨閒潤色堯夫非是愛吟詩

堯夫非是愛吟詩詩是堯夫詫老時金玉過從傷朋
友糟糠歡喜老夫妻瓦燒酒盞連醅飲紙畫碁盤就
地圖六十六年無事客堯夫非是愛吟詩

堯夫非是愛吟詩詩是堯夫樂靜時藥裏君臣備點

對琴中文武倦更移鼎間龍虎忘着守基上山河廢
指揮亦恐因而害天性堯夫非是愛吟詩

堯夫非是愛吟詩詩是堯夫談笑時國士待人能盡
意山翁道我會閉眉盞隨酒量徐徐飲榻逐花陰旋
旋移此樂再尋非易得堯夫非是愛吟詩

堯夫非是愛吟詩詩是堯夫驚駭時暮雨朝雲纔半
日春華秋葉未多時卽今世態已堪歎過此人情更
可知一暑一寒何太急堯夫非是愛吟詩

堯夫非是愛吟詩詩是堯夫自詫時事少事多都在
己人憂人喜更由誰壺中日月明長在洞裏乾坤春

擊壤二十

九

不歸誰道光陰如過隙堯夫非是愛吟詩

堯夫非是愛吟詩詩是堯夫疎散時早起小詩無檢
束那堪大字更狂迷既貪李杜精神好又愛歐王格
韻奇餘事不妨閒戲弄堯夫非是愛吟詩

堯夫非是愛吟詩詩是堯夫語事時舉動苟能循義
理辯明安用致言辭艱難圖處費心力容易來時省
指揮欲蓋而彰事多矣堯夫非是愛吟詩

堯夫非是愛吟詩詩是堯夫得意時物向物中觀要
妙人於人上看幾微物中要妙眼前見人上幾微心
裏知且是有金無處買堯夫非是愛吟詩

堯夫非是愛吟詩詩是堯夫不強時事到強爲須涉
跡人能知止是先機面前自有好田地天下豈無平
路岐省力事多人不做堯夫非是愛吟詩

堯夫非是愛吟詩詩是堯夫得意時這意著何言語
道此情唯用喜歡追仙家意氣閒中見真宰工夫靜
處知不必深山更深處堯夫非是愛吟詩

堯夫非是愛吟詩詩是堯夫喜老時明著衣冠爲士
子高談仁義作男兒敢於世上明開眼肯向人間浪
皺眉六十七年無事客堯夫非是愛吟詩

擊壤二十

三

月眼明初見舊相知歡情此去未伏減飲量近來差
覺低六十七年無事客堯夫非是愛吟詩

堯夫非是愛吟詩詩是堯夫慎動時枉道干名名亦
失佛民從欲欲還隳號爲賢者能從善名曰小人須
飾非大佞似忠非易辯堯夫非是愛吟詩

堯夫非是愛吟詩詩是堯夫有激時留在胸中防作
恨發於詞上恐成疵芝蘭見處須收採金玉逢時莫
棄遺到此堯夫常自賀堯夫非是愛吟詩

堯夫非是愛吟詩詩是堯夫有愧時空受半來天下
拜却無些子自家爲心能盡處我自慰力不周時人

亦知只恨一般言未得堯夫非是愛吟詩

堯夫非是愛吟詩詩是堯夫說劍時當煅煉時分勁
挺到磨礪處發光輝長蛇封豕休撩亂狡兔妖狐莫
陸離此器養來年歲久堯夫非是愛吟詩

擊壤二十

至直秋解

伊川擊壤集卷二十

江夏顧昌禮韶生

伊川擊壤集

集外詩

過比干墓

精誠傲於日發出為忠辭方寸已盡破獨夫猶不知
高墳臨大道老木無柔枝千古存遺像翻為詔子嗤

自遣

讀書忘歲月人競笑蹉跎但得甘百足寧辭辛苦多
龍泉去銜刃蝸角亦風波知我為親老不知將謂何

共城十吟

予家有園數十畝皆桃李梨杏之類在衛之西郊自

擊壤集外

一宜秋節

始營十餘載矣未嘗熟觀花之開屬以男子之常事
也去年冬會病歸自京師至今年春始偶花之繁茂
復悼身之窮處故有春郊詩一什雖不合於雅焉抑
亦導于清耳慶曆丁亥歲

其一曰春郊閑居

居處雖近郭不欲登城市盡日客不來至夜門猶閉
院靜春正濃牕閑晝復寐誰知藜藿中自有詩書味

其二曰春郊閑步

病起復驚春攜筇看野新水邊逢釣者壠上見耕人
訪彼形容苦酬予家業貧自慙功濟力未得遂生民

其三曰春郊芳草

春風必有刀離腸被君斷春風既無力芳草何人剪
腸斷不復接草剪益還生誰人有芳酒為我高歌傾

其四曰春郊花開

桃李正芬敷花繁覆弊廬亂香尋密牖碎影下前除
靜遠晝眠後輕攀春醉餘縱然觀盡日誰敢罪狂疎

其五曰春郊寒食

郭外花亦繁不謂繁華失幸非在郭中不見繁華物
不寒不暖天半陰半晴日花外鞦韆鳴月隔鞦韆出

其六曰春郊晚望

風暖轉鳴禽天低薄薄陰煙容凝壠曲雨意弄河心
柳隔高城遠花藏舊縣深獨憐身臥病猶許後春尋

擊壤集外

二

其七曰春郊雨中

九野散漫漫連昏鳥道間坐中迷遠樹門外失前山
發禊耕夫喜幘幘居者問騷人正凝黯天際意初還

其八曰春郊雨後

雨歇蕩餘春光露太真茵鋪芳草軟錦濯爛花新
風觸鶯簧健煙舒柳帶勻如何當此景閑臥度昌辰

其九曰春郊舊酒

花開風雨後忍病欲消磨未是疎狂極其如困頓何

梁間新燕亂天外去鴻多總是灰心事冥焉晝午過
其十日春郊花落

春暮多風雨離披滿後園曉餘殘片擁晴外亂紅翻
香徑難留裊嬌心絕弄繁成暎是桃李狼籍尙無言

寄楊軒

淇水清且泚泉源發吾地流到君家時盡是思君意

心耳吟

以下二首據成化本補

意亦心所至言須耳所聞誰云天地外別有好乾坤

安分吟

輕得易失多謀少成德無盡利善無近名

擊壤集

三宜 秋館

伊川擊壤集跋

邵子之詩自抒胸臆不事雕鏤惟其蘊理宏深不必求工章句以故別開一派決非俚俗淺學所能模仿如集中美酒飲教微醉後好花看到半開時暨清風垂柳各長吟排律麗則芊綿非深於此興者不能也此集有康熙中裔孫沈珂重編本吳門後裔倉來刊十七卷本乾隆間江西董榕重輯二十二卷本今均罕見此據家藏明文靖書院刊本每葉二十行行二十字與今刊本同彙列入宋人集裨讀者得覽其全焉壬戌仲夏月南城李之鼎識

擊壤跋


一宜 秋 館

再跋

此書刊竣後四部叢刊中有影印明成化畢亨刊本復取詳校畢本似出宋刊惟校勘不甚精審譌復甚多如卷一第一葉十行興譌於十六行羸譌羸二葉四行羨譌羨四葉十三行兵譌共此類不勝枚舉計不下二百餘字集中重複之詩如何事吟一室吟仁聖吟知識吟思患吟心耳吟均兩見篇中此次刊本乃據明文靖書院本似稍勝畢本也但畢本存有與堯夫倡和詩及後附集外詩及邢恕後序一篇為文靖本所無亟為補刊於后間有以畢本是正文靖譌闕之字亦有數十餘處殆宋時此集即有兩本各據其一歟否則文靖本刊時刪去所附倡和之詩耳壬戌季夏之鼎再識

擊壤跋

一宜 秋 館



參
窠
集

何
敬
創
題

光緒己亥錢唐
丁氏刊於南昌

參寥集陳序

妙總師參寥大覺老之嗣眉山公之客而少游氏之友也釋門之表士林之秀而詩苑之英也遊卿大夫間名於四海三十餘年矣其議古今張弛人物肖貌否言之從違詩之精粗若水赴壑阪走九例囊出物驚鳥舉而風迫之也若升高視下爬痒而鑑貌也元符之冬去魯還吳道徐而來見余與之別二十年復見于此愛其詩讀不捨手屬其談挽不聽去夜相語及唐詩僧參寥子曰貫休齊已世薄其語然以曠蕩逸羣之氣高世之志天下之譽王侯將相之奉而為石霜老師之役終其身不去此豈用意于詩者工拙不足病也由是而知余之

參寥集陳序

所貴迺其棄遺所謂淺為丈夫者乎于其行叙以謝之后山陳無已撰

參寥集吳序

憶戊午與家仲讀書智果山房二三同志旗鼓相向一時湖山若增勝槩迨秋闈子射覆得雋嗣同事俱錚錚羽毛脫換作凌雲舉論者指為年來盛事云雖然志一氣動神者告之物有廢興功有肇繼往往與天人相感召蓋此刹自子瞻為參寥子卜居後再遭祖龍即參寥詩句載在帖括者亦付之若存若滅中夫坡公倅杭最善無如妙總禪師唱和往來風流絕代要皆捉塵清新超然物表不以篇句相高而至今坡公之與妙總相將入室在人頌述者何如也緬懷古人顧瞻遺蹟竟聽之頽垣斷簡問子獨何心誰能安此無論執觚專家讀其

參寥集吳序

詩句而起即風塵如子得不磨崖勒几寶若蒼琮庶幾昔人之庶揚於今日者當年降筆說法儼若現身靈公之為靈久矣恨奔走一官夙願耿耿今其詩集賴汪鮑諸君編次成帙矣所猶有待者鼎造一段因緣耳為賦本志以弁其端昔崇禎丙子季秋日語水居士吳之屏題

參寥集黃序

桑門之徒能取重于時者往往發為文辭見焉非藉名世大儒以獎引之則終老無聞者亦多諫使安南還過杭與藩憲諸公遊西湖訪孤山遺跡過智果寺觀參寥泉寺僧曰此吾祖師妙總公所居與宋蘇文忠公相唱酬處也因出公所作遍觀之如雲光卷舒於春江曉晴之餘琴瑟諸鳴於清廟將事之際嗟夫若斯人者空門中豈易得哉彼馳心高遠事虛無以恣空談者烏足及此噫若斯人者誠豈易得哉豈吾儒所可距哉吾儒所距者以其務誕害理也公辭不害理而且不誕文忠公與之亦宜昔道林道休遠法師休上人嘗與晉宋以來

參寥集黃序

三

士大夫遊由是名重後世文忠公有安石之德王逸少之高習鑿齒之才謝靈運鮑照之贈而往往於公是與雖文辭有以起發亦其人有可重也歟因序首簡歸之公名道潛於潛人別號參寥子妙應大師乃哲廟所賜號云賜進士及第翰林院學士奉議大夫金城黃諫撰

參寥集汪序

西湖自白傅樂天而後得子瞻少游品題勝蹟為多當時高衲如辯才參寥攝杖屨而從之遊今溪亭篔簹猶可跡獨參寥一泉竟未知埋沒煙草中何處過智果寺而問道潛者誰乎余曩歲為慧林埋骨寺旁彷彿類貞孃虎邱故事既葬羅衣復施縷裙誓偕復舊觀俾資其脩而猶未遑也每春秋經過啼鳥落花驚蟬墮葉酌新塚而尋古蹟可勝慨然一日上人印參出參寥子集示余余先授之梓且卜智果之興有日矣余昔與立津校孫太初詩而竹閣成與樹庵接李參戎稿而岫嶼山房又成覺山水文字緣似有偏勝今日印參其我立津樹

參寥集汪序

四

庵乎程史載京洛寺塔鉅麗絕代戎馬兵燹而後惟藉名賢過客之詩文傳以不朽則今日太平無事如參寥一卷詩一片舊袈裟地不當專望之蕪子瞻秦少游也崇禎乙亥年仲秋汪汝謙書

參寥集楊序

妙總大師詩集凡十二卷後浸漫漶漶汪鮑兩君從梅李叢林中搜得原本為詮成帙而余門人語溪吳邦維使君以戊午獲雋大師蚤著靈貺是年余亦曾以湖遊登眺其間此二十餘年前事也茲寺僧界洲攜是為檀嘍津筏而請余弁其首余近事梵筴每語方袍善知識此三要三玄不離四始六義之微旨惟是以知詩者知偈偈乃妙有鉗鏈亦惟以言偈者言詩詩乃妙脫窠臼故于知來後素之解恍可會微笑起舞至意此轉法華之說也今乃于是集益徵焉參寥於潛人初名曇潛因坡公改曰道潛後哲宗賜號妙總大師智果蓋其改

參寥集楊序

五

建道場今日妙總大師塔院是也寺中壽星石坡公有記參寥泉坡公有銘而其他篇什尺素悉現琳琅所懸流傳至今而詩苑禪林與坡公平分一瓣香也師詩如嗅伊蘭花道韻悠然又如入旃檀林香風時發固已上登皎然齊己之堂次躋貫休覺範之室思聰祖可而下弗論已以所擊節集中名言秀句莫可枚舉而坡公嶺南之謫師復杖策往訪逮諸輓詩情見乎辭有古義烈風至頌到待汝一口吸盡西江水而師聞道深矣拈花而笑聞箏而舞詩與偈不作殊觀可矣乃稗史如墨莊漫錄及葉夢得避暑錄似有異同之味可異也錄載浙清呂溫卿吹紫師冒名度牒編管兗州其牒即上所云

坡公改名者想亦以坡公故波及之余謂覺範之累累于山谷師之累累于坡公此方以不與黨人為耻夫何病師有吳門獄中懷北山舊隱詩固不以此為諱也或云師以坡公重夫不見坡公在黃州京師士大夫以書抵公有云聞公與詩僧相從固東山勝遊也此言殆是為師設是知當時士大夫已謂師重坡公矣何獨謂師以坡公重嘗試以獨知之契作平等之觀昌黎即有與大顛書亦何礙昌黎本色乃必諱之為厲簡參寥即不與坡公遊亦必不沒參寥本色乃必引之為名航今師數百年後精靈猶儼然未散而此集復完于烟蕪漫漶中薪盡火傳是豈無呵護是者而然攷秦淮海集有書

參寥集楊序

六

勸師輟天童雪竇之行作瑯琊山水游不知當時曾登眺至此如余謁智果塔院否則今日筆墨之役或亦夙世有杖屨緣未可知耳界洲將攜是往三山訪吳使君三山有曹能始徐興公者宰官居士現身說法其以余詩偈之言質諸使君併兩先生俟來春當過訪界洲其擷新茶鑽火煮泉待我將共至壽星院數方丈至懺堂凡幾十級崇禎壬午陽月甬東楊德周譔

宋智果寺參寥子行錄

宋道潛於潛人姓何氏初依本縣三學院出家得法於大覺璉老通內外教能文章尤喜爲詩冠歲參訪嘗巾瓶淮泗間與秦少游作方外交最見知于蘇文忠公字之參寥不以名高其神宇之不可曉者五也曰承相公別號妙總老師蘇穎濱曰其詩無一點蔬筍氣陳后山叙爲釋門之表士林之秀詩苑之英其與宗室公卿士夫子馮相唱形諸篇什至今風雅逼人當蘇公遷播轉海南詢留期年而旋次匡廬徜徉名勝之地蘇公倅杭爲卜西湖智果精舍居焉有九年茶夢詩之異詳具泉銘其徒守素乃克承素業者嗣孫法穎嘉禾人姓朱氏

參寥子行錄

幼多卓朗書法猶嶮聳蘇公稱其真妙總門下龍象不復止于文句字畫期之矣

參寥集卷之一

宋智果禪師道潛參寥著

廬山雜興十五首

古帝論匡山南國之德鎮邇來得躋攀此語始吾信雄
雄歷九江蓋蓋排萬仞青天落飛瀑白日雷霆震石鏡
俄忽開孤光舞而運異花無冬春瑤草亦芳潤遠公初
渡江道譽藹東晉劉雷贊高風遜世各無悶陳迹虎溪
頭于今誰與訊

眾峰勢連環萬壑不可窮香爐獨秀拔佳氣常葱葱長
風卷游霧曉壁開瞳矐招提出其下樓觀排青紅回眸
盼五老刻削金芙蓉宜哉謫仙子愛此巢雲松

參寥集卷一

一

白鶴峰後原逶迤曠平陸道周問樵子古實青牛谷披
榛得徑路曳杖驚麋鹿鮑生古騷人曾過鍊師宿明月
古壇邊題詩記修竹茲焉廢耕隴歲晏空菽粟薄日靜
銜山驚湍瀉哀玉回首睇吾廬風幡隔林麓

山南信美矣山北尤增奇春風錦繡谷紅素自相依梯
空上絕巘雲日驚倒窺崖壁暈祥光五色成頗梨旁通
大林寺松竹短且欹樂天當日游四月桃始披餘齡願
寄此永與人世違

少文好山林每往輒忘歸余生千載後獨與斯人違劫
來爐峰下結宇聊棲遲長林拱茂木九夏遺炎曦溪雨
晝忽破藤花照清漪黃鸝語深竹可聽不可窺

暮峰騰玄雲飛雨來潏洳亂點灑蒼壁森森挂青蘿須
臾漲前溪蕩蕩浮銀河中流轉巨石出沒如龍鬼天宇
夜開辨星蟾瑩摩挲玲瓏辨崖樹宛轉照庭柯詠詩無
傑句奈此佳景何

中巖不知暑但覺晝景長朝來出孤定踽踽行西岡風
泉漱石齒松雨飛蒼蒼猿鳥亦我喜鹿麋還相將喬林
積翠下粲然矚孤芳冉冉抱絕格霏霏浮暗香山祇善
守護每吐雲霧藏寄言樵蘇子慎勿輕摧傷

龍湫亘三峽草木皆森奇禪餘得支徑別塢行逶迤上
人吳門秀逸有方外姿芒屨視兩足策杖欣相追秋田
罷刈穫雲水明空敞雙雙林中禽文彩光陸離雍容事

參寥集卷一

二

飲啄相顧忘驚飛鮮飈忽騰馥巖桂飄葳蕤峰端臥落
日眷此忘還期

霜清玉繩曉澗谷風未號澄潭不可極俛盼驚骨毛豈
不有神物於茲能遁逃海日射兩崖餘輝何昭昭游鱗
出岸穴翻覆如銀刀偶來殊不惡勝事俄所遭聊爲五
字詠遠愧謝與陶

山深雲物清挹玩洗浮慮昨日行澗南飄然卽芒屨風
潭耿危約晚與樵爭度隔水認梅花方驚歲華暮幽人
眇江海樂事期誰預山月獨多情娟娟遲歸路

高巖吐奇雲倏忽千萬丈援毫欲名貌卷縮非一狀飛
仙或遨游隱隱出其上驚鷹忽吹滅轉盼惟清嶂山中

勝事多彼俗誰能亮

圓月未出嶺眾峰環蒼蒼裴回倚修竹遲此清夜光俄
驚眾木顛灑灑浮銀潢玉兔既且躍浮雲亦難妨須臾
經中天下曠被八荒却瞻中外官森森歛低昂

一月廬山陽光風動林壑陰崖折層冰隱隱飛溜落曠
和伯化工萬彙欣並作忽忽鳥聲聒艷艷花霧薄瘦骨
喜攀躋芒屨便犖确期遇山阿人賞心將共託

五更山雨餘海月漏雲表流輝入庭戶烟烟白如縞百
舌語空林關關催欲曉眾禽亦和鳴爲我釋孤抱杉松
本奇姿洗滌看愈好惆悵桃李花東風搖如掃

參寥集卷一

三

梢挂紅子照眼明的的散策從所歡悠悠事還歷僧坊
媚煙篆笑語戀几席陶謝安在哉空山獨行迹

陳季常靜庵

龐公與少陵不肯入州府畏人嫌其真但喜歸茆宇先
生豈其徒與世亦齟齬年來作庵榜以靜靜非對動默
卽語閉門謝客親荷鋤秀甲珍芽春滿圃黃雞白酒厭
妻孥醉以詩書相媚嫉况復家傳侍卽後縹囊玉匣收
奇古寶刀錯落走金蛇至藥晶熒嘯鉛虎先生妙齡已
絕人放浪江湖棄簪組居閒自不減前烈遇物陰施功
不數我疑造物已收錄富貴來尋君勿阻不然騎鶴扣
玄關跨蹠松喬攀佛祖

何氏寒碧堂

城東十畝春蕭瑟修竹湯湯山藹如楠殿殿細浪鳴石齒
黯黯蒼雲翳朝日虛堂正在無有處不惜千竿開翠窻
鳴鳩野鶴亦解喜頡頏穿林語啾唧但得涼陰過酒樽
莫辭晚色侵書帙蓬萊仙人爲書榜筆端矯矯龍蛇逸
壯觀南來無與倫千載風流君不失

玉荆山人崔君草堂

玉荆山蒼勢蜿蜒玉荆澗碧涵漪漣山人結廬占幽絕
如使世俗來無絲窗前松竹交夏蔭砌下紅紫爭春妍
清腸終日飽葵藿耳日久厭論腥膻山空月晝猿鳥寂
象床拂拭翻朱絃冷然細韻發幽指妙意自得人誰傳

參寥集卷一

四

烏巾席帽事高格塞驢獨跨何翩翩行當近林就卜築
與子來往聊窮年

虛寂堂

吾聞卓道士操節如冰霜學窺老莊本淵然闕光芒當
時世莫識落魄依四方嘗爲京洛游不踐聲利場衣裾
卷塵土獨鶴翻南翔千里不駐足飄飄指潯陽潯陽多
名山飛仙共徜徉晚歲隱城郭古宮極淒涼千金售鄰
壤增築成虛堂流塵斷四壁虛白浮中央惜哉今已往
弔影空歎傷賴有賢弟子黃冠挺昂藏區區慕高格綽
欲傳芬芳逐容蘇太史堂堂國之良言爲天下重墨妙
逾珪璋爲君易華榜庭戶增輝光風流滿江左知子非

尋常

遊詠真洞贈陶道人

淵明骨已朽陳迹尙可求我復識其孫長髯青兩眸相
去近千載猶能繼風流寄跡黃冠中神姿逸清修相攜
行洞天暝色藹已浮松寒語栖鶴潭靜眠蒼虬蘭膏照
深夜風磬鳴重樓吾廬闕三峽清淨亦此伴何時駕鹿
車訪我西林邱

吳興道中寄子瞻與少游同賦

弱性嗜幽散出門隨所便蓮房紛可襲林幄正高寒羣
木含晨景孤撐破宿煙逶迤屯秀萼宛轉溜清漣岍匝
藤花暗崖垂桂影圓引雛鳴鵲鵲解籜露蟬娟恍若經

參寥集卷一

五

愚谷渾疑渡朝川葑田青泛泛石葛蔓綿綿緬想醉山
簡相從狂謫仙援毫更妙韻愧乏碧雲妍

絕句

高巖有鳥不知名欵語春風入戶庭百舌黃鸝方用事
汝音雖好復誰聽

覽秀亭

飛甍巨棟出高墉覽秀開亭實有功溢水秋橫簾幙外
廬山晴落酒杯中俯窺城郭千般轉仰見星河四面同
江左元規存舊觀孟侯還此繼高風

歸宗道中

朝日未出海杖藜適松門老樹暗絕壁蕭條聞哀後連

遲轉谷口悠悠見前村農夫爭道來聒聒更笑喧數辰
競一墟邸店如雲屯或攜布與楮或驅雞與狗縱橫箕
帚材瑣細難具論老翁主貿易俯仰眾所尊區區較尋
尺一一手自翻得無筋力疲兩鬢理霜根吾鄉東南會
百貨常源源金銀衣短後羣奴列崑崙通衢旅犀象顛
倒同籬藩蛟綃與翡翠觸目亦已繁少壯供所役耆年
臥高軒翁今處窮獨未易聽我言且當具鹽米歸家飯
兒孫

寄王慎中教授

高人屏迹匡廬山不入州府今幾年煮葵烹菹日一飯
目光炯炯明星懸行修道富神所憐絳帳弟子如雲煙

參寥集卷一

六

憶昨秋風宿層巖杖藜扣戶君未眠塔松影月不到席
耿耿唯有青燈然高談一傾百慮洗似拂蒿艾披蘭荃
清詩落筆有餘地頃刻百紙珠璣聯錦囊別後有新句
勿惜東使聊相傳

夏日山居十首

杜宇鳴春已歇薔薇尙有餘花吾廬宛同彭澤遠屋美
蔭交加

苦笋爭抽豸角批把競吐驪珠午飯松間睡足茶甌滿
泛雲腴

紈扇輕裁孤月竹簟冷織雙紋呼取涼襟幽吹拂開亂
眼浮雲

麥浪遙翻隴底雲峰忽起空端拄杖支頤松下直須細
細吟看

山月明含草木溪風暗度襟裳寂寂簾櫳夜半羽蟲相
趁飛揚

陰洞石床初掃誰來共飯胡麻鳥道新疏碧注爲君沉
李浮瓜

古徑斜依杉竹薰風永日無人噪鵲鳴鳩去後一聲幽
磬南鄰

門外溪行碧玉林梢日墮黃金好景莫愁吟盡會看月
出遙岑

山雨洗開林幄梧桐日射荆扉傍砌榴花初吐照人特
參寥集卷一
七

地光輝

遠壑尙餘殘照飛蚊已鬧前簷巢燕歸來何暮呼童爲
汝開簾

秋江

赤葉楓林落酒旗白沙洲渚夕陽微數聲柔櫓蒼茫外
何處江村人夜歸

參寥集卷一終

參寥集卷之二

宋智果禪師道潛參寥著

周茂叔郎中濂溪

蓮花峰下水東出其流長十里漱石齒鏘然韻珩璜坡
陁滴野岸爛爛淨明光衣冠有曠士眷此宜徜徉乞身
不待老結屋栖其旁高風慕箕穎不羨尚書郎松菊手
自插慈慈蔚連岡了無川澤營庶以廉自方禽魚出堦
塹詎識增繳防雲山侑几席風月非迎將萬事委空洞
頽然寄壺觴詩書葦屋壁教子心獨強翹翹雙鳳雛炳
炳其文章婆娑刷勁翮雲漢期翱翔高名與溪水千載
同湯湯

參寥集卷之二

陶宣德逸老堂

湓浦城南舊隱淪一堂無地可栖塵石床春臥茶醅砌
撩亂餘花墮酒巾
歸來詩酒洽天機騷客無煩詠式微三徑就荒松菊在
洗除蒿艾淨秋暉

夜渡采石

滄江夜半月沉輝客子行舟失渺瀰不用然犀剛照耀
波間百怪惡人窺

秋日西園五首

日月更代顯光華難並留昔人尚行樂俯仰無暫休平
居得君子出處常相求良辰把余臂共作西園遊極目

做平野緬然見蒼洲干林澹霽色萬韻生涼秋露華溥
菊英藹藹香可揉參差間畦隴芋栗森相儔綠蔓無芳
姿碧花茂牽牛低回囑籬落樹影環清流賞物志已諧
何用登蓬邱

山家無外營超然閉幽室蒲團北窗下默坐終永日炎
景忽差池涼颺動蕭瑟中林多橘柚粲粲垂華實憑高
試裴回幽興遠超逸雲霞散平岡太白空際出禽歸杳
莫辨積翠鎖深蔚吁哉宇宙間濩落竟一物胡為市朝
客終歲浪汨沒翳吾樂餘生勝事良可諾放懷在冥冥
身世兩俱失

參寥集卷之二

今雖不敏萬事非身謀搗來臥窮谷未覺暫先脩一法
尚無遣何勞問三休卷舒在至理賞詠歸優游探薇陟
層阿濯足依澗流但驚桂花折詎識江漢秋滄溟空汗
漫無意狎群鷗

憶昔少壯時意氣摩雲霓游心黃卷間豈顧白日西由
來味根本旦旦從所迷邇獨悟無為文字如委泥物生
豈高下至道良自齊青山遶吾廬開戶眾鳥啼曉日上
喬木秋光媚回溪崎人長往來絕壁同攀躋遐天淨若
掃曠目無端倪楚客一何苦登臨獨悽悽

秋山夜來雨雲氣朝尚昏禪庭無來轍但見落葉繁石
室暗燈火天容開霽痕耳日思遠適曠然啟層軒長謡

緩輕策去去窮深源方塘滌清流鳧雁靜不喧時遭羨
皇翁容與諧笑言邈然採真質歲晏誰與論

寄題濟源令楊君蘭軒

昔人慕猗蘭佩服比脩潔往往卒歲間山中行採掇吁
哉昔人去已久此花憔悴今誰折濟源長官真好古王
屋天壇馳遠步陽崖月窟得芳叢滿握歸來誇所遇淨
掃幽軒植薜蘿紫莖綠葉弄奇姿疎簾風軟日華薄芳
馥滿懷君自知

送琳上人還杭

聚水作一雨多少近遠隨所遭或霑枯芟作濡浹或入
巨海成波濤少林真風今百紀悵惜至此何蕭條喜君

參寥集卷二

三

齊志早寂寞同我十載淪芻樵含冲嗜漠不自厭更欲
刺口嘗群餽師門祖席在在在得此失彼良自嘲竭來
東南走千里但願刈楚逢翹馱浮長川不憚惡陟彼
巨巘甯知勞誠專志苦若有相行斷西壤逢英豪金鉞
扣天玄樾廓玉電激海明珠高星霜因循共千日誰爾
使子先行包湖山蜿蜒湖水薄湖上幽人想如昨秋入
芙蓉露已薄曉捲簾櫳暑初却明明潭底見行雲謾謾
空中聞唳鶴此景從來吾已知異鄉甯羨看先歸由來
出處元無隔同看明朝日上時

平山堂觀雨

午枕藜床夢忽驚極邊雷送雨如傾蜀岡西望蕪城路

銀竹森森十里橫

建隆秋夜二首

梵唄聲沉香霧銷月明金殿影岩巖夜深唯有龕燈在
風露滿庭人寂寥
娟娟雲月照窗扉紙帳形開夢覺時庭下風篁自成韻
吹簫安用玉人爲

晚步

叢薄蕭蕭朔吹翻暝鴉遶亂欲投邨江南雪後山無數
林表纔分翠一痕

次韻閻永仁博士同飲蜀井

潭潭古甃闕高岡脩綆低懸百尺長庾語樂天推絕特

參寥集卷二

四

第泉鴻漸許甘涼金盤謾說溥穠露玉盤休誇沃蔗漿
更有碧梧盤爽蔭坐驚亭午失驕陽

次韻永仁博士見贈

憐君泣血依墳墓雖設衡門不妄開盈几貝多翻百遍
同龕彌勒禮千回夜寒幽鳥窺香火歲暮隣僧數往來
何日爲余重掃榻臥聽松韻落清哀

次韻何子溫龍圖見贈

春破邗溝古驛旁揮毫邂逅沈東陽自慚擊壤無高韻
但愧投珠有異光曠達未應輸靖節風流可復羨知章
我非照鏡迷頭客一接清歡亦似狂

楊康功待制所藏醉道士石

天官夜燕瓊樓春一官大醉頗穹曼飛光貫地若素練
百里雞犬聲紛紛吹風洗雨歲月古化此頑石良悲辛
楚山之老頗知異濯以澗底清漪淪霓裳彷彿認羽容
楮冠數寸橫穉雲空齋畫間戲一擊夷然哀韻還清真
我聞天官失所陳雖復暫屈終當申烈風迅雷一朝作
却上蒼蒼朝紫宸

乾明夜坐懷孫莘老學士

余生飄泊猶斷蓬詎肯低回附根柢茲焉得坎設栖止
一日從風即輕逝淮南十月寒未苦耿耿虛堂屬宵夜
星辰錯落挂簷簾爽氣侵尋入衣袂桐葉聲翻玉露圓
竹枝影掃金波碎安得南隣龐老翁揮麈堂堂坐相對

參寥集卷二

五

維揚府學四柏堂

鄒志完待制
時為教官

頌宮本淒涼庭戶無冗長蒼然餘四柏終日清相向夫
人擅所有高懷益超放炎蒸五六月大厦如甕盎涼颺
天外來披拂逾一餉恍如乘虛舟破月渡溟漲嚴冬眾
木亦蕤蕤獨無恙非求造化私故與冰雪抗宜亦有神
明茲焉陰所相

次韻少游學士送冀深之往金陵見王荆公四首

春風隨意可嬉娛水有舟航陸有車應笑楊雄未忘我
閉門猶著解嘲書

夢幻昔輪古竺乾功名何用咤燕然羨君一棹江南去

碧山時魚暮雨邊

虎踞龍盤亦漫雄城荒狐兔往來通可人唯有秦淮月
出沒娟娟波浪中
白下長干春霧披家家桃李粲朝暉懸知一見毗耶老
心地如灰不更飛

次韻黃子理宣德田居四時

四序自逶迤田園常局促春陽旋東臯迫我事鋤鋤出
種曝籬根驅牛飲溪曲暉暉明朝陽聒聒喧布穀頽齡
惜筋骸曉睡謾云足葺食出柴門荷篠赴幽谷寒條視
柔桑密葉已舒綠今年氣候蚤膏雨厭霖霖隣翁時一
來畊耨每相屬

參寥集卷二

六

瓜屋東隅翠蔓已分布黃花引疎籬冉冉欲橫路白水
漫青秧聯翩下鷗鷺新絲換濁酒餽羨薄具酒掃聚
比隣環坐蔭高樹稚子羨羸餘牽衣傍翁媪牛羊嶺外
歸落日林梢去餉婦亦還家笑言隔烟霧

邨落已徂暑蚊蠅尙喧嗽衡門霽朝雨菊竹歸新秋機
絲迫隣女軋軋無停休屯田藹黃稼爛熳如雲浮綠蟻
釀新甕嘉魴釣清流瓦尊遲來客禮數忘獻酬三杯未
肯辭笑語方網繆時平盜自隱場圃無宵憂兒孫漸東
髮婚嫁迫所謀款曲從我言歸途寒淹畱林端有月色
相送前溪頭

朔吹鳴高林回堂冰已結牛羊臥茅屋原塹暗飛雪壯

男臂彫弓短後事田獵饑鷹一號呼荒徑灑毛血歸來
誇意氣隣舍呼飲吸明朝過南山更欲窮窟穴寒爐然
豆其光燄時起滅布被擁嬌兒從渠踏裏裂老翁寢不
寐輾轉念鷲鴨離落易穿窬狐狸恐驚發

和龍直夫秘校細雨三首

細雨連阡陌輕雲濕不飛池寒鷗自臥巢冷鷺催歸慘
澹疑沈樹飄蕭忽近幃簷花霑已久稍欲墮人衣
薄霧兼寒雨凌晨靄未分細宜池上見清愛竹邊聞斗
帳侵蘭夢虛榻逼蕙薰晚來欣小霽釣箔見疎雲
傍砌飄纒斷從風強更來斑斑泣蛛網浥浥汗江梅薄
日光時漏層陰意未開少陵心易感詩句寫清哀

參寥集卷二

七

次韻孫傳師龍圖游醴泉寺

楊林幾曲到城根中有招提氣象昏暝雀聚群盤棟吻
老藤垂蔓覆高垣月生歸路無燈火巷轉人家有笑言
却掩吾廬還寂寞冷風搖幔影翩翻

春晴二首

積雨久不破層陰破城闕曉來得春風掃蕩淨六合綽
約墻頭花依微帶殘月少年誰家子驪驅飛蹀躞揚鞭
出郊去逸興生林樾黃鳥弄柔音青梅已堪折行樂須
及辰芳時易消歇

寒食東城隅青楊夾馳道高樓暖鳳笙絕曲聞縹緲晴
日動鞦韆飛烟拂瑤草南鄰與北里良辰競爲好人生

逆旅間何必事枯槁仰首笑春風茲懷誰與造

東園三首

斜照明明射竹籬桑陰翳翳麥蛾飛蕭條一徑無來轍
時見羸牛引犢歸
曲渚回塘孰與期杖藜終日自忘歸隔林彷彿聞機杼
應有人家在翠微
雲峰缺處支筇立溪溜聲中弄扇行習習南風吹百草
幽香知有蕙蘭生

淮上三首

蘆梢向曉戰秋風浦口寒潮尙未通日出岸沙多細穴
白蝦青蠃走無窮

參寥集卷二

八

今夜沙頭月上遲小螢零碎傍船飛可憐光彩雖無限
何似嬋娟一寸輝

天闊陰雲低抱樹沙寒鷗鷺欲親人小航泊處誰家住
脩竹疎花宛似春

冬夜會孫莘老司諫書齋三首

去馬來車聲已闕雪雲低壓暮簷寒地爐山柝燒初熟
軟語聊爲世外歡

碧瓦爐焚裊裊香紅柑紫栗更分嘗從來樂事人間少
不惜歸途夜漏長

多病山人能放曠忘緣居士解逍遙蒲團疊足清相向
誰道雲林勝市朝

曉出土山

遠山脩竹曉參差
葉葉塗霜墜碧枝
日脚漸高風乍起
蕭蕭恰似雨來時

寄蔡彥規主簿

遠舍蒼烟晚更凝
隔簾新月未多明
棲鳥着樹無餘噪
老檜唵風有細聲
客散愈憐真境好
定回猶覺幻身輕
可堪俗子能知味
此語聊傳北郭生

次韻太虛夜坐

古寺冬蕭瑟天寒色
更冥捲幃延素月
轉盼失流星爐底
眠枯枿窗根立凍
餅譚餘焚柏子一
燧小煙青

廣陵城外墊步呈莘老

參寥集卷二

九

林梢聒聒鳥聲繁
積雪初消澗水渾
老樹臥波寒影動
墊烟浮草夕陽昏
風回笛響山前路
犬吠人行竹外邨
杖屨不知幽興遠
歸來新月在柴門

次韻王通叟寺丞見寄

雕斲肝脾欲報功
還如獻豕過遼東
珠璣屢獲淵雲妙
土木曾無絮忍風
耿耿吟魂嘆異處
迢迢桂魄謾相同
錦囊應有新詩在
九曲池邊多塞鴻

寄仲恭

晚雨霽郭郭晴雲
遞紛披暖氣拆萬
物初莖弄葳蕤
籬魚泳弱藻漾漾
動碧漪緬彼空際
山黛影搖參差感
此芳菲節美人曠
佳期音形渺何方
莽莽天一涯長河
泮

春冰華浪激箭馳
好憑三尺鯁寄我
相思詩

早離南樓書事

白帝初回天地穩
井梧葉老陰尚稠
森森爽氣入屏幙
骨冷魂清無汗流
覺來覽眺覓佳處
挾冊獨上雲南樓
崇山廣澤坐可挹
遠水孤邨橫道周
上窺青天墮海口
下瞰白鶴盤庭楸
誰令濃陰起層嶂
撲撲亂眼如雲浮
埋林漲壑只俄頃
撫袂掩抑將誰傳
明星皎月邈難見
絡緯蟋蟀空啾啾
安得風生土囊口
萬里一掃無停留
王孫未歸空碧草
我思不見徒離憂

和莘老經六合西門水亭懷裴學士

折柳相從地重來
失舊柯林光延晚
照岸影動霜波碧

參寥集卷二

十

圃檀欒密朱簷
翡翠過主人成異
物搔首奈情何

參寥集卷二終

宋智果禪師道潛參寥著

再賦溫泉

赭落峯前與世分溶溶湯井翳深雲月生滋穴流寒影
風入華清嫩碧紋暗引石池波宛轉暖蒸苔壁氣氤氳
解衣盤礴南窗下骨肉都融到日曛

次韻莘老游龍洞

瞳矓杲日破林垵杖策相將馬暫停路與猿猴爭險磴
身隨鴻鶴入青冥巉巖曲穴疑無底盤屈蒼蛇信有靈
能使謝公詩興動宛如游刃發新硎

次韻莘老贈顯之

盤盤秀嶺遶層簷方丈門開挹翠嵐風激松梢聲間發
月留泉底影相涵天機清曉貌臺震險句窮皆虎穴探
白傅異時修故事杖藜應許到雲庵

燕默堂

萬彙乾坤裏誰何識道真喧卑憎末俗燕默羨高人漏
轉芙蓉永香銷柏子頻他年揮玉塵堂上挹芳塵

吳江垂虹亭同賦得岸字

蜿蜒跨長虹吳會稱傑觀淪漣幾萬頃放目失垠岸倒
影射遙山青螺點空半從來夸震澤勝事無昏旦破浪
湧長鬢排空度飛翰肺肝入清境劃若春冰泮安得凌
九垓從公游汗漫

同吳興尉錢濟明南溪泛舟

枇杷弄實梅欲黃海氣冥冥錯昏晝僧房亭午隘可鄙
畫舸從君逐溪溜斗室紛翳眼前失但覺波光翻縠縠
蘋花洗雨白雪香荷柄吹風青玉瘦回看行人走南北
蠢蠢岸傍如蟻鬪一竿落日麗譙明繞郭雲山相倚搆
嶄嶄青壁映彤霞轉盼忽驚開錦繡好將傑句爲余寫
天乞君才多穎茂錦囊玉刻厭傳玩燕尾蠶頭吾未究
輕橈欲動蹇淹留城上哀笳淒已奏

吳門懷錢塘何彥時

英妙何郎蘊德光不隨人世事炎涼麒麟步武開天上
他日青雲道路長

參寥集卷三

二

英游閣前官柳行柔枝嫋嫋弄鶯黃多情春色還依舊
獨有離人天一方

湖岸茸茸細草生芳洲杜若想縱橫去年問柳尋花地
誰伴穿雲渡水行

次韻順上人寄叔康講師

少年好詩書齷齪空閉戶有若丹青徒秉筆學畫虎法
師當是時聲價久已負籍籍東州人高譚慕支許余時
跡四方浪涉川陸苦昨夜北山翁挑燈同軟語因論鄉
里賢悵師成獨阻南徐號名都興發歷漢楚崢嶸江上
山王氣埋千古至今風前笛夜夜怨江浦感慨易成吟
安得君來伍

次韻順上人登壽甯閣

昔過廣陵日茲樓亦盤桓飛蕤切星斗鴻鵠爭危闌
若隨扶搖九萬直上搏下視古帝基蕭條空漫漫當時
競豪華人物鏤綺紈孰謂千載後故宮半畝殘城西舊
華道線繞猶屈盤咫尺見滄苑枯桑生書寒問問豈復
臨狐兔穴已寬楚楚但喬木萋萋無寸山苟非壯士憤
往往不忍看青旗催畫角回首送飛翰

喜不祥不疑見訪

鵲啣庭梧喜滿懷懸知二子下崔嵬山中爽氣知多少
半逐風流杖屨來

清聚軒

參家集卷三

之子嗷懷欲稱情故穿幽沼瀄清泠仙逢來客議深淺
但道淵源通北溟

卜居智果方外以詩見寄

偶來湖上緝衡門桐長脩柯竹有孫引策每從佳處去
望雲橋下是西村

青鐙殘篆夜寥寥門外秋風振葦蕭慙愧高人能見憶

爲余西望立溪橋

次韻吳承老推官觀開西湖

偉人謀議不求多事定紛紛自唯阿盡放龜魚還淥淨
昔容蕭葦障前坡一朝美事誰能紀百尺蒼崖尙可磨
天上列星當亦喜月明時下浴晴波

都僧正既闕子中待制欲余補其位輒辭以小詩

遂獲免

佩德懷恩豈易陳自嗟麋鹿性難馴流年日月無多子
乞取山林放曠身

送子中待制三首

翹翹孤鳳鳳安巢本阿閣偶來依澤國歸興遂淹泊江
山迫歲華草木正搖落霜空肅萬里緘騎無處着翻然
整羽儀一舉在寥廓

南山有佳木秀色何葳蕤封植不記年落落今百圍盤
根雖自固烈風無時吹匠手營大厦眾材得施爲偉哉
梁棟姿取用不可遲

參家集卷三

四

平生長樂公聲華越三紀文章兩京齊學術游夏比朝
頭足未安符竹已屢徙聯翩開幃府爛熳樹桃李銜車
入帝鄉天馬行九軌周旋有程度驚駕安足擬

曉發蒼溪將次徑山

明星耿耿出天東結束驚與伴我公藹藹梅香侵曉陌
斑斑旗脚轉春風勝游此日塵埃外回首他年夢寐中
絕景小詩難壯觀當年醉筆吐長虹

次韻王行甫奉議湖上晚歸遇雨

妙齡公子嗜遊嬉永日湖山未肯歸酒幟招人應慣識
花枝拂鬢不須揮輕絢細綺來何處青蓋朱輪去似飛
向晚薄雷催急雨清寒無奈蓑裳衣

同曾仲錫通判遊天竺諸山

煌煌世出徐夫子非碌碌山腹有詩書所以能拔俗得
官本河朔瓜期未云促扁舟下東南逸興追鴻鶴遇勝
即徜徉風冷兼露宿嗟余偶傾蓋一笑外羈束杖策每
過從相攜訪山谷春風披鮮榮繡錯出林麓松門有時
盡幽興無斷續崖轉聞鐘聲林疎見華屋銜山餘落景
歸路猶踟躕誰云鄴下歡往事不可復吾曹二三子所
樂亦云足願公紀新詩一一能見錄船頭行北歸囊篋
有美玉塵埃京洛人示與洗心目

次韻劉韋孟主簿湖上

劉郎詞筆過康成詠遍湖山草木情祿隱太平真樂事

參寥集卷三

五

莫思神武挂冠纓

中流出沒一舟虛緩楫長謠彼自如聞說古來江海上
達人多半寄樵漁
老葑如雲既卷除風瀾百頃翠紆餘奇探險取各爭賦
誰復能名造物初

遊茗溪道場山

東風吹雨過城闔日照河隄柳映津兩漿差差搖燕尾
千山漠漠散魚鱗長緣絕境關幽夢尙喜茲游及暮春
蘭蕙未衰桃李在蜂喧鳥咽莫愁人

送李仲益赴襄陽幕

襄陽古名都雄觀歷荆楚醉公誇文詞風物衆可數嗟

余未慙覽彷彿已如覩人生游宦間得此亦佳遇李俊
妙天姿文行兩自負少年志真鴻千里輕一舉天風不
借便造物暫淹阻既無負郭田黽俛依幕府賢哉彼方
伯脫略高韻度甯俾簿書役未墨事朝莫爽氣對西山
清譚共樽俎試問鹿門翁遺蹤今在否

訪勤上人

斷橋蒼壁倚溪斜赤葉楓林噪晚鴉可怕嶺雲埋徑路
會尋流水到君家

答柯山曉上人

風騷古人事而我豈所長兒曹嗜章句餘習未易忘根
源本無有真若夏潦潢道人氣拔俗吾黨稱俊良十年

參寥集卷三

木

依叢林實以道自將禪餘喜賦詠妙語逾珪璋世眼獨
未識深叢闕孤芳鋒錐必穎脫安肯久處囊子宜力自
勉聲聞終揚揚吾言豈知子老大殊荒唐

次韻文饒同自龍井出資國度泛舟以歸北山

踞虎奔犀列萬形奇觀直已過南屏紫雲細路杳無盡
落石飛泉靜有聲十里平湖初卷詩一天秋色共揚舫
停棹共過孤山寺寂寂林僧半掩扇

陪司馬才仲節推諸君游天竺得青字

西郊久不雨草木無餘青薄雲弄秋暉山色時晦冥超
然五詞客文采披華星聯翩過吾廬車蓋紛滿庭相攜
訪靈鷲細路通巖扃攀翻幽桂叢衣襟襲芳馨絕境異

人世吾詩豈能名諸豪追鄴下妙語逾瓊英願言一揮
寫樂事良難并高空墮海日歸驂尙能停

呈丞相查公時提舉洞霄

大滌僊翁謝往還蕭然几席奉清閒胸中舊已吞雲夢
人望從來重泰山書擬鍾王方絕學文非典誥不須攀
名言一一皆公語他日親聞廣坐間

過定林謁荆公畫像

古木蒼藤一徑纏我公疇昔屢回旋蕭蕭屋底瞻遺像
傑氣英姿尙凜然

壁間千字走龍蛇好事何人護絳紗一讀已能生感慨
暮簷蕭瑟更啼鴉

參寥集卷三

七

次韻曾子開侍郎話別

二紀浮游踏世塵賢愚了了見情真行藏不昧如公少
細聽名言實可人
抗論儀曹肯折旋一麾江海去飄然他時開府餘杭郡
來酌吾廬石縫泉

書夢寄妙隱

妙思堂深路屈盤夜來魂夢忽躋攀道人開戶相迎處
宛在脩篁翠霧間

過鍾山尋俞清老不遇

霜風薄木韻含悲歲晚尋君失後期夜鶴曉猿驚怨歇
草堂人去已多時

參寥集卷三終

參寥集卷三

八

參寥集卷之四

宋智果禪師道潛參寥著

邵伯道中二首

一道河流遠接天兩行官柳復蕭然村春歷歷鳴何處
彷彿孤煙落日邊

回首山光古寺基拂天寒木耿斜暉孤撐漸與鐘聲遠
但見風幡竹外飛

西湖雪霽寄彥瞻

西湖漫天三日雪上下一色迷空虛層巒杳嶂杳難辨
彷彿樓觀疑有無饑雛乳獸失所食飛走阡陌空號呼
中園却羨啄木鳥利嘴自解謀朝哺曉來鐘鼓報新霽

參寥集卷四

天牛稍稍分浮圖試憑高樓肆遠目千里顛倒羅瓊瑤
逡巡夜月出海角光彩猛射來城隅方壺圓嶠只在眼
綽約恍晤神僊居咄哉浩景似欺壓謂我不足為傳模
風流江左杜從事氣格豪贍凌相如安得飄飄跨鸞鶴
手持栗尾來爲書

次韻彥瞻舟次三整見寄

雪消幽港漲漪漣草際晴絲冒細烟避漿輕鷗翻點點
亞墻脩竹靜娟娟風流遠繼東山後詩句高凌北斗邊
何日去尋陽羨路相攜青嶂弄雲泉

次韻彥瞻樊良道中

幾日官河凍不流朝來微暖始通舟江梅破蘂香猶淺

汀草埋沙綠未浮脩網橫川魚乍集晴雲開野雪初收
珠珠既已從驪參何用區區入海披

寄張明甫朝奉

昔公令吾鄉綠髮氣方壯鳴絃坐高堂百里肅清曠良
辰遊遨嬉滿足履青嶂當時陪杖屨笑語相頡頏論文
希鄴都樂事敦可尙銅章旣云解余亦航海上悠悠巨
六載天角空相望竭來石頭城邂逅慰離愴攜手雨花
臺俛仰得超放瓶盃徒京口冉冉抱微恙扁舟亂江來
起我神益王浮雲共平生飄忽無定向去年客梁園塵
土紛冗長狙獺失林木憔悴無優況獨有青桂枝冰雪
不凋喪惠然肯過從香積仍接餉穉風迫南還危帆高
且張落日通津門轉盼增惋悵寢寐見高標幽魂驚夜
帳相忘同海魚千里各雲浪

參寥集卷四

探梅

問訊風篁嶺下梅疎枝冷蘂未全開繁英待得渾如雪
霜曉無人我獨來

歲寒亭

草枯蓬斷正紛紛翠幹排簷不改陰自是孤根難挫抑
驕霜傲雪本無心

與元規話別二首

湖水蒼茫四接天短蓬孤榜數回旋想君東海東頭夢
猶在汀洲白鳥邊

雪岫庵南千種梅含芳準擬爲君開冷香秀色誰爲主
趁取花時更一來

春日二首

蘭英蕙萼競芳新左右吹香暗襲人江海久無騷客賦
一枝唯可薦靈均
清溪白石曉磷磷洗露桃花兩岸新欲覓劉郎家住處
但聞雞犬不逢人

春詞三首

輕雲着地柳垂絲百尺高臺獨步時遙愛兩隣紅杏樹
曉來新有過牆枝
深濛小雨暗池塘遠樹依微不辨行可是晚來風更惡
杏花香亂撲回廊
水開池面初浮綠日促花梢始破紅謾道春光來眼底
茫然無意對芳叢

參寥集卷四

三

駐景樓

額額高樓古道傍樓前風物鬱縱縱溪聲不斷來幽耳
山色常時在小窗金鼎養丹嘗駐景玉尊傾酒屢空缸
宋清賈蕪長安市千載佳名與子雙

程公闢給事罷會稽道過錢塘因以詩見贈二首

嘗聞鐘鼓過蓬萊席上無非八斗才刻燭揮毫公屢勝
投壺飲酌客先頽老章格調真難繼短李風流不易陪
鑑水稽山行樂處後車長是載鄉枚

江干千騎送朱輪父老無絲借寇恂吳國旌旂開白日
越溪桃李失青春雄名素與珠星爛妙質長隨玉樹新
當此比聞思舊德萬方行見入洪鈞

寄濟明

茫乎一氣同渾淪瀾漫六合無邊垠吁哉破散幾千載
被在萬物含其真清輕爲天濁爲地一一厚薄理自勻
駑駘騏驎不並旣夜光魚目難相親錢郎少年稟清資
英姿綽欲揮等倫忠言議論躡根本行義脩篤無細磷
是家嚴君抱勁烈直筆曾預螭頭臣我昔浮游霄溪側
傾蓋遇子情彌欣炎雲燒空五六月濛舟南郭吟青蘋
溪流寬闊野橋碧溪樹靜嘯涼颺新奇探險取得佳句
欲壓柳惲江南春瓶孟屬我暫行役樂事一跌成參辰
使君旋亦報西去紛紛萬變難重陳南山暮冬厚積雪
剛茂不死期松筠

參寥集卷四

四

江行寄俞仲寬察院

潮回沙浦寒月落山未曉駕言江上行行遠心亦悄蒹
葭兩三家雞聲聞縹緲輕風颭垂楊芳枝何裊裊上有
雙鳴禽下有蕙蘭草蒸蒸物已繁灼灼花更好時見頰
尾鱗跳波泳紋藻卽事起幽情情含結懷抱故交如參
辰咫尺曠烟島紅日已三竿回輟白沙道但聞蕭蕭間
琴音飛杳杳

春日禱輿十首

池南池北日融融水荇風蒲各占叢幸有花枝能照眼
可無詩句補春工

城根野水漲透沱颭颭風船掠岸過日暮蕙蘭無處採
渚花汀草占春多

柳外披烟舒遠目花邊植杖坐芳茵能言百舌深藏葉
解舞鷓鴣不避人

雨闌中庭暖日浮春禽百種聚喧啾粉腰蜂子尤無刺
撓遍花鬚未肯休

去歲春風上苑行爛窺紅紫厭平生而今眼底無姚魏
浪蕩浮花懶問名

參寥集卷四

五

碧流如鏡轉春渠時送殘紅出雨餘可怕莓苔黏屐齒

強扶筇竹過隣居
雨洗樓頭碧瓦昏五更殘月墮金盆轆轤索轉玉繩曉
花底宿禽無數喧

梅梢青子大如錢慚愧春光又一年亭午無人初破睡
杜鵑聲在柳花邊

敢哉籬根紫筍長滿城桃李罷芬芳東風雖是無情物
送謝迎繁亦更忙

樹萱移菊助春榮沐雨疎風擢翠莖童子新能理荒穢
不教蕭艾並叢生

雪堂雨中

梢林急雨暮淒淒簾幙風燈暗欲迷向曉請看南陌上

一番紅素掩春泥

春日赤壁二首

灑灑春江水拍隄雙雙出沒羨鳧鷖白沙青石無泥滓
且逐東風送杖藜

蕭瑟江梅樹樹空蘭芽猶短未成叢行窮赤壁山西路
只有桃花一樣紅

留別雪堂呈子瞻

策杖南來寄雪堂眼看花絮趁風光主人今是天涯客
明日孤帆下渺茫

寄題徐德之先生閑軒

建安自古多雋髦徐子磊落尤其豪論兵說劍走湖海
身勤事左無所遺綠林五校已屠膾黑衣三衛羞徒勞

參寥集卷四

六

歸來故山便卜築脫棄萬事輕鴻毛橫前澗水漱哀玉
傍舍老樹藏飛猿山蔬何用羨梁肉鶴筆未必輸青袍
追雲弄月有真趣慎勿輕語傳兒曹

九江與東坡居士話別

雪水黃樓赤壁間勝游長得共躋攀屠龍冉冉空三載
窺豹悠悠愧一斑投錫雲林聊避暑絕江舟楫自東還
求田問舍知何處杖屨他時訪小山

贈潘邠老秀才

去年雲夢澤南州爲訪太史嘗淹留東坡寒碧最佳處
恨不得子同遨遊今年廬山深且盲咸君忽來慰枯朽

溪月巖雲亦有情昨夜爲君顏色好飄飄綠髮方妙年
圖史滿腹皆精研揮毫應敵風雨快咳唾落紙珠璣圓
廣文英豪僅數千逸群驥子誰與肩男兒窮通故有命
勸子未宜嗟蹭蹬丈夫蓋棺事始定他日雄飛鵬鷲勁
草草論文未有涯匆匆別我却還家秋風更約通玄府
共訪仙人卧彩霞鄂老嘗約余重會於太平縣

酬周元翁推官見贈

南來濟濟多俊良聲聞逸發推周郎詞場較藝一戰捷
筆陣獨掃千人強炯然眉目行且貴驥足萬里看騰驤
吟詩作賦不媚俗期與往者同芬芳斷璋殘璧忽我贈
把玩溢目驚輝光自嗟行李久蕭瑟安得置之雲錦囊

參寥集卷四

七

又聞跨馬欲過我此意思君非渺茫山中草木最宜夏
雨餘一一含幽香雛鶯乳鸞學飛舞葉底啞啞調圓吭
闌干笋蕨雖已老唯錯梅杏猶可嘗陰崖碧洞不受暑
谷風習習吹衣涼捉搦爲子掃盤石譚笑共坐莓苔蒼
宜毫越楮須盛載吟取佳句還巾箱

南康與曾子宣內翰相別抵暮大風聞泊舟神林

浦因以詩寄之

旗亭方喜會高標杞國天崩促去棹星渚風花朝冉冉
神林雨脚暮蕭蕭飛流濺沫江翻怒折岸頽沙蜃倚嶠
遙想英雄濟川手壯懷甯復畏傾搖

曾子開吏部服闕赴召道過廬山與余宿會東林

觀子固舍人題名

驛騎駸駸破夕烟西來遇我虎溪前征途乍卽應勞止
陳迹重窺更泫然天上歸瞻新日月山中行覩舊林泉
感時撫事情何極且入幽人此夜禪

過公擇藏書室

我公昔未仕託蹤此山阿牙籤列圖史萬卷堆嵯峨披
剝得精要卷衣辭薛蘿一往三十年功名歎蹉跎公今
陟臺省壯志應未磨出處獨不謬紛紛當柰何脫身早
來歸挂冠舊庭柯松窗疑故秋烟烟臨曦娥豈復求甚
解聊將寄天和勿憂野馬集勿念蟲網羅山祇善守護
早晚潛揮詞

參寥集卷四

八

雙溪曉步懷少游子實

亭午炎威劇風溪破曉行紆餘憐野釣錯落見長庚翻
藻魚呈媚梢林露獻清二豪俱二闕此樂與誰并

靜舍與蔡秀如承事會話

浮雲無根蒂合散不可拘忽然覽高風千里各須臾吾
生共天壤出處良亦如憶昔淮水濱與君傾蓋初翹翹
兩弟昆文彩照冰壺門閭本世冑折節勝寒儒扁舟倚
高岸爲我飯伊蒲清談落犀塵鄙吝驚掃除一別今四
載相忘寄江湖揭來過汝穎弔舊投生芻負絲訪山水
歲晚倦回車蕭蕭古寺底彷彿日已晡聞君戶外音似
屣迎前趨胡爲乎來哉吏牒頗馳驅高材困所役何似

林間清寒涼敗屋猛欲焚枯株胡牀坐相對氣貌温
以舒明朝各異縣那得同蓬廬無煩歎離索且盡一笑
娛

贈耿純叔秘校二令侄

高門知積慶堂上有諸郎禮樂非童子詩書見義方經
營羞弱羽騰踏羨飛黃富貴由勤苦五車安可忘

讀子蒼詩卷二首

蜀國奇男子能文到古人瀟源稽大雅妙曲和陽春節
物驚搖落僧坊斷四隣看君新著述時與短檠親

贈賢上人

恒山道人棄妻孥壞衣祝髮從浮圖愛纏欲網豈易脫

參寥集卷四

九

慧劍劃斷真須臾飄然雲水出鄉國力學生死來東都
心猿意馬就羈束肯逐萬境爭馳驅回看舊事真一夢

清渭濁涇良自殊楚山歲晚俄邂逅雪屋對語依圓蒲
勸子南游下吳越小航短棹尋西湖我家住處湖岸北
如椽翠竹森千株竹間扣扉試訪我定有猿鶴聲相呼

次韻高壽朋殿直喜雪二首

壽朋乃宜仁曾孫

俄頃風雲變物華撒鹽飛絮闕輕花只因陋巷無貧者

玉戶瑤階共一家

挾風穿箔打窗紗窗裏人看窗外花噴玉流珠君豈羨
從來自是五侯家

書申正己秀才所藏雀竹圖後二首

荒園古澗雪深涼
竹枯條共一叢
寒雀喧饑正無賴
輸他孔翠食樊籠

樊籠得食暫時優
身世經年類楚囚
何似東阡與南陌
暖風晴日恣遨遊

過韓氏莊登小閣二首

隙牆千堵氣雄深
小構亭亭出數尋
刈穫一空雲水白
闌干注目見遙岑

玉秀蘭芬好弟兄
昆時來挾冊視田園
因輸古木千章合
彷彿秦人避世邨

鄭元規秀才內樂庵

陳叔易命名

內樂名庵誰所擇
瀾上文入題榜額
想見風流庵內人

參寥集卷四

十

定匪紛華域中客
紆朱懷金何足誇
簞食瓢飲真生涯
了無憂患到心境
得失難盡良可嗟

李榮期秀才杞菊軒

草木助盤飧紛紛固多品
精英唯竹萌香軟獨楮菌
杞菊於其間甘清有餘韻
達人忘口體道德自滋潤
天隨與東坡風味實相近
窮通均一致了不見喜愠
春苗共採掘秋英醞蘭紉後
先屬文詞金聲而玉振
李子妙窮經屢遭有司擯
奔軍未云怯再舉當決陣
軒植杞菊澹泊守定分
回頭語世俗未用銷饑困
二豪勉躋攀孔聖故許進
長卿亦何人區區能慕藺

次韻方平送李南仲赴試春闈

四溟鳧雁集天池十日先看俊翮飛養氣有餘吞大敵
窮經無繆識玄微塵埃舊服辭阿緡雨露新袍投楚衣
拜命還家春尚好桃花流水恨漁磯

劉福老長官佚老堂

淵明未掛冠志已蹈方外何時辭五斗散髮從傲睨閒
中氣味好至樂無與對黃香識君心機事勤早計古來
軒冕事端受外物制有如纏蔓瓜詎肯脫根蒂一朝秋
風至零落驚潰潰佚老得天和晚景期百歲超然閭里
間高風逸難繼

贈權上人兼簡其兄高致虛秀才

豫章山川足靈氣天與四時滋萬象翹然雙幹秀一門

參寥集卷四

十一

儒釋殊科道無異一操經術游廣文一事瓶盂尋祖意
功名生死兩俱徹論報君親各無愧上人餘力擅風騁
三昧何妨閒遊戲窮愁肯學郊與島高瞻已能追晉魏
文章妙處均製餽不放鹹酸傷至味少陵彭澤造其真
運斤成風有餘地眉陽老人文所宗此語得之吾敢祕
斯君向上踏玄關奔逸絕塵那可跂

孫傳師密學輓辭四首

淮海衣冠盛門闌占一時朝廷矜棣萼人物得能罷暫
倚軒裳貴還隨舟壑移新阡埋玉樹黃霧慘餘悲
王畿初作邑終日坐鳴絃雅量能知變平戎在未然裕
陵俄謫拔鵬路遠騰鶩二十年間事淒涼付逝川

逸氣凌崧華高標藹縉紳經綸真漢將譚笑卻胡塵白
首遭微譴青雲阻要津功名關造物一語未能陳
伯仲持哀日余方傾蓋初炷香羶貝葉酌茗飯園蔬一
作邗溝別空傳桂嶺書升堂揖遺像回首意何如

孫志甫主簿輓詞二首

彼美荆岑玉斯人實可倚眉間見和氣皮裏識陽秋夫
子常稱德蓬山素並游一官雖不壽撫已亦何羞
篤學誰如子窮經志亦勤干將曾未試寶氣已沈淪天
遠終難問眉酸謾自顰仁瞻蘭玉秀哀及墓中身

次韻張敏叔工部郭殿直遠趣軒

高棟層軒何用爲此軒雖小景無遺惜當麥壠堆青日

參寥集卷四

十二

不見波濤卷雪時眼底衣冠多邂逅胸中貴賤少參差
問君卜築隋隄上幾見春光上柳絲

蒙泉堂

百尺蒼崖底蒙泉自我名滴滴滋造化汲引絕虧盈碧
發深仍固朱欄小易成慙慙中夜月長與照澄明

夢中作

夜半秋江不見人翠荷擎出露華新江神水仙來共飲
一掬遺我生精神

哭休上人

從來疑造物無處識其真好月難終夕名花不盡春青
燈空照室白氈謾遺巾泣血憐慈母悲酸動四隣

蓮隱堂

雅構何幽眇真宜邃隱名朝雲半峰秀夜月一簾明終
歲塵氛少無時爽氣清炷香翻貝葉安穩老餘生

甯川西寺水閣呈周格非承議

岩堯畫棟與雲平一派寒流玉鏡清三島勝形方足擬
千鈞筆力始能名鷗鷺翠靄光中去山倚朱欄靜處橫
令尹政閒勤把酒風流未減謝宣城

僧首然師院北軒觀牡丹

鳥聲鳴春春漸融千花萬草爭春工紛紛桃李自繚亂
牡丹得體能從容珊瑚玉砌昇曉日輕薄煙霧初冥蒙
深紅淺紫忽爛熳如以蜀錦羅庭中姚黃貴極未易覩

參寥集卷四

三

綠葉遮護藏深叢露華膏沐披正色無事天冶分纖穠
從來品目壓天下百卉羞澁莫敢同清淨老禪根道妙
卽此幻色談真空上人封植匪玩好庶敬先烈存遺風
邀芳公子應未耳且樂樽俎怡歌鐘

參寥集卷之五

宋智果禪師道潛參寥著

春行

朝入春山千萬重
莫歸溪上漫匆匆
白沙岸口長回首
無數漁燈翠霧中

次韻傳師見過

孫郎瀟灑逼人衣
咫尺塵埃隔蕙帷
陋巷有時過佛剎
談經還共惜穉暉
百年空果冥中謝
一寸靈珠象外歸
久矣此情人不論
援毫聊復爲君揮

淮上聞雁寄仲恭

欹枕船舫夜櫓停
數行南去雁如繩
起來欲寄相思字

參寥集卷五

高拂銀河喚不磨

與怡然夜話

雲埋碧瓦寒侵戶
榻照青燈夜色空
故國十年無限事
笑談如在夢魂中

鶴林寺

宛轉回廊漫布金
蕭條寒日墮墻陰
門前合抱松千尺
黃鶴不來年已深

睡起

紅芳落盡踏青青
啞吃黃鸝隔樹鳴
午睡覺來聽不足
杖藜重過竹陰行

得端叔淮上書云長淮秋色清曠順風揚舫恨不

得與君俱之

飛鴻從西來有客遺我書
開緘識遠意字字情有餘
報言歷長淮泛泛乘舳舻
天開滅遠霧水碧涵空虛
超然忘端倪身世疑有無
徜徉極幽致恨我失之俱
我昔與曾子茲游頗躊躇
風高當白帝露冷凋紅葉
扁舟僅半月歷覽窮朝輔
伊人亦才華俊逸千里駒
結交慕豪彥倜儻非逾儒
當時欲相從恨子隔海隅
今朝子獨往我輩還星疎
邂逅亦有分黃緣非強圖
茫然臨西風俛首良自吁
庶幾有至理去彼形跡拘
相望雲漢間皎潔同蟾蜍

宿天竺

參寥集卷五

夕陽山氣蕩葱蔥
路轉松陰復幾重
行過石橋人未見
數聲先聽寺樓鐘

稽留峰北好林泉
珍重幽棲得所便
柏子烟中能宴坐
想無餘習可攀緣

霜壓簾櫳露泣條
銀河影轉斗垂杓
清言共失三更夢
錯恨芙蓉漏易消

晨起

玄鶴空呼曉樓鐘
動翠微楓林墮清月
疎影亂人衣

子瞻赴守湖州少游與余同載因遊惠山覽唐處士王武陵寶翠朱宿詩追用其韻各賦三首

山烟弄滅沒山木含葱蒼
刺舟傍遊岸理策升虛堂
周

道關眉黛嬌嬌如翹翹下瞰平田流澹然浮日光青勞
解初鐘洗雨聞清香雖云迫前途真賞豈易忘

松門暗朝雨寂歷無行人隆曦忽穿漏卉木蔚以新堦
前漱石齒照眼光磷磷史君美無度卓犖遺囑塵風標
傲竹柏談笑凌穹昊何愧沈冥子臥霞吞結隣

揚帆渡江來洗眼驚翠樾雲姿旣容裔鳥呀更清絕凌
梯訪前蹤琬琤亦未滅嗟我魚目光疇能綴明月狂墨
掃琅玕風烟坐中發殊勝區中人茫茫走飛轍

華亭道中

白水茫茫天四空黃昏小雨濕春風五更百舌催殘夢
月到官河柳影中

參寥集卷五

三

夏夜

松室開孤定攀幃納夜涼嬋娟依翠竹無語過東墻

送蘭花與毛仲正運使

幽姿冷艷匪妖嬈曾伴靈均賦楚騷今日移根庭下植
可無佳句與揮毫

從來託迹喜深林顯晦那求世所聞偶至華堂奉君子
不隨桃李鬪氤氳

夏日竹閣

沈水攏烟青繚繞風篔傳韻冷蕭騷楚山竹簟琉璃滑
臥看炎雲檻外高

田居四時

原隰春風暖池塘雁北翔曉耕雲塢潤午飯野芹香

子依蒟蒻花枝過土墻東阡與南陌生事日皇皇

五月梅爭熟村村桑柘稀茜裙蠶婦瘦粉翅乳鷄肥

葛滋溪雨藤花鎖釣磯呼兒行採去亭午候荆扉

刈穫終吾事田園日向閒晚香增橘柚涼水耗汀灣

聚噪棲鴉定孤吹牧豎還兒童驚野燒一片起前山

汨汨防濃霧窮冬亦謾勞蒟簷催日午籬落聽雞號

近還移竹宵間更索絢春風歸早晚行見事京皇

夏日龍井書事呈辨才法師兼寄蘇子瞻秦少游

翠樾高蘿結晝陰驕陽無地迫吾身石崖細聽紅泉落

林果初嘗碧柰新揮塵已欣從惠遠談經終恨少遺民

參寥集卷五

四

何時暫着登山屐夾岸烏紗漉酒巾

雨過千巖爽氣新孤懷入夜與誰隣風蟬故故頻移樹

山月時時自近人禮樂汝其攻我短形骸吾已付天真

雲華漸冷飛蚊息窗裏吟燈亦可親

自憐多病畏炎曦長夏投蹤此最宜青石白沙含淺瀨

碧梧蒼竹聒涼颼雲中雞犬聽難辨谷口漁樵問不知

斑杖芒屨隨步遠歸來幽火認茆茨

場來世外慰樓遲谷遠山長萬事遺好鳥未嘗驗俗韻

白雲還解弄奇姿藤花冉冉青當戶竹色娟娟碧過籬

不羨故人探禹穴短檣孤榜近漣漪

寄俞伯謨宣義昆仲二首

謝家蘭玉競芬芳千里南來未易忘猶憶娑羅雙樹院
月明相對坐胡床
多病侵尋鬢已霜昔年交友半殊方吳臺松柏今何似
想見龍蛇數尺長

夏夜

斗帳昏昏夜氣蒸移牀趁月臥中庭紫薇花露霑衣冷
翻覺華胥夢易醒

送桐江明上人之都下

窈窕孤雲下翠岑帝鄉聞去本無心紅塵滿眼急回首
莫遣空山鶴怨深

淮上觀水

參寥集卷五

五

桐柏崑崙日夜傾投溪注壑本無情乍爲舍垢干尋濁
不作矜人一掬清

湖上晚歸

漾舟歸路興何賒水樹低涼一道斜菱蕪蒹葭都卷盡
芙蓉爛熳獨開花

雲披霧捲仰昭回試望翻經古石臺應有秋香生桂樹
吹風肯傍暮船來

晚興

塙角風欺竹影斜數聲啼盡欲棲鴉重門已閉斷還往
獨卷疎簾進月華

下湖晚歸

屈曲莎隄引興長肯辭芒屨踏秋霜歸來已奏孤城角
撩亂梅花落粉牆

秋日西湖六首

兩山斜抱翠逶迤一水中間似濠陂孤榜獨來還獨往
鷓鴣鷓鴣莫相疑

琤然一葉墮空庭似喚幽人夢欲醒斜倚素屏寒翠幔
沉香烟吐博山青

南山爽氣對朝扉竹露吹風更濕衣可是吟魂怯清景
何妨着屐步苔磯

飛來雙鷺落寒汀穩水無痕玉更清疎莖黃蘆宜掩映
沙邊危立太分明

參寥集卷五

六

欲躡高樓曠遠情無端秋雨苦冥冥崢嶸日脚漏雲處
瞥見遙山一抹青

西風夜半捲庭槐臥聽隣翁曉圃開稚子相呼入林去
應知病果落莓苔

觀宗室趙明發使君所畫訪戴圖并二小詩因次

其韻

水石追摩詰風騷類小山每來窺二妙戀戀欲忘還
巉絕千峰玉清妍五字詩留中盤爽氣彷彿幾人知

次韻秦少游學士題江干晚晴圖四首

數幅生綃上形容萬態心坐窺天下勝何用遠登臨
漠漠雲披岫班班雨弄晴橫江舟一葉注目使人驚

陽秋闕肝膈無處見微茫時作丹青戲風流完帝鄉
參差山接野渺莽水連空笠釣沙頭客真宜避世翁

賦王立之園亭十首

大裘軒

經綸志四海翻輻不得申大裘縱千丈姑覆洛陽春

載酒堂

子雲草玄時載酒客常滿君今慕若人竹戶誰來欵

漱醉亭

潭潭百尺井汲引鳴飛瀾驚回午夢客一漱齒頰寒

介庵

一庵容宇宙介意安在哉珍重庵中人空洞無纖埃

參寥集卷五

七

頓有亭

君家十亭觀碁置宛相望是中富墨妙偉哉蘇與黃

亦愛亭

扶疎蔭佳木五月風來徐淵明方靜臥亦自愛吾廬

永日亭

長安富貴人歲月馬上遷岸巾怡永日心事獨翛然

永定齋

南華鑑止水炯然見須眉夫子果能定物豈逃妍媸

泠然齋

虛室晝生白清風襲衣履圓滿燕坐人泠然欲仙去

賦歸堂

王郎英妙年功名固堪勉浩然賦歸歟持操真可羨

參寥集卷五終

參寥集卷五

八

參寥集卷之六

宋智果禪師道潛參寥著

寄東坡昆仲

江南十月天未霜木梢冉冉猶青蒼烟沙篔簹竹媚兩岸
亭臯氣候如春陽吳墻楚地自紛擾花鴨鷓鴣殊未忙
深灣野浦望不劇葦間隱隱聞漁榔黃昏無雲桂魄滿
一川秀色傾銀潢何人隔岸弄長笛吹風渡水聲悲涼
蘭臺故人天一方美景樂事誰相將船窗欹枕夜未央
杳杳孤雲空飛揚

梅花三首

雲英粲粲笑相重結子能參鼎鼐功茜杏妖桃綠格俗

參寥集卷六

含芳不得與君同

造化推排力自強非關着意占年芳繁霜亂雪虛埋沒

傾國人知有此香

枝頭灼灼爛生光弄日驕寒倚短牆欲賦却慙無妙手

使人操筆憶何郎

虛樂亭

誰構新亭近翠微似教陶令洽天機池光引月來簷廡
竹影疎風到客衣愛酒有時携玉斝無絃聊自拂金徽
人間樂事還能幾肯向良辰與物違

次韻朱伯收主簿觀雪二首

朝來密雪蔽天涯坐目邱園發素華初著敗梧驚擁腫

久霑庭竹見欲斜水精不動垂千筋雲母無聲落萬家

安得蒼穹返收拾莫教狼籍涸泥沙

陰風何事吼簷牙夜半窗前變物華夢斷只疑蟾影在

褰幃俄駭練光斜苦侵陋巷凌寒士強入高樓媚酒家

霽後請看庭下草蕙蘭含綠出晴沙

次韻姜伯輝胡奉宿九曲池

當時樓閣已桑麻陳迹何須置齒牙宛轉頽城圍綠野
嶽崑孤塔背明霞山雲度晚飛瓊葉海月生秋墮桂花
圓嶠方壺同笑語終宵疑在水仙家

邗溝絕句

隔屋蕭蕭風度竹當空粲粲斗翻芒崢嶸歲月人間暮

參寥集卷六

目斷雲山歸興長

過新開湖寄李端叔大夫

新開湖邊秋夢曉雞犬無聲人悄悄試揭疎篷覘日華
水面殘星猶繚繞嘗聞明珠藏巨浸光焰一出輝群草
篙師爲我暫停櫂罔象終期入幽討波間宛轉興方豪
依然別恨生懷抱故人離羣東海頭狗祿摧眉事枯槁
菰梢蘋末翠猶在蕙蘭憔悴青楓老浪游不知歲月徙
舊約無端失天杪日羨南鴻兩兩飛安得身同羽翰小
游胥堂在吾必行一榻數椽應預掃

虛白齋

嘉魚滿盤初出水尙有青萍點紅尾銀腮戢戢長烹煎

嶮強有時俄自起，彼客殷勤贈使君。願向中厨薦醪醢，使君事道不事腹。杞菊終年食甘美，傳呼慎勿付庖人。百步洪邊放清泚，回首無欺子產濱。設道悠然泳波底，都下曉霽。

千門昨夜雨，萬木曉生光。御水浮紅葉，官雲麗粉牆。轉樓遲日靜，紫草亂絲長。想像西池路，濃陰覆綠楊。

子瞻席上令歌舞者求詩戲以此贈

底事東山窈窕娘，不將幽夢囑襄王。禪心已作沾泥絮，肯逐春風上下狂。

陪子瞻登徐州黃樓

黃花離披秋日短，使君無事邀僧飯。飯餘軟語藝香幽，

參寥集卷六

三

共坐圓庵不知晚，燭籠持火報黃昏。使君愛客還留連，前燈脩徑步超逸。後却從御來，聯翩城頭陰陰未上月。城下激激鳴潺湲，漁燈照船沙岸近。買客夜唱聲清圓，徘徊始轉黃樓側。銀箭銅壺知幾刻，欄杆倚遍惜分携。泣泣芙蓉珠露滴。

逍遙堂書事呈子瞻

尋常臥雲林，往往厭闌闔。今朝郡齋裏，岑寂反可愛。曦和破簾櫳，幽鳥語庭際。開門面脩圃，珍木羅翠蓋。蕭疎舊菊叢，衰露有餘態。主人事天和，萬慮屏身外。勞生一斷梗，何處考根柢。安能從物役，擾擾空卒歲。脫巾每相從，頗得資傲睨。

次韻子瞻飯別

鈴閣追隨十月強，葵心菊腦厭甘涼。身行異土老多病，路憶故山秋易荒。西去想難陪蜀芋，南來應得共吳薑。白雲出處元無定，只恐從風入帝鄉。

次韻少游寄李齊州

畫船京口見停橈，蕭洒渾疑謝與陶。但把好山供勝踐，不將餘論挂塵勞。諫垣天上經焚草，藩國年來屢夢刀。北客近傳新政美，未嘗因物強吹毛。

次韻少游和子理梅花

朔風蕭蕭方振槁，雪壓茆齋欲欹倒。門前誰送一枝梅，問訊山僧少病惱。強將筆力爲摹寫，麗句已輸何遜早。

參寥集卷六

四

碧桃丹杏空自妍，嚼蘂嗅香無此好。先生携酒傍玉叢，醉裏雄辯驚電掃。東溪不見謫仙人，江路還逢少陵老。我雖不飲爲詩牽，不惜山衣同藉草。要看陶令插花歸，醉臥清風軼軒昊。

自彭門回止淮上因寄子瞻

榻來淮上臥蕭宮，回首人間萬事空。院靜水沉銷薄帳，睡餘寒日耿修桐。南山訪古思林渡，北海談經憶孔融。寂寞蒹葭霜雪後，何時重倚玉青葱。

與曾逢原寺丞相別

落葉追奔卷地飛，淮流轉處楚山稀。君騎黃鶴朝天去，我憶青松舊壑歸。道在不須驚契濶，情親聊用惜分違。

巖居祿隱都如夢莫向秋風歎式微

夜泊淮上復寄逢原

黃沙白草滿淮垠逆旅蕭條思不禁風約亂雲歸隴首
角催明月出波心槎頭湧處潮初上斗柄移時夢未沉
遙想故人投宿地畫船應在碧榆林

曉發桃源寄端叔

桃源渡頭雞一鳴舟子夜起趨南行泯泯河流浮落月
蕭蕭岸木悲秋聲依人翡翠霜翎重拂棹芙蓉露蕊輕
爲報舊游朝士說天街何似此中清

贈鄒醫

君不見宋清市藥長安西眾工就取資刀圭瘡瘍疾病

參寥集卷六

五

一皆往所應不必黃金賚度未能酬輒焚券耻學庸生
憂噬臍人人德清莫肯負日獲遠慮豐子妻公侯餽遺
日相屬美食華衣乘馭隄羅池神人爲作傳至今名譽
橫雲霓鄉君業醫世淮海瀉盛補衰知徑蹊玉函金匱
恣探討孳以自副能不迷頃年西游抵京室達官貴吏
爭品題歸來鄉縣頗蕭瑟湖水粘雲芳草萋憐余寢瘵
古佛剎每辱珍劑相扶携傾囊倒橐願爲贈唯有團蒲
并杖藜君聞掉頭不我顧止索詩句光衡圭夜披陳編
見清事重嗟此道今如泥君誠有意嗣前躅篋笥不憂
無錦綈

寄蘇子由

先生道德若爲容曾向南都幕下逢披俗高標驚萬丈
凌雲逸氣藹千重低梧暫宿張家鳳湖水難藏許氏龍
歲晚雪霜雖更苦未應憔悴碧巖松

贈子固舍人二首

文章煒燁動當時傳又雖多不並馳解激頽波旋往古
獨憐夫子抱青規山川淑氣真能感宇宙雄名豈浪垂
未信長途老天馬行看蹴踏上瑤池
吏部遺編久寂寥穎濱居士亦蓬蒿支疏盡屈江湖濶
眾阜爭隆泰華高落落千章揮琬琰湯湯萬頃起波濤
玉堂鶴鷺遲公久何事崎嶇尙夢刀

宿乾明

參寥集卷六

六

五更風雨鬧秋堂夢斷篝燈尙有光明日又爲湖上客
船頭雲水正茫茫

寄莘老

十年手把使君麾一日歸來踐赤墀偶爾夢中成故事
凜然霜後見奇姿枯荑在昔嘗叨廕微蚋于今頓附馳
况有雲庵閔深谷他時香火與君期

寄李公擇侍郎

高城夜寂起清風月下清霜墮曉空澤國已驚黃橘柚
省垣應對老梧桐青錢舊數文才妙碧落新游聞望隆
四海倚公調鼎鼎仁贈和氣洽冲融

俞公達待制挽辭二首

險鐸哀傳靜列營將星飛墜漢蕃驚森森氣與泰山在
奄奄魂隨隴水傾塞路蕭蕭悲部曲海天風雨濕銘旌
堪嗟未勒燕然石遽失連雲萬里城

東吳佳氣久氤氳果見雄才出海濱屢試于將羌破膽
忽摧梁木士霑巾人問夢斷黃梁熟天上樓成白玉新
零落山邱今古事情鍾我輩設傷神

廖司法挽辭

吾聞廖夫子名大不得觀讀書盡五車行義拔前古聚
徒從妙齡所至變鄉紳身雖甘陋巷志欲望伊呂風雲
苟超騰名教當有補蹉跎鬢毛改寸祿晚方取青衫適
南營素幔歸滄浦秋原起新隴寂寞一杯土悲歌動閭

參寥集卷六

七

里淚血灑如雨蘭玉已含芳行看秀庭戶

和莘老初至溫泉呈慶禪師

年華行已老林莽尙葱蒼地勝連龍窟溫泉注鬼湯高
風遠城市鐘梵近僧房九夏來投錫棲心應更涼

戲招李無梅

淋漓一雨過穉山洗出西湖小霽天烟烟魚鱗含倒景
飄飄羊角卷荒阡野塘白芡珠盈斗幽浦紅葉錦繞船
冷炙殘盃當已厭好來波際弄媚娟

春日卽事呈定海尉葛叔忱

層臺宿霞披瀝瀝朝露濕有客獨登臨含情空佇立問
君仁立何所爲報言遠人嘗有期菊花黃日出山去芳

草綠時猶未歸萬壑千巖望何極願託孤鴻寄消息少
年游行易蹉跎翻恐歸來不相識滿目春暉花爛熳花
底幽禽自相喚紛紛萬類皆有從獨我參差遠雲漢勸
君不用長相思容顏消竭神空疲無情況有西樓月夜
夜清光照不虧

臨平道中

風蒲獵獵弄輕柔欲立蜻蜓不自由五月臨平山下路
藕花無數滿汀洲

寄龍井辨才法師

法師安遠徒我見常磬折頽網製像運基構甚宏達煌
煌四十載說法傾吳越人天會方丈萬趾常雜運藹然

參寥集卷六

八

如邱山四座差蟻垤投老倦揮松毅然辭且決飢鷹得
秋風轉盼俄一掣結茆南山隱雲蘿古幽絕昔我海上
還相尋訪林樾夜闌叩微要猿鳥寂不聒慧風洒幽襟
法雨濯枯枿別來今四載寒暑驚屢閱相望如晨星杳
杳各天末何當從杖藜一笑龍泓月

載遊鶴林寺

招隱山南寺重來歲已寒風林驚墜雪雨澗咽飛湍壁
暗詩千首霜清竹萬竿東軒謫僊句洗眼共君看

江上秋夜

雨暗蒼江晚未晴井梧飄葉動秋聲樓頭夜半風吹斷
月在浮雲淺處明

邵仲恭許相遇金山未至

二月歸來江上居江流變滌江鷗去時移物改何足論
身世悠悠本非固鳩鳴屋角山雨餘花苞破紅滿芳樹
晴窗曉日幽興催振衣出戶凌高臺潮回浪死風色定
縹緲沙岸煙中開故人佳期絕消息滿眼空看暮雲碧
何日扁舟南渡來一洒高風破吾臆

淮王府園與王元規承事同賦三首

年少王郎一幅巾杖藜呼我步城闌紅泥亭子闌干外
絕目遙看萬樹春

一霎催花驟雨來集芳堂下錦千堆浪紅狂紫渾爭發
不待商量細細開

參寥集卷六

九

藹藹春空宿霧披桃溪柳陌共逶迤阿戎莫道無才思
細草幽花總要詩

春晚三首

疊穎叢條翠欲流午陰濃處聽鳴鳩兒童賭罷榆錢去
狼藉春風漫不收

曉風池沼水瀾翻春盡淮南麥秀寒院落無人日亭午
柳花如雪滿闌干

在雨盲風卷却春傍欄蕭瑟只青筠引雛鷺子朝天去
回首多情語更頻

用法穎韻寄信上人

使素高賢世罕追君今端與若人期龍蛇落紙驚飛電

心手相忘豈所思驥子神駒天與俊朝燕莫越足難羈
超然遽作雙溪別肯學紛紛兒女悲

曾子固舍人輓辭二首

命世高標見實難狂瀾既倒賴公還學窮游夏淵源際
文列班揚伯仲間落落聲塵隨逝水滔滔論著在名山
淒涼四海門人淚想對穉風爲一潸

雄詞大冊破幽昏返覆難窺斧鑿痕投老雍容歸法從
銜哀倉卒去都門雲泉已負高繩約江渚空悲靜夜魂
誰與朝廷終太史君王應待鶴鶴原

昌化雙溪堂呈府簽判德茂宣德

吳會溪山總可憐此堂雄覽獨能全銀河兩派來天上

參寥集卷六

十

黛色千峰落檻前樵斧聲沉蒼靄裏釣竿人立白鷗邊
多才李賀知無敵妙句行看陋眾妍

梅花寄章仲粹法曹

蕙死蘭枯驚歲晏玉蕤初發照溪寒從來吳苑墻頭見
不似匡廬谷底看月浸繁枝香冉冉露浮紅萼曉團團
參軍詩格追何遜應笑山人自考槃

晨起

窗扉曉闕對平湖爽氣侵尋冷入膚林迴霜黃垂橘柚
清清沙碧老菰蒲忘機鷗鷺元相狎得食猿猴不用呼
游目騁懷心正逸更憑高處立須臾

用法穎韻寄詵上人

吾生出處異周鼎猿鶴休驚蕙帳空木符薦盤非世味
胡麻供飯古人風時翻貝葉千行偈戰勝詩魔五字功
杖屨儻來償素約與君同盡此生中

山中書事

身世從來薄所營晚歸邱壑更忘情隨眠煩惱何曾有
無樹菩提本不生布襪青鞋供我老月溪沙路恣經行
細炊雲子齋厨飯要配香芹碧澗羹

次韻孔天瑞秀才見寄

雙溪穠色最關情想見登臨爽氣生木落草枯山自瘦
清清沙白水偏明眼中舊事烟雲散篋裏新書早晚成
來歲如今好時節看君高步躡鵬程

參寥集卷六

七

送楚上人還廣陵慶禪師法席

吾鄉少年多離離投老家山猶戀着何異醯醢舞甕天
肯信十方無壁落羨君壯懷慕遠舉萬里雲山行犖确
荆江洞庭虛浩渺斂衲浮杯心自若去年臘月過湓城
聆我幽蹤臥雲壑搗來相從慰契闊笑語逸發驚猿鶴
春風又復卷征衣問子東去將何爲廣陵城西古佛刹
中有老禪吾所師當年與君共服役妙迹彷彿窺籊籊
別來星霜歎已久夜夢往往神魂馳真金雖已出頑鑛
鍛鍊豈厭增鉗錘縱橫法縛斷除盡了了方爲獅子兒

參寥集卷六終

參寥集卷之七

宋智果禪師道潛參寥著

寄王元均奉議昆仲

崇文學士後二子皆翹翹異哉荆山麓產此英瓊瑤
姿翰墨場文彩相蔚饒頃我未知識寸心徒搖搖前年
廣陵城會合如有招名都冠淮海氣象古所豪林園若
某置佳處遺塵囂良辰肯浪負杖策同嬉遨清譚落玉
塵豐壘如聞韶歲晏樂未闕離羣復蕭蕭扁舟眇一葉
出沒隨江湖雲山列千里廬霍尤岿峩孤懷喜自放跨
蹠豈憚勞所嗟無二陸相我吟風騷

廬山雜興四首

參寥集卷七

溪石斑斑舞碎光巖花冉冉馥幽香當時吳猛逢山處
金闕橫開在上方

隔崖垂蔓蔚蒼蒼隱見莓苔舊石牀定有飛仙集其下
月明時復度笙簧

高松夾道夕陽明抱葉風蟬引細聲勸爾行人聊駐足
出山無物更能清

星渚江邊月已生石橋歸路夜崢嶸西風散入松千樹
灑覆銀河秋浪聲

宿回峰院寄黃擇中察院

秋堂立四壁物色夜蕭然藜床抱孤影起坐未成眠商
飈激高梧萬動接虛警感至情先謝理冥神預領銅壺

漏未央扶杖起彷徨方塘溢繁荇冷月下疎篁躑躅步
空除風帶裊霜裾泯余契幽獨悵子隔川途短短袖中
書明發欲誰寄梁上木鯉魚儻能將此意古亦有所思
吾今何所遺浩歌望雲水期子與同歸

寄史院王正仲曾子開二學士

太史久不作千秋想前人朝廷理故事董職須絕倫青
錢兩學士班馬相並隣婆娑金闕中婉變得所親學海
揚波瀾詞林藹芳春青編炳金牘允顯無曲陳翹翹茂
令德諤諤規縉紳玉堂行見躋清切凌紫宸野人蹈江
海放浪無邊垠相思逸何許共此青桂輪

寄福州太守孫莘老龍圖

參寥集卷七

公子自淮海弱不游羣兒良哉白玉質炯炯無磷淄淥
身以道德餘業爲文詞端能處庠序邈有孔孟姿一朝
擅高名卓然動京師餘輝耀天末熒熒如斗箕校酬芸
閣中精義無參差同時鸛鷺行半已翔鳳池兩登諫官
室抗疏犯天威揚船去江海曠歲成流離朱輪擁蒼雲
五馬從合肥編氓仰遺愛墮淚存豐碑歸來遶風樹懽
悴不展眉藉苦一室中四壁無重幃南鄰有古剎而我
方棲遲杖藜時過公泣血聞嗟咨從容勸我坐一飯常
共爲蒸蒸沸古鼎藜藿投園葵客來慵應門客去知爲
誰禮喪事云旣始領吳門麾瓶盂走梁苑恨不相追隨
秋風亟東下旌旆俄已睽浮川與遵陸多病亦云疲七

閩富名山空翠相逶迤在昔慕仁智於今慰遨嬉棠陰
想初坐吏案紛交馳庖刀一爲解往往無子遺麥秋薦
丹實梅雨裁纖絲黃金燕佳客柔指鳴哀絲萬事不芥
蒂羨公能自怡

聞子由舟及南昌因寄之

高安居士實人龍五載南還道愈豐城外城池剛自守
人間膏火詎能攻屢嗟江海星霜隔行喜雲林笑語同
五老峰前佳氣象待君一醉吐長虹

和子由彭蠡湖遇風雪

夫子經濟才妙質靜而默當年大廷中如堵觀射策雄
哉賢父兄一日並輝赫勳業望夔龍甯論二千石扶搖

參寥集卷七

三

吝不借因此垂天翼五載貶筠陽區區校尋尺鹽車厄
曠足道路行歎借脫身當歲晏行李唯典籍高懷久達
觀不見憔悴色悠悠東下船晚次彭蠡側江風忽崩騰
江水驟且黑飄風斷黃蘆落雁委砂磧鷺毛飛雪片滿
埜來無極龍驤飛萬斛欲進不可得淹留向汀灣蕭瑟
日將夕黃昏勢漸壯夜半已堆積魚龍亦悲嘯凜氣增
几席青燈冷不眠坐漱元和液危檣翻曉鴉霽日動窗
隙攀嶂望廬山萬仞絕寸碧茫茫銀世界蕩蕩月闌城
順流復前趨百里俄頃刻暫停篙櫓喧却着登山屐五
老笑相迎千巖委圭壁紛紛林下士洗眼冀一識松門
共邀迓香霧浮羣羣相將擁寒爐軟語同夙昔堂堂赤

眼師既往有遺跡惘然宰堵波縹緲根石壁清晨陪拄
杖緩步躡山肋裴回憩蒼嶺左右抗松樾猿猴侮僮僕
上下或戲劇巴僧眉半雪邂逅語鄉國却返朱砂峰招
提更岑寂中藏李氏書盛事誇絕特東坡老居士邇亦
有題墨一覽慰君心都忘遠行役

寄俞秀老清老二居士三首

風溪雲嶽雪消初鳥變春聲滿屋除安得故人同蠟屐
石梁斜日看遊魚

落星江水接天流花絮飛時暮雨收波底鯉魚東去否
尺書煩汝到揚州

慚愧君家好弟兄風流宜與晉人并青鞋布襪能從我

參寥集卷七

四

共入廬山深處行

廬山道中懷子瞻

谷口晴雲散曉光烏聲呼我渡橫塘輕明獨愛桃花靜
撩亂偏嫌柳絮狂處處叢祠起簫鼓家家籬落動耕桑
去年今日東坡路拄杖相將探海棠

酬周亨叔主簿見贈

廬山百里蟠穹蒼絕頂陰雲常下覆晴日天風忽掃除
翠壁千層開錦繡我來廬山初得君愛君面有廬山秀
長篇峻韻使我驚忽獲風流雲散後氣味清新滿牙頰
如入洞庭嘗橘柚梅子如錢柳絮飛杜鵑哀號山雨晝
念君明當京邑行馬蹶蹶踏春泥緜黃陂新息道路迢

墊飯藜羹須強歎天街到日夏漸熱車轂相摩汗如溜
丈夫功名非苟取勸子未用輕藍綬山中五月早歸來
澗底清冷當共漱

訪荆國王公三首

浩蕩經綸志已行北山歸老思冥冥可妨渡水穿雲客
拄杖芒屨到戶庭

博辯舊聞輕孟子談經早不愧楊雄惠能伎倆元無有
還許從容廣座中

苦嫌榮祿早收身歸與漁樵共隱淪白下門西山迤邐
興來長是岸烏巾

謁上竺觀音大士

參寥集卷七

五

十年江海去飄然魂夢長依舊嶺邊月地雲堦重到處
殷勤稽首白衣仙

次韻元翁見寄

十載離羣歎渺茫良辰無地可相羊何時却入蓮花社
軟語重焚柏子香藹藹春風搖几席紛紛啼鳥滿林塘
欲憑海燕傳消息徑入君家舊屋梁

病中四絕句呈劉景文左藏

一室寥寥北嶺隈午窗孤枕夢初回無端自是風驚竹
錯認旁人問疾來

西風薄木晚颼颼古屋無人夜更幽童子未閑煎藥火
隔窗燈影漫悠悠

高梧挂月照床頭聒砌寒蟬似怨秋我病尙能安靜默
爾曹無事苦啁啾

竹裏鳴鴉曉欲飛遽蹶疎箔望朝暉莫嫌山色經秋瘦
我亦秋來減帶圍

次韻蘇仲豫承務寄伯達推官

蘇子真豪英氣貌嚴且重幼無兒女姿嗜好百不動唯
餘讀書事乃與古人共文章造深澗詞力寬不縱樂哉
賢父兄道義日相從昨朝西湖外日極孤鴻送高帆去
百里山水乏吟弄作詩投置郵但述鴿原夢

辯才生日

像末真風恐不傳故生豪傑爲人天慈航橫截三千界

參寥集卷七

六

法雨均沾四十年獨鶴精神秋始健長松根節老彌堅
莫將有物觀無象唾霧水輪處處圓

寄題解頤堂

道人還家今幾時築室構堂名解頤天書三遺要我賦
我獨老矣何能爲塵埃筆硯試料理肝肺枯槁源不滋
爲君苦思強抽軋詞慳氣迫無透迤東陽自古號多士
文采風流世有之堂成往往獻佳句雜列四壁皆瑰奇
譬如釣天已九奏安用擊筑鳴參差又如玉食厭方丈
藜藿欲進旁必嗤他年但約訪君去借君几席聊偃欬
堂中插架足書史牙籤玉軸當細覽

送仲豫叔黨二承務赴試春闈

烟烟雙黃鵠雍容振羽儀風高辭溟國歲莫及天池文
彩非凡近周旋競陸離明年翔集處九萬是君期

景文寵示四月十七日翰林公過龍山真覺院賞

枇杷五言一章景文已先和復使繼其後

脫畧今山簡能吟舊子春偶因尋勝出不爲採芳人紅
紫千葩盡甘酸萬顆新江雲浮翠壁靄靄散魚鱗

夏夜奉懷景文路分

層欄霽曉雨餘響猶滴瀝天風吹浮雲入夜已無迹月
波泛脩竹灑灑流几席蘭膏滅眾炬涼氣滿四壁蕙烟
擢銅爐暗觸鼻端息藜牀但危坐萬想本空寂肺肝既
冷然紈扇亦冰釋將軍不吾期樂事空自得願言賦長

參寥集卷七

七

謠爲我記此夕

余初入智果院蘇翰林率賓客相送者十六人各

賦詩一章

泰山屹天下四海同仰止我公命世英突兀等於是胸
中廓秋漢皎絕微雲滓當年事危言軒冕如脫屣正貴
知我希甯慚不吾以風雲果再符六翮排空起一昨厭
承明抗章求迤邐餘杭古雄藩比屋富生齒立談政卽
成興不負山水雍容敦末契訪我頽且鄙大旆輝松門
禽猿亦驚喜森森門下士左右粲朱屐使君道德姿圭
角非所恃軟語如春風薰然著桃李今朝眞勝事千載
足遺美安得筆如椽磨崖爲公紀

龍井辯才老師新亭初成有詩呈府帥翰林俾余
繼和

遠公吾家傑道妙非壺邱德傾龍象侶貌蓋江湖秋平
生經綸學不爲名相留滔滔若懸瀑下注萬丈湫昔年
謝講事眾輓不轉頭剗心老巖穴百念本不浮東南多
望士唯見此老優翰林天下公方外實輩流旌旗虎溪
路竟日泉石游眾生病未已師意可忘憂

送慧悟大師還闕下

道人本邱壑浪爲京華居一住二十年歲月驚須臾禪
餘挾妙術出入卿大夫飛揚動天子聲聞傾九衢紛彼
戶外屢泛如水中鳧高懷勅酬應逸賞思江湖春風卷

參寥集卷七

八

衣被千古隨舳舻中泠湧樓觀圓嶠連方壺杖策步菴
頭直上窮崎嶇超然萬象外所得良有餘興盡乘白雲
飄飄還帝都

將之金陵寄侍琪服之秀才

黃昏落帆牛渚磯蒼石岸黑行人稀漁燈夜深遠近沒
水鳥月明來去飛瓶盂漸與南斗闊身世東去將焉爲
鍾山咫尺行可及會當與子同遨嬉

鍾山夜月

萬壑千巖夜未央月華松色共蒼蒼上方已覺無人語
金殿誰焚柏子香

寄舒堯文教授

經綸滿腹貯雲霓卓犖邱門道可躋絳帳開時霞影亂
春衿立處雁行齊憶親麈尾焚香夜共惜筠梢落月低
別後鳳毛知更長五車應已識詮題

參寥集卷七終

參寥集卷七

九

宋智果禪師道潛參寥著

四照閣奉陪辯才老師夜坐懷少游學士

猿鳥投林已寂然
芭蕉過雨小樓前
雲依絕壁中間破
月自遙峯缺處圓
照坐不須紅蠟炬
可人唯有蕙爐煙
校讎御府圖書客
疇昔還同此夜禪

贈天竺聰道人

完完明月珠
蓄彼萬丈淵
徑寸不可覩
餘輝媚清川
道人實有道
膠口默不傳
心閒氣自和
眉宇常藹然
邦人昔致師
欲以居法筵
文移動帥府
禮敬端亦虔
冥鴻避網羅
矯翼從高騫
鳩來靈山隅
圓蒲未深禪
盛德不自

參寥集卷八

一

顯與物同周
旋兒曹恃文采
毫末爭醜妍
相逢廣坐間
肯顧斯人賢
茫茫大化中
浮名暫腥羶
吾知道人意
反汝生哀憐

送僧遊天台

梅邊孤起碧千尋
俯仰應酬壯觀心
峭壁斷崖當歲晏
冷雲疎雪上衣襟
論懷此日能傾倒
尺素它時嗣好音
摘勝窮幽吾老矣
杖藜無復伴登臨

覽黃子理詩卷

六載南宮何所營
百篇翻覆見高情
霜鷗露鶴元非俗
雪竹風松本自清
俊逸固宜凌鮑照
優游真已逼淵明
微言會有知君者
漫擬鍾嶸試一評

梅花寄汝陰蘇太守

湖山搖落歲方悲
又見梅花破玉蕤
一樹輕明侵曉岸
數枝清瘦耿疎籬
良辰易失空回首
習氣難忘尚有詩
所向皆公舊題墨
肯辜魚鳥却來期

次韻陳敏善秀才見過

投老形骸真木偶
水飲巖棲聊自守
世事浮雲日變遷
我亦何心預臧否
故人新自廣陵來
問我詩囊近何有
吾言淡薄非橄欖
縱可咀嚼聊能久
且開窗戶話平生
湖色山光翠相糾
烘簷暖日氣味好
相對蒲團復支肘
愛君年少擅才華
詩律清妍無可醜
却愁征棹促君還
空聽陽關詞一首

參寥集卷八

二

都僧正慈化大師挽詞

領袖吾家事
由來二十春
虛懷能應物
真氣肯隨人
逝水流方遠
臨池墨尚新
聲聞雙樹子
不見葉間身
平生輕長物
身世等鴻毛
譽出東南早
人驚節義高
玩奇惟水石
結客盡英豪
來往元無迹
情鍾漫鬱陶
伏枕時無幾
臨分若故常
寸心能炯炯
去路豈茫茫
車馬門猶盛
芝蘭室更香
獨餘庭下竹
冷韻起悲涼

送俞伯謨宣德赴辟成都

我生落拓如虛舟
萬里江湖隨演漾
君今祿仕亦我同
南北悠悠無定向
故鄉回首海東頭
兄弟十年官塞上
才高質美眾所奇
杞梓豫章非凡長
辟書交飛上廟堂

肯使須臾事閒曠秦川崢嶸塹戎虜自古征人愁悵望
劍門棧閣天下危去馬來車魂欲喪羨君年少勇攀躋
足躡青冥身益壯舊游陳迹想依然感物懷親情獨愴
伯謨先公待制
嘗爲成都漕

觀秦師詩書以二絕勉之

吾鄉英秀頗能文子復區區慕碧雲請用三多爲祖式
他時自與古人羣

論書當亦似論兵軍律非嚴事不成行伍會須同比櫛
出奇方可語縱橫

次韻劉伯昌長官見贈

劉侯詩格殆天全初得西湖紀勝篇錦繡爲腸供麗藻

參寥集卷八

三

鯨鯢作氣吸長川靜依北牖開樽俎醉掃寒梢雜雨烟
歲晚扁舟東去疾喜君高調重遷延

次韻法真禪師送曾敬之宣德昆仲

昔與乃翁相遇年始知有子生且賢爾來雙轅已爭秀
屹屹欲上參高天昨朝較藝偶不售他日奏賦聞甘泉
方今廟堂喜人物收拾萬彙歸陶甄哀號躑躅終一出
輝映左右無餘妍肯學孟生誇得意一日走遍春風前
嗟余投老隱巖谷形若稿木心灰然扁舟追子僅千里
彷彿夜夢遙相傳西湖風物行歲晏歸賦梅花趁臘先

送文惠師還金華

脫略紛華自妙年秉心端喜事金僊終期象馭超三界

不羨鵬程越九天考疏窮經心尚壯依仁據德節尤堅
秋風陡起庭闌念聊寄修江一葉船

雲巢

環湖相望百招提高棟層軒亦屢躋未若道人基構勝
閱千清與白雲齊

九江秀色可攬結謫仙愛彼巢雲松寂寞風流三百載
此軒奇觀躡前蹤

碧瓦朱甍冠翠微鬱蒸佳氣繞窗扉人間塵土紛阡陌
不到藜床燕坐衣

規師方外停雲齋

上人少脫畧出處非拘囚停雲倚空端舒卷良自由縱

參寥集卷八

四

之千丈強斂附拳石幽遙騰宇宙間孰與斯人傳銘詩
善摹寫居士亦風流

次韻周開祖大夫泛湖見訪

漾漾清漪十里間畫船人似鏡中安雨催菡萏幽香發
風觸葡萄細浪寒高岸烏紗來靜院倒揮白羽傍層欄
吟毫所遇無遺景天乞詞源北海寬

次韻才仲試院夢中書事見寄

夢入秋山知幾層霜風吹骨正稜稜蒼崖犖磳難安足
自說從余授杖藤事見才仲叙中

朱鸞碧瓦礙雲浮共躡層梯最上頭一餉開干變風雨

凜然毛髮便驚秋

怪獸胡爲出巨津昂然激水忽翻身魚龍最屬何妨事
莫作風波謾恐人

一川脩竹映疎花川上時聞響釣車似到秦人種桃處
誰知夢斷却還家

崖根烏密已先嘗從此知君養不霜應笑吾曹事枯槁
山中危坐獨休糧

贈吳子野先生

麻田老仙心炯炯少有高風慕箕穎枕流漱石三十年
眸子瞭焉神更靜忽然杖策海上來至人道妙同塵埃
達官貴侯競招致往無所欲誰嫌猜邇來一志從吾黨
跡與孤雲共天壤曹溪有路更攀躋徑躡毘盧高頂上

參寥集卷八

五

子野將出家事
見東坡詩中

送庠上人

點檢行裝拂與巾灑然輕別故山春家家門底長安道
舉目何須更問津

次韻才仲山行

幕府文書一掃空何妨行樂醉春風想聞笑語千山外
正在烟雲萬疊中哢日鳥聲喧細碎照溪花影靜玲瓏
苦吟只恐凋肝腎夫子還宜少黜聰

與神智師話別

昔我年始壯託身靈鷲峰主人大導師鼓舞揚真風四
方依絳帳雜選象與龍嗟余於此時已識大士蹤紛紛

論議場頭角出羣雄如何三十載慧刃藏其鋒端居肆
業地了不爲世通邈獨念西湖津來將誰從情隨山水
遠興與魚鳥同平生方外安自在如冥鴻明朝復回首
飄灑一孤篷

暉暉堂

堂上何爲絕點埃堂前翠帚掃空堦遙憐薄日暉暉靜
影入高人燕坐懷

次韻嵩陽叔易先生見訪

知君挾冊未嘗閒一志端能事孔顏千里扁舟下吳會
眼中收拾只溪山

枯槁長專一壑開權豪殊未少低顏風雲他日超騰去

參寥集卷八

六

莫畏移文到北山

曉霽

雲擁茅簷水拍渠曉來新雨過吾廬蕩紅宿萼莓苔滿
解事長楊自掃除

次韻蕪菴佐晨起感懷

造物紛紛自變更達人何用校前程芭蕉身世榮枯久
蝴蝶夢魂來往輕隔屋想驚銅漏盡開扉猶愛玉繩橫
應嫌百吏見行進簿領文書與案平

遠齋爲王上人作

君不見崑崙之河與天通源深發遠人莫窮回溪轉壑
隨所衝未勢演濫流于東東溟無旁亦無底浩蕩足以

家魚龍嗟哉吾徒雖好學詎肯著意推所從淵淳富
有若是孰謂世上無英雄法師名齋意且遠張皇幽眇
見爾聰西來竺書五千軸期子歲月加磨礪離騷楚辭
亦漫讀言語黼黻何必工禪餘習氣如未盡時倚澗石
吟松風

懷仙閣

瀛洲仙人騎皓鶴珮玉鳴風度寥廓錦溪南望九仙岑
笑指烟霞啟層閣閣中清絕無纖塵銅鑪著香夜夢真
平明跨鶴出山去澗草巖花空自春山僧問我人何地
今作玉皇香案吏挾持造化幾時還搔首臨風聊一唱
同周元翁著作范明遠秘校西湖夜汎各賦一首

參寥集卷八

七

薄雲疎雨作還休白帝撩人巧變秋天地此身均逆旅
江湖幾度共離憂暮聲斷續鐘連磬夜氣浮沉浦與洲
圓嶠方壺吾未羨敢煩騷客爲冥搜

和元翁

高論每逢賢友生還如講武得奇兵了無鄙吝胸中物
尙有風流世外情破海玉蟾初未躍灑空珠露已先傾
回橈轉柁行三鼓始見波瀾百頃明

和明遠

二客風神瑩石泉解衣同緩夜歸船已殘巾子峯頭日
猶認吾廬竹外煙水怪有名殊未見屏燈無事不須然
月明幽渚蒹葭靜珍重沙禽穩睡眠

次韻月上人秋夜見寄

冥鴻振鷺想儀形數日新秋入夢清丹壑流泉依舊否
碧巖叢桂幾時生風來玉戶涼初集露泫銀河色漸明
俛俛酬君無妙語夜光魚目愧相并

送遠上人還金華

千林落葉送殘秋一舸南歸興莫留富渚江平非白馬
子陵灘穩異黃牛吟懷覽勝宜無倦才力如君豈易求
他日殷勤爲細字盡傳佳句到東州

送定上人還會稽

西風警羣木蕭瑟散秋聲病客有歸思孤雲無戀情月
當千里共人恨四難并苦學誰如子他年在一鳴

參寥集卷八

八

次韻劉蔡仲秀才雪後登竹閣

檻前君子舊虛心雪後相看意更深晴日暖風催鳥語
翠梢高處嘯柔音

君看楚嶠聳巉岼圭壁千層間翠嵐山後一峯尤秀拔
依稀還落剡溪南

次韻黃仲閔主簿見訪游寶雲諸寺

吾廬附層阿松竹蔚行路平生土木軀羞爲折腰具蓼
蟲甘苦澁雖死那求遇黃香諸父賢頗益如有素相將
山水行所適得佳趣觀臺深且靚縞壁懸清句雲巢倚
空端下覽宜細顧樓臺霽雪初碧瓦塵未汗籃輿指積
景長揖還辭去恍如山陰集俛仰已成故重來竟何時

相望碧雲暮

蘇世美夫人挽辭

夫子剛中早數奇
閨門高節聳當時
淵明晚欲歸三徑
德曜能從賦五噫
不見萊衣華髮事
空驚薤露昔人悲
故知造物酬陰施
玉立諸郎富白眉

重居夜坐懷蘇伯達昆仲

狂風吹林聲怒號
隔垣洶洶如秋濤
夜闌稍覺羣動息
星斗挂簷霜月高
東隣書生勤且勞
粲然文采真鳳毛
遙想下帷應未寢
短檠相對課離騷

暮容居士雙柵軒

陽羨溪山名浙右
氤氳淑氣無時有
遂令比屋慕絃歌

參寥集卷八

九

田第殊科爭捷手
先生讀書三十年
數奇不偶真可憐
閉門陋巷聊自隱
簞瓢屢空心晏然
南軒前頭兩佳木
先生撫玩長不足
尤愛薰風五月初
白銀開花光照屋
故人邂逅相逢遇
指點婆娑索新句
君不見少陵杜叟
有長吟莫作凡材等閒賦

次韻蘇端明定武雪浪齋

孔明氣宇白玉溫
忠義勇決踰王尊
葛巾羽扇傳號令
塞垣徹警無塵昏
良辰往往挾將佐
射雕走馬循煙村
歸來飲酒坐堂上
賓從如雲填戟門
一朝郡圃得奇石
雪浪觸眼驚神魂
旁求蒼珉琢巨斛
偃然臥土知無根
三牛豈歸置堦庀
錯磨不許留纖痕
興來作詩寄臺閣

雄詞妙筆爭考論
將軍今謫窮海外
曾見羲娥窺覆盆
殷勤寄與朔方客
佳致勿毀宜長存

次韻景文會朱充仁大夫魏敏中朝奉於望湖樓

長句

高樓冠浮雲下瞰百頃湖
清漪照兩岸秀色含菰蒲
巖人富筆力領畧驚須臾
短長隨萬象背議鶴與鳧
二客各英妙溫溫古為徒
從公文字飲所樂非歌呼
酒酣挹諸山高下如迎趨
籃輿復迤邐遠訪飛來孤
炎蒸近亭午天地如火爐
石泉飲吾慮快意猶過屠
松門徹九里始見靈山隅
佳名自開皇籍甚問中區
幽芳不時豔地勝乃溘濡
招提數四海雄觀宜且無
歸途憇壽星寒碧

參寥集卷八

十

森萬株蕭騷聒眾響
孰辨笙與竽擗眸矚新榜
蔚蔚勢自殊將軍興清絕
勸客顏玉壺道人烹露芽
滿盞浮雲腴儻無方外姿
未可同此娛

參寥集卷八終

參寥集卷之九

宋智果禪師道潛參寥著

送劉不已推官罷奉符尉入都注擬

少年讀書破萬卷河朔聲名歷諸彥詞場百戰功不成
晚得青衫非所願白頭况有北堂親斗祿強須甘冗賤
三年一尉泰山下簿領區區事弓箭追窮寇盜走山谷
肯爲風霜辭怯懦要功異賞本無心脫去僅能逃所讎
草枯蓬斷歲將徂結束行裝抵京縣達官貴吏急賢材
一鷲君須預論薦投竿舍築去作相邂逅風雲一朝變
造物於人自有時未足爲君生忿怨

過彭城觀陳傳道知錄所藏東坡公畫

參寥集卷九

枯株瘦石兩相望南北悠悠徑路長卷盡平岡三百里
風枝雨葉更飄揚

次韻聰師見寄

三年東魯敗閉戶實超然靜極通幽眇神游豈間焉獨
全霜後操未異火中蓮不似沈湘客徒懷忿與悵
夙學誰知子源流務所滋風騷迫五柳禪寂擬長髭桂
魄元昭晰浮雲自蔽虧險夷終一節吾以古爲師

次韻升師見招

老去年光知幾尋無端華髮苦相侵獨憐碧眼平生舊
未改青松一寸心欲扣禪關當歲晏苦愁溪路隔雲深
相逢試探梅花信應有香鬢擢碎金

兒童淺管已能操書之吟窗幾兔毫文囿垣墉增漸廣
詞林枝葉勢方高嗟余舊喜論周誥晚歲無心諷楚騷
羨子得時勤述作宛如秋浦湧雲濤

千頃解院觀司馬才仲遺墨次韻

濛濛春雨暗村橋竹裏禽啼婆餅焦度谷紉聞車軋軋
穿林愁聽馬蕭蕭細窺陳迹僧坊靜默想風流鄙吝消
浮魄沉魂今已矣無人爲作楚詞招

唐昌王悅道桃竹軒

餘杭門西山迤邐屹屹千峰插天起窮幽摘勝過三邑
隨處雲林皆可喜邇來杖策到君家始覺溪山逢骨髓
爭流萬壑會目前競秀千巖對窗机丹楓洗雨秋霽餘

參寥集卷九

二

白鳥出沒嵐光裏主人韻勝無塵埃翠竹紅桃相映栽
良辰樽俎憑誰共友月朋雲自往來

聽盛道人琴

陰雲收雨閣曾簷寂寂西風不動簾燒盡夜堂紅蠟炬
高山流水聽無厭
有客浮游不定家玉琴三尺當生涯從來正始無人會
掉首高歌烏帽斜

千頃山園鏡堂呈應禪師

茲山嵯峨冠天下一徑縈雲行兩舍始窮絕頂見招提
碧閣丹樓屹如畫門前池水瀟蜿蟻座上風雷驚晝夜
峨眉五臺誇壯觀品目真以此爲亞偉哉南師非世人

開荒闢土初推輪寥寥相望三百載廢興一一難具陳
丹邱大士來鼓舞氣象煥發重增新投金輪驢走南北
法雨所被無涯津虛堂選勝得佳處隆簷巨棟成逡巡
窗扉洞達舒兩目異景錯出羅縹緲朝雲夜月常萬頃
寒光炯炯如鎔銀堂中隱凡人何似湛若玉毫懸秋旻
榜名圓鏡示來客庶使方寸無淄磷

沈道原養浩堂

塵勞萬計日紛紛未礙堂中養浩心花草暗香來屋角
溪山爽氣入衣襟樽中白酒無時有篋裏清詩不廢吟
夜夜鄰家助幽致數聲羌管弄微音

宣上人玉淵堂

參寥集卷九

三

玉淵閬蒼崖源深杳難測但見涓涓附籀龍宛轉來投
小池側小池方折餘兩尋龜龜不游苔不侵青天無雲
落寒影沈柔見底空人心妙哉支公營小築氣象蕭然
真不俗夜吟朝講度流年何用崢嶸誇傑屋

與定師話別六言

客有來從東越示余滿把瓊瑤萬壑千巖鍾秀故知多
士翹翹

雪解松筠振色氣回蘭蕙含芳興動剡溪吟客夢先歸
鳥飛翔

鳳唳山含暮靄西陵月破黃昏慣作江湖離別未應當
此銷魂

悲覺我師綠筠軒

綠筠蕭蕭含爽籟幽姿冷落人難愛壁間但有謫仙詞
聲名自到江湖外當年勦軒非壯觀局促簾櫳日虧蔽
一朝經畫有底難推倒牆頭了無礙坐扼西南十里山
彩翠浮空屹相對開池鑿圃增氣象佳致真爲一方最
鳥聲鳴春春漸融蘭芽蕙出初蒙茸我來正值新雨定
弄日吹香聞座中主人散策邀我步池南池北聊從容
會待龍孫添夏蔭借君此地眠清風

夏夜知果懷武康令毛澤民

暮紫寥寥股上方籠紗朱火影微茫窗虛竹淨雨初闕
雲潤星輝夜更涼落枕松聲驚瑟瑟撲簾香霧靄蒼蒼

參寥集卷九

四

遙憐散髮東堂老正臥風漪六尺牀澤民自號東堂老人

寄宗室趙伯言朝請

趙侯天人奇雅韻能拔俗豈意江湖間邂逅識眉目高
談爲余傾落落如轉轂端無貴富驕但有文字欲交游
多望士頡頏爭馳逐艱難風義高迹與古人續銅章領
劇邑宛在江之曲鳴絃陶永日了不事鞭朴新詩擬建
安簡遠詞不縛錦囊有餘棄示我僅盈軸持還故山棲
把玩時反覆美哉韶濩音鏘然落巖谷嗟余真淺陋學
海無一掬仰君東溟深短絆不可觸

讀東坡居士南遷詩

居士胸中真曠夷南行萬里尚能詩牢籠天地詞方壯

彈歷山川氣未衰忠義凜然剛不負瘴煙雖苦力何施
往來慣酌曹溪水一滴還應契祖師

讀聞復詩卷

詩律久已廢宏綱誰與操斷絃那慮續吾黨有英髦氣
穩伴彭澤詞幽近楚騷未輸湯從事獨詫碧雲高

次韻聞復廬山見懷

匡廬三載恣徜徉肯憚衣裘弊雪霜學徹死生迫粲忍
力窮騷雅陋齊梁心源素與秋潭靜定水甯同夏潦潢
邂逅逢余舊題墨蘇封苔駁不成行

夏日寄愚坦二上人

仙潭從古水雲鄉不羨西湖六月涼支港官河通市井

參寥集卷九

五

採菱拾翠有舟航舳舻迴與星辰接鐵鳳疑參鶴鶴翔
九夏登臨輸二子一時摹寫付詩囊

次韻聞復西湖夏日六言

山水初無今古人間自有沈浮試問行歌野老桑麻用
事何憂

老詩年來席卷吳儂舊恨彌申昨夜馮夷鼓吹遨嬉抵

微諸隣

夜深一碧萬頃彷彿明河接天岸山風篔成韻絕勝細

筵危絃

西湖清淺可泛湍險豈類瞿塘隨處菰蒿蓮芡櫛風沐

雨尤香

南窗寄傲一榻午帳風來卷舒懶躡子雲陳迹解嘲更
續成書

燒空火雲萬丈氣焰信可流金嗟爾龜魚得計適然游
泳滋深

櫟杜侵堦美蔭鳴蟬託質初涼薰風正被草木莫作秋
聲感傷

柱礎爭流餘潤油雲不改山容定有盲風怪雨曉來已
聽雷龍

湖光宛同玉鏡隄柳闕若房櫳六月行人過此未輸仙
客壺中

河漢斗杓橫七重城漏鼓傳三露鶴一聲何許嘎然震
響空巖

響空巖

參寥集卷九

六

次韻古上人湖上步月

尋常西湖月雲霧多曩明茲宵實昭晰似慰詩人情低
昂見列宿戢曜非光熒起余二三子微詠哦新聲杖藜
山前去雞犬寂不鳴蘭皋宿鷺羣回首時自驚君看南
北山氣象真崢嶸參差煙樹萊一一含餘清上人江南
秀邂逅意所傾夜闌勸復路浩興殊未盈

臨江月上人率同志爲社誦法華經一萬部資其

梵行作此以贈之

能仁說教滿竺乾流入中國餘五千於中妙經爲最勝
顛師所解尤通元化行吳會連海壖紛紛得法如雲煙

見聞讀誦又其次隨類譬率無間焉嗚呼上人志且堅
善邀佛子同法筵妙香炷爐馥旃檀十科勸進追昔賢
旁行貝葉軸似椽卷舒朝暮往復旋利根嫩種聊窮研
魚兔一獲忘蹄筌自餘區區顧未然潤利口舌如湧泉
外物交錯心匪緣功成一朝脫愛纏睚如紅蕖濯清淵
俯仰千聖遠可肩茫茫苦海旁無邊不有舟楫誰能先
烏蟾疾馳如走丸咨爾佛子無睡眠

瑯琊山茶仙亭呈曾子開侍郎

滁山雖僻左謫宦皆名臣後先間數公卓然皆鳳麟憶
昨紹聖初謫公俾省循盛德忘怨誹虛懷隨屈信政成
思覽眺興與煙霞親後車載鄒枚主客驚路人逶迤度

參寥集卷九

七

山谷導從屏所陳漁樵許爭席邂逅全天真冷冷庶子
泉味歷康王珍團團小圓月色冠闌山春白足相與飯
溪毛擷青菁熊魚得兼美樂事無涯津花瓷勸引滿疏
瀹貫百神危亭倚巖阿榜額獨未新牧之擅風流茶仙
誇絕倫相望三百載公能嗣芳塵

送錢持玉主簿西歸

武陵號多士君實名家孫高才縻筦庫枳棘棲鴛鴦一
旦謝朱墨超然整歸軒迎秋餞伏初炎威尙歎煩松陵
接菴皆迤邐皆清源舟子宜夜泛蘋風生夢魂回堪官
柳行干樹如雲屯明河挂柳外涼月低金盆茲行信有
得七日爲余言

寄子開內翰

天將有作會雲龍一德君臣邂逅同表率衣冠真領袖
羽儀臺閣舊家風詞林豈獨專用誥衮職深期補舜聰
四海滯淹公可棄盡教鳧雁集庭中

贈潛照月師

吳興上人心志苦筆研十年耕學圃形癯骨瘦神獨清
耿若霜鷗立秋浦錦囊新詩殊汗漫妙語間發猶稽古
銖鋤冗長更磨揉激濁疏清導靈府自然韻勝遺鳥可
遠跂淵明追步武瓶孟勸子適四方莫學匏瓜甘墮甌
崇山賈澤徧游覽始信慙高極天宇茲成技進蔚文采
楚楚華身竟何補茫乎三界同傳舍而我與君俱逆旅

參寥集卷九

八

不如回首依老褐妙精明心求許與鳴蟬委蛻葉壤餘
脫畧秋風卽高舉

垂慈堂木樨花

堂下高花屹兩株繁英碎萼巧連茹猛香匪占春園盛
清烈仍分里巷餘長抱秋蟾滋夜氣偶搖風露墮堦除
根盤厚地知方壯封植何人考厥初此花乃都正慈
化老師手植之

次韻關子容晚霽

小院回廊明霽霞疎簾未捲尙橫斜應憐碧砌無塵滓
石竹紅薇靚有花

夏夜偶興

微陽墮層巖歸翼投空林龕燈闕古殿梵唄無餘音春

茲石壁下徐風散冲襟缺月如斷環依微挂松陰清暉
婉相屬永夜諸吾心空生大覺中一漚示浮沈此身濕
巾容冥觀無古今昔我嬰世故紛紛那重陳且求華胥
夢蝴蝶相追尋

參寥集卷九終

參寥集卷九

九

參寥集卷之十

宋智果禪師道潛參寥著

東坡先生挽詞四首

造物周千載真材得豫章經綸等伊呂辭學過班楊德
 厚傾蠻貊名高震虜羌數奇終不偶難與問蒼蒼
 博學無前古雄文冠兩京筆頭千字落詞力九河傾雅
 量同安石高才類孔明平生勳業志鬱鬱闕佳城
 少年持國論不羨洛陽人抗疏忘機禍危言駭搢紳丹
 衷那有謂康濟在斯民竟謫江湖去端居寂寞濱
 初復中原日人爭拜馬蹶梅花辭庾嶺甘溜酌曹溪梁
 木傾何速椿年竟不齊靈輶向崧洛行路亦悽悽

參寥集卷十一

再哭東坡四首

一時英俊附門墉兄弟從來號兩龍雄辯未饒端木賜
 題評肯下郭林宗精神炯炯風前鶴操節稜稜雪後松
 無復勝遊參杖履追雲弄月更雍容
 羣鷺投老竄炎荒瘴雨蠻煙豈易當蕪氣內全真自葆
 鐵心無動亦何妨海山出處憑誰共蚤叟追隨樂未央
 準易著書人不見微言分付有諸郎
 羽扇綸巾擁帥權高牙大纛拂雲煙初聞父老誦嘉語
 綽有風流似昔賢謫籍數年居瘴海功名無分勒燕然
 空餘雪浪齋中石留與邦人萬古傳
 當年吳會友名緇盡是人天大導師拔俗高標元自悟

妙明真覺本何疑籃輿行處依然在蓮社風流固已衰
 他日西湖弔陳迹斷橋堤柳不勝悲

再哭東坡七首

德政從來主意寬奮髯時怒豈容奸倘逢大事能談笑
 未必風流劣謝安
 峩冠正笏立談叢凜凜羣鷺國士風却戴葛巾從杖履
 直將和氣接兒童
 大河當日決澶淵橫被東徐正渺漫城上結廬親指顧
 敢將忠義折狂瀾
 文登五月召公歸海市奇觀與願違已鰲魚龍能再起
 人間異事古來稀

參寥集卷十

二

西湖卷葢拓漪漣十里橫吞碧玉天自謂前身真白傅
 至今陳迹尚依然 公生平出處多與樂天同樂天在杭
 西湖築堤為政十六箇月公亦如之
 臨淮大士本無私應物長于險處施親護舟航渡南海
 知公盛德未全衰
 畫圖雖未上凌煙道德芬芳滿世閒遼鶴已歸東海去
 列仙風骨若為攀
 孔子韶方平與其姪處度相訪于香山作此詩以
 贈之
 洙泗芬芳遠高材尚可求二難俱韻勝小阮更風流語
 歎時容接詩豪未易酬平生喜人物邂逅此相投
 孔子書閣所藏石菖蒲

寒溪之濱沙石之寶產此靈苗蔚然而秀有美君子探
持而歸文石相并滄涵清漪根盤九節霜雪不槁置之
幽齋永以爲好

送處度赴試

異哉曲阜幾世孫白玉受性良且溫詩書禮義祖家學
擾擾自餘何足論良辰往往專吟誦遠歷曹劉攀屈宋
肯與齊梁作後塵秋月春花恣嘲弄我方杖策過西州
指點雲山結勝遊已有詔書催去興豈肯泉石更淹留
征車曉送登長陌月沒參橫河漢白期君安穩上龍門
不怕臨流遭點額

次韻李端叔題孔方平書齋壁

參寥集卷十

三

萬事年來卽罷休心繁雲水尙追求草堂早晚投君宿
紙帳蒲團不用收
菊叢稍稍敷金葉蕎麥芄芄放雪花榆柳繚牆蒼靄密
誰知中有隱人家
白頭幕府尙崎嶇南畝歸休益早圖漲上山川要佳句
安排風月待相如
舍南舍北盡雲山此處躬耕有底難社飲鷄豚好隣里
一盃相屬百憂寬
馬蹏逐逐走埃塵官府甯容自在身夜宿南溪孔居士
青燈相對話悲辛
愛君簷外蕭蕭竹翠榦扶疎一樣齊莫道此君無俯仰

驚風墮雪亦須低

端居終日少逢迎佳客時來一座傾不見諸郎事絃筦

幽窗惟有讀書聲

肝膽未應分楚越高曾元共水雲鄉方平五世祖愛君
避亂居錢塘

善作離騷語清警殊非俗肺腸

仲尼道德高千古老子微言冠百家餘澤流風俱擅美

那云玉樹倚蒹葭

吾黨從來迹易親只緣同是箇中人灌川魚鳥渾相識

來往沙頭肯厭頻

行歌亭孔甯極先生所居

自古山林浪得名欲要人僞謾逃名惟餘濞上行歌者

參寥集卷十

四

獨免移文勒戶庭

先生本自負經綸志在邱園世莫親不信請看門下客

盡爲金馬玉堂人故相范忠宣韓持正滕達
道王仲議諸公皆禮敬甚

嘗聞箕穎臥巢由振蕩高風冠九州欲識當年孔甯極

依稀堪與若人儔

潁川勝氣靄葱葱遠訪先生舊隱風閱禮敦詩見猶子

故知餘澤未終窮

次韻孔處度李榮期同遊汝陽城西等慈寺溪堂

汝陽介嶽洛郡邑古且幽出郭纔數里招提據清流干

章鬱古木中有百尺樓循梯到朱欄眼接萬象游二豪

俱才華筆力勝九牛佳辰同覽眺高懷肯悲秋軒渠發

笑語遜亂驚鳧鴨平生讀書要取用不假鈎想當授毫
初應手如見投挹子明月光冷然洗吾眸

次韻方平見寄

黃花弄色近重陽山果紅梨迴得霜節物撩人興不淺
交情如子味何長終期霧豹棲巖穴且作賓鴻寄野塘
他日西湖能過我胡麻供飯煮芹香

寄題南陽劉氏松堂

南陽自古誇雄都山川淑氣無時無中間豪傑相間出
臥龍光武興王圖有唐昌黎百世士布衣奮起爲師儒
風流異代骨雖朽餘澤尙可濡焦枯劉郎先子挺奇質
志業文史稱鄉閭詞場較莠一不售掉頭便卜溪山居

參寥集卷十

五

朋雲友月終歲事挾冊教子猶區區青松寸根手自植
氣槩今已凌凡株虬髯龍甲拂天籟颯若風雨來江湖
悲哉孝思論罔極新構永與甘棠俱西州騷人競與賦
盛事相詫無賢愚續貂自昔人所誦詩成出袖增躊躇

同韓子蒼游黃山觀約高壽朋張公碩不至

駝裘躍馬去翩翩一舍逡巡箭脫弦仙事未須窮傳記
勝游聊爲好山川穿林絡石驚寒澗綠白紫青對篆煙
惆悵能文二三子操觚安得共周旋

子蒼見和二篇再用前韻酬之

涉世伊余實強顏傷弓兩翼尙驚弦論文已失李太白
探藥行尋葛稚川請置黃公新石研歸磨潘子古松煙

幽窗寫就經綸志他日風雲去幹旋

次韻王潛翁題王孝孫所藏摩詰聽松圖

輞川奇處固難評眼裏瞳人要自明落落信爲霜後操
蕭蕭那慮世間聲忘言我已輸三士妙曲渠甯羨九成
此去黃塵沙漠底時時開匣視余清

過張公碩廷直息軒

涪翁六藝學力可當萬人施州亦英特文武備一身風
味真韻頽宛然喜相親詩壇嘗屢戰妙譽傾搢紳涪翁
往播遷風義頗凋淪施州奮不顧伏臘賜且勤霜雪槁
羣木凜然見松筠施州歸夜臺遺編照青春嗟我獨不
識覽卷徒悲辛有子紹門戶飄飄氣方振能文得父風

參寥集卷十

六

作語殊不陳流源日疏鑿豈易量涯津結廬依通衢隔
牆開暖輪頽然小軒上息偃全天真男兒功名志蠖屈
終一申誰能效急急俛仰車馬塵涪翁爲子名高意庶
可循

聽天竺慧照師琴

太古清音久已虧多君妙指善醫治高山流水意雖在
白雪陽春和者誰不放驚塵侵澗戶只容明月侍簾帷
滿堂賓客俱傾耳共失芙蓉漏轉時

寄伯言明發

御城東畔聽鳴珂公子當年爲我過論議凜然無雨可
文章妙絕具三多情親意合方傾倒雲散風流欲奈何

倘附南鴻寄消息吾今蹤跡闕巖阿

過王師室觀雷川范生梅花

桃李韻塵俗江梅清獨妍幽姿有時視如掛姑射仙從
來丹青手默數三四賢徐熙擅江左趙子名西川中間
復誰何絕特推老邊風流迨茲泯范子供超然迺知若
霄勝秀氣常回旋斯人非畫師勢利不可鐫與來卽揮
毫游戲三昧前一枝豈易得答子能拳拳橫斜有餘態
肌粉含霏烟我來玩几席歎賞徒留連恨無處士詩二
妙相並傳

處順齋

生前不用驚毀譽身後何須千載名處順安時真曠達

參寥集卷十

七

本無憂樂動幽情

贈聖可證師

吾道日凋喪末流殊可嗟師門互開闢學者如泥沙欲
求超然姿驚塵投渥注子初爲兒童岐嶷眾所誇長能
遊學海宛轉窮津涯誰知蓬蒿底忽覩挺生麻向來挈
瓶孟同我棲烟霞朝昏事禪悅神觀靜不譁子今未三
十涵養滋根芽行看覺苑中綽現優曇花

次韻通守楊叔豐大夫遊狼山

朱輪千騎擁郊坰政暇尋山同有名眼接青蒼心已喜
身經曠野路尤平湖吞浦激渾如海蜃吐烟雲謾作城
欲訪真仙迷紫府空端依約步虛聲

吳楚封疆一望間時平無事可相關樂天標致元非俗
靈運襟懷本愛山蠟屐斜穿橫嶺上角巾相對野僧間
扁舟却恨南來晚勝事風流不預攀

過都監趙思正崇班容膝庵

公子居閒厭華屋一官江海辭羈束端能有志學淵明
數版垣墻營小築榜名容膝雅所宜寄傲南窗聊自足
祖宗承平逾百年胃緒蕃衍如雲煙敦詩說禮不勝數
人物似君尤卓然論文講藝未易料虛己下士常折旋
憶昔初逢大梁下風味向人如倒蔗昔遭殺鶴促還山
回首相望驚百舍誰言江路渺雲濤一舸春風重命駕

酬王衮臣朝奉見贈

參寥集卷十

八

吾聞終南山鬱弗參斗牛其下多賢豪學術貫九流公
生實異稟氣奪河漢秋妙齡升廣文岐嶷壓上游登科
三十年仕宦真悠悠功名信有命富貴豈力求邇來居
海上未解鍾儀囚高懷素聞道對客忘咿嘵相權固傾
倒不可卽掉頭今我來自東邂逅欣綢繆新詩激謬懦
詞力勁且適悅如開武庫左右森戈矛便當偃旗鼓罷
戰爲良謀與公從逍遙放浪追子休

觀宗室伯山司戶詩卷

參軍暫輟簿書忙爲我聊開古錦囊玉骨已能合秀氣
珠璣那解不輝光王孫挾策真難事妙質如君豈易量
他日酬書天祿閣聲名端可繼劉郎

次韻思正雨中偶興

招提岑寂古城隈
海雨江風日日來
但覺園林芳意盡
不知紅紫爲誰開
花飛南陌渾空柳
綠染中庭半是苔
有客衝泥能過我
笱輿駝褐夜深回

酬趙存道都曹見贈

騷人久無聞風雅
日寢衰汀洲空蘭芷
憔悴無芳姿
參軍妙述作鮑謝
相並馳明珠不自耀
光彩閎陸離
聊因五斗粟
暫寄東海湄
官身雖簿領
游刃能一麾
寥寥古寺空
轉砌春日遲
閉關時却掃
寂寂下書帷
唐虞悉觀覽
百氏了不遺
論文慎許可
紀律嚴自持
昨朝發新詠
落語皆瑰奇
世無楊德祖
詎識黃絹詞

參寥集卷十

九

次韻思正游南寺賞牡丹

叢芳依小院
妙色發纖穠
綽約宜朝露
溫柔怯午風
興隨權宴盡
事逐斷雲空
應待醪醕放
招攜更與同

贈思正令子

堪愛君家小鳳雛
炯然眉日照冰壺
他年足逸詩書圃
翰墨場中千里駒

思正挈家游張氏園有詩俾余次韻

邦人莫訝氣如虹
生長皇家富貴叢
陶寫年華樽俎外
吟哦風物笑談中
伶倫奏出千般巧
錦綵纏頭一樣紅
琴瑟獻酬還可樂
牽衣兒女復相同

維陽秋日西郊

雨洗高梧爽氣浮
鳴蟬相喚作新秋
翻空白鳥一行去
目送罔辭欲盡頭
瓜花零落豆花繁
秋入隋家舊苑看
水調遺音今寂寞
空餘壞道瀉哀湍

參寥集卷十終

參寥集卷十

十

參寥集卷之十一

宋智果禪師道潛參寥著

送王彥齡還河內

武陵王郎高韻度鞍馬四方無定住
眼逢泉石便吟哦
咳唾珠璣不論數我亦悠悠事不
滿浪萍風梗隨安之
少室山前古蘭若邂逅便與同襟
期興來岸幘一長嘯
清聲激越穿雲嶠竹林故事獨未
泯人物如君亦高調
秋風獵獵促鳴蟬歸路千山入馬
鞭白袍烏袖宜圖畫
不羨襄陽孟浩然

寄周臣觀察

帝胄天孫多茂良似公人物更難
方詩書自負青雲器
風月能收古錦囊科斗雷文陳几
席鱗衣蟻食蠹杯觴
都城邂逅傾遲素崧少歸來一夢
長

題公震畫後

錯莫江雲結暝陰歸飛宿翼半浮
沈毫端領畧無遺種
想見雍容物外心

兼葭照雪含餘潤古木攙天氣老成
山谷不來居士死
何人爲子一題評

同趙伯充觀東坡畫枯木

經綸志業終不試晚歲收功翰墨
林偶向僧坊委陳迹
每經風雨聽龍吟

蕭然素壁倚枯枝行路驚嗟况所思
惆悵騎鯨天上去

邇來人世恐無期

大年觀察許作從駕出南薰門雪霽
圖因以詩督之

南薰門外照初陽寶馬雕鞍從玉皇
千丈雪雲開遠野
萬枝瓊樹闕新粧筆端妙處君先得
老去閒情我未忘
乞與山林資玩好高懸素壁爛生光

與廖明畧學士賦餘干縣白雲亭

白雲翔太虛時來傍孤城超然此榮
觀常恐鸞鶴迎能
賦自疇昔騷人遺典刑嗣音竟有屬
異代逢淵明揮毫
無停綴臨流有餘清光風轉洲渚爽
氣生軒楹况復塵
常州吐辭皆正聲跛子浪續貂坐想
徒搖旌

參寥集卷之十一

次韻試可同遊法王嶽寺

兩山修徑盡榛蕪設詭當年幸翠輿
空覩宸文藏寶構
不逢衲子話真如詩久無僧林深想見
孳根茂地勝宜多隱
者居涼月照人歸路好傍溪嘉樹影
扶疎

次試可喜雨

東阡北陌久黃埃天遣神龍詎用媒
雲似濤頭山半起
雨如銀竹望中來奔輪澗谷時傾岸
噴激龜魚或曝顯
民物有秋真可喜池蓮從此更須栽

峻極夏夜

廣庭無凡株鬱鬱兩佳樹扶疎儻美
蔭盤錯根本固朝
披葉底風夜泣衣上露禪餘自循繞
百匝未忍住月華

中天來左右發暉素清景非人間冷然洗吾慮緬彼大
梁下炎蒸毒朝暮朱門曉未開馬足已馳騫摧眉事權
要幸彼一盼顧素標插君頭擾擾獨不悟

觀曹夫人畫

野水平林渺不窮雪翻鷗鷺點晴空洞房豈識江湖趣
意象冥將造化同

華屋生知世曹榮誰教天付與多能西風白草牛羊晚
隱見橫岡一兩層

臨平山下藕花洲旁引官河一帶流雨棹風帆有無處
筆端須與細冥搜

次陽翟尉黃天選見寄

參寥集卷十一

三

萬形宇宙間佚我方以老流光安足恃百歲同過鳥頃
余嬰網羅文彩緣自表自古山林人何曾識機巧但記
寒巖翁論心秋月皎黃香十年舊學術參眾妙虛懷養
天和肯狗奔走鬧官居職事理晨起何用早桐陰滿西
齋叱吏供灑掃眷余東南來野飯煮芹藻先生既清尚
令尹亦高蹈相將古寺行軟語頽晚照公家有畸人虛
緣能自葆卜築嵩山陽行當從結好山中饒勝境一覽
未易了何時命巾車共陟雲外嶠翻愁筋力疲不隨追
勇踵公詩擬南山雄拔千丈峭形容逼天真邂逅適其
要藩籬吾未窺敢議窮閭奧

次試可祭嶽宿齋

神祠齋館臥耽耽五鼓星河屢起瞻劍珮森森趨帝右
衣冠肅肅奉宸嚴風傳遠壑松千樹人擁回廊月一簾
四嶽旌幢初會散晨鳥聲動廟竿尖

贈宗室德強團練

造物賦象質茲余頗能名瓊瑤琢其骨冲和擅其清公
生華屋貴好學從妙齡才高豈容過卓然以文鳴厚德
滋善養雍容無暫矜區區草芥人未必真爾能家藏三
萬軸插架連屋楹牙籤示題目探頤手不停微言固澹
泊嗜好如飴餠祖宗開鴻基累聖致太平誥誥既蕃衍
綽綽亦見稱裕陵喜人物教率從典刑聯翩試文藝議
論參公卿公材實杞梓落落非杉檉願言勤著書會當
稱朝廷他時樹勳業彝鼎信可銘

參寥集卷十一

四

秋聲

古槐花落小中庭夜半風來捲葉鳴潁水先生如尙在
呼兒應問此何聲

次天選寄逍遙庵黃居士

收得詞場舉子身拂衣高臥傍嶙峋休言白日壺中勝
且看紅顏鏡裏春富貴羣爭雖有路山林獨往豈無人
恐君未識陶彭澤故約籃輿訪采真

次試可同謁子晉祠

古柏連岡三萬株朝煙破日翠扶疎投鞭下馬得幽徑
共謁賓天帝子居

遺榮少海徑無雙便逐浮邱出帝鄉可笑而今居富貴
亦思高舉上蒼蒼

哭少游學士

江左有豪英超驥世無倫妙齡已逝作識造窮天人儒
林老先生相與爲友賓客來叩治亂揮毫披霜筠波瀾
與枝葉猶足跨後塵青衫入仕初十年爭扶輪孤嘲可
敵眾志鬱不得信造物念流落薦收付洪鈞干將不許
就中畫如有神七年投炎荒日與山鬼隣妻孥各異土
相望同參辰秋風吹黃茅八月瘴霧新回車嬰重厲惻
惻無與親中原尚杳隔墳隴懷棘蕪淒涼潯水頭魂逝
歸無因精爽竟了了挽草見情真流傳到京闕悲讀聞

參寥集卷十一

五

拈紳斯人儻不亡光華國之珍彼蒼未易曉三歎鼻酸

辛

念子少年日豪氣吞九州讀書知竅奧游刃無全牛當
時所獻策考致第一流論高追賈誼氣勝凌馬周勝理
非空文灼可資廟謀危根易搖動謂子不好脩嗚呼一
齊人柰彼眾楚咻孔門餘四科士豈一律求區區事屠
釣崛起爲公侯數奇信有命君亦忘怨尤平生所著書
字字鏗琳球子道決不泯千載傳芳猷

瓶盂客京口彷彿熙甯末君方駕扁舟歸來自茗甯中
冷忽相值傾蓋忘楚越禪揮麈老鋒辨鼓子頁舌連宵
極名談江閣倚清絕扣檻出鼃鼃時取一笑發邗溝介

淮海濟濟多俊傑良辰苦招要結好從此設堂堂紫髯
翁道德冠前烈風流廣文老炯炯事脩潔老禪魁叢林
冠蓋趨雜運三豪相繼往墓木葉屢脫子今復云亡枯
棋愈殘缺相逢舊好問悲詫那忍說明年東下船繫纜
竹西月若奠蜀岡南彈指當承訣

寄王晉卿都尉

主第耽耽冠北城位居侯伯固尊榮肯將踏月趨朝脚
來伴穿雲渡水行池上紅蕖應漸老山中紫笋尙抽萌
崧陽迤邐川原勝聞說他時卜釣耕

與田承君宗丞話舊

赤日下西谷松門歛餘暉蕭蕭征馬鳴客子來者誰故

參寥集卷十一

六

人田子方六月并州歸崎嶇千里道問子來何爲君命
不俟駕詎敢辭炎曦禪庭梵唄歇軟語同遠迤梧桐挂
涼月清潤含裳衣人生實萍梗同附一渺瀰驚風或暫
先波定還相依昔我在南苑識君英妙時軒軒勇氣節
凜凜如熊羆聲名固已早時命殊淹遲今茲向魏闕驥
足將騰夷聖君隆至治諫諍求瑕疵嘗聞至人語子可
補拾遺一言開堯聰四海風俗移無爲外重失譽謬當
自持贈言古者事吾豈忘前規

登嶽頂呈試可邦直

偉哉中國擅五嶽巍巍崧高據其尊四時百辟盡朝會
雲幢煙蓋來追奔自餘眾阜何足數擾擾羅列真兒孫

秋霖乍開原野淨
隆曦破海浮朝暉
淵明曠達不事事
勝日結客遊山樊
山腰下馬躡風磴
杖履詰曲躋巒岼
窗經玉女猿鳥寂
石漱飛瀾鳴潺湲
長松吟風和哀響
肌膚凜栗淒神魂
行窮絕頂已瞞側
雲煙爲我開餘昏
昂頭元天驚尺五
星斗歷歷俯可捫
超然擬與人世絕
彷彿有路通崑崙
洛陽奇峯三十六
領畧併入一眼吞
平生方寸喜壯觀
茲游氣豁殊軒軒
二豪詞筆有餘地
請賦傑句留山巔
風流便可付千載
歐梅尹謝相與傳

送慈義游嵩少

道人家住錦溪頭
衣被常含爽氣浮
偶踏塵埃經北闕
却尋雲水過西州
冰銷陰壑蘭芽動
岸柳長條春意柔

參寥集卷十一

七

少室峯前無異路
莫將陳迹苦追求

參寥集卷之十二

未智果禪師道潛參寥著

寒食日蘇翰林同馬仲玉提刑過訪有詩示怡然

并余余次韻

使君薄珪組富貴良易足一麾下東南千里爭拭目
授毫賦山水詞源瀉溪谷勝遊便杖履聒耳厭絲竹西湖
破春冰曉漲翻晴綠相將二使輶導從還屏逐後先度
巖壑頽頽追鸞鶴樂重殊未央酒行宜局促風流俄醉
舞坐客瞻顏玉嵇阮真達生秦唐謾歌哭斜陽絕湖去
兩槩凌波速却尋元龍居隱隱隔喬木到門呼主人展
畫滿高屋夕鼓來遠近雨聲飄斷續籃輿入城市夾道

參寥集卷十二

一
開燈燭盛事在餘杭他年見圖錄

無爲堂

無爲豈不動無念非剗心至人均道妙與物相浮沈青
銅一寸明萬象了自分何須苦機械擾擾亂冲襟暗窗
覆煙篆衣袂蒙餘薰超然曠士懷所得踰古今

示法穎

兒曹汝既識薰蕕卓犖應須力自修一志徑從齊客語
萬端無受楚人咻卑飛燕雀宜深遠高舉鸞凰可並遊
莫負謫仙當日語十年名譽滿東州

次曉師見別欲遊京洛

春波漲南浦霽色媚澄鮮扁舟駕兩槩行矣子所便岸

花開迤邐紅紫交相妍詩情發浩蕩輪瀉萬壑淵清新
逼庾信雅健迫樊川相傳得鴻鶴翔集固超然衣被暫
塵土他時洗雲泉幽姿復炯炯不羨玉池蓮

游徑山懷司馬才仲

桑柔蔽野麥初齊布穀催耕雨一犁畧行時橫溪上下
菁薇間發水東西重尋勝處追前賞無復斯人手共攜
回首春風增感慨綿綿黃鳥更悲啼

清明日湖上呈秦少章

水邊花霧曉氤氳春入西湖兩岸深冶葉倡條他白媚
朽株枯木我何心鞦韆索轉朱樓角博塞聲喧碧柳陰
年少故人方感慨未應從俗強浮沈

參寥集卷十二

二
送誠無上人還洞山

上人妙齒遺樊籠嗜好豈與稠人同巖棲水飲有餘裕
期以至道超鴻蒙少林入定僅千載末路鼓舞誰爲雄
西江老褐真望士蟻趨雲合爭所從羨君伏役事且久
誠專志苦迷春冬心珠磨錯稍精瑩彷彿水月含冲融
去歲扁舟下吳會溪山勝蹟情所鍾芒屨竹杖霜露入
始知節物徂秋風朝來興盡挽不住翻然又逐南征鴻
他年相逢定廬嶽與子終老巢雲松

送嚴上人還永嘉

道人出處孤鴻傳詎肯低頭受羈絆颯風轉日歷九州
不羨騎鯨游汗漫我生與君幾相逢窮幽摘勝時乃同

胸中妙道未容扣又引高興辭秋風君家住在孤嶼側
此別何時見顏色欲識相思一寸心冷月依依挂空碧

吳門獄中懷北山舊隱六首

江湖堂北是吾廬繚繞杉篁蔚有餘欲問山中近消息
鱗鴻不寄獄中書

誅茆投老卜栖遲雲雨相翻豈易知夜鶴曉猿依悵望
回車復路可無時

數畝檀欒古道邊亭亭氣槩上參天未應霜雪能摧抑
不用行人嘆可憐

東嶼扶疎一樹梅繁英辜負歲時開殷勤寄語蘭同蕙
他日春風我亦來

參寥集卷十二

三

甘冷宜茶石縫泉得名初自玉堂仙蒼苔泮穢聊疏治
照月涵星復粲然

一徑緣雲入壽星竹間窈窕見疏櫺闌干數曲觀臺上
幽草覩花常滿庭

劉咸臨秀才挽詞四首 道源學士之子

劉子江南英韻勝不友俗閉門誦詩書戶外無來躅昔

我寄匡山巖屏屏幽獨君聞跨蹇馳迢迢訪深谷忘懷

去畦畛結好比松竹浮雲事忽空逝水難再復徒有篋

中文千秋成鬼錄

異林擢陽阿秀色方蔚然侵尋掩眾阜屹屹上造天驚

聽忽摧殞中道虛棄捐顏淵古稱天道德今獨妍何求

擁腫爲無用徒永年

平生本家學耻作干時語著書以愚名綽欲慕前古紛
紛詆迂闊默默君自許弱齡詠風騷其詞哀以苦先生

歎奇作壽遠終難與果爲冥冥遊一往不可覩

吾希李長吉異代不得有賴餘錦囊篇把玩時在手斯

人君並駕未易較先後肝脾裏陽秋落筆粲瓊玖當年

邂逅初宛在三峽右相攜石橋行下瞰冰雪溜音容俄

永隔山月空依舊銘詩得黃香知子垂不朽

贈霍山人

先生少年喜武事三畧六韜曾徧閱胸中雲夢吞八九

氣勝萬夫真勇決防邊伊昔從都護欲取功名繼前烈

參寥集卷十二

四

臂弓腰箭事戎裝遠出沙場恣游獵擒狐射雁狂且逸

不覺歸途迷夜雪敗官遭譴失所志回首飄然辭魏闕

挾持妙術當生涯放浪江湖開歲月尋常得錢卽沽酒

笑與妻奴同飲啜樂天知命了無憂奕奕紅顏浮兩頰

春風浩蕩魯城邊稠花亂葉爭紛妍方將與君共攜手

騁懷游目相回旋興來別我汝陽去黃鵠一舉難留連

村橋野店醉斜日路人誰識地行仙

戲書秋景小屏

黃蘆敗葦兩三叢彷彿江湖在眼中雁鴨驚呼綠底事

一時昂首立秋風

過韞秀堂觀仲豫二詩因次其韻

箕南斗北各殊方誰信相思去夢長蓬斷草枯當歲晏
寥寥空對蕙爐香

荆溪一別十年餘流竄何嘗定所居等與山河同幻質
更將三界作蘧廬

殘菊

霜摧露殞萬枝空叢菊鮮鮮尙見容細葉冷香聊自媚
無心引蝶更勾蜂

溪上

紅蓼叢邊雙鷺飛波痕翻動碧琉璃須臾相趁却回首
斜立垂楊煙外枝

滌軒

參寥集卷十二

五

隔雲穿竇引涓涓噴玉跳珠亦可憐心垢本無何用滌
戲將瀟灑度流年

次子容同聖功見過

檀欒小徑闕陰陰解鞅停驂步更深知我山樓久牢落
故留佳句比南金

桃李君家世在陰棣花雍穆義還深浮雲百變何須怪

張耳陳餘舊斷金

續許元裕夢中作二首

北窗支枕夢幽微隱隱神明發暗機未可病中驚老去
會須花底喚春歸

琉璃雖破彩雲飛演慶高門去易衰既有嘉祥能兆夢

定須他日產熊羆

次聞復湖上秋日十首

澤畔蒹葭蕭瑟露華落日珠浮撫事少陵多感萬端獨
立懷憂

禪餘偶登絕巘據石聊爲欠申眼界設分畦畛誰知大

道無隣

楚客當年何苦愁懷線轉非舒賴有管城公子離騷萬
恨能書

西湖發揮有素最盛唯誇樂天遺愛到今不朽長隄一

道如弦

處士尙餘陳迹斷碑橫臥林塘婉約梅花秀句騷人萬

參寥集卷十二

六

古傳香

草蔓行將潰茂菊英稍稍敷金南浦愁窺去燕海山莽
蒼雲深

江城秋至幾日風物陡覺淒涼隣女機絲何有夜間促

織悲傷

人物年來衰謝背繩追曲周容嗟爾得時蠅蚋故能嘲
哂龜龍

涼月娟娟清媚舒光巧入簾櫳萬籟聲同比竹細窺一

空中

可怪狙公巧黠猶迷暮四朝三老我身如枯枿兀然不
動幽巖

次樓試可見招

東州羈旅迹誰親夫子端能給我貧
默識松筠霜後操
靜看桃李夢中春
嵩陽勝絕高天下
縣令風流邁古人
待得芳菲開爛熳
去隨行樂後車塵

春陰

浮雲易作雨無端
未放春泥十日乾
須信杏園憔悴煞
從來花骨不禁寒

登西樓望桃花

江南梅子已生仁
京國桃花始放春
氣候不齊雖可恨
一枝猶得見牆闌

小樓西望那人家
出屋香梢幾樹花
只恐東風能作惡

參寥集卷十二

七

亂紅如雨墮窗紗

送伯言赴姑蘇

郁城公子海賢否
良難會從容翰墨場
班班知所詣超然
三四公詞學昔人配
源流出蘇黃汲引功
豈細斯人固才華
氣節復遠邁一官從
幕府未覺簿書礙
投刃却馳行岸巾
依物外凝香久寂寞
清絕令可繼初辭廣陌
塵笑鼓春江柁楚岫與
吳山相望挹空際
莫唱渭城歌臨流增歎喟

贈歐陽季默

先公跨箕尾搖曳旋天闕
於今二紀餘肯復來人間
時時遺編彷彿窺一斑
夢寐思見之何從暫追攀
邈來

都城裏忽覩庭中蘭
方寸實驚喜典型斯可觀
抱病一榻上骨瘦清琅玕
為余設幽几氣貌徐以寬
微詞落玉塵文彩真孔鸞
棣華惜未識妙學問朝端
先公德未泯四海共仰歎
願言付百世清風嗣門闌

次劉延中見贈

劉郎世胄子苦學窮淵源
羞為一掬清欲效千丈渾
君看長鯨質澗壑豈所存
操觚妙述作斧鑿無纖痕
鍾牙不世出審音誰復論
鸞雛理勁翮雲漢思孤鶩
上追鸞皇游下棄燕雀喧
建安誇七子壯氣君可吞
九衢苦昏霾槐陰蔽重門
良辰為我飯滿案餘芳
蓀吹語夜達旦未覺罷
神魂須知名教樂不羨
富貴尊

參寥集卷十二

八

酬劉巨載舍人見贈所畫山水扇

冰紈玉粉淨無塵
墨妙扶疎更絕倫
試問揮毫底人物
不言從可識天真

觀明發畫李賀高軒過圖

唐室茂宗枝時平多俊良
長吉尤震曜春林擢孤芳
退之於孔門屹屹真棟梁
筆力障百川風濶息其狂
破衣繫麻鞵右顧生輝光
一朝與湜輩命駕驚煌煌
賀初為兒童隨父事迎將
須臾命賦詩英氣加激昂
長安眾詞客聲問爭推揚
風流垂異代尙想古錦囊
君今亦宗英韻勝斯人方
少年肯事事苦學志獨強
風騷擬屈宋妙處相韻頡
頡丹青出戲弄配古猶擅
場形容示往事彷彿

如在旁一徑入幽遠古垣繚林莊平橋跨淥水叢薄含
慈蒼晴窗爲披拂佳興杳難忘

次東坡居士過嶺韻

一時遷客盡難堪二老高懷默自甘造物定知還嶺北
暮年甯許喪天南安排拄杖尋廬阜抖擻征衣洗瘴嵐
他日相逢長夜語殘燈飛燼落毳毼

次代嶺上老人答

閒將箕帚掃崔嵬夾道松陰盡我栽人去人歸真一笑
壞空成住互輪回

次韻子由侍郎書事二首

七年依嶺外遇物卽防閑宿負初償畢他生豈復還飄

參寥集卷十二

九

飄疑鶴侶奕奕藹童顏自許喬松壽元機密鎖關

真材不易得於國實長城造父還能御驂騶豈憚行買
田隣少室爲計老餘生居士來何晚江淮遣候迎

次試可見訪峻極遇雨

都城塵土倦茫茫獨喜西來策甚長避暑禪房依亢爽
可人溪雨作清涼飛蚊斗絕簷間開乳燕時拳砌下簷
縣令風流真晉客談餘玉麈自揮揚

揖仙亭

崧陽古令尹製錦誇妙手鳴絃對高堂坐使風俗厚政
成思考槃觴豆宴賓友開亭面縱嶺佳致昔未有雲烟
露蕊隴青壁冠星斗三子果真仙揖君千載後驚車駐

縹緲彷彿容暫偶天風吹笙簫淒響落戶隔紛紛驚坐
客往往爲回首相顧弗復言且進杯中酒

參寥集卷十二終

參寥集卷十二

十

參寥集附錄卷上

明古歛汪汝謙輯

東坡稱賞道潛之詩

東吳僧道潛有標致嘗自姑蘇歸湖上經臨平作詩云
風蒲獵獵弄輕柔欲立蜻蜓不自由五月臨平山下路
藕花無數滿汀洲一見如舊及東坡移守東徐潛往訪
之館於逍遙堂士大夫爭欲識面東坡僕客罷俱來而
紅妝擁隨之東坡遣一妓前乞詩潛援筆而成曰寄語
巫山窈窕娘好將魂夢惱襄王禪心已作沾泥絮不逐
東風上下狂一坐大驚子瞻喜曰子嘗見柳絮落泥中
謂可入詩料不意此老收得可惜也自是名聞海內然

參寥集附錄卷上

生偏尙氣憎凡子如仇嘗作詩云去歲東風上苑行爛
窺紅紫厭平生如今眼底無姚魏浪葉浮花懶問名士
論以此少之出冷齋夜話

道潛作詩追法淵明乃十四字師號

道潛作詩追法淵明其語逼真處數聲柔櫓蒼茫外何
處江村人夜歸又曰隔林髣髴聞機杼知有人家住翠
微時從東坡在黃州京師士大夫以書抵坡曰聞公與
詩僧相從真東山勝遊也坡以書示潛誦前句笑曰此吾師號耳

陳氏草堂

慈湖陳氏草堂瀑流出兩山間落於堂後如懸布崩雪
如風中絮如羣鶴舞參寥子問主人乞此地養老主人

許之東坡居士投名作供養主龍邱子欲作庫頭參寥
不納云特一口吸盡此水令汝作志林

參寥求醫

龐安常爲醫不志于利得善書古畫喜輒不自勝九江
胡道士頗得其術與予用藥無以酬之爲作行草數紙
而已且告之曰此安常故事不可廢也參寥子病求醫
于胡自度無錢且不善書畫求予甚急子戲之曰子祭
可皎徹之徒何不下轉語作兩首詩乎龐胡二君與吾
輩游不日索我於枯魚之肆矣志林

記夢參寥茶詩

昨夜夢參寥師攜一軸詩見過覺而記其飲茶詩兩句
云寒食清明都過了石泉槐火一時新火固新矣泉何
由新答曰俗以清明淘井當續成詩以紀其事

參寥集附錄卷上

二

送逸人遊浙東

到杭州一遊龍井謁辨才遺像仍持密雲團爲獻龍井
孤山下有石室室下有六一泉白而甘當往一酌湖上
壽星院竹極偉其傍智果院有參寥泉及新泉皆甘冷
異常當時往一酌仍尋參寥子妙總師之遺跡見穎沙
彌亦當致意靈隱寺後高峯塔一上五里上有僧不下
三十餘年矣不知今在否亦可一往

參寥泉銘并敘

予謫居黃參寥子不遠數千里從予于東城留期年嘗

與同遊武昌之西山夢相與賦詩有寒食清明石泉槐火之句語甚美而不知其所謂其後七年予出守錢塘參寥子在焉明年卜智果精舍居之又明年新居成而予以寒食去郡寥來告行舍下舊有泉出石間是月又鑿石得泉加冽參寥子擷新茶鑽火煮泉而瀹之笑曰是見于夢九年衛公之爲靈也久矣坐人皆悵然太息有知命無求之意乃名之參寥泉銘曰在天雨露在地江湖皆我四大滋相所濡偉哉參寥彈指八極退守斯泉一謙四益予晚聞道夢幻是身真卽是夢夢卽是真石泉槐火九年而信夫求何伸實弊汝神

祭龍井辯才文

參寥集附錄卷上

三

嗚呼孔老異門儒釋分宮入于其間禪律相攻我見大海有北南東江河雖殊其至則同雖大法師自戒定通律無持破垢淨皆空講無辯訥事理皆融如不動山如常撞鐘如一月水如萬窟風八十一年生雖有終遇物而應施則無窮我初適吳尙見五公講有辯臻禪有璉嵩後二十年獨餘此翁今又往矣後生誰宗道俗歛歔山澤改容誰持一盃往弔井龍我去杭時白叟黃童我要復來已許于中山無此老去將安從噫參寥子往莫必躬豈無他人莫寫我胸

後怪石供

蘇子瞻以怪石供佛印佛印以其言刻諸石蘇子瞻聞

而笑曰是安所從來哉予以餅易諸小兒者也以可食易無用予既足笑矣彼又從而刻之今以餅供佛印佛印必不刻也石與餅何異參寥子曰然供者幻也受者亦幻也夫幻何適而不可舉手而示蘇子曰以此而擬人人莫不喜哉此而晉人人莫不怒同是手也而喜怒異亦未有非之者也子誠知拱戟之皆幻則喜雖存而根亡刻與不刻無不可者蘇子大笑曰子欲之耶乃亦以供之凡二百五十并二石槃云

答參寥書

參寥集附錄卷上

四

淨慧琳老及諸僧知因見致懇知爲默禱于佛令亟還中州甚荷至意自揣省事以來亦粗爲知道者但道心數起數爲世緣移奪恐是諸佛知其難化故以萬里之行相調伏耳少游不憂其不了此境但得他老兒不動懷其餘不足云也

又答參寥書

專人遠來辱手書并示近詩如獲一笑之樂數日喜慰忘味也某到貶所半年凡百粗遣更不能細說大畧祇似靈隱天竺和尙退院後却在一箇小村院子折足鑊中糲米飯喫便過一生也得其餘瘴癘病人北方何嘗不病是病皆死得人何必瘴氣但苦無醫藥京師國醫手裏死漢尤多參寥聞此一笑當不復憂我也故人相知者卽以此語之餘人不足與道也未會合問千萬

為道善愛自重

西湖壽星院

錢塘西湖壽星院老僧則廉言先生作郡倅日始與參寥同登方丈即願謂參寥曰某生平未嘗至此而眼界所視皆若素所經歷者自此上至懺堂當有九十二級造人數之果如其言即謂參寥子曰某前身山中僧也今日寺僧皆吾法屬耳後每至寺即解衣盤礴久而始去則廉時為僧雜侍側每暑月袒露竹陰間細視公背有黑子若星斗狀世人不得見也即北山君謂顏魯公曰誌金骨記名山籍是也

參寥子真贊

參寥集封錄卷上

五

東坡居士曰維參寥子身寒而道富辯于文而訥于口外庭柔而中健武與人無競而好刺訊朋友之過枯形灰心而善為感時玩物不能忘情之語此子所謂參寥子有不可曉者五也

道潛師緣筠軒

可使食無肉不可居無竹無肉令人瘦無竹令人俗人瘦尚可肥士俗不可醫旁人笑此言似高還似痴若對此君仍大嚼世間那有揚州鶴

次韻道潛留別

為聞廬岳多真隱故就高人斷宿攀已喜禪心無別語尚嫌剃髮有詩班異同更莫疑三語物我終當付八瓏

別後與君開北戶峯頭三十六青山

參寥上人初得智果院會者十六人各分韻賦詩

軾得心字

漲水返舊壑飛雲思故岑念君忘家客亦有懷歸心三間得幽寂數步藏清深攢金盧橋塢散火楊梅林茶筍盡禪味松杉真法音雲崖有淺井玉醴常半尋遂名參寥泉可濯幽人襟相攜橫嶺上未覺衰年侵一眼吞江湖萬象涵古今願君更小築歲晚解我簪

連日與王忠玉張全翁遊西湖訪北山清順道潛

二詩僧登垂雲亭飲參寥泉最後過唐州陳使

君夜飲忠玉有詩次韻答之

參寥集封錄卷上

六

北山非自高千仞付我足西湖亦何有萬象生我目雲深人在塢風靜響應谷與君皆無心信步行看竹竹間逢詩鳴眼色奪湖淥百篇俯仰間二老相追逐故應于頃池養此一雙鵝山高路已斷亭小膝屢促夜尋三尺井渴飲半甌玉明朝開絲管寒食雜歌哭使君坐無聊狂客來不速載酒有鳴夷扣門非啄木浮蛆灑金盃翠羽出華屋須臾便陳迹覺夢那可續及君未過江過我勤秉燭一笑換人爵百年終鬼錄

卯硯銘

東坡硯龍尾石開鵝卵見蒼壁與居士同出入更險夷無燥濕今何者獨先逸從參寥老空寂

答參寥

去歲倉卒離湖亦以不一別太虛參寥為恨留語于僧
官不識能道否到黃已半年朋游常少思念公不去心
懶且無便故不奏書遠承差人致問殷勤累幅所以開
諭獎勵者至矣僕罪大責輕謫居以來杜門念咎而已
雖平生親戚亦復不往還理固宜爾而釋老數公反復
千里致問情義之厚有加于平日以此知道德高風果
在世外也見寄數詩及近編得一詳味洒然如接清顏
聽軟語也比已焚筆硯斷作詩故無緣屬和然時復一
開以慰孤寂幸甚筆力愈老健清熱過於向之所見此
於至道殊不相妨何為廢之邪更當磨揉以追配彭澤

參寥集附錄卷上

七

與參寥

別來思企不可言每至逍遙堂未嘗不悵然也為書勤
勤不忘如此仍審比來法體康佳感服兼至三詩皆清
妙讀之不釋手且和一篇為答所要真贊尙未作來人
又不敢久留知且伴太虛為湯泉之遊甚善甚善某開
春乞浙江一郡候見去處當以書奉約也要墨納兩笏
皆佳品

答參寥

兩得手書具審法體佳勝辯才遂化去雖來去本無而
情鍾我輩不免悵悵也今有莫文一首并銀二兩託為
致謝崇獎之願師得書且喜進道紙尾待得閒寫去餘

惟萬萬白重

與參寥

吳子野至出穎沙瀾竹草書瀟然有塵外意決知不日
脫穎而出不可復沒矣可喜可喜近遞中附呂丞相所
奏妙總師號牒去必已披受訖即日起居何如某將出
城赴定州南北復隔然請會稽之意終未已也當更俟
年歲間耳

東坡別集

參寥嘗與客評詩客曰世間故實小說有可以入詩者
有不可以入詩者唯東坡不揀擇入手便用如街談巷
說一經此老手點瓦礫為黃金自有妙處參寥曰老坡

參寥集附錄卷上

八

牙頰間別有一副鑪鞴他人豈可學耶葵陽曰嘴頭禪
亦自快人

又

送參寥子八聲甘州詞云有情風萬里捲潮來無情送
潮歸問錢塘江上西河浦口幾度斜暉不用思量今古
俯仰昔人非誰似東坡老白首忘機記取西湖西畔正
暮山好處空翠烟霏筭時人相得如我與君稀約他年
東歸海道願謝公雅志莫相違西湖路不應回首為我
沾衣

又

穎沙彌書迹巉聳可畏他日真妙總門下龍象也老夫

不復止以詩句字畫期之矣老師年紀不少尙留情詩句字畫間爲兒戲事耶然此回示詩超然真遊戲三昧也居間不免時時弄筆見索書字要楷法輒作數篇終不正楷也祇一讀了付穎師收勿示餘人也雪浪堂二詩尤奇偉感激轉海相訪一段奇事冒此但聞海泊遇風如在高山上墜深谷中非愚無知與至人皆不可處胥靡遺生恐吾輩不可學若是至人無事冒此險訪什麼千萬勿萌此意穎師喜得預乘桴之遊所謂無所取裁者其言不可聽切切相知之深不可不盡道其實耳自揆餘生必須相見公但記此言非妄語也

參寥集附錄卷下

明雲間陳繼儒輯

與參寥大師簡

以下見秦少游集

某頓首懶慢滋甚不奉問幾一年中間屢蒙惠書賜責亦不加切參寥師真知我者也幸甚幸甚僕自去年還家人事擾擾所往還者惟黃子理子思家兄弟子思又已分居困於俗事彥瞻每行縣輒得數日從游此外但杜門塊處而已甚無佳興至秋得傷寒病甚重食不下咽者七日汗後月餘食粥畏風如見俗人事事俱廢皆緣此也比蒙錄示黃州書并跋尾幸甚觀其詞意憂患固未足以干其中愈令人畏服爾僕所題名此却無本

參寥集附錄卷下

一

煩囑聰師寫一通相寄為望仍并蘇公跋尾前所寄者已為端叔強取去矣昨聞蘇就移滁州然未知實耗果然甚易謀見也蓋此去滁纔三程公便可輟四明之游來此借往瑯琊山水亦不減雪竇天童之勝子由春間過此相從兩日僕送至南埭而還後亦未嘗得書渠在揚州淹留甚久時僕值寒食上冢故不得往從之耳莘老壽安君竟不起子實遂丁憂遠方罹此禍故殊可傷也傳師已聞作司農簿聲聞籍甚恐旦夕得一美除公擇近亦得書說秋初當至湯泉到寄老庵見顯之恨不與吾儕同此樂顯之恐十數日間來此為十數日之會今已到天長矣黃魯直近從此赴太和令來相訪為留

兩日得渠新詩一編高古妙絕吾屬未有其比僕頃不自揆妄欲與之後先而驅今乃知不及遠甚其為人亦做此蓋江南第一等人物也黃詩未有力盡翻去且錄數篇嘗一嚮足知一鼎味也又為僕手寫兩記今封去如辯才無擇要入石便可用此摸勒僕自病起每把筆如嚮不知何謂得此公為我書殊增氣也其字差瘦更為潤色刻時令盡墨為妙中間有未安及不是處但請就改之若刻得成囑二師各寄數本李端叔在楚音問不絕比如毗陵過此相見極歡揚州太守鮮于大夫蜀人甚賢有文僕頗為其延禮有唱和詩數篇今錄一通去當一笑也頃聞公不作詩有一小詩奉戲又聞復破

參寥集附錄卷下

二

戒矣可謂熟處難忘也聰師有書來要字序僕近日無好意思明年又應舉方欲就舉子學時文恐未有好言語今但為渠取字曰聞復蓋取楞嚴所謂聞復翳根除者也錢塘多文士可求人為作不必須僕也蔡彥規已卒關中今歸葬山陽可傷朋友彫落如此獨有僕數人樸鈍落魄者無恙又多病少佳意人世良可悲耳何時合併以盡此懷不宣

送錢秀才序

去年夏余始與錢節過於京師一見握手相狎悔不願忌諱如平生故人余所泊第節數辰轉一來就詔笑終日去或遂與俱出遊遊飲食而歸或陽然不見至數淡

日莫卜所詣大衢支徑卒相覩逢輒罵索酒不肯已
因登樓縱飲狂醉各馳驢去亦不相辭謝異日復然率
以爲常至秋余先浮汴經淮以歸後踰月而節亦出都
矣於是復會於高郵高郵余鄉也而邑令適節之僚婿
爲留數十日余既以所學迂濶不售於世鄉人多笑之
恥與遊而余亦不願見也因閉門却掃日以文史自娛
其不忍遽絕而時過之者惟道人參寥東海徐子思兄
弟數人而已節聞而心慕之數人者來節每偕焉循陋
巷欵小扉叱奴使通卽自褫帶坐南軒下余出見之相
與論詩書講字畫茗飲弈碁或至夜弈而絕口未嘗一
言及曩時事也於是余始奇節能同余弛張而節亦浸

參寥集增錄卷下

三

知余非脂韋汨沒之人矣客聞而笑之日子二人者昔
日浩歌劇飲白眼視禮法士一燕費十餘萬錢何縱也
今者室居而輿出非澹泊之事不治掩抑若處子又何
拘也罔兩問景曰曩子坐今子起曩子行今子止何一作
其無特操歟子二人之謂矣余對曰吾二人者信景也
宜乎子之問也當爲若語其凡夫思慮可以求索視聽
可以聞見而操履可以幾及者皆物也歌酒之娛文字
之樂等物而已矣顧何足以殊觀哉漁父有云滄浪之
水清兮可以濯我纓滄浪之水濁兮可以濯我足夫清
濁因水而不在物拘縱因時而不在己余病弗能久矣
不意偶似之也而復何苦竊竊焉隨余而隘之哉客無

以應一日節曰我補官嘉禾今期至當行矣蓋有詩以
爲送乎比懶賦詩又重逆其意因叙遊從本末之迹并
以解嘲之詞贈焉節吳越文穆王之苗裔翰林之孫起
居之子偶儻好事有父祖風云

龍井題名記

元豐二年中秋後一日余自吳興過杭東還會稽龍井
辯才法師以書邀予入山比出郭已日夕航湖至普甯
遇道人參寥問龍井所遺藍輿則曰以不時至去矣是
夕天宇開霽林間月明可數毛髮遂棄舟從參寥杖策
沿湖而行出雷峯度南屏濯足于惠因澗入靈石隄得
支徑上風篁嶺憩龍井亭酌泉據石而飲之自普甯經
佛寺十皆寂不聞人聲道旁廬舍或燈火隱顯草木深
符流水激激悲鳴殆非人間有也行二鼓矣始至壽聖
院謁辨才于潮音堂明日乃還

參寥集增錄卷下

四

同子瞻賦游惠山三首 附參寥

輟棹縱幽討籃輿入青蒼圓頂相邀迓旃檀燎深堂層
巒淡如洗傑閣森欲翔林芳含雨滋岫日隔林光涓涓
續清溜靡靡傳幽香俯仰佳覽眺悠哉身世忘
使君厭機械所與惟散人顧慙兼葭陋繆倚瓊枝新上
干青礫破下屬白磷磷洞天不知老金界無棲塵緬彼
人間世烏蟾閱青旻詎得踵三隱山阿相與隣
樓觀相複重邈然闕深樾九龍吐清泠澹澹曾未絕巽

任馳千里真珠猶不減况復從茶仙茲焉試葵月岸巾
塵想消散策佳興發何以慰遊嬉操觚繼前轍

參寥同賦

山烟弄滅沒山木含蔥蒼刺舟傍遙岸理策升虛
堂周遭囑層巘矯矯如翱翔下瞰平田流澹然浮
日光青筮解初籜洗雨聞新香雖云迫前途真賞
豈易忘

松門暗朝雨寂歷無行人蔓草忽穿徑卉木鬱以
新措前漱石齒照眼光磷磷史君美無度卓犖遺
囂塵風標傲竹柏談笑凌窮曼何愧沈冥子臥霞
吞結隣

參寥集州錄卷下

五

揚帆渡江來洗眼驚翠樾雲姿既容裔鳥弄更清
絕凌梯訪前蹤瓊珍亦未滅嗟我魚目光疇能綴
明月在墨掃琅玕風烟座中發殊勝區中人茫茫
走飛徹

和黃法曹憶建溪梅花

附參寥詩

海陵參軍不枯槁醉憶梅花愁絕倒爲憐一樹傍寒溪
花木多情自相惱清淚斑斑知有恨恨春相逢苦不早
甘心結子待君來洗雨梳風爲誰好誰云廣平心似鐵
不惜珠璣與揮掃月沒參橫畫角哀暗香銷盡令人老
天分四時不相貸孤芳轉盼同衰草要須健步遠移歸
亂插繁華向晴昊

參寥詩云

朔風方張清雪壓茅齋欲欹倒門前誰送一
枝梅問訊山僧少病惱強將筆力爲君寫麗句已
輸何遜早碧桃丹杏空自妍嚼藥艱香無此好先
生攜酒傍玉叢醉裏雄辭驚電掃東溪不見謫仙
人江路還逢少陵老我雖不飲爲詩牽不惜山衣
同藉草要須陶令插花歸醉臥春風軼軒昊

代參寥與鍾公實啓

伏承較藝數奇獻書遇合起家戎幕受職儒官榮動一
時寵踰三舍伏惟歡慶竊以文高徐樂才瞻馬周性理
丙融事機旁照扣角負鼎無羨昔人轉海回天復聞今
日某夙親談謙猥與從游觀此盛隆竊深欣忭

參寥集封錄卷下

六

夜坐懷莘老司諫

六合寥寥信茫昧中有日月無根柢古往今來漫不休
青髮素顏從此逝嗟予自少多遭迴氣血未衰心已艾
北渡長淮霜入屨南窺禹穴塵生袂日鑿一竅渾沌死
雖有餘風終破碎回車復路可無緣三問道人三不對

宿參寥房

鄉國秋行暮房櫳日已暝驚風多犯竹破月不藏星鉤
箔簷花動抄書燭燼零非關相見喜自是眼長青

春日寓直有懷參寥

觚稜金爵自昭崑藏室春深更寂寥捫虱幽花歎露葉

岸巾高柳轉風條
文書几上鬚髯變
鞍馬塵中歲月銷
何日一筇江海上
與君徐步看生潮

答閻求仁謝參寥彥溫訪于墳所

老溷城西木半摧
崑崙岡下路新開
故人此地銜憂去
禪客他時問疾回
聞爲樹風增永感
却因水鳥證西來
已謀寒食驅羸馬
細聽清談動玉哀

次韻參寥見別

爐香冉冉紆寒穗
篝火熒熒擢夜芒
預想江天回首處
雪風橫急雁聲長

次韻參寥萃老

迅風薄高林
萬象號虎豹
紛披枳與棘
爾復鼓狂鬧
我垣旣已頽
我棟又以撓
豈無一木枝
橫力難與較
黎明恣自罷
晴日射魚罩
死水失狂瀾
衰木迴故貌
勞生真夢事
往趨如睡覺
炊黍焚黃鷄
吾其理歸棹

次韻參寥三首

武陵漁子入花源
但見秦人不得仙
會有黃鸝鳴翠柳
何妨白眼望青天

長安仕路與雲齊
倦僕羸驂不可躋
但得玄暉曾折簡
何須平子更安題

且折花枝醉復醒
人間時節易崢嶸
屠龍肯自羞無用
畫虎從人笑不成

日涉園集

己未仲夏刊
於南昌退廬

欽定四庫全書總目卷一百五十五

集部

別集類

日涉園集十卷

永樂大典本

宋李彭撰彭字商老南康軍建昌人陳振孫書

錄解題以為公擇之從孫王明清揮塵錄謂李

定仲求以不得預蘇舜欽賽神會與大獄彭即

其孫也二說未知孰是宋史不為立傳其行履

亦不可考趙彥衛雲麓漫鈔載呂居仁江西詩

派圖錄自黃庭堅以下二十五人彭名在第十

五居韓駒之亞則彭本文章之士故事蹟不見

於史也其集書錄解題作十卷世久無傳今檢

日涉園總目

集部別集類八

一 陳章叢書

永樂大典所載彭詩頗多鈔撮編次共得七百

二十餘首諸體咸備謹校定譌謬仍釐為十卷

以還其舊集中所與酬倡者如蘇軾張耒劉義

仲等皆一代勝流故其詩具有軟度無南宋人

麤獷之態呂居仁稱其詩文富贍宏博非後生

容易可到劉克莊後村詩話亦稱其博覽強記

而獨惜其詩體拘狹少變化今觀所作克莊所

論為近之然邊幅未宏而錘鍊精研時多警策

頗見磨淬之功在江西派中與謝逸洪朋諸人

足相頡頏終非江湖末派所能及也

日涉園集目錄

卷一

五言古詩五十二首

卷二

五言古詩四十二首

卷三

五言古詩五十五首

卷四

五言古詩五十六首

卷五

七言古詩三十三首

卷六

七言古詩四十首

卷七

五言律詩五十八首

卷八

五言長律一首

卷九

七言律詩九十七首

卷十

七言長律一首

五言絕句二十一首

六言絕句六首

七言絕句九十五首

卷十

七言絕句一百一十首

補遺八首

日涉園集目錄

二

日涉園集卷一

宋 李彭 撰

五言古詩

次正平上座韻贈子充

吾宗大宛種未入十二閑膺門沫流赭氣已無燕山
何時黃金羈鞍轡長楸間皎皎自空谷待君當御還
戲贈兼簡李翹叟

荆州有醉客踏雪至我廬缺月寒皎皎掛在東南隅
索我五字句慙非競病徒賣菜欲求益故態發狂奴
寄聲李夫人聊爲一笑娛

日涉園集卷一 五古

豫章叢書

贈子充

阿充克家才昭代真孝秀白髮在板輿色養侍昏晝
來營甘脆具底事成宿留到骨似我窮黃鍾滿君脰
落帆哉生魄步屨月成殼幽園語更僕莫遣雙眉皺
覓句洗愁兵河傾轉箕斗

贈無著

蕭蕭玉澗翁韻調實瓊朗懷人修文去音塵生逸想
豈唯招重客我廬亦時枉微軫發妙言幽園復清曠
縹思下巖隈歲月駛兩槩寒蟬久停號新禽哢佳響
去者念履綦方來警蕙帳伊子厭囂塵絕望期自放

從君割牛峯披雲同矯掌

送人遊吳

朔風號木末迫此歲時晏驅車不停軌客子老昏宦
平生蔣詡徑求羊每娛玩持觴送落日抵掌河宿爛
胡爲向吳會雅意訪親串親串者誰歟昂昂金閨彥
噓枯由涵照要津藉推挽念子赴修塗發軔在昧旦
娟娟所嬌兒疑疑越門限閨人密縫裳遐征苦多綻
結束志千里二事忘一盼莫遣屢屢歌愆期發長嘆
宿歸元贈軼老

平生丘壑心祇園多幽趣杖藜過懸崖投足澄百慮

日涉園集卷一 五古

二

涓涓一滴泉湛湛三危露淵源自曹溪甘腴勝牛乳
諸峯羅孫曾一一尊鼻祖法筵碧眼人家世本鄆杜
紫樞與黃閣去天纔尺五不爲世網嬰絜可叶心素
繩牀作禪定太音響韶護應夢先補陀祝髮得玉斧
我來心眼明意氣諧律呂金地雨曼殊天香遶巾屨
明當整歸鞍天末蜚鴻度

奉贈正平上座

若人韻凝遠天資復敦龐蕭然出塵表幽寺聽逢逢
劍峯極天靜懸瀑聲春撞心猿久調御業白瑩明缸
殘河橫曉鉢霽霧起寒窗禪餘覓佳句鼎鼐筆能扛

我來孟冬月望履塵心降世紛劇羊負是身如帝江
願借三峽水一滋隴頭瀧永辦桑門服猶堪追老龐
和連雨獨飲

力田勝巧宦燕息自超然懶觀竹素書俯仰上壑間
時時過祗園亦復舞胎仙偶然得歡趣舉觴望青天
六鑿自無競歛見象帝先羲皇隔晨炊坐見涓風還
磨螿不少留鼎鼎遂百年但得會心侶相對兩忘言

次秦處度贈歸宗老示中上座韻

夕霏催節往槁葉徑辭風力疾招秦叔望山扶老筇
泄雲爲卿靄牽余來鷲峯中有龐眉老常持半聖弓

日涉園集卷一 五古

三

一席跨牛地誅茅期此同虛懷包朗月意表得詩翁
遠志是小草慎在出處中公莫厭苦相歲晏長相從
嗣首座以老夫詩西嶺障斜日爲韻作五章見

寄次韻答之

尋春舍南北呼酒玉東西絕勝劉校尉太乙持青藜
天邊藝蘭人風光今幾畦胡爲寂滅海妙語紆虹霓
清霜熟柿栗會面一俄頃蘇拳漸紫苞烏語度諸嶺
仰頭占昏中弧星光炳炳何當聽談玄令我發深省
我家二季子風標荀令上優孟何足求慎勿作楚相
毛顏獨摧頽兒能縛籬障摩掌繭栗委我老那復壯

爭端起儒墨春蚓兼秋蛇筆研真淺事專門自名家
但有香積飯不妨薰毗耶溫風媚高柳招客整還斜
歐峯壓半天堦除轉晴日落礎多雪芽香草皆碧苾
嗣公釋門老耽耽虎而翼我欲往叩之藤蘿迷石室
再和嗣首座五詩寄舒老微老

在昔董仲舒屈身相膠西窮經著繁露窺園廢杖藜
而我異於是清晨來灌畦雨餘聊自適微吟看斷蛭
黃生牛醫兒襟量包萬頃稱譏等夢事緩帶耳不領
公議如丹青千載煥且炳古人何必遠薄躬吾屢省
堂堂一舒翁道價融壑上煙霞斷塵緣那復知苦相

日涉園集卷一 五古

四

會將超諸緣奪我事理障莫言霜滿頤鬢鏤一何壯
嗣公丹鳳羽高笑破羣蛙汲引後來秀義俠如朱家
出語掩顏謝遊戲達摩耶卧讀春風句飛鴻澹墨斜
牧菴擔板翁銳氣如平日明壁不可瑕崇蘭有餘蕊
何嘗疲津梁苦鍛垂天翼索價無乃高孤峯問少室
送泉上人復往荆南

荊州老居士曾著進賢冠似欲專一壑其誰知孔鸞
蒼苔門巷秋不許造席客世無王粲流倒屣端不惜
上人宣城彥俊氣橫九州學道貧徹骨與世初無求
馬駒大道場屬者失宗匠欲銘宰堵坡見此真漢相

行乞千里餘朔風枯葉顛曉踏澗下雪暝宿天邊烟
赤手泛滄溟笑此太草草不爲丞相嗔乃得照乘寶
歸來寂無聞翠埃開險艱精衛旣填海愚公果移山
力貧辦行李復作南郡去游子多苦顏開士淡無慮
霜風木颼颼便當賦式微日涉望烟靄扶筇遲來歸
奉贈歸宗才首座

五著匡山履三息紫霄陰恭聞耶舍塔勢吞天姥岑
俯窺鵬鷲背上聆鐘梵音未航蕭梁葦峻風先少林
靈骨化大璐鉅名偕南金松門欲牽葉苦雨每見臨
才公三衢秀古貌又古心老胡卽渠是宴坐藏幽深
日涉園集卷一 五古 五

何用登紫霄自足披頰襟我過避秦客茗椀來相尋
真成虎溪笑稍寬梁甫吟衲子嘆雌伏道師非陸沉
世多石窟病須下鼓山針
送寧上人歸淨慈

之子遠行邁眷言欵松門雲物起離色况乃聞清猿
頗云吳會去飽參南山禪南山燕領郎氣敵千人軍
要當理斷履過我藝蘭蕪
寄珍首座

多入出或少我昔聞先儒年來病蹇拙意廣才復疎
之子禪定起焚香滿晴虛坐看氤氳處絲絲詩思俱
應作牛腰束能寄草堂無

題胡九齡畫夏景牛

陰岑不造天憇此老斲觥輟耕壘上來投閑慰心曲
養牲奉嚴禋蓋用爾粟犢莫起陸沉悲焉知果非福
送敦詩遊臨川

呂郎客秦淮詩思翻秋濤徐郎憇瀟峯句壓天柱高
相此兩公子信是千人豪叔也往從之似欲訴不遭
探囊得長句如取綏山桃療飢非蒸砂禦寒必綈袍

日涉園集卷一 五古 六

一簪未著身所得不補勞復爲飢所驅未許學卧陶
窮軍敵孤客如在皋蘭塵幾成劉文叔鬚髮變二毛
指筇峭草鞋進退似桔槔引領長江西沙頭喚魚舸
金溪有謝侯胷多畧與韜天資類文靖貌實中郎曹
叔也往從之攻愁解韃囊毋輕歌驪駒不復吟畔牢
待公相載歸爲我攜蒲萄來賞傲霜菊一尊澆老饕

和李敞戲書

短草被南陌晴絲颺幽軒心靜境云寂默居宜妙言
林深鳥鳥樂花繁蜂蝶喧是中卽真意何須祇樹園

元夕高卧

伊昔宅闕輔門閭萃冠蓋停杯邀明月意氣殊藹藹
春風墜江城蒐獮顏鬢改糞除二畝地羊裘力薪採
矯首望舒圓何由賞心在煙村雜簫鼓叢祠響竿籟
誰能伴兒嬉頗復債睡債初驚金鳴雷遠作濤擣海
非關骨相屯長閑荷真宰吾生計已決無勞問蒼蔡

宿西林寺有先特進及先學士詩

渡江送行人我行亦清興草木春路賒斜斜復整整
獨造此寶坊深穩庭宇靜復閣襯煙霞疎林泄鐘磬
殘僧澀對人短童工汲井杖屨亦能神迥知茲遊勝
極閒盤硬語怪底光炯炯追邇曾高風熟復發深省
日涉園集卷一 五古 七

來歸十陽秋足不踐斯境猿鶴情未忘拾松來煮茗

何生用韻見寄復答之兼示小何

繞屋陰扶疎空塔薛文皺懷人殊未來安得傾蓋舊
好鳥政相呼吟蛩俄應候夜夢嵇阮輩醉鄉須少留
莫踏肥馬塵我自貧馬瘦

水部有耳孫湖海胷中浩小陸復何人相逢歲亦早
並游蘇黃門我曹不容掃梧桐生朝陽要須聞鳴鳥
雲中遣馮唐據鞍未渠老

次韻答禹功兼簡周國振時禹功一夕泛舟歸

郡不及語離

攀蘿委松宿漱石看雲行松疎暝色漫雲度夕陰生

若人有高躅領畧遺世情聊爲公府步冉冉復盈盈

蒼苔映槿墉商飈薄庭樹方期著屐來遽作張帆去

擇交如擇金披沙歛相遇慈明謂無雙偉節慙最怒

公抱青田姿俯啄家雞羣微之拄頰外遐矚西山雲

昔我藻鑿士泗外老仙宜州柱史拱木蔽孤墳詎意王子敬晚

乃知羊欣

相望兩牛鳴頓覺千里別未別如懷冰別來三伏熱

頗有清暉吟當窗時玩閱音塵在我前悠然情話說

飄飄顧曲卽恬愉仍靜深相逢何必早但貴相知心

日涉園集卷一 五古 八

臨博議斯道聞韶真賞音端須理三徑歲華多浸淫

王生以詩見貽次韻答之並視脊中環中寶仲

父

渠渠太史門諸郎蓋當世大匠無棄材知人亦未易

阿戎兩雲孫駸駸遣人畏難兄江南秀美比嘗託意

歛爲修文郎不作活國士令弟老數奇禪寂甘窮頽

時於翰墨場往往見高致揚州故時語奕奕好風氣

獨識史君顏周禮秉早歲背城幾借一問學晚尤粹

相逢且班荆十事欲九異何須張女彈端爲建康醉

請拋高門竿莫反魯麟袂花藥聘君湖暄風攬春思

人生行樂耳餘事栩栩寐崇蘭有國香寧以不服廢
雖無雙南金可報綠綺惠此豈小物故吾言未渠棄
杜欽之次淵明答龐參軍韻見送用韻答之

征南遠韻度詣絕皆妙言銀臺陳諫疏恥作賦兔園
手板聊拄頰爽氣來新篇臨窗無謝守僧珍自超然
我遊赤壁下為君且延緣周禮盡在魯驚嗟類韓宣
候雁響橫河遊子念故山行當理烟艇相期醉餘年

送潤上人歸宛陵

我昔遊宣城稚節等雛鳳稍知風物奇未解人嘲弄
欽爾鬢負霜歲月雜機綜唯有謝公亭願復到清夢

日涉園集卷一

五古

九

上人宛陵秀禪餘喜吟諷習中淡無畦妙覺自能種
偶隨歐峯雲悠然入茅棟談間無俗調不應亭午供
誰云佳少年意氣極莊重別我歸故山索我贈言送
鄰邦古法窟老衲妙擒縱伽黎宴湖海名字走梁宋
吾其從之遊射隼期必中勿學漢陰人終年徒抱甕
蒲塘道中寄懷歸宗迥中法闡法仁三僧

禽雞喚晨炊轂聲轉水輟出遊得會稽辨嚴未明發
朔氣犯襟裾露華襲毛髮仿像滹沱河幽事期可悅
旅雁起寒塘疎林耿明月挽彼歲寒姿然其共明滅
豈惟甦奚奴政可烘履襪黎明詣蕭寺餉糜隨盥櫛

風廊誰談僧蒲團尋老衲堂堂大圓照此渠親記前
緬懷湯惠休妙理頗詣絕超然宴法窟曾次包禹穴
闢師遠遊孫卓卓霜下傑真成一角麟笑我綠盎豔
寂子延陵秀暉映敵冰雪渥注真龍媒作駒已汗血
刮膜藉金篦嘉言霏玉屑德星每難聚願免復易缺
紫霄上曠屹石鏡懸瑩澈幽期不嫌頻難遣芳歲歇

次韻謝眺觀朝雨

涼颺起屋角微雲天際來撼撼荷上雨冉冉自陽臺
軒窗積餘潤竹樹絕纖埃懶放事幽屏柴扉為誰開
肥遯病使然黃門豈負哉可憐南巷翁攜魚柳貫腮

日涉園集卷一

五古

十

餽我共杯盞眷焉久徘徊憑虛耳熱後褰裳望蓬萊
奉同伯固駒甫師川聖功養直及阿虎尋春因
賦問柳尋花到野亭分得野字

麗靈運行春蘅若被原野客子具歸驂隨風挽羸馬
屬國賢耳孫當代豪長者勝遊參羊何重客或屈賈
木末仲宣樓華棖大蘭若徐步幽屢尋銷憂日聊假
手無垂露資發興為君寫晚過岱宗吏寥濶存大雅
儼樽追三代琴筑觀九夏粲粲懸牙籤照眼不容捨
歸酌願建康我實陪樽下雄豪先競病遲遲頻暗啞
匪惟稱行樂性靈賴陶冶他時儻重來更結離騷社

里儒程君窮居教弟子員喜雨作詩見貽次韻

謝之

柴門臨江皋炎蒸頗云極金稚無壯心火老有瞞色
慈雲辦甘雨雷掃不容隙勞生天邊月躡次飽更歷
緬懷程夫子熱客難造席涵濡被童蒙肥瘠各有適
瓊材構露寒揮斤由匠石不邀里閭敬人自觀至德
鄙夫極荒蕪何能臻壺域弱齡再鼓衰囊弓避劫敵
蕭然專一丘非關與塵隔董生悲不遇而我異休戚
高林收晚靄宿鳥俱歛翼詩成獨微吟長懷矯雲翮

遊同安寺

日涉園集卷一 五古

十一

雨歇漲江急野興聊胥疏漾舟拂林表繫汰驚飛鳧
雲端僧坐夏遂造林公廬猊坐演妙理法筵滄海珠
舌本落雄辯奔放懸江湖巽公庭宇靜爐爇常晏如
畧無客造請杳眈毗盧吾家大長者惠光充太虛
著論役天女寶笈負於菟開圖拜遺像悲嘆隨卷舒
歸來掩關臥念冷無羸餘譬如能囊鞬境界自于于

和苦雨韻

春歸已懶祭微緣先道周衡門少燈火征夫竭乾餼
雨工挽九河海作南國憂君詩形苦詞高義薄中州
歌聲滿天地宰物能聞不凡今世賢知耄及誰不偷

唯我與之子炯炯定寡求安得習習風凍析新萌抽
遙山滌餘靄歸雲下巖幽紫鳳會鸞肅百鳥勞喧嗽
蒼生得稅駕王度日清休醉眼眩章句煩君爲校讎

遊簡寂觀

仲夏暑方壯游子巾柴車崖斷眇空曠遂造羣仙居
澗步煙靄外追涼晚風餘泉聲遠逾響猿挂時相呼
仙人翔寥廓曾不念故廬蒼珉禮斗處往往聞笙竽
我復恣雲卧悠然隘寰區妄念鼓不作長歎聊虛徐
奉酬蕭子植

太丘廊廟具活國方暢謀虎豹阨九關全驅荷靈修

日涉園集卷一 五古

十二

元方開美度奮舌同尊周悠悠釋嶠雲亭亭留海陬
別時閨中女娟娟未知愁小襦繡爛漫橫草鬪新柔
甲子歎流電窈窕今好這擇對得妙士邁往氣橫秋
既逾紀塵到復躐黃中劉屬者過我廬並坐崖谷幽
高標極道映出語如冥搜想當飽四庫那肯事五樓
回首問童稚頗有此客不分攜月屢駁好音俄見投
側聞奏雲門總章定詔誨翁當乘安車姓名覆金甌
永清遂賜環德星聚中州陋巷寡輪鞅寒烟滿林丘
滌耳聽老語餘坐復何求哦詩聊送似長懷付溟鷗

奉酬湖陰韋深道

淮南廢沐浴望漢三十秋丞相發蒙耳衛青奴虜僞
終藉汲長孺毅然寢陰謀正人國之紀進退繫戚休
鶚立聳朝著深藏耀巖幽湖陰有真隱趣向協滄洲
奇胷飽風霜大筆森戈矛急賢甚漁獵網羅英鷲收
終南與少室朝暮拔其尤胡爲卧江津尙阻瞻冕旒
顧今蘭栗嶺升禪薦園丘開軒榜獨樂高躅追前修
志士遺草澤餘波及湯流益使山林尊豪奪不可求
但恐赴隴書未能逃大蒐嗟余牛馬走鬢斑年亦道
煙霞入種藝松桂助颺颺書來挾妙句眷言頗綢繆

日涉園集卷一 五古

圭

乃知氣先感臭味還相俾詩成月生嶺迴溪上明樓

奉酬石元涇

往時萬石君諸郎皆孝秀身自浣厠膾已足垂不朽
君侯驅卉木去病如滌垢以茲壽白髮不落西京後
新章來全楚爽氣起懷袖覓句代寒温慙非報瓊玖

奉酬程子尙

彼美洛陽人貽我柏梁句艷雪敵清妍春雲多態度
憶昔郎官湖秋風落煙樹使君出程門蕭蕭髮垂素
平時仲尼履尙可藏武庫不見揚子雲欣與侯芭遇
况茲得小阮風流尙諸父曠懷滄洲期協我塵外趣

尙無金玉音歸鴻來在渚

慶上人以再聞誦新作突過黃初詩爲韻作十

詩見寄次韻酬之

鄱陽山水國東南一都會朗玉得斯人駸駸越流輩
島可不足吞支許欲追配詩新如絃簧竒眇歌一再
璧公釋門老室有芝蘭薰昔爲一逢掖直諫頗多聞
枯禪百無染靜擁襄漢雲不隨兒女遭舉旗樹功勳
蟬噪嗟齊梁鳳鳴推沈宋諸人勤著脚何嘗窺妙用
獨有杜參謀變態無與共絕唱冠古今孤高追惜誦
嘉平送餘運邱園先欲春東風堂堂來不畏北風噴

日涉園集卷一 五古

古

緬想萱芽動高標壓常珍川岑互映徹草木俱鮮新
吾友韓子蒼霧豹闕關鑰一朝出陰崖蓬山真著作
絕倫共推讓痛掃淨瑕膜行矣二紫薇居然賦紅藥
材名參上流徙薪知曲突趣嚮期真源悟悅須法窟
楚謠與漢風要自非凡骨幻藥不可當靈根貴英發
我生如餘鯨鱗漏頓補過涉世任風帆唱予聊復和
髮短巾屢欹食艱齒仍墮自嗟叔夜懶又疑武侯臥
田園本地著耕耘不忘初修桑復浴種力作共征輸
榮名愧入俊典學欣三餘安敢望輓汲雲林當晏如
子居招隱巖妙解招隱詩濟勝良有具幽討捷若馳

秀峙王郎子，竊句時相依。異世得岳湛，連璧真妍姿。
札札寒女機，織素工流黃。何如風塵外，翠袖倚修篁。
幽居渺天末，肯傍霍衛牆。饗人解龍處，誰能染指嘗。
九日奉呈元亮兄

窮秋風落山，歲事幾轉軸。蕭然四壁空，觸眼困羈束。
我飯已生塵，兄亦未有屋。少也不如人，自視真陸陸。
北阮烏賀蘭，絕影追風足。誰知薦園丘，乃用薦粟積。
棄置勿復陳，萬事蕉夢鹿。渺渺天界高，宮黃著畦菊。
能來慰艱勤，濁醪巾可漉。雖無熊耳杯，要自尊中涿。
屬厭謝珍羞，無禍可當福。回觀夸奪兒，往往加煩促。

日涉園集卷一 五古

五

用前韻

離索未相逢，情親在詩軸。歸來兩丹楓，詩作牛腰束。
妙語挾風霜，勁氣穿我屋。眼中識慈明，尊下慙小陸。
念昔少年時，洞庭思濯足。援琴寫將歸，臨河歎鳴犢。
正爾巢一枝，何勞排五鹿。江濶洲渚寒，微風泛時菊。
劇談斗低昂，露草復淋瀝。誰家酒杯寬，滿引甕頭醪。
何知程衛尉，未暇顧藉福。鼓柁牽牛河，頓覺滄溟促。

農家三首

力田徇所務，蓐食赴其勞。譬之賈欲贏，疇能惡喧囂。
連年未前期，敢緩芟與薅。黔雷無偏頗，多稼埋牛尻。

倉廩自茲實，舍飴弄兒曹。

自我高曾時，以有此土田。一朝均租賦，吏文沸相煎。
南鄰勢炙手，北鄰富薰天。歡聚烏合眾，變詐揮金錢。
本心抑兼并，瘠土賦委填。如聞下溫詔，膏澤爲洗滌。
但願多樂歲，彭腹常便便。

牛羊膺以肥，鴨鵝大且碩。里正少經過，誰能事烹擊。
年豐大作社，婦姑得紡績。吾身本完膚，箴砭困無疾。
十年遭追胥，翻倒徒四壁。從今得安眠，絡緯鳴唧唧。
聞官軍已破賊巢。

海內政不苛，民望罷危苦。劇賊藏禍心，全吳俄歡聚。
僭號著赭黃，竊發遽如許。喧然大點兵，移檄插毛羽。
推轂遣軍容，壯士皆貔虎。府縣調急夫，騷動煩里旅。
富室齎金璧，細民攜婦女。巖谷遠遁逃，股栗畏刀鋸。
寒儒守松楸，効死安忍去。南風吹捷音，破竹聞吉語。
聖朝乾坤大，鼠輩敢予侮。妖氛已盪盡，和氣滿南土。
但願勤民瘼，治安每危懼。昨抱心腹疴，砭劑得良愈。
要於七筋間，毋忘伏枕慮。諸公頗皋夔，臨軒跨堯禹。
鄙夫蕪蕘言，庶或資小補。倚松一長吟，停雲洒朝雨。

日涉園集卷一 五古

六

呂信道以詩見遺，作五字句報之。

江州持月旦，嚴於亞夫營。君爲倒屣客，濩落四坐驚。

我從鄂沔來會面邾子城新詩照窗几頗復深而清
作人有佳處喜客佳釀傾幽花不遺賞未免遭譏評
何當小拂掠揀飲罄玉餅

有慶上人數以詩見贈慶始學詩於祖可爾來
擺脫故步進而不已未可量也作短句以報
之

晝公無恙時句吐春空雲筆端斂萬壑中聞清夜猿
門生霑賸馥派別自淵源深嶺蘿月妙縱觀嵐氣昏
時蒙一顧重騰驤空馬羣大師於越秀幽氣如芳蒸
玉笈發金籥闊步登詞門脫畧塵外躡摩霄鬱飛翻
豈惟足風露定復多皇墳昨枉招隱句深靚麗且温
挽我誘松桂要移北山文諸郎短兵接此事獨策勳
慙非鍾嶸評更休知音論

自武寧捨舟度嶺投宿南山寺

水落晚灘澀雲生寒嶺昏捨舟步崎峯攀蘿陟松門
孤煙望墟落浮林自一源野行方屢渡槿籬時扣闥
弄孫何許翁夷面復烏言問津了不解路窮斜谷分
暝投古蘭若鐘磬清塵根猶疑武陵客誤宿桃花村

遊真風觀

綠雲得支徑遂造幽人居夕風冒梁棟蒼苔上庭除

仙崖衣襍積玉磬韻虛徐回首塵外躡浩歌將焉如
歸來堂爲韓子蒼題

出處無定在闕世關盛衰令德山林尊昭代邱園非
達人解其趣頗復擇所歸淵明傲世故葛巾風歆歆
偶隨出岫雲戲作三徑資少日辭吏去松菊親風期
韓侯極簡秀早蒙當宁知未吐五色綫小試聊補遺
高詠少司命乘風載雲旗一坐空無人安能免深排
昨來天東壁少欲乘秦階誤隨曉星去流落天南陲
得縣篁竹中簿領頗沉迷李何訓誥筆反用催科爲
席堂痛掃溉勝氣自爾隨風度窗戶急雲生梁棟遲
日涉園集卷一 五古 六

不減田園居歸去將安之窈窕青禁闥沈沈黃金閨
至尊下温語羣公歌式微行矣戒徂雨長林收夕霏
曉發章水道中有懷伯固駒甫師川養直效何
水部體以寄懷

幽窗未全曙百鳥忽忽鳴分袂會心侶歸艤章水平
寒温乍回互適茲凋兩糞水南花未放水北柳渾青
春物幾貽蕩浮雲俄變更念昨一笑適愁分兩地情
縹緲舉桑落醒醉醒還醒

日涉園集卷一終

日涉園集卷二

五言古詩

宋 李彭 撰

發故篋獲端石蟾蜍研形模極小蓋于幼小時

几案間物對之肅然如與故人相遇感而賦

詩

誰從浴日淵得此頽虬卵雕鐫勞哲匠皤腹目仍睥
良非銅雀渴頗覺鳳味短憶昔少年日濡毫輒塗竄
蒼苔時覓句賦雪起爲亂麟經析凡例羲易明象豕
冉冉桑榆交忽忽顏鬢換發囊逢故人清夢聊爲喚

日涉園集卷二 五古

豫章叢書

李膺交北海中郎識元歎當時臨所遇與我意俱滿
翻思辭學官嗽月復不淺起予剛直胷往往期并案
願同戀棧馬作我郊園伴新詩真類俳破睡資一粲

宿開先

建業未焚檉菘山寶靈園推輪碧眼胡篤老勤井臼
草樹百經霜往事如運帚遠懷一味禪徒酌三昧酒
尋源徹河漢窈窕出幽竇卧看落山腰雙鳥起驚救
稍深藤蘿昏扶蓼入徑取伽陀古錄鈎殷勤牧羊叟
彌角煩羸牛外苞薛紋皺往者不可作念切病軀瘦
眼明蓬島可秦度復畏友俯手攜阿連冥搜逃折柳

竟亦不能奇荒蕪但如舊更須尋紫霄寒廳視牛斗

寄侍其雲叟

建業有高士幽棲闕崑局時從出岫雲縹緲來青冥
昨者修水頭伴我騎長鯨貌古心更古膚清神愈清
朝談織烏墜夜坐玉繩橫辯舌不挂壁泊然忘譏評
嶧琴孤風嘯塵基飛電鳴慈明投祖去霜風助揚舲
自我不見子三占少微星殷勤伴沙雁素書每丁寧
悠悠望塵友變態鴻毛輕盟血未曾乾飛語聊相傾
少聞高士風汗下顏甚頽吾言蓋有激因之見交情

宿雲居十住軒

日涉園集卷二 五古

二

塵事起濫觴洶洶濤頭聚對鏡眼生花尋幽心脫兔
歐峯阻躋攀榆柳春再暮維時春作夏起我勤杖屨
捫蘿惑去蹊陟嶽忘故步大壑埋白雲陰崖崩老樹
縈紆幽鳥道突兀升洞府厖眉老比丘倒屣蒙顧遇
曾未契三關遽已棲十住暉暉天橫參稍稍窗送曙
華鯨破短夢山禽喚新句伊子羣念息亦遭回俗馭
徒爲三日留復在邯鄲路

雪夜戲玉侯

望舒離金虎晚雨幻玉沙觸楹勢頗疾打窗風正斜
西家有勝士夢回筆生花孺人近行邁章江駐雲車

銀屏擁絳桃繡帳戲蘭芽暫停短轅馭清歡春思賒
陋巷笑短李柴門蓬藿遮短褐對孟光冰柱吟劉义
想君獨樂時覓句剩欲誇脉脉無由語疎林集暝鴉

對雪

晏陰城郭昏窮巷寒意返回颺卷玉塵稍稍凝曙霧
應煩阿香手終日春薄暮獨鳥避寒柯驚鷹迷故步
木冰達官怕向來聞此語擁絮卧北窗鼻端從栩栩

遣興

彌年倦行役邱園曠幽尋殷勤響晴晷爲我貽好音
梨花映皓月猶作故時面歸來雪如花坐看花如霰

日涉園集卷二 五古

三

中朝懸美祿椎鋒號能軍而我於此時不武亦不文
平生嚴子陵故自狂奴態箕踞問君房素癡寧小差
上馬須不落起居善何如吾生行樂耳何用明區區
謝靈運詩云中爲天地物今成鄙夫有取以爲

韻遣興作十章兼寄雲叟

嚴霜知勁柏大節見固窮懷人居白下抱道立黃中
秦淮浩茫茫楚山耿叢叢胡爲恠音素過盡南歸鴻
達士庶可慕勞生良足悲君看嘉賓結何如方回癡
榮衰等湛露變更如劇基冥冥萬事定何用機心爲
學詩如食蜜甘芳無中邊陳言初務去晚乃換骨仙

我昔實如此老懶挽不前兒曹喜吟諷快意豔陽天
曩時阮步兵埋照每沉醉是身託麴蘖真若有所避
誰知名教中固自多樂地花氣雜和風相我曲肱睡
西京執戟郎老嗜杯中物觀其所著書澀讀由蹇吃
劇秦見平生何心窺髣髴唯有四愁賦至今猶炳蔚
孔融天下士苟或雙南金旣爲阿瞞用復爲阿瞞禽
獨聞管幼安龍蟠滄海深難用固難殺耿光垂古今
器博無近用胸中要縱橫腐儒昧行藏寒窗守一經
營營市道交務利如兼并無復典刑在况當觀老成
陽城海內豪隱居晉之鄙養此冰霰姿諫官安足起

日涉園集卷二 五古

四

欲沮延齡相悠悠自風靡何以昭無窮政賴有此爾
灌園如結廬畦蔬如養雛敏耘斯易壯稍墮或攘瑜
賣菜厭求益得酒聊歌呼醒來北窗下解衣誦潛夫
幽雲生簷楹落日挂戶牖茂樹發華顛歸鳥鳴高柳
春風可憐人舉茲爲我壽行樂當及時浮名竟何有

次韻呂居仁見寄

井銜澹疎烟幽憂廢寒暑孤雲起幽嶼澤物猶能雨
殷殷空裏雷何曾濡厚土燕鴻且長饑誰能投在渚
知心不識面公子實楚楚五葉活國謀摩挲噤不吐
勝日覓羊何幽期得支許才高賦雌蜺識遠辯疑鼠

蘭蓀無異縣臭味同此舉開歲欲問津夢逐寒江櫓

次九弟韻

觀山如觀畫入眼詩輒進厭則收卷之去留情不吝
老境喜平夷落紙風雨迅誰能肝腎愁虛名媒疾疢
屬聞殷國師已發吳越軼破竹擒諸偷長纓收犯順
官軍將解嚴胸懷俱朗潤小雁讀我詩出語亦道峻
流霞噉稿顏如彼潮有信但願吉語聞稱觴兀斑鬢

次韻元亮行沙頭

甘雪餞餘運行春慰清愁曠懷萬物表妙趣寄滄洲
視我園中蔬陳根發新柔恨無清渭姿入涇不同流

日涉園集卷二 五古

五

老雁唼菰蒲非忘稻梁謀天涯網羅密所以挽不留
倚杖一蕭散好鳥鳴林邱誰同北山老不動移文羞
仲兄儻能來長嘯狎鳧鷗

再次元亮韻

艇子打兩槳石城催暮愁不嫌波浪闊但懼水生洲
大堤多女兒草暖復柔柔盈盈成雅步皎皎臨清流
翠釵挂人冠自作橫陳謀非無一時好高懷詎能留
朝歌回墨翟餽藥逃東邱此豈聊復爾頗似憐包羞
長吟望烟際飛來雙白鷗

從弟用前韻作人日詩見寄復和以贈之

涉七日爲人眷言空復愁既念爾處士骨驚鸚鵡洲
更憐劉大孫擇鄉得溫柔二兒千金軀輕生隨轉流
樽中有歡伯一笑爲爾謀白髮生如寄時駛不可留
我有騰化術長袂挹浮丘若言可持餉定免二子羞
煩君一來過春色著汀鷗

次閑叟見寄之韻

王侯氣邁往青春頗干祿任俠似朱家窺身脫冤獄
甘隨支遁遊不作子公牘著鞭投前地嗜山性尤酷
遺民卧江漢無心謀半菽數面遂成親開懷注醜醜
新聞倒青箱讜論尊黃屋禪參靈運前庭列山陰竹

日涉園集卷二 五古

六

好乖當語離作惡徒滿腹西風挂席歸清談渴心足
漢庭今側席公道追黃鵠莫作稻梁謀營營輩雞鶩
我叟宴山川坐嘯臨長谷

次瑛上人韻兼示駒父

營道烈心期脫葉危欲霜遊子多苦顏世故定未忘
解包祇園下暎帶瑤林旁窈窕寄雲雁萬事炊黃梁
今君華亭姿俛啄不得翔相期袖金匱妙趣詣方將

次韻謝吳國器見贈

眇然詩家流誰能補其處雋逸追莫還蕪漫推不去
譬彼玉花虬絕塵須善御越女動鳴機織織工織素

吳侯勇於文粹氣發眉宇既度驂騮前邊幅時得觀
寧當縛微官一掾妙三語病夫樗櫟姿毫及那受斧
新詩欲招隱便自於勞苦眷言謝心期願公毋矯舉

三益齋

知人實未易定交良獨難勝已謝容悅有來期必端
明公邁往姿勁氣摩諫垣確認金石貫博極溟渤寬
遺經起凡例射策凌孔鸞睥睨漢庭右言激壯士肝
恥作子公書肯彈貢禹冠小試不盡妙銀章楚江干
抱牘雁鶩行欲作故時看彈治非柱後縮手心膽寒
何嘗擾獄事民自以不冤如卿未慙老此語垂不刊

日涉園集卷二 五古

七

廬山道中望天池諸寺

籃輿造林口暝色歸暮田橋木半搖落羣峯翠回旋
翳翳雲門塔霏霏祇樹烟夕梵落雲際微鐘下遙天
平時笑傲處真成觀輻川巖壑事難必賞心難捨旃
還將九節杖踏月上危顛

遊廬山懷叔粲季敵兼憶小子氓等次謝康樂

寄惠連韻

諸峯竊遐矚上與箕斗近西風吹人衣蕭然無畦畛
烟霞入詩句欲吐初未忍但恨數往來幽棲愧真隱
真隱如虛舟渺渺姑乘流何須長卿慢暮年稱倦遊
鐘鳴起菌閣天上隱瓊樓焉能誘松桂曠懷且少留
少留平生歡看雲復長歎芝蘭念曷末爾粟惟雍端
倚松聊停策意遠縈層巒風駛烟尚積雨歇雲猶攢
攢雲本無心孤猿響山陰俯瞰白鹿洞仰窺紫霄岑
何時攜諸少清盟可重尋仲子日邊去歸鴻聞暮音

次環中韻兼示蔡安叔

日涉園集卷二 五古

八

高論到正始往往操吾戈相期守雌一功成樂婆娑
步出雲雨上長嘯攜羊何

觀諸少移瑞香花詩皆屬意不淺次轉字韻以

戲之

託諷本寓辭語亦要流轉欲觀移花作老眼頓忘倦
勿矜風露姿未入麒麟殿行將顧眴稱深衷自茲見
次韻并示劉四壯與

浣衣起筮仕釣璜辭碧灣朝來玩西峯聊答馬曹閒
寂寥漢庭中二疏勇自退復有一子雲茅簷甘炙背

絕江遇大風

江流平兩堤艇子打雙槳西疇問多稼北風吹巨浪
諸峯忽低昂飛鳧隨下上欲爲舒嘯期茲焉廢心賞
喜聞繩武元亮有歸期

行雲無定姿况復出岫心因風著孤嶼悵望故山岑
遊子在天末胡爲成滯淫巽坎浩難期關河阻且深
向來一紙書何啻萬黃金未射漢庭策不妨梁甫吟
孤花春欲盡裏許要同斟

赴隣舍招

虛舟縱逸棹冉冉成老大隨食蟲寄居行年蠹旋磨
來歸修水頭視地不敢唾俚言亦屢陪灌畦常往佐

日涉園集卷二 五古

九

每於休作時弄筆聊頌挂自謂老於斯晏然歌楚些
年來尤屢空非關學高卧時節里閭歡觴豆競繁夥
我獨蓬窗底達曙發清餓賴有竺乾書開顏真自賀
近局可憐人雞黍起頽墮整冠禮甚修坐客仍虛左
浩歎爲之傾樽爲長歌破

題蘭亭修禊圖

商飈吹漢皋水滿郎官湖狂策上秋興拂塵觀畫圖
娟然春風面觴詠聊歡娛中有超絕人髯髯多髭鬚
筆端吐奇胸紫鳳兼天吳草木方變衰安得蘭蕙俱
生絹如無有酣放間歌呼可憐謝餘杭沾醉倚坐隅

詩慳遭重劾罰酒輸行厨遙遙數千里定交在須臾
金谷望塵友鸞鳥何其愚嗟彼許敬宗握筆侍玉除
將圖來此傳懸知不相如畫中見勝韻真欲誅姦諛
臨風增想像候雁度晴虛

將遊雲居中途得佛鑑師到日涉簡徑歸

呼船凌曙江江空渺黃霧冥冥蜀魄啼嘖嘖寒雀哺
道人大梁來折簡須晤語爲迴綠雲策小緩攀天路
元因會心期非關排俗馭青燈耿夜窗高談雜疎雨
東湖夜歸賦詩二章呈駒南師川

日涉園集卷二 五古

十

崇蘭未含薰蔽芾蕭艾中仲長久埋照幽期得無功
湖光起遙裔淑景復冲融連山倒垂碧落日半規紅
不須勞意匠物色自無窮

弱齡百不堪寄傲及壯節從人笑數奇丘壑藏我拙

客夢漳水頭鄰雞鳴枯楊荷鉏挾新詩一作懷哉清

夜月野桃欲著花幾見堪黍雪當還灌我園終歲飽

葵蕨

讀西京雜記十三首次淵明讀山海經韻

南風吹新竹密密復疎疎脫冠眠北窗興不減精廬
緬思西京事聊開稚川書千古納眼界恍若巾柴車

頭忘在堽壚灌畦蒔佳蔬筆端真有口妙處天壤俱
明如丹青手百幅生綃圖舉似兒子曹矜誇還久如
恢恢樂遊苑遊樂獨苦顏懷風森萃尊吐花耀流年
秣驥無萬里銳氣陵天山妙哉苜蓿盤信矣非虛言
漣漣太液池氣接崑崙丘雕萌紫籜輩茂密誰能儔
鳧雛與雁子迴波還復流倅佺倚黃鵠往往乘風游
飛燕傾人國專夜居昭陽當時姊弟貴坐閱歲月長
琉璃作窗扉金翠粲以光無復問勤儉敦朴追文皇
彼姝掖庭子王嬙端可憐咄嗟毛延壽媚嫵移遠山
一朝聘絕域艷麗復何言畫工戮幾盡遺恨抱當年

日涉園集卷二 五古

十一

公孫發蒙耳猥作支厦木仲舒棄膠西白駒在空谷
脫粟飯故人安敢望薰沐齊人固多詐何由調玉燭
長卿還成都埋玉崑山陰謀醉鷓鴣裘登然逐丘林
賣醪著犢鼻滌器揚巴音誰知子虛賦遽愜武皇心
子雲識奇字辯舌非所長有宅纔一區安貧固其常
深沉草玄腹如裹萬里糧苦心夢吐鳳流傳今未央
惠莊長安儒馳騁盤珠走廉藺賈粟犢五鹿不當負
拊心困劇談此中固多有口舌何足爭虛名千載後
淮南學神仙逸跡窮山海著書名鴻烈精爽凜然在
字中挾風霜反躬忘寡悔空餘裏蹠金萬世將誰待

孀媪佞倖徒飲曲承密旨長安有成言金丸不餓死
平生鷄鶉冠於茲見操履安陵泣前魚炙手何可恃
侍中著貂璫非無事君志雜用儒家流仕宦譏不止
漢代從行幸親近固其理何嘗裨衣職所執玉虎子
馬遷下蠶室發憤見良才伯夷觀列傳冥報嗟從來
含悲復不遜安能避嫌猜高文垂箕斗斯士今悠哉

讀廬山記懷文若弟

茂樹遶茅棟鳴泉響屋除胸中了無累泛覽匡山書
巖谷在眼界風煙來座隅時逢幽人語似與仙者俱
昔在宗少文壁間留畫圖澄神可觀道卧遊良不踈
嗟予何行役山腰轉籃輿瞻焉懷靡及登臨將不殊
聊憑西去鳥殷勤問何如

日涉園集卷二 五古

三

陪趙傳道都護飲擬峴台

平生羊角州雅意垂不朽登臨發浩嘆望秋怯蒲柳
誰知如漣者自可弊宇宙邠郎不領畧甘言發詠口
奈何千載餘卜築擬峴首我來勝氣生排霄峙山斗
何暇知許事谿山攬明秀都護賢王孫爲具掃愁帚
晴嵐變晚靄霞綺粲高爨如開摩詰畫妙處落杯酒
長嘯倚徙餘孤鴻沒南岫

遂初堂爲仲仲題

長卿四壁立寥廓無贏餘子雲英妙姿有宅繞一區
東山文靖公盛德壓海隅五畝幾不保翁仲泣遺墟
張融貧奇傲非水船安居是皆知名士慷慨振古無
隻椽與寸椽乃爾未易圖頃年黃篋舫赤壁藏菰蒲
尉曹得錢俟孤松吞平湖自言家吳會曾高結精廬
挾權彼何人連茵列鼎徒出奇斯無窮怡顏享渠渠
理世無冤民屢上黃屋書竟爾完趙璧幸免獲公輸
赤手縛於菟幾發壯士疽草木初無情和氣勻噓枯
尋盟賀燕雀聲樂聞烏鳥獲鼎名其年作亭題遂初
如公已克家得雄必充閭我居日涉園養疴聊自娛

日涉園集卷二 五古

注

卜築頗清曠風煙在衣裾問舍經始難覺公言不誣
詩成增想似疎鐘暝虛徐

晨起

晨起眴庭柯冲襟澹無營猶疑夜來暑幻作秋氣清
蒨籬鳥雀語各自謀其生安能從物役月落脩渚橫
澹澹故園月暉暉垂星星闌夕伴客語已復過我庭
誰爲旋其樞未覺顧兎靈要知本不動莫作流轉驚

宿康王觀

流水赴天壑孤雲耿松門風幡動林杪步屨烟景昏
矯掌俟幽討高懷定誰論濁醪有佳趣溪魚供晚飧

無名窗外鳥催曙武陵原

重過康王觀

憶昔尋遠山停策康王谷煙昏鐘韻微林茂鳥歸速
羽人雖稀少落日見樵牧徘徊臨清溪溪魚白於玉
並遊幾何人槁葉下喬木回首十年夢前塵那可復
欲去且少留殘霞帶孤鶩

醉起

戀花欲晝眠汲泉醒午醉潛筠雅相攜侵堦那復避
微風過方塘鬱鬱送荷氣邱園羣卉木詮品識根底
譬之足敷翁贏縮在心計借問有何好是中固多味

日涉園集卷二 五古

古

豫章通守李侯苦癘瘍卧舟中約予相見

雲斷夜來雨榜舟渡前溪波漲回汀沒林端遠岫微
故人方抱瘵有約吾忍違夷猶理歸棹天未放朝暉

劉越石

蒼岑玉崢嶸寒林深窈窕石如馬鬣封其中藏二島
匡山嘗歛門煙扉耿相照瑤塔旣肪截侍女亦雲渺
茲焉諧所求蟬蛻出塵表自爾絕問津日月數過鳥
摩挲坐久如藤蘿欬猿歎

寄劉壯與

曩者劉中允懸車未華顛騎牛澗谷底終歲飽風煙

至今草木間餘光發幽妍祕書百鍊剛凜凜森戈鏃
勁氣睨波黯高文儕史遷當時補衮流氣傲摩蒼天
一語不合意歸來枕書眠急流勇自退已度二疏前
檢討少壯時嗜學勤丹鉛微官裹黃綬雄名敵青錢
聊爲三徑資未減五柳賢薦書到禁闈信史多官聯
仙署得董狐筆端直如茲季札贏博垠歸興何翩翩
掉頭不肯住引帆黃篋船昨來離山東嗤點羣兒喧
一朝挂其冠謗語無由宣顧我牛馬走定交良有年
相期實高蹈飲潔鳴風蟬雖無元龍豪問舍仍求田
同採陽崗薇共酌陰崖泉來往仍二老庶使萬世傳

日涉園集卷二

五古

五

宿慧日寺

幽窗著曙色匆匆鳥鳥啼軫念在遠壑發軔離茗溪
泉聲作好語挽客來招提老衲道機熟空洞了無疑
霜鐘耿晴空上有垂露姿頃隨僧吟聲直與雲漢齊
摩挲不及去行雲會東歸鐘上有僧州題名云元豐七年九月二十三日眉山
蘇某同參寥禪師登樓觀雨

喜元亮歸

念君赴修畛值此春事宴坐窗居人愁木末遊子遠
平時樂羣心亦起隔津嘆南風不解愠執熱要排遣
好鳥噪簷際冰玉來照眼歲華幾何時莫遣費牽挽

茂椒儻可人勤求或忘返

日涉園集卷二終

日涉園集卷二

五古

六

五言古詩

宋 李彭 撰

脩源

脩源寒皎鏡湛湛有餘地居然起灘瀨無復保夷粹
人實不易知出處非細事懸知成小草何苦辭遠志
飢求仁者粟不用濫乞米清言豈置患高誼世所難
君看陸平原華亭思鶴唳季野雖不言四時氣亦備
一飽會有時幽園動春意

宿翠巖

日涉園集卷三 五古

一 孫章叢書

開門望西山歲月已云積及茲一登眺風雨送行役
緣雲路崎嶇憇澗鐘寂歷幽討良獨難微吟夜寥闕
呼酒告媮不果飲徒飲漿因次淵明述酒韻

貧賤府中歲沒齒甘無聞藿食屢清飢勢與膏梁分
斯濫非我事濁醪餞歸雲橐從告媮不廢抱皇墳
嘯歌夜漫漫躍靈未能晨豈非杜康絕督郵那復馴
壺漿當觥飲舉白澆余脣飛霜凝暑路調齊何殷勤
不堪餉親串一笑貽文君悠悠缺陷界本無藉與薰
亡於天地間而生經律文東丘終反魯仲淹世居汾
懷寶何必售千載猶心親伊優與翫麟榮衰本同倫

小軒前菊花玉雪可念今年忽變鵝黃作詩小

話

幽軒種佳菊得秋耀素華頗與塵外客特來當煮茶
賞爾貞潔姿珂雪淨莫加今年日在房暉暉弄新葩
誰令色無主稍稍作此花長吟復三嗅亦復長嘆嗟
汲泉蔣根本藍田待瓊芽

觀訪戴圖

閑庭秋草積滿砌蒼苔深忽向冰紈上聊窺訪戴心
雪月俱皎皎風林互森森縱觀停艫處猶聞擊汰音
終身剡溪曲何嘗返山陰徒言興已盡真妄誰能尋

日涉園集卷三 五古

二

浮生圖盡爾慷慨為長吟

別何肅之

吾黨何水曹明窗飽書傳筆頭夢細桃秀句出黃絹
胸中萬壑冰壁月共凝遠未受沈范知苦乏崔魏見
効官三徑資立節九秋幹隨牒脩水濱未減潘懷縣
誰知舞文吏抱牘進鳧雁煩苛困疲民欲作搏沙散
談笑罷追胥老稚無遺患春風吹城隅花柳俱紛衍
胡為動歸艫徑去不受挽病久卧幽園念離情莫遣
營詩持送君愁雲橫絕巘

遊資聖菴遇光明祖首座

久從招提遊妙趣崖谷迥自謂頗造微何由昧斯境
絳氣靄秋空白雪一作雲屯夜永華屋蔭修椽皎月淨
藻井壞衲逢阿師葦尊髮垂頂簡默近道要虛夷發
幽省念昨分手初霜飈虎溪冷及茲再會面老色藏
秀整屬予妄緣息值子塵事屏循澗意無窮捫蘿度
前嶺

寄雲居微首座

天星燦以繁斗杓橫復直其誰移人間羅列遍阡陌
綺紈沸笙竽觴酌事几席遙憐山阿人聽鐘夜寥閨
孤峯最高寒陰崖四時雪許分一派風濯我朱夏熱

日涉園集卷三 五古

三

江皋春事歸峯頭猶凜冽報子以迴斃草木亦欣悅

客有以贗銅香爐見貺者感而賦詩

巧匠資妙手斲泥冶金爐雲雷載幡腹金石礪慢膚
外質荷潤色中局嗟厚誣巖巖金博山水沉與之俱
青煙耿朱火鬱窈凝空虛香色映華觴事見漢上題襟噴薄
滿座隅謬當二器間顏泚意不舒如聞厭浮偽此物
無贏餘勿云識真少爲謀良自疎

次徐十題承天壁韻

權門嗟來食諸郎願操瓢獨有聘君孫詩裁九牛腰
南州翁仲泣祖風端未遙漢庭給扶人進退隨晚朝

凌煙在何許潘鏡二毛彫抱瑟懶求齊吸羹常見堯
與子同臭味何時共儀韶

雲薌閣爲簡寂賦

匡山苦霧裏衝曉度前溪定是柴桑老來尋陸鍊師
誰復滄霞客天籟吹參差泉妥巖崖白雲生梁棟遲
苦憶遼東鶴似聽淮南雞西隣約惠遠同採此中薇

雨過清曉登鄰宮鐘閣

倦夜思重閣曙登興悠哉殿古木亦老江闊眼逾開
宿雨風前落幽雲鏡裏來高懷無一欠客底悲徘徊
書空復長嘯烏雀莫相猜

日涉園集卷三 五古

四

泛舟

時從弟俱行兼懷從兄元亮

暄風吹天墟淑景來日涉繁花已舒顏晴暝復緩頰
平生萬斛愁賴此短兵接俯攜諸少年清江玩舟楫
波平罷牽挽論高闊嘯嘯緝懷荀慈明冰霜胷中挾
食貧傍人門官學居建業向來亦遂疴性命危脫葉
勝遊夙昔共大句常岌業回頭見小雁頗恨暮山疊
何當奮飛去碧雲端可躡

過淵明祠次還舊居韻

往者金華公賜環楚道歸荀與過柴桑彷徨有餘悲
荒庭尙如舊物色人事非寒風起虛林木葉無復遺

榛叢傲霜菊詎肯相因依二事墮渺茫茲理未易推
適堪作廢朝總芳俱不衰當有曠達人橐金煩一揮

北齊校書圖

嫣然粉面郎上馬能據鞍身非行祕書亦復磨鉛丹
六籍火攻餘渡河惑亥豕毫端雖有神頗能正朋字

自寰通巽橋尋幽

谷鳥喚暝姿孤鐘生晚聽危橋潛忘歸巖壑耿相映
潺湲見機泉窈窕入雲磴遐矚野寺門忽盡山陰興

醉中戲贈淳上人

上人湯休徒肯顧亦云屢衣上鳳棲雲辨我林壑雨

日涉園集卷三

五古

五

殊方怨別餘苦乏碧雲句禪閒儻能來聊用慰衰暮

到家用環中韻呈玉侯

客子倦行役失席高軒過胡床語清夜皎皎天無河
勃窣自理窟何勞觸干戈蘭摧玉久折蕭艾空婆娑
疆進忘憂物無如作病何

遊仙二首

昔日漢公房陸瓜真人旁試此塵外姿持獻分甘芳
神丹爲之壽千里還故鄉劾鼠得彼具妙處固難忘
雲生五畝宅雞犬亦得將應持入瓊文往躡九霞鶴
江叟冥寂土甌非芻豢流悠然揚舫去路窮仍曲謳

野笛三弄罷變徵荆卿愁我懷乃昭曠興寄真滄洲
只應清夜鶴時過嶽山頭

夜飲

公子敬愛客高會不知疲樽下殷勤勸只以慰數奇
樂憐張女彈舞倦素王衣持觴不作難霑醉倒接羅
客子歌言歸主稱露未晞

七夕

兒時聞天孫今夕聘河鼓鳴機應慙停飛鵲橋邊渡
藥砧倦伏箱拾策息怨語常時別經年雪涕作零雨
念各非妙齡無復啼着曙癡兒去蹇拙芳樽肴核具

日涉園集卷三

五古

六

頗憐柳柳州文字稍誇詡昔在台省時謨畫秘莫觀
奈何吐憤辭投荒猶未悟性與是身俱巧拙有常度
何能謁以獲詎有期而去悠悠區中緣當今愛體素
得六弟書有歸期

茶鼎起松風明窗共昏翹孰令著征衣貧病爲推轂
畏途阻且長况茲加煩促忽傳尺素書歡喜三過讀
敬帶惡木蔭前修慎其獨缺月取孤桐歸雲赴深谷
吾擬誦招隱殘章留子讀

晚登鐘樓卽事

幽棲無熱客地僻自鳴蛙危樓一登眺晚涼清興餘

疏林方寂歷惡木半桂牙五峯在北戶慰眼落元花
危檣渡洲渚暮帆收日斜巒崗念徐稚去及東吳瓜
雪山輕幾許高士正浮楂南州苦牢落秋鱸寒可义
願懷張校尉莫作賈長沙何繇致叩叩翠柏故啼鴉

夜聽從弟榮緒琴

涼月耿茂樹微風薄疎林令弟肯過我清夜撫鳴琴
妙生嶽軫外虛夷有遠心哀猿山暝嘯凝笳霜霽吟
塞馬驚朔吹楚囚操南音王嬙穹廬泣校尉漢恩深
翻令曠士懷數行下霑襟曲中頗清壯攫醪獨煩淫
亞夫軍細柳令嚴夜沉沉我友擅丘壑頗遭雞鼠侵

日涉園集卷三 五古 七

營詩貌烟靄辭慳負幽尋畫師雖無如滄浪一蹄浴
藉爾山水曲軒豁窮上岑勤來商畧此勝處要同斟

掃除尙書公冢下

平原令僕射精銳暢人謀當時焚諫草安知卽山丘
零落三十年誰其追遠猷只今忠義風夜夜鳴松楸
啼鳥勸行沽瑾花生道周遺墟泣翁仲荒蹊風馬牛
非無玉樹郎抱官在中州悠悠生存子那得不沉憂

讀楊雄法言

子雲老暗事晚乃著一書經營極淺易艱深聊墜塗
終身作雕蟲出語嗟壯夫苦笑屈原智頗憐晁錯愚

丹青果變玉美新孰非諛我麟不可羈投閣將焉如
侯芭痛領畧見謂老易徒小兒楊德祖鑿我自不虛

擬古

彼美如花人如花復如玉嫁作征人妻別長歡日促
拂掠可憐粧翠袖抱幽獨飛狐驛使斷交河無寸牘
春著鞏梅繁風吹秦樹綠草生森葦尊誰能辨蒼莖
啼裏花成子愁間笋爲竹雨滴翡翠帷月上寒蛩禱
稍知狹邪遊能忘窈窕淑新人工參差故人勤杼軸
怕堙爲病媒經緯有邊幅苦言餉夫君夫君當熟復
告君君不知我自執蘭菊

日涉園集卷三 五古 八

題洪駒父徐師川詩後

籍甚洪崖縣高寒欲無敵徐郎聘君後挺挺百夫特
堂堂無雙公戶外滿屢迹虎豹雄牙須儕流甘辟易
徐詩致平澹反自窮艱極周鼎無欸識賞音畧岑寂
陰何不支梧少陵頗前席洪語自奇險餘子傷剽賊
大似樊紹述文字各識職二子辨飮餽鄙夫與下客
柔食薦劔羹熊蹯雜象白殿最付公議吾言可以默

醉書

春風次草木葦葦換衰朽亦復吹我顏祇解成老醜
速呼醒酒冰來祛掃愁帚遣客我欲眠深憐柴桑叟

以形模婦女笑度量兒童輕爲韻賦十詩

孟夏樹扶疎繞屋鬱青青了無俗事駕獻歌頌忘形
洩雲閣前峯瀉雨自神屏蔬孟有妙理未減五侯鯖
清晨澹無營按行瓜芋區二雛能拜起嬰兒千里駒
抗顏捋髭鬚酌酒提胡盧幸非李元禮何勞爲楷模
潛筠穿屋頭幽草圍舍後手攜東臯書竟熟俱上口
詩無擬澄江文不誇幼婦婆娑丘壑底藏此牛馬走
丈夫志四海搏風類鵬舉方其未遇時潔身閨中女
晝伏夜動者貪言如倉鼠炯炯抱名誼所慎在出處
我有百衲琴巴渝不同調三疊太古音那免世驚笑

日涉園集卷三 五古

九

彼哉遇嗾徒睥睨追風驟幼輿雖折齒初不妨吟嘯
謝公東山時徹侯等塵霧一朝畏桓温攝衣忘雅素
忽著進賢冠頰失滄洲趣勇退真難忘天末橫雲交
昔者温簡與王屋頗清曠建封禮爲羅非復無度量
落膽効權臣籠街速官謗戀棧胡不歸猿鶴儼惆悵
少室拾遺公許身頗與箕韓侯爲作牙俯交軒冕兒
獻策盪淮寇犯顏立丹墀未免誘松桂應遭北山移
尋壑逐飛鳥持觴送歸鴻不解世俗書稽古何所蒙
久矣川效珍矧茲山不童應容陶隱居佳眠聽松風
舉世市道交誰能保榮名譬之多財賈惡壽安得贏

一身拱壁重萬事秋毫輕向來冥寂士飄然逐遐征

七月十九夜有大星質于西北

迢迢天漢星寂寂夜未艾孰居無事中差次若瓊貝
向來西北隅煒然獨顛沛彼蒼旣悠遠神理滋茫昧
豈君坐逐客無乃勇自退嚙彼亦何爲竟夕屹相對
絡緯啼井欄和我微吟內

五月二十四日晨起隔壁聞季敵營詩戲作此

朝之

阿敵覓新詩蹤迹真詭秘如偷發關鍵大懼驚隣里
微吟蟲得秋幽討口搜耳排句歸陣鴻細字列行蟻

日涉園集卷三 五古

十

詩成膽力壯巨軸書側釐遠寄賞音人稍欲見名字
但求皇甫序何暇公榮體吾言可并案嘲竟聊自洗

巢雲亭

山柳排晴空羣峯助高寒危亭踞上游不在世網間
曉窗飛鳥度暮簷餘雨還興多仲宣樓勢肩天姥山
落筆睨前輩血指空汗顏金華牧羊客句回造物慳
眼界無一欠辭源溟渤寬會當踐不朽夜郎今賜環

芟香亭

束髮事明主遇合誠獨難譬彼佩犢翁樵蓑功貴完
明府真權奇汗溝沫流丹雅意獨當御未享苜蓿盤

詔許上紫殿占對隨孔鸞底事寢不報鼓船下風滿
願茲未逢年于我願復安治道貴清淨雅畫家相歡
桁楊生木鷄榛蕪西園方塘每製芟澤畔思初蘭
靈脩方布席下詔應賜環勿墮逐臣淚去躡青雲端

淨薌亭

校讎淇園姿勁特傲霜冠論交不滿眼入社難湊泊
賴有此檀欒嫣然時解捧風枝兼雨葉調度固不惡
結實何離離開花紛莫鳳鳥當來過歲華今異昨

夜坐食蛤蜊

統統寒鼓鳴稍稍華月上蒲蓐蔽幽齋夜鼎驚暗浪

日涉園集卷三 五古

七

但見魚蛤蚶許事付塵埃獲殼雖外緘甘腴實天相
霜脣貴抱黃雀醢誇放續江瑤初脫柱蠓山憐疊嶂
盤殮得此生風期特高亮如跨大宛兒凡馬羞駿壯
嗟予鬢成絲山林真獨往會心不在遠坐有濠濮想

敦好軒

會心誠獨難托契復何有曩哲有遺言定交於杵臼
此風頗淪胥射利一相就口血未曾乾轉盼忽賣友
夙心何由敦聊與眷眷偶是中白頭新嘉德真耐久
恍如對華觴心醉不在酒誓言山若礪此好那容朽
商飈振庭梧明河挂箕斗

題范贊府覓先春亭詩

范叔老不衰周禮素獨秉素標垂青衫不厭官棕冷
抱牘鴈鳧行色笑辨俄頃園涉寒未餞和氣君先領
霜花吐幽香煙柳發新穎大鈞無私酬播物厚茲境
仁人所遊居寒威甘遠屏要當均此施草木清晝永

錢伸仲乞靜照軒詩取逸少所謂靜照在忘云
往者多逸想山陰時見之肯持圭組面自塵丘壑姿
奇偉不少貸確認無纖遺保全勝東山出語曾未思
巢許逢稷契何由致於斯乃比石衛尉此老端不爲
觀其誓墓作豈復隨家鷄志末在靜照定體發光輝

日涉園集卷三 五古

七

誰料百代下領此無言師元非折腰具聊復尉河西
開軒延勝氣不許贖客隨凜然廉藺風坐用談笑追
懸知杜武庫時與河陽期持觴望天末雲樹相參差
直恐永和日未能相盛衰徑煩畫幽處公莫惜鵝溪
阻風濤溢浦捨舟由山北以歸

自發郎官湖挂席如江練繫舟潯陽郭風濤中夜變
攜孥坐菰蒲驚歎難見雁明當度山椒聊寬汝園眼
諸人絕江遊同安大風濤作予適病眩不能渡
平生湖海心舟楫雅所便揚舠欲尋山風濤怒欲掀
中途得眩疾跨馬如乘船誰能於此時絕江歌叩舷

寧廢賞心晤歸作襄陽眠壯哉二三子嗤點懦不前
願慙謝公嘯幸免季野憐延日望斜照歸路山蒼然

用陳觀韻寄廣心敦詩兼示陳

卧疴春帶賒抱獨眉宇皺歎懷北阮貧既親亦有舊
歸歟渺前期騎氣勞侍後暄風攬客衣勝處當宿留
遣我次公嘲知君杜陵瘦

陳侯探禹穴辭源何浩浩佳處似陰鏗丘里得名早
吾家習主簿筆頭妙揮掃花繁漢署香春事隨花鳥
快裁兩牛腰何代無賀老

四月十八日過師賢留飲歸用前韻寄師賢

日涉園集卷三 五古

三

避俗非避世擇交須擇鄉共泛忘憂物聽雨對胡床
江湖繫舴艋夜窗燈火涼論詩中鳴鏑辭源注方塘
韋杜骨已朽誰焚更生香我纔肩培塿君自粲氏房
玉人能曉此藻繪已埋藏破涕欲爲笑橫膺復快快
行矣勿復道孽孤政爲祥

離雲居道中偶成寄微先馳恭首座

久樂巖中趣未覺身世拙冬暖愁雲開歲晏塵事歇
山靈招我遊草木亦欣悅黃松少稊羔蒼崖對宿雪
山川誰斷取驚在仇池穴恭公雨花手微公傲霜節
喚一作起隨粥魚談餘餞山月兩禪過虎溪一筇頗

清絕歸來武陵春欲向幽人說

日涉園集卷三終

日涉園集卷三 五古

古

日涉園集卷四

宋 李彭 撰

五言古詩

寄微先馳

雲橫暮鐘微窗含遠山曙卷祓正佳眠候雁送寒暑
觀君弄泉手豈是縫裳具獨鳥不西南長懷天際樹

寄徐聖功

暄風緣隙來窈窕過我廬新花已集目弱柳復藏鳥
故人怪音素定知中密疎客從西縣來問訊聊可娛
幽窗含暝色亮月麗高隅意逐前雲去微鐘尙虛徐

日涉園集卷四 五古

豫章叢書

以酒渴愛江清爲韻寄秦廿四

春風草際歸爾客向杯酒觀化發珍藏俱爲鄙夫有
雖無雅頌姿稟之維楊柳賞春頁獨難深憐魯中叟
倦遊文園令病肺塵消渴句幹造化機雲霞互轆轉
慢世誰與傳嗤議從夸奪誠哉死諸葛能走生仲達
通籍金閨人物望侔鼎鼎醉卧古藤陰一往無復再
卒業有劉歆學富仍多愛定持柯亭竹遡日吹丹塞
元暉擅江左遠岫列雲窗佳句神其吐律身未敦龐
胡爲犯奇禍雙流帶二江將智嗟耄及懷寶聽迷邦
隋河苦黃濁不亂長淮清秦郎久埋照餘子祗平平

詞林得此士隱若楚方城風流不頓盡驚人聞一鳴

用韻寄潘仲達

淵明解真意欲辯斯忘言我亦厭苦相頗復參雞園
潘侯隱於酒早悟逍遙篇兩髯俱似戟空洞復昭然
不作逐貧賦共結貧中緣臨江弔公瑾登樓懷仲宣
何須畫麟閣從渠定天山君看持漢節白首是丁年

寄甘露滅

疵賤楚江濱真遭女須罵自無交呂心從猜迫信詐
頗耽麴米春寒柯一壺桂嶽逃蘇晉禪時赴拾遺社
念我眼中人十燭九已她向來支遁林得禍不能嫁

日涉園集卷四 五古

二

解罽登霧中萬事頗高謝奇骨挾風濤吐句端可怕
何時織錦機緯經聊一借懷哉付短章參旂耿寒夜

次韻寄錢仲仲

簡秀歎真長韶潤思阮裕眼中人物衰政爾用金注
吳產尙父孫思脫塵中屢嗜學頗經奇於我實肺腑
高材堪遺補伐冰非所慕時於鼓吹間自得鳴鶴句
妙語隨霜臆識我丘園路賞音吾敢辭當傳太沖賦
次陶淵明贈羊長史韻寄季翹叟

遺民百念冷中歲多躑蹰不希咸陽價頓有旁行書
李侯妙德望閒雅亦甚都南郡此名流聞聲十年逾

披雲落星灣情留厭歸與只今丘園夢君與川岑俱
曾中書零亂清言不躊躇曩時夔道囚風神頗相如
此翁蟬蛻去詞林遂榛蕪迺於羣憂中孤笑成歡娛
冷官類逃禪未減漢庭疎何時招隱巖追涼遲望舒

還日涉寄吳世良

白珩藍田生赤驥渥注種異產非其源定自難入用
吳侯掌武孫九鼎家世重筮仕如挽強妙手一一中
抱贖鳧雁行嚴憚安敢縱捐金購奇書嗜學有餘勇
鄴侯空插架而子頗成誦昨日章水頭春風吹客夢
開筵置清醴落月流畫棟念子不負丞義士色爲動

日涉園集卷四 五古

三

梯山貢楛矢効珍出銀鬻胡爲百僚底歲月數賓送
天邊賞音意推轂亦云衆他年解組歸三徑著求仲
次九弟遊雲居韻兼簡鄭禹功博士

幽棲捐衆累塵事猶抗行浮湛太古相却掃何癡生
祇園有勝踐蒼崖無俗情筍輿度絕壑雷雨下滿盈
矯首出巖幽斜日耿煙樹玄蟬斷續鳴驚磨縱橫去
未窮山海迹茲焉賞心遇絕勝馳康莊車鮮馬仍怒
博士麟一角曠世獨秀羣曾中藏箕穎筆端生風雲
平視楚倚相陋矣知三墳佛界飽遊衍草木俱欣欣
阿彤荷衣時適與此山別願言奉巾屨不復苦炎熱

歸來出新詩老眼聊一閱雖非天姥句淺淨亦可悅
病夫世味薄野處隨年深以彼有限景寫我無窮心
緬懷太沖語山水有清音時尋松桂約勿遣嘲書淫
次韻謝眺直中書省詩寄馮顏爲

泰階就平夷風軌肅恢做內樞方暢謀吳岫俄矯掌
富貴踐危機紛華嬰世網諸生經濟心緩帶赤霄上
黃金買蛾眉歌臺爭暖響未聞舜九官賣友變俯仰
重瞳垂衣裳閭闔映蕩蕩均勞當賜環看公被嘉賞

次韻謝眺登三山還望京邑寄六弟

日涉園集卷四 五古

四

危樓日輝輝絳闕雲練練那思赴脩眇豈復憶遙甸
佳人夏鳴瑟開懷具芳宴但願酒如灑詎計花如霰
緬懷棄繻志彬蔚期豹變

次韻謝眺京路夜發寄六弟書因以督其歸

問津實知津阮屐穿幾兩束裝徑曠呖呼船凌泆滌
老餘風埃顏枯槁日日上屏居二十載寡求每自廣
眷言季行役清音當見賞聲華慎交綬物色易搖蕩
得嚮早歸來毋爲勤掉鞅

寄郭循正

粲粲有道孫丰姿復亂真養氣如晴虹照映塞外春

好大有餘韻雨墊烏角巾典學萬人敵談笑五臺賓
篆筆壓秦相翻笑蔡有鄰長袖果善舞巨價藏百珍
豈繫寂寞中見此妙入神平生樂聞善况我骨肉親
孟堅贊炎漢揚雄賦逐貧

次謝宣城出新林浦向板橋韻寄汪彥章

名郎摩霄翼徑逐先賢鶩奇胷如洞庭中藏萬烟樹
憶昨易前期寒暑亦云屢雖聯台省班未減江湖趣
老境專一丘病著隨所遇何時過我來嘗柑喫香霧
寄陳無惑

憶昔悵有違平湖拍天漲公乘美滿風乘興破巨浪

日涉園集卷四 五古

五

我歸茅屋底念切情恟恍中間忽抱瘵此病卽无妄
伏枕辭鳴蟬秋風吹倚杖緬懷醉夷門歎咏真愜當
頗復持漫刺曳裾謁丞相曩者金石交爲子傾家釀
膚清神更清年壯思亦壯蘭臺要給札杼寫不流宕
讜言動主意湛思慰人望歸帆拂五老停臚當疊嶂
不忘茗果期烟扉聊一訪

余與劉壯輿先大父屯田父秘丞爲契家壯輿

又與子厚不數年皆下世今過其故居

劉郎平昔居門巷草芊芊念我眼中人骨驚淚潏潏
中允實高蹈倦遊自丁年問舍得匡廬卜宅如澗瀍

懸車著屋山騎牛弄寒泉秘書極精銳筆下走百川
日戈擊姦佞直聲寰宇喧諸郎排候雁一一落雲天
獨餘漫郎叟高名星斗聯辟書日夜催援毫錄羣仙
幾負喪明責挂冠遂言旋中河忽墜月半岳遽摧巔
孤嫠俱幽憤一仆無復痊傳家惟蔡琰擇壻得鮑宣
驅車官殊方衡宇頽荒阡壞壁蝸篆滿小窗蛛網懸
翠藹遠山暝蒼苔脩竹連往時所憇樹相與聽鳴蟬
忽逢持斧翁葆鬢青行纏採薪收斜日伐竹破疎烟
沉痛迫中腸裴回不能前高明鬼得瞰豈弟神所捐
微吟復淒斷暮角西風傳

日涉園集卷四 五古

六

子與謝幼槃董瞿老諸人往在臨川甚昵幼槃
已在鬼錄後五年復與瞿老會宿于星渚是
夕大風雨因誦蘇州誰知風雨夜復此對床
眠之句歸賦十章以寄

曠客苦填委神交多乖離靜言數存沒驚飈遯難追
水清石自見山高鳥鳴悲一盃且相屬何庸記吾誰
久矣羌山遊幽討無復遺如觀侏儒節觸類或可推
山靈厚相戲傲以所不知故放出岫雲變更無定姿
憶昨謝幼輿宜著丘壑中論交麴蘖底愁絕連樽空
自我失此土清夢隨歸鴻封胡與羯末安知無餘風

高臺擬峴首孤峯陵天姥與子各壯年車鮮馬亦怒
歲月忽欺人于邁不可補詎知喚仍回藜床同夜雨
誰其妙丹青將軍獨曹霸能開生面姿拂絹貌照夜
偉哉千載後萬金不當價吾欲評斯文善學如善畫
却老煩青精度歲掘黃獨長乘下澤車何煩挾丹轂
求我盛年非常恐不可復永結交舊歡阿謨甘碌碌
吾憐阮嗣宗口不挂臧否是眼何親疎青白生譽毀
照隣殆庶者頽脫當悟此本心如空虛何嘗受塵滓
曩時太傅公日下欲無對富貴恐不免大節在顯晦
一朝出東山勳業列鼎彝眷言固窮士難進思易退

日涉園集卷四 五古

七

脂車離郊園潛筠人許長歸來十畝陰縹節已儲霜
畦畛日將蕪况復病在床亭亭望五老煙雲晚蒼茫
渚蒲方蒨絢汀草亦芊緜扶藜數過鳥蕩槩看歸船
董子有來約要在秋風前已辨河朔飲更哦陶令篇
喜過洪仲本于山南以蟬噪林逾靜鳥鳴山更

幽爲韻作十詩寄之兼呈駒父

萬壑無定姿勝處加風烟愛山亦尤物常怵他人先
凌厲矯雲翻酬酢含風蟬終日松路永冲襟頓蕭然
故人隔秋水夢住寧可到山南會心處不負乾鵲噪
胸中如陰雨百穀仰一膏嘉德向來深此事神所勞

明月出東壁歷井復捫參如我飲歡伯了無經世心
土膏富畦壟濁醪有常斟鳥語復見廣浩蕩栖雲林
遊目霄壤間稟生不可逾企躍有定在嗜好真殊途
超詣方獨往安然鐘鼎娛嗟彼強聒士營營竟何如
老圃志沉鬱久哉宦踪冷道廣雖難周恬愉境元靜
著書雪明窗垂老真雋永乃郎汗血姿一一皆絕影
窗上飛野馬酒中鳴山鳥俯仰幾何時秋林風嫋嫋
高懷凡情盡虛齋塵事少卧讀若耶詩意寄在雲表
綠髮嗜翰墨頗徂成章程耽思且傍訊僅有能詩聲
老語如凍芋時時強抽萌公等及英妙每聞鶯鳳鳴

日涉園集卷四 五古

八

禹貢金九牧鑄鼎知神奸博學如地負能發鍵與關
奇貨只希價妙語期藏山要當繼三代何勞追二班
豺祭秋事歸葦收遂爲政爽氣挾曙來風露頗輝映
祛我中夜懶起予維摩病回首問炎蒸暴虐予難更
倚杖覽清曠江皋事事幽戰勝名義府策勳逾徹侯
世故每情得塵緣成語偷長吟撫孤松濯足清江流

蔡州顏魯公詞

孤雲亦羣遊勁柏受遠托烈士懷貞心肯勞常情度
堂堂顏太師立朝獨莊諤太宗柱石衰中夜懸六博
朝廷冠劍人孤君資元惡公當蔡州鋒活國立然諾

頭顱危一葉舌本未渠弱恥為蘇屬國華顛圖麟閣
想當凶焰時直氣森噴薄廟貌存典刑社鼓追冥漠
我生當昭代何憾涕橫落浩歌招遊魂白眼瞪寥廓

聽了公孫彈琴

商飈吹菰蒲船官停雙槳中有陳太丘堂堂道彌廣
容我拜床下凜然增妙想碧洞名家兒侍立資開爽
取琴為我彈襟懷自恢朗蘭芽弄微絃巖谷發佳響
迺翁琮璧姿風氣日豪上一言犯台鼎放逐金波漲
郎君翠眉低沉憂雜悲壯滄海連三山攫醜共消長
生雖有如此十年遠色養推手且罷休夕嵐橫莽蒼

日涉園集卷四 五古

九

倦夜

倦夜苦夜短追涼卧前楹清飈颯然至泮穢開天經
月在房心間木末相將明頻年因秭稂何足糝藜羹
一飽吾可必呼兒斟醪醑酣歌幾達曙露下濕流螢

雨坐遣心

孟夏始三氣暑還自何鄉稍稍切肌骨病著徑卧床
雲從歐峯來將雨送微涼容與過朝市殷勤洒林塘
幽窗多僧氣頗帶山茶香縹思隨歸雲冉冉列禪房
此物方料理陰崖容伏藏火老恐愈濁熏煮猶未央
會當賤山靈時來呵不祥

讀左氏

麟經書王法聖筆行天誅丘明發其蘊磊磊昭九隅
奈何蠶粟犢命日相斫者世不足董狐殺青議其覆
無煩家置喙桑若夜占斗舌本未暇澆但自飲醇醪

送嗣行叟住雲巖

昔在馮光祿精兵伐莎車大宛獻象龍權奇天馬駒
朝趨不動塵歷塊暮過都銀鞍香羅帕踰驥行坦途
一朝伏轅下局趣時長吁霜蹄繞羊腸飄思在垆娛
復聞郭橐駝種蒺藜絕代無擢秀土膏動安恬肆紆餘
儕流失妙理靜躁由來殊木性不受觸剝膚驗榮枯

日涉園集卷四 五古

十

柳侯為作傳臨民真楷模嗣公武夷秀淡然雲水徒

風期歷支遁淵源從老盧膏肓在巖壑浩浩不可汗
屢辭公侯聘煙霞閱團蒲忽著垢墨衣俯身蛙龜區
我本佛國淨示見穢土居譬之噴玉姿驪首徑崎嶇
雖懷萬里氣詎可輕艱虞亦如蒔卉木涵養須敷腴
根節藏蠹蝨安忍不剔除名駒即商鑿種術毋令疎
邾蝨或蠹蠶三言成於菟願公置座右愛之良不誣
夜窗為長吟霜飈響高梧

次九弟阻雪不得遊雲居

憶女垂九齡尋幽非舊常兩鬢忽如棘歌聲類蒙莊

山色故無恙老者須眉蒼戴之著車後誰言山路長
每逢勝絕處賦詩要難忘大雪渺空曠清境詎可望
燭龍何時來銜曜發暉光長懷亦云極煙渚聞鶯鷓
雨後望雲居

愛山勇成癖巖壑羅心胸政使語幽絕何如天際逢
春雨雲斷續蔽虧歐岌峯如我金石交渺然曠音容
眼邊出突兀煙霞更葱曠方營五字賞鳥下醉吟中

聞蘇大養直同李子充遊雲居作此詩招之

人心各如面石交定誰逢吾觀蘇夫子真有古人風
自開蔣生徑日望求羊蹤乃攜李長吉上我歐岌峯

日涉園集卷四 五古

十一

羌山落君手稍欲吞附庸練練峯上雲蕭蕭岩際松
想當岸綸巾嘯傲驚歸鴻我有浣花竹隔林聞曙鐘
幽禽發佳響亦足披心胸何當小休轡一尊聊此同

再次阿敵韻寄舒大士兼簡微首座

風窗生晚聽雨砌耀宵行斜柯橫吹度綠堦細草生
片月懸屋角嬋娟有餘情世味了無取虛懷浩難盈
欲念山阿人臨崖九秋樹袖手謝鼎來屢袂推不去
兀爾自忘緣湛然隨所遇稱譏洶濤波泐解恬喜怒
我亦樂清曠頗甘去人羣回觀蔭華軒澹如秋空雲
二桃殺三士纍纍蕩陰墳吾廬蔽床蓆有託泉鳥欣

室邇會面稀輒發分手別緬思耐久交不爲翁翁熱
祇夜在貝多有懷時間閱頻伸三昧起燕坐真適悅
吳產微開士膏肓崑穴深向來避小草于今有遠心
懸知軒轅律定非桑濮音寒藤且高閣川塗多毒淫

端午

鄭袖椒房寵音容勝莫愁多情上官郎朝夕侍冕旒
從來秋水好見謂繞指柔何堪女須罵竟與鴻夷遊
至今荆楚兒奮舟競長流重華改前度歸翮起南州
莫作古時恨靜聽敦誨謳

北牕睡起有懷吳世南

日涉園集卷四 五古

十二

曩時謝仁祖蕭散北牕下捍撥響鷓絃天際頗閒暇
淵明曲肱卧餘事眼不挂便欲俯羲皇涼颺助矜詫
縱觀兩郎傳明如丹青畫獨於避俗翁英姿猶可借
此翁多新詩天成妙風雅不從人間來句法殆神化
伊予綠髮時奮古談王霸中歲懶問津銳意學耕稼
一往二十年了不異嘲罵性初嗜清醪病見杯勺怕
徑作雲牕眠端回俗流駕緬懷吳朝歌南州滿聲價
虎脊天廐姿未覆香羅帕顧我迺神交素書每盈把
何時逐飛蓋西園樂清夜微吟望天末虛懷聊獨寫
病中有懷

江城春事還溫風攪清晝花藥粲以繁好鳥俱應候
客中維摩病何心折楊柳黃鸝勸窺園於我意頗厚
緬懷趙明府傾蓋真若舊翩翩佳公子奕奕名世胄
筆可扛龍文識足辨壘日何當與若人長歎向宇宙

有懷張掾師言

戶牖煙霞積池塘蒲稗深幽鳥如交友招喚出疎林
懷人隔滙浦終朝梁甫吟別鵠太古澹微絃寫瑤琴
誰能領斯妙士貴相知心僧彌非謝守其誰能賞音
深衷若為寄長歎看遙岑

有懷鄭禹功

日涉園集卷四 五古

三

吏隱專一壑才名橫九州袖手煙雨外坐看江漢流
斯人美無度孤標可鎮浮窮居白日靜蒼苔門巷周
永懷不可見臺笠向西疇

夜坐懷師川戲做南朝沈炯體

鼠塵觸蠻兵客夢寒窗短牛斗挂闌干起視夜參半
虎頭丹青手欲畫澀回腕兔尖渴陶泓得句亦不漫
龍沙懷石友羽觴舊無算蛇飛梵王壁絡驛壯神觀
醉踏吳沙歸轉盼歲月換羊腸自詰曲馳道方晏晏
旋攜古菱花悟罷如水泮雜園談妙口當我一笑粲
狗監浪延譽凌雲非吾願猪蹄祝汗邪舉世良可歎

雲晚望懷子充宗弟

歸雲度山椒木末留夕照聯翩銜尾鴉不復明楚調
安知牛尻沒便出豐年笑南阮有偉人領略造意表
端憂突不煙岑寂有餘妙簡遠到安豐邁往同逸少
頗教弟子員鈇槩發清奧誰可相推轂僅自免鑿譙
闕月不傳音柴門跡如掃藜床還睡債癭杯敦夙好
為君短長吟扶筇送飛鳥

懷子充復次閑字韻

彌年曠不接耿耿心未闕緣何稅君鞅飽看江西山
追涼故園樹待月房心間君歸有後約悵望何時還

日涉園集卷四 五古

古

元亮詩次王局翁過二李故居韻賞僕作草堂

于故園同賦一章

兄家咸陽公餘澤被岩麓恠底多珪璋藍田自生玉
我獨出衰緒嗜酒仍愛竹晝眠殷晴雷看雲腰不束
作堂延野色風吹草心綠情閑飛鳥親相呼暝投宿
往往遼東鶴來棲手栽木心期得幽子浩歌去邊幅
抱甕同灌畦牽蘿來補屋修文不無人付渠調玉燭
董真人煉丹井

董子侯官秀養真匡山陰瓊田藪金穀絳雪飛瑤林
種杏合虎守偵稍見本心淮南雞犬仙詆鼎昇瑤岑

寒泉冽舊井遺風猶至今我來澡髮眉憑虛欲展展
稅駕不忍去遂歌梁甫吟

日涉園集卷四終

日涉園集卷四

五古

七

日涉園集卷五

七言古詩

宋 李彭 撰

聽侍其雲叟琴

君家建業城東頭，捲簾卧對長淮流。
除書謗書不到耳，空洞腹中無片愁。
白浪從高瓦棺閣，清夜無人響猿鶴。
琴聲時復一挑之，北斗橫天月將落。
御風過我故山岑，一寫太古之清音。
當春風動為淒緊，波底時聞龍一吟。
坐觀人琴成二妙，覺來形穢顏枯槁。
伯牙袖手意有餘，請公臨流一舒嘯。

日涉園集卷五 七古

豫章叢書

聽程道士琴

鷗絃鐵撥世多有，玉箏銀甲嗟凡陋。
平生綠綺醒心泉，淨洗耳根端不朽。
鍊師霜髭已滿頤，履霜坐彈霜葉飛。
腐儒凍餒非所惜，物物願荷皇天慈。

演上人以權詩示余歸其卷演師系以長句

花縣潘郎未白頭，下從玉局仙翁遊。
平生四海饒次守，脫冠壞衲藏深幽。
死生俱在天一角，句法不復陰梁州。
眼明得此道人演，更遣權詩遮世眼。
喚起蘄春十年夢，恍如神明還舊觀。
黑柏蒼鷹飽欲飛，天馬銜芻方來漢演翁。
自是塵外客，筆端秀句應無敵。
禪餘

輒軋弄鳴機，紫鳳天吳亂。
紅碧會當載，月漾舟來盡。
出公家金粟尺

觀呂居仁詩

西風塵暑功夫深，老火由來欺雅金。
蠻花缺月午夢短，伐翳正爾開遙岑。
忽看僧珍五字句，妙想實與神明聚。
清如明月東澗水，壯如玄豹南山霧。
抑揚頓挫百態隨，鷲鳥欲舉風迫之。
莫言持此黃初詩，直恐竟亦不能奇。
老懷凜凜受霜氣，想見此郎冰雪姿。
鄙夫好詩如好色，嫣然一笑可傾國。
擊節歌之侑歡伯，杯中安得著此客。
此客不肯繼塵羈，况復世網如蛛絲。

日涉園集卷五 七古

二

秋空橫河鷗鷺上，不許蜂蝶同所歸。
漢家太尉死宗社，大鳥泣墳天所借。
謝傅未吐活國謀，齋恨懷奇赴泉下。
僧珍向來期此人，顏波砥柱妙入神。
要當疊些湘水濱，喚起猶足張吾軍。

曉發琳山晚會于湖光亭

琳山寺前雨翻盆，辟邪渡頭爭渡喧。
湖光主人敬愛客，解裝咄嗟開酒罇。
江城花盡柳亦老，薄暮歡娛憐草草。
殷勤為喚兩紅顏，始知人好鳥還好。
班班鬢間少黑絲，客中不復憂心擣。
阻酒中聖少年時，江湖放浪真忘歸。
老來頗衰丈夫勇，心隨隳鳥投林飛。

謝人見過

門無祿職軒車過草廬寂寂南陽卧夫君掀髯來扣
關不減昔日陳驚坐肉食者鄙無遠謀喜君意氣橫
霜秋已看獻策尊王室白筆應須上黑頭

遭風濤神林浦

伐鼓放船落星渚爭睹鳧鴻集儔侶乾旋坤轉風掀
掀陽侯就戮波臣怒廬山孤嶽政排空複閣重樓欲
無路水蟲瑣細何足云竊發憑陵敢予侮長年吞聲
三老悲老妻驚呼稚子啼病軀不能自料理袖手懸
知藜粉期謝公吟嘯吾豈敢與公悲號差勝之寒菹

日涉園集卷五 七古

三

百囊未渠盡猶得餘生見昏親歸帆行將拂五老要
及霜風快鷹隼徑須作牋寄魴鱖行路艱難公莫遠
南至日離同安舟中寄阿弓

去年開冬亦戒塗北風吹雪邾城隅八字山頭駕高
浪曙角更聽吹單于今年南至又行役蕭寺佛香僧
飲俱身在瀟湘黃篋舫眼看惠崇歸雁圖緬懷吾家
之季子細酌明窗愁欲無詩腸定遭酒媒孽語作曉
霜摧槁梧漫將長句代作草河凍難求雙鯉魚歸期
不落蠟賓後行李困來頻寄書

夜宿寶巖寄寇李二鍊師兼懷王環中

北風驅雲度危嶠日下蒼茫煙靄橫山靈喚客起杖

屨定自不凡爲此行山南冥搜未得妙山陰問津向

猿鳥遙岑疊疊羅峻屏溪流濺濺鳴楚調眼明全椒

道士家丹砂入頰暎朝霞談閒勃窣妙理窟挽不聽

去猶欲遮縹思右轄千丈松眉宇中蕺嵇阮風放船

雲夢鬼作祟魂磊仆卧洪濤中此翁身大不及膽引

帆復逐天邊鴻淵宗堂中柱史裔黃鶴作雛欺鶴唳

衣裾不著京洛塵潛心涪翁哦五字相逢俄頃復解

攜韻勝遣人增想似僧窗夢短夜復長句扶寒霜聊

可寄

日涉園集卷五 七古

四

寄崇書記

窮山歲晚滿烟雨欣逢支公會心侶斲詩已度曹劉
前談立復恃殺函固寒廳夜寂斗正橫衰懷徑協滄
洲趣新章頓挫兵出奇遙隨歸鴈下烟渚胸中書傳
要扶疎筆端聯翩將脫兔洲洲揭就漁陽慘遠作回
帆聽鳴鼓明窗試翫老髯語黃鶴看君響長阜山除
傲吏有僧珍水鏡湛然當見許

寄甘露滅

道人欲居甘露滅年來寄食溫柔鄉開單屐底事
遠舉案齊眉風味長我衰日涉甘岑寂頗招霜刺頤

長出鰓隨魚鼓供伊蒲一墮塵網誰能力要知在欲
是行禪久聚荷花顏色鮮秋濤風怒何掀掀莫到危
檣沈法船

寄何生

爛羊都尉本不惡鬪雞開府無處著天祿諸君盡貴
游據鞍上馬能不落何郎未免儒生酸於此政復不
作難但公剩著潛夫論何須頭上鵝鵝冠

懷秦處度復用山谷韻

秦髯昨首長沙路捨舟來見餘霜兔翻憶淮山雞黍
秋二十年來穿幾屨衣如懸鶉氣栩栩足垢頭脂藏
妙處欲買桑柘閭里歡却乘舴艋江湖去似尋劍客
說塵埃北走南遊未安堵去年籬菊今又黃安得同
嘗嘆香霧

日涉園集卷五 七古

五

遊雲居歌

岷峨秀氣凌太白諸峯彈壓流輩百右軍昔爲懷祖
因此心勇往曾未識羊家叔子端可人峴山何爲苦
傷神多情賴有鄒從事與山不磨有遺味平生尋幽
幾屐穿始知歐岌峯外天捫參厯井出鳥道耳邊河
漢聲潺湲千古追懷同一律神明還觀悲節物兩郎
凜凜安能來定於何處埋爾骨往時弘覺大道場心

淨無塵聞妙香幽禪寂寂師衆可高韻卓卓凌蕤黃
九原蕪沒那能作勝日良游自不惡靈雲野桃初著
花鼻祖柏子僧前落玉函貝葉渡流沙法筵復雨曼
殊花充虛解戰天皇餅破魔驚睡趙州茶世細嬰人
太煩促桑下安眠戒三宿柴扉草閣空歸來大梁推
枕黃梁熟

玉花驄

杜陵絕唱驄馬行想見驪雲噴玉聲龍眠貌出姿態
橫香羅覆背紅汗透如行沙苑秋風瘦我羹芋魁乃
飯豆不愛金羈如此驄深雲一塢住山翁朝霞入頰

日涉園集卷五 七古

六

常敬紅

胡少汲名宜孺龍舒佳士清修可喜往歲見之
金陵聞除御史因作此詩以見意

聞君往年客淮西及見我公無恙時潛山皖水德星
聚天下中庸人表儀川行節往萬事盡我獨流寓東
南涯協洽之歲秋九月買船適詣秦淮潛建康城頭
雞欲曙白下門前鳥未飛有客剝啄復剝啄出門一
見忘塵羈戛然野鶴下孤嶼意定吾子初無疑高談
確訥不貳倚養此鬱鬱澗底姿發蒙振落笑餘子招
之不來不可麾判司卑官果難屈脫身遂與筮楚辭

行行且止避驄馬膽落于地非公誰御爐烟動天顏
喜柱下雲開春日遲側席愛民如愛子願達民情蘇
瘡痍要使英風觸白獸更遣直氣生青蜺鄙夫養疾
江漢間有知不信吾誰欺

范家所藏孫知微畫彭祖女禮北斗圖

晴空無塵月在房松間博山沈水香翠眉女子約畧
粧兩足亭亭如雪霜步虛之聲風度長紫微北斗忽
低昂金釵何勞十二行不羨盧家丹桂梁凌雲已復
飛羅裳生絹寫照公家藏應憐彩鸞翳鳳凰未能割
愛俱期翔

日涉園集卷五 七古

戲答樓笋

樽翁落落綠坡竹肥如瓠壺書滿腹好客勤炊燭代
薪中厨羹金仍膾玉春風渺渺生微瀾欲向吳江把
釣竿引帆伐鼓閔三歲候鴈不來衣帶寬阿蠻虎子
能哮吼千金掃除似無帶却甘杞菊侵我畦固窮不
障談天口剩誇樓笋饒生津章就旁搜不厭煩錦綉
嬌兒直欲避紫駝危峯何足陳出爲小草居遠志藜
藿盤中長此味客來不廢董嬌嬌安用凋胡見真意
年來我亦食無魚莫遣此老專懷瑜時時酒澆茶茶
尊亂我立藁俱扶疎

送所借書還王生

鄴侯家藏三萬軸牙籤新若手未觸此翁眼如九秋
鷹一過成誦不再讀愧非元晏獨崢嶸復愧王郎著
論衡案頭螢乾太苦相久假不歸何癡生開州公子
好奇古胸中寶笈森四庫安用鄴侯插架書向來借
我紙上語頻年多病百不如準擬傳書學截蒲還君
一鳴細故爾莫厭時時開鎖魚

題閣立本醉客圖

酒有何好工作病頗怪斯人喜中聖藏身麴蘖勝巖
幽寄愁天上呼不醒春風吹開玉東西月墜參橫斟
酌之吐茵脫帽有妙理眩朱成碧渾忘歸右相丹青
果馳譽幻藥調成疑笑語便覺微綃古意生似聞醉
眠卿可去半生憂患復蕭條囊中肥遁何須邀一樽
桑落對公等盡解平時藜苳嘲

包虎行

畫師老包氣如虹解衣醉倒塵泥中急呼生綃卧展
轉筆追造化分奇功須臾奮袂於菟出絕壑陰崖嘯
風月懸著高堂烟霧深觀者膽寒俱辟易誰爲彪子
與虓孫宛陵後葉諸仍昆顧視雄姿亦道緊小犢爾
栗何勞吞通元論成馱貝葉大空小空隨老衲何暇

日涉園集卷五 七古

八

與汝同條生元豹豐狐要彈壓

望呂道士庵居不果往

鍊師精悍極了了窮谷營巢若飛鳥流泉滌盡化緇塵
明窗點存填血腦停策微聞叔夜琴叩關阻食安期
東我方尋源上河漢目送落日諸峯小秒秧蠟屐
要重來與子相過拾瑤草

食鰻魚戲呈夏侯

君不見吳良齋郡吏歛板居高隨掾史諸郎元日壽
府君觴酒諛言敗人意口角擊節五馬賢鰻魚百輩
爲君賜又不見江左之褚淵此魚一尾售數千丈夫

日涉園集卷五 七古

九

須髮果如戟但知堪炙寧論幾平生剛直卧江漢非
吳非褚何由羨療飢漸台亦可悲味比瘡痂良可賤
謂言此物不擬嘗餉我因君累十觴漢陰槎頭推不
御徐州秃尾甘走藏藜莧腸中初未識已覺盤殮慘
無色憑君遣使更函封莫令子羽吟頭責

重遊草堂

德人昔遊居寢處一草一木可敬之涪翁初釋楚道
縛枉道過我臨水湄梵宮三託吉祥卧悠悠東泛長
淮涯牽絲姑熟席未暖鬼瞰幽明俄解龜鷄鵲洲前
弄晴泚祠宮寄食長江西黃絹碑中發奇禍播遷瘴

海如湘纍天生斯人意有在世或不用將何疑巫陽
下招化黃鵠不遣啄腐隨家雞前年歲晏到蕭寺園
眼適見鄒松滋涪翁故時得此客今已改色嗟流離
大招淚濕綠坡竹神觀凜凜疑來歸今年森木挂秋
暑鴻鵠鈎朝向我啼重來野僧零落盡壞帳鼠齧非
當時過眉拄杖爲小立將隕西山含夕霏

黃岡尉錢紳種蓮池上開軒榜曰超靈蓋取鮑

參軍荷花賦超四照之靈本云

平吳利在獲二陸我得斯人一夔足明光射策卷波
瀾瀾橋新詩挾冰玉只因心實鮑參軍種花歡招千

日涉園集卷五 七古

十

載魂筆端有口不倚辨一作辯盡付此花生氣存一代
風沈幾頓盡漢官威儀聊復正覓句何勞夢惠連解
頤未用吁匡鼎秋風蘋末助鸚鵡花葉應須讓一頭
何必嘉陵種嘉橘始擬人間千戶侯

東庵舒老出徐兔園障求詩章末兼戲行叟

宛陵包虎天下無徐生之兔畫作珠琅明忽見此繁
者在笥不獨藏於菟平崗雄兔脚撲朔草樹深煙紛
漠漠懸知丹青相拂研不怕蒼鷹頭戴角坡陀雌兔
眼迷離拊憐大兒攜小兒銜粟分甘且療饑學母由
來無不爲東萊道人念俱寂遣予不復嘲熱客生稍

新圖聊一出便覺野風來四壁緬懷中有衣褐徒不
牙不角真跌居莫令舉網拔豪族湯沐管城遠自娛
黑頭歸來能自了巖壑猶堪伴猿鳥

題伯時所畫邵平種瓜圖

邵平湯沐故千戶解組投林如脫兔勒銘鼎彝屬伊
人我方荷鋤斲烟雨瓜田鈎帶蓋阡陌大者輪囷細
旁午殺函設險吾何補日日青門自成趣槿籬半破
復牽蘿夕霏腕腕留疎樹娟然翠氣出眉嫵喜得斯
人慰遲暮劇談欲寫塊磊骨尙恐軒昂作莊語畫師
紛紛安足數對此令人重毫素陽陵公子傲雪林灑

日涉園集卷五 七古

十一

落由來足風露自言購取傾家賞柴桑要伴歸來賦
兩郎後先千載餘粉墨相追吐風度懸之素壁足丘
壑噉噉猿啼起寒霧

題盧鴻草堂圖

丈室幽雲織翠微盧生草堂雲作扉陰崖絕壑鳥跡
稀扶藜縱觀拂雲霓心知丹轂赤吾族要須愛身如
愛玉三十六峯幽意足何必鑑湖分一曲老仙會上
登封壇一夜甞生雙足間不知此圖筆筆妙巖巖映
帶冰霜顏集賢學士從省歸僧床卧觀畫掩扉繡鞍
那補塵化緇不如盧郎駕鴻飛老生蒼顏今採薇故

山風煙常滿衣眼明見此社中客盡謝東阡與西陌

題包虎枕屏

兩虎肉醉欲醒時飢腸得飽恣遊嬉一虎當巖自哮
吼朝欲食子暮食妃最後一虎絕長者坐獻眼有百
步威豺狼當道正須汝莫尋免徑問狐狸

列道道以古銅爵見歸

何年銅爵姿狀古如對高人開美度重雲結疊虺虺
雷遶腹循環危欲雨廉問御風之子孫世南秘書藏
肺腑縱欲炙真垂涎舉以壽卿吾所許非無玉舟
金叵羅簡素睨之如糞土奈何趙壁復來歸知我懷

日涉園集卷五 七古

三

茲會心侶拂塵拭面如故人口不能言實莊語細酌
明窗舊宿郎伴我微吟度寒暑

吳熙老家風雲圖

秦人屈鼎真畫師胸蟠風雲人得知獨無佳句自潤
色未忍援毫時吐之酒澆塊磊遂倒素練忽復翻
淋漓宛如盛怒土囊口颺至霆擊何由追墨雲滃鬱
摧半岳飛動殆莫窮端倪征人解裝馬伏櫪居人墜
戶雞亦栖虛堂高挂髮爲立三伏凜凜無炎曦吳侯
憐我慘不樂卷去隨手俱清夷乃知非獨畫工妙妄
念起滅分毫釐想富在筭常洵洵不與關河相蔽虧

會當一雨被八表何用祕藏深密爲

李伯時畫蓮社圖

遠公得名喧宇宙如意舉墮渠不知何爲歎聚野狐
羣依經解義真成癡柴桑老翁挽不留藍輿醉衝烟
靄歸由來却具一隻眼社中不著謝客兒白業許時
露消息鼻觀參取初自誰飲光微笑總爲此至今留
與後人疑

題吳成伯家文與可所畫晚靄橫春

湖州手參造化鑪墨君老雅俱扶疎含毫回作晚靄
戲凭軒丹青渾欲無雨深忽破鳥行急木末尙挂窮
猿呼衰翁將雛來蕩槳挽引斜暉到漁網嵐昏那計
目力長厓傾欲陟天梯往湖州雖仆妙相存此畫他
年人更珍但恐君家風雨夜山川斲取不無神

日涉園集卷六

宋 李彭 撰

七言古詩

晨起

晨起按行瓜芋區園豎畦丁爭殿最蹲鴟壠底未輪
困蒲鴉藤間懸鈎帶錦里先生態度同青門故侯風
味在肥家敢望李衡奴擊彊安用任棠薤累人僅解
口腹嘲賞酒可免尋常債含毫初不爲矜奇遣興聊
須風雨快

韓熙載宴客圖

日涉園集卷六

豫章叢書

紫微華屋桂爲梁中有侍兒宮樣粧閉戶投轄醉短
舞牛馬因風兩相忘翠翹挂冠真細事必能作賊無
顧忌堂上燭滅何足云亦期羽林射鵬子當年誰遣
轉鴻鈞終典哀榮厚恩禮西風猶吹建業水直恐姦
魂汚清泚

次山谷荅范信中韻

范君膽勇如季路三穴笑談空狡兔銳頭初無儒生
酸果呼下邳換雙屨往來風義公獨許藥裹追攀險
艱處公隨瘴葉落瘴鄉買舟反骨勞君去少陵未築
未陽墳尙喜宗文有環堵人生萬事何所無極目澄

江鎮寒霧

賦張翹所畫山水圖

異時頗愛宋元君踏門畫史如雲屯舐筆和墨太早
計解衣槃薄全天真夢澤張侯飽閒暇直疑胸中有
成畫酒酣耳熱呼不醒澹墨淋漓疾揮洒誰爲右轄
賦招魂遠過酸寒鄭廣文怪底高堂見丘壑欲攀松
蘿尋石門咫尺終南與王屋翩翩不下如黃鸝水南
水北索價高放浪猶歌紫芝曲張侯愛畫入骨髓腦
脂遮眼良有以筆端刻意寫遺民要似留侯赤松子
如聞可汲用王明會須添作貢公喜

日涉園集卷六

二

賦米芾所畫金山圖

憶昔扁舟帆正落揚子江頭風浪惡江心樓臺渾欲
沉不獨能高瓦棺閣晚山接天波面平白鷗去邊鐘
磬鳴雲昏上頭不可到往來余懷今未甯楚狂澹墨
掃絹素澄神卧遊知所處欲披霧牖尋野僧反向煙
汀辨江樹新詩葱蒨工於畫川岑想像高堂挂驂驢
絕塵走千里何勞遠處幽并夜漸到潯陽不復前安
得仙山來眼邊斷非毗耶掌中取直疑壺公謫處天
新詩妙畫真有益張衡南都能畢力不如此詩氣肯
峯却使丹青句中識

小憇琵琶亭呈環中養正

香山居士骨已冷
文采風流今未遙
捍撥何勞作胡語
寒江壁月想前朝
濤波竟夕相喧
逐吳檣楚柁爭
傾欹老夫何暇知
許事但飲松醪
煎蛤蜊

客有以戲魚竹枕見餉作此謝之

蘄州笛竹含風漪
縹緲月聊相依
白頭苦風癡女
問歲晚乃知非
所宜公從何處
得此枕勁節儲
霜餘凜凜遊戲
真同赴壑魚
小窗夕陽助
酣寢餌甘鈎
深安可圖長網
橫江嗟已疎
我甯低昂弄
清泚絕勝縷
切大官厨莫
作枯魚過河
泣寄聲魴鱖
慎出入長伴

日涉園集卷六

三

幽人蓑笠眠
夢破寒沙風雨急

同子蒼放船南山石壁下

南山脩源何所似
願癡鋪張側
釐紙酒酣激
墨風雨來咫尺
煙昏昏一作雲一生萬里
韓侯靜者妙
英姿乃呼扁舟共
遨戲我曹竟墮
善幻中叩舷
歌呼但霑
醉寺下回潭凝
不流中有卧
石如潛虬孤
峯已衝半
規日連山倒
垂波底浮
韓侯風雅
才甚優胸
中何止吞
萬牛未向承
明草蓮燭
小留南國
馴沙鷗會
須喚仗入
天陸尚憶
谿邊橫小
舟但願故
人俱厚祿
平子不妨
吟

四愁

何生復用塗字韻喜子從東坡游作三篇見寄

次韻答之後篇東劉壯與

嶠南將成金匱書
喜又賜環香拂
塗萬釘圍腰乃
爲崇憤作臞仙
多稿枯元符相
國泣前魚長流
百粵復羌胡周
漢二宣果明哲
金玉王度復關
渠

東坡十年作謗書
多情杖屨作歸
塗雪堂公去頗
削迹來禽青李
皆已枯秋風醉
索武昌魚脚敲
兩舷聲函胡只
今諸生典刑在
他日期公游石
渠

冰玉堂前十國書
君能讀之行坦
塗一洗談天千
古舌呂梁大壑
何時枯願君不
用校魯魚亦須
調笑酒

日涉園集卷六

四

家胡玉局仙翁無浪語
大禹以來無有渠

喜二何從山谷游復用塗字韻詩

水部諸郎蠶尾書
浩翁杖履傲當
塗班班束笋門
下士梔貌蠟言
顰笑枯翰墨瀾
翻縱壑魚風采
洒落鳳棲梧
寄語南州雙
白璧從今價重
百車渠

張僧繇畫胡僧看經

蒼崖倚天暝色起
風微榭葉藏
猱子老僧龐眉
雪覆顧梵音清
遠發皓齒向來
萬法出此經行
行春蚓紆黃紙
觀面相呈事儼
然歸雲欲渡前
溪水

題夏氏萬賞亭

公家文莊佐縣官萬國朝宗天不言桂梁蘭室治私
第鴉鵲建章爭絕倫昭華穠李態度新綠尊翠杓羅
續紛人歸夜臺金狄泣一種風流今尙存小君家聲
自陰后五侯四貴印如斗渠渠夏屋幾百椽誰能近
前畏左右去天尺五付此郎詩豪酒聖復專場錦韞
花驄折楊柳霸陵惡少艾如張危亭復閣來南州佳
客爭門陪俊游朱旛阜蓋駐五馬叵羅醉擲高陽侯
青蛾皓齒動星眸尊前舞罷錦纏頭參橫月落了不
問四并在手吾何憂腐儒蕭然愧環堵藜莧胸中屢
屢句頽然被酒燭如虹戲效吳歌白紵

日涉園集卷六

五

戲荅賦蚊

江湖白鳥傳自古蟄蟄孫曾亦如許聚雷豈解殷晴
空媒孽耳根良自苦野人睡美不聞鐘草水莽蓴森
蟠胸咬膚攻喙漫不省躍躍自喜安足雄若人才高
樂譏評滑稽能發古人興勾引西風塵細蟲小醜何
勞霍去病

遊東園戲作長句

久客殊方無永味排遣春愁逐遨戲曉濟吳榜訪東
園欣欣草木多佳氣縹緲竹葉沃春心黑面酪奴驅
晝睡親黨諸郎意氣豪挽強對奕真能事鄙夫魯鈍

獨長吟一聲望帝動歸思

贈吳雲叟

宛城居士如冰雪大藥親逢悟禪悅丹霞正印君得
提洞下靈源渠未絕淨名杜口涉言詮口如布穀意
莫傳心猿睡起六窗淨爲君作戲彈無絃

贈張聖達

人言汝穎多奇士秀潤如君飽風味兩韃馳射不作
難三峽倒流聊復爾平生未識嵩少雲三十六峰巖
壑春因君便覺來眼界翻作新詩持餉君

張子和子文以長句送朋壺次韻荅之

日涉園集卷六

六

下自成蹊藝桃李比語聊持餉君子南風吹句落窗
几蕭然出塵天下士詩壇挑戰生一秦窮賸水部好
仍昆氣無萬里照夜白伏櫪騏驎收驚魂荊州但獲
一人半二雋風流眼中見機雲空誇千里尊如公筆
端那復倦我誦懷沙自療飢時時間出危苦詞鳴蛙
兩部頗頗娛聽鉅竹千竿端相持督郵雖賤不勤置儼
然真辨絕交事知君風味似建康連壁頭來隨俗吏
漫澆平時過秦胸徑醉咄咄成書空兒曹爲具明蘭
紙欲賦雌蜺吞晴虹懸知在德不在酒耳熱清狂須
酒後客來舉觴不得言舌本因之忘可否擊折相聞

非路長濤波隔津成兩鄉待我營巢浣花了過君更僕對繩床

用擬古韻答瑛上人

劇飲徑須尊有瘳搜攪新詩轉道緊誰知雲窗除饑男燕坐微吟兼粲忍吾衰羸霧滿胸中玩味甘腴真雋永含毫覓句剩欲酬時有寒泉汲舊井

成都訪故園得顏家斷壠碑

我生性僻喜客卿有練先書無復羸墨池筆豕聊爾耳春蛇秋蚓勞譏評正書不數黃庭經况復焦巖瘞鶴銘永和題尾束高閣醬胝往往多蘭亭怒猊渴驥

日涉園集卷六

七

日遠屏嚴家餓隸當吞聲千金做帚不自見憎鷄愛鷲何癡生我家成都萬人傑向來古心冶金鐵顏公斷石出糞壤一落眼界清思發政如今嚴亞夫軍中天夜寂懸明月速須乞靈向若人運斤成風萬鈞力筆端寫我剛直胸復與顏公振遺烈

宴清心閣

馬尾垂楊已墮綿春風暴虐惱中年驅車作意訪花縣地主風流仍更賢倦遊不比長卿慢自迎傑閣開清宴高談雄辨俯飛鳥急管哀絃徹河漢君侯筆端妙入神百斛炳煥扛龍文承明合受鸞花繞何事歛

板趨埃塵清朝好士如好色况茲卓絕流輩百追鋒看即朝日邊莫道垂綸在幽仄

阻風雨封家市

往時李成寫驟雨萬里古色毫端聚行人深藏鳥不度便覺非復鵝溪素龍眠老腕作陽關北風低草雲埋山行人客子兩愁絕未信蒲萄能解顏兩郎了了解人意似是畫我封家市戲作新詩拚晝睡忽有野鴈鳴天際

贈中上座

榮可仍孫本吳產萬遍蓮花亦遮眼時時幻作文於

日涉園集卷六

八

莫寂寥恨得斯人晚我如叔夜七不堪倦書差學蠹書蟬已約東湖徐孺子招公山北復山南

贈宗絨上座

蒲萄不飲熊耳杯薰爐甘作橐駝坐胸中皎鏡湛靈源結習已空花自墮眼明見此除饑男妙語時時零玉唾稻畦磨衲丈夫事吾獨知之胡不果鈎章棘句竟何裨徒遣詩人嘲飯顆

觀法華牛關戲呈戒上座

鷄棲于塢晚山碧兩牛偃蹇萬鈞力黃鍾滿脰鳴相歡歛起緣何作勅敵水牯敗績秋風前穿林殼棘蹊

人田幾無將軍破燕虜適堪衛尉駕車轅碧眼山僧
可人意大牛小牛與穿鼻更須宴坐三十年直待無
鞭更無轡

雪夜書懷

夜烹伏雌歌偈側泰山其頽吾道阨天邊奎壁貫蘇
公諸公往往瀕蠻貊帝遣仙儒玉局翁涕下悲吟夜
蕭索冰姿玉立似平生化作人間截肪白黃屋久悟
金縢書豫行溫詔歸遷客嶠南華髮老先生解鞵來
卜愚溪宅枉遭越犬吠蒼皇莫吟冰柱要呵責重腫
雖復達四聰尙恐乘軒多令色短檠花重寒不眠南

日涉園集卷六

九

望猶嗟萬山隔

蝴蝶詩 並序

楊吳明之世家蘇州少孤力學娶同郡江氏
婦翁官江州征市明之盡室與俱來予於江
君既親且舊以故過江君始與明之相識後
一年明之挾册遊上國抵許州客食親館一
夕暴卒卒之明日有蝴蝶大如掌許裴回翔
舞於江氏旁竟日乃去始聞訃聚族相與哭
蝴蝶復來遶江氏起居飲食不置也夫明之
不得其死未能割愛於少妻稚子故化蝶以

歸爾世之罕聞異事人之英偉不凡死有遺
恨精爽不沒沒能化物出遊人間以自表見
亦可爲流涕者矣予與明之善故作此詩以

悼之云

碧梧翠竹名家兒今作栩栩蝴蝶飛山川阻深網羅
密君從何處能來歸疑君松肱作莊夢誤隨秋風訪
天涯大兒稍黠兒中虎小兒初學繡帳語青蛾皓齒
越中女夜挑錦字停機杼可歡不可思可思不可見
君來翻作昧平生看朱成碧非君面耿蘭作報斷人
腸况復摧聲噉洞房不知真是玉人否大鈞刻彫不

日涉園集卷六

十

可量君不聞蜀天子化爲杜鵑似老烏悲啼漬血百
花盡有恨不吐歸黃壚又不見湘纍平生女須罵空
遺離騷萬鈞價楚些許時招不來亦復穿花繞寒夜
願君莫飛入兔園青春粲粲花葉繁雄蜂雌蝶鬧如
雨於君一脚不可安

贈詵首座

上人鬚髮森如戟年少曾爲萬人敵父兄膏血染敵
戈晚作梵王門下客西川白氈爛生光來逐鳳栖山
寺涼萬遍蓮花君自足曹溪一滴定須嘗

中秋遇雨夜將半素月流天可愛感予賦詩

雲將長空斲絮晴膚寸而合雨建瓴阿香推車不知
倦雅意望舒無復明地行賤臣未辨訴斜漢左界俄
無聲雖非西園清夜樂起予縹緲來酌醪舉觴嬋娟
聽我語樽下藉汝攻愁城長令屏翳當令節莫遣楚
氛蔽明月

謝佛鑑大師寄韞玉鑪

道人力參具正眼古廟香爐心已灰平生厚我習氣
在索書常逐征鴻來深藏山谷實高蹈下視萬象遺
塵埃遣奴餉我此長物不比珍簞餘嫌猜摩娑溫潤
伴玉德荆山抱璞真良材妙香起處侑茶鼎煤葉萬
壑生風雷勿言與君隔千里對此了了聞談諧

日涉園集卷六

二

謝王成可惠鼎鑪

王郎筆若追風驟歷塊過都愈奇峭胸中好古類古
人鑄鼎爲鑪亦臻妙禹金九牧知神姦周定郊鄩垂
不刊據耳向來爲上客折足遙憐空汗顏顏率游談
聊貰患納部臧孫貽直諫淪亡泗水蓋厚誣得自汾
陰亂真贗孰知此鼎形環奇皤腹雲雷差次之上有
蒼虬肉倔強隱映么麼微螽斯明窗靜几香氤氳藹
如黃雲覆晏溫拜嘉詎意獲此寶子孫父已傳仍昆

次九弟中秋韻

楚江微波鳴盞酒脫葉蕭然坐來久仰頭看月落烏
紗無復織雲漢津口願免之靈態度深搗藥長生傳
至今風前急管聞三弄泓下蒼龍時一吟逸興傲生
縹粉壺携幼近局無勞呼坐中白髮飲輒醉鼻雷發
聲聊據梧異舍群雞俱誤唱舍下鳴蛩亦清壯低昂
北斗挂柴扉不眠尙倚過眉杖

歸舟

旌陽峯頭千仞石溪光却照楚天碧歸客操舟暝色
時怒雷濺雪多灘積夜榜時驚鳥鵲喧星光破碎月
映門訪蕙人歸剡溪曲問津客出桃花村香醪獨酌
吾靜寄萬事不理端復細俗交從來薄於紙小點大
癡聊一戲

日涉園集卷六

三

正月二十六日冠順之飲僕以醪淥酒徑醉聞
橫笛音李仲先順之有著頭能作龍吟三弄偶
不果戲成此詩

髯奴不及綠坡竹柱車守閭各有局苟不上券吾不
欲僮約卒音幾慟哭劣于郗公常奴爾性不茹輩少
陵喜吐茵西曹第忍之封侯骨相多小史蒼頭乃復
在琳房柯亭橫吹節飽霜炊飯作糜緣底事心寫泉
聲風韻長寇謙酌我次翁狂如魚聽曲首低昂恨不

臨風作三弄不減當時桓野王

舟中戲作雜言

昨日觀畫苑李成山水真難忘寒林遠近煙暗淡絕
壑稠疊雲微茫忽看清溪下野艇驚殘鷗鳥不成行
我嘗指此語座客安得仙骨來中央此事數日爾忽
落圖上鳴漁榔山重水複灘瀨急雅飛不過吳天長
嗟予老矣兩鬢蒼滄浪自得宜深藏煩於畫筴試檢
校恐我割取附益歐峯旁

次暉書記韻

平生邁往回萬牛晚著壞衲乘虛舟僧中那得賈長

日涉園集卷六

三

頭對語疊七連不休作夏深藏白蓮裏心如此花映
秋水夢隨歸雲欲訪之鄰垣華鯨喧枕底

次韻陳無已擬古

說桓佐宣項垂瘦銳頭將軍風骨緊病夫面帶丘壑
姿白薤綠菜窮可忍忠風輝映義骨香苦事何須味
方永夜訝商頌出金石猿獻寒柯挂參井

病日宴坐

腦脂遮目乏風味宴坐禪床真得計赤眼歸宗近似
之面壁少林聊復爾東坡妙語久猶新治日常存如
治民但學曹參相齊法清吏王度不無人

連日大雪

春風吹雪寒塞門飢鳥暮啼寒雀喧此中要自難測
地材堪令僕無複禪引帆上檣牛繫輓燒車與船復
延客平生四十二年非頓悟前塵頭半白願隨谿友
水雲鄉蓑衣負雪時鳴榔不知許事付歡伯醉著寒
灘清夢長

日涉園集卷六

十四

日涉園集卷六終

日涉園集卷七

宋 李彭 撰

五言律詩

喜得師質消息

南園柳花合淮堦麥秀初數聲傳喜鵲一紙故人書
君出理煙艇儂還荷雨鋤天高風浪惡歸興不應疎

漫興

鴈帶秋聲滿鷗將暝色歸打窗紅葉亂裁句碧雲飛
好飲酒儲盡少眠茶夢稀眷言方外侶時送北山薇

宿同安寺

日涉園集卷七

豫章叢書

山暝客初到雨餘雲尙屯長廊響僧唄涼月耿松門
踐境知心遠背塵唯佛尊道人暗不語真覺我言煩

遊藏山寺

招提雖負郭菌閣暗藏幽春漲桃花水風回沙際鷗
含烟朝日麗擇路晚雲愁淡墨呻吟內非萱可療憂

久不得潘壽書

八字山頭鴈武昌江上魚略無千里遠不寄一行書
度鳥愈清曠晴雲時卷舒河陽應好在有底苦相踈

書龍壽寺煮泉亭壁

病馬繫喬木攜筇到上方江花迷枉渚野竹亂鳴榔

石竈懷桑苧淫尊憶漫郎吾生真寄傲佛地欲深藏
客裏多岑寂尋春興獨賒擊來妙喜葉盡屬法王家
不見青鞵士來煎黑面茶幽懷在天末落日更鳴鴉
曇珠曇規二禪者歸湖外乞詩二首

淑氣紛花藥喧風樂鳥烏山僧來話別稚子竟傳呼
噴玉渥注種行沙滄海珠湘天多過雁能寄尺書無
獨秀峰前見林間憶語離游觀如昨夢換謝若晨炊
柳絮飛千尺殘陽隱半規打湖外去探道就鉗槌

西塔

秋山何秀整風磴頗崢嶸寺古殘僧病門深舊犬迎

日涉園集卷七

二

崖蜂將割蜜澗鳥自呼名義初典刑在蕭然物外情
病起過鄰寺

慣作招提客應非拖玉身一年強半病十畝未全貧
孝秀鄉閭盛朝頌符瑞頻不妨幽仄裏高臥姓龐人

封氏野老留飲看白兔是晚微雪

封老朱顏在髯鬚已白鬚酌醪招倦客喚婦煮肥鱸
玉兔君家有銀嬰客舍無醉餘看舞雪未覺客情孤
登無相絕頂舊有東坡題字今不復見

深雲蒙無相斜日照崔嵬慘澹天梯往蒼茫地勢開
巾裾拂河漢談話雜風雷惆悵銀鈎處歸來首重回

次九弟韻懷師川二首

抱瘵便秋晚加餐喜歲豐幽懷鳥鳥樂世故馬牛風
壞戶寒蟲急安巢野老同年來百念冷頓悟眾緣空
雞回落雁清菊帶傲霜華稍過郊墟雨猶鳴官地蛙
層空聽隼擊倚杖看蜂衙妙趣誰能解懷人天一涯

次文虎韻戲暉書記

孤舟泛湛水心法已圓融詩律期三昧庵居役二空
住山須拙斧問世任寒蓬慢著尋幽履雪泥殊未通

次九弟韻後篇戲奉世十一弟二首

少成憐季子拔俗似安豐逸氣期公幹鈞深似國風

日涉園集卷七

三

未須輕小伎著意要參同聊語詩家病塵窗研滴空
莫學中郎將休懷陰麗華三餘遊竹素兩部有鳴蛙
乃肯親龐老多情過押衙吾衰那復此羨爾樂無涯

戲贈

王謝風流在星星映角巾屬文無少盡結社有迂輪
頗作餐霞侶願充觀國賓徑須呼伯雅且入醉鄉春

贈鄒中美

盛漢數鄒陽雲孫復擅場荀輿逢鹿苑蠟屐繞羊腸
囊有壺公藥爐多荀令香麻姑在鄉國期子共徜徉
贈暉書記暉有伯時所畫馬甚奇

脫盡膏梁氣祇餘雲壑姿囊中支遁馬筆下惠休詩
木末烏還語花邊蝶浪窺平章賴公等吾病不能奇

聞官軍已臨賊境

聞道官軍至戈鋌壓賊壕鼎魚猶未腐穴兔竟何逃
銳氣連全楚皇恩貸爾曹洗兵無復用歡喜薦春醪

次韻九弟遊雲居

禁足同僧夏秋風倚杖前捫蘿懷鳥道著屐到壺天
霜月懸崖腹參旗落枕邊吟詩嗟錦盡老語不須傳

夜坐聞櫓

日斜喧急雨雨夜侯蟲秋安坐遊三昧因人吟四愁

日涉園集卷七

四

疎林月色好別渚櫓聲幽却憶秦淮上寒更渡小舟
自雲居歸欲到瑤田作

稍上參雲漢中藏祇樹園煙橫迷遠嶼鳥度失孤村
一嶺分晴雨半山繞晏溫回頭聽梵唄真是欲忘言

絕章水

春江靜遊浪晚吹怒生濤歸興催舟楫驚魂寄桔槔
留髮忽忘故訪戴敢辭勞推挽柁師力令人愧爾曹

哭李少微三首

應劉玉山隕之子尚璵璠未握論交臂俄招去幹魂
茂陵有遺藁健婦解持門何日生芻蕘人琴恐或存

評關汝南且窮嗟校尉途故交非浪哭吾道恐成孤
往在談文處還能步履無秋風聊倚杖草樹日踈蕪
我客齊安歲君官汾上春安知瀕鬼錄不作定交人
煬竈中郎滿鬪鷄開府頻如何令王濟清血染衣巾

次韻東坡五更山吐月

東坡先生喜誦杜少陵五更山吐月殘夜水
明樓之句其在嶠南列置五章僕蓋誦之不
離口欲效其髣髴而不可得秋高景寂往來
匡山披衣視夜氣象幽勝乃次其韻作五首
然終不近也

日涉園集卷七

五

一更山吐月脩木瑩澄瀾全勝西園夜金羈帶笑看
團欒照室好倚徒冰人寒縹瓷傾竹葉何必辨狼殘
二更山吐月寂寂山家夜衰翁葆鬢濕衡移復露下
泠泠泉可漱冉冉雲可藉相攜塵外人共說無生話
三更山吐月無睡客還起風微一鐸鳴歷歷正談此
此身如傳舍幽懷湛秋水茲遊共昔遊定非聊爾耳
四更山吐月月是故園明三峽笙篁起紫霄星斗橫
林猿霜後嘯山鬼夜深行託宿者閤寺直遊王舍城
五更山吐月夢回人更幽風來虎溪寺江動庾公樓
鷄喚楚江曙河殘淮上秋倚梧成短句僅欲不勝謳

案此詩五章其一四五係律體而二三則古詩
但其體以五更聯綴成章勢難割裂故並附此

不宿開先道中口占

穉菊含佳色苔痕上老筇了山已埋玉盧老自鳴鐘
但飲東溪水休看雙劍峰斜陽空翠合猶聽隔溪春
雪

瑞木辭天漢因風響觸楹光催曉鷄誤素失白鷗驚
冰柱隨門見瑤林逐徑成南州多癘鬼藉汝勝塵兵
王子張數以詩見過

午夢蠻花濕晚涼衣帶秋愁來倚柱嘯詩到擊盤謳
律熟無誰敵詞慳不擬酬蘇州語猶在五字爲君休

日涉園集卷七

六

同雲叟遊歐峰

遠墅春辭木空山晚著花幽懷生蠟屐稍上問星槎
屢沐 熏飯仍烹圓夢茶期君未衰白爛漫飽烟霞
書懷

未作終焉計懷哉與不疎逢人問息耗閱歲歎乘除
老境來顏面歸家識此渠攀緣俱斷絕何暇羨嚴徐

遊石鏡溪

石鏡溪邊樹金輪峰上雲貪看魚弄影不覺鳥迷曠
山態迤迤好泉聲細細分銀鈞懷杜史誰復振斯文
懷秦處度

淮海紫髯叟長吟獨倚風稍將芸辟蠹應罷手書空
拄策舊寒澗含毫餘老松觀雲每悵望苦念小安豐

留題壁間

遠意在丘壑籃輿同此尋干雲絕壁秀落澗幽泉音
卷滅盡開士聽法多珍禽煙橫半峰暝信是忘歸心

過蘄州故居

繫馬金沙樹衡茅儼暝途沾襟問鄰老攜手憶於菟
意逐前雲遠情隨歸路迂霜風吹曉角夢聽小單于

寄文若

仲氏客淮上蓬窗憶聚星雲從望中密雨逐去邊零

日涉園集卷七

七

赤壁念存沒怡亭幾醉醒歸歎勤著脚莫負讀書聲

用韋蘇州神靜師院韵寄微公

雲臥衣裳冷巖幽鐘磬微秋蟲留霧牖夕鳥下煙扉
無人淪茗椀坐我語斜暉分攜復經歲長嗟志願違

將到九江先寄王環中

鹿門真大隱不減遠人村淨供維摩室鄰居祇樹園
秦淮揮別淚楚岸倒芳樽牢落還相見定能顏色溫

新菑濁醪味巖勁飲數盞大醉醉中作此詩

我生憐麴蘗剛置自中年破屋鳴春溜陰崖響夜泉
興來猶味著飲罷剩狂顛但病無風韻聊堪栩栩眠

伏老堂爲柳仲輝題

小隱寄巖谷堂成笑傲中雖無黃閣相不羨黑頭翁
倚杖鷗邊雨營詩雁背風好閑多病處清興略相同

自寶峰還過長坑澗谷勝絕處

澌澌水循澗悠悠山放雲關河元未遠境界有誰分
幽樹花無賴輕鷗聲念羣箇中須著句傳與世間聞

藝玉軒

短李江南秀虬須讓帝孫開懷仍好客愛畫復堪論
藝玉風煙外藍溪氣象存他年多結緣會看有乘軒

豫章董瞿老求詩

日涉園集卷七

八

珍重膠西相風流後葉孫退藏羞射策曠遠頗窺園
韻絕五峰秀句奇三峽喧羌山多勝踐周禮魯俱存

謾書

歐峰秋色外一上一回高踐華誰云險捫參未覺勞
雲扉留野客霧牖臥方袍拄頰非吾事何須似馬曹

錢盱眙赴上因乞詩

君自金張侶從予嵇阮遊祇園分客袂星渚繫歸舟
楚國煙霞晚隋河榆柳秋中州多汲引行矣亦封侯

次瑛上人韻

鼻祖真消息風流出當家觀門親杜順蹙指悟玄沙

顧我晚聞道參同今未涯懸知飲光笑初不爲拈花

題吳少馮聽雨堂

碧澗寒侵屋幽雲夜度牆貧看山入座怪聽雨鳴廊
苦乏陰鏗句聊登孺子床君非無汲引寄傲學潛郎

喜得京師書信

簷間噪鳥雀窗下集邕渠喜有大梁使能攜小陸書
南烹飽薇蕨北饌到庭除得雋傳消息更看雙鯉魚

追涼對酒

秌暑晚來歎追涼聊解頰星移團扇底月動縹瓷間
蟬噪斷仍續鳥喧栖復還幽人嗜清曠只合臥湖山

日涉園集卷七

九

夜坐

人共林鷺老春隨柳絮還夜深喧急雨青燈耿牕間
平生攬轡志久矣收波瀾非關舌本強書付一杯殘

五言長律

上黃太史魯直詩

扈聖當元祐雄名獨擅場羣公調玉燭延閣近扶桑
揮灑驚雷雨觀瞻列堵墻密雲來北苑珍菓出明光
柱下惟青史銀臺無露章胡爲隨逐客不作瑞齋房
岑寂金華雀蕭條玉筍行長康萬里去大雅百夫望
老覺丹心壯閑知清晝長珍蔬時入饌荔子喜傳芳

世故跼蹐遠生涯歎傲旁甘爲劍外客誰念大官羊

宣室二天詔遺弓萬國傷老臣還召畢陛下過成康

澤笏皆忠讜彈冠多俊良力辭佳吏部直作老潛郎

憶在金華日曾扶八座床未能窺絳帳頗復戲羅囊

候雁隨陽去奔駒度隙忙千秋銅狄泣萬古玉人藏

諸阮覺猶在蘄春痛未央羣雛極鵝雁眾口歎蛩螿

恨之一廛地歸來屢擇鄉親交標鬼錄卜築近僧坊

宿鳥頻窺牖行蝸每畫梁著渠上麟閣耻學賦高唐

勤我十年夢持公一瓣香聊堪比游夏何敢似班揚

尙愧管中見應須肘後方它時解頰笑何止獲升堂

日涉園集卷七

十

日涉園集卷七終

日涉園集卷八

宋 李彭 撰

七言律詩

觀畫山水

不愛邊鸞愛李成胸中成畫自崢嶸數行鳥與隨人
去一段風煙向腕生猿啼巫峽殷勤嘯雁到衡陽
唳鳴我與羣山成保社直疑俱是舊經行

遠明閣飲

百尺遊絲入座來浮嵐空翠落樽罍談諧自得江山
助觴詠不勞絃管催滕閣風流今未遠南樓氣味喚

日涉園集卷八

孫章叢書

仍回城鴉欲曙眾客醉木末闌干懸斗魁

城上

城上樓烏尾畢逋寒塘烏影過相呼一天欲放山陰
雪六幅如觀栗里圖問老自應師粲忍扶衰初喜得
封胡香醪已熟糟床注喚客無勞滿眼酤

宿萬松兼示慶首座

步履欣逢釋梵宮餘霞尙帶日歸紅峰前晚靄晚來
積岫外秋天秋滿空獨鳥深藏欹牖樹幽花香逐下
山風青燈耿耿照無睡賴有能詩老贊公

鄒天錫見過

議郎梁獄坐口語置散投閑今放回令節由來迫吹

帽幽園尋勝獨登臺共歌昭代得銀甕何暇著書名

玉杯此口惟堪飲醇耐人間萬事要寒灰

次駒父遊孺子亭韻

平居懶與慢相親寄傲行歌似隱淪水退荷花餞殘
暑秋來山色挽幽人從雌鷓鴣窺黃帽旁母鳧雛映
白蘋興罷歸來却高臥詩成聊復寄雷陳

余久不飲酒偶飲殊適因和九弟韻

年侵畏病酒尊空矧復聽歌盛小叢煙際鳥呼雲際
雨花邊蝶舞柳邊風向來懷抱愁眉外今日懽娛醉

日涉園集卷八

二

眼中何用花奴鳴羯鼓新詩解穢思無窮

遊雲居三首

山林投老更踈慵尙有躋攀興不窮絕壑久忘蛇起

陸寒窗聊看雁來紅人方嵇阮似無愧詩並陰何或

未工永夜不眠茶作祟一燈明暗鳥呼風

雲居稱有雁來紅

故歲新芽約略黃重來敗葉帶飛霜尋幽少脫塵勞

夢訪舊顏薰知見香深谷鳴鐘雲黯淡半峰斜照樹

微茫去天尺五今應是璧月珠星挂上方

羣峰羅立紫崔嵬無復市聲蚊聚雷遠隔雲屯飛鳥

沒寒江煙斂健帆開暖眠犢子陽關草香逐蜂鬚陰

谷梅散策捫蘿覓歸路摩挲蒼石更裴回

次韻答董彥超

疎山翠氣連眉嫵雲外飛鴻點點愁只在吳頭并楚尾非關張掖至幽州著書繁露想成癖待詔公車安足求何日芒屨尋舊約蘭旌蒸楫共優游

過河湖懷師川

寶峯嶽彥青未了枕下灘聲走白沙谷口不應無小隱桃源真恐有人家寒煖飲水避帆影槁葉隨波上漿牙苦憶南州徐孺子歸舟天際暮雲遮

春夜奉懷蘇仲豫次陳無已韻贈仲豫

日涉園集卷八

三

雲外頭陀是去年已看汀草漲晴川夢中未覺關河遠枕底忽聞鐘鼓傳但可馬曹聊拄頰看渠鳳閣競加鞭蓬窓想得司春養一夜糟牀酒注泉

春日懷秦髯

山雨蕭蕭作快晴郊園物物近清明花如解語迎人笑草不知名隨意生晚節漸於春事懶病軀却怕酒壺傾睡餘苦憶舊交友應在日邊聽曉鶯

季敵檢校南村田

風吹擺耜半傳黃準擬中厨雲子香潮水忽生添野水山光便可接湖光難求城外漁霞侶未試囊中辟

穀方徑遣阿連聊檢校飢雷已復殷枯腸

自豫章歸書齋題壁

鳥鳥聲樂客還家僮僕歡迎日未斜小徑潛筠新長筍幽齋茂樹晚多花深慚麴蘖留春任尙覺年顏去老賒出處由來非細事弄泉莫忘飽煙霞

泮宮曝書恭覽御書故事行鄉飲酒禮諸老率

諸生皆在楊先生病足獨不至賦詩見寄次韻答之

雲漢昭回泮水邊諸生拜舞鱣堂前老翁七十荷衣綠弟子三千桂魄圓樂正足傷何必慮伏生口授尙

日涉園集卷八

四

能傳墨池載酒容他日門外侯芭也可憐

寒食日

幽人衣帶病餘寬終日蕭然懶正冠柳絮野鶯春向晚榆羹杏粥食猶寒倦于杯酌生新興煩有鄰儀救老殘試把一尊招近友放歌聊復罄交歡

李成德求迺翁挽詩

養疴丘壑玩寒藤領略鷄園最上乘射虎已驚生李廣登龍行復見元膺九原烟雨悲埋玉一代功名定伐冰安得董狐南史筆發揚潛德到雲仍

次居仁見寄韻

居仁見督參雪竇下禪

長蘆老人半聖號眉毛不惜爲談空靜委耽禪如縛
律懸知選佛勝封公影沈寒水雁無意春入幽園花
白紅欲向池陽參百問却慙勾賊亂一作破家風

奇如壁上人

平生剛直隱長虹收卷波瀾說一作入苦空翰墨場中

無李廣苜蓿園裏有支公未應雪浪侵頭白想見丹

砂入頰紅驄馬他年焚諫草看君妙手試宗風

次韻寄居仁二弟隆禮敦智

老覺餘生如過鳥何曾留迹寄長空一丘一壑應還
我三沐三熏盡付公病懶自知玄尙白醉餘貪看碧

日涉園集卷八

五

成紅荀家兄弟俱奇絕時聽淮南好國風

次韻寄山伯肅老二弟山伯惠痊鶴銘善本

平原翁仲草蒙茸種竹當年語竟空羣從嗟予眞漫

叟象賢期汝繼沂公別來江草喚愁碧書到山陰稱

意紅瘞鶴銀鈞光照坐行書正欲乞楊風兄雅嗜楊少師恐弟

輩有之故見於未句

卜居

有宅一區聊解嘲清風歷歷自鳴瓢買山作隱吾無

取爲黍殺鷄何用招魚托么荷障斜日籜隨新竹上

層霄箇中已了一生事倒屣安能求度遼

寄劉壯輿將赴唐州儀曹

五柳先生同舊科壺觴終日眎庭柯一行作吏事皆
廢三徑就荒君若何問字有誰堪載酒談經許我或
操戈平生獨自賞音者聽此殷勤勞者歌

奉贈瑛明發

上人霜鵲氣橫秋法界重重幻筆頭已泛見盧眞覺
海戲裁佳句比湯休雲開鶴嶺露蘭若波起洞庭霜
橘洲華髮蕭搔瀨老境多情猿鳥替人愁

駒父次予舊韻見貽復次韻

玉人皮裏有陽秋句入丹青顧虎頭壓倒何勞譏陸

日涉園集卷八

六

陸老衰得懶欲休休支牀夢破嚴城角決背風回落

雁洲遣興竟須桑落酒談間莫著畔牢愁

用韻戲呈仲誠

蒲萄政復得涼州底事徵官章水頭早歲已能交北
海高懷乃肯顧韓休手妙他時掃銀夏留蟠佳處協
滄洲誰言京兆畫眉嫵後院懸知多莫愁

寄何斯舉

傳詩句句爛生光妙手殷紅入象林本是奉常參定
脉是從僂耳悟神方玉花自合歸天廡黃鶴應須下
建章見說年來眞欲隱轉身一路直須強

寄張聖源

豪氣向來回萬牛筆端滾滾楚江流拾遺已見傳三
賦平子不應吟四愁柱後許時淹闊步石渠看卽副
旁求老夫病蒼崖底細和堯民擊壤謳

還家寄吳世長兼簡潘子真

江頭楊柳颺塵姿弄日晴空百尺絲騎省風流還有
賦吳筠英妙更能詩殺鷄爲黍相期處問雁呼卿政
此時下榻深慙徐孺子非關勞者作歌辭

贈希廣禪師 一作九峯長老

已透雲菴向上關蔬盂茗椀每開顏頭顱無意掃殘
日涉園集卷八

雪毳衲從來著壞山瘦節直疑青嶂立道心常與白
鷗閑歸來天末一回首應在孤峯烟靄間

次韻答寶峯仁書記

袖手脫鞵悲太白拳旗縛敵笑光顏自知日面與月
面莫問南山與北山獨秀峯前雲不隔蓮花洲下水
長閑還鄉一曲真奇絕與子終朝談笑間

寄撫州謝幼槃

別去鷓鴣思日寒書來鷓鴣語林端我懷求仲徑方
掃君向山陰興已闌細讀清詩如艷雪何時痛飲劇
奔湍懸知作葦非賣菜要自心期禮數寬

賦高明大使神功妙濟真君祠

楊柳江頭星宿疎呼船稍子散林鳥煙橫雲捲樹出
沒天澹波平山有無稚子總參三洞錄病軀長佩五
靈符步虛聲裏瞻風馬頗覺神清到蕊珠

代虛中作

曉悟無生貝葉經起宗真喜得人英風流定自壓全
楚文物由來繼兩京謝傅平生處華屋滕公俄忽掩
佳城哀榮贈典他年在翁仲何知淚滿纓

聽王散人琴

花邊猶舞舊時蝶屋角還鳴他日禽但訝鏡中顏色
日涉園集卷八

改詎知門外歲華侵一杯相屬步兵酒三疊共聽中
散琴有慨余懷聊復寫雨餘汀草自青深

南至

鄰鷄戒曉暮鐘催老境俱從裏許來但喜書雲占嗣
歲詎知緹室暗飛灰和風欲上千門柳協氣先傳五
嶺梅弟勸兄酬真樂事燈前細酌莫停杯

葺茅屋戲成

朔風卷我屋間茅鳥鵲銜將去作巢執朴鳩工課收
客巡簷長嘯望江郊謝公五畝自能保揚子一區聊
解嘲欲學參謀懷廣厦苦無鳳背續絃膠

雞冠

景純機上為裁翦淺碧深藏稱意紅要與飛鴻同保
社肯隨凡鳥在樊籠鳴堦鼓翼何勞爾介羽登場略
未工赤幘漫多安足數尸鄉反笑祝鷄翁

七夕用東坡韻

老火微微迹已陳稚金稍稍欲親人蛛絲曲綴當時
態蕉葉頻澆見在身女隸不妨嚴侍立天孫誰識靚
粧新柳州太巧何須乞憐汝題詩正角巾

早發開先入城至中道親舊約予復還薄晚復
自歸宗入郡中

日涉園集卷八

九

細聽澹澹水流澗靜看悠悠山放雲澗底遊魚隨葉
下巖間獨樹藉雲分殘星已發招隱寺落日願低耶
舍墳却背孤村入城市沙邊深愧白鷗羣

過廣濟

不到梅川已十年市橋官柳尚依然追尋耆舊知誰
在觸撥清愁不欲眠蘭若霜鐘猶喚睡平陽宰木上
參天倦遊客子心無際眼盡崗原起暮煙

種仙茅

聞說仙茅勝鍾乳移根遠自西山阿豈獨客來塵意
少更覺夜眠幽氣多避諂何須求葦苴去家不減食

摩羅候門稚子成羣後雙鑠仍看馬伏波

王子張以詩見報次其韻

臥看雲生合北籬起來臨鏡慰衰遲欲投未落鶴盤
與將去還留鵲遶枝天上漢庭勞夢寐嶠南殷鑒恐
羈縻藍田丘壑仍孫在勝日勤來賦好詩

七夕懷徐十用去年所賦東城清涼韻

幽人喜雨靜無塵雨罷幽蟲料理人顧我維摩方臥
病憶君徐穉是前身鐘鳴祇樹年華隔潮上吳江月
色新共看牽牛渡河漢月殘露脚濕綸巾

戲次人韻

日涉園集卷八

十

人言鼓次來詩思鳴鶴遠聞長阜音細讀一犁新句
好始知三語用功深自甘敬木傲霜節懶作幽雲出
岫心茗盃爐芬清晝永流鶯捎蝶過墻陰

送果上人坐兜率夏

落絮霏霏攪客心鳴鳩歷歷喚春陰未於蓮社參宗
炳已向蘭亭減道林遠嶠烟橫鐘磬晚諸天目斷薛
蘿深詩緣酒廢苦無思為子送將聊一吟

舟中次珍書記韻

沙頭作別數峯暝意逐屯雲愁晏陰雨打船篷藏柱
渚鐘殘客夢憶禪林山重水複歸棹遠魚躍鷺飛寒

葦深何日支郎訪玄度倚松停策伴微吟

用師川題駒甫詩卷後韻

夢中逐客幻中歸荆楚歐陽好賦詩誰謂涪翁呼不起細看宅相力能追太冲文價經皇甫籍也辭源法退之丘壑同盟從已定莫令鬼崇作愁眉

卽事

槐火煎茶氣味新東園肯讓兔園春鳥摧糞李霑衣袂蝶遶天桃傍鬢脣迴策如縈岐儀範好詩轉彈絕風塵頗勝袁粲飲無偶步屨白楊要惡賓

貽王充道隱士

日涉園集卷八

十一

憶昨涪翁虎溪別雁來一字不曾收勞君爲傳三月

信遣我少寬干斛愁煙艇方遊建業水玉人猶在仲

宣樓何時挂席西湖去藜杖青鞋鸚鵡洲

湖州

木龜有堂舊在天慶觀北極殿之左近爲道流竊取而去今莫知所在矣

長生要自食山鮮妙語曾聞葛稚川忽見靈龜藏六

眼定巢蓮葉閱千年剗腸已笑清江使曳尾聊同脩

水邊懸想偷兒鷄卜夜守閭黃耳得安眠

宿侍其雲叟書齋

高齋解榻留我宿破夢驚濤翻疾雷水鳥時呼山鳥語朝帆纔去暮帆來百年榮落真墮甌一世稱譏同

死灰珍重秦淮隱君子只今風月且銜杯

竹枕

湘江翠竹斬雲根偃月初無刻削痕尙想繁柯俱萃蓐曾經彩鳳屢飛翻佳眠時有池塘夢避暑不勞河朔樽殷殷晴雷喧白晝兒童走報雨翻盆

過林子幽居

臥聽山城罷擊柝策蹇過君霜滿鬚窗間山好天欲曙庭下菜肥人愈臞我非當世可領袖君合於今稱楷模謝公小草恐未免懷寶要令真不沽

同安卽事

日涉園集卷八

十二

搖落霜林秋興新捨舟尋壑自冥塵雲光山色解迎

客松氣竹氛俱著人漢上營詩多累句孟生題壁欲

傷神頻加依舊丁寧語應笑華顛映角巾

怡顏堂

心遠由來地自偏有琴何必問無絃新醪清濁動秋興老樹扶疎可晝眠失學已從兒輩懶哦詩常苦後生傳此腰倔強應難折尙愧顏公二萬錢

周明府國鎮寄詩有招隱之意次韻以報之

絕壑平生深逖逃相期推轂敵英豪綠葵白蕤堪扶老黃帽青鞵非養高薰浴懸知慙管葛經綸何敢望

崔毛新詩如對故人面清夜不眠鷄屢號

予以王褒僮約授嗣行叟叟有書抵予并求跋
奚移文且云要與僮約作伉儷以此詩戲之

髯奴上券歸公許跛奚移文猶見催臧獲要令成伉
儷文章相與挾風雷目成眉語似真爾足攝心邀安
在設大士好奇聊一戲不應禪寂便寒灰

戲何人表

示疾維摩難共語誰堪問疾坐繩床也知世乏長桑
手盡用枕中鴻寶方馬價不須勞廣漢牛衣何用泣
王章清涼心地俱安穩特訪名園願辟疆

日涉園集卷八

三

仲豫買侍兒作小詩戲之

霜鷄橫空河漢秋聊隨鷄鶩稻梁謀却將屬國舊長
劔換得石城新莫愁要遣短轅無復馭定看遙集解
忘憂匡山醉客時相訪莫下疎簾作障羞

溪上

門前澗是浣花溪坊裏深疑號碧鷄短艇波橫隨暮
靄遙岑雨歇看朝隳髯奴便了能沽酒稚子添丁解
灌畦欲賦郊居追沈約只愁誤讀作雌霓

扇上畫雪景戲書

醉餘澹墨寫生綃咫尺真成萬里遙短棹船歸剡溪

曲披蓑人渡浣花橋暑中松雪俄輝映月裏山河俱
動搖凜凜寒生立毛髮從今襦襖不須嘲

二月二日大雪

天公長作狡獪戲舍北舍南無限春密密疎疎桃著
糝娉娉裊裊柳含塵老人已老難復少故衣雖故昔
經新岸薺未花湯餅滑何勞象白間狸唇

得了翁書

都司曾拂御爐香嚴譴歸來鬢未霜麟閣它年看赫
奕獸樽今日久淒涼楚氛聞說行將弭漢道真成喜
再昌莫作湘纍吟澤畔鋒車促召據南床

日涉園集卷八

古

廬山道中見梅花

江頭細柳已搖春幽谷疎梅尙著人未許揚州動詩
興更無戚里妬粧新范郎鄙俗不同傳漢省含香可
買隣蝶翅蜂鬚莫浪喜元無一物浣香塵

苦雨

陵陂麥熟晚雲黃婦姑當穫相扶將谿山作雨水漂
屨芝菌對床蝸篆梁冥坐翻疑谷簾下夢回恐在漏
天旁何時晴嵐來入戶撩我浩歌傾一觴

江梅

江梅疎蕊弄晴曛割取江東一信春刺得耐寒驚蛻

蝶竟來占醉倒綸巾未容作賦重招屈豈敢含毫論
過秦何日大梅梅子熟從渠高浪白如銀

睡起

鳥鳥聲樂報新晴睡罷南窗午醉醒惡客從譏玄尙
白斯人相向眼終青清蒲汀草垂垂發幕燕林鶯續
續聽日糴太倉真細事要尋佳句遣沉冥

次妙明觀韵

春岸波平汀草深野航蕩槩恣幽尋星壇香轉來真
侶茵閣鐘鳴生道心憶昨泥旌歸紫府尙餘鴻寶作
黃金肩吾戲吐烟霞語縹緲欲仙難陸沉

日涉園集卷八

圭

次韻答仲兄元亮

楊柳江頭人迹稀心隨鐘度遠山遲忽傳憶弟看雲
句想見流觴曲水時人比封胡終有恨韻低徐庾敢
言詩青春欲謝子規叫莫惜歸帆赴後期

用元亮韻寄駒甫

才名綠髮斗牛垂天祿讐書何太遲却掃未嘗嗟半
菽養疴不是傲當時鋪張大對明光手收卷裁成鄴
下詩見底冰壺最清徹何時照眼會心期

用元亮韻答師川篇末見寄

早歲聞君萬人敵定交已悔十年遲中間會面無虛

日底事分攜用此時不隔南雲無過雁猶因北阮著
新詩征車欲作日邊去儻赴幽園若果期

復用遲字韻呈元亮

去日關河雪打圍縫裳密密恐歸遲忽看高筍成筠
處始見殘樽下馬時暮雨蕭蕭聊洗恨東園物物總
宜詩莫言心賞隨年薄勤赴幽人林下期

東臺

門巷依依稱意苔杖藜野色逐人開馬駒卓錫今應
在康樂翻經那復來雲物蒼茫山遠近波聲宛轉水
繁迴風流賴有潘懷縣一洗從前猿鶴哀

日涉園集卷八

圭

次韻徐師川喜洪駒父歸自臨汀之作

赤壁烟波翻渺溟長沙卑濕重行行一觴一詠勞清
夢三沐三薰慰別情不作畔牢愁執戟共吟哀郢哭
初平生來競病幾牢落漫興安能學背城

度章水道中戲用城字韻呈駒甫師川

楚波不動晚山青願免西來照我行野鳥鈎勒如有
意漁歌欸乃亦多情湖邊倒載思山簡樓上迴文念
始平欲覓澄江如練句乞靈須向謝宣城

次韻答季智伯弟

廢詩不復匠蘇州蠹簡於人風馬牛喜有丘明能撰

次極知水部愈風流句分競病應難敵家有封胡可
解憂共歎宣城遊岱早剩招去幹不能收

贈蘇仲豫

平生照眼玉壺冰解向朝陽續鳳鳴黃鸝樓前重會
面白蓮社裏定交情疎才我亦憐文舉大雅君應笑
正平貰酒臨邛聊復爾莫令狗監汗高明

贈王環中

拄策前年訪草堂挂帆煙際在西江詩隨鴻雁來春
渚夢逐蟾蜍入夜窗辭聘知君追孺子屢空知我是
窮龐菟裘欲買爲鄰並歲晚相期倒百缸

日涉園集卷八

七

贈張仲義

春衫試吏楚江濱真似文昌思不羣未暇等陶辭小
秩何妨慕謝始精文壁間妙句流黃素松下英姿入
壑雲但恐承明賴公等不容蠻府作參軍

奉贈介然

彈壓諸方化城老聊同懶瓚恣佳眠雲隨雷下雨歸
壑竹引窗間風動煙晝靜冥搜徒覓句道安高論愧
彌天叢林良藥今無有絕影須公爲著鞭

宿同安用舊韻呈雲叟

蒲柳望秋今復衰遙岑雨罷抹脩眉寒林要使入方

尺妙筆懸知愧畫師不見楊雄草玄手細看束皙補
亡詩何時共飲建業水更把北山煙雨犁

遊同安寺

郭內那知草色新道人庭宇別藏春高榆風度青含
莢艷杏雨餘紅退脣茗盃薰爐有清思禪天金地復
無塵裁詩得句如拱壁不費咸陽設九賓

遊昭德觀

曉隨歸雁影聯翩來訪佚池小有天萬籟虛徐雜鐘
磬一源涓樸異山川雲霾大壑真遊遠風掃石楠佳
句傳司命峰前徐孺子幾時風雪對床眠

日涉園集卷八

六

夏卿用韻見貽次韻答之夏先君子與先平

陽厚善

君合雍容供奉班形輝紫仗近天顏誤隨手板落趨
走却望家山思燕閑使君銅狄悲游岱令尹玉棺今
賜環樽前回首二十載更話幽禪未易攀

容有和予顏字韻詩者答之

蠻花初捲簾文斑苦被秋風吹老顏慰眼既清還有
舊起予多病復思閑暮年倚伏心三徑看子著鞭腰
九環小屈尉曹吳會去莫因橫槊廢躋攀

逆規老住虔之慈雲

禪翁竟補棲禪處兔角龜毛仗佛僧久厭宗雷同保
社却憑章貢濯埃塵定携天上蒼鷹爪去接江西白
業賓大庾嶺頭梅正好同風千里一枝春

郊外書事

郊原野老帶經鋤童稚何知競挽鬚我亦彌年躬井
臼兒能終日課樵蘇頗思鷗閣仍虬戶那數松醪伴
酪奴志大才疎苦多累真須鹿鹿效周謨

和何斯舉韻寄元亮兼簡性之

避冷幽窗歌屐屐鴉啼疎柳把南枝長鬚忽送平安
報滿眼仍看競病詩稚子每嗟簷隙短波臣常梗客

日涉園集卷八

五

行遲應貪左轄藍田會落雪官梅動興時

和許秀才見贈許病日良苦

木末鴉啼負郭村無人白晝掩柴門詩來或作破客
夢語妙直堪排帝閣抱瘵端如叔夜懶幽懷思對阮
生論何時還子讀書眼解脫無根須返元

和馮仲宣韻

秋風寂寞仲宣樓金狄傷嗟臥一丘喜有斯文出淮
海追還舊觀極風流莫將起草明光手去伴諸郎肉
食謀我欲清江理烟艇尋君楚尾及吳頭

奉酬謝幼槃

窗間遠岫謝元暉人物煌煌三秀芝黃耳來時得佳
句碧雲合處起幽思深閨復見解圍手勝日應多贈
婦辭念我龐婆最癡絕只能舉按解支頤

次韻奉酬幼槃

結廬不入遺民社好客初無仲蔚蒿度鳥冥冥與心
遠孤峰峭峭伴名高樽前著我醉千日鏡裏緣君減
二毛安得買鄰揮百萬拍浮左手更持螯

再次韻呈之忱彥先彥達兼呈幼槃

割據溪山天下豪長松獨許倚青蒿小巫政自雄河
朔淺器從來鄙奉高爛醉何勞憤田竇清風相與繼

日涉園集卷八

三

崔毛不知底事真奇語且向窗前嚼二螯

次駒甫涵虛閣韻

夢中占夢偶相逢山上有山隨轉蓬我自持觴醉玄
酒君應臨水洗蠻風行參鷓鴣峩冠客豈是江湖把
釣翁暇日頻來裁錦句要看玉手亂殷紅

七言長律

紫霄道中

山行積石路逶迤村徑成門逐處移一點炊煙生虎
穴四來暝色到牛衣畏人沙鷗飛南隴旁母山猿戀
北枝雁塔崔嵬臨畫嶠墨雲霏霽起方池髯秦昔別

留奇畫病可雖亡餘好詩秦畫松石于歸宗羊祜不
知銅雀妓蔡邕尚有虎賁兒世未甚知可而美慶開
顏欲效東籬醉栗里在歸宗寺旁真隱漸無谷口姿安得膏
腴盈二頃雍端喚取共扶犁

日涉園集卷八終

日涉園集卷八

三

日涉園集卷九

宋 李彭 撰

五言絕句

喚渡亭

草風兼沙雨依約渭河邊昔人曾喚渡絕唱頗清懸

戲書山水枕屏四段

遙岑天南端野竹垂楊下蕭散策寒藤綠雲復觀化
道江真皎鏡短艇戲鳴榔無復機心動不驚鷗鳥行
孤峰上排香翠木盡生意持竿坐石磯高懷在雲際
復閣耿蒼煙斜暉挂木末卷帆何處船危橋待明發

日涉園集卷九

豫章叢書

大雪投宿園通以野雪蓋精廬為韻賦五詩并

書塗中所見

寒雪盡垂空玉色繁萬瓦默默行五牙鬱靄望黃野
昔我游山陰雜芝紛似雪重來雪作團遠樹皓已結
山翁雪垂素相逢乃傾蓋同看豔雪舞盡此威遲態
借問佩蒼玉何如煮黃精古來澗谷槃價自重連城
馬疲如客飢稅鞅文公廬人好雪亦好何啻射洪鳥
迎陽閣

扶桑有玉書鬱儀善相保朝暾到頽簷危坐填血腦

子夏中臥病起已見落葉因取淵明詩門庭多

落葉慨然知己秋賦十章遣興

西嶺障斜日澄江來遶門歸鴉千萬點暝色入遠村
燕坐倚白業焚香觀黃庭清霄降真侶彌節或見聆
境靜輪鞅寡塔空絡緯多蕭然正遐矚脫葉下庭柯
我初臥病時桑麻翳負郭扶杖延秋風山川俱黃落
寒溫機中素榮歇洞庭葉發興鷗鳥行風煙理舟楫
平生老驥心伏櫪端有在華月生夜涼南窗歌慷慨
國中有奇貨雨滿瓜芋田一飽吾已足望山思悠然
結交何用早士貴心相知苟合殊真味咄咄成乖離
林廬亦云樂欲語輒復已取琴撫徽絃妙不在宮徵

日涉園集卷九

二

沅湘歌九辯梁父吟四愁虛齋無一事坐對楚江秋

六言絕句

太平小寺

行盡斜峰急澗忽看化寺神居雲鎖沉沉複閣旁看
貝葉遺書

昌書記畫梅

花柳春風紛衍禪窗晚放橫枝貌國生憎粉黛曉粧
淡掃蛾眉

夜坐兼戲環上人

蠹簡聊寬岑寂榴花頗慰榛蕪莫問草玄尚白須令

看碧成朱

毛髮早驚蒲柳衣裾又變風煙我自一丘一壑君應
三要三立

落木霜猿到耳風高候雁橫空覓句深憑料理解圍
俄聽晨鐘

昌書記畫馴猿

巫峽猿啼向曙云何却在樊籠想見珍羞參養翻思
樹葉微風

七言絕句

庭梅

日涉園集卷九

三

春風日日下丘園綠到萱芽蕨破拳莫怪庭梅晚來
好尙堪桃李與爭妍

寄詩贈擇言兩絕句

憶昨同傾三昧酒論文時撥百家衣他年準擬蘭亭
會好畫同人支遁師

逍遙儒墨兩專場萬遍蓮花嫁馬郎心若死灰詩欲
盡乞儂西國更生香

擇言與參寥相厚善
故戲作吳語戲之

舍弟彤檢校南庄刈稻中秋日作三絕句見寄
酒醉後偶次其韻答之

天南雲破玉繩橫上有蟾蜍雲外明共把一杯懷小

雁新詩深悉未歸情

呼隣貰酒酒如冰以酒攻愁愁有城醉舞不須看短
舞神清便覺映膚清

珍重江南庾子山詩名晚歲滿江關應須剩讀書千
卷始在班揚伯仲間

答徐十贈詩三絕句

東湖高士有雲孫句夢池塘論過秦海內故人流落
盡病夫杯渡不嫌頻

窗中山色撲衣襟戶外江聲醒客心我在山陰君在
剡思君行坐短長吟

日涉園集卷九

四

爐薰細細繞禪房竹日暉暉映短牆安得買隣同歲
晚鉢孟分飯共繩床

答謝適秀才三絕句

飽聞玉樹堦庭長今見憑虛意欲仙遣我池塘夢春
草阿連風味劇堪憐

短李門前無甯馨書淫詩癖類天成多情喜有謝康
樂步履同尋鷗鳥盟

平生抱瑟齊門立不比吳宮誇靚粧周鼎商盤甚消
古君來獨慰九回腸

答黃直夫二首

紅顏綠髮花映肉別去年顏存語音秉燭相看眞夢
寐細聽存沒欲薰心

筆底濶翻走百川曾中書傳作豐年自憐疲馬老伏
櫪絕影如公更著鞭

次韻答九弟首夏郊園卽事

疏泉方作薜蘿深月落參橫要共斟徑醉逃禪眞粲
可冥搜得雋近韓岑

阿連句裏欲回春早慎論交思不羣莫願才堪任遺
補來參折臂大馮君

營巢燕子語猶新接葉鶯雛已換春催曉鳥烏聲更

日涉園集卷九

五

樂直疑料理廢詩人

何須痛詆程不識未用親摩史謁居昔時萬事愁眉
外頓覺幽懷常晏如

再次韻

嬾覓新詩勸春住只愁塵爵每空斟餘酣晚漱沙汀
外未羨明登天姥岑

陳恬老作中州客少室曉猿聲念羣通籍金閨成底
事看取九原冥漠君

古木千章夏陰合瓠頭別作醉鄉春草玄不是揚雄
事定自免爲投閣人

種莢瓠瓠成畦壠奇貨由來果可居漢代封君渾未
稱故侯風韻擬相如

元亮次韻四絕相撩和答

枕中鴻寶裏蹄金火候曾經手自斟瓠子河傾那可
塞忍令清餓首陽岑

少陵獨見阮生論我樂窮鄉獨樂羣兩阮八龍渾可
擬操戈披靡獨輸君

久知瓠底堪肥遯近覺樽中每著春狗寶相呼竟何
補獻酬故屬畫眉人

仲子酒狂言語疎文章敢比茂陵居未見遠山堪病

日涉園集卷九

六

渴直愁滌器枉相如

清明

汀草汀鷗解喚愁舍南舍北度鳴鳩深憑竹葉留春
住未信桃花逐水流

高柳半天渾欲眠二毛苦上接離邊與深杯杓懷山
簡句夢池塘憶惠連

晚將麴蘖寄吾真不道公當恕醉人欲學少年花壓
帽却疑花笑及花嗔

登耶舍塔詩

五降羅列斗南垂百代堂堂歌紫芝一老去爲西伯

用四翁應笑北山移

春意三絕

屋角鳥呼春意回江花江柳自相催廢詩詩思澀如
棘勾引無勞酒作媒

裁雲爲柳雪爲花惱亂中年春意賒庭宇風微教馴
鶴池塘日暖浴嬌鴉

日日映堦春草香春風到處著胡床梅梢何許蜂釀
蜜來採幽園宮樣黃

題溫泉

能使時平四十春開元聖主得賢臣當時姚宋並燕

日涉園集卷九

七

許盡是驪山從駕人

暉上人畫梅乞詩

微風正爾送荷氣忽見鞏梅冰霰姿元是道人三昧
力明窗漱墨發南枝

西塔

峯前日出霧初散谿上雨來禽亂啼欲記曾遊三峽
處詩成賴有董膠西

睡起

林間穉竹猶含籜柳下孫枝屢放綿午夢不知清晝
永嬌鶯啼破晚窗前

奕奕柔霜後繁縵絲無復蠶益翻願同園客蠶如

發忍使疲民無複禪

烏雀雄猜作伴飛機心還復墮危機何如絢練堂前
燕拂面銜泥點客衣

稱麥翻畦雉羽班郊園貰酒有餘歡奈何苦雨傾滄
海坐遣南翁衣帶寬

石闕林端晝夜啼羅生芳草綠成蹊扶筇攜幼出門
巷雨過舟橫水滿谿

戲贈行密上人

東風未解北風愠臘雪半消春雪深欲向僧房覓清

日涉園集卷九

八

畫細聽山暝孤猿吟

次李儀中韻送果上人歸龍安

不作郊原雉應媒心隨山色翠成堆翩然一鉢自歸
去有意杖藜還復來

訪僧

茗盃薰爐久不來曉猿夜鶴總相猜故將野老扶衰
杖踏破僧家稱意苔

戲僧嗣譽二首座

談禪高出瀉仰右著論耻居生肇傍更有新詩堪抵
罪與君約法定三三章

僧中君是玉花驄氣逸渾將入古風欲向松窗翻妙語愧無筆力到方融

病中卽事

懶慢經時不出門秋風藜杖稍相親念羣屬玉鳴碻岸作伴蜻蜓上角巾
病厭鴉兒酒色黃蔬孟終日似僧房馴猿時復攘新果夕鳥飛來啄蠹床
初無句漏爲丹砂何必青門始種瓜口腹累人吾豈敢深勞谿友餉魚蝦
啼鳥引子來衣桁野鷺銜魚墮屋除百念已忘餘習

日涉園集卷九

九

在手持叔夜養生書

利口毀譽本無嫌空洞腹中須屬厭何用瀟陵嗔尉醉未勞漢署歎郎潛

畦間魁芋敵蹲鴟木末深懸大谷梨小摘已堪充米價緩嘗聊用補朝飢

絡緯井幹空復啼蕭然脫葉望秋衰最憐庭下婆娑檜鬱鬱已今梁棟姿

失題

草閣柴扉逐舊涼蘋風一曲酒回塘尙餘新月張敞畫無復么荷韓壽香

籬邊日出撫孤松戶外雲生遮數峯避冷隨陽聞過鴈催昏喚曙聽疎鐘

寒鴉含枝欲定巢近同客食上林稍能逃歲德安門戶出處懸應不浪交

紛紛眠界禿居士却著雲山壞衲衣箴孔綬溪無量義誰能於此頓知歸

秦郎本是金闥彥撰次曾爲仙董狐西狩獲麟雖絕筆道山今日要眞儒

韓侯數奇亦云極奈此風流英妙何傳聞東觀已著作卽看西掖與鑿坡

日涉園集卷九

十

廬山道中

無復春風綠髮前素花共笑過年年只今老境花無賴媒蘖幽人作醉眠

崇桃灼灼眩清晝細柳依依迷遠村似聽淵明賦歸去柴桑幽鳥語黃昏

三年不飲虎溪水一笑來嘗鷹爪芽岑寂仲堪談易地祇餘蒼蘚藉殘花

董仙種杏合虎守只今但見蓮花峯練師欲作小隱計餘力猶堪追祖風

憶昨山陰峯上頭山腰雲雨半含愁蒼崖壁立題名

處光怪時時射斗牛

蕭杙齋中天馬駒追風未試且幽居劇談挽我留三日不費一鷓傳異書

不識西湖林處士飽聞陰木叫鈎輶茂陵遺藁今應在索價雖高未肯酬

英姿秀骨徐尙書忠義丹青那可圖褒鄂眞成毛髮動猶將生氣壓曹蜍

北齋兩絕句

芭蕉葉大雨聲催葉底繁花菌蠢開欲據胡床呼作炙膳夫何用探心來

日涉園集卷九

十二

煙沙茂密小池塘注水枯荷覆晚涼何許蜻蜓立荷蓋驚飛作伴過東墻

對雪有懷廬山道中

傍窗幽鳥語恩恩雲陣羣山雪靦風信有農談四隣久隔籬烟火醉眠中

自和六絕句

麗日暄風下大荒百花氣暖漢宮香攜幼來尋竹間寺游絲寂寂繞迴廊
金屑琵琶刺繡裙絃軟語怨昭君仍年病著屏栢
盞酒興多於出岫雲

水荇蘆芽相緯經倦飛翠碧翫來停含毫未下無新句安得毫端飛迅靈

蛙鳴廢沼弄妍姿破夢起看星斗垂度曲安能高鼓吹灑灰那復計官私

邊腹從來不貯愁歸鴻目送頗悠悠三吳何用憂狼顧一戰行看擒狗偷

二季蒼顏催我老年過四十眼猶明細字未能妨老讀每逢佳處勝專城

再和

清朝畫省得名郎嚼麝高談百和香水鏡欣傳佳吏

日涉園集卷九

十三

部更須端委侍巖廊

仇池仙柏煙霄外妙出湖州寫墨裙畫水虛齋風動壁枝枝葉葉欲生雲

劉侯白髮續羣經原夜隣渠不少停齋恨沈皇今已矣那知爲電復爲霆

珪璋挺特晁夫子家法文元萬代垂却袖當年醫國手磨鉛起例只營私

且復持觴歌莫愁點衣柳絮晚悠悠要知境靜自心遠不是年衰成語偷

平生愛花被花惱况復雜花川上明劍外參謀詩滿

眼乞靈何必錦官城

同季敵弟過南岸野寺

楊花糝徑雪纈紛短艇橫江煙草昏小雁俱來覓春
事情知春過水南村

數日陰雨懷李生

衣裾蘭茝有餘清風骨冰霜照眼明欲共阿戎談絕
倒亦憎暮雨滴塔聲

文楸玉子知無敵愧我元非王積薪願賦煙茶不堪
剪風流文物不無人

燕頤應須遊玉關歸來綠髮著我冠他時爛醉紅鸚

日涉園集卷九

三

鷓更跨追風烏賀蘭

戲刻真衣堂竹間

風微雨細花梢動月落鐘鳴雀語多未有池塘春草
句戲成湖外竹枝歌

小憩琵琶亭呈環中養正

南樓岑絕冠湖外舉扇每避元規塵庾公樓下落帆
處掀簸定爲公所嘆

超超邁俗郭有道有孤事發如古人莫言壁立立貧至
骨雞黍自足延嘉賓

山南渡落蘇季子飲作江湖雪陣來想到詩腸應作

崇挽回妙語如瓊瑰

戲呈子蒼

一杯相屬步兵酒三疊共聽中散琴有慨余心成獨
寫雨餘汀草晚來深

山郭遇鄭禹功行縣

廣文官冷飯不足行縣符移祗屢催避班荆作吳
語風姿峭峭絕纖埃

清曉登無相浮屠上有東坡書

窈窕龍蛇穴窟寬淮山楚水繞闌干儋州宰木應搖
落入法猶參星斗寒

日涉園集卷九

十四

舟中戲作俳體

皎齒青蛾倚柁樓楚波微動晚風秋不辭自去迎桃
葉兩槳還須送莫愁

自成可意亦不淺思自羅敷舊姓秦莫道使君自有
婦願爲解珮漢臯人

茯苓

憶昨舍邊松雪明于今偃蓋入青冥何時容我攜長
鏡翻動龍蛇取茯苓

日涉園集卷九終

日涉園集卷十

宋 李彭 撰

七言絕句

老坡自海外歸為書簡寂觀雲卿閣榜今為煞

風景者毀之

筆底颯風吹海波榜懸鬱鬱照巖阿十年呵禁煩神

物奈爾焚琴煮鶴何

戲書

瘧雪饕風春事晚輕紅未放入天桃即看倚杖花經

眼便許堆盤黍雪毛

日涉園集卷十

豫章叢書

晴簷已復聽提壺濁酒聊堪釋荷鋤短短長長愛園

柳三三兩兩數谿魚

澗井寒泉徹底清不容私地有蛙鳴脩除何獨充庖

易要看籜龍將雨行

止酒廢詩春晝長頗知易戒復難忘戲於窗下還詩

債便欲花前喚索郎

次韻文潛立春三絕

臘前漏泄有官梅春色懸知裏許回日涉園中聊步

屨黃菘早韭復爭開

后皇司春生意還無知草木亦班班願憐綠鬢添華

髮羞插耐寒花上帽

舉酒徵賢且合烟盤殮野菜闔嘗新陽春有脚今誰

是始覺前朝貴老身

延福寺

尋盡雲山發興多稍知蘭若在巖阿不以姬姜棄樵

悴杖藜聊復一來過

齊安江頭別何氏兄弟舟中得四絕句

疎星牢落散江東悵望夷猶醉眼中長年三老相欺

得故將短棹指西風

八字山頭閱世故周郎赤壁斷人腸玉魚金枕皆冥

日涉園集卷十

二

冥鐵騎樓船墮渺茫

樂羣野鷺巧相依傍母鳧雛肯浪飛怪底相連若者

舊無人花鳥自忘機

巖巖五老古鬚眉似對幽人歌采薇漢事煩公卒調

護蒲輪飛詔盍來歸

留別小慶

風催萬壑雨歸去雲閉連峯不放晴門外從教春水

鬧杖蒸準擬聽江聲

二絕

過盡柳花無復綿幾畦麥浪漲晴川幽禽喚起醉鄉

夢疑在故園茅屋邊

生綃他日寫荒寒咫尺渾如萬里寬我據筇輿煙霧裏有人應作畫圖看

對酒二首

頗作持觴爲上頭直疑買醪成大偷盃中麴蘖可肥
遜不比終南猿鳥愁

雄猜刻薄王處仲不飲思欲誅蛾眉何如一醉睨萬
物小黠向來成大癡

夢秦處度持生絹畫山水圖來語予此畫劉隨
州詩也君爲我作詩書其上夢中賦此詩

日涉園集卷十

三

隨州句法自無敵寫作無聲絕妙詞誰料長城千載
下秦郎復出用偏師

歲晚四首

天長候雁作行遠沙晚浴鳧相對眠松醪朝醉復暮
醉江月下弦仍上弦

汪侯胷次闊瀟湘秀潤清時符寶郎謝宇窗間仍發
興敬亭山下屢成章

苦憶中州向子期微官鐫盡賦新詩清班未許聯天
仗直指聊看著繡衣

眼看楊柳漲春風忽復山明雪映松但把一尊扶醉

病何須三揖送文窮

茅堂清坐有懷元亮

不到青園三月餘行間茂密見新蔬最憐鼠迹生塵
案復有潛筠穿我廬

有懷雪堂舊游

雪堂楊柳三五株堂裏先生萬世無伐樹何人成糞
土如聞築屋復栖烏

柱史秦郎無檢幅筆端真有大夫辭追懷耆舊誰能
繼况復賞音黃絹碑

張侯瞻蔚氣如虹字字追還西漢風歆向俱爲泉下
日涉園集卷十

四

士詞林正派絕流通

陳子真成病乘黃園丘一仆殆堪傷苦吟幽語多奇
澀未免人譏急就章

柯陂潘子骨已冷文采風流付陸雲一見十年應好
在酒澆邊腹貯皇墳

珍重何家大小山高文麗賦敵揚班書來慰藉江頭
別想見園林人外間

離曲池憩巾口

小泊曲池桑柘陰遠墻岑寂伴高吟孤雲兩角真在
夢一抹寒林古木深

野僧亦復稻畦衣兩兩三三巾口歸拂拭涪翁刑部
句晚風吹淚對斜暉

物色真成行畫圖十年對面不供書才慳更著李商
隱無復重譏獺祭魚

林占處士和靖先生之孫也與予厚善今死矣
作兩絕句弔之

愛君渾似金華客謂我猶堪供奉班蕭寺愚溪兩冥
寞一尊聊復對西山

危脆芭蕉何足道姓名今不減西湖茂陵遺藁他年
在曾有書言封禪無

日涉園集卷十

五

久不得六弟消息二絕

去日么荷卷未舒水花高蓋已扶疎大醫法窟應尋
徧有底能忘一紙書

平生大敵劉文叔每發一兵髮爲蒼不得淮南近消
息蕭然添我鬢毛霜

遊雲居寺三絕

茗碗薰爐久不來曉猿夜鶴總相猜故將野老扶衰
杖踏破山家稱意苔

此首已見第九卷題云訪僧

去年重失洪崖約今日又寒徐穉盟勝日幽期無惡
客尋僧銀色界中行

燕坐身遊水晶城夢回心淨玉壺冰更聽夜雨簷花
落却是細泉幽竇傾

代二螯解嘲

臞儒它日倦龜殼蛤蜊自可破愁顏不似二螯風韻
好那堪把酒對西山

解嘲

平生癡絕百無憂黨友相嘲顧虎頭癡黠胸中各相
半要之與我不同流

丘林久矣自耘鋤罕識心勞瓜芋區不復論文傳幼
婦安能索筆著潛夫

日涉園集卷十

六

西隱觀

書籤無復梁蕭統像設空餘譚紫霄馴鹿將麈眠藥
圃歸雲帶雨度山椒

離豫章進賢道中

春在江村桑柘中多情十日雨兼風杜鵑北向勸歸
去我爲故人聊欲東

招隱亭

裊裊秋風生桂枝小山巖壑石逶迤王孫歸去歲將
晏莫學臞儒炊屨屨

鄰雉

鄰雞午唱靜中譁
挾雨蒼苔傲落花
已覺星星鬢邊
出真成一倍惜年華

醉中戲次師言韻兼簡少逸

不覺龐公隱鹿門
逢場作戲任吾真
風煙久著雙蓬
鬢脫帽公應恕醉人

筆下病雷驚四鄰
勒兵小試頌聲新
司空城旦餘波
爾六籍紛綸并六春

往日風流京兆眉
却穿習薄敗荷衣
新詩渾作鶯花
語只欠天街便面歸

愧乏金椎控頤手
偷兒何苦向人來
囊空四壁亦云

日涉園集卷十

七

靜祇有丹鉛勘玉杯

次韻九弟過炭婦鎮兼懷微公之句

阿連衝曉絕江濱
驚起汀鷗鷺羣
不爲營巢祇覓
句真成拄頰玩幽雲

頭陀雲外見遙岑
爭似歐峯雲物深
想見伊蒲欲爲
供波生茗盃酣墻陰

次韻九弟幽園卽事

萬事向來元不理
非關軒傲故相違
幽園把菊初無
恙未歎將蕪胡不歸

孰知卜築野人居
飽聽鄰鐘與粥魚
便覺悠悠雲入

坐只無灑灑水鳴除

次韻正平見贈道子游山北勝處

山南山北似盃天
兩宿風飡近日邊
噉噉猿啼石門
路此身渾是謝臨川

佳句全勝顧虎頭
千巖萬壑斬新秋
歸來把玩無窮
意始信遙天寄客愁

次韻九弟五絕句

遠韻會須真邁往
高懷那用太鮮明
病夫閱世蓋多
矣說病由來非妄情

草際窗間蟋蟀鳴
愁來無路敵方城
却憐郢客悲愁

日涉園集卷十

八

賦強便微雲滓太清

谷水爲簾映暮山
珂珠貝玉妥天關
傳聞小陸同支
遁游戲蒼崖巨壑間

沙鷗日日滿蘋汀
白髮忘機不復驚
何處暮帆來浦
口背人飛帶喚雞聲

橋花漠漠玉花深
屢起微霜落爪心
喜有青黃著籬
落千頭未羨滿寒林

哭尙書墓

過家上冢非無子
宿草孤墳獨可悲
賴有立朝莊語
在不勞諛墓作銘詩

種竹當年語尙新
藏山萬卷總成塵
牙籤知落誰家
去往事淒涼欲損神

遊雲居四絕

雞林磨衲度幘溝
海外風煙在上頭
篋孔線蹤誰善
幻千巖萬壑斬新秋
懸崖怒瀑落北楸
恰是王師破蔡州
續蔓沈竿空莫
測石魚酒舫未應求
壤衲槃跏玉澗翁
負霜禿鬢頰嫩紅
時時口占東坡
語頗覺曹劉力未工
冉冉山雲低度墻
涓涓流水響長廊
不緣抱病關岳

日涉園集卷十

九

冷早賦式微緣底忙

寄鄭禹功魏虞卿

杖藜徐步倚柴扉
園柳青青馬尾垂
日暖遊絲繁落
絮黃鸝銜得上高枝
眾草風來似掩冉
驚紅駭綠闌年芳
崇蘭秀發北窗
下燕坐時間自在香
苦憶蒼溪鄭廣文
足驚豪翰獨超羣
山南飽看懶行
縣笑殺無心出岫雲
虞卿再見封萬戶
三語掾曹駒伏轡
北海會須加慰
薦橫空一鶚看騰騫

蕭子植寄建茗石銚石脂潘衡墨且求近日詩
作四絕句

寶犀新胯面巖冷
碾出壑源春雪花
何用纖纖捧渠
梳絕勝片片勺流霞
良工刻削類方城
煮茗細看秋浪驚
未許兒曹輕度
量豈容奴輩笑彭亨
蒼崖絕壁長瓊腴
靈府煩蒸藉掃除
老楮羣雞甘下
筋乘龍左耳避珍蔬
遠竈積烟烟更多
絕人妙手不同科
蕭郎餉我客卿
華遠愧山陰書換鶩

日涉園集卷十

十

寄臨川諸舊兼悲二謝

晏如雅贍志沉鬱
詩語松風萬壑哀
皮裏陽秋能刺
舉眼邊青白兔嫌猜
董侯本是古沉冥
風味澹然雲水僧
見說修門和氣
滿何用涉江歌採菱
何侯嗜學黃鸝舉
謝客哦詩丹鳳鳴
急雪異時登擬
峴放歌何日酌宣城
半岳推峯憐二謝
孤墳宿草已蒙茸
自歎蔡邕今老
矣銘言獨不愧林宗

寄何氏兄弟

病語無心復借秦護持白業五臺賓往時赤壁好風
月俱助兩郎詩句新

青州從事懶行縣白水真人不造門時作藥山遮眼
計尋僧煮茗過祇園

次韻山谷寄賀鑄

平生賀監毛髮古風流歎詠付銜盃賴爾雲孫亦不
惡山陰氣味喚仍回

淮海維揚萬人傑松吟冢上不能杯雖無橫州過秦
論猶有清歌慰久回

客廬山道中寄中上座

日涉園集卷十

十二

谿山軒豁逐時新草樹欣欣雨復春弄水看山添野
興可憐魚鳥自相親

著行官柳拂人低句引風光挽客衣正是斜川春事
起翻思帶月荷鋤歸

紫霄獨立冠遙岑靜愛雲無出岫心見說危梁耿大
壑欲招惠遠與同尋

顏魯公祠

心正能令筆不欹銀鈎猶冠古今奇凜然一代英靈
氣猶是當年罵賊時

鄰寺遣興三絕句

蠻花簞冷春氣分午醉醒尋野寺門黃落遠林供倚
杖却疑殘照是朝暉

映堦駁薛漫層層古栢連螭上老藤充鼓粥魚今落
寞半歸官焙半殘僧

脩源一帶碧灣環上有江西淡苧山更覺心塵雙寂
寞不愁騎省鬢毛斑

遣興兼寄豫章二弟

國士無雙有山谷斗南獨步憶秦郎鸚鵡洲前多勝
日古藤陰下夜何長

日涉園集卷十

十三

獨持杯酌醉先酒遺我此物忘百憂乞靈鮑謝共傾

倒况復隔窗懸玉鈎
龍沙季子在原樂不肯附書黃耳來滕王閣上覓佳
句鐵柱觀頭行幾迴

卽事

勅聽戍鼓擊銅龍臥待當軒葉底風暝鳥忽穿明月
去直疑便面寫歸鴻

左界明河夜未央輕風洒面作微涼藏舟枉渚者誰
子欸乃歌聲短復長

紛紛著作能上馬袞袞紫微俱斷窗韓侯遽緝銅章
去豈坐雙流帶二江

我觀之子秉周禮要使諸儒識漢儀側席求賢天子
聖未容澤畔弔湘纍
眼看花霧共衣霏已有羣鶯窗上飛心事但隨春色
盡鐘聲更伴鳥聲微

醉書

除醜奪目表春餘閑雅雍容亦甚都睥睨園林眾芳
歌持腸耐久作歡娛
稚子滿林春笋生殘花老境尙多情蕭洒封侯真有
自奇姿未讓惑陽城
湛湛胸中萬頃陂翻疑淺器是牛醫從來未許愁知

日涉園集卷十

三

處願肯因愁幅一作面皮

送涪軾二上座

密掩柴門斷還往道人履迹破蒼苔青燈相對語離
夜况復打窗風雨來
上人定自有佳處眉宇翠氣連湖山烟邊候雁著行
急力挽不留相與還

漫興

眞牧堂前花草新舍南移就一番春非關瘠魯欲肥
杞直恐疆齊將弱秦
梅花冷蘂發疎枝雲斷天南放日暉亂折寒柯有雙

鵲銜將綴作百家衣

幽園風雨

妙手春工如畫史鷺溪百幅挂城隅却將李成驟雨
筆揜映邊鸞花鳥圖

竹間絕句

鳥聲催得青春老花氣渾忘白髮新誰復能尋三徑
友信知真是五台賓
何許晚鐘烟雨餘花間蛺蝶舞蘧蘧莫將絕壑激流
齒戲誦文園封禪書

自西林投宿歸宗

日涉園集卷一

古

江都著足寫餘酣頗怪朝暉變夕嵐我與諸峯俱是
畫解隨歸鳥過山南

日涉園集卷十終

日涉園集

補遺

魏鍊師四松畫圖

宋詩紀事從聲畫集錄出

四松在澗壑歲晚乃更奇蕭然如黃綺傲岸不可追
誰將談天口掉舌聊見移由來拂東絹寫此霜雪姿
便有松上雨催我窗間詩翻思斷青冥採藥堪扶衰
當年丹青手開闢造化隨既有圯下約子行何後期
徐叔明校書篆筆奇古復作丹青為予作漢江
暮靄扇材極妙力求鄙句作此以贈

曩時徐騎省篆古逼秦相後來得仍孫毫端溟渤壯

日涉園集補遺

豫章叢書

能回頓挫姿丹青生意匠餘酣寫便面萬里烟莽蒼
何許捕魚郎落日盪雙槳無勞翦吳淞安用置登嶂
真欲老是間塵境孰非妄憐君俱入妙簡遠復清曠
定為造物嗔覓句聊分謗

唐明皇夜游圖

同上

開元御極垂衣裳登三成五陵義皇白環重譯銀甕
出卜夜遨遊離未央香車鬪風秦與號羅吧覆鞍眞
乘黃赭袍錯落綴北斗步輦優游銜鏤錫寧王玉笛
上霄漢御路花光爭月光汝陽羯鼓絹帽穩打撒參
旌低建章太眞露醉玉斂側力士傳呼聲渺茫翠釵

挂冠紅粉粧金貂貰酒白面郎君臣玩狎樂莫比清
禁喜聞宮漏長若令姚宋坐廟堂袖中諫疏神揚揚
萬里橋邊行幸處後世龜鑑懷苞桑

夢訪友生

宋文鑑

少年結客長安城妄喜縱酒同章程支離老去一茆
屋枕書臥聞長短更友生相望止百里寒夜寥闐無
人聲夢中乘輿輒見戴剡溪聊爾扁舟行覺來蘧蘧
一榻上不用僮僕爭驩迎吹燈弄筆欲書寄窗前白
月方亭亭

望西山懷駒父

宋詩紀事 宋文鑑

日涉園集補遺

二

去歲湖湘賦凜秋聞君江國大刀頭百年會面知幾
遇十事欲言還九休照眼遙岑滿懷袖過眉拄杖落
汀洲莫言青山淡吾慮誰料却能生許愁

食蟹 蟹略

漢友提携紫蟹肥形模郭索就羈縻抱黃斫雪老饕
事看碧成朱露醉時大嚼故知差海鏡嗜甘易誤食
彭蜺欲將磊落輕爾雅委頓余憐蔡克兒

弔賈氏園池

詳見周公謹密齊東野語卷十九

瑤房錦樹曲相通能幾番春事已空惆悵舊時吹簫
處壞窗風雨剝青紅

翻經台 宋詩紀事

五千餘卷在高臺內史翻時蠟展來夢斷池塘人不見年年春色綠成堆

日涉園集補遺

三

日涉園集補遺終

右集据宜秋館本付刊宜秋館鈔之南京圖書局圖書局得之錢塘丁氏丁氏又鈔之文瀾閣輾轉流傳不無譌脫其詩迭經劉克莊呂居仁陳振孫諸人論定自乾隆時四庫從大典錄出至今始有刻本宜考求江西詩派者爭以先觀爲快也已未八月新昌胡思敬跋

日涉園集跋

一

慶湖遺老詩集

九卷

附錄補遺各一卷

丙辰冬莫夏口李鳳高題

宜秋館據開
有益竺朱氏
本校刊

欽定四庫全書總目卷一百五十五

慶湖遺老集九卷 兩浙總督採進本

宋賀鑄撰鑄字方回衛州人唐諫議大夫知章之後元宗時知章致政詔賜鏡湖據謝丞會稽先賢傳謂慶湖以王子慶忌得名後譌為鏡故鑄自號慶湖遺老初以婚於宗女授右班殿直元祐中李清臣奏換通直郎通判泗州太平州卒事蹟載宋史文苑傳其詩自元祐己卯以前凡九卷自製序文是為前集己丑以後者為後集台前後集共二十卷同時程俱為之序今後

慶湖集 四庫總目

一宜 秋 館

集已佚惟前集僅存鑄子櫟跋稱後集經兵火散失則南宋已無完本故書錄解題所載卷數與今本同也方回作瀛奎律髓稱鑄每詩題下必詳註作詩年月與其人之里居姓氏今觀此本與回所說相符蓋猶舊刻之未經刪竄者矣鑄以填詞名家世傳其青玉案詞梅子黃時雨句有賀梅子之稱然其詩亦工緻修潔時有逸氣格雖不高而無宋人悍獷之習若溪漁隱叢話稱其以筌夫石詩得名詩人玉屑稱王安石賞其定林寺絕句王直方詩話載鑄論詩之言

曰平淡不涉於流俗奇古不鄰於怪僻題詠不窘於物義敘事不病於聲律比興深者通物理用事工者如己出格見於成篇渾然不可鑄氣出於言外浩然不可出 按此段以觀其所作雖不盡如其所論要亦不甚愧其言也陸游老學菴筆記曰賀方回狀貌奇醜俗謂之賀鬼頭喜校書朱黃未嘗去手詩文皆高不獨工長短句也今其文則不可睹矣

慶湖集 四庫總目

二宜 秋 館

慶湖遺老詩集序

慶湖遺老者越人賀鑄方回也賀本慶氏后稷之裔
大伯始居吳至王僚遇公子光之禍王子慶忌挺身
奔衛妻子逆度洳水隱會稽上越人哀之予湖澤之
田俾擅其利表其族曰慶氏名其田曰慶湖今為鏡
湖傳說也漢孝安帝時避帝本生諱改賀氏水亦號
賀家湖焉家牒載謝承會稽先賢傳敘略如此唐代
既頒勳格百家圖譜併為煨地元和中林寶集著姓
纂臆謂賀氏慶封之後非是按封劫專齊政田氏患
之聚三族甲環其宮而夷其族封僅身免走魯遷吳

慶湖集序

一五

卒被屠戮安有遺種哉吾家特會稽一族他州之賀
蓋賀蘭賀若賀跋賀婁賀魯賀葛賀賴賀述賀兒賀
略孤吐賀諸姓省焉鑄十五代祖迺祕書外監之從
祖弟諱知止少味老易躬耕不仕開元末興崇玄學
本道三以道舉薦送不赴會有問於朝者起家拜上
虞丞秩滿試任城令時李翰林白寓遊是邑與公相
從於詩酒閒譏具朱本其美政書公堂之壁後人鑄詩
石今或存焉久之遷陽穀令卒官民懷其惠遮留喪
車不得時發因權定縣之北原三孤卽隴為廬免喪
按安史之亂縣又改隸東平尋為李正己巢據之沒

用非法游民爾宋樓藏書志房禁不聽還伯仲定居

陽穀俾季陰歸會稽以持先業皆力田自潔不復為
仕宦計季實吾祖也歲一北走省展存歿且自誓約
生雖居死當耐骨先隴之次逮七世孫遵約不墜後
屬董昌盜越民懼其毒因棄業北遷合族焉國朝緣
外戚賜第開封隆和里六代祖廣平王始別葬於浚
儀固子陂之原高門平州府君受命北征卽詰其家
嗣曰吾家本慶氏昔王子嘗寓于衛而子必以舊氏
名之吾死必封樹衛郊示不忘本府君竟死事朔野
曾門以哀毀廢于家但名其子而重誥爾宋樓藏書志作詔之

慶湖集序

二五

天聖初大門爾宋樓藏書志祖總伯道桐牧之正遂卜府君
之新阡於衛屬邑共城東原仍徙貫焉行先志也鑄
少有狂疾且慕外監之為人願遷北已久嘗以北宗
狂客自況今浸老且疾念歸何時而亟更舊稱者亦
首丘之義耳鑄生於皇祐壬辰始七齡蒙先子專授
五七言聲律日以章句自課迄元祐戊辰中間蓋半
甲子凡著之藁者何啻五六千篇前此率三數年一
閱故藁為妄作也卽投諸湯甑灰滅後已者屢矣年
髮過壯志氣日衰落吟諷雖夙所嗜亦頗厭調聲儼
句之煩計後日所賦益寡而未必工于前願前日之

爨燼爲妄棄也始哀拾其餘而繕寫之後八年僅得
成集以雜言轉韻不拘古律者爲歌行第一卷以聲
義近原作近義古五字結句者爲古體詩第二第三
第四卷以聲從唐律五字結句者爲近體五言第五
卷以聲從唐律七字結句者爲近體長句第六第七
卷以不拘古律五字二韻者爲五言絕句第八卷以
聲從唐律七字二韻者爲七言絕句第九卷隨篇敘
其歲月與所賦之地者異時開卷回想陳迹喟然而
嘆莞爾而笑猶足原作是據以起予狂也儻夢境幻
身未遽壞滅嗣有所賦斷自己卯歲列爲後集云丙

慶湖集序

三

子子朱本月庚戌江夏寶泉監阿堵齋序

元原本元上有慶豐末年予始筮仕與方回俱在彭
城爲同僚友自是原本遺據一別聲迹不相聞
蓋三十餘年矣政和甲午秋八月予還自京師過平
江謁方回披腹道舊相視惘然如昨夢耳方回之詩
予見之舊矣復出鑑湖集示予其辭義清遠不見雕
繪之迹渾然天成殆非前日詩也方回自少有奇才
其器業足以自表于世意功名可必也逮今流落州
郡不少振豈詩真能窮人耶然方回詩益原作並據
工原作上據名日益高其傳不朽矣與世之酣
豢富貴與草木同腐者豈可同日議哉以此易彼可
以自釋也是年冬十有二月庚申延平楊時書

慶湖集序

四

子子朱本月庚申延平楊時書

宋故朝奉郎賀公墓誌銘

信安程俱撰并書 信安毛友題額

公諱鑄字方回其先吳公子慶忌避公子光亂奔衛
妻子散走越越人予之湖澤之田表其族曰慶氏漢
避安帝諱改氏賀至唐有為陽穀令名知止者於方
回為十五代祖其後北徙終止開封孝惠皇后克配
昌陵家世仍以才武顯曾祖繼朱本作維能左侍禁祖惟
慶東頭供奉官閤門祇候贈左千牛衛將軍父安世
內殿崇班閤門祇候贈右監門衛大將軍母秦氏贈
令人方回幼孤立不羣濟良恪公克朱本作充彰擇妻以

慶湖集 誌銘

一宜 秋 備

女授右班殿直貧迫于養非其好也監軍器庫門臨
城縣酒稅磁州都作院徐州寶豐監和州管界巡檢
辭所當遷東頭供奉官封其母永年縣太君元祐七
年學士清臣百祿薦于朝改承事郎請監北嶽廟
監鄂原作都據朱本改州寶泉監丁母憂服除以宣義郎通
判泗州遷宣德郎通判太平州管句亳州明道宮再
遷至奉議郎遂請老以承議郎致仕時年五十八居
二年從臣起之以故官管句杭州洞霄宮遷承議
郎賜五品服以后族恩遷朝奉郎明年復致仕又六
年年七十四以宣和七年二月甲寅卒于常州之僧

舍夫人趙氏前葬宜興縣清泉鄉東篠嶺之原至是

以九月甲申葬公同穴方回豪爽精悍書無所不讀
哆口竦眉目面鐵色與人語不少降色詞喜面刺人
過遇貴執不肯為從諛然為吏極謹細在筦庫常手
自會計其于室罅漏逆姦欺無遺察治戎器堅利為
諸路第一為巡檢日夜行所部歲裁一再過家盜不
得發攝臨城令三日決滯獄數百邑人駭嘆監兩郡
狡吏不得措其私蓋仕無小大不苟要使人不能欺
而用不極其才以老自右選易文階時薦者皆有大
名且當路顧願原本遺據朱本補為嶽祠吏退居海上三年

慶湖集 誌銘

二宜 秋 備

乃復就筦庫元符靖國閒除太府光祿寺主簿辭不
赴卒請補外自去姑原作始據朱本改孰及告老再仕凡十
五年不離宮祠吏觀其抗讎任氣若無所顧忌者然
臨仕進之會常如臨不測淵覷覷視不敢前竟疾走
不顧其慮患乃如此與蹈汗險徼幸不為明日計者
殊科有鑑湖遺老前後集二十卷余為序尚可考樂
府辭五百首宅文數十百篇方回姓字聞天下其詩
詞雅麗有古樂府之風讎書至萬卷無一字一畫訛
闕老且病猶搢搢不置云二子曰房承節郎監保州
酒稅曰廩將仕郎二女皆嫁士族孫男女五人政和

聞余居吳方回病要余日死以銘諉公矣今年春病甚見余毗陵復理前約且日平生果於退懼危辱耳今知免矣將葬其子又以治命來求銘銘曰其進踏蹶若將越于谷其退若逝惟危辱是畏依隱敖世世亦莫吾厲卒安其所是以無悔

公娶濟良恪公之女公之子提幹君廩復娶良恪之孫實外姑之親姑故予獲識其子省幹君承祖者嘗從訪公遺文曰先祖昔寓毗陵中聞擾攘凡所著文編悉為虜酋攜去獨巾箱有別錄慶湖詩前集在因假傳寫正其原作其正錄朱本改字畫訛舛而疑者因之又從趙氏得公墓刻併書于卷末庶知公之出處本末云乾道丙戌歲仲夏望日邯鄲寇翼令威父記

留題左顧亭二首 孔愉放龜之所

餘不遺原注平原本據朱本補 亭下機歸舟訪古懷賢百刻留辨
得千金脫元緒此心端不為封侯

亭際高樅滿百圍不無山鬼此焉依 咿叻為話當年
事曾見將軍佩印歸

賀公詩詞妙天下幼年每竊聞諸老稱其名章
俊語今詞盛行于世詩則罕見余傳錄此編久

矣意俟後集併為錄木念未易得恐失因循迺
以所積節儀折色等錢刻置郡齋頃為德清令

邑子以公留題左顧二絕相示嘗揭之亭上今

慶湖集

五宜 秋 備

附載原本遺據朱本補 于是紹熙壬子七月朔晉陵胡

澄題

宋史文苑傳

賀鑄字方回衛州人喜談當世事可否不少假借人
以為近俠博學強記工語言深婉麗密如次組繡尤
長于度曲掇拾人所棄遺少加隱括皆為新奇嘗言
吾筆端驅使李商隱温庭筠常奔命不暇諸公卿貴
人多客致之苟所不欲見終不貶也初娶宗女隸籍
右選監太原工作是時江淮閒有米芾以魁岸奇譎
知名二人每相遇瞑目抵掌論辯蜂起終日不能屈
談者傳以為口實元祐中換通直郎通判泗州又倅
太平州竟以尚氣使酒不得美官悒悒不得志食祠

慶湖集 本傳

六宜 秋 備

祿退居吳下稍務引遠世故無復軒輊如平日家藏
書萬卷手自校讎所為詞章往往傳播人口黃庭堅
自黔中還得其江南梅子之句以為似謝玄暉自哀
歌詞名東山樂府嘗自言知章之後且推本其初出
王子慶忌以慶為姓居越所謂鏡湖者本慶湖也避
漢安帝清河王諱改為賀氏慶湖亦轉為鏡故鑄自
號慶湖遺老有集二十卷

慶湖遺老詩集目錄

第一卷 歌行

宋賀 鑄方回撰

叢臺歌

黃樓歌

彭城三詠

漁歌

江南曲

三鳥詠

東華馬上

廣四愁寄李諶

舟次金陵寄王掾

贈道士登拱辰

曠舟秦淮訪侍其瑀

寄墨代書贈楊時

留別僧訥

留別道士許自然

慶湖集目錄

二 道 秋 節

贈趙滂

留別田晝

調北隣劉生

荅靳生

亡女勝璋哀辭

老鶴歎

送王安節赴武康尉

送海陵周太守邠受代還朝

送僧雲還吳興

荅許景亮

贈僧孚

送章邦傑移家餘杭包家山

題漢陽招真亭

晚出江城聞角

寄漢陽趙尉沔

送武庠歸隱終南

送鄂州刑獄掾王懋元功罷官還海陵兼簡金

陵和上人 玉鈞環歌

南樓歌送武昌慎太守還朝

題黃岡東坡潘氏亦顏齋

第二卷 古體上

故鄴 喜雨

老槐 過龍採端智

春行 對酒

閑情二首 題巫山圖

詛蚊 燭蛾

病暑 暑夜

問內 食芡實作

烹雞歎 題華陽公主碑陰

題蘭陵王碑陰 邯鄲郡樓晚望

荅杜仲觀登叢臺見寄 冬夜寓直

送武桓之安陽 寄杜邯鄲

訪周沆郭忱 除夜歎

寄杜仲觀 遊雲龍張氏山居

登黃樓懷蘇眉山 秋懷二首

燕子樓 快哉亭

慶湖集目錄

二 道 秋 節

飛鴻亭

登快哉亭

讀李益詩

田園樂

此日足可惜

部兵之狄丘

道中懷寄

彭城社友此二題本集無詩

遊南臺

夏夜懷寄傅道

第三卷

古體中

和張謀父遊石佛山

夜行鄒縣道中遇雨

行路難

送寇元弼王文舉

人生七十稀

和杜仲觀青字詩二首

送李主簿四首

擬獨杵擣衣

唐詩集目錄

三首

擬夜中不能寐

擬寒宵歎

遊雍丘燕溪

擬王少伯新興

送陳傅道之下邳

東畿舟居阻雪

留侯廟下作

遊靈壁蘭皋園

題楊子王輅故居清軒

遊金陵雨花臺

宿法惠寺

題香社寺湯泉

宿慧日寺

懷寄王閑叟

腰疼山浮圖下作

登柏子岡懷寄泉師

歷陽十詠

第四卷

古體下

三山

望夫石

題烏江湯泉

罷官有期寄朋好

橫舟秦淮

金山遊

望焦山

金山夜集招米芾不至

留別黃材

題無心菴

和錢德循寓懷

題安上人北軒

感庭棗

送趙子億之官滄洲

夏夜雨晴遣懷

寄題名嘉亭

遊盱眙南山

訓別杜輿

留別龜山白老

題樓雲菴

唐詩集目錄

四首

寄題周氏濂溪草堂

送周壽西上

題陶靖節集後

補感遇詩

黃鶴樓

鸚鵡洲

懷寄周元翁十首

題鄭判官直節亭

題潘大臨東軒

送陳令移官吳郡

和潘邠老漢上屬目

第五卷

近體五言

雨餘晚望

自訟

待曉朝謁天慶

送李易初還汶陽

重送

春書

擬溫飛卿

快哉亭寓目二首

題張氏白雲莊

賦得枕上聞雁

和人遊白雲莊二首

早夏

辭酒

送陳傳道攝官雙溝

遊滕縣時氏園亭

自鄆還徐道中

早發王村道中

暮投葛墟馬上

汴渠夜泊

舟次宋城

京居感興

玉律晚歸馬上

西城有懷

苦竹村南馬上

題諸葛洪田家壁

訓桂林從叔

慶湖集目錄

五宜 秋信

寄題令聖

懷寄潘孝本

送張商老

題烏江鄧氏亭

懷潘景仁

宿田家

遊真如寺

之香林馬上

題丘氏歲寒亭

送左禹赴江夏尉

高望道中

湯泉道中

留別王掾

棧舟當利口寄朋遊

重別王掾

投宿清涼寺

懷寄王掾

秦淮夜泊

遊草堂寺

訓別彥上人

易官後呈交舊

懷王掾

廣津門東馬上

久病寄親友

秋夜聞雨晨興偶書

謝米元章見過

留別米雍上

寶應野泊

題淨名齋寄米元章

龜山晚泊

舟居卧病寄和上人

泊臨淮懷杜修撰

舟發金陵望歷陽作

江行寫望

郎官湖

題寶泉官舍壁

江夏寓興

寄潘邠老

送陳主簿歸越

送金壇慎令

慶湖集目錄

六宜 秋信

寄題杜子師草堂

第六卷

近體七言上

懷金明池遊賞

贈張士元

雨晴西郊寓目

寄周文清

寄王岐

和荅鄭郎中見寄

和田君義詠雪

和田錄事新燕

冠氏縣齋書事

冠氏寺居書懷

題張氏放鶴亭

九日登戲馬臺

九日呈李成父

題南臺寺蘇公詩後

春懷

登快哉亭有屬

和王生悼歌人

送客還馬上

送陳傳道攝雙溝皮

送周主簿移黃令

寄題李偉官舍東齋

病後登快哉亭

送李錄事謝病南歸

留別李智父

答陳傳道

懷寄寇元弼

招寇元弼

答王文舉

題淵明軒

將發彭城

留別張謀父

留別寇應之

邂逅周元通贈別

寄題陳氏步雲亭

題永城縣園水亭

寓泊永城招李深

慶湖集目錄

七 宜 秋 館

送畢彥祖之京師

將發永城留題李氏

京居春日遣懷

送趙令時之官陳州

懷李易初

訓令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

答王拙見寄

第七卷

近體七言下

寄別僧芝

寄白雲庵主

追懷從禽之樂

懷京都遊好

晚望懷故園

望金陵作

烏江東鄉往來馬上

送潘瑤移令歸東魯

再送潘仲寶

九日懷京都舊遊

戲答張商老

題定山寺壁

汎江訪別曹解

懷曹夢得

宿芥塘佛祠

送畢平仲

廣聖寺虛樂亭

烏江北道中

烏江汎舟

夜泊黃泥潭

棧舟當利港

放舟下江留寄王元省

渡江懷寄二友弟

訪王開叟不遇留別

慶湖集目錄

八 宜 秋 館

題金陵長干寺塔

題天慶觀鐘阜軒

再訓訥師

阻風白鷺洲招訥上人

晚泊長蘆有懷

上巳晚泊龜山

揚州敘遊

和錢德循書懷

席上呈德循

上元有懷

送周元通昆仲官蜀

夢遊金陵設堂故基

寄和上人二首

寄李趙二友

呈李之儀

贈張之才

病歸山陰訓別交舊

舟次淮陰呈邑令

高郵舟居對雪

留別王景通二首

舟次廣陵懷寄交舊 茱萸灣晚泊

題杜仲觀遺編後

第八卷 絕句 五言 六言附

感興六首

懷寄寇元弼十首

重經舊遊 六言

題畫扇二首 六言

荅陳傳道五首

擬詠安仁得果

和王文舉玉臺體

夢後聞蛩

寒宵歎

春晚樓上

和別館初夏

和秋日十詠

和悒悒悠悠二首

長安在何許二首

慶湖集目錄

九 匪 秋 信

寄懷和上人二首

梅花寄和上人

送僧西上

懷寄彭城朋好十首

和錢德循古意二首

送王西樞出鎮鄭圃 八首

題海陵寓舍二首

追和古黃生曲三首

京居感興五首

和郎官湖懷古五首

江夏八詠

變竹枝詞九首

題畫卷二首 六言

第九卷 絕句 七言

清燕堂

北園初夏

秋風登城樓

初見白髮

局中歸

野步

和四時田家詞四首

西城馬上

再遊西城

東城送客

魏城東

懷寄馮惟逸

懷寄杜邯鄲

僧居對雨二首

再涉南羅渡

金堤客舍望南樂城

過被水民居二首

離冠氏道中

冬夜懷寄周郭

病告中荅王錡見招

橫舟廣津門外

晚泊會亭

題承天寺竹軒

楊柳枝詞二首

慶湖集目錄

十 匪 秋 信

憩永城王氏園

分韻寄陳傳道

周村驛觀吳公題

九日荅張謀父見招

九日張謀父席上

發斜溝寄王有元

泊舟寄京都朋遊

題陳伯儁蒙軒

京居暮春感興二首

春夜對月

遊夷門資福佛祠園

卯醉口號

沐下晚歸

陳留道中

過曹氏園

和人傷春

重賦京居暮春感興

送人朝饗裕陵

登興國寺樓

李氏池上

遊莊嚴寺園

黃城魏氏見江亭

題贈芥堂老僧

茅塘馬上

阻風小孤山晚晴

題漢陽寓舍老桑

秋江晚望

和吳連夫留題

題詩卷後

目錄終

洪本無目錄終三字

慶湖遺老詩集卷第一

歌行三十九首

叢臺歌 按邯鄲縣譜叢臺趙武靈王築起地

三百尺今故址猶十仞在縣中東北隅元豐辛

酉七月同邑令漢人杜儼仲觀登杜先有此詩

要余同賦

累土三百尺流火二千年人生物數不相待摧頽故

址秋風前武靈舊壠今安在禿樹無陰困樵采玉簫

金鏡未銷沈幾見耕夫到城賁君不見叢臺全盛時

綺羅成市遊春暉一從瑀輦閉原作開據荒草蕭散

慶湖集卷一

行雲無復歸招朱本魂想像風流在曹選晴華露夏

猶依稀盤紆原作紆據棘逕撩人衣禾黍晚成須豬

肥層簷碧瓦碎原作碎據平地夢作鴛鴦相伴飛登

臨弔古將誰語城郭人民今是非指君看取故時物

南有清流西翠微彷徨華表不忍去豈獨遼東丁令

威

黃樓歌 熙寧丁巳河決白馬東注齊宋之野

彭城南控呂梁水匯城下深二丈七尺太守眉

山蘇公軾先詔調禁旅發公廩完城堞具舟楫

拯溺療飢民不告病增築子城之東門樓冠其

上名之曰黃取土勝水之義樓成水退因合醮

以落坐客三十人皆文武知名士明年春蘇公

移守吳興是冬謫居黃岡後五年轉徙汝海余

因賦此以道徐人之思甲子仲冬彭城作

君不見熙寧丁巳秋靈平未塞河橫流澶漫勢欲浮

東州斯人坐有為魚憂當時賢守維蘇侯厭術不取

三犀牛跨城岩巖起黃樓五行相推土勝水鼉作鼉

驚走鞭箠三丈渾流變清泚南來船車鷁銜尾使君

登覽興如何舞劍吟箋賓從多水平照影見雁下山

空答原作谷據響聞漁歌樓下汀洲長芳草一麾南

慶湖集卷一

出彭門道昨日春遊詠白蘋後夜秋風悲鷓鴣黃岡

汝海心悠哉青衫白髮多塵埃采菱伎女今何在騎

竹兒童望不來望不來碧雲明月長裴徊

彭城三詠 元豐甲子余與彭城張仲連謀父

東萊寇昌朝元弼彭城陳師仲朱本傳道臨城

王適子立宋城王玘文學采徐方陳迹分咏之

余得戲馬臺斬蛇澤歌風臺三題即賦焉戲馬

臺在郡城之南斬蛇澤在豐縣西二十里歌風

臺在沛縣郭中

素蛇已中斷劉項方龍戰叱咤沮風雲睚眦走霆電

鴻溝一畫天地開楚王洗劍東歸來新都形勝控淮
泗籠山絡谷營高臺重瞳登覽何爲者不知招賢知
戲馬上如激矢下投丸蘭筋霜腕便原注回盤半夜
悲歌雖不逝明日陰陵行路難駮牝三千歸漢閑選
作粟豆尤聞蠹縣官君不見華山之陽古坳牧春風
吹草年年綠

右戲馬臺歌

君不聞泗濱亭長送徒如成陽徒夫懷歸多道亡自
濱以下曹選作泗濱昔日澤中置酒飲相訣吾亦從
有亭長送徒成陽失收掌此莽芒碭陰風蕭蕭導者懼前有脩蛇怒橫路酒酣

慶湖集卷一

三

拔劍肯留行劃斷蜿蜒不回顧河明月出人踵來彼
媼何冤號且哀謂遭赤帝屠吾子語竟莫知安在哉
真人聞此自心許茫茫四海吾其主虎變龍飛十二
年誠項鼻英蓋狐鼠半夜雄鉞飛上天幾見長陵一
抔土

右斬蛇澤歌

漢祖高風百尺臺千年客土生蒿萊何曹選窮人事
水東去如故地形山四來江淮猶沸鯨鯢血八十一
車枉歸轍白叟逢迎皆故人半酒歡呼惜將別峭澗
迢遙非我鄉死生此地何曹選能忘酒闌鳴筑動雲

物育矜兒曹隨抑揚爾時可無股肱良端思猛士守
四方君不聞淮陰就縛何慨慷原注解道鳥盡良弓
藏

右歌風臺詞

漁歌 甲子十一月張謀父陳傳道王子立會
于彭城東禪佛祠分漁樵農牧四題以代酒令
余賦漁歌

嚴公桐江上呂父清渭濱出處兩能事寥寥乎若人
擁蓑苴笠吳儂子身偶一竿生寄水侯庖富饌羹
鱸寸蠶分鱗辱刀机吾將一釣朱本懸十健笑倚扶

慶湖集卷一

四

桑不計年鯤鯨懷餌脫相得坐使東南飫食鮮

江南曲 乙丑三月彭城分題得江南曲

遊倡琴杜若別浦鴛鴦落向晚鯉魚風客橋千里此
字原缺據泊當時桃葉是新聲千載長餘隔水情鳥
衣巷裏人誰在白鷺洲邊草自生

三鳥詠 元祐戊辰三月之官歷陽石磧成日

從事于田野開始聞提壺竹雞子規三鳥其聲
殊感人因賦之以寄京東朋好

綠草帶江春漠漠露溼花焉朝暮薄年芳婉婉欲辭
人啼鳥殷勤勸行樂提壺真起子十干美酒當曠沾

金龜寶貂家所無持底可過黃公墟調官東來今幾
日謂有公田宜動稭朝廷未除私釀律安得一試焦
革術提壺鳥嘆吾與爾皆悠悠君不見長安兩市多
高樓大書酒旆朱本招貴遊脫聞提壺鳴樹頭論槽
買甕更獻醕庶幾此聲知所投胡為南鄉長滯留端
使北宗狂客羞原注北宗狂客方回自號也
此注原本無據朱本補

右提壺引

東南澤國陂塘闊旱歲少逢晴五月田間鼃喜雨冥
冥竹下雞啼泥滑滑而予不耕陂下田田皋驅馬揮
長鞭稻塍微茫絕復連如躡鏡面流皎涎植躡原作

慶湖集卷一

五

朱本沮洳不敢前何暇顧惜青連乾原作蓮乳竹雞
鳥汝幸飛翔羅爵外安知此塗吁可畏雄鷓更鳴方
自慰汝不能言臆原作意據為對君不見日圍赫赫
是長安大明宮闕開雲端雞人唱漏辰三刻左右相
君朝謁還前騶誰敢干後乘不可攀飄飄朱本青蓋
望已遠綠槐陰下沙隄閑長隄干步沙漫漫風不驚
塵雨亦乾君能馳驚此其所何事江鄉行路難

右竹雞詞

長江靡迤山坡陲旅竹荒松蒙蔦蘿蠶初眠起風日
暖梅弄黃時烟雨多山閒有徑行逶迤倦客據鞍生

睡魔奈爾思歸啼鳥何子規鳥不如歸去好誰家西
北最原作晨據高樓幾為王孫怨芳草子規憐爾解
歸飛我獨何心長不歸十年迹絕蘇門道夢裏舊遊
知是非曹選自此止一官竊食官倉米十口之家飽
而已金印錦衣耀閭里少年此心今老矣問舍求田
從此始

右子規行

東華馬上懷寄清涼和公兼簡社中王拙居士
東華在歷陽郡北八十里隔江與金陵相直
王字閑叟己巳十月賦

慶湖集卷一

六

雞鳴紉五鼓驅馬東華路月落潮上時雲披日生處
搖搖漁艇子挂席凌江去送目原作日據思悠悠橫
槩聊一賦鴻雁南飛江北流亭亭雙塔是昇州前朝
物色今何見白鷺平沙接石頭石頭城上清涼國中
有彌天大比丘右軍遠孫傲時者巾鉢久從蓮社遊
吾亦明年及瓜代一庵見寄外何求

廣張衡

二字原本無

四愁寄李諶 李字智父

為白馬從事庚午七月歷陽賦

夜如其夜未央斗星燦兮河蒼涼微曹選月入牖
窺曲房候蟲刺促鳴我牀離憂歛來煎人腸夜如何

其夜何長曹選無此句綠琴在薦兮擬楚奏原作秦據朱本改之

沈湘朱絃溼露兮聲戾指而不揚屏琴浩歌兮屑涕

泗之浪浪我有所思兮在河之陽優而不見兮衷原

裏據朱本改難弭忘駭驥騰躍兮鴻鵠翱翔明璫玉案兮

爾不我原作見據朱本改將緘誠結惠兮久莫汝償承如牛

女兮南北相望昔燕處兮靈芝之堂緝蘭為珮兮集

菱為裳西風淒緊兮凌百草以殞黃蘭萎菱裂兮恐

被服之不芳念汝玉立兮賤組繡之文章立節日厲

兮奈慘慄之冰霜胡不乘原作來據朱本改白雲兮歸來乎

帝鄉向何所後兮畢永歲而彷徨

慶湖集卷一 七 宜 賦

舟次金陵懷寄歷陽王掾相 王字元胥庚午

十二月賦

昨時江北望江南把酒離愁已不堪今夜江南望江

北抵掌清談安可得歷湖朱本作陽白下非吾鄉官身俗

眼禁人狂後日扁舟更西去江北江南兩何處

贈道士蹇拱辰

嘗觀妙手御風圖想像斯人世所無今識黃冠葆光

子爽氣飄飄畫不如岷峨東來九千里眼飽高山與

流水乘春更擬訪天臺晨肇當年偶然耳葆光子胡

為乎鼎中龍虎煉成寶筆下鬼神驅作奴須君且置

是等事三復玄元皇帝書

艤舟秦淮雪中訪侍其瑀 侍其字服之庚午

十二月賦

北風破雨初成雪齋舫篷窗吹紙裂籃舁觸冷訪圓

廬得把一盃聊耳熱人生自適待何時矧君與我皆

衰遲會待晴天暖風日杖藜同赴北山期

寄墨代書贈楊時 楊字中立彭城僚友也為

南康刑獄掾庚午十二月金陵偶便因以詩墨

寄之

徂來雪壓蒼松顛淪膏根抵蟠蜿蜒樵斤剪枿石火

慶湖集卷一 八 宜 賦

熱曲突百步凝梢烟蒲萄秋顆纍纍懸海膠九煉堪

續絃力擣萬杵臼欲穿劑成圭璧隨方圓點漆比色

石比堅坐令李原本遺據朱本補韋羞居前陳臺潘谷老且

賢授唯識者不計錢是翁解化如蛻蟬後可繼此無

聞焉付君一圭欵識全保護謹密何千年君家滑風

宜世傳不特談玄須草玄

留別僧訥 辛未正月金陵賦

允從西朱本班誰比數牛僧馬醫猶爾汝詩解窮人

未必工苦調酸聲效梁父榮陽道人方外交謂我有

書追屈騷驪珠不惜彈黃雀狗尾何堪聯晉曹選紹

秦淮湖原作朝上扁舟發後日相思一書札千里
朱本改同風了了然人閒無處無明月

留別道士許自然 自然山陽人喜談老易早

為荆國王公所知嘗被召對于延和殿賜號葆

光掌中太一朱本宮文籍未幾謝病來茆山辛

未正月相逢於金陵求余詩因賦此

東晉高賢許遠遊裔孫今不墜風流還有臨川王大

傳每思與語即登樓浮名何啻如雲薄鐘鼓爰居非

所樂漱石枕流知善謔友月朋風差不惡吾亦塵閒

無所求終期採藥棲羅浮異日歸來遼海鶴不見人

民見城郭

贈趙參軍滂 趙字沛然工書得鍾王楷法辛

未二月高郵賦

暮參軍暮參軍平昔相好書相聞妙兼八法唾朱本

五雲一字僅課三年勤春回玉樹生蘭筋驛驢氣壓

千羸羸庾家之雜安足云君子視漁而筆耘桓扇兮

羊羣上三句原本奈何不書藥珠祕錄之真文寶廚

鈿軸緘靈芸閣朱本居清絕無世紛誰其觀者紫陽

君後日人閒偶流落猶得標題特健藥原作持健藥

留別田晝 田字承君始名至明字君義元豐

初澄陽同官也辛未二月邂逅于高郵因賦此
以贈別

君家陋巷一尺泥吾車有輪馬有蹄犯寒踏雨重相

過明日扁舟吾遂西回首邯鄲迹如掃離索十年成

潦倒免葵燕麥春日妍蟬腹龜腸氣方飽雲遶宵宵

謝攀躋長鈇與人還故樓異時結駟來南畝耕者老

夫鋤者妻

調北隣劉生 辛未六月京師賦時將為衡陽

荒園老牆百堵破北隣劉子南隣賀今朝兩莖朱本

不相過端怯原作卻衡陽芒屨流吾庖無魚

未必饑晏飯糠覈煩脾磨吾牀何容凡物坐書為睡

媒即牀卧彼子劉子何所作原注佐原本方學商聲

哦楚些細君戛琴朱本與之和相忘之樂在江湖最

靈者人情不無此日可惜難再圖秋風西來莫挽吾

後日相思幾千里書不盡言徒耗紙

苔新生 生名馳嗜酒而狂自號為酒隱翁王

申正月遣人持兩詩見投日索具原作其據報

因賦此

軒軒陸士龍卓卓荀鳴鶴雲間日下逢此段殊不惡

方君嗜狂藥而吾窮病縛相望不相過賦詩聊爾謔

知君酒隱慕先賢誰何合原注閣據朱本補作飲中仙金陵

妙唱丹砂絃當日新聲傳不傳莫學滄波弄雲月老

蛟吟原作多據朱本改口饒流涎訪吾之居在何許春明門

東大道邊青鞵布韉不妨步何待東家蹇驢乃著鞭

我屋真無坐客瓊蒲團檉机朱本原本遺據蕭然

鬪雞走狗春風顛付與垣東惡少年

亡女勝璋哀辭 適汝陽郝氏子彥脩三年而

死甲戌三月海陵賦

百病沉頓彌兩年何圖壯女死我先失原作矢據聲朱本改

忍號氣空咽淚如縷糜汲九泉嗚呼尙敢尤諸天託

非其人死失所父孱毋朱本猶棄汝吞辛咀楚申

朱本何許萎蕤殞英春不主嗚呼萬古為冤土

老鶴嘆 海陵蘇氏即居之南鑿小池以畜雙

鶴甲戌夏旱池涸如陸是鶴飢立庭除問主人

莫郵也因賦詩以歎之

華表華表歸來乎出無車食無魚懿公之遇難再圖

卑棲俛啄同羣鷄誰謂嵇氏子不孤強顏市井交屠

沽巨源密啟亦已疎嗚呼衛侯既不可作道林今也

則無露鳴風舞何區區夙夜供君耳目娛西山二子

飢相似南國三閭放不如端慮盤飧懷異味併隨焦

尾付庖廚

送王安節赴武康尉 荆國公族弟也甲戌六

月海陵賦

江左風華推第一王氏堂堂文獻出烏衣諸郎能少

屈尙執中司三尺律君方色養白頭親吳興水陸饒

甘新卞山之下茗溪濱一洗長安肥馬塵君不見昔

人負米長勤捧檄喜敢論州縣徒勞耳

送海陵周太守邠受代還朝 周字開祖嘗宰

管城有聲甲戌六月賦

湯湯水東流奈何載此西行舟統如五鼓鳴城頭使

君去矣不可留前日使君來天子惠此州傳道管城

政先聲走羣偷不關外戶息吠犬悉把鉤鋤誰帶牛

雨陽不違禱烏鹵數倍收吏御一錢賄獄無五木囚

黃堂坐嘯有餘暇八詠新詩追隱侯斯民幸使君舉

世為吾休俄及瓜時代本朝官重內舊通金門籍行

奉玉宸對問君何以治海陵但陳聖主之德臣何能

狂生有意水衡丞

送僧雲還吳興 雲喜作小原作水據朱本改詩稍不

俗甲戌七月海陵賦

吳興道人美風度月下滄浪翹白鷺畫公詩律尙能
傳閒有赤鳥朱本作鳥黃耳句海角相逢一笑新懷歸不
待白蘋春寄聲故國羣兒輩潦倒塵埃賀季真

荅許景亮 許永嘉人字少明力學喜爲詩惠
然出長篇見投况我以鄧高密謝太傅卽賦以
答時余將爲江夏之行兼與之別乙亥九月京

師賦

東嘉海上孕瓊怪之子人英晦當代發之辭章聊原
遺據朱一噫原注下雷鼓霜鐘警聾聵投吾夜光敢
不拜相期過高幸少殺君家風鑒嚴簡汰顧吾衰遲

慶湖集卷一

三

積疴瘵久隱牆東慕牛僧絕望仲華安石輩老矣狂
奴猶故態清思屢遭俗子敗絮衣棘徑動胃礙京塵
浼人更難奈行孳一舟犯滂湃五斗無餘雜糠稗全
家飢餒雲夢葢黃鶴樓登朱本作登臨指天外燕子西飛
書可待訪吾少明安好在

贈僧孚 熙寧末余罷官趙郡日與僑人寶了
然遊後十年復相遇于徐之蕭縣丙子三月之
官江夏舟次長蘆有僧承孚見過乃了然也將
之廬阜余要偕行乞一詩遂賦

北道交遊竇了然手持丹訣口談禪吾年方少不解

事貪酒放歌相助癩十載驅車道梁楚汜水之陽一
環堵著書直上窺鸞熊鄭圃漆園聊爾汝旋聞暫作
去鄉行聲迹相遼掃風雨我遭官縛未渠央君割塵
緣遽如許扁舟三月遡長川故人投謁俄童顛周妻
何肉敗吾事成佛定輸靈運先此行歷涉佳山水隨
牒不妨行樂耳與君更結蓮社遊徑取孟原作孟據
囊付舟尾朱本改

送章邦傑移家餘杭包家山 章字子才熙寧
中僚友也自江州瑞昌令休官居城中十三年
不與人事爲道友築室相招遂有是行丙子五

慶湖集卷一

五

月道由九江邂逅章登舟南浦因賦是詩
九江賢令尹千載兩相望昔也陶彭澤今之章瑞昌
拂衣置五斗高興挹羲皇避俗陶無悔達生吾與章
淵明三逕荒松菊我攜一瓢寓僧屋淵明乞食踵人
門我賣神丸辦蔬粥淵明爲酒接休元我每移書謝
州牧淵明紙筆課兒曹我子長歌紫芝曲蕭閑門戶
十三年尙畏塵緣生處熟行將卜隱包家山誓與蒼
生鍊大還願君門外誅榛菅來者勿拒容躋攀鏡湖
遺老老且孱猶堪護鼎訶神姦功成拔宅自仙去原
遺據朱 唯餘井臼留人間本

題漢陽招真亭 亭在大別峯頂郡守吳興劉

誼宜翁營構原缺注高宗廟諱以招江夏黃鶴之仙劉

每自原作日據朱本改稱有不死術亭成後二年物故

于淮陰道中余適見之一無他異丙子八月獨

登因賦此

大別山顛清沔尾飛亭岩堯帶雲起清狂使君初燕

喜拍手招呼黃鶴子立津煉出太陽酥手葺朱本作丰葺

胎髮蒙頭顛每誇久落北鄴籍豈意齋恨歸黃廬越

客登臨興何有愁不能言病妨酒殘陽雲夢窅然深

尚欲開襟吞八九羽駕飄飄安在哉使君餘跡已塵

慶湖集卷一

五言 秋 節

埃但見庾令橫樓烟樹杪角聲催月渡江來

晚出江城聞角 丙子九月晦江夏作

古壕沮洳荷葉枯嬰饒禿鷺行且漁山銜日脚水關

掩孤樓引角吹單于胡馬嘶朱本作西風興非淺壯圖舊

迹隨塵卷秋盡胡朱本作湖邊雁不來流落方悲去人遠

十月之交五夜長河橫斗直天蒼涼蘇門故里斗杓

下豈無伯仲勤相望君不見剡蓬為矢孤弦柔男兒

落地志四方履屐無根著家巷道梁適楚猶吾鄉鳩

鷯不踰濟橘渡淮為枳吾心況物未應然隨牒自身

聊爾耳

寄漢陽趙尉沔 趙字道原滂之從兄丙子十

月江夏賦

慶湖遺老坐詩窮強仕之年百病攻誰謂南昌祿隱

翁伏枕呻吟四壁空相思限此江西東寄聲每託江

頭風斯言近俳聊一笑江水方清飢可療人生奇偶

類探籌造物豈容人數料君初試吏或當然我大半

生真不調昔不願起家百日登三司今不願還家六

印金紫案但願官糧辦親養歸來尚餘三徑資都據朱本改

良難必吞聲食藥原作藥據朱本改甘如蜜

慶湖集卷一

五言 秋 節

送武庠歸隱終南 武字明叔近號今是翁銜

命巴峽還道由江夏過我乞詩為賦丙子十二

月

君不見南朝豪雋有郗生自厭出身時網嬰樂聞栖

遁去人者傾金累百贈其行關西武郎將家種心實

慕儒官冗從春走巴東歲暮還逢迎偶在江南夢過

門把酒豁清襟行將歸隱南山陰終焉之計咄嗟辦

願賦一詩輕百金吾聞自古成秦稱陸海六印可求

田莫買別墅三千原作十畝上腴將軍部曲猶多在未

應親手把鉤鋤歲事經營付家宰一官換得今是翁

昔何所縛今誰解攜琴領鶴白雲鄉身世相違自兩
忘北窗仰枕安足道未知何者為羲皇豈不勝俛首
塵埃百僚底南北推遷隨尺紙摩肩接武半臺輿誰
謂淮陰非噲比君家鼎甲盛先唐兩都朱邸森相望
天道惡盈幾赤族當時賴有安平王慶牒蟬聯今幾
代雲孫庠繼遊方外他時野史逸民篇鑄也磨鉉跋
而待

送鄂州刑獄掾王懋元功罷官還海陵兼簡金
陵和上人 前此三年余客海陵送王之官酌
別于橫塘此詩丁丑六月賦

慶湖集卷一 七 宜 秋 傳

暖雲芳草橫塘路送客何之官鄂渚江皋暑溼氣如
蒸別來何之還海陵海陵此二字原本遺據朱本補鄂渚非吾土
每後君來先我去人無根蒂本悠悠况指滄波是舟
路君方少健我衰遲踟蹰不自持因行寄聲雁
門遠歲暮敢忘林下期曹選自此止好去將無同語
掇行見春風花滿縣隱顯宅年不我遺為續白蓮社
中十八傳

玉鉤環歌 諸王孫士汙原作汙據澄源以蒼
王環螳蝦鉤見貶助飾野服因以珉玉盤博山
爐成氏箭建琰龍茶五物并此歌為獻丁丑十

月江夏賦

良工得玉藍溪窟相璞命形心匠出螳蝦個彊原注
本遺據疑有骨頸系一環猶莫屈鏡湖老狂朱本厭
袍笏素襪纁緇須此物價比連城不容乞王孫輟好
人所難何以報之明月盤薰爐波面山嶼吮吾鄉美
竒鷓雞翰閩盜兔盈霜毛寒稱是頭貢雙龍團聊送
公齋原作齋據增穴長短歌麤可評珍貺吾方野裝
事遊放踈步臞顏曳藜杖薄暮微吟江漢上彼漁原
朱本改 丈人誤相訪謂似三閭大夫樣

南樓歌送武昌慎太守還朝 慎名宗傑吳人

慶湖集卷一 六 宜 秋 傳

其先錢氏貴咸戊寅三月江夏賦
君不見鄂渚山環少原注去少字及城半高牙之
衝仰飛觀表回華月天一隅縹緲青山江兩岸題榜
南樓非昔時今人可復識元規唯餘在得昔時月與
此江山長朱本住持公堂坐嘯無留事清夜登臨誰
辦此流風逸響始千年初見東吳貴公子剗繁健手
付方州迎刃未始逢全牛潢池小兒歸田疇田無高
下乃多收每尋不淺胡林興原注遺據更有歌人行
酒籌明日雲飄望崑闕鏡湖老生愁欲絕一錢何敢
浼劉公送行聊以南樓月照見金闈待漏時結珮正

冠勤曉謁公平莫負鱸魚菰菜期衣錦東還使持節

題黃岡東坡潘氏亦顏齋 潘幽老昆仲躬耕

於東坡葺亦顏齋以偃息求詩於我爲賦之元

符戊寅六月江夏作

東坡有田誰料理鰲面蒼毛潘氏子結茅題榜亦顏
齋農隙把書聊自喜潘乎潘乎信是顏之徒終日何
所論難真如愚世無孔父四科友猶辦簞食瓢飲陋
巷環牆居百畝之收粒可敷天南有待東坡主更輸
什一補官倉餘勺幾何供雀鼠會須不改其樂媚而
翁力田水旱由天公大勝心迹相違阮校尉東西南

慶湖集卷一

无
五
五

北哭途窮

慶湖遺老詩集卷第一

慶湖遺老詩集卷第二

古體詩上四十首

故鄴 按鄴都記漢建安十二年曹操滅袁氏

始大築鄴當時京兆洛陽南陽許原本詩據朱本改皆

大都而鄴為之長操子丕代漢復定都洛陽此

後僭竊更據鄴而未始殘破元魏孝文帝自代

南巡駐蹕鄴下久之以南望枉朱本人山北接

柏人縣非善地遂去之河南將行挂飯罾于城

樓上識者解之挂飯懸殮也豈待立孫宅此乎

至孝靜帝果為高歡劫遷都鄴齊五主營建宮

慶湖集卷二

一宜

室規模壯麗遠逾前魏周武平齊焚撤略盡及

楊堅克尉迴遂浚滹之築京觀於葛屨山徙郡

治安陽鄴猶為屬邑熙寧間始廢之戊午九月

獨遊晚歸馬上賦

魏武昔恢圖北平譚尙孽卜鄴築新都非徒三狡穴

原注作徒三狡穴據朱本改曹選作非徒為三穴將行遷鼎志遠有分香訣

落日總帷空奠終歌舞闋旋聞瀛洛上載起蒼龍闕

四葉不歸東苦花馳道絕食槽識終驗挂飯期先決

擾攘百年閒覆車尋此轍山川氣象變朝市繁華歇

白露復青蕪茫茫換時節陰風吹葛屨燐火走兵血

木葉下西陵寒蟲助騷屑曹選自此止無下十六句當時陪葬骨

馬鬣猶環列隧碣仆縱橫鐫文久殘缺帛砧與柱礎

螭首隨分裂指此一抔間賢愚兩何別悠悠鳳漳水

寂寂雀臺月千古配英魂未隨埃燼滅田臯訪遺老

謂有興亡說但聽黍離篇叱牛耕不輟

喜雨 己未歲余官滄陽涉春旱熟四月晦雨

始大澍而二麥已槁死采老農之言賦是詩

終春久旱暎涉夏俄海暑垢汗浼衣襟梅津蒸柱礎

黃霾閉赤景測候錯辰午沙燕逐風為翻飛邈來雨

紛紛白羽箭齊發萬牛原作年據朱本改弩落瓦復鳴階浮

慶湖集卷二

二宜

漚如沸煮崇朝已沛浹枯渴頓清瘡田父喜過從迎

門好相語蠶桑薄可具豚酒與簫鼓擇吉謝叢祠巫

媪罷狂舞晨炊飽丁壯庇笠耕舄鹵少緩麥租期庶

將秋稼補輸入太倉中蕃肥任黃鼠

老槐 邯鄲郡南溢水上有大老槐無復生意

人偶夜休其下聞吟歎之聲發空腹中蓋梟狐

所憑而里人輒以為神也因築壇建社祠禱甚

勤余感而賦是詩己未八月

老樹久枯禿俯臨清路塵曾無席地陰朱本底暘及

斯民梟巢與狐穴兇怪相憑親嗥嘯屬陰黑驚搖旁

近人周環築原本作築環級壇立社祠秋春既享不
材壽濫當有土神勿惑巫婦言請揮樵者斤猶疑終
竊據復作後來薪

過鼉掾端智 鼉字祖禹滄陽法曹掾己未九

月賦

西風吹晚雨飢雀噪寒叢文舉對談客坐慙觴豆空
咄嗟宦遊子貧病略相同斗俸折腰得醉錢常不供
君看北里兒高堂燕歌鐘雖誇酒無算飽德何由豐
吾豈乞墦者不為妻妾容永懷冰檠操未媿屠酤雄

春行 庚申三月滄陽賦

慶湖集卷二

三直 秋 信

風俗喜嘉辰行樂東城春人歌芍藥章馬度楊柳津
田畝久枯渴麥芒棲暗塵焦心戴白髮日望西郊雲

對酒 庚申三月晦滄陽賦

白駒不可駐尺璧非所珍獨抱一曹選樽酒悲歌送

徂春歌闌酒亦盡回首迹已陳自笑十年仕尙迷天
下曹選作 津豈無濯纓水奈爾長路塵命也復何道

今人猶昔人

閑情二首 庚申四月同滄陽田參軍至明賦

青窗隱夕曛玉鬢紫苔春曹選作紫苔生玉 佳人久

不見翠被銷檀薰長巾拂綠綺上有三年塵聊彈別

燕弄寄謝陽臺雲

秋風動朱箔流塵污鴛綺念昔合歡人兩心今萬里
冰霜變松竹況復如桃李欲寓相思文無多右軍紙
原本作一首
據朱本分

題巫山圖 滄陽張氏出此圖蓋唐人畫庚申

四月賦

巫山彼美神秀色發朝雲絢麗不可挹飄飄去無痕
楚夢一夕後蒼山秋復春日疑目斷腸亦斷往來今
古人

詛蚊 庚申五月滄陽賦

慶湖集卷二

四直 秋 信

公舍踞陰溝維蚊得所在朝昕滅聲迹曛暮相期會
挾是黨與繁豈資軀力大飢心過狼貪毒喙原作啄

改 甚蜂蠶俯張巧中原注去據人勇悍將何奈貧無

綃葛稠拙計燃蕭艾徒自取熏蒸舉家更原注平據

噓歎烟銷尙鼓篋夜久禦益懈坦腹恣交攻煩癢如
搔疥神疲復夢悸少不容清快如何造物工種此生

民害安得長風原作賦據驅投諸四荒外斷之嚴霜

誅併命不可貸醜類儻一遺餘孽行當再

燭蛾 庚申五月滄陽席上賦

鬼曹選作雙蛾來翩翩慕此堂上燭附炎竟何功自取焚

如酷感彼萬動微保生在無欲不見青林蟬飲風聊自足

病暑 庚申六月滢陽賦

早夏景延永烈日天中央歛歛燎原野中原注去原本中作

去無原注據朱本改補人如探湯病肺苦焦渴吐舌生喉瘡煎

漿與茗飲未易蘇膏肓稍驚氣象變雲物來冥茫仰

枕視簷際浩浩浮滄江忽得灌頂偈灑然心地涼雷

公未鼓怒風伯何猖狂掃蕩天宇空萬影纒斜陽俯

辭楚臺上拱立齊鼎旁一介命螻蟻敢干朱本作于私雨

賜田夫信無罪觸熱正驅蝗

慶湖集卷二

五

暑夜 庚申六月滢陽賦

渴蟬鳴中夜木葉凝無風襟苧不加帶猶如被蒙茸

三庚信可畏一扇曾何功安得解民愠蒼梧理朱本作埋

古桐

問內 庚申六月滢陽賦

庚伏厭蒸暑細君弄鍼縷烏朱本作鳥朱本綈百結蓑茄朱本作茄

繭加彌補勞問汝何為經營特先期婦功朱本作工乃我

職一日安敢墮嘗聞古俚語君子毋原本缺據朱本補見嗤

瘦女將有行始求然艾醫須衣待僵凍何異斯人癡

蕉葛此時好冰霜非所宜

食芡實作 庚申六月邯鄲郡從事錢景棻德

文朱本席上賦

錢侯官舍旁走水來方塘暑雨過初伏斜陽生晚涼

風翻芡盤卷原本作巷據朱本改萬蓴爭低昂猶疑秦雞暴擅

此六國場下榻延密客開樽薦新嘗金刀剝老蚌玉

沙磨夜光殷勤煩釘飯未咀悲生腸引領二字原本遺據朱本

補鄺衛西百泉乃吾鄉水產富此物數錢論斗量朝

餐取饜飽無復炊黃梁貪嗜比羊棗況乎性味良十

年去國仕遇得纔微芒季鷹思蓴羹拂衣謝齊王我

亦散浪者未許斯人狂長歌定行矣千載會相望

慶湖集卷二

六

烹雞歎 庚申七月客過滢陽道近時有人觀

庖人宰三雞一雄就縛而鳴不輟因歎曰禽鳥

將死知時且鳴吾安得默默求容於世因極口

肆言俄抵機穿幾不得免感而賦此云

膳夫縛三雞二雌先就烹一雄置机上不廢知時鳴

有客見之歎人情猶物情昌言甯朱本此字在昌言上即死何

噤口偷生愚聞此客言退思因竊評雞實鼎俎資殺

身非罪聲人忘樞機誠鼓舌為禍萌宜念千金軀與

雞何重輕

題華陽公主碑陰 按碑公主名季豔魏孝文

帝之孫年十四降高歡弟琛主與琛原本遺據

皆蚤死齊建國琛追王趙郡主為王妃碑表其

墓原作基無其字盧思道文姚淑書在滏陽之

南七里庚申八月晦日賦

王妃乘鳳去春色一朝空昔怨綺羅月今無松柏風

千年見白日狐穴入幽宮玉鏡古塵滿落梅誰復容

峨峨當隧碑寶刻原作劍據一何工文擅色絲美但

書膏邑封惜非丈夫烈不得傳無窮好在故時物清

漳流自東

題蘭陵王碑陰 碑載王名肅字長恭北齊文

慶湖集卷二

七宜 秋 傳

襄之子按北史直書長恭而沒其名蓋當時以

字行而史失其詳爾王有武畧善撫士每得一

瓜數李必分甘餌衆金墉之戰免胄先登推功

第一今蘭陵王曲即凱歌也為後主所忌得疾

不治而卒以鳩薨碑陰刻王弟延宗一詩甚哀

墓在滏陽西南十里道占其東夏潦所湊壠已

半圯碑字大兼寸隸法有古氣而不著書人名

文乃盧思道也庚申九月十日賦

齊室生武賢蘭陵乃頗收析瓜饗虎士屢尉比梁肉

金墉免胄戰破陣何神速樂府有遺聲當歌凱旋曲

盤宗既不壽霸祚宜爾促十代六百年人間換陵谷

荒途接幽壙誰復禁樵牧窆石半敲摧鉤鋤斷鼈足

蒼苔蝕琢朱本作珠刻仰睇眩塵目操翰無愧辭千言不

為辱曹選自此止流湍鬻馬鬣客土日危蹙露潦併

年間彌漫卽川陸昔多萬兩原作物據送今無一杯

築人生妄區別共盡同草木何待雍門彈令君淚盈

剝

邯鄲郡樓晚望 庚申九月賦

新涼瀉軒檻草木帶秋聲閣水倒嵐影洗磨刀戟明

百蟲暮吟動一鳥歸思輕晚律駭徂景羈懷念勞生

去國亦已久己年今復庚官倉容雀耗世路忌蝸爭

顧我實荒浪誤拋樵與耕竹木微逕在奚獨古人行

答杜仲觀登叢臺見寄 庚申九月滏陽賦

高風蕩河漢白露被寒菊下有絡緯蟲淒酸生意促

華年不相待去我何流速老步失原本遺據驥騰短

轅甘踟蹰伊人濮陽秀方厭折腰辱仕道塞榛蕪低

徊避蚊虻邯鄲古都會陳迹武靈築興發卽登臨西

南幾窮目新詩琢瑤瑛疊寄兩三幅一聽郢中歌陽

春回草木行將及瓜代暫喜攏羈束鞭馬徑相過連

朝奉遊矚隻雞與斗原本遺據黍禮意未為足何以

遇高陽多營饗頭餘

冬夜寓直 庚申十月澄陽賦

落月半侵窗曹選作屋蛩聲寒到牀 羈人不堪此夢後夜

仍長結衣出庭戶 河漢正蒼涼 浮陰與四野來雁不

知行陳物悲朱本暮節畏途懷故鄉十年泥滓賤半

生鞞板忙曹選作馳驅厭道旁豈不志事功 筋骸難自強曹選

毛損壯毛抽寸霜 烈膽磨尺鋼曹選無素尚竟誰許

行歌追楚狂

送武桓之安陽 辛酉七月冠氏席上賦

黃金絡征轡之子待明發 樽酒少遲留 禪林見涼月

慶湖集卷二

九

歌髮結蛾黛怨此佳期 闊去去柳堤風青蟬原本遺

補 催白髮

寄杜邯鄲 余寓居魏之冠氏杜仲觀以詩相

招屬大河北徙莫知其津 竟不果赴但賦此答

之時辛酉八月也

窮巷厭多雨頽垣藜藿生 凋蟾飽風露晏景一何清

坐指歲芳歇羈人心骨驚 所懷不可見東州聞政聲

三年但弦歌百里稱 神明風月動高興詩章時一鳴

天葩落健筆直與春工爭 渾河失故渠怒水方縱橫

難憑東草濟跬步萬里程 夢想不知遠笑談何可并

賴有西飛翰尺紙緘馳情

訪周沈郭忱 周字文清郭字天輔皆晉儂壻

也辛酉仲冬自魏趨閩始及北郊首訪二子於

壺蘆園延款連日因賦是詩

前日去薄官驅車望城闕 情親周與郭契闊多年別

征袍未及解徑造郊扉 謁存問審安娛芝眉尉懷渴

家飽具羹炙笑我猶饕餮 養野色夜蒼茫松陰步微月

悲風應長嘯灑面若冰雪 狹室燭花朱本青壤燼穰

駝褐歡呼講舊好鄰夢憎驚 聒念昔初冠年朋從事

顛蹶忽忽朱本作息息一回首身志成老朱本作老成拙居諸

慶湖集卷二

十一

信邁邁又值陽生節 春物行可期良遊須屢結 婦家

酒醕美升斗容可輟 斟酌挹東君手選時芳折樽前

有餘樂身外無所切 欲尋玉清路難訪金丹訣 修短

三萬朝黃塵共埋滅

除夜款 辛酉京師賦示周沈

壯髮忽種種華年今復窮 客懷少安適況乃京塵中

病肺厭斟酌疲筋謝過從 閑坊稅老屋車馬無來蹤

日俸纔百錢鹽齏猶不供 夜榻覆龍具晨炊熏馬通

出門欲貸乞羞汗難為容 安得一扁舟浮家乘興東

江山此曹選作比深隱終老為田翁 春秋二頃苗秋穫期

百鍾稚子課樵汲壯妻兼織春行歌滄浪清卧快柴
秦風神明養內觀憂患無旁攻有客聞此言謂余何
不衷茲行果勇決誰攬冥冥鴻安知祿籍聞去就如
樊籠微尙良自信所悲君不同

寄杜仲觀 辛酉二月余罷官滄陽訪仲觀於

邯鄲屬雨後晴和城邑人已衣袷既登叢臺風
色淒緊尙如隆冬時臺下有佛祠庭中得斷碑
乃蔡有隣書嚴挺之叢臺懷古賦也因請仲觀
樹之壁閒佛祠西去二三里有王氏園偶請俳
倡將祀神者因置酒按之邑人立

慶湖集卷一

三五 秋 館

當作嚴起次說與焉明日相別是冬原作夕據

仲觀亦受代復調南康船官壬戌八月余至彭
城登高有懷因賦此以寄

中秋雨收霽與子登叢臺形勝宛然在太行西北來
無情百尺土千載未摧頽回朱本顧發悲嘯淒風振
頤頰凌高氣象變似不容徘徊下出破禪刹斷碑生
紫苔嚴公賦懷古復使後人哀西尋王氏園一徑趨
城隈老竹未萌筍繁花如雪開惠然曹選少年逸
躅欣攀陪小榭羅醯豆開簾按俳詠招呼縹緲人晚
鏡朱本催妝梅水調唱金縷雲鬢浮玉醅傾觴敢惜

醉忘著接羅回明日遂分首舊遊安在哉我爲東徐
官客鬢栖塵埃君謂南康吏江山役清才上四句西
風吹去雁尺紙爲君裁曹選無四我已困摧辱壯
心如溼灰行將隱名姓采藥孫登鬼原注共異日儻
相過衡門翦蒿萊

遊雲龍張氏山居 雲龍山距彭城郭南三里

郡人張天驥聖塗築亭於西麓元豐初郡守眉
山蘇公屢登燕于此亭下畜二雀因以放雀名
亭復爲之記亭下有小屋曰蘇齋壁閒榜眉山
所留二詩及畫大枯株亦公醉筆也亭上一逕

慶湖集卷二

三五 秋 館

至山腹有石如鵝泊曹選者公復題三十許字

記戊午仲冬雪後與二三子攜惠山泉烹原本
朱本鳳團此巖下張卽饒之王戌秋余初至徐

張惠然見臨繼相招爲山中遊八月晦日遂往
暮歸馬上賦此詩

昔聞張逸民下原作下據築雲龍山東望結遐想
得彭城官一語定襟契宛如平生歡招攜屬休沐投
此蘿薜閑女僕候門巷青桂朱本雙翠長蘇齋軒戶
明餅火焚椒蘭寶墨鬼神護清詩水玉寒森然拱簷
雷架石排垣軒東趨放雀亭磴道披茅菅指顧百村

落炊烟林莽間日脚灑平陸西

朱本山如斷環漢風

振晚葉坐怯衣裘單引領紫霄極飄飄如可干緬懷

眉山公五馬來遊盤酣興一頓筆蒼崖即鏡刊午年

仲冬月雪野雲彌漫掃石坐舒嘯惠泉烹鳳團當時

詫盛集千古陋達安俛仰迹遂陳斯人久泥蟠我來

後千日逸躅何由攀遇勝不能賦曹選作仰俯尋曹

懷勝事往遊塵路還山英移未勒時款白雲關

登黃樓有懷蘇眉山 時公謫居黃岡壬戌八

月彭城作

登黃樓望黃州黃州望不見樓下水東流水流何可

慶湖集卷二

三宜 秋 補

留浮雲更悠悠傷心澤畔客憔悴楚蘭秋

秋懷二首 壬戌九月彭城作

室邇人尙遠況乎千里閒豈徒道路長重水復重山

清霜老芳物嘉樹不堪攀欲寄隴頭信春風殊未還

蕭蕭庭木落格格雞聲惡荒簷日影斜飢猫捕黃雀

牕閒養痾客起念丘園樂欲賦歸去來西風老藜藿

燕子樓 唐徐牧張建封晚得姬人盼盼寵雙

之爲起燕子樓於使宅北城上以處焉後更兵

火樓不復存天聖中故相濮陽李公出守彭城

復樓於故址壬戌重九後一日余與二三僚友

置酒樓上分韻賦詩偶得如字而侍酒官妓亦

有名盼盼者蓋竊希唐人因爲見於卒章

城據山川勝千年楚故都高樓臨汜水楊柳蔭芙蓉

唐室中多故將軍老鎮徐毬場朝戲馬玉帳夜投壺

白首曹選徵清唱黃金得綠珠春風樓上醺三日極

歡娛紅粉夢雲曹選散白楊兵火餘當年賀厦燕老

盡幾番雜曲徑擁黃葉西風時掃除寒鴟蹲老樹睥

睨女牆狐有客晚登覽徬徨思壯圖荆榛閉銅雀麋

鹿遊姑蘇陳迹豈足道舊歡何日無朱欄開酒場賣

勒迎官奴醉袖舞曹選鸚鵡豔舞歌鷓鴣遲留故時

慶湖集卷二

古宜 秋 補

月桂影來座隅回首一相詫今人不如

快哉亭 彭城郡城之東南隅提點刑獄官廢

廡也熙寧末魏郡李公持節來此構原缺注高

亭城隅之上郡太守眉山蘇公命名曰快哉亭

下有爽塏數十步卽唐人薛能陽春亭故址也

癸亥六月始登此亭因賦是原本遺據詩

飛亭冠城隅空闊原作豁據延四望夙昔兩文雄胡

牀此相向山川氣候美詩酒風神王彈壓許昌侯陽

春慙俚唱塵車忽南北榮辱生譽謗一躡雲遙聞一

落江湖上我來得陳躅伏檻徒招悵可畏此塵籠歸

哉養荒浪

飛鴻亭 彭城南禪佛祠據戲馬臺之麓有巖

山出其上方廣倍尋可立柱石癸亥秋九月太

守河南王公說命僧起亭冠焉亭成置酒以落

之而未得嘉名以稱也時天晴木落旅雁南下

復有聲琴於坐者公偶誦嵇叔夜目送歸鴻手

拊五絃之句因以飛鴻榜之是冬十二月十日

復與李昭玘成父楊中立同登因賦是詩

禪林跨山脇飛構原缺注高鑿峻嶒千里寄雙睫百

憂消一登斯遊屬公暇曉日東南升霜野明練甲雲

慶湖集卷二 五首

陰垂海鵬東州地陽暖臘月川無水大編出洪口突

去如騫騰跌原作跌據坐思方寂桐魚聞飯僧生臺

飽馴鴿散上浮圖層矯首發長嘯清風鼓塵膺寥寥

紫虛路鴻雁正憑陵仿佛中散公俯手朱絲繩粉繪

久零落爽靈呼不應顧余識尤寡况復無才稱行且

置纓笏庵栖宗大乘二子勿多誚朱本有心何不能

上已後一日登快哉亭作 甲子年賦

上已原作元據信嘉辰流觴傳舊俗良遊悵不遂吏

局方有屬東風吹曉雨萬竅嗥林麓疑有泊舟人狂

歌河女曲逾朝始澄霽物色如新沐城角趨原注去

據朱危亭登臨尉幽獨紛華掃不見胡蝶飛平綠岸
倚窮夕曛悠哉此心目

讀李益詩 甲子夏與彭城詩社諸君分閱唐

諸家詩采其平生人賦一章以姓為韻君虞益

字也見從軍詩序

君虞興原作興據聖孫詩律早專美樂府度新聲宮

醮奉天子鮮風獵蘭若華月濯桃李獨有連眉郎才

稱劣相比頗聞竹窗句流落綺紉耳吏曹久失調幕

府感恩起從軍五十篇王粲慙率爾胡沙動霜草開

卷得千里騫翔大蓬拜轉顧觸排毀晚升入座朱本

慶湖集卷二 五首

度崇謝事知所止高文茂支庶埋滅長已矣斯人今

不亡正賴數番紙咄嗟齒踰壯日就無聞恥勉哉課

謠吟請自田居始

田園樂 甲子八月與彭城詩社諸君會南臺

佛祠望田畝秋成農有喜色誦王摩詰田園樂

因分韻擬之余得村字

昔我未去國幽栖淇上村分辭俠少事喜與農老言

農老孰追從四鄰皆世婚機中工織婦籍上成丁孫

青駒自走磨黃犬長候門昨日春火朱本開道遙望

高原西照牛羊下東風花草繁今朝夏雞鳴麥熟田

頭喧歸來息樹蔭課汲灌中園秋賽方及辰釀秫熟
朱本膏豚叢祠響腰鼓免杖奉神樽冬雪斷門巷蠶
廬清且温地藉熊豹席爐明荆樾根起居就安適非
復繫晨昏不識百里面不知千騎尊供輸先期期於
我何威恩太上復淳古坐超義與軒敢忘天地施擊
壤聲如塤畢此百歲願泰然長夜魂避秦誰氏子客
死武陵源

此日足可惜 甲子九月彭城寇元弼席上賦
此日足可惜此樽何可辭人生信浮寓老境將安之
念昔青衿歲九七殊未知忽忽俯仰間復見趨庭兒

慶湖集卷二

七

名繫穴從籍顧亦胡能為撫此多病軀敢有黃髮期
每虞斃奔走明哲永見嗤此後賣刀劍買牛耕故陔
不憚力作勤農事有閒時慨想無心子清言真原作
朱本我師

部兵之狄丘道中懷寄彭城社友 甲子十二
月賦

駕馬出北門徒御何遲遲日氣方洶湧霜陰亦紛披
役夫前驅行少婦痛不隨分攜仰天哭聲盡有餘悲
雖非遠行邁要之為別離顧我豈無家從公難遂私
且懷二三友缺此文酒期臨分各有贈婉乎前致詞

吟諷朱本一回首烟林失城池相思肯朱本相過斗
黍為君炊

三月二十日遊南臺 與張謀父陳傳道朱本

道在張王文舉乙丑年同賦互原本遺據取姓

為韻余得陳字

晴春六十日不與酒盃親吏事豈無閒風雨復兼旬

始作南城遊時物固原作因據朱本改 已陳掃不見桃李曹

桃與李濃綠迷荆榛登高暫逍遙引目清泗濱向田

有交逕俯城皆要津得意屬禽魚可愛不可馴顧余

千里客眷此十日春胡不念爾生筋骸勞欠伸二十

慶湖集卷二

六

起丁籍一官初為貧俯張西復東甑滿菜蕪塵黃緩
彼何物豕苓安足珍山園有芳蘭幽珮手自緝長哦
白雲謠遐想紫陽真去矣南昌尉庶幾乎若人

夏夜懷寄傳道 陳攝領雙溝戍稅局乙丑彭

城賦

疲筋任藜杖行藥下僧坊月出河漢白雨餘草木涼

有懷社中子引首東南望高韻少諧結何心事征商

泗濱原作泄漏朱本改 六七月萬柳鳴蜩蟬大編軻賊來迎

風坐胡牀投錢授赤券豈所試君長申退尙多暇不

無金玉章而余方執熱思得濯滄浪雲牋儻寫寄珍

重原本遺錄
朱本補 未相忘

慶湖集卷二

五
直
秋
解

慶湖遺老詩集卷第二

慶湖道老詩集卷第三

古體詩中四十首

和張謀父遊石佛山觀魏太武書 按南北史

彭城圖經魏太平真君十一年太武南侵至瓜

步築宮駐蹕聲欲渡江宋人患之遣使請婚饋

百牢以犒師明年春旋師渡淮復留連徐方再

旬始北去今彭城南五里因山鑿佛高十原作

朱本改 許丈東北百步有大磐石敲枕小溪劃然

四字曰阿彌陀佛皆徑尺餘特隨佛兩字為逸

筆結之其長倍尋下落溪中蓋當時太武以鐵

慶湖集卷三

二宜 秋 傳

筆畫是

原作見據

字非刊刻也乙丑秋張謀父

葦墨本見惠兼賦一詩要余屬和焉

中夏昔屯否代邦天所開鴻圖屬太武不世英

原本補 雄才南洗洛陽血西邊長安灰種車十萬乘略

地驅風雷一葦濟長淮築宮瓜步隈東隣拜牢餽走

使為婚媒雲旗即歸路覽勝此裏徇俯揮鐵馬鞭頑

石同陶坏割成四大字屹栗陰虹摧淪精入崖壑怒

氣羞蟠回茫茫六百年風雨生莓苔偉蹟澆銷泯威

靈安在哉生存貴無上零落等塵埃君為訪古遊賦

詩原作誰據追七哀人生誰不爾莫負手中杯

夜行鄒縣道中遇雨作 乙丑八月被外計檄

自徐趨鄆道中賦

昨日秋遂分村村飲禾黍半夜宿田人相呼原注深

陂雨原本下道雨字均據朱本改 駸駸馬上客厭浥投

何所暮發鄒子城朝期飯東魯據鞍思假寐顛墜慚

不武原作成據 俯畏道旁石頽然如伏虎遠驚蕎麥

華白水漫洲渚安能叱吾馭親闈寄西楚念昔卧蘇

門夙興猶及午豈謂從一官羈離遽如許歸歎惜遲

暮幽悵將誰語賴爾草根蟲助我長吟苦

行路難 乙原作己據 丑八月被外計檄召徐

慶湖集卷三

二宜 秋 傳

聊往反千二百里由荒山廣澤皆畏途也而期

會甚嚴夜不遑息因賦是詩命曰行路難

驚颯獵榛莽西山匿頽陽四五陰魄晚繁星亦光芒

驅車何所投卻顧歸路長挾轅兩羸存犯此豺朱本

虎場安得渥洼駿皎且遊康莊豈徒寫我憂要使塵

不揚

送寇元弼王文舉 文舉乃元弼女兄之子而

復妻以女寇之官符離之荆山成王亦從行乙

丑八月彭城賦

無端嵇氏叟原作變據 早結曹家偶不遂龍蛇藏麟

從牛馬走東西祇強顏清鏡照朱本人頑敲枕知歸

路開屏認舊山甘心折腰為飽來西楚始驗釜生

魚還悲廁中鼠兩君冰玉人傾蓋許相親何意塵埃

地歎游雲漢津佳時第行樂不與華年約大白酒交

醜長箋詩閒作俄報成期秋扁舟去莫留臺鄉淮水

北和氏玉坑頭此四句原本遺據朱本補飄飄同李郭到岸逢搖

落俱是長年人得忘朱本補彌日惡勞生不自知會合

復何時籠鳥檻猿思烹雞炊黍期此期諒難必幸勿

忘今日固有夢依依可無書一一徐國壯山河黃樓

入望多後日三五夕奈爾月明何

慶湖集卷三

三

人生七十稀 元祐丙寅正月彭城賦寄朝中

二三知舊

人生七十稀行年今已半事功貴及時遲暮復何算

嗟吾夙多負曹選作夜次失怙在重州詩禮思有聞飄飄

辭祖貫慈親念衰緒猝猝營婚宦名姓係西班星霜

亟徂換未築黃金臺長歌白石爛豈無同心契相望

眇雲漢每虞涼颯至摧折澗底歎異日偶班輸抱柯

徒永歎

和杜仲觀青字詩二首 丙寅四月京師賦

青袍少年子獨出青門遊逢人少青眼凝笑望青樓

窗中青蛾女正為青春愁心事屬青鳥青聽能少留

白馬青絡頭青萍寶帶鉤青溪流水急獨上青翰舟

佳人青雀欵手把青荷遊慕君青雲器青髮結綢繆

送李主簿夷行之官河陰四首 李字易初翰

林邯鄲公孫少年苦學元豐壬戌任東平戶曹

掾攝彭城錢官余實為代元祐丙寅相遇於京

師七月沂洛之官索詩為別遂賦彭城余贈李

詩有宅年會相訪分卧北山雲之句詩在別卷

夙昔一樽酒相從清酒濱回首歎四載長安逢故人

交情久益淡辭筆老加新送子復西去勞生悲重陳

慶湖集卷三

四

古來英特士往往沈下僚念君鸞鶴姿俛首栖蓬蒿

霜氣歛陂澤伊流纒半筆疑蕭之誤舟行何以尉酌酒誦

離騷

君才本高絕流俗固難諧原作桂朱本改生檇櫟朱本

林寧免相突排句稽原作稽朱本改諒多暇簾箔蔽公齋

聖賢在黃卷差可遣人懷

少小縻一官身世兩相補為飽原作飽據朱本改西復東志

願劣兒乳不無同心友頗歷折腰膺寄語北山雲異

時吾與汝

擬南梁慧偈法師獨杵搗衣 丙寅十月京師

賦

嶧陽桐杵鳴蓮岳石砧平待誰相應節要自不勝情
吹衣風稍急弔影月微明朱本會作今有不眠客聽此斷腸聲

擬阮步兵夜中不能寐 丙寅十月京師賦

夜久不成寐朱本張燈開故書清霜屏雲物有青選

月來庭除良時悵難再不與佳人俱掩卷長太息望子城之隅

擬鮑溶寒宵歎 丙寅十一月京師賦

孤缸照愁眠明滅知夜久熒熒月落林撼撼風入牖

慶湖集卷三

五

美人悵何許寤言不相偶心寄南征鴻雲漢長回首

遊雍丘燕溪分韻作 丁卯二月領大匠屬治

事至雍丘與故人吳擇仁智夫趙子漪澄之同

遊因分韻賦詩余得漪字

捨轡步平陸原作綠據解襟俯清池微風度修竹瑟

瑟生淪漪梁華照晴影暖雪正紛披把酒久沈想況

與玉人期

擬王少伯新興 丁卯四月京師賦

西北雲悠悠東南日杲杲浪語問陰晴懸知行雨少

桃溪朱本換原作摸據青蔭夙昔一何好臨牖思茫

然微風動萱艸

送陳傳道之官下邳 丁卯九月京居病中賦

兼簡彭城張謀父寇定應之上十一字原本

昔也官彭城日與君子親俱遊大梁下不見甄兼旬

衣食率迫人汗走長街塵相逢立馬語愁面如含辛

朝來忽叩門頗驚黃綬新告我即東下得官淮泗濱

方語朱本病中賜藥餌苦殫貧故人復捨去此懷難

重陳想見經舊廬節候屬蕭辰朝尋張翁墅暮投寇

叔鄰二子亦吾好尺書坐因循交情定相訪為話正

迷津

慶湖集卷三

六

東畿舟居阻雪懷寄二三知舊三首 丁卯仲

冬抱病之官歷陽舟次陳留賦

舟路江淮永歲寒冰雪深皮期良敦迫王畿方滯淫

疲筋苦跼卧行藥原作藥據長川陰雲物接平陸不

見西飛禽風從城闕來如聞鐘漏音昕霽更東邁區

區十年朱本作心

寒洛未漸結東趨江海深舟人驚朝鼓歛緯逗長林

林端落滯雪沙際起鳴禽病客坐長歎攝衣涕流襟

親朋自茲遠可是慕山陰興盡莫回楫何人知此心

云云清川流冉冉浮雲陰天寒日云莫魚鳥方潛沈

吾豈厭安隱東浮遠宿心一官未足養老境行侵尋
牛歌感白石馬骨要黃金慙無子虛作萬里懸知音

留侯廟下作 按留侯本封沛國之留城今古

祠存焉晉義熙中宋公鎮徐嘗下教修繕今祠

中石刻雖破裂猶可識余官彭城日欲賦一詩

怨忽朱本作不暇及丁卯冬沿洛東下阻冰於

陳留舟次有神祠特嚴窳榜曰漢留侯廟蓋邑

人誤謂侯封原本遺據為陳留也余時抱病朱

疾殊困因默有禱焉歲暮疾平賦此詩具冠笏

拜謁高吟神坐前償宿志也

慶湖集卷三

七

文成念韓痛破產伺強秦千金募健士椎斷屬車塵

東去變名姓淨游淮泗濱忍恥奉遺履得書何老人

十年風雲會赤帝資經綸鴻門禍端結一言即解紛

英彭既合縱楚項提孤軍偉哉借箸談豎儒無復陳

分疆鉗朱本作兩將來若從龍雲釋怨俾侯印謀銷蛇

豕羣定都天府國推功歸奉春四老落吾術拂巾解

隱淪東朝羽翼就楚調徒悲辛出處能事畢致君終

乞身豈眷萬戶封僅與蕭鄧均淮陰敗晚節顧亦非

吾倫願訪赤松子逍遙雲漢津強飯示終歿爽靈方

上賓嚴祠鎮川湄餘澤及斯民客子老將至低回亢

從臣慙無應時策肝膈空輪囷可教固無類慨然輒
求伸未應終萬古黃石獨能神

遊靈壁蘭皋園 集賢張校理治此園以奉親

因名蘭皋戊辰二月余舟行次靈壁訪張氏子

顧朱本作碩於園中諸亭壁間得故人東萊寇元弼

三四詩因繼題十八韻兼簡元弼

集仙昔榮養卜築循蘭陔深徑萬株合清池百畝開

飛梁蔭茵蒼攢棟跨崔嵬淮海馴紅藥瀟湘移翠栽

岱松珮蘿蕙海石糊莓苔車馬遠驚聒魚鳥忘嫌猜

病客倦舟楫尋春原作眷據此表徊閨年物候遲前

慶湖集卷三

八

日已聞雷薄景未晞雪東風新破梅主人京洛舊杖

原作秋據 履容參陪指我良隅地方營秋月臺眼前

壁間字醉墨題東萊短句頗清絕早推能賦才殷勤

卷白苧為爾拂塵埃安得一攜手更傾林下盃酒闌

話平昔豈復顧形骸行役浸相遠人生信悠哉薄暮

重回首長哦歸去來

題楊子王輅故居清軒 戊辰上巳日賦

卜築負南郭襄闔朱本臨要津舟輿占集地奈爾獨

清人坐上一樽酒江南千里春何須茂弘扇何集朱

惠元規塵遊子感陳躅恍如平生親九原不可作歸

老復誰隣

遊金陵雨花臺 在城之西南蓋生公講堂故

址也南即石子岡登覽盡江南之勝戊辰三月

舟次金陵與同行李延永遊西望石磧成纒如

數里許耳

迢迢朱雀航飛蓋共凌越東風石子岡芳艸微徑絕

生公法堂在清夜貯明月回認城郭遊春華爛晴雪

長烟動江隩微雲泊曹選山脅連橋去遲回白鳥屢

明滅江山信清麗人物久銷歇戍堡定荒涼投身計

何拙塵衫與汗馬端為老生設李侯朱門俊許與盡

慶湖集卷三

九宜 秋 館

時哲俛首就微班剛腸頗摧折人生特眠飯似是此

身切歲晚賦歸田非君復誰結

宿法惠寺 在歷陽西南九十里戊辰四月七

日公事至順天里越斗峴山冷泉澗薄晚投宿

此寺寺三原作主據隅面山而豁其西北行朱

竹樹遶密如不與人境相接庭中有泉如輪清

洌而甘跨山起小閣榜曰餘翠登望曠快因賦

是詩題其上

驅馬越飛湖揚旌下回岡欵見層浮圖高風振琅璫

聖門壯且深老柏森然行佛子出延客投鞭步長廊

中庭汲新泉一飲生清涼孤坐與登覽危梯趨上方

蕭蕭荒竹林簷外如環牆樵牧斷行徑龍蛇知所藏

山禽喜喧鳴嘯侶何琅琅子規特殷勤使人懷故鄉

引領落西北暮色來蒼茫一官早見廢微尙久未償

明發復東去斯遊良不忘

題香社寺平痾湯泉 在歷陽西北四十里泉

石山東麓周環三十許步清澈而香或以竹木

投其中漬之一昔渥然如丹蓋靈砂伏其下故

飲之并浴者疾多愈因名平痾湯戊辰四月十

日公事至泉上遂賦是詩

慶湖集卷三

十宜 秋 館

驪山御湯殿歲久玉蓮傾誰謂大江北有泉温且清

相傳白雲竇中闕丹砂英潔濯浹肌骨沉痾亟能平

豈特滌吾足徑當潔吾纓築廬俯源上涵泳鳧鷖輕

非復望塵網御風朝玉京賦詩投楚澤用弔懷沙生

宿寶朱本泉山慧日寺 在烏江東北七十里

戊辰中元日入夜公事至此邂逅越客嚴生因

賦是詩

日入不遑息驅車更之東回蹊出蒙密解袂迎長風

風從何許來歷歷江南鐘頓響阿蘭若虛庭月正中

流螢逗深竹白鳥巢青松華燈耿翠箔瑤花濯春叢

絕境美清夜况非塵界逢惜無一樽酒幸與之子同
明發即南北浮生兩飛蓬

曉度黃葉嶺東谷懷寄金陵王居士閑叟 在

烏江之北八十里戊辰七月十六日自寶泉慧

日寺之茅塘村路由此

陰谷不寓暑風松朝露零乳溪原作遙據朱本改 逗綠篠琴

筑聲泠泠老石清朱本改 金碧宵原作窗據朱本改 然沈列星

酌此石上泉餌彼松下苓候歛振飛步豈徒制頽齡

何須原作須何朱本改 歷五嶽即蹈神人庭顧余方有役俗

駕不敢停寄音原作昔據朱本改 采真子來曹選作預 下白雲肩

腰疼山浮圖下作 在歷陽西北五十里戊辰

十月賦原作也據朱本改

茲山非峻極名不載圖譜投策一攀躋未覺病腰膂

蒼松帶寒日交陰層壑堵儼然黃面師粉繪色已古

我貪五斗米磬折向兒乳復著鞍馬勞疲筋劇管楚

此身異金石能涉幾寒暑誅茅結圓廬宴坐此其所

清心日焚誦庶拔未來苦望塵彼何人碌碌安足數

曉登柏子岡回望金陵懷寄鍾山泉禪師 在

烏江東北二十里己巳四月賦

晨征念王事驚駕煩屢叱既陟崔嵬高稍辭叢薄密

烏牛霑宿露白鳥明初日清川舴舨遲綠岸浮圖出

原作涉據朱本改 緬懷秣陵遊曾綴秦淮綵曳鳥白下門供

原注去 原本 香金粟室得聞四句偈如奉三尺律

損益非所知婚嫁行且畢庶幾追老龐薄暮微萬一

誓將遷枳根待變江南橘

歷陽十詠 己丑五月歷陽張令夢臣采縣境

陳述十題要余同賦

歷朱本改 湖 縣西二十里按縣譜本城邑漢明

帝時一夕淪為湖湖中有明府主簿魚甚美皆

昔人所化也今俗呼訛為麻湖焉

昔也萬家邑今為無底淵城郭泯遺迹人民安得全

弔古一回首薄暮愁風煙拯溺不無意吾生後千年

雞籠山 縣西四十里按縣譜昔城邑將淪沒

神獨告一姥使西走即攜籠雞登是山籠化為

朱本無 石形猶然湖之東南有姥廟

楚姥昔奔迸餘生脫沈淪家禽不忍置信謂婦人仁

空籠歟變化千載高嶙峋可待麻朱本改 湖水復生桑

下塵

濡須塢 縣西南百里按縣譜孫仲謀築偃月

城以拒曹孟德即此塢也

孫郎昔鷹揚曹瞞方虎視敢忘板築勤遠挫兵鋒銳
俄聞青蓋謠無復金陵氣六代迭傾亡原作下據長
江亦平地

過胡城 縣西北三十里按縣譜昔石虎南侵

晉相王導築此壘以遏之

狂胡昔憑陵闕步長淮外難原注去原本此百雉城

萬甲屯要害時平一登望江山互原作牙據襟帶想

像文獻公清風宛如在

當利港 縣東二里下通大江按縣譜晉王濬

征吳乘便風趨石頭王渾招之不顧卽此地此

慶湖集卷三

三宜 秋館

詩當在過胡城之前原本書題處僅有詩當在

補改

龍驤乘上游銳氣吞敵境風便趨吳京收功在俄頃

平生負雄圖晚歲方獲騁何必傳鼎彝江山與之永

天門山 縣東南五十里江導兩山之間殊湍

悍按縣譜宋孝武嘗駐蹕此山上閣水軍發囚

朱本建二石闕以誇武功今遺迹在焉

天門東翦流北注據牛弩原作驚據凌高駐翠華舟

師耀威武當時侍帷幄誰復徵往古虞舜有苗征端

爲兩階舞

采石磯 縣東南二十里瀕江兩磯相對按縣
譜李太白嘗隱東磯上故址存焉

東西采石磯山水兩清絕漁舫與商舶今古幾沿越

飄飄翰林主長笑弄明月難訪物外游飛雲眇天末

百福寺 與縣廨鄰按縣譜卽唐詩人張司業

籍之故居也籍繪像今存

文昌西郭居修竹閉環朱本作壞堵琴樽不復存青蓮開

梵宇塵紛晦遺像粉繪才可觀拜奠愧無言長哦君

樂府

桃花塢 縣西二里麻朱本作麻溪上按縣譜張司

慶湖集卷三

西宜 秋館

業之別墅也籍與孟郊載酒屢遊焉今茂林深

竹尤占近郭之勝

種樹臨谿流開亭望城郭當年孟張輩載酒來行樂

斯人久埃滅節物今猶昨看取不言華春風自相約

平痾湯 縣西北四十里按縣譜湯泉下伏丹

砂浴之能愈疾故有平痾之名卽劉夢得歷陽

記所謂沸井者也

文礎護清漪炯若涵冰玉澡滌起沈痾功參靈劑速

荒唐桑氏經瑣碎桐君錄利物本無窮何須塵簡牘

慶湖遺老詩集卷第三

慶湖遺老詩集卷第四

古體詩下四十一首

三山 在金陵西南百里崛起大江之中昔王

龍驤順流鼓棹徑造三山謝玄暉登三山望京

邑皆此地也戊辰三月始遊金陵置酒於鳳皇

臺引望此山如落天外雅符太白詩中語既渡

江至石積戍門適與山對己巳六月賦是詩

南朝鳳皇臺置酒昔高會酒酣望三山宛在青天外

長哦謫仙吟如啖鯨鯢明日信東風孤帆出其背

荒戍接江濱朱本作濱開門適相對鼎足踣長川不為舟

慶湖集卷四

一宜 秋 備

樾礙雨暘雲吞吐早晏潮進退萬古免浮沈曾微扑

鼇戴伊余厭塵空閉目何可奈爽氣豁襟靈山乎吾

有賴嘗聞晉阿童萬艘原作飛戈快徑造此山

陸滄波為之隘顧我疲輓姿功名讓前輩玄暉昔憑

眺物色頗有在原缺據他時挂原作武冠刀劍

行且原作賣山價略可酬庵栖謝當代遠持三

山磯况彼七里瀨猶得傲狂奴吾無故人待

望夫石 在當塗北山上與歷陽當利門相直

己巳八月賦

亭亭思婦石下閑幾人代蕩子長不歸山椒久相待

微雲蔭髮彩初日輝蛾黛秋雨疊昔衣春風舞蘿帶

宛然姑射子矯首塵冥外陳迹遂忘窮嘉期從莫再

脫如魯秋氏妄結桑中愛玉質委淵沙悠悠復安在

題烏江湯泉寄老庵 庚午七月賦

西庵松竹深薄暮更微兩山禽不畏人嘲晰方對話

而余倦宦者罷日今可數京邑夙所懷其如惡塵土

行復念斯遊回頭悵何許

罷官有期懷寄歷陽朋好 庚午八月賦

迅雨蕩闌暑層嵐披滯雲澄川綠楚甸新陽麗秋旻

物候豈不嘉中懷愴離羣親朋滿城邑繫滯此江濱

慶湖集卷四

二宜 秋 備

及瓜信匪遙遂作河梁分何人具供帳樽酒展慇懃

一聆雪兒歌載悽遊子魂津鼓驚朱本朝夢口烟生

夕曛所悲紫蘭纓復染京洛塵春風有歸雁報我相

思文

棹舟秦淮雨中寄侍其服之 庚午十二月賦

篷卑每礙憤倉狹纒容席悽酸擁膝吟奈此風雨夕

欣聞鐘漏且懷彼南城客欲往從之遊塞塗沒吾屐

方君慕栖遁顧已淹行役後夜嵐云除疇辰良足惜

所作朱本當斥氛閉新暘被東陌壺觴殷兩驂聊取一

日適

金山遊 辛未二月舟次廣陵同建安黃材成

伯黃樞集虛郡人陳庾敏善武寧章思承子脩

為金山遊賦詩得上字

輕舸放中瀟岸遠春風壯檝師俯仰呼天水爭簸蕩

吾方扣其舷聊度小海唱梢回即東麓側磴聯屨杖

危利表層巔疲筋躡原缺據牽強斜廊線複殿魚脊

分背向放目四垠寬秋毫入吾望侵雲鐵甕壘崛起

去曹選緣原作緣據傍映日海門山不蒂滄波上吾

雖百石吏平昔有微尚俄原缺據得金仙徒翦蘿開

岫幌誓投桑榆年浮玉原作生據翁自況

廣湖集卷四

三宜 秋 備

金山化成閣望焦山作 辛未二月與二黃陳

章四子同賦余得中字 此二字據朱本補

朝登化成閣寫睇滄江東巋然瘳鶴山屏截橫流中

雲烟生蔽虧水石相磨礪飛構原作高結巖腹天龍

嚴佛宮初無剝木智不與塵界通曠莽天地閒勝事

豈易窮將謀乘興入朱本難遺原注去原本此迎潮風

可信浮槎朱本作作約僅有由也同我亦念行役翻如征

北鴻他日一漁艇悠悠浮玉翁

金山夜集招米芾元章不至作 辛未二月與

二黃陳章四子同賦余得王字

芳州擷蘭珮清夜栖寶坊晚風駕飛濤柱石搖長廊

微月逗簷際助我燈燭光黃童天下原作子據才壘

齊陳與章口歌閒險語捧腹屢烘堂惜無盃中物可

以延楚狂與闌半道去浪學山陰王明發吾將還滄

波渺相望如何方原本遺據外徒漫仕煩官倉端爾

涼秋節白雲來帝鄉

廣陵山光寺夜集留別黃材昆仲 辛未二月

賦余得平字

維舟山光步却顧廣陵城十里春風外夾津芳草生

漁蓬銜尾來愧爾故人情更卜連牀語神房温且清

廣湖集卷四

四宜 秋 備

語闌夜自久淚燭翦復明撤樽兀相視酸涕流金纒

我本山海士誤遭時網嬰出身兩紀餘何等為浮名

矧此一分首幾年當合并離憂如驚瀾蕩滿未易平

疎親繫遠邇斯言出荒僮音郵無禁限勤訪白雲兄

題崇勝寺無心菴 辛未六月京師賦

老鶴依林表孤雲寓山閒結茅窮釋子著身如許閑

有心即塵紛無心猶石頑有無心併置日暮客來還

和錢適德循寓懷二首 辛未七月京師賦時

與錢鄰居

悠悠北山雲冉冉東門草紛吾起故居與爾即遠道

巖崖博錙銖得不償所耗寄語鄰牆翁歲晚從吾好
魯酒味自薄楚歌聲更悲會無忘憂用安事酒歌爲
西風激商序流芳迫衰遲寄語鄰牆客茲非行樂時
原作一首
據朱本分

題天清寺安上人北軒 辛未八月京師賦

南城繁音氏臺維昔孝王築歌吟寂無聞萬楹聯佛
屋道人開北牖俯就百喬木八月鳴青蟬槐蛾委平
綠客來借榻卧吹睡俄頃足疎雨隔斜陽垂虹跨長
陸良遊悵遲後回謝三庚酷瘦馬尾華軒汗顏塵一
掬昨非勿復道佳約猶可續載酒定何時新黃穆庭

廣湖集卷四

五

菊

感庭棗 辛未七月京師賦

昔來華纂纂遽許實離離西風會搖落行復見空枝
歲物感流駛事功原作切據
朱本改傷暮遲咄彼身後名前
人端自欺書殫南山竹奄奄定何知賢哉張生翰干
載與心期

送表姪趙子億之官涪州兼簡通守李廷璽

李字叔永辛未十月京師賦

吾昔遊浮陽童心初辨狂凌高瞰海日徑欲窮扶桑
歲紀忽再周此圖竟莫償今原作令據
朱本改適送子往臨

風但彷彿之子公族秀祖基維懿王成吾家宅相裂
封復吾鄉汝翁同谷守視吾猶雁行後生古所畏之
子未易量筭庫方試吏事役須原作俱據
朱本改更原注
平嘗
譬彼汗血駒齒齊卽騰驤是宜勤夙夜動虞三尺坊
原作妨據
朱本改勿憚川陸遙千里如鄰牆勿計茲晦餘俛
仰度三霜邊朔昔云苦今歌海隅康正賴別駕賢不
減晉王祥依投得吏師行見售所長爲吾語故人曩
契想未忘願致雙魚封繼以一鸚章

夏夜雨晴遣懷 癸酉歲京師春夏厭雨吾居

望春門東牛行街故西樞渤海公之高齋嘉樹

廣湖集卷四

六

清風殊不知暑溼時卧病杜門每把書自適五

月望雨始收霽疾亦少間因賦是詩

積原作稍據
朱本改潦被廣陌誰過牛僧翁閉關養疴療藥
石收良工高齋俯嘉樾疎箔延清風左右列圖史披
張俄一通從嗤獺祭魚聊學蠹書蟲坐挹古人語孰
云吾道窮浮生夢境閒不帶之驚蓬生死猶物化今
昔賢愚同分陰賤垂棘白日莫再中薄暮紛滓澄寥
寥還太空爲問此何夕涼蟾生自東荒哉西園士聯
蓋追輕鴻行樂以至斯不知息微躬側聆天雞鳴凡
耳初破聾吾從汗漫遊遡景鞭垂虹濯纓咸池淵晞

髮若木叢親串不我忘
惠音赤鯁公長哦賦來歸閣
爾世上雄

寄題栗亭縣名嘉亭 邑令趙洋更此新亭名

取杜甫同谷紀行詩栗亭名更嘉之句因其親
能希邈求吾詩癸酉九月將扶疾東下感而爲

賦

少陵昔避地幽栖鳳皇川始願獲其所賦詩此終焉

瞻彼美林麓蔭膏腴上田陽坡朱本作坡饒垂珠陰谷繁

玉延長鑿勤采刷服食攀飛仙兵宸奪和氣力耕無

善年林垌開水雪旬淡斷庖烟嗚呼歌七章慕節西

慶湖集卷四

七五

南遷環堵久蕪沒斯亭名尙傳茂宰愴懷古增崇殊

過前雕甍揭長簾下容十客筵嫩嵐隔春叢清竹鳴

夏蟬風原作前據曹選改月有高興寫之武城弦狂客屬庭

廢驚筋難強鞭何暇遠登覽但哦鯨海篇尙苦原作各據

朱本八口累依稀同曩賢餘齡寄幻境未斷東西緣

江淮米價平一舸去悠然幸此歲豐樂浮游吾所便

異時訪陳躡復使後人憐

遊盱眙南山示楊介 朱本作楊善方藥著書甚

多癸酉十一月與之同遊賦

霜曉無輕颺長淮淨如眼招攜南山遊老子興不淺

不從千步橋飛度一魚舫中流鼓素楫魴鱖欲驚跳

禪叟延遊客匆匆問行色千里遠京關浮膠去安適

長嘯指滄浪漣纓瀟我裳朱門曳裾地槐柳自成行

多年困靴板未立中人產沈痼迫衰遲求田咄何晚

神九儻駐延投此寄餘年鑿室隣楊氏然薪原作新據朱本

改繫太玄

訓別盱眙杜與 杜字子師方築淮上東山之

居寄詩要余棹舟以待其還時聞揚子江潮不

應輟浙右之遊將訪親於海陵因賦此告別癸

酉十一月也

慶湖集卷四

八五

君希謝太傅築室卧東山應攜玉人去爲問何時還

扁舟欲之東霜落江湖愜難從京口渡且轉廣陵灣

與君合復離恍若愁夢間嬰疾再寒暑醫師憐我頑

頽齡未遽盡解組誓原作哲據朱本改投閑幽巖有芳桂晚

歲約同攀

留別龜山白禪老兼簡楊居士介 癸酉十一

月癸巳遊風下淮晚次龜山白禪老見臨乃歷

陽之舊也因賦此詩以別

汴尾望龜山人烟了可數長淮斷韻注日風浩若干

里阻舟無百石載兩腋愛雙鶻首盪頽波中流幾

翔舞維梢迥曛暮坎坎禪林鼓曳錫辱來過依然識
眉宇青癸燈火畔再得親輒語多慙原作曹據晚聞
道忠義夙自許剛腸憤激際赤手搏豺虎過壯纏百
痾餘生託兒乳羸軀假緩死豈復勝冠組會約子雲
孫西巖兩庵主

題海陵開元寺棲雲菴 寺即唐王屋禪師道

場甲戌五月郡守周開祖要余同賦

道人猶浮雲發彼王屋岑朝見膚寸合暮爲四海霖
造物一戲耳浮雲本無心永謝應龍召深栖雙樹林
蒼生熱腦地千載仰慈陰皎月示眩晦清風何古今

慶湖集卷四

九

誰舉甘露頌轟然海潮音支離病居士和以無絃琴

奇題溇陽周氏濂溪草堂 周本江華人名敦

頤字茂叔仕至尚書郎累使嶺表中年投原作

朱本改 節退居湓城之南溪上因名濂溪以自況

二子壽字元翁壽字次元相踵第朱本進士丙

子五月余棧舟漢陽始與元翁相際求余賦此

詩

濂溪之水清未足濯公纓平生抱苦節成就此溪名
長歎置符傳孤雲歸思輕溪頭四壁居溪下百畝耕
量汲奉晨盥課樵共夕烹希逢杖履遊但聽弦歌聲

爲客翦曹選三徑傳家通曹選一經雙珠交照乘合

壁倍連城被褐有餘樂問縑無隱情桂林兩枝秀借

爾俗眼榮朱本原作者據 仰名父子今推難弟兄

不應文範裔遠謂公慙卿如襲帶礪封母爲權利傾

地實寢丘比有力安得并勒詩高岸石敢告後代生

送周壽元翁西上 丙子七月賦余時臥病漢

陽

露草蔓前庭微蟲思明月宵分耿不寐懷我友生別

舟師望箕宿綴幔須明發獨首託歸風安知川路闊

夫君青雲士行奉紫宸謁一鶚抉塵籠鸞軒應霜節

慶湖集卷四

十

仰追鷲雀鶴肯顧狐兔穴越客寓荒城卑棲慕鳩拙

哀遲積疴弊未死人事缺爛製一絨書奇聲彼朝列

方今百廢舉衮職補何闕每自幸餘齡江湖傲華髮

躬耕固難強五斗代薇蕨摩腹遡南薰蒼生解煩喝

題陶靖節集後 丙子七月寓居漢陽手校陶

集因題其後

淵明不樂仕解組歸柴桑迴風北窗下坦腹傲羲皇

儲粟既履空乞食何惶惶有身卽大患斯語聞伯陽

頗疑當我亦多忤原作契據思退藏慙無辟粒

術圭勺耗官倉

補感寓詩 余熙寧元豐閒嘗賦感寓十數詩

久亡其藁丙子七月因曝藥紙原作褚據得此

篇半已裂去不可記遂朱本補成之時寓居漢

陽

猛虎未出柙擾如搏鼠狸蒼鷹方在鞞辱甚伏卵雌

弭戢以違禍孰云爾無知幸遭縱釋仁反謂人可欺

豈後疑當念前辱搖尾垂翅時擇肉斃儕類戕忍猶

天姿吾將罪虞者奈何生致之南山有重阻鄧林無

樛枝機穽與羅罟今也將安施

黃鶴樓 在鄂州使宅之西南隅唐閻伯程記

慶湖集卷四

上宜 秋 館

云圖經載費禕登仙嘗駕黃鶴返憩于此遂以

名樓焉并見於神仙傳與述異記按蜀原作屬

改書傳本江夏鄒原作鄒據人也為刺客郭循

所害豈道家所謂兵解者歟丙子九月始登此

樓因賦

登真者誰子昔有費公禕白日玉書下青天駕鶴飛

此地少留憩神標悵依依振裾謝塵濁與爾方遠違

層樓寵陳迹江山長四圍登臨美商素雨氣薄西暉

水落州嶺嫩風豪帆背肥飄然起遐想林館闕巖扉

明月識悠闊白雲疑是非金桃未遠熟籬露虞先晞

高樹兩華表長招原本上作招下羽駕歸靈瓢五色

劑定與遺民揮自顧乏朱本仙質延生猶可希刀圭

儻不恡如飽首陽飢

鸚鵡洲 在鄂渚南浦上按圖經云因禰衡賦

鸚鵡於此洲遂得名後黃祖殺衡投尸此洲下

胡曾詩禰衡珠翠逐江流是也丙子九月賦

鸚鵡隴下鳥能語奇羽毛羅爵巧相致瑠籠關鏽牢

長懷故園樹烟雨落空巢萬里遷澤國舟輿口口勞

正平託物賦健筆不停操干載訪陳躡晴沙葭莖高

珍禽不復見慨想若人豪處士起河朔英風拔時髦

慶湖集卷四

上宜 秋 館

文章儷墳誥俛就猶詩騷兒女命楊孔奴兵視劉曹

姦雄可奈此束之投楚郊忤俗竟非命惜哉時不遭

非無擇木智天下方滔滔遺幹泯魚腹浮魂誰復招

近結屈平好佩蘭雜申椒遠慙子胥烈怒氣翻秋濤

空餘春朱本芳艸碧恨血滿江皋

懷寄周元翁十首 丙子十月江夏賦

周郎假沔官我偶來沔居得閑定相過談笑沈痾祛

俄聞戍樓角曉引吹呶嗚自君居湓城怳怳一夢餘

復求若輩人陶竈搜璠璣誠為天下士豈特江漢無

周郎嗜茗飲偶與吾好同贈行發吾寶紫璧瑠雲龍

此是大原作太操官物分甘玉堂公我曹百石吏藜
朱本改菽每不充詩人盍得嘗可以驕萬鍾願君閒一歌千
里共清風

周郎塵外人冰瓚立寒玉去我千里餘炯炯長在目
有德且有言可採篆繚竹未爲造物憐方徇斗筭祿
司晨屬羣雞安事彼鸞鵠聊自況疲驚鹽車不爲辱
周郎妙雅道五字可人師許與非不嚴奈何取我詩
我詩如秋蟲徒增長年悲指疵固有望逐臭得無嗤
詩鳴人必窮我窮豈所宜願君勿閱此晚節益經奇
周郎歸濂溪早原作早據燥害嘉穀仰飽百指餘嗽
朱本改

慶湖集卷四

三

然坐空屋應書乞米帖得繼朝來粥行陸大夫籍月
賜萬錢祿振顯屬他年盤飧羅海陸毋忘佛子言不
食大夫福

周郎西笑時叠寄兩函書情親語懇到骨肉所不如
妙翰騁道放抵突黃與蘇黃癯曳羸筋蘇厚凝脂膚
我於季孟閒增少損有餘家雞敢復道儲此囊中珠
周郎走王都馬足塵翻波賀老宦江夏無人驚雀羅
出處躁靜閒奈此貧病何平生解指誓晚境忽婆娑
迫死不得休前言食已多尙敢厭閑冷歟爲赴原作
朱本火蛾

周郎強仕年藥石甘苦口得無耗天和湯劑禦衰朽
空華與口色種種竟何有妄愛溫柔鄉蕩然不回首
坐令松桂姿凋脆等蒲柳幸勿易斯言前車鏡湖叟
周郎有史才班馬可並驅紛紛讒諂人畏君筆削誅
我恨接君晚要亦君之徒沈疴積歲月顧此留須臾
志我壙中石賴君文不諛庶乎陵谷變名字見君書
周郎貫江華而復厭湖湘我亦非樂此西歸計原作
朱本茫茫頽年抱沈痼生理豈得長後期真何時存
歿兩莫忘懷君輒賦詩落筆聯十章宅年一捲卷爲
我涕浪浪

慶湖集卷四

西

題武昌鄭判官直節亭 鄭名深字文通植竹
開亭於官舍東南隅名直節以自況丙子十月
落成求詩爲賦

開亭榜直節龍雨青琅玕歲晚傲霜雪不同天下寒
挺立百丈夫被之古衣冠春華白粉澤正色莫敢干
越客與登覽微吟復長嘆六轡方抃戲雲海翻狂瀾
儻逢龍伯公何憚翦一竿岐山鳳鳴雛久刷五色翰
何以慰朝飢美食來加殮高材陋時用自持良獨難
不原作百據願裁樂管伶倫非古官浪遭野王輩三
朱本改弄爲人歡願製殺青簡燦然漆與丹衰屐約舊史終

古垂不刊願此託根地辱哉人泥蟠

題潘大臨東軒 潘字晦老隨親官漢陽關公

舍之東軒著書名左史賦詩見寄因答之丁丑

八月江夏作

陳公少荒誕一室未遽掃事功竟何成老魅死不早

潘郎治寓舍箒禿無遺蚤庭砌蒔蘭萱未霜除惡草

明窗幕朱本輕素朝日上杲杲烟蔓擢薰爐松腴浮

墨沼著書枕朱本魯史百傳見脫葉賊亂久逋誅吾

方力窮討不應兩觀下僅獲少正卯坐可驕素臣俾

渠眸子瞭而翁晏退食筆削日課了伯仲詠南陔餘

慶湖集卷四

五道 秋 集

風颯林杪安知自娛適聊尉堂上老起居侍杖藜寒

煥躬煬澡昏定仰屋眠是中朱本大好

送咸寧陳令完夫移官吳郡 陳字保神丁丑

十月江夏賦

蒿萊東郭居長者車成轍禮經尙往來豈爲我輩設

臨分懷出餞津遠舟速發十月雁啼塞滄波洒微雪

送君一樽酒孤飲聊耳熱曾取屈平書商聲歌九閔

開正到吳郡暘暖張燈節兩地見梅花相思不同折

官閑羈縲口陳迹得搜閱虎去已隧空燕驚宮火滅

廊傾罷鳴屨蘭刷香迳絕逮口故時人唯餘劍池月

名城見圖繪丹墨殊滅裂細與賦新詩長封寄天末

老狐首丘志客子敢忘越未死定歸東柴荆晝常閉

原作闕此字去 原必開之誤 右軍領妙語年大不堪別况復魚鳥

情飛沈方此訣

和潘幽老漢上屬目 戊寅四月江夏賦

白雲蒙山頭清川山下流芳洲采香女薄暮漾歸舟

並蒂雙荷葉逢迎一障羞持情不得語大婦在高樓

慶湖集卷四

五道 秋 集

慶湖遺老詩集卷第四

慶湖遺老詩集卷第五

近體詩七十二首

兩餘晚望 熙寧丙辰五月臨城賦

相應乳鳩鳴桑間返照平明津小舫度高隴一牛耕
林藪歸心健塵埃病骨輕屈騷魂爽在未許獨君清

目詒 元豐戊午六月澄陽賦

朝聽原作隨據鳴鐘出暮隨衙鼓歸朝朝復暮暮是
是與非非跡寄升沈路言投禍福機何窮百年事端
使一心違

待曉朝謁天慶作 己未下元澄陽賦

慶湖集卷五

望曉謁琳宮荒庭露朱本氣濃曾陪羽林仗如待景

陽鐘薄宦情無幾勞生夢不容樵朋與漁伴七日會
相從

送李易初還汝陽 癸亥正月彭城賦

各宦愴離羣徐方復得君青衫初試吏白面頗能文
畫舸浮春水清樽醉舞裙原作羣據宅年會相訪分

卧北山雲

重送 張澤樂郊皆汝陽遊燕之地

夾岸雪初消青青見麥苗傳聲汝陽客已解木蘭橈
春水生張澤春風動樂郊良遊知不負回首念無聊

春晝朱本 癸亥二月彭城賦

新蠶經浴罷舊燕原作燕舊未能前吏局坐如夢物
華何朱本作行可憐藻生南浦釣雨足東臯田故國負歸
約塵埃年復年

擬温飛卿 甲子七月彭城代王文舉賦

露網朱蕤上風簾翠鑽曹選前宿衾薰菖蒲朝鏡拂
漪連津潤銷金筆香依撲粉綿度閑雙陸子撥恨十
三絃鸚鵡殷勤語旃檀委曲烟雙綃乾玉筋魚鑰限
金蓮團扇歌原作訓據桃葉烏絲代杏牋朱門長宵
宵白馬自翩翩難釣三珠樹徒拋七寶鞭酒闌應有

慶湖集卷五

待夢破即無緣信鵲新秋去孤蟾後夜圓浪言贈外
地的是洞中仙

快哉亭朝暮寓目二首

夙起喜舒曠徑趨城上樓初陽動禾黍積雨失汀洲
水牯負鵠鶴山樞懸括朱本蓼坐慙真隱子物我兩
悠悠

積潦際危堞登臨西照中昔衣冑白羽槐蔭懸青蟲
不淺胡牀興無多團扇功目窮猶起羨演漾一漁篷

題張氏白雲莊 彭城張謀父居泗洲之東山

耕田數百里疑誤中擇爽塏列樹松竹結茅其

間榜曰白雲莊甲子九月置酒招余與寇陳王
李子酒酣賦詩原本遺據朱本補余得雲字

江左陶徵士高風昔所聞應慙五株柳難比一溪雲
我有乘桴約君方植杖耘悠悠竟何得晚歲盡同羣

賦得枕上聞雁 用天字甲子冬至日寇元弼
席上賦

朔吹原作風據朱本改飄驚雁寒聲徹枕前遠達沙漠雪不
下汶陽田客夢悲中夜歸期隔故年莓苔與菰米何
處是湘天

和人遊白雲莊二首 乙丑正月晦日與余鄉

慶湖集卷五

三宜

段詢慎從李成父寇元弼步出彭城之上洪門
泛舟訪張謀父於白雲莊晚歸皆被酒段集古
人句成二首示同遊余因走筆和之以送謀父
後旬餘慎從感疾物故張復原作渡據朱本改出是詩
使人泣歎彌日

原野正春風登臨一醉同陰晴時未定今古思何窮
山勢落還起溪流咽原作喧據朱本改復通隱君方自得可
羨爾冥鴻

可愛白雲翁前溪橫釣篷耕樵一徑下井臼四隣同
倦宦終何得餘生寄此中預煩多種秫毋使酒盃空

早夏 乙丑彭城賦

吏役初無補端令樂事妨不知春遂去但愛日何長
薄雨梅含核温風麥擢芒須容退食暇一枕夢吾鄉
辭酒 乙丑正月彭城南臺席上賦

魯酒一樽薄吾愁萬斛多塵埃斬馬劍涕泗飯牛歌
髀肉生如許顛毛黑幾何功名可復道身世兩蹉跎

送陳傳道攝官雙溝 乙丑六月陳發彭城橫
舟漢祠下者累今朱本無此字日余方抱疾不遑出
餞因賦是詩

弭楫朱本想登臨閒雲護日陰青蒲泗水闊古木漢
祠深應醉盃中物誰聞澤畔吟禪坊朱本養痾客輕
別若爲心

慶湖集卷五

四宜

遊滕縣原作園據朱本改時氏園池 乙丑八月賦

珍重西園主開門待子猷城隅樹交蔭樓下水通流
鷓鴣鳴深竹蜻蜓駐小舟可能忘夢想塵土滿徐州

自鄆還徐道中 乙丑八月賦

八月過新雨行雲弄晚涼山川乍明晦禾黍半青黃
西去真何事東還非故鄉悠悠塵土裏無路不亡羊
朱本作羊亡

早發王村道中寄李智父 乙丑八月賦

雞鳴戒徒御驅馬度前陂得雨人耕早邊山日上遲
罷休何復道會合邈無期賴有西來水悠悠慰我思

暮投葛墟馬上 乙丑八月賦

旬浹走千里塵埃知朱本有緣慙無季子印可換朱本
扶洛陽田廣澤雁行去荒山雨脚懸長亭猶未見疲
馬不勝鞭

汴渠原作梁據朱本改夜泊示畢紹彥祖 元祐丙寅

二月永城賦

耿耿度中夜浩歌誰與訓屋頭風卷岸枕底浪澎舟
春物行飄忽鄉心久滯留須明投吏部一醉驛西樓

慶湖集卷五

五宜 秋 備

丙寅舟次永城作

水館雨朱本及瀛奎律髓均作四邊村登臨奈斷魂黃花開小徑
紅粉哭高原舟楫逢新火松楸老故園斜陽一千里
依約是蘇門

京居感興 丁卯正月賦時領將作屬

爲問長安客何人識要津長持一馬箠浪走六街塵
城闕烟中曉關河雪後春故園桃李在樽酒願相親

玉津晚歸馬上 丁卯清明京師賦

落日南城陌東風禁火時醉醒皆自得單袷正相宜
綠樹侵高閣繁花酒曲池未應判節物可奈故園思

西城有懷舊遊 丁卯七月余以將作屬日至

瓊林金明督察營繕偶懷陳迹惘然因賦是詩

朱本無此二字

西郭天泉里依依得舊遊綺羅紅菱曉絲管萬蟬秋
柳礙鞦韆陌萍沈被禊舟華年勿復道誰爲駐東流

苦竹村南馬上 戊辰四月晦日感陽賦

楚澤薰風後林皋夕照閒漁船沿綠岸鳥道轉荒山
久負孟中樂朱本長偷馬上閑悠悠白門路何日杖
藜還

題諸葛猷田家壁 地名諸葛亮猷在烏江北

慶湖集卷五

六宜 秋 備

八十里與江南朱本無此二字石頭城相望 戊辰九

月賦

晚度孔明猷林間原作門據朱本改訪老農行衝落葉徑坐
聽隔江鐘後舍燈猶織前溪水自春無多原本遺據朱本補

遊宦興卜隱幸相容

訓桂林從叔 戊辰十一月感陽遣還使朱本作使

還賦

江到三湘盡山圍八桂深龍蛇寒下曹選作不蟄霧露晝

原本遺據朱本補多陰迢遞馳梅信殷勤訪竹林淮南風土
美留滯亦何心

寄金陵倉官趙令冕通直朱本 趙諸王孫戊

辰十二月歷陽賦

歲律倏云莫王孫興可堪羨雲歸日下隨雁滯江南

卑溼求長健登臨賴半酣西川眼中近早晚寄華緘

懷寄潘孝本兼簡其子言 潘字景仁時宦遊

嶺外己巳正月歷陽賦

春色先梅嶺秋聲後桂林溪通五羊險雲近九疑陰

無雁難逢信有猿能伴吟一樽燒酒美曹選作燒應

對阿戎斟

送張商老西上 張名夢臣吳郡人己巳九月

慶湖集卷五

七

歷陽賦

霧氣斂陂澤鼓聲催客航蒹葭靡原作扉據 宿露鶴

雀原本遺據 盤朝陽行役自茲遠離愁安可忘黃華

一樽酒何處望吾鄉

題烏江東陸山鄧氏亭 己巳九月賦

通客今何許空原作堂據 餘接隱亭舟隨潮水上門

宵夕陽烏兔策塵生蠹漁蓑雨化螢題詩巖下石聊

代草堂靈

登烏江柏子岡懷潘景仁 己巳十月賦

驅車柏子岡引首東南望孤戍帶寒日長江流大荒

故人越五嶺旅雁留三湘好待春風暖相隨還北鄉

宿黃葉嶺田家 己巳十一月烏江縣賦

聚落荒山裏畚田歲不登牛衣障隙雪鼠穴見隣燈

愁入原作信據 魚難暝寒凝酒亦冰悵然歌白石推

枕待晨興

遊六合定山真如寺 建摩第一道場己巳十

二月賦

隻履西歸遠何年此布金地寒蒼檜老歲晏白雲陰

燒隔溪水斷樵穿徑雪深祖心無處問俗駕晚駸駸

同道通師之香林馬上 庚午正月歷陽賦通

慶湖集卷五

八

喜為詩從吾遊甚久

冰霜節候遲淮楚早春時白草風頭急黃雲日脚垂

鳥聲投古戍馬力倦長陂吾有官箴畏勞生爾浪為

題烏江上氏昆仲歲寒亭 植柏亭下故命是

名庚午正月賦

新甫移根遠蒼然對兩翁閉門三尺雪仰枕一亭風

東郭顏何厚西來意莫窮未應輸俠少釀酒待春叢

送左禹赴江夏尉 左字塗叟庚午四月烏江

賦

汎汎青翰舟亭亭黃鶴樓江山信清瀨人物想風流

美酒遺歸思新詩題舊朱本遊有魚知不食端作置書郵

高望道中 庚午五月烏江賦

積雨漲陂塘田塍插晚秧遠山宜薄莫高燕弄微涼馬車非吾願魚殍饜此鄉歸期知近在猶待菊華黃

湯泉道中 庚午七月烏江賦

育石岡西下靈泉產藥苗山英如有待木客曹建作水落可相招蟬帶風移樹塵隨馬度橋颺鞭吟舊句歸路不知遙

留別王揆元胥 庚午十二月歷陽賦

慶湖集卷五

九宜 秋 備

之子貫東牟青衫試宦遊頗非小賀比爽自阿戎流未即芸香拜俄先瓜戍秋孤蓬別夜思霜月滿滄洲

棧舟富利口待風累日懷寄城中朋遊二首

庚午十二月歷陽賦

一葉寄津口怒濤安可乘朝風占酒旆夜爨乞漁燈

牛渚逢新月秦淮想結冰故人宅夕曹選夢歌吹滿

金陵

離憂不可解罷酒獨登臨湖落江空闊雲繁歲晏陰愁鴟守漁採怒犬突神林觸目增悽斷聊爲澤畔吟

重別王揆 庚午十二月六日自歷陽富利口

放舟至沙夾王元胥載酒旋訪別因留宿不發

重賦此詩以贈

別訪難遽了不知寒夜長回燈撤盃案抱被宿船倉載聽遠雞唱稍分征雁行臨風滿掬淚吹落一襟霜

投宿清涼寺 庚午十二月望日自秦淮亭信

原作出據 馬出石城門賦 朱本改

建業衣冠集秦淮舟楫屯東西萬里客朝暮兩潮渾何處契心賞片時清耳根僕夫浪相問但出石城門

金陵懷寄歷陽朱本無王揆 庚午十二月賦

征虜亭邊路望夫山下洲長江不隔夢明月祇供愁

慶湖集卷五

十宜 秋 備

促席歌塵斷閑窗醉墨留惜芳橋畔柳誰繫木蘭舟

秦淮夜泊 辛未正月賦

官柳動春條秦淮生暮潮樓臺見新月燈火上雙橋

隔岸開朱箔臨風弄紫簫誰憐遠游子心旆原作旆心據朱

本正搖搖

鐘山法雲彥上人留中殫罷遊草堂寺 寺卽

周顒故居辛未正月金陵賦

珥楫秦淮尾登臨殊興迴難銷蔬飯飽更過草堂來

日轉崑屏暝風披蕙帳開吾非海鹽令猿鳥莫相猜

訓別法雲彥上人 辛未正月金陵賦

將別雁門師殷勤訪所之江湖懷北關鷗鳥戀南枝
朝隱非吾所山英不汝欺明年冬下約春水漾蘋時

易官後呈交舊 辛未九月京師賦

當年筆漫投說劍氣橫秋自負虎頭相誰封龍額侯
聊辭噲等伍濫作詩家流少待高常待功名晚歲收

辛未與龍朱本作龍與節日懷歷陽王掾元宵 昨

歲是日余解舟渡江此詩京師賦

昨歲東溪口扁舟欲下江伴愁燈映幔欺睡月侵窗
漫寄書連紙誰同酒一缸何當見之子聊使我心降

廣津門東馬上 壬申二月京師賦

慶湖集卷五

三宜秋備

津頭落帆鼓薄暮尙蓬蓼疑是秦淮口扁舟醉夢中

不堪隋岸北原作隋比岸據朱本改塵土一鞭風傳語端能否

伯勞飛自東

久病寄二三親友 壬申八月京師賦

早味攝生理百勞戕至真藥靈翻佐病詩癖竟窮人
終有朱本作負黃墟恨長違白首親一囊安可得四壁未

應貧燈下塵編淚風前墓艸春儻忘雞酒設腹痛勿
多嘆

秋夜聞雨晨興偶書 癸酉八月京師賦時欲

扶病東下

故國心馳北扁舟計漫東寒生一夜雨病涉兩秋風

落泊籬根葉幽憂屋角蟲何情悲節物聊自況衰翁

謝米雍上元章見過 米名芾癸酉八月京師

賦

今古兩妙令雍上與太三當時號清白曹選作稱道廣後日

想風流吏軒庭陰下曹選作午農歌野色秋吾非荀氏老

愧爾德星留

留別米雍上二首 米辨博有才具著山林集

數十卷爲人知者特水淫書學而已清狂多忤

常上章援余祠史之請不報輒已因以激之癸

慶湖集卷五

三宜秋備

酉十月雍上賦

明缸通夜語累塊寫胷中水癖推劉令書名浼魯公

忘猜悲廩鼠逐熱賤雲鴻不乏佳山水東南著兩翁

好住楚公子山林何處逢官身須自乞俗眼可相容

叔夜爛猶鍛伯鸞備且春多慙方祿隱爾汝傲吳儂

寶應野朱本作夜泊 癸酉十二月賦

伏枕漳濱後維舟楚澤邊筋骸非壯日節物迫窮年

夜雨侵牀漏晨炊湊鼻烟勞生我其分十口亦飄然

題甘露寺淨名齋兼寄米元章 米舊常朱本作嘗

居此齋甲戌九月晦京口賦

日出天垠露江橫地軸分馳年悲落木羈思託孤原
本改 雲重掃淨名室長招漫仕君悠悠德璋輩未
辦勒移文

龜山晚泊 乙亥二月賦

春候半寒溫維舟淮上村長林補山豁曹選
潮痕久厭浮家役重招去國魂禪房欲舒寫烟雨促

黃昏

歲暮舟居卧病懷寄金陵和原本遺據上人

乙亥十二月盱眙淮上賦

野泊歲云暮念歸期正賒津童爲過客商船是隣家

慶湖集卷五

五宜 秋 備

雪密魚依霖潮迴蚌委沙南州人健否不奇早梅華

寓泊臨淮有懷杜脩撰 丙子二月賦杜公名

絃去歲總漕於此屢開謙寶訓堂

幕卷歌鬟列堂深密炬然臨風鳴羯鼓待月戲鞦韆

短韻吟牋出長簷醉帽偏斯人違薄俗何減孟公賢

舟發金陵望歷陽作 丙子四月賦

尙識歷陽道依然西照閒風烟石磧戍林麓楚王山

隔水一疑佇當年百曹選往還誰憐躍馬客衰病再

投閑

江行寫望 丙子四月當塗道中賦

斜照侵疎箔微涼逗小窗青蒲故依渚白鳥屢橫江
遺原作道據 興詩三百煎愁艣一雙前舟定未遠疊
鼓聽逢逢原作逢雙 據朱本改

郎官湖 按李白詩序云乾元歲流夜郎遇故

人尙書郎張謂使夏口沔州杜太守漢陽王令

觴原作觴據 于江城之南湖張公四望超然謂

朱本改 作請 白標之嘉名白因號之郎官湖席上文士

輔翼朱作 岑靖以爲知言今所謂郎官湖者占

郡城之西朱本 東原作東據 于兩山間縱廣百

許步固不足四望而超然也已知其非是且郡

慶湖集卷五

五宜 秋 備

南瀕江之人持南唐時地券尙指郎官湖爲隣

蓋湖爲江水所并而去城里餘猶有洲渚隱然

永泯乃湖之故防也余丙子五月舟次沔陽求

訪遺老始得其詳因賦此詩志之

當年賢守令載酒沔南遊涼月呈新霽明湖涵素秋

郎官夏口使仙客夜郎囚促膝青螭舫連觴紫綺裘

高驪隨雨散餘躡想風流芳草失青履滄浪浮白鷗

江吞百頃盡石刻一篇留宜有沈碑者前懷陵谷憂

題寶泉官舍壁 寶泉監在夏郡城東三里黃

鵠山之陰丙子八月到官後賦

偶著強名字非才但原作且據鑄金不妨稱外監況

復原作後據住山陰勝日聊披卷清風故解矜餘生

偷祿隱何等曹選是升沈

江夏寓興二首 前篇丙子十二月賦後篇丁

丑五月賦

風與原作與據檣鳥便儂先塞雁來山經七澤斷潮

自九江迴漁父猶知隱騷人枉衙才朋遊正相遠梅

信為誰開

啜湖盛坊市江漢復縱橫沮洳莎城貼晴暘竹瓦鳴

新文添鵬賦異味識龜羹豈復悲流落官糧寓此生

慶湖集卷五

五

九月十日寄潘邠老 丁丑江夏賦潘嘗許中

秋重九渡江見過竟不至因以誦之

明月原作日據昔如許懷人殊不原作可據來徒歌

桃葉曲又負菊花開尺紙緘愁去扁舟載夢迴七年

雞黍約千里信悠哉

送蒲圻陳主簿彥昇歸越 陳字登之丁丑十

月江夏賦

好在稽山北因君訪故園風流久衰歇湖水自清渾
可得千秋觀相傳百代孫時聞祖口咨不滅漢東門

送金壇慎令璣 戊寅三月江夏賦慎字獻玉

年少寡欲奉佛甚嚴

清素復多聞天涯晚得君相延蒲塞饌細演員多文
世味淡如水身謀散勝雲謾為花縣約聊慰此臨分

寄題盱眙杜子師東山草堂 丙子二月臨淮

賦偶亡之庚辰十月再道臨淮復得於子師因

附卷末

東山與物遠松竹蔭茅茨信有冥鴻志難藏露豹姿
會扣安石起何患德璋移後日岩扉下遊人想履綦

慶湖集卷五

六

慶湖遺老詩集卷第五

慶湖遺老詩集卷第六

近體詩長句上五十首

上已有懷金明池游賞 熙寧乙卯臨城賦

西城小雨宿塵消春水溶溶拍畫橋拾翠汀洲白蘋
發披香宮殿紫雲高綵舟日晚綺羅醉油幕風晴絲
管焦俠少朋遊應念我一年佳賞負今朝

贈張士元 張字善長善爲詩丙辰十月臨城

賦

夫子安貧五十年年來生事更茫然青衿稚子彼何
有白首故人誰見憐霜後鷓衣寒綻線日高魚釜凍

慶湖集卷六

無烟冗官猶愧蘇司業不得時時送酒錢

雨晴西郊寓目 丁巳五月趙郡賦

城中厭雨過清和偶出西郊野意朱本多蠶簇趁晴

初摘繭麥場經潤欲生蛾營巢黃鳥啼深樹引犢青

牛飲暮河老圃念人留許久挽衣沽酒願相過

寄周文清 周時流寓海陵丁巳八月趙郡賦

節物驚心不我留故人相望海邊州菱荷老盡池臺
晚鴻雁來多雲漢秋誰共清樽尋樂事獨將長幅寫
離憂明年芳草青門道好試青衫伴勝朱本遊

寄王岐 王鉅野人黃州曾孫熙寧初京師朋

遊也字夷仲戊午澄陽賦

未從名宦兩蹉跎可但詩狂與酒魔紫陌塵埃日馳
逐青樓燈火夜經過當時豪縱年方少今日疎慵病
更多唯見凭欄淚敲枕往來方寸奈情何

和答鄭郎中見寄 鄭臨城人名淵字鄰幾登

進士第仕至職方郎中年垂七十卽謝事居近

泚水自目爲泚川原作州據朱本改逸老性嗜詩雖老

不廢與余誦唱果數十百篇既來澄陽復有詩

見寄因和答之余詩用它人韵者皆不取特錄

此篇欲見斯人於集中耳時元豐己原作乙據朱本改

慶湖集卷六

未重陽日賦

客子由來懷故鄉蘇門冷落白雲旁夢隨夜月鐘前
斷詩入秋風草共荒操板鎌韉遊宦厭開樽揮塵舊
歡長泚川逸老應相念爲倚闌干向夕陽

和田錄事君義誼雪 己未十一月澄陽賦

千里龍沙失舊荒四來雲物助蒼涼直疑見月應無
影未必因風始解狂枉費鉛華口楚女不禁湯餅試
何郎回中自是人間世悵悵壺臺去路長

和田錄事新燕 庚申原作午據前三月澄陽

賦

新巢故園雨依依似與春華秋葉期雨過池塘得泥
近日高臺樹谷簾遲秋韃節後初相見被袂人歸有
所思雙侶多情擬憑杖原作伏據朱本改小牋封就碧雲詩

冠氏縣齋書事寄滄陽朋遊 魏之西園在滄

陽南漳水上辛酉四月賦

小閣燒香煎麝濃翠首庭院綠陰風卷簾燕自雙飛
去敲枕人方半夢中秋鬢先於懷縣令春愁多似義
城公西園酒伴無消息欲寄魚箋水自東

冠氏寺居書懷 辛酉五月賦

古刹荒涼晝掩門鳴雞吠犬接西村窗間自記曾歸

慶湖集卷六

三首

夢樓外誰招欲斷魂漫賦新詩題瓊瑤少逢佳客佩
蘭蓀更堪愁肺經春病負汝商歌酒一樽

題彭城張氏放鶴亭 亭有石刻蘇眉山製文

唐之陽春亭故址在徐城之東薛能尙書有詩

見集中壬戌九月賦

曾見君家亭上碑東望風月動閑思昔無曹選作曾卜築
如相待今遂登臨是不期萬頃白雲山缺處一庭黃

葉雨來時許昌應負重泉恨當日陽春在賦詩

九日登戲馬臺 壬戌彭城賦

當時孟奎律節物此山川倦客登臨獨惘然戲馬臺

荒年自久射蛇公張景星宋詩百一鈔作斬蛇人去事空傳黃華半
老清霜後白鳥孤飛落照前不與興亡城下水穩淨
漁艇入淮天原本道此詩據瀛奎律髓及朱本補

九日呈李成父 癸亥彭城賦原本道此題據朱本補

城中霧雨曉冥冥坐失城頭百尺亭行樂未朱本知
非我事苦吟猶得有君聽未應白髮饒新責任使黃
華笑獨醒異日肯尋雞黍約太行長遠故園青

題彭城南臺寺蘇眉山詩刻後 癸亥十月徐

之走卒還自京師誤傳蘇黃州被召南臺寺公

舊題數詩先摹刻諸石因賦此書其左

慶湖集卷六

四首

秋風幾度老江離鼎水眉峰隔夢思下走誤傳宜室
召上前誰進子虛辭東坡麋鹿同三徑西掖鷓鴣占

一枝獨有野僧違一俗翠珉新勒舊題詩

春懷 甲子二月彭城題朱本作賦

東風吹雪陰復晴西日冉冉林閒明著水苔衣漸涵
綠向陽竹鞭初引萌官糧得飽酒不足春物有意人
無情馳書相謝五陵俠汗簡塵鞞今半生

登快哉亭有屬 甲子三月二十五日登快哉

亭偶聞舟中吹楊葉者有懷京師昔遊因賦

南浦來朱本東風拂水文汀洲芳草綠羅裙桃花舊葉

此字
疑誤
應相望楊葉新聲我獨聞酸味可憐香欲絕斷
腸不待酒初醺斜陽歸去書窗下一幅蠻牋賦夢雲

和彭城王生悼歌人盼盼 盼盼馬氏善書染

死葬南臺卽鳳皇原也生賦詩十篇因和其一

甲子四月望

東園花下記相逢情盼偷回一笑濃書籠尙絨香豆

蔻鏡奩初失玉芙蓉歌闌燕子樓前月魂斷鳳皇原

上鐘寄語虞卿謾多賦九泉無路達魚封

臨坂亭送客還馬上作 甲子九月彭城賦

袞袞塵埃與願違可堪持酒送將歸壯心已服驚駘

慶湖集卷六

五

老羈思常先鴻曹選雁飛十口無厭太倉粟四鄰分

采故山薇何時偃卧柴桑里自訟淵明昨日非

送陳傳道攝雙溝戍商稅 乙丑六月彭城賦

牆外長川擁萬舟門前山色入南州風來浦口客爭

發日下庭陰印未收乍厭折腰從吏役屢應回首念

朋遊病夫頗有東流興預約清樽爲少留

送彭城周主簿建中移黃縣令 周字元通乙

丑七月賦余方抱疾

客宦逢迎泗上州原作洲據酒籌詩卷慰淹留九層

燈火偃王塔四面溪山彭祖樓此去君辭棗棘地年

來吾有負薪憂終期一過河陽縣相對春風話舊遊

寄題狄丘李偉官舍東齋 李字子微新葺東

齋成有書求詩因次書中語以題之乙丑七月

彭城賦

樹竹開窗小屋東低簷卻日竹通風長年馳騫欲何

往終日退藏於此中未厭睡魔常有在若思人事卽

無窮躬耕不是悠悠計朱本來作蘇門鄰舍翁

病後登快哉亭 乙丑八月彭城賦

經雨清蟬得意鳴征塵見曹選處見歸程病來把酒

不知厭夢後倚樓無限情鴉帶斜陽投古剎草將野

慶湖集卷六

六

色入荒城故園又負黃華原作昏據約但覺秋風髮

朱本上生

送李宗古錄事謝病南歸 李字從朱本己乙

丑八月彭城賦

十旬病免謝雞羣收得閑身付白雲南浦少留口曹選

離別賦北山相待敢曹選待作移文松舟桂楫曉將

原作得據 發菰菜鱸魚秋未分異日有懷長笑客西

飛燕子一相聞

汶上留別李智父 乙丑八月賦

一馬西投汶水濱自驚秋朱本鬢帶塵紛秋風盡日

吹黃葉心事經年寄白雲去矣尺書勤訪我醉來樽
酒強醺君北窗絡緯寒聲急明夜傷心獨自聞

答陳傳道 陳以余領寶豐錢官每有賀監之

呼因賦此詩戲爲答乙丑九月彭城作

吾家季真登大蓬我爲斗筲來寶豐公乎時以監呼
我自笑名同實不同樽酒相望今夜月鱸魚又負一
秋風少須婚嫁匆匆畢會買扁舟下浙東

懷寄寇元弼 時寇官荆山戊乙丑九月彭城

賦

君投筦庫可知非我飽官糧又願違舊國秋高鴻雁

慶湖集卷六

七 賦

過長淮水落白魚肥西風吹夢端相覓南物留人也

念歸何日蘆軒下雙榻滿持樽酒洗塵機

招寇元弼兼呈白雲莊張隱君 乙丑九月彭

城賦

長欽長缺歸來乎十口想厭淮南魚遊宦非圖飽而
已浮生且問樂如何定無佳客清樽酒賴有古人黃
卷書我亦塵埃同病者與君長媿白雲居

荅王文舉 王詩有何時面青山相並兩茅屋

之句乙丑九月彭城賦

茫茫塵土欲安之珍重吾人箇處期綠野相隨一藜

杖青山正對兩茅茨自憐性惚負平昔尙敢婆娑臨
暮遲第恐阿戎猶喜仕宅時不與五君詩

題淵明軒 陳傳道葺雙溝官舍瀕水之北軒

索名于我因命曰淵明軒陳卽日去職余高斯

人爲賦是詩寄題軒上乙丑十月彭城作

淵明新朱本作軒榜揭門眉夫子高情俗不知未仰稊原

本未稊供歲計本於松菊有心期臥來不淺羲皇興

歸去何惡鄉里兒窗破簷傾從此始祇應風月解相

思

將發彭城作 元祐丙寅正月賦

慶湖集卷六

八 賦

四年吟笑老東徐滿目溪山不負渠得米徑須償酒

債有田便擬卜吾廬明朝門外扁舟雪別夜燈前滿

紙書會問匆匆解攜客相思命駕定何如

留別張白雪謀父 丙寅正月彭城賦

三年官局冷如水炙手權門我未能賴與白雲之隱

者不談黃卷卽尋僧蕭蕭簾箔風披竹草草杯盤雪

酒燈塵土浮遊浸相遠吳魚燕雁兩難憑

留別寇定 字應之元弼兄子丙寅正月彭城

賦

不見步兵今一秋年來復與仲容遊蒼顏白髮慙慙

以下原缺
據朱本補
衰暮縱飲長歌作輩流願我官情真漫浪
爲君行計幾淹留能尋三月皇州約拍手同登賣酒樓

永城邂逅周元通再索詩贈別 周將道海朱本

作海道 之官黃縣丙寅二月賦

汎汎流萍滾滾蓬偶然南北偶然逢一樽通濟橋邊
酒兩夜臨離驛外鐘行矣風波宜尙慎歸哉塵土不
相容事功早立須知退學稼宅年訪老農

寄題泉南陳氏步雲亭 永城主簿陳淋朱本

字伯雋居泉南之東山有亭名步雲出圖求詩

慶湖集卷六

九直

於余丙寅二月賦原本遺據朱本補

紫翠原缺據朱本補峯前水一灣趣亭微徑白雲關漁樵不
見攜筇去猿鶴相隨采藥還晚月帶潮來海上春風
吹雨到人間恨君輕爲蒼生起曾得東山幾日閑

題永城縣朱本無園水亭 丙寅二月賦

詰曲池塘碧玉流窈亭孤占小汀洲長叙座上芳蘭
佩不繫簷前畫鷁舟好泛羽觴脩舊事爲書繭紙記
清遊季真待得東還日初見紅蕖十畝秋

同畢紹寓泊永原作水據朱本改城招李深昆仲 畢

字彥祖李字道源丙寅二月賦

滿城楊柳正黃繁幾處鞦韆出短垣經兩河流失朱本
識清淺帶雲春色乍寒暄從來嵇阮耽琴酒況得機
雲好弟昆咫尺津亭望齋館杖藜相過莫辭煩

送畢彥祖先之京師 丙寅二月賦

日日東風吹旱原作早據朱本改雪弄鞭低帽送西曛客亭

五里復十里春物三分今二分但解征衣平酒債莫

隨肥馬作塵紛扁舟不及清明約紫筍朱櫻未負君

將發永城留題李氏齋壁 丙寅閏月賦

匹馬扁舟寄此身可憐投老尙迷津黃塵是處隨遊

子明日相逢卽故人東道琴樽能惜夜西園花絮欲

慶湖集卷六

十直

傷春分攜後日忽忽去燈火虹橋夢更頻

京居春日遣懷 丙寅閏朱本二月賦

青梅小葉柳長條相對春風各動搖物色依依如有
待人情忽忽自無聊五陵劍俠知誰健三徑車工不
我招好去廣津門下水新秋穩送木蘭橈

送趙令時之官陳州兼簡周文清 趙字景貺

越懿王玄孫時蔡僕射鎮淮揚丙寅十二月望

京師賦

朱衣白面懿王孫好去淮陽事相君已放扁舟下南

浦更持樽酒醉西曛青雲計自此行始明月惜從今

夜分擬仗短書裁不及但傳窮達報知聞

汴上有懷李易初 丁卯三月京師賦時余請

罷六匠屬為淮南行

何處經行特惘然津頭曾送木蘭船桃花春水生前

夜楊柳秋風憶故年驛路尺書疑斷絕官倉斗米愧

留連飄飄復作江湖計從此長安是日邊

訓宗室令率惠墨 令率字景道丁卯四月京

師賦

麝煤新劑黝原作點據朱本改而堅誰謂奚生法不傳信是

文房希代寶益知公子過人賢蔡中郎老喜飛白揚

慶湖集卷六

執戟原作軋據朱本改窮耽草立雅意肯要瓊玖報原作千據

朱本九聊以助吾頌

陳留南城馬上簡李公平朱本作年李字之茂戊

辰二月賦

南郭何人卜築幽平田高樹帶清溝隔牆野鳥啼晴

登駐馬行人照白頭二頃難尋歸老計一樽宜結探

春遊步兵不惜供廚費更作東風數日留

寓泊金陵尋王荆公陳迹 戊辰三月賦

晚泊扁舟一問津依然節物思羈人江山月照六朝

夢桃李風吹三月春宅枕謝公墜下路詩尋蕭寺壁

閒塵可須樽酒平生約長望西州淚滿巾

答孫休兼簡清涼和上人一首 原作張據朱本改

岐山人字安之戊辰三月邂逅於金陵清涼寺

休詩家流以兩篇見投因答之

聲迹相聞忽此逢杖藜蕭散一相從平生詩酒真吾

事何處江山不爾容芳草自生南北路孤雲難繫往

來蹤異時荒戍長回首風送石城樓上鐘

渭北人遊楚水東論詩說舊偶從容鄉關此日幾多

遠春酒與愁相勝濃且免牛衣愧妻子莫將羊酪詫

原作記據朱本改吾儂哀王孫賴彌天釋肯學揚州飯後鐘

慶湖集卷六

春懷有寄代同行作 戊辰三月金陵賦

未應一笑為千金且解樽前綠原缺據朱本補綺琴歸雁不

將書北去行雲長傍日西沉楚蘭徑遠飛黃蝶湘水

簾空對綠陰無復賞心訓節物斷腸翻詠白頭吟

道潘景仁之官嶺外兼寄桂林從叔 戊辰三

月金陵賦

夜銜原缺據朱本補舟尾畫聯檣齊發都門到楚鄉我欲塵

埃披袞袞君方湖海去茫茫傷心客路逢寒食回首

寒園沮夕陽想見步兵應訪問仲容無復竹林狂

同王克慎宿清涼寺兼示和上人孫安之 王

字周臣寺有白雲上方戊辰三月賦

六代風流不可尋石頭勝槩古猶今疎鐘苔響江山

迴啼曹選作野鳥忘形曹選作機松竹深借問白雲誰卜築擬

邀原作明月共登臨終投逸少興公社蔬粥麻衣事

道林

蒼玉拙見寄 王字閑叟戊辰五月石磧成賦

好在金陵王隱君尺書忽與我相聞尊鱸久負秋風

約猿鶴終尋舊日羣橫笛卧吹南浦月杖藜笑度北

山雲六朝陳迹何須問一曲滄浪酒十分

慶湖遺老詩集卷第七

近體長句下五十首

寄別僧芝 吳僧法芝字曇秀姓錢氏戊辰九

月邂逅於烏江沸朱本作湯泉佛祠將為京都之遊

既相別馬上賦此以寄

不見江南湯惠休芝錢令也嗣風流燒香弄筆一生

事躡屐佩囊千里遊乞酒未還黃菊晚擬詩初就碧

雲秋臨高歧馬君行矣從此安期始欲愁

度黃葉嶺懷寄清涼白雲菴主 戊辰九月烏

江賦

慶湖集卷七

二首 秋 節

黃葉嶺頭黃葉飛白雲菴畔白雲歸葉隨遊子終相

失雲伴禪翁得所依會解腰間斬馬劍肯尋江上釣

魚磯焚香掃原作歸地雙林下願贖今生種種非

與張歷陽追懷從禽之樂因賦 戊辰十月賦

宜秋門外養鷹坊好草破朱本作坡頭射雉場油幕蘊廬

張野飲錦袍貂帽結戎裝興闌落日黃塵斷夢後西

風白髮長誑念江湖獨流寓此情難語與漁郎

歷陽姥磯原改據曹選補下馬上有懷京都遊好 戊

辰十月晦日賦

楚澤初冬正穫田孤鴻欲下却翻然人烟隱約青山

郭雲物離披小雪天送別孟盤猶昨日勞生鞍馬遂

窮年故人多在金閨籍誰念寸心如斷絃朱本作心如寸斷絃

烏江石歧猶晚望有懷故園 戊辰十一月賦

山色相銜類太行江流東去亦渾黃鱸魚膾美招來

客鴻雁書遲夢故鄉五斗月支何足道一帆風便可

能忘歸田有計非今日莫把移文揭草堂

登烏江寶泉寺南山望金陵作 己巳三月賦

我愛金陵望不厭獨尋微逕躡晴嵐柔柔淺艸三月

尾踴塔飛樓一水南苒苒流雲牽仿像遲遲豔日助

醺酣何須拊手歌桃葉已覺王郎思不堪

慶湖集卷七

二首 秋 節

烏江東鄉往還馬上作二首 己巳七月賦

黃塵隨馬染征衣十里江皋送客暉廢井艸荒原本遺據

朱本補 鼃鼃怒下田沙漲芋魁肥解纓拂樹弄清淺橫

榻掃雲飛翠微人生事事不如意終日念歸何日歸

悠悠東去欲何之草草西還可是歸殘日兩竿荒戍

遠青山滿眼故園非江田經雨菰蔣熟石路無風蟻

原作蟻據朱本改 蟻飛回羨耕夫閑勝我早收雞犬閉柴扉

送歷陽潘司戶瑤移令歸東魯 己巳八月賦

衰俗紛紛務近功幾人心跡與君同低回州縣青衫

列踴躍聖賢黃卷中牛渚江山空夜月河陽桃李再

春風相望魯衛無多遠異日能尋賣藥翁

再送潘仲寶兼寄彭城交舊 己巳九月賦

風雨扁舟幸少留為君持酒話徐州白魚紫蟹秋初
美戲馬飛鴻夢屢遊二阮年來知健否季真老去盡
歸休白雲莊畔多閑地不惜橫刀直換牛

九日懷京都舊遊 己巳石磧成賦

昔年九日登臨處把酒梁王誓吹臺今年九日登臨
處江上黃華殊未開一川落日隨潮下萬里西風送
雁來節物可驚人更老宦情歸計兩悠悠哉

戲荅張商老 己巳九月賦

慶湖集卷七

三宜 秋館

揚子江頭兩信潮送君西去木蘭橈依依暮雨鴛鴦
夢嫋嫋看風豆蔻梢細字碧牋隨雁到小簾朱戶抵
天遙長安觸緒牽情地原作緒據朱本改不特魂銷骨亦銷

題定山寺法遠上人壁 己巳十二月賦

支郎風味喜相親乘興來尋雪後春夾徑竹陰疑礙
馬隔江山色似招人豈無暇日容高卧如有閑田願
卜隣預約東城二三子歲時相過莫辭頻

自歷陽汎江至赤埭訪別曹解 庚午正月賦

我訪故人不待招滄江謂廣纔容舸離城五點寒更
急著岸兩竿晴日高別來書尺正坐嬾老去鞍馬何

堪勞明年淮上更攜手醉步卧虹千丈橋

再由赤埭有懷曹夢得 庚午正月晦日賦

江上顛風倒客檣江豚舞浪卷渾黃故人漂泊知何
處何日平安到故鄉野色蒼茫春尙淺夢魂恂原作
朱本改况夜仍長可無百斛兵廚醞原作醞據
朱本改此段離
憂未易忘

宿芥塘佛祠 壁間得魏湘畢平仲張士宗回

所留字皆吾故人也庚午三月賦

青青薺麥欲抽芒浩蕩東風晚更狂微徑斷橋尋古
寺短籬高樹隔橫塘開門未掃楊花雨待曉先燒柏

慶湖集卷七

四宜 秋館

子香底許暫忘行役倦故人題字滿長廊

送畢平仲西上 畢字夷直庚午五月歷陽賦

吟鞭西指鳳皇州好趁華年訪昔遊新樣春衫裁白
苧舊題醉墨滿青樓鳴鼃雨細生梅潤颺燕風高報
麥秋須念江邊桃葉女定從今日望歸舟

烏江廣聖寺虛樂亭 庚午六月賦

避雨孤篷泊柳陰潮回溪曲稻花深有時白鷺窺魚
下竟日青鼃伴我吟酒敵無人情落漠雪鄉何處老
侵尋誅茅擬卜終焉計不為清風颺解襟

烏江北道中作 庚午八月賦

寒麥田疇雪慘花暮朱本 潮州渚水吞沙鳧鷺長作
漁舟伴桑柘深藏老圃家濁酒縱賢誰與醉青山有
價不容賒南來學得滄浪唱卻著征衫袖馬過

烏江泛舟寓目

庚午九月賦原本遺此五
字據朱本補

滄江浩渺寄星槎望極紛紛兩眼花但見潮頭彭朱
湖木杪直疑山背落天涯鴟夷信得平生樂仲御尤
宜抵死誇僉父慙非能賦手漁郎若箇是詩家

遷家歷陽江行夜泊黃泥潭懷寄鴻善洲 庚

午九月賦

黃泥潭口橫征篷回指東城祇眼中半夜鳧鷖先覺

慶湖集卷七

五直 秋 賦

雨連江葭莢自生風青燈解作無眠伴白酒難招一
醉同從此相思寢相遠便憑歸櫂附詩筒

棧舟當利港作 庚午至日賦

爲問溪頭潮淺深片帆長掛此歸心夜風吹雪曉尤
怒午日破雲寒復陰江淮行役殊未已京洛朋遊安
事尋何時穩坐飽麤飯鼓腹東皋農父吟

放舟下江留寄王元胥 庚午十二月三日朱本

無此
二字賦

檣檝淹留已涉旬小窗猶得酒相親寒潮不應溪流
澌病客未行舟子嗔揮手便分今夜月斷腸先見隔

江春鳳皇臺上長回首何處高城與故人

興龍節日渡江懷寄二友弟兼示同行 元祐

庚午賦

燕庭冠珮拜爐香九劍紛紛想定場江上烹魚猶得
信座中驚雁已離行澆愁原作况辭
據朱本改酌一樽酒破

睡咿啞兩艣牀不特賦詩懷二仲故呈凡韻惱支郎

訪金陵王閑朱本 叟不遇留別 庚午十二月

賦

歌成五噫賃春者藥不二價奪牛翁衰俗何知貴公
子清貧頗有昔人風君方上冢渡沔去我適乘舟投

慶湖集卷七

六直 秋 賦

剡中差池相失重回首好住海鷗忘塞鴻

題金陵長干寺塔 庚午十二月賦

南國長千古佛祠浮圖駕瓦碧參差欲追三閣登高
作非復六朝全盛時簷角西風掛星斗牆陰寒雨嘯
狐狸劫友終換人閒世石甃金棺好護持

題金陵天慶觀鐘阜軒 辛未正月賦

霞構雲扉不著關薨蒼開處見人間斷牆廢井連東
第白塔青松對北山昨夜桂娥弄月去經秋芝蓋御
風還玉虛真籍家聲在再熟金桃願一攀

再訓訥師兼簡清涼和上人 辛未正月賦

莫謂功名是可希定知求法不求衣此身於世百無用異日與君同所歸遮眼何關黃卷在安心更悟白牛非清涼有道平如掌豈比他方大鐵圍

阻風白鷺洲招訥上人 辛未正月賦

鳳皇臺下鳳皇巢白鷺洲邊白鷺灣舟未解維先望見風能傳語更相招江南春物為誰好淇上歸心不自聊何日結茅鐘阜尾幅巾相對一方袍

晚泊長蘆有懷金陵歷陽朋好 庚午十二月

賦

犀照亭邊兩鱗催鳳栖臺下片帆開龍盤虎踞行遠

慶湖集卷七

七 宜 秋 館

矣牛渚雞籠安在哉無端鞍馬三年役有意尊鱸異日來樽酒故人誰待我故應風月尚徘徊

上巳晚泊龜山作 元祐辛未賦

薄暮東風不滿帆遲遲未忍去淮南故園猶在北山北佳節可憐三月三蘭葉自原作有據朱本改供遊女佩芸

編聊對故人談洛橋車騎相望客曾為吳兒幾許慙

揚州敘遊 辛未二月賦原本道此五字據朱本補

迷藏九曲屬樵耕野草原缺據朱本補閒花故有情廢苑春

風遽如許隔江山色可憐生新聲度曲復誰道古井

酌泉聊獨清杜紫微靈定原作足據朱本改相笑青樓薄倖

不知名

和錢德循書懷 辛未四月京師賦

咄嗟世與我相疎歲月推排負壯圖狂客大難兼外監方回小得勝常奴胸中累塊亦何有鬲上督郵非所須徑買一舟歸自好五雲溪接當家湖

席上呈錢德循 辛未四月京師賦

東華纂纂桑葉肥老蠶起眠雛雀飛南隣買酒勸行樂越客廢書歌式微式微胡不歸明日會知今日非舊溪手種水楊柳長與秋風掃釣磯

壬申上元有懷金陵舊遊

慶湖集卷七

八 宜 秋 館

瓦官大庭干步方燈如流螢原作雲據朱本改月如霜高僧

共禮旃檀像遊女來焚薰朱本陸香舊國破亡何物作熏

在少季逐樂簡儂狂別來白社更半落回首衡湘春

夢長

送周元通昆仲官蜀 壬申正月賦

周郎兄弟皆可人外朗內潤連城珍樽酒逢迎記梁宋聯驂行適度咸秦寶雞道上冰雪晚金雁江邊梅柳春公暇樂遊須念我青衫白髮倦京塵

夢遊金陵設堂故基

燕堂遺址壓西州剪徑捫蘿出石頭老木駸駸大相

逼連岡袞袞欲東流歌鐘誰話前朝事風雨魂驚別
夜遊夢境浮生更多病結茅歸老信悠悠

寄清涼和上人二首 壬申十月京師朱本賦作都賦

吾家無儋石之儲朝四暮三如有餘北岳官糧飽妻
子南朝僧寺寓圖書迎船春色情親我坐馬京塵笑
謝渠莫作江東步兵待翻然端不為鱸魚

南國風流百不存石頭今是給孤園山連雉堞猶曹選
斜作侵路潮送漁舟自到門方丈定容居士病貝多應
待客兒翻懸知後日逢迎際桃李看風雨不言

寄李趙二友生

慶湖集卷七

九宜 秋 儲

東風掠地百草青顛毛餘幾今星星長年嬰疾斷還
往無處避愁徒醉醒聯馬尋芳狹斜道銜舟待月滄
浪亭遙輸此興二公子漲海未應沈一萍

呈李之儀 癸酉二月賦

淹卧疲筋快曉晴屋頭相報鶉鳴病侵老境可憐
許春入故園何似生坐想蘭亭通曲水行聞上巳接
清明明年強健陪嘉集定奪三觥賦不成

贈張之才 癸酉五月賦

夙齡垂耳慕飛黃晚歲相逢兩漫郎澆我青衫奈塵
土誤君白首坐文章折腰僅厭米五斗滿腹莫驕錢

一囊多病勞生餘有幾買山築室願隣牆

載病東歸山陰訓別京都交舊 癸酉十月賦

我家湖水接山溪載病東歸路不迷城郭依然遼海
鶴鷓鴻邈矣會稽雞可須印綬懷中出幸有珠璣袖
裏攜行賦漁歌寄親申春風吹渡淞江西

舟次淮陰呈邑令田望 癸酉冬至朱本無日此字

賦

狂吟醉約昔悠悠衰病方諧散浪遊蔬粥滿杯供我
飽蘭舟繫岸判君留塵埃古刹尋遺篆香火嚴祠謁
故侯晚具不須烹赤鯉聊憑別後作書郵

慶湖集卷七

十一宜 秋 儲

高郵舟居對雪 癸酉十二月賦

天涯晚歲客無歡擁鼻微吟行路難三楚浮程波淼
淼五陵歸夢朱本雪漫漫兔園授簡心猶壯剡曲拏
舟興久闌病骨支離仍禁酒漁蓑重緝待春寒

留別王景通二首 癸酉十二月賦

早年放樂朱本五雲鄉遠笑垣東俠少場憲也但貧
猶未病公乎非酒自能狂塵埃輦路春遊散燈火僧
窗夜話長後日相思枉緘幅茱萸灣北付漁郎
遊宦差池太半生君方倥傯我伶俜官銜轉落百僚
底彩色渾偷兩鬢青張掾官曹拋勝日向平家事汨

原作酒撥
朱本改 餘齡相逢一段孟城夢明發扁舟是浪萍

舟次廣陵懷寄京都交舊 癸酉十二月賦

朋遊冠蓋滿京華病客東流迹自賒音驛未聞來日
下隣牆不見亦天涯尙慙斗粟煩官廩已指扁舟是
我家莫謂因風無可寄雪梅開徧臘前花

廣陵茱萸灣晚泊 癸酉十二月賦

冷雲拋雪未成花過埭東風凍著沙荻浦漁歸初下
雁楓橋市散祇啼鴉舊聞南國饒春原作香據
朱本改 事行
見東風換物華老病心情亦何有藥囊詩卷是生涯

題杜仲觀南康遺編後 癸酉十二月海陵賦

慶湖集卷七

十一首 秋 他

高吟晚節動江關自況孤雲豈易攀賦鵬一篇傳日
下騎鯨半夜去人間知音誰復稱流水招隱吾方擬
小山固有清風千古在不應空伴月明閒

慶湖遺老詩集卷第八

五言絕句一百二首 六言附

感興六首 乙丑六月寓居彭城東禪佛祠有

雛雀集於庭樹為青鵝搏原作搏據朱本改而食之余

感而賦

雛雀學翻飛不知毛羽微青鵝笑高樹待爾飽朝飢

青鵝噉雀雛飢飽侮鳶鳥不知阜鵞力拏殺比朱本作北

城狐

阜鵞獐背爪飛走披肝腦不知遊獵兒必爾韝上老

獵兒燕楚俗得意唯馳逐不知廟堂上坐飽萬錢肉

慶湖集卷八

一百一十首

廟堂擊鮮食日負天下責不知五湖上自有扁舟客

扁舟彼何人國霸始謀身不知釣魚翁羞原作羞據朱本改

作故人臣

懷寄寇元弼王文舉十首 乙丑彭城賦

樽酒津亭別還城何所投無情是流水斷送到南州

右初別後

東軒美風月詩酒伴原作牛據朱本改歡呼昨日牆陰過依

依見碧蘆

右過碧蘆軒

小市門前朱本路舊遊聯馬行祇從前日別秋艸一作南

番生

右出小市門

南京一登眺朱本作望朔雁正來賓好去長淮北殷勤訪

故人

右登飛鴻亭

百步洪頭水秋霖一夜渾相攜濯纓處無復履綦痕

右遊百步洪

何處延明月東城尺五朱本作尺樓故人那得見後夜

是中秋

右登黃樓

慶湖集卷八

二百一十首

不見西街客歸來即閉門胡牀面南樹烏朱本作鳥鵲啼

黃昏

右局中歸

暑雨茅柴熟秋風淮白肥留連阮校尉何日跨驢歸

右招元卿

後夜溪山雪臨門望子猷莫因清興盡半道卻回舟

右招文學

偶得悲秋句還驚舊社空中庭步明月朗詠與西風

右賦後詩

馬上重經舊遊六言 丙寅三月京師賦

淺淺東流宛溪當年罷酒分攜認得橋邊楊柳春風
幾度鴉啼

題惠崇畫扇六言二首 丙寅正月賦

春雪霏霏晚梅抱枝寒雀啾啾隴下有人腸斷為銜
芳信東來

右梅花雪雀

塞原作寒據南秋水陂塘蘆葉蕭蕭半黃直北飛來
鴻雁端疑個是瀟湘

右秋水蘆雁

荅陳傳道五首 丙寅九月京師作以目送歸

慶湖集卷八

三首

鴻難為韻

客子厭京塵長街風眯目安得卧南門清潭漬寒菊
遊梁復歸宋南北原缺據更相送失得兩如何勞勞
不如夢

遊宦幾人達不如原作知據強健歸未容誇畫錦幾
見化繒衣

聞有高秋興清樽醉飛鴻應悲故人遠薄晚面西風
倒橐黃金盡方悲行路難桂薪炊玉粒可是樂長安

擬劉孝勝詠安仁得果 丙寅九月京師賦
果盡猶招手車停更起應固應持一笑先荅近轅人

和王文學玉臺體 丙寅九月京師賦

南城空目送西館斷心期懸知今夜思明燈半下帷

夢後聞蛩 丙寅九月京師賦

籠燈更欲滅枕下蟲聲切底許事相關煎人腸斷絕

寒宵歎 丙寅十月京師賦

可憐明月光委曲照空牀自是元無夢更悲今夜長

春晚樓上 丁卯京師賦

楊花吹復盡春色但茫茫獨立西樓上持情向夕陽

和王文舉別館初夏 丁卯京師賦

薰風酣綠樹午日思黃鸝的灼羅窗夢西隣可得知

慶湖集卷八

四首

和陳傳道秋日十詠 丁卯九月京師賦

近砌擲鳴籤長簷懸素綆溼翅暝鴉歸高梧落寒本
深井

右秋雨

歸雲去悠悠長風來獵獵簷角兩長秋斜陽暝黃葉

右秋晴

病骨倦空林曳杖閑庭步暗燭與寒蟲迢迢思風露

右秋夜

未捲半簾霜猶疑在庭月倚樹汲清泉疎風獵華髮

右秋曉

霜空出華月樽酒聊相對別後復嬋娟故人千里外

右秋月

紛紛脫柯原作何據朱本改葉袞袞斷根蓬不待吹揚力隨

風亦自東

右秋風

宿雨塵霾靜寒原黍稷空臨風聊放目不為送飛鴻

右秋望

擬從康樂公雙躡登山屐晴夜宿天台披雲看初日

右秋興

梅梁巢已空去此復何從勿憚歸飛遠冰霜不爾容

慶湖集卷八

五 直 秋 儲

右秋燕

不復怒飛聲朝雞得擅鳴婆娑原作婆娑朱本改猶有地媚

窺畢餘生

右秋蠅

和同行潘生悒悒悠悠二首 戊辰三月金陵

賦

悒悒復悒悒愁眠成夢泣薄暮落花天高樓面風立
悠悠復悠悠淚寄東風流所思悵何許西北齊雲樓

長安在何許二首 戊辰八月歷陽賦

長安在何許疑是青天上矯首遡西風溪雲斷人望

長安在何許疑是白日下徘徊天一隅華月生新夜

懷寄清涼和上人二首 戊辰十月歷陽賦

不見江南客願聽江南鐘傾耳度遙夜天寒多北風

試問江南客何時肯度休朱本原作名據情是湖

水每日石頭來

梅花寄清涼和上人 己巳十二月二十三日

石磧戍北馬上賦

石頭城上客領取一枝梅何事春消息今從江北來

送僧法印智因西上 庚午正月烏江賦

千里長淮北東風破雪寒此行休問路驀直到長安

慶湖集卷八

六 直 秋 儲

懷寄彭城朋好十首 庚午九月歷陽賦

元弼今安健音塵久闊疎早年傾蓋意白首復何如

右寇三 別三年始通再問朱本作別五年始再通問

努力張謀父躬耕老白雲無年儉足用此外奈何君

右張大 寄聲有田居食不足之嘆

子仲安貧者毗陵久罷歸秋風一相憶賴有燕西飛

右劉四 名士真謫官原作歸據朱本改毗陵罷歸已

人

好在張居士雲龍寄夢頻西齋原作齊據朱本改見風月連

榻復何人

右張十七 聞廢雲龍山居增構城中西齋甚宏邃

希遠來彭澤聊爲三逕資拂衣歸底去命駕定何時

右董大 名初嘗原作常據朱本改攝沛長累月解印

去職

遠寄陳傳道窮愁亦罷官遺驅款段馬吟雪向長安

右陳二 先余之官下邳計今已受代

不見會之久每思詩酒豪扁舟由甬上乘興可須招

右王十三 期余罷官會甬上

子敏超龍級得官何處州宅時趨洛下獨與士龍遊

慶湖集卷八

七首 秋 館

右王七 名通方第進士而喪其兄子立

寇叔情何厚郵筒數得書前春應上冢能訪酒家無

右寇十一 應之每歲上冢遂由京師必訪余

於酒壚

試吏王文舉俄纏風樹哀明年道灘上爲爾一徘徊

右王三 始調華亭刑獄掾以家難罷今執喪

原本遺據朱本補宋城

和錢德循古意二首 辛未五月京師賦

駕犁豈知耕布穀不入田大農坐官府百吏飽窮年

維漢南有箕垂象列三辰長司簸揚職穡稌居前塵

送王西樞出鎮鄭圃八首 壬申六月京師賦

千載君臣會將圖不世功卷收天下福偏厚右扶風

帷幄參神算邊塵萬里清西藩聊偃息猶是一長城

公論由來重高懷此去輕吾非厚知己感歎此蒼生

新書許從事狡穴盪應空寄語征西將無矜獵犬功

前日神州尹聲華掩趙張春風長有待難原作難據朱本改

樹是甘棠

來暖西樞席斯民賴已多前春鳳池水四海漲恩波

門闌曳裾客皆自許人豪今日宸庭朱本下誰知北

原作比據朱本改郭騷

慶湖集卷八

八首 秋 館

裘繡行將復沙堤百里東病夫雖老矣猶解賦幽風

題海陵寓舍二首 甲戌正月賦

池上千條柳依依解占春自憐衰颯鬢不與物爭新

池上雪初消春鴉已占巢自憐流寓迹無地可誅茅

追和亡友杜仲觀古黃生曲三首 甲戌四月

海陵獲仲觀遺編追和此

朝爲原作出據朱本改去山雲暮爲還山雨誰謂物無情歡

期不如許

歡歸夜何其月照臨門別後夜待歡來開門但明月

要知兩儂心等是它山石此誠不可轉彼情無自入

京居感興五首 丙寅秋彭城陳傳道見寄五
詩以目送歸鴻難爲韵尋和荅之乙亥八月食
貧京師復取手拊五弦易爲韵五詩俟他日示
陳也

壯圖可復道罄折營五斗負郭二頃田何時落吾手
平生感激心炯炯徒自許塵埃五十絃難爲齊人拊
稠人致高位一二難遽數驃騎彼將軍未應賢第五
擾擾塵籠下容身亦自賢橫屍道邊子共笑直如弦
長言與短調誰謂高游藝謾賦芳草篇長安居不易
和邠老郎官湖懷古五首 事見第五卷中丁

慶湖集卷八

九

丑八月江夏賦

郎官老詞筆得爾壽春碑姦賊餘靈在斯文朱本是
戮屍

白也遭時網臨年放夜郎何妨去物遠當道橫豺狼
昔人泯黃壤陳迹變滄波劫火洞然壤無如嘉句何
杜守王明府吾知夫不凡解持餘酒載一飶原作飲
逐臣饒

岑輔何爲者當年唱不鷹名隨詩石在附驥兩青蠅
江夏八詠 丁丑九月采江夏陳迹未著于時
者賦之以補郡圖經之闕焉

祖龍礪長劍昔道此南巡徒挾雄鋒利湘川奈水神
右磨劍池 在頭陀峰頂相傳始皇南巡磨劍
于此石亦存焉

孟公泣竹地今是布金園不保五畝宅非無百代孫
右靈竹寺 相傳孟宗故居也

高岸已爲谷斯人如蛻蟬固應留寶刻信是原作示
當家仙

右祖貫墓銘 祖字子元元和乙亥年過吾家

外監授丹及原作皮據 訣後六十年始化去原

遺據朱本 壽九十五門人許鼎爲其疑埋銘載

慶湖集卷八

十

季真天台昇仙事甚詳後爲瓦官殘子元墓棺

已空矣此銘今在天慶觀中

亡一章原作空行此三

右舒元與榜 舒依邨朱本 士美僑居江夏太

和二年登朝方盡室去此將行題榜留于頭陀

佛祠之殿梁上至元祐中郡守王得臣始命李

康年序其事而摹刻于石榜遂失所在

亭揭奇章榜斯民孰去思多慙羊叔子涕泗峴山碑

右奇章亭 在黃鶴山最高頂牛僧孺屢登燕

于此後人因榜奇章云

南津趙陀石云是昔人舟長懷精衛志不得朱本長
江流

右趙陀石 在鄂之南浦長十許丈高亦半焉
相傳昔人沈舟之所化也

西戌夕陽晴東城石鏡明有山名八字供作兩眉橫
原注八字山 見戴洋傳

右石鏡亭 黃鵠磯有石明瑩可鑑亭占其上
榜曰石鏡云

應龍背此去雷雨助騰伸朱本舊穴潛蛟蜃風波橫
要津

慶湖集卷八

三宜 秋 館

右龍穴渡 相傳有龍于此今爲津步

變竹枝詞九首 戊寅上巳江夏席上戲爲之
以代酒令原缺據 朱本補

莫把雕檀機江清如可涉但聞歌竹枝不見迎桃葉
隔岸東西州清川拍岸流但聞竹枝曲不見青翰舟
露溼雲羅碧月澄江練白但聞竹枝歌不見騎鯨客
北渚芙蓉開寒裳擬屬媒但聞竹枝曲不見莫愁來
西戌長回首高城當頁口但聞竹枝歌不見行吟叟
南浦下魚筒孤篷信晚風但聞竹枝曲不見滄浪翁
勝概今猶昨層樓栖燕雀但聞歌竹枝不見乘黃鶴

危原本遺據 朱本補構壓江東江山形勝雄但聞竹枝曲不
見胡牀公

蒹葭被洲渚鳧鷖方容與但聞歌竹枝不見題鸚鵡

題畫卷後六言二首 元祐壬申京師爲宗室
令竊文煥賦後八年文煥物故二圖爲宅人有

復見此詩錄之

蹇驢烏帽禪客落日黃塵故關已悔棄繻昔去更逢
挈履今還

右關路逢僧圖

結茅百尺荒臺杖藜一徑莓苔謝絕雞羣老鶴不應

慶湖集卷八

三宜 秋 館

端爲琴來

右鳴琴召鶴圖

慶湖遺老詩集卷第八

慶湖遺老詩集卷第九

七言絕句六十首

清燕堂 丁巳四月趙郡賦

雀聲嘖嘖燕飛飛在得殘紅一兩枝
睡思乍來還乍去日長披卷下簾時

北園初夏 丁巳趙郡賦

天氣清和樹蔭濃冥濛薄雨溼簾
原作簾據朱本改 櫛蕩紅半落生香在向晚玫瑰架上風

秋風登城樓 己未七月滏陽賦

襲人風露覺秋初臨水高樓更雨餘
天幕鮮明河影

慶湖集卷九

二首 秋賦

淡行雲流月兩徐徐

初見白髮示內 庚申三月滏陽賦

安能屈指計封侯西日東風見白頭
信是色身非我有若論身外更悠悠

局中歸 庚午五月滏陽賦

心火成灰不復然故園笑別十三年
晚涼原作景據朱本改 退食無餘事坐與兒曹挽原作挽據朱本改 紙鷲

野步 庚申七月滏陽賦

津頭微逕望城斜水落孤村格嫩沙
黃草菴中疎雨溼白頭翁嫗坐看瓜

和崔若拙四時田家樂朱本無此字 詞四首 崔字至之庚申八月滏陽賦

鼓聲迎客醉還家社樹團欒日影斜
共喜今年春賽好纏頭紅有象生花

野蔓牽花過短牆麥秋時節併蠶忙
迎門老父延行客井汲清甘樹蔭涼

雞聲犬吠遠相望社酒登槽喚客嘗
曉日清明陂更闊風吹蕎麥蜜花香

晚雪漫漫沒兔窟滿盃豆粥餉隣家
夜長少婦無春織一點青燈伴緝麻

慶湖集卷九

二首 秋賦

西城馬上 辛酉正月滏陽賦

燭冷塵消過上元晴明風日柳初繁
偷閑偶到曹選 城西朱本作 陌喜見青山原本遺據朱本補 似故園

再遊西城 辛酉二月賦

柳條破眼已堪攀鷺下城隅水一灣
後日重來寒食近杏花林外見青山

東城送客馬上 辛酉二月滏陽賦

向午孤烟起客櫓一陂春水兩鴛鴦
漁童解唱滄浪曲應笑塵埃馬上郎

魏城東 辛酉二月元城賦

短短宮牆見杏花
霏霏晚雨溼啼鴉
欲將今夜思歸夢
憑仗春風吹到家

成安道中懷寄馮惟逸
馮字日休趙郡滏陽

兩為僚友辛酉二月賦

蒼面黃須過壯時
欲投閑去朱本兩難期
人生自是無根物
南北東西任所之

李固道中懷寄杜邯鄲
青堂在縣廨中辛酉

三月賦

西望叢臺百尺間
車輪無角不知還
大夫庭下長無訟
誰伴青堂整日閑

慶湖集卷九

三宜 秋 館

僧居對雨二首 辛酉四月冠氏賦

簷雨濺濺滴砌沙
綠叢深處一榴花
小窗隱几俄成夢
堪笑無功餽後茶

平沙四繞護城堤
小雨經旬不作泥
似與幽人慰牢落
一雙黃鳥隔牆啼

再涉南羅渡 辛酉八月賦是夏大河西徙遂

可徒涉

滯水蒼生朱本作生苦沒馬蹄
漲沙隱約見原注胡甸朱本作現金隄
禹功寢朱本作寢久人無繼
未信東流不復西

金隄客舍望南樂城 辛酉八月賦

黃流漫渙浸城根
烟火依微日原缺據朱本補欲昏黍不登
非政罪居人猶得飽魚飧

過漕魏被水民居二首 辛酉八月賦

帶沙喇畝幾經淤
半死黃桑繞故墟
未必鄰封政如虎
自甘十室原本九下缺一九為魚

莫問居人溺與逃
破籬敲屋宿漁舸
中庭老樹秋風後
鶴鶴將雛奪鵲巢

離冠氏道中 辛酉十月賦

別酒厭厭一據鞍
遠林微逕雪迷漫
傷心不似原缺朱補來時路柳擺東風
絮作團

慶湖集卷九

四宜 秋 館

冬夜懷寄周文清郭天輔 辛酉十一月賦

壁缸向滅硯生澌
仰屋重哦舊卷詩
懸想北園閑散伴
青錢堆坐賭宮朱本作基

病告中荅王錡見招 王字誠之臨城故人也
時駕馬亦病足壬戌正月京師賦

伏櫪驚駘伏枕人不應
俱是厭京塵
東城自有乘肥客
白苧新裁探候朱本作春

穢舟廣津門外作 壬戌七月賦

綵竦原作練據朱本改橋西七日留
幾回回首鳳皇原本遺據朱本補樓如何一葉扁舟裏
載得離人萬斛愁

晚泊會亭 壬戌七月賦

後日原本作復復下缺一字據朱本改補曹選作此日符離復捨舟馬蹄塵
土入徐州祇應明月曾相識伴我時登燕子樓

題承天寺竹軒 癸亥五月永城賦

征衫初解就僧牀惠我脩原作脩據朱本改然一枕涼赤日
黃塵異途裏此君風味可能忘

楊柳枝詞二首 癸亥五月汲郡席上歌人楊

柔出二白團扇求吾詩為賦

方過清明雨後天回塘照影弄躑躅深情擬屬風光
主愛惜長條待少年

慶湖集卷九

五首 秋 節

楊柳東風盡日吹柔條應不自曹選作自不禁持都門三

月傷心地強半青青贈別離

自衛還徐憩永城王氏園 癸亥六月賦

歸路塵埃嬾著鞭北原作碧據朱本改窗仰枕碧雲天柴桑

此興無人學負爾清風七百年

席上分韵寄陳傳道 得懷字乙丑二月彭城

賦

忍穿布韞與青鞵困走京塵十二街擬仗飛雲寄招

隱東風吹落送朱本作送落君懷

東平周村驛觀臨川吳公題 乙丑八月賦

頓轡揮毫墨尚新碧紗從此碧生塵可憐庭下長楊
樹猶有清陰待路人

九日荅張謀父見招 乙丑彭城賦

昨夜新霜滿菊叢起來何面對西風白衣送酒無消
息賴有西隣張長公

九日張謀父席上 乙丑彭城賦

浪竹低枝掃隙塵到簾秋朱本作清月欲留人西家一斛黃華酒沈醉吳音賀季真

早發斜溝道中寄王有元 王字會之有詩見

寄云應無好夢到彭城因此荅丙寅二月賦

慶湖集卷九

六首 秋 節

處處春林有鳥啼恨無芳酒一樽攜何緣復得彭城

夢日日東風送我西

泊舟永城寄京都朋遊 丙寅閏二月賦

正西千里是青門橋下春流帶雨渾朱本作痕想見舊遊

芳草合有誰樓上與銷魂

將發永城題陳伯雋蒙軒 丙寅閏月賦

幾對春風把酒盃小舟臨發更徘徊四明狂客重來

日庭下榴花開未開

京居暮春感興二首 丙寅三月賦

閑坊稅屋遠人羣晨鵲昏鴉亦厭聞無奈春風作多

事滿庭花絮正紛紛

擾擾奔蹄與疾輪九街尋勝作狂人東風漫送朝來雨可奈長安自古塵

春夜對月 丙寅三月京師朱本賦作都

麗景門頭初月明清川燈火兩橋橫一舟若許東南去何處西風羽翼生

遊夷門資福佛祠園 丙寅四月京師賦

百根高樹挂凌霄鴉鴉飛來深處巢心喜七年有歸者白衣居士此誅茅

卯醉口號 十月二十日朱本作十日二月廿日賦

慶湖集卷九

七 宜 秋 備

丙寅元祐初年冬賀老困寓京塵中無心炙手權門熱曝背晴陽坐屋東

沐下晚歸 丙寅十一月京師賦

隋渠經雪已流水乘興東遊恐未能試問何人知夜永一樽相伴小窗燈

陳留道中 丁卯二月十九日朱本無此三字賦

強半春風掩戶庭出門唯見麥青青從來赤白歌桃李曾與何人伴醉醒原作醒據朱本改

過曹氏園馬上作 丁卯三月朱本有京師二字賦

香風細細出重牆不見繁枝已斷腸知有何人卷簾

箔卧看零落滿斜陽

和人傷春 丁卯三月京師朱本賦作都

入簾輕絮故依人夢後題詩欲判春縱使相思解銷骨此情終未作黃塵

重賦京居暮春感興 丁卯三月賦

怒風狂雨信悠悠收拾春華不少留祇有柳綿吹未盡牆陰落泊原作伯暮朱本改伴人愁

送人朝饗裕陵 丁卯三月賦

三年不見鼎湖龍弓劍塵埃玉座空白髮孤臣心斷絕滿山明月栢城風

慶湖集卷九

八 宜 秋 備

登興國寺樓 丁卯五月京師賦

怪槐風動綠鬢髻廊外時聞演梵僧悵悵無人共樽酒可憐明月最高層

李氏池上 丁卯七月京師賦

湖外西風吹雨絲半隨楊柳拂漣漪女郎偷折藕花去沙上鴛鴦睡不知

遊莊嚴寺園 戊辰五月歷陽賦

石楠朱本作榴花落小池清獨下平橋弄扇行蔽日綠陰無覓處不如歸去兩三聲

黃埭魏氏見江亭 戊辰七月歷陽賦

浮生欲寄酒杯閒馬上誰容一日閑不是登高粗解賦老夫真負爾江山

題贈芥堂老僧遇來 戊辰八月懸陽賦

歲計江邊二頃田不能多應世間緣閉門密竹荒松裏杯粥爐香六十年

茅塘馬上 戊辰九月烏江賦

壯圖忽忽負當年回美農兒過我賢水落陂塘秋日薄仰眠牛背看青天

阻風小孤山晚晴 丙子五月四日賦

小孤山下晚波恬妥墮青鬢玉鏡匳借與彭郎作眉

慶湖集卷九

九宜 秋 館

樣西南初月正尖纖

題漢陽寓舍老桑 丙子六月賦

曾無沃若飽吳蠶腹蠹聊供啄木饑底事殷勤嘜元緒不應有意耐炎炎

秋江晚望 丙子九月江夏賦

黃蘆洲渚赤楓林林外殘陽疊嶂深記得廣陵城裏市董源橫障賣千金

和吳連夫見過留題 丁丑清明江夏賦

雀羅門巷不容車杖屨相過一試茶後日相思會乘興五雲溪上是儂家

題詩卷後 戊寅三月江夏賦

詩豈窮人窮者工斯言聞諸六一翁端慙少作老更拙不廢汝詩吾固窮

慶湖集卷九

十宜 秋 館

慶湖遺老詩集卷第九

後集補遺

虞伏讀前集序云自己卯歲嗣有所賦別為後原本

為據朱本改集所謂後集以經兵火散失不復得有朱本無此

字近搜故彙所遺及于佛祠廟宇題詠洎碑刻鐫勒

并士大夫親戚傳得其一二皆此集中無者故續書

卷尾為後集之補遺稟老矣不復得全其爾來樓藏書志作其

全集後之子孫續有得者當綴其末

黃山席上別當塗僚友

自昔有宇宙便應有此山如我與君者幾輩來躋攀

聲迹兩磨滅寥寥千古間短生一浮漚妄比金石頑

慶湖集補遺

二宜

五福人所願九齡神所慳著身名利場寵辱如循原本

尋據朱本改環不見倦飛鳥翻然亦知還酒闌解袂去老

矣遂投閒

右見遺稿

九日雨中作

九夏赤旱百井枯三秋積雨釜生魚凌高徑醉不易

圖問底黃葉疑花之誤今有無願致皎白來庭除昏瞳爛

卷勤卷舒管中一斑聊自娛未羨百里鳴笙等少日

用壯膽力麤六鼇可取負而趨誰謂衰遲百病餘雀

鼠入屋不受驅長鋏長鋏歸來乎泥深沒蹊行無車

咄嗟蠟屐非雙鳧安得翩然過故原本遺據朱本補都

右見遺稿

送何安中之官新安錄事

帶郭荒山百市牢躋攀幾見病猿猴官糧可數纒雞

肋吏事懸知倍馬曹芸閣有書行且召原作宜據朱本改

堂須養未容高慶湖老子何堪別隱几僧坊更寂寥

右見遺稿

送時適歸彭城兼寄王會之并張白雲

壯年客宦樂徐州五見黃花戲馬週無復登山拋舊

屐不堪臨水送歸舟東城公子猶三徑南墅先生久

慶湖集補遺

二宜

一邱為話吳門非樂土鱸魚菰黍漫淹留

右見遺稿

方明古免喪西上山陰賀鑄方回以詩送行非

敢贈言聊書美志

西上遲遲誰挽留了君方寸慕松楸三年既盡亦當

起五斗有餘非所求早歲向風勞企羨殘生指外願

依投得官儻近柴桑里應許江邊著釣舟

右見遺稿

清明病中

寒食晴陽少江南此候同侵晨潑火雨薄暮駕潮風

目力書籤上生涯藥裏中可憐佳節物似不繫衰翁

右見遺稿

題葉翰林道卿手書唐人唱和後朱本無集此字

翰客文房萬卷餘說說翻是蠹書魚載薰載曝徒為

爾秦築長城錯備胡

右見遺稿

題項羽廟三首

分張天下付羣雄回首咸陽卷地空六國三秦隨擾攘錦衣何暇到江東

右一

慶湖集補遺

三宜秋館

楚都陳迹久灰埃一曲虞兮尚寄哀不作偷生渡江計可須千里更西來

右二

三戶睚眦竟破秦君王武略世稱神途窮一夜無遺恨挈首殷勤予故人

右三

錢塘海湖

高岸如陵累石頑一支漲海橫中間九軍雷鼓震玉壘萬里墨雲驅雪山秦政維舟羞膽怯史遷祗筆恨才慳錢郎幾許英雄氣強弩三千擬射還

右見遺稿

吳門秋懷

吳門客鬢再經秋城原本遺稿朱本補郭籃昇久倦遊平靜

松江三萬頃不應無處著漁舟

右見遺稿

丹陽客舍示曾紆公袞

眼裏鉛華今日見胸中冰炭幾時除欲知老子消懷處靜夜青燈一卷書

右得于兩浙漕曾紆公袞

鑄年五十八因病廢得旨休致一絕寄呈姑蘇

慶湖集補遺

四宜秋館

毗陵諸友

求田問舍向吳原作吾據朱本改津欲著衰殘老病身未拜

君恩賜剡曲歸來且醉鑑湖春

鑄六代祖廣平郡王在五代閒久從宣祖皇帝遊因納女事太祖皇帝封孝惠皇后賜第在開

封隆和里當時宣祖太祖太宗潛在邸中每喜

飲臣家酒後來鑄高祖六宅使嘗一日預內宴

因有旨宣原本遺稿朱本補索遂進舊酒并釀法就賜

名鑑湖春

鑑湖先生酷志嗜書未老挂冠告歸滿朝榮慕

真漢之二疏也以詩卜居于姑蘇毗陵兩郡親

知作舊和之者皆一時名公柄于先生門下有

姻契亦嘗作兩韻今豫登欲補完後集記錄以

呈豫登儻不棄孤陋許以柄詩附先生集尾使

晚生廁名于其閒抑何榮幸也晉陵鄒柄德久

詩云清監風流賀季真先生端是昔人身如何

未老催歸去要卧烟霞兩郡春其宅名公和者

柄失記

題毘陵僧舍二首

古寺相留跨兩年窮通出處固天然短檠燈火掩書

慶湖集補遺

五直秋館

卷屢聽芭蕉夜雨眠

秋風忽起家山意流落天涯歎憔悴古寺不挂寰瀛

圖終南山翁何處至

右得于晉陵孫朗仲益

和題毘陵薦福寺紅梅

一種梅生禪老家屋簷古榦恣敬斜詩人莫訝深紅

色可勝尋常桃花

右得于晉陵孫觀仲益再得于僧惟訥云從教

盡作深紅色絕勝尋常桃花

吳江送客

送別松陵道輕舟助客拏湖空翦葭莖市隘集魚鱖

薄雨啼殘雪新潮蝕嫩沙鏡中羞杏原作杏據 颺行

復見春花

右得于屯田郎官范雱伯達

題流香亭

秋色朝來已十分遠山清瘦露雲根芙蓉昨夜驚風

雨葉葉流香有淚痕

右得于屯田郎官范雱伯達

王迥子高挽章五首

我昔官房子長懷忠穆賢里無行馬第山有卧牛阡

慶湖集補遺

六直秋館

當代三公

原缺據朱本補

後維君五福全桐棺

原作官據朱本改 遠

歸附道舊幾潛然

卓爾金閨彥頎然玉筍班周旋三友益零落十年閒

輾轉靈輻動悠揚素旆還暮年懷抱愛應未辦追攀

蕭散竹林風平生約略同官班魏叔夜年輩晉安豐

民詠濡須政朝推胸臆功九原無復作埋玉恨何窮

南浦維舟訪東堂抵榻眠後期猶指日輕別遂終天

墨妙今初貴詩鳴久已傳清風知未墜諸子更翩翩

已矣知無憾賢愚共此途白駒馳白日黃髮掩黃壚

和氏終還趙干將不葬吳驚疴如可強猶擬奠生芻

右見王公治行集

約十客同集金山米芾元章約而不至坐中分
題以元章未至分韻作詩拈鬪韻應口便作滯
思卽罰巨觥余得章字

九客相逢思楚狂停歌罷飲緩行觴座中那更添嚴
令分韻吟詩招阿章

右得于將作監米友仁元暉

題秦觀少游寫真

淮海多才士徒希馬少游誰容老芸閣自識死藤州
狀貌披圖爽陽春掩卷愁湛郎長鬣爾殊不嗣風流

慶湖集補遺

七直 秋 館

右廩省記

別王銍性之

吾老無北里疑理之誤子能詎南來臨分卽間訣薄暮更
徘徊晚節徇微尚方剛患多才此生南與北出處兩
悠哉

右廩省記

後集補遺

始予讀公墓誌謂有詩二十卷而所得前集財
原缺據爾宋樓藏書志補九卷竊疑其脫略以公自序如此
且其孫所手抄遂信之竭來邵陽因命鋟木旣

而有于公家嘗傳卷之十者爲予校讎果少近

體一卷缺古風一首絕句二十首又得公之爾宋
樓藏書志子廩豫登補遺二十七篇并程公之

序錄以見寄屬瓜代之日無幾不暇附益改作
姑目曰拾遺而並刻之以全其集云紹熙癸丑

三月五日澄原作登據爾宋書樓藏書志改

慶湖集補遺

八直 秋 館

慶湖遺老詩集拾遺

鑑湖遺老序序字上疑

鑑湖遺老詩凡四百七十二篇其五字八句詩鍛煉

出入古今為集中第一其餘大抵名家作也余少讀

唐實錄與會稽石刻見賀季真棄官本末方開元天

寶之交天下號無事文學士見貴重季真出入禁省

冠道山友儲副極當世華寵然一旦不顧去為千秋

觀道士使人望朱本作視之超然如雲漢登秦望行剡川

未嘗不悠然遐想也季真去後四百二十載建中辛

巳歲始識其孫方回江湖上蓋鑑湖遺老也方回落

落有才具觀其詩可以知其中間累原作罷據官

錢塘及通守兩郡輒謝病去為祠獄朱本收吏

又一旦挂衣冠客吳下窮達雖不同其勇退樂閑故

有鑑湖餘味然余謂方回之為人蓋有不可解者方

回少時俠氣蓋一座馳馬走狗飲酒如長鯨然遇空

無有時俛首北窗下作牛毛小楷雌黃不去手如塞

昔書生方回儀觀甚偉如羽人劍客然戲為長短句

皆雍容好爾宋樓藏麗極幽閑思怨之情方回恍惚

多感激其理財治劇之方疊疊有緒似非無意于世

者然遇軒裳角逐之會常如怯夫處女余以謂不可

解者此也余奇窮飢憐可憎方回多交遊乃獨以集

副授余曰子好直美惡無溢言為我詳而敘之此亦

豈其不可解之一端耶政和三年癸巳歲十月朔信

安程俱敘

古風一首

答僧訥 守訥鄭氏子字敏中三代第進士訥

亦兩至禮部既壯祝髮事師圓照本公庚午十

二月相遇于金陵以長篇見投其自敘如此因

荅之

唐代衣冠高四姓太宗之亞滎陽鄭不墜家聲五百

年桂籍相望三葉慶上人猛謝區中緣破冠投櫛還

童顛寸灰已滅五經笥來入原作人據辨才無礙禪

我竊官糧眾人後相逢宛是平生舊一聞南國白頭

吟萬媿西風碧雲陋老雀終辭雞羣誰將斷綆絆

浮雲宅日傳衣度梅嶺解留何語與將軍

近體長句五十八首

登海陵齊雲樓 甲戌正月賦

樓外浮雲何可攀聊將朱本樽酒共銷閑歸心歛起

登臨際春色來從想像間晚雪晞時見芳草滄波盡

處欠青山長安桃李行應好解笑劉郎底未還

酬別曾忱一曾字誠之嘗任共城尉相聞蓋久而未始相際甲戌二月曾自通川放還邂逅于海陵將行爲賦是詩

昔年室邇歎人遐少日相逢別日賒聊寄歸心天北雁會乘高興斗邊槎雷驚白晝龍蛇起風蕩青春草木華誰念渠伊獨憔悴豈容平世賦懷沙

送張師常之官南雄 張累官嶺外結婚于海陵因識之甲戌三月賦

爰居踰海西頭紫鳳求皇亦少留持酒一樽明日別題詩幾處舊年遊春風白芷江南岸暑雨黃梅嶺

慶湖集拾遺

三

上州却望衡陽千里遠懸知無雁託音郵

送方安行之官高密令 方字必中有通籍休官之志甲戌三月海陵席上賦得童字

平世功名輸阿童束書洗劍栖漁篷晚交東武百里長想見桐廬三拜風白雪興闌吟社遠綠槐陰合訟庭空它年朱紱指東道試訪釣鼈浮玉翁

送江與京歸山陽 江字茂宗甲戌三月海陵

席上賦得山字

山陽澤國四無山百雉危城兩水關楊柳遙知紫極路滄波長羨白鷗閑病來藥裏爲吾累興盡漁舟送

子還風月異時何限思區區併入尺書間原注紫極宮在郡城西南隅楚人遊觀之地

海陵書事 甲戌三月賦

海濱流浪胡爲乎況復支離百病餘三月逢梅識春色半年無雁託歸書老鳥啄屋巫呼鬼野艇橫門米換魚回首揚州纔百里畫橋風月可憐渠

聞鸞有懷故園 甲戌四月海陵賦

海陵春後雨冥冥耳厭鼃噪鸛齒鳴何意東亭好風日流鸞忽作故園聲故園千里長牽夢老病三年不廢情想見楊花收卷盡綠苔池院落朱櫻

慶湖集拾遺

四

海陵西樓寓目 甲戌四月賦

天涯樽酒與誰開風外徂春原作風據朱本改挽不回掃地可憐花更落卷簾無奈燕朱本改還來王孫莫顧漳濱卧漁父何知楚客才強策驚筋懷故國浮雲千里思悠哉

寄興化黃主原作生據朱本改簿杞 黃字原禹少年

奉道世味殊薄甲戌四月海陵賦

何準第五不足原作廷據朱本改稱黃童無雙非自名卑栖鸞鳳安初仕葆練龍虎希長生明月高吟紫芝曲紅塵先老白雲兄莫辭一力走三舍遠朱本改未能來頻

寄聲

海陵喜雨 甲戌四月晦日賦

閏年四月之相交旱天雲物何蕭騷清風捲地換塵
世白雨入林翻海濤殊勝農兒踏車健少寬病夫揮
扇勞須晴徑買一漁艇想見橫塘深半篙

食鱒魚 甲戌閏月有人饋此因賦

雨長沙田三尺蘆截江羅鈞待嘉魚上鉤一尾誇先
得下筋千錢忍棄餘倦客罷彈腰下鉞故人忘寄腹
中書知機何獨張生翰不俟秋風已起予原注鱒魚
初得尾直

慶湖集拾遺

五宜 秋 備

題海陵寓舍四首 甲戌閏月賦

藜藿荒庭微逕通支撐破屋古池東暮涼百燕抵突
雨晝靜一蟬饑餐舊作飛據
朱本改風隱几敢希南郭久移
文方謂北山空森然槐柳相差池宅日低回憶箇中
右一

近徑籬根歌蟋蟀向明屋角網蜘蛛黃葵紫萸雨張
王原注二字
並去聲花蚊白蟻風驅除輾轉猶憎夏夜久支
離何堪春病餘預愁還作舊年調兩眼京塵懷鏡湖

右二

倒障開窗面曲池塵襟初喜豁然披清風殊不去人

遠明月端能與我期鼓吹青氈聊自喜歌謳白鳥漸
相欺紛紛利害朝昏出閉目忘言是住持

右三

千里家園安在哉羈栖猶喜占池臺酒非從事斷年
別風是故人彌口來黃鳥緝蠻紫棊熟白鷗澆潯綠
萍開頗知老子機心廢留得渠伊興盡回

右四

聞蘇眉山謫守英州 甲戌五月海陵賦

嶺首登臨楚粵分披襟先喜得南薰座隅鵬鳥敢要
賦溪下鱉魚相畏文酒洗黃茅瘴時雨嘯驅碧

慶湖集拾遺

六宜 秋 備

落洞中雲高才何假江山助來朱本
作未擬區區詠五君

寄金陵和上人 前歲嘗以二詩寄和有卜居
之約久未見浪甲戌五月海陵再賦

舊年問米欲東流賦新詩寄石頭赤鯁久沉江上
信雜縣誤落海邊州想君道眼遙相識顧我官身可
自由香火因緣知有在艸菴蔬粥不他求

許永席上賦 許字子長家原本遺據
朱本補饌甚美
名十八仙時余抱病節酒而歡亦同之甲戌中

元日海陵賦

流浪江湖跨原作誇據
朱本改兩年西風猶駐木蘭船可人

方外二三子與爾樽中十八仙處士妄同公子議麴生未減索郎賢自憐衰病方轟飲也在劉家幕下天

酬別道師許自然 許山陽人嘗爲郡道正後

補茅山都正懷土北歸寓紫極宮將謀西上求

試所學以詩見投因酬之乙亥正月山陽賦

早慕浮雲恥繫匏冷然風馭起三茅青菁可種無閑

地黃雀歸來失舊巢石鼎煩傳驚俗句醉圖未免取

僧嘲何須西望長安笑誰是平生莫逆交

題任氏傳德集 任中立承制既死交原作文據朱本

改親賦詩弔其不遇者凡百人集而名之曰傳

慶湖集拾遺

七宜 秋 館

德二子廣靡亦有學術乙亥三月與吾相際干

永城求吾一詩爲賦

釣魚公子學屠龍潦倒西班八品中鼠目獐頭登要

地雞鳴狗盜策奇功儀刑拔士無光祿經術傳家有

聖童慨想斯人安可作九原松檟幾秋風

送周開祖出守鄱陽 乙亥六月京師賦

三尺京塵袞袞中略無閑地貯清風鱸魚蒱菜經年

別皂蓋朱轡一日東俗眼強分青白在芳樽未覺聖

賢空鄱陽不乏江山助高興都盧屬謝公

贈僧彥 彥字純老庚午冬余泊舟秦淮屢與

純老過鍾山泉禪師丙子三月再由金陵泉公

化去已累月賦此詩以示純老

昔年校寫幾相從同遇彌天漢上翁早恨揚舲南浦

別俄驚掃地北山空壯心脫落浮雲外病骨枝梧夢

境中賴有西巖舊桃李異時應許共春風

秦淮官柳二首 丙子四月賦

秦淮兩湖西復東淮邊楊柳酣薰風送春白花去漠

漠避日黃鳥啼恩恩陶彭澤多倦官歎桓瓊邪今衰

病翁此身會復有健日擬就綠陰橫釣篷

右一

慶湖集拾遺

八宜 秋 館

西來載病一扁舟建業江山負勝遊楊柳經眠方自

得蒲帆臨掛復遲朱本淹留長條似舞前溪曲卷葉宜

翻出塞愁想見南朝舊人物可憐能箇樣風流

右二

和別清涼和上人 和結西庵招吾歸老故有

落句丙子四月賦

明朝解攜白鷺洲後日相望黃鶴樓建業水清供白

酌武昌魚賤足音郵着身物外不無處俛首人羣非

有求願報西庵落成會待公退卧儂歸休

重別和上人 和以余扶病之官臨分屑涕余

因留舊寫真以結西庵之緣丙子四月賦

分手風波路幾千
侵尋老境百痾纏
一官得飽亦勞矣
大士忘情猶泫然
北道音塵長斷莖
西菴香火不無緣
是身脫使先朝露
圖像聊依十七賢

留別彥上人 丙午四月金陵賦

道人臨別重留連
應念吾生汨世緣
拄笏看山猶故態
量船載酒異常年
興來不計遠千里
休去可須持一錢
會作清涼老庵主
兩盃分粥對床眠

留別王閑叟 王方閉關課誦佛書丙子四月賦

慶湖集拾遺

九位 秋節

婆娑原作婆據 晚境未知還邂逅
故人增厚顏次道朱本改

志包宇宙外子
車身寄江湖閒
一乘妙義想冰釋
九死餘生非石頑
敢負清涼阿師約
西菴先辦十年閑

烈洲守風 丙子四月賦

張帆早發石頭城
淹泊風波百里程
白芷汀洲潮進退
黃梅村落晝陰晴
官糧率迫少休日
藥物扶持多半生
深閉船扉謝漁老
自慙塵垢滿襟纓

晚泊三山懷古兼寄歷陽朋遊 丙子四月賦

三山春水拍江流
六代餘風掃地收
破國龍驤復安在
賦詩宣城難與訓
傷心遠宦北宗老
滿眼舊遊南

豫州寄聲好住數君子一別相忘風馬牛

晚泊東采石磯 丙子四月賦

謝衛將軍憐苦吟
袁臨汝郎遭賞音
風流人物豈如昨
形勝江關留與今
控鯉直思凌浩渺
然犀何假照幽深
莫招捉月翰林老
屈曲塵間猶陸沉

樣舟姑熟溪 丙子四月賦

潮來姑熟半篙深
帆落溪口檣如林
謝氏青山失故井
桓原作相據 郎白苧無遺音
良遊躡屐負登覽
衰病伏枕方呻吟
箇中二頃了吾事
悵悵十年懷此心

蕪湖王敦城下作 丙子四月賦

慶湖集拾遺

十位 秋節

斗立孤城日四圍
賊奴曾未懾天威
風生虎帳豺聲厲
塵犯龍顏魚服歸
首揭大航遺臭在
歌流樂府舊音非
當時不慕桓文舉
草滿中原胡馬肥

題皖山北瀕江田舍 丙子四月賦

江轉皖公山北流
蕭閑人物美田疇
一溪春水百家利
二頃夏秧千石收
小市竹樓張酒旆
平橋松島蔭漁舟
莫知農老何爲者
幾葉傳封樂國侯

晚泊小孤山作 山與澎浪磯相對沐猴鷓鴣

分占其上丙子五月賦是晚大風

江勢東南陡原作陟據 折回兩山屹
立地維開顛風

裂石轟雷下駭浪澎舟卷雪來捫蝨王孫初睥睨飽
魚鳥鬼但毳毼物情豈識忘形樂嘯倚檣干獨快哉

得周元翁斬春道中書 丙子八月漢陽賦

離離赤棗牆東林開窗下榻依牆陰杖藜相顧賴之
子隱几忘言知我心晚契初逢一東野清詩屢擲雙
南金官身為米自南北世路亡羊無古今夢澤草荒
孤驛遠洞庭雨入滄江深相思何以祝疑況高韻桂
樹秋風吟玉琴

送漢陽刑獄掾鄒永年解官歸養 鄒字天錫

其父以朝散郎告老因補此官會有大臣薦其

慶湖集拾遺

二 匪 備

父再起造朝天錫復落仕籍將行求吾詩丙子

八月賦

高歌每憶故山薇笑擲青衫換綵衣竟為蒼生安石
起本來男子次君歸脫冠弭櫂興非淺戴笠乘車誓
莫違明日渡江聊贈別武昌官柳尚依依

登頭陀寺峯頂庵 丙子八月江夏賦

磴道凌虛挂白虹頭陀上方黃鶴東滄溟五夜浴新
日老原缺據木三伏來淒風北夢南雲展張闢縱江
橫漢并吞雄楚鄉絕境此其一付與微吟多病翁

九日寄維揚劉明仲 劉字冲光淮南故人也

丙子江夏賦

揚舡瓜步背瓜州底處孤亭是玉鈞蠟燭有心啼別
夜布帆無恙到南州黃花嘉節與原注何事白髮故

人分取愁賴有滄江知客恨長年西北望京流原注

鄒渚即西北流

江夏秋懷三首 丙子九月賦

陳物紛然眼界中長年何與原注偶書空滄浪難為
俗子唱絡繹漫催貧女工風月少容休吏役烟波長
與濟途窮功成身退非吾事猶辦扁舟東復東

右一

慶湖集拾遺

三 匪 備

人物駸尋迫暮遲秋風萬里來如期幽蟲切切竟何
道羈燕忽忽朱本作將安之洛下微吟聊擁鼻西山
爽氣為支頤肯將翰墨悲流落寄語三閭彼一時

右二

此身豈復繫西東流浪江湖伴塞鴻曲突非圖三爵
客直鉤何羨六鼈翁千年陳迹祇今日萬里故園猶
箇中冗散偶迷人指數未應吟嘯坐妨公

右三

書疑脫國志陳登事後 丙子九月江夏賦

求田問舍良可嘉元龍偶未思之耶黃鼠長為太倉

耗白雲猶有青山家人生歛爾待鑽石世故紛然勞
算沙銷磨髀肉亦何事竟作子陽同井甕

寄別秦觀少游 秦南遷桂陽再過沔上隔江
不及見因寄是詩余三爲錢官丙子十月江夏

賦

沔陽湖上小留連疑是前時李謫仙流向夜郎纔半
道徑還江夏樂當年箇儂生以才爲累阿堵官于老
有緣待得公歸吾亦罷春風先辦兩漁船

潘幽老出十數詩皆有懷蘇儋州者因賦二首

丁丑四月江夏作

慶湖集拾遺

三宜秋節

人烟寂絕鬼門關更指儋州杳莽間三四月交天漏
原作滿據 雨東南地盡水浮山依迷春草鴿原失響
曹選改 像秋風鶴馭還回羨河陽賢父子雪堂曾伴十年閑

右一

舊隱江城東復東堂前楊柳付春風猶傳白雪興中
曲俄失黃梁夢後翁儋耳吉音無雁使蛾眉爽氣屬
狙公不應更廣窮愁志悟取平生坐底窮

右二

有原作省據僧自峽中來持黃黔州手製茶兼
朱本改能道其動靜與潘幽老賦二首 豫章人聚白

金十餘斤以寄魯直付一士子竟隱之不送故
有黃犬之句丁丑五月江夏賦

未聞原作開據東觀奏書成俄見西南萬里行從坐

何關李都尉補亡猶待楮先生心懸黃犬沈來耗耳
慣青駒祗舊鳴時節私庭差自慰鳳將雛去雁隨兄

右一

平生得祿僅榮親持底天涯料理貧夜戶不關無長
物晨炊待火乞諸隣山獠頗狹朱本能來虎水弩何
知枉中人少減家園舊年調攜籠先采雨前春

右二

慶湖集拾遺

西宜秋節

中秋懷寄潘邠老 潘將歸黃岡穫田故有落
句丁丑江夏作

西戍角聲清且哀東城鼓動殷然雷雨闌伏檻月可

待風橫原注棹舟君不來得酒未容歡獨伯原本遺

補把書端與睡爲媒雪堂歛歛急還舍更約頭陀黃

菊開

重寄潘幽老 丁丑中秋以少酒欲致潘來禽

云侍親燕甚歡翌日再賦此寄

輕舸鷺水帆如弓一伸臂頃來江東聊爲美酒致吾
子方事綵衣娛汝翁懸榻可容宅各坐閉關正與無

月同夙興行樂竟何有醒醉陰晴皆夢中

潘幽老以長篇求假吾書以副本送之 丁丑

九月江夏作

元凱有言君盍知借書還書皆可嗤家傳五載亦勤矣吾與兩雛當共之吏役豈容方外駕古人端在箇

中期聊分副本天隨子輯綴原作紹據朱本改來歸是一奇

示王泌 王歷陽之舊也相別八年會于鄂渚

憐吾衰病因以示之丁丑十月賦

違離南北幾星霜短髮蕭蕭帶尺長執戟郎教官落拓楚丘生觸緒悲涼雙鳧乘雁誰比數拉虎批熊猶

慶湖集拾遺

五宜 秋 賦

健疆端恨養痾妨廢酒樽前都屬箇儂狂

會致仕吳朝請潛登黃鶴樓見招 吳字達夫

與吾為忘年之友兼示慎獻玉故有落句丁丑

十一月賦

城隅黃鶴莫登臨端使悲風動楚吟日下長安人共遠天圍夢澤歲方陰北風欲雪雁飛急南渚始水魚伏深誰似草堂安隱與釋通用客下帷隱几不求心

雪後同吳達夫慎獻玉登黃鶴樓 丁丑十二月作

歲律崢嶸臘盡頭風吹朔雪到南州三湖簸蕩蛟鼉

恐七澤迷漫狐兔愁狂客定回青雀舫獵兒初試阜貂裘江樓伏檻迎新霽羣王峰前練帶流

曹永州哀詞 曹名暉字季明昔相際于永城

喪過武昌歸餘杭卜葬靈隱山諸子來求吾詩

為賦此戊寅二月旦日

老眼春風兩淚傾總惟樽俎異平生可驚人與琴俱絕但見肴晞酒復清相合水邊傳美政飛來峰下啟

佳城翩翩五六奇男子肯使高門墜厥聲

登黃鶴樓懷古兼寄潘幽老昆仲 幽老弟大

觀字仲達戊寅五月賦

慶湖集拾遺

去宜 秋 賦

漢大將軍楚國材半生倦韻浼塵埃徐夫人七首安

在丁令威華表歸來紫府無蹤勞原作芳據朱本改彷彿白

雲有待久裴徊樓標空闕天垠露川勢從橫地紐開

隴鳥賦成洲共永越人歌斷權先回會招物外二三

子長嘯披襟挹快哉

寄武昌方令臨李尉援兼簡黃岡二潘昆仲

方字孝能李字文舉戊寅六月望江夏賦

好在桐江三拜翁論仙之裔好應同如聞花縣兩郎

子興發能來一水東共醉南樓故時月斷無庾令浼

人風季真老病不堪酒澤畔微吟懷四儂

二月二日席上賦 乙亥江夏作時推官陳扶

將之荆南法曹萬邁彥亨罷官歸鄱陽余亦抱

疾此詩偶亡去庚辰十月邁還同席客復得之

因附卷末

原作未卷
據朱本改

仲宣何遽向荆州謝惠遠須臾少留二日舊傳挾菜

節一樽聊解負薪憂向人草樹有佳色帶郭江山皆

勝遊載酒賦詩從此始七年耆老話風流

七言絕句二十首

斗峴山馬上 戊辰九月歷陽賦

西來投策倦躋攀晚葉寒華一逕閒盡日閑雲不留

康湖集拾遺

七言 賦

雨斜陽還照隔江山

登如方山 戊辰十月歷陽賦

楚郊十月尚聞蟬傍道黃華亦可憐特上西山最高

處長安應在夕陽邊

渡冷水澗投宿萬歲嶺 戊辰十月歷陽賦

蕭蕭黃葉下清溝白鳥飛來故少留今夜行人短亭

宿小窗風雨夢漁舟

重遊寄老庵懷僧芝

原作寅癸
朱本改

九月望

日與僧法芝同遊芝有詩云淡遊聊得尉孤悶

誰問當年寄老心後月許日復為是遊芝公西

上已達京都矣

淡遊已恨失芝公陳躅空留夢境中欲問孤雲何處

去庭前雙樹自西風

寄有捷上人 捷鄱陽人嘗往杭州安樂山戊

辰二月與吾相際于盱眙留七日稅舟西上己

巳三月有書見寄因以此

原作此以
據朱本改

望日烏江作

捷也當年避畏途寄身一葉泛隋渠定須慙愧操舟

子千里風波汝渡吾

曉晴西郊馬上 己巳九月歷陽賦

康湖集拾遺

七言 賦

夜雨蕭蕭徹曉聞不應為我掃塵紛弄鞭十里西郊

道但見青山納白雲

重遊梵行院 己巳十月歷陽賦

曉渡南岡五里松梢廬未見已聞鐘門前拂地垂楊

柳掃淨秋來過馬蹤

同張漢求宿升中院西寮 己巳十二月烏江

賦

僧閣窗扉學畫船青燐燈火對牀眠北風帶雪披簷

竹渾似瀟湘夜泊天

送僧法印志因西遊京師 庚午三月烏江賦

宋人別集傳流至今原編者少四庫蒐輯永樂大典本者爲多慶湖遺老詩集九卷則仍宋原編之舊且於每題之下自紀年月當日事實班班可考尤爲宋集中絕無僅有者方回之詩在宋已推爲作手王直方詩話云方回言學詩於前輩得八句云平淡不涉於流俗奇古不鄰於怪癖題詠不窘於物義敘事不病於聲律比興深者通物理用事工者如己出格見於成篇渾然不可鑄氣出於言外浩然不可屈斯言也不啻方回自評其詩矣宋史藝文志云有集二十九卷而文獻通考直齋書錄解題及自序均作九卷

慶湖遺老詩集

一宜

何也九卷本乃慶湖之前集也後集及文集宋經南渡兵燹後已不復睹矣此集胡澄刊於宋莫邵亭書目云國初尙有刊本詢諸藏書舊家皆未經眼卽有摹印已同麟鳳崇仁華再雲先生藏有鈔本予假得逐錄一過又假洪幼琴所藏朱述之舊鈔本仍乞再雲瀾石昆仲代操鉛槧訂訛刊誤特未知視國初刊本何如耳付乘始自仲春冬月報竣因記其巔末於卷端時丙辰仲冬也南城李之鼎謹識

山松

庵

集

六

卷

乙卯仲春
黃家驥署
於潯陽
路總局
鐵



欽定四庫全書提要

崧庵集

臣等謹案崧庵集六卷宋李處權撰處權宋史無傳其集諸家亦不著錄惟方回瀛奎律髓中錄所作送二十兄還鎮江詩一首而注其後云處權字巽伯洛陽人邯鄲公淑之後有崧菴集宣和間與陳叔易朱希真以詩名南渡後嘗領三衢云云其履貫畧可考證而亦不言其距李淑為幾世是集傳本已絕獨永樂大典中有之今案

崧庵集

十一 宜 林 備

建康志有李處全小傳稱全淑之曾孫本豐縣人後遷溧陽官至朝請大夫而王明清揮塵餘話亦稱大理少卿李傳正為淑孫即處全之父據此則處權實淑曾孫而家於溧陽瀛奎律髓所稱洛陽當由刻本傳訛以溧為洛耳淑家富典籍其邯鄲圖書志晁公武每引以為據又精研聲律所作詩苑類格今尙散見諸書中處權承其世學更能標新領異別出以清雋之思於詩道頗為深造綜其大概五言清脫劉亮

畧似張耒七言爽健伉浪可擬陳與義在當時實一作手久經湮沒幸而復存亦論宋詩者所宜甄錄也謹採掇排比以體區別釐為六卷處全蓋處權之從弟其世系亦畧可備考焉乾隆五十一年三月恭校上

總纂官 臣紀昀 臣陸錫熊 臣孫士毅

總校官 臣陸費墀

崧庵集

十一 宜 林 備

崧庵集原跋

處權未冠始學詩於先君一日謂處權曰三百篇詩之祖也六義存焉至六月序篇卒之以小雅盡廢則四夷交侵中國微矣詩之道豈小補哉小子識之處權再拜服膺而退既冠歸洛則又學詩於鄉先生段處厚約亦一日謂處權曰昌黎公作薦士詩序詩之高下得失裁不一畫焉而神疇焉而章筆焉而信歌詠焉而莊皆以自然之天錯綜經緯而萬物之變形焉非特不能不為之亦莫之為而為者也然則文妙物也以變故奇烟雲杳靄之有無江濤出沒之恍惚

崧庵集原跋

一宜秋館

魚鳥飛潛之下上晦冥朝暮姿態呈豁愈變而愈無窮茲亦奇已而文之為物實與之俱爰自鴻荒以還亦至矣盡矣不可以加矣學者當於此求外此非吾所知也處權敬佩書紳于今不忘處權固陋既不敢墜先君之訓又不敢負段丈之教雖羈旅鞍馬疾病呻吟拳拳之思終在是也昔人所謂目瞑知深搜吻動覺苦思與夫鈞章棘句月鍛季鍊者自謂有焉五十年間作古賦五古詩三百律詩一千二百雜文二百長短句一百平生之力盡於此矣不自知其不可也異時陽翟陳叔易恬嘗語孫正夫端曰恬歸自岷

岷行六千里復見中州知舊其氣不衰文益進者李巽伯而已汪內相藻彥章程紫微俱致道皆極力推稱口之不置故一時名流勝士翕然相與衛守張巨山嶠嘗遺處權書云近朱希真報巽伯奇示夢歸古賦文采不減兩漢字畫遠追晉宋當今第一流也公有此各顧不佳哉處權絲是稍得自信而其志益確不知老之已至身世皆寓於其中而未始語人亦難與世俗道也暇日拾掇次第粗成編綴名之曰崧庵集後日有能敦義愛半夜走緘書俾作者序而傳之耶或謂立尙自用覆醬瓿耶則不敢知也紹興二十

崧庵集原跋

二宜秋館

有四年歲在癸酉二月旦日崧庵情夫李處權跋少陵句法出審言豫章句法出亞夫有唐若我宋詩人莫可居二老先蓋其祖考源流所由來遠世父萊陽府君少承家學尤刻苦於詩建中靖國間送張芸叟師中山三十韻有孝治追羊棗嘉言問凍梨之句浮休撫几嗟賞以謂發語渾厚託意微婉可為後學模範自是名重京洛為郎拜州汨汨舊轍晚節益不偶至於廢放流離度隴蜀入涪陵逮還故官北歸下瞿塘灑瀨泛大江派淮汴多歷奇嶮益昌其詩崧庵兄世父仲子也人物高秀山立玉舉世父愛之早付

以衣鉢在政宣時與陳叔易朱希真皆以詩名中更
兵火奔迸遇物托興亦未嘗一日廢紹興甲子而後
齒益高家益貧用心益苦句法益老始與少作不類
然暮年頗艱出故不多見噫詩果能窮人抑窮而後
工耶審如是則詩固人所忌也紹興己巳余與兄合
并於武林者逾月將行飲餞浙江上臨分哽噎不忍
別且道家世斯文之屬後六年兄歿于荊州蓋不復
再見矣諸子流落湖外遺編斷藁多爲善吟詠者持
去心常慊焉陳君安民惠伯調官中都因過余溧陽
暇日語長沙佳士有劉氏伯仲廬陵人自其先世喜

卷之八 原跋

三宜 秋 備

與賢士大夫遊兄建炎末避地客其家其調護甚至
舊所藏詩文頗多或者久假而不歸每恨不及鈔版
與吾人共之因哀輯少日所記與十數年來摭拾得
之於親舊間者四百餘篇俾惠伯使歸諸劉氏以滿
其好事樂善之意兄嘗自叙作詩本末獨幸偶存較
之今所亡則甚夥而先後亦失次矣異時復有得焉
當爲別集處全行年五十而學益落雖嘔出肺肝望
古人地位終不能到一燈弗焰愧負識別慨然雪涕
書所欲言不文其辭也淳熙六年歲在己亥八月望
日弟處全謹跋

文之由來尙矣世去古遠人不克聖而物之精華不
可以終秘梁臺之選吳興之粹蟬嫣焉奕代有作者
燦然珠璣之溢目泠然笙簫之入耳也源派雖殊終
會于一至於枚別諸家錄考殿最若十指然其短長
洪纖卒不可得齊豈人之有能否抑其習有工拙與
建安七子時有所取李杜文章羣兒謗焉要以其全
者責之故難也雖然不更三聖無以見集成之大不
歷三變無以知一出於正者之爲粹然我朝當五季
之橫流質窮弗反承乾棟絕坤維推陷廓清之功與
文俱高崑體雖張不能柅其駕使勿馳也於是穆伯

卷之八 原跋

四宜 秋 備

長尹師魯歐陽永叔輩爲之導流揚波而古文篇章
始得助而中興列聖相承重熙累盛先正李公淑以
文章鳴爲時宗主高文大冊煉石五色天下謂之邯
鄲家雲來仍昆世載其德不墜至崧庵乃復以其餘
力游戲翰墨之場輩行推高表表愈偉而其富且特
出者最見於古律詩淳淡典雅一唱三歎如融怡帝
鄉日浩蕩天街春則鑄京繼代之作也相逢便論心
已別更回首則伐木故舊之感也還將太古意一洗
萬境寂真足以見其文之不苟作如杜子美穿花點
水等句姑將置之不肯一吐其自序以三百篇爲家

傳之懿決非貌得之端公既標識其次而綴語編末
不鄙命予予爲述文章之妙雖選粹所集尠有得其
全者獨我朝之盛幾焉耳矣每歎前輩之於衆學守
之彌謹如彘獻書如班馬氏史如專門名家經如世
將用兵行師法其率履不越至如此端公方以盛名
頡頏斯世每一語出意外驚人是能其家者今將恢
壯圖挽洪流鋪張潤色以復我祖宗之舊而挈之唐
虞三代之上斯文之責實於此乎在時宋淳熙庚子
東陽邵驥跋

賦

宋 李處權 撰

樂郊賦 并引

春雨既霽放步於野見飛者鳴者哺於巢者
游泳於淵者戲走於陸者與夫行歌而醉於
路者凡生物之遂植者蓋俯仰之間無不欣
欣而樂也於是感焉予亦忘其老之將至身
世之所遭也而況不隕穫於貧賤既行乎其
素矣則何往而不自得耶作樂郊賦

松庵集卷一

一宜 秋 節

感餘生之幾何兮冒霜雪以盈顛邈吾廬之安在兮
寄幽夢于澗瀝駛歲月之不留兮梗行路之且遭起
臨風之浩歎兮嗟欲往以無緣徒搔首以延佇兮復
顧影而自憐眷於越之上游兮適寓止之所便稅予
駕於蕭寺兮占南嚮之明軒敞函丈之几席兮納萬
頃之風煙屬幽人之晨興兮暢晞髮而漱泉徐拂塵
而啟戶兮謁春物以相鮮紛宿雲之解駁兮散朝陽
於一川挺嘉木以敷陰兮嚶其鳴而始遷念人生之
行樂兮宜及時而勉旃飭筴於既飽兮破月圓而
自煎幅巾藜杖適野在田或狎鷗而藉草或觀魚而

臨淵或流憩以騁望或會心以忘言于時遠山兮連
連近水兮濺濺青秧兮芊芊白鷺兮娟娟菱初芒兮
燕乳桑已甚兮蠶眠喜膏潤之及私兮庶遂逢於有
年田父野老醉著道邊扶攜不去墮饋頽然蓋不減
拾遺之杜曲右丞之輞川也予亦興盡而返欣此地
偏披襟脫帽斷簡絕編樽陶情而有酒兮琴寓意以
無絃惟受性之拙疎兮乏趨時之周旋委窮達於造
物兮問行藏於彼天凜歲寒之孤操兮固既久而彌
堅擬登高之能賦兮託餘思以終篇方俯仰而自得
兮尚無媿於昔賢

松庵集卷一

二宜 秋 節

夢歸賦 并引

予洛人也既更衰亂奔竄潛伏煙塵阻絕身
世相弔遑遑乎羈旅之憂忽忽乎歲月之久
也遲暮良苦一夕夢歸故里顧經於目而歷
於耳者靡不勝乎其悲也作夢歸賦雖文不
足采辭無可觀而援古知今卒反乎正庶不
謬述作之旨云

夢故國之圯城兮陟曲隅之欹亭俯伊洛之蜿蜒兮
仰嵩少之崢嶸痛一炬之焦土兮徹雲漢以宵禱甲
瓦礫之塞路兮失厦屋之連蕤翦草木之叢灌兮駭

鳥獸之悲鳴訪吾廬之無處兮慨遺址之已坏動心
目之愧傷兮慘神沮而骨驚突此都之弘達兮匪郡
國之可配也挺龍門以竝其面兮伏邱阜之時其背
也巨飛梁於波上兮矯雙闕於雲外也鳴天鷄之一
聲兮非煙擁乎冠蓋也思當年之行樂兮信承平之
嘉會也想澗瀍之始卜兮奠九鼎而初定也宅取夫
天地之中兮氣得乎陰陽之正也奉魏戮以再遷兮
轉爰業之連乘也揭神行而百靈護兮極方怒之萬
牛併也世三十而年七百兮姬公導其慶也諒輕重
之在德兮胡楚子之可問也皇哉我朝兮通德事之

松庵集卷一

三宜 林 篇

梅花賦 并引

予衰病索居經歲不出芳物過眼真成一夢
偶作梅花小賦以寄所懷

伊造物之發生兮無一木之不卉顧四時之不齊兮
曜白黃與丹紫懿江梅之秀出兮儼亭亭而絕比既
嬋娟以映岫兮復窈窕以臨水頰忘言之貞士兮肖
獨潔之君子許蘭茝之僅似兮晚桃李之可鄙占嘉

月與好風兮泛幽香而未已寄美人之一枝兮想橫
斜於鏡裏抗翠袖於天寒兮撫修竹而孤倚悵衰翁
之揜關兮抱微疴之在體起三嗅而三歎兮魂忽蕩
而心欲死

悼亡賦 并引

予幾七十而顰倡無和也問無應也視人世
之苦無甚于茲者一日抑淚茹悲作悼亡賦
雖不足以增伉儷之重庶使覽者知予不敢
於其厚者薄也

松庵集卷一

四宜 林 篇

噫予垂老而顰兮坐成窘獨之叟眷伊人之具美兮
視同列而未有追維琴瑟之義兮謂相從于白首忽
一日而不見兮慘四顧而無偶始來嬪于我家兮倏
五十之改歲惟內政之克修兮躬蘋蘩于時祀施慈
惠於僕妾兮靡失色於娣姒既甘苦而食淡兮實于
君而有愧何沉疴之不解兮豈厄會之偶值楚切切
而在床兮亘日夜以相繼軟皮骨之僅存兮情惻惻
而不忍視訖命盡而數絕兮奄悠然而長逝痛割裂
於心膂兮隕滂沱之涕泗譬令孽婦之久生兮曷若
假夫君以永世信尤物之易毀兮審奇花之早落抱
雌如吳門之劍兮返魂無齊人之藥顧晨夕之傍俤

今類脫侶之孤鶴攬明月之入牕兮驚風動乎簾幙
淡星河之欲曉兮清露零於叢薄悄空閨之岑寂兮
想音容於冥漠矧早衰之多難兮決非久於世者歎
幽明之異路兮復何時而見也哀斷絃之莫續兮悵
貝書之不復把懷平生之好合兮竟繾綣而難舍覲
魂夢之可接兮睇長松於廣野雖涸流以濡翰兮浩
予悲之莫寫

五言古詩

謝士特餉櫻桃

今年客閩中春山亦花鳥時果次第熟風露枝裊裊

松庵集卷一

五言古詩

含桃品居最朱實若自表高人肯見分厚味未覺少
絳囊敢鬪荔木蜜虛名棗多食顏自駐此語聞本草
翩翩出谷鶯啄取定先飽故園當此時行樹映池沼
散火耀隅隈灼目看未了翳葉色逾深纍顆核更小
圍人挈筠籠銀甲摘清曉勻圓入彫俎擬借麻姑爪
擇佳間留玩引杖日數遠煙塵坐流落魄斷首空矯
贈劉至道

性靜乃可琴德常乃可醫二事人所難而子能兼之
好古身則潤活人功不賞未媿孫思邈何慙鍾子期
俗眼多重輕世態工瑕疵自視無所嫌安行復何疑

子有賢舅氏聞名四方馳勉矣歸問津沛然有餘師

贈彭表臣才臣

我交半天下頗接金石友相逢便論心已別更迴首
三年厄兵水火陸東南走風餐近波浪露宿薄林藪
廬陵信名邦昔賢猶見取水南過彭子門巷似無帶
胷中有涇渭如鏡不受垢呼兒具盃盤物物皆可口
新青擷嘉蔬大白醜旨酒使我忘身世不復問升斗
茫茫四海內二子可與久我昔當少年擺落謝紛糾
老來齟齬事在十常八九尚倚筆鋒勁恃此或不朽
飄零欲何歸故國生藜莠無乃造物意窮途一假手
丹楓作初寒客袂不掩肘冥冥甲子雨山遠似無有
試問夜歸舟網中得魚否

松庵集卷一

六言古詩

同呂倅小飲

一日不作詩已覺神不王一日不飲酒更苦舌本疆
梁王自墮馬賈傅恨無狀寥寥千載後有懷意誰諒
夫君出世家偉一魁三相人物方輩出事業雅相尙
笑我守丘壑蹤跡更漫浪尙餘杯中物足以助豪放
相逢傾五斗老子未多讓

送嘉仲兄赴永康宰

我兄如瓊林皎皎塵滓外不從門地初便許人物最

裁詩陶謝流射策晁董輩歎唾落人間一珠無類
羣居歎名理澡雪賴箴誨坐我琅玕林清風長十倍
誰令困小官寸進而尺退前年宰滎澤與古能吏配
茲入山水國牛刀欽益淬穩借一帆風開濤上鯨背
獨憐藐然孤厭逐兒童隊夢想在東南浮雲寄心會
定不俟瓜及歸奉明光對猶當念奇窮寂寞將把未

右司公致書顯上人并遺楮衾詩以贊之併簡
都公

緇徒中有人籍甚初與顯是非不掛口好惡不入眼
終日但怡怡言行無可揀外相示枯槁風味殊不淺

松庵集卷一

七宜秋節

初公如鶴長昂藏誰得管今秋忽坐脫山立不少偃
顯公方晏如隨緣自舒卷平生三事納夏禩終不煖
大雅右司公國器乃瑚璉頗敦方外契淵明亦親遠
道術久相忘書來叙繾綣一被直千金溪簾淨水盪
邀我置香茗撫玩不忍展而我在家僧業習盡鉏剗
琴書不療飢拙生良可莞未識韓荆州不敏懷媿赧
向來袖漫刺到門不及歎音問復後時當蒙貸疎懶
公如驥騰驤我類鼈跛蹇出處固不同投分悵已晚
明年壑源春驅車望雲巘載醪問奇字從公定忘返

溪清獨釣

齊景如發蒙幽人事臨眺山明乍開屏水淨新拭照
百年能幾醉萬事付一笑綸巾稱芒屨持竿坐窈窕
勿謂吾鈎直我意不在釣獨鶴何處來寒雲發清叫
乃以聞天聲和此登皋嘯我亦遺世人與爾豈殊調

水梔

陰泉隱巖壑長夏發幽植深處但聞香往往樵蘇得
幸不雜薪樵論價亦何直適從支郎舍遠致居士室
娑娑復偃蹇其高不盈尺鉛華了不御絢此冰雪質
我有古魚洗歲久莓苔蝕注之清冷水藉以璀璨石
靜態自悄悄孤芳何的的初疑雲生礎復訝月過隙

松庵集卷一

八宜秋節

膏沐露穰穰動搖風激激忽然參鼻觀似欲破禪寂
俗物多豐肥仙姿乃癯瘠已輸白玉英更作黃金實
昌陽詎足數蒼蘆誠可匹老來無所好一見心輒溺
坐臥與之俱於焉遂成癖異時張紫微飲客盡一石
放懷歌舞筵折贈無所惜蟬蛻倏仙去樓居藐姑射
三嗅哦公詩俯仰成今昔問花花如頤對之長太息

孝感堂

孝為百行本儒訓存六經未有仁而遺禮宜權重輕
哀嚴以事死敬樂以事生豈徒天性得乃見人道成
顯顯三彭子德事肅且馨好仁無以尙尊譽鄉有評

當年綵衣戲此日羊裘誠春秋薦霜露酒掃供棗盛
新亭潔輪奐拱木連高叢霜松無鹿犯風樹有鳥鳴
不慚王謝家芝蘭秀堦庭他年看崛起闊步躋公卿
可爲風俗勸以代門閭旌埋蛇功亦微獲報猶爾榮
豈念不忘本罔極通無形天人固相懸昭然無臭聲
請觀妙蓮華嘉瑞非其徵

次韻德瑞晚菊

屈原作離騷採菊歿其英淵明賦歸來徑荒菊猶榮
此物有至性名因君子成豈知時節過不顧霜露凝
歲華易晚晚芳物隨凋零艷色始獨秀馨香自孤清

崧庵集卷一

九宜秋

花似時美女俗惡空娉婷由來品次定橫議那得爭
公如醉翁賢雅好違世情三嗅復三透莫逆如友生
泛之黃金杯願言制頽齡更呼門下士哦詩同倒傾

次韻約之秋懷

野人不入俗種禍分田舍由來黃犢車不受塵中駕
空牀蟋蟀邊陰牖蒲萄下適然契幽懷推枕起中夜
粲粲東籬花如爲時節好冥冥花上蝶婉孌死亦抱
神仙那可求姑欲學不老去去人世間高步擷瑤草

偶書

春事有底忙清和風已扇小雨出花竹微寒生几硯

直道每多違修門難自厭棲遲無與言袖手看歸燕
陪林茂南遊上清宮分韻得落字

百年夢一覺無事且行樂何必尋方外而求不死藥
我里定嘉處勝踐兩芒屨有來問名利掉頭告莫莫
夫君永嘉彥載酒情不薄凌晨馬首北共赴雲霞約
珠宇傲天中非煙動寥廓廣庭拜吾祖素髮炯然灼
堂前繫牛木柯葉宛如昨少陵詩之史餘光賁伊洛
雖煩鬼神護九原不可作我輒吟其傍窘澁愧穿鑿
是時天已霜山川向搖落南登駐蹕亭北上朝元閣
俯仰盡形勝觴詠得盤泊惜無羽客琴一洗塵土惡

崧庵集卷一

十宜秋

簡友生促酒

閉門傾濁醪勝接俗子語蟹螯得棖壘風味正如許
緬懷冰雪姿何由對談塵天君腹爲笥萬卷方撐拄
哦詩送歸鴻平生無漫與十年就閒曠一日看軒輿
老夫衰病餘頽然守環堵無因少年事插花更椎鼓
歲晚場圃休黃落溪上雨溪邊雙白鷺見影忽驚舉
水天渺無際暝靄下前浦此時亦愁絕擁鼻吟正苦
安得百斛舟載取君家醋

釣臺

先生志邱壑溪山助幽興持竿聊爾爾至樂在游泳

故人已龍飛旌車遠來聘掉頭親不顧長揖辭萬乘
人生各有願可不安吾分是在易之乾曰遯世無悶
至今堂前竹蒼翠有餘潤我行出祠下敬謁仰勝韻
愧負營口腹馳驅違本性言歸不敢遲賣劍買魚艇
題無疵庵
身無累則佚心無營故樂舍外而取內此味初不薄
史君蚤問道觀妙契獨覺不即仍不離無止亦無作
庵如大圓鏡萬象含虛廓簷空看雲歸窻靜聞雨落
惟良二千石分憂得此託蘊真愜所寓俯仰成今昨

潛心齋

松庵集卷一

七 宜 秋 備

古之學爲己今之學爲人始乎芒芴間擴充遂無垠
克己而復禮天下皆歸仁尼父百世師道妙聖且神
天將爲木鐸故未喪斯文賢哉顏氏子至樂忘其貧
語之而不惰好學無與倫孟子養浩然卓爾踵後塵
萬鍾與千乘不肯易其身茫茫自聖哲六籍經幾秦
末學更多歧學海無問津伊川二先生身修道愈振
當年從之游不減洙泗濱至今士氣盛亦復民風淳
柴子柯山秀言厲卽之温由來思無邪果見德有鄰
潛心坐一室淡泊遺囂紛收視而返聽自得于見聞
先生雖云亡書在傳日新得味極鑽仰恍如入室觀

而我先君子實預絳帳賓我亦聞緒餘往往書諸紳
多言反成蔽目擊道乃存蒸杖一幅巾蚤晚來扣門

謝王敦玉惠雙兔

惟茲衣褐徒功用莫與大馳騁文字間下上無不載
卓哉昌黎公毫端跨百代傳紀何新奇不泯良有賴
先生胷次廣萬竅號一噫學成身益窮動輒與時背
興憐不肖子磨礪去瑕類辛勤三十年所得纔稊稗
遺我雖八蹄高義意有在想當避鵠拳罔壘如歷塊
束縛諒何施拙情甘自退筆硯行且焚重垂兒子戒
方當事口腹坐與巨觥對閉門擁紅爐大嚼資一快

松庵集卷一

七 宜 秋 備

送森姪赴官

郴江帶郴山逶迤入平楚偉觀甲瀟湘信美非吾土
阿咸方試吏家風在儀矩此時奉親與行李慎祥暑
別離同姓重况我老汝許勉力事勾稽遠臣觀所主
招士特似表

山雲向晚留山雨凌曉濯花明紅欲墜松淨翠可握
未覺人意覺獨喜鳥聲樂平生麋鹿性避地諧丘壑
復接翁李友詩文贖耐醉蘿門邃宜步窪樽深可酌
不聞杖屨過無乃厭磽确願承名理談煮茗破昏濁
自宜興歸謁鄒德久不遇

客裏仍驚奔南走荆溪上繫船樓前樹偶接丈人行
茲惟天下士抱負不可狀而今年七十面背益益
論文復把酒十日共清訪歸家照眸子炯炯覺神王
揭來情所親鄒子頗直諒斯文有能事筆挾風雨壯
今晨叩其門不見動惆悵我希嵇叔夜子慕陶元亮
念子如清風執熱欲何往冠退子當返子去我曷望
何時芝蘭室重見玉色釀快意傾百杯澆我舌本強
行之金部既獲奉祠之請歸赴大阮之約詩以
高之

阮籍頗推咸謝安已舉玄盛事如昨日風流想當年
三首 秋節

疑疑次對公人物藝且賢文忠命世豪植本濬其源
世家不乏人名德見所傳郎官後來秀骨相尤卓然
庭中生玉樹池下出龍泉向來宅大憂未了粥與餽
吉服事朝請高名動陶甄青雲要平步一歲期九遷
人事喜倒置正直成黨偏一笑就閒散拂衣遽言旋
及門聽傳呼和氣驩相延共止一區宅分食二頃田
遠從物外遊高謝區中緣方須康樂屐豈問祖述鞭
人生規遠大跬步何足言風雨聽朝鷄結束無安眠
何如一丘壑耳目清不煩嘉禾蔭沼沚可濯亦可泔
有酒自獻酬醉操雲嶠篇慕此冥冥鴻念彼跼跼

賤子不適用受性愚且顛晚忝登門遊繆稱媢母妍
眷言林下期雅尙寄所便野服袖漫刺乘涼過東阡
賦樊氏園雙花

天地有至和薰蒸效茲祥異哉桃李蹊葩萼俱作雙
紛紛承朝露一一含春陽飛來兩珍禽文采粲成章
鳴集芳樹問其音美如簧近君白玉堂奉君黃金觴
君家伯仲賢人物偉相望衣冠作嘉話何止跨一鄉
永言棣華好和樂殊未央我賦角弓詩封植詎可忘
翠微堂 爲劉端禮題

我讀醉翁文想當筆如椽東坡獨知翁謂今爲飛仙
三首 秋節

偉明後來秀文亦星斗懸一旦辭世紛歸巢月輪邊
大雅久不作劉子藝且賢筆墨所橫潰折衝遂無前
向來坐位書一日萬口傳不慙顏魯公易地則皆然
身閒無事日日涉五畝園圖書破百金花石費萬錢
子真隱谷口摩詰居輞川淵明道上醉知章井底眠
風味有數子較量誰後先君乃於其間并得四子全
高堂納日月竹樹森以聯覽彼不盡景樂此無窮年
前山若飛來倚斷西南天灝氣灌蒼玉晴陽生紫煙
因疑融結異真恐造化偏想像山中人因之招隱篇
我家居洛陽門巷伊水連吾廬蔭清竹不受車馬喧

一來升君堂撫事情情悵交淺言已深勝處相磨鏘
却來從杖履已辨幾屐穿折簡王夫子載醪攜嚮泉

題東坡枯木

先生萬卷讀命世文之豪矯矯鸞鳳姿仰止人物高
坐石翳白拂古繭磨衲袍玉堂揮翰手不數乘與褒
前身老畫師寓興時抽毫要在胸中奇醉筆隨乘操
柘原沙錯錯獨樹風騷騷天荒鳥不入路絕人告勞
一旦辭世紛御風歸次寥遙知紫玉府冠佩方遊遨
不然跨汗漫騎鯨弄雲濤夜中夢見之酌公以蒲萄
覺來空把卷我心增鬱陶

蘇東坡集卷一

五言 秋韻

送翁子秀歸泉

昔從大小阮日爲林下游酒熟無孤斟詩好不易酬
形影一參商書問缺置郵渴聞盛德事仰止東家丘
大阮今養高譽望老更收小阮遂長往歲月已載周
人生一世間所重惟交遊而我憂患餘身事良悠悠
阿戎遠來過整整儀短修話言極敦篤道盡何綢繆
蕭寺夜寒深風雨鳴颼颼秉燭如夢寐惘恍一夕留
明發又告別行色不堪憂贈言如餐飯心折涕泗流

贈術士

君平隱於卜百錢非少多術妙語更簡數精心匪他

羣書了在口誦解如懸河馳聲日籍籍問肆肩相摩
小人惡切直先生無詭阿有時隘翳巷軒冕紛魏莪
朋來競微福習吉理則那從而再三瀆不告反嘲訶
少焉一闕散策前可張羅要知安分者魯叟正波波

叔父作壽藏

昔聞劉伯倫荷鍤常自隨又聞陶元亮自作挽歌辭
人生一大夢未了黃梁炊有初必有終此理夫何疑
大阮吾宗傑德事見所施後凋難老質壽考當期頤
開阡營兆域預卜青鳥期無乃太蚤計究竟良不癡
一旦與世辭於焉乃真歸庶幾達者觀永謝高人嗤

蘇東坡集卷一

五言 秋韻

山川蘊高氣雨露竹栢滋于公更高門駟馬來不遲
將至蘭陵道中以遠岫重疊出寒花散漫開爲

韻

我如萍不根有往而無返天涯與地角孰能量近遠
故鄉無巢歸流落歲時晚辜負平生心何由見嵇阮
故家洛陽隅煙林接雲岫社酒無俗期柴門有清叩
傳聞俱丘墟淒涼兵火後祗應秋夜月松竹影如畫
驚風起羣鴈落日明孤松溪駛石齒齒樹斷山重重
功名貴及時丈夫不可慵初不繫賢愚祗繫其所逢
故人限南北昨日夢寐接朝來得素書開緘意稠疊

望隱在月之殿

別時贈吳鈞璀璨猶在篋因循愧遲暮欲見煌煌業
王民墜塗炭志士懷憤鬱豈無卧龍人想待三顧出
從容命世豪肯為庸主屈英名如白日千歲常不死
舟子厭瘴挽峻瀾凌風湍煙霏麗初日水氣生早寒
饒物直六伯始歎生理難一月不食肉悽然對盤餐
客程方浩渺念此道里賒秋林傷客情露葉色勝花
溪魚不論錢我飢豈無涯何當見昇平四海如一家
溪行日有趣便欲老絕澗復懷少陵作亭午氣始散
客子鬪身強尙得加餐飯弟兄杳何許不及沙頭鴈
早希馬少游下澤而款段一官聊爾耳此志亦復漫

松庵集卷一

七直秋館

送范才元

東新與斗米未足了晨爨人生固可憐况復更憂患
小黠而大癡耄耄均童孩當其有酒時且共笑口開
淵明真可人吾廬歸去來我今無吾廬念之寸心摧
古云七尺軀不及一尺面粉紛閱人久過眼今乃見
吾弟外門傑籍甚東周彥瀾翻倒三峽浩博橫萬卷
不減王夷甫似是曹子建抱負三十年始遇相君薦
聲名微嘗宁賜對金鑿殿乃不留石渠頗動薦紳歎
大審須按察此事君亦漫遙知閉齋閣幽討在几案
歲月局上消清山琴中玩官池本不渾慎勿驚魚亂

明年麥秋殘荔子承清宴即席洒椽筆可醉風味獻
歸來佐中興密勿膺帝眷不忍話艱難江淮尚酣戰
乃翁月旦評飽學富文翰當年蒙賞音好我置華饌
侑觴出歌舞色温微笑粲迴頭隔生死拊事臉必泣
而今百無堪老大足憂患讀書祇自誤株愚不知變
平生一丘壑競此豈其慢正可卷而懷安於素貧賤
故鄉無巢歸客子鬪身健功名要晚就婚嫁須早辦
浮萍偶相值悵此臨歧餞更待南鴈迴書來警衰悞

送張巨山

松庵集卷一

六直秋館

士為知己用亦為知己死嘉哉孔文學特達唯薦稱
寥寥千載後此事今已矣俯仰常有懷邂逅過願始
襄陽紫微公操行見所履字如入草蛇詩繼餘霞綺
家聲鳳凰池盡在金門裏三年民父母政事祭可紀
倦游丐閒歸解紱如脫屣東山盛久卧行爲蒼生起
要觀補袞功左右聖天子小人不更事豈解令公喜
平生萬卷書不直一杯水頽然衰病餘所存今復幾
與世竟悠悠逢人但唯唯從公文字飲德言方在耳
前為舍我去衣袖不可禡離合亦偶然世事皆如此
聲出已復吞相顧淚如洗

送葉茂世

戎馬絕黃流飛塵暗京畿竟成王室禍痛定不忍思
衣冠半陷沒逃難皆散之有如水衡君將命弗顧危
躍馬赤手出扼隘河之涓中途被衝突星夜西南馳
迴頭望城闕負隔母與妻半年無家書欲言涕先揮
微身亦曷愛所憂國步墮倉黃偶不死定省陳苦辭
汴水六七月橫泛被雨隄河渠忽中乾漕輓功莫施
不効輒加罪散秩總厥司相次下維揚庀職從六飛
眾人之所畏遠害夫何疑春來儀真火敵騎輕王師
偉哉馬氏妹貞節不可欺終焉兵在頸視死端如歸
何慙古烈婦事與日月垂君惟根孝友而不求人知

松庵集卷一

元 杜 秋 節

方其聞孽初對客神若癡茹悲不敢哭上念親老悲
豈惟識者悼行路猶歔歔茲酬魏樓功叙君官甚卑
幾年始見錄孰爲公是非君懷有直氣不爲寵辱移
朝來又駭聞白簡停官資索馬亟往唁我心有不怡
君乃笑迎我喜色見曉眉曰此造物意巧以從其私
舟楫密已辦生具亦甚微稅駕不可必苟全其庶幾
我貧君不厭交契管鮑期去意尙勇決升斗不足糜
春風鼓河水立岸看解維四郊擊鼓聲問君此何時

送程思永

恭惟文簡公雅意在人物一時推鑒裁似秉袁許術

萃萃材館盛多自東牀出昌黎宰相器氣宇吞溟渤
門闕最前席褒借難具述愛賢前輩事此道今誰卹
我生獨何後歎不及前聲馳翰墨場與盡雲霞窟
古來豪傑士可殺不可屈塗窮暫時爾被褐未宜忽
之子乃名裔秀爽開風骨尙勉激頽波典型庶不沒

送范彦覃

春風惱百物物物不禁渠水爲益益添添柳亦毵毵舒
芳菲遽如許流光亦須與誰令更別離此恨當何如
外門有人物照映冰玉壺茹古髯似戟說兵膽過軀
中外已踐更能事乃緒餘主饋孟光賢郎君千里駒

松庵集卷一

元 杜 秋 節

人生得此樂底事猶區區茲行謁賢相袖有時政書
世家治劇手陶冶寧舍諸我老不適用飢寒出無贖
論親無黨近分義何敢疎吾兒似我拙久已分龍豬
一聞詞賦功決科良起予山林與鍾鼎願言今則殊
歲寒苟在茲勿忘雙鯉魚

芙蓉

佳哉木芙蓉秋晚芳意足偶植華堂下似續淵明菊
眷此好顏色可玩不可觸始見開二三旋已放五六
濯濯晨風吹鮮鮮宵露浴非關競時節庶用慰幽獨
我老百念空掃迹坐林谷猶作煙霞想久絕脂粉欲

三逕阻幽事吟苦顛毛禿河洛未休兵媿負孟中滌

松庵集卷一

松庵集卷一

圭
宜
秋
節

松庵集卷二

宋 李處權 撰

五言古詩

元夕陪張使君講集

老大於節物真成風馬牛出山赴嘉招敝袍廁英游
 簫鼓市井隘綺羅人物稠嫦娥亦飛來餘光上簾鉤
 使君民父母謚頒布政優牙旗錯繅繡康衢看遨頭
 夜氣燭光滿春寒香霧浮中興六平象郡國皆魯鄒
 豐年入醉鄉頰白卧道周遙知蒼龍廟宴飲華葦樓
 惟公班馬手斯文擅風流行歸侍嚴宸玉堂聽更籌

松庵集卷二

宜秋館

獨憐衰病客鬢毛蚤驚秋頽然賓醉後報德慙應劉

簡申甫求畫

平生金石友參商幾睽阻二年更喪亂流落隨處所
 夫君丘壑姿鴻鶴杳騫舉超然有能事妙絕見心苦
 蒼茫尺餘松黛色起烟雨興來洒風竹六月無裨暑
 又嘗作平遠近代未可數奈何於吾儕一筆獨不與
 我有敲冰練度越世俗褚煩君作橫卷放意寫湘楚

次韻翁子秀移竹

嘗讀東坡詩不可居無竹况此真琅玕一一温如玉
 得非瑞池種阿母所愛育一日三封植近之誰敢觸

山僧不知貴遣送如薪束坐成阮家林色映兵厨醜
 王人何必問抱琴來就宿此君不須多瀟洒數竿足
 却笑陶元亮但採東籬菊

哭駕部舅 并引

吾母棄諸孤一年季舅駕部公奄即泉路天
 喪明哲殆及斯文吾舅德容德言濟以問學
 郎官使節未為達官人望之已如泰山北斗
 矣廢居二十年以沒其身平生抱負不盡用
 於世然士之賢有識者咸能道其平生又何
 憾焉某銜哀力貧走五千里覬一見吾舅以

松庵集卷二

宜秋館

訴孤苦將至其前遽聞訃音如中鋒刃不知
 涕泗之橫流也世亂身危苟生何益因追想
 作詩哭之云

外門推望郎天啟眉幹白揭揭廊廟器仕道無枉尺
 仁義允蹈之言行可法則優為君子儒彬彬見文質
 伊川有夫子四海尊學術燕申鄉里化語默世不識
 公時列高弟見獨蚤入室從容為邦問領略濟時策
 海涵而地負光輝日充實向來坐省中能事已籍籍
 出入羣公間持論頗正色皦皦活國心周召可輩伯
 朝廷公義喪牛李計方得道大固不容青蠅工點璧

知難襍被去迴首帝閭隔嗟嗟已衰俗弗俾蒙其澤
出把使者節願未遠親側榮耀老萊衣孝心唯惕惕
溫尋故時學委蛇山水園澄清足暇裕薦延頗推擇
宛彼南陽族食指居數百衣冠日零替貧有未葬骨
慨然斥餘貲黃壤卽安宅于公已高門叔敖有陰德
敵馬禍中原南遷例奔迫故林無巢歸瓦礫漫阡陌
艱難更道路扶病親藥石肩輿豈久堪命數奄茲厄
銘旌瘴煙裏過者爲悽惻無兒但有孫尙可付窀穸
墳墓五千里河洛兵未息招魂動楚些路遠迷南北
鯁生愧無似忘年罇俎客提攜在斯文恨不借羽翮

松庵集卷二

三宜秋節

食石鱗

異時柳柳州謫居食蝦蟆人情尙隨俗此道誰疵瑕
窮工見文字制作排淫哇作詩報昌黎想當劇雄誇
集中此篇亡恨不窮天葩人生一飽止何事須魚鰕
我鄉實西北柯山偶藏家土人重石鱗充饌茂有加
商論及品次眾口時紛拏朝來有分甘珍味到齒牙

籠粒坐剝雪壺漿薦流霞此物亦易致我飢其有涯
兒童還可笑遠岸去攜爨

感春

春風欲裂石春雲如鼓濤況復橫來雨簷溜聲連宵
畸人蚤盥曠散目臨亭皋挽折戶外柳吹殘竹間桃
慨然念芳物摧抑適所遭因之感時節幽憤空切切
少年亦棄置自引瓶中醪醉後眼生纈孤坐清吟高

聞梅

巖寺報梅開可是知時節映竹已蕭疎臨流清復絕
正須幽士賞莫縱狂僧折山寒雲霧深日暮更飛雪

松庵集卷二

四宜秋節

雨後凝秀閣口占呈子方

春雲向晚留夜雨凌曉濯花明嬌欲語柳綠淨可握
化工了無盡芳意殊未覺燒符薦清尊此味初不惡
君知忘憂物便是却老藥百年終一炊無事且行樂

陪張巨山謁清獻公祠

惟昔清獻公二年蜀中歸歸載無長物一琴而一龜
龜屬煙霞想琴寓山水思婆婆二物間德容儼怡怡
元龍豈時輩康樂匪俗期書齋質不陋覆之以茆茨
手植參天松亭亭歲寒姿公去幾霜露高風猶在茲
可使貪夫廉至今仰伯夷使君挺孤潔後身蓋亡疑

治體簡而肅民俗醇不疵竭虔拜公像雅有寶僚隨
置酒延公孫誠意公所知表表孝弟里人物固未衰
德厚者流光此言良不欺春陰澹物華藹藹原隔滋
遠山出雲氣近水餘風漪時禽屋上語野蝶筵中飛
此堂歷千載盛事傳一時凜如公在傍冠弁不敢敬
庶幾飽公德滿酌其可辭聊以永今朝畫景方舒遲

贈高老

野寺何所有梅花如玉盆客愁浩如許我聲已載吞
大士坐丈室煥若陽谷溫從來第一義入耳簡不煩
不謂兵火餘見此祇樹園仰沐方外契藹然風味存

松庵集卷二

五 宜 秋 備

我詩如廢井已涸盪有源又如既老馬力盡不復奔
空餘浩然氣踵見常焯焯熊經非我事詎作胎息論
蒙莊豈達者區區說鵬鯤何如柳下惠坐令薄夫敦
殊方對節物淒斷遊子魂山晚雲欲雪陰風樹雅翻
不見柴桑翁此意無語言

送禪客入高峯

茫茫人間世佛法最長久山林坐九年面壁不掛口
須是丈夫兒懸崖能撒手爲語學道人何須天下走
夜寒雲去盡橫參掛南斗我已辨青鞵要聞獅子吼

贈寶勝主僧

木落山重重溪長雨霏霏雲慘傷客容風鬢裂征衣
我行已千里恨無羽翰飛倒帆近古寺煙鐘深翠微
明軒快遠目俛仰涵清輝上人惠休輩道眼與世遺
匡床竹火爐儵然自忘機餘生尙奔迫所遇非所依
天地兵革滿鄉關音信稀拊膺坐長嘯歲晚將安歸

戲贈吳老

學詩如學佛教外別有傳室中要自悟心地方廓然
悟了更須坐壁下三十年他時一瓣香未可孤老禪

江郎峯

壯此江郎峯何年儼而峙融結自太古造化鍾一氣

松庵集卷二

六 宜 秋 備

屹然居獨尊羣峰俱不至如冠劍大臣廷諍而出位
大哉天地間覆載不敢議此峰有四面面面各異勢
撐空方突兀傲世不嫵媚我昨玉山來雪罷烟收霽
川平如湧出蕩漾浮蒼翠已遠更回頭眼老猶決背
眷言須水陽稅駕得巖寺黃童與白叟追逐兩閱歲
勝踐在咫尺心賞通寤寐塵勞不鞭後俯仰徒自媿
會待秋風高杖履窮幽窅雲深月滿山儻與神仙遇

簡士特

春來雨鳴屋夜靜雷破山客子歎身世曷以舒心顏
高人不事事結屋蒼翠間松竹不改操鴻鵠何由攀

想知於此時齋扉猶未闕短檠書史倦危坐聽潺潺
讀書

西風吹雨來濯此青琅玕黃華媚幽獨秀色如可餐
我居適在野門庭已荒寒老屋四壁立生涯堪鼻酸
向來頗好飲無日無杯盤而今廢升斗百憂何以寬
唯取架上書拭几支頤觀偉哉聖賢旨妙處言莫殫
如渴遇新汲醒然開肺肝因不求甚解會心亦解顏
茫茫百年中毀譽非一端要知仁與義多出貧賤間
相逢勉爲善世路良獨難誰能逐狂癡凌競趨險艱
何以易此樂此樂居之安

松庵集卷二

七 宜 秋 節

雪中赴德孺讌集

北風夜號呼返曉雪已罩臘雪及春來佳瑞故難料
舞空復低徊投隙乍顛倒山川若爲容松竹不改操
斷隴失坡陀連峯增峻峭瓊堆與玉立南北淨相照
獨鶴無處尋田中發清叶疎梅有時見水際含微笑
晏裘昔所慕玉篋可同調江練好催詩公乎今謝眺

題呂季升谷隱堂兼寄居仁

莘野隱於耕傳巖隱於築叔夜隱於鍛君平隱於卜
四子隱不同抗志俱超俗夫君無所事掃迹隱於谷
優游以卒歲燕居常慎獨方寸湛若水顏狀温比玉

白壁無瑕玷幽蘭自芬馥播架萬籤書擁簷千挺竹
時乘仄月過自伴微雲宿蕭然伏臘餘尚不愧此屋
豈曰不願仕可以速則速富貴草頭露榮華風中燭
止止理固明知止乃不辱小人無藉在放浪謝羈束
衰年迫饑凍強顏隱於祿晚食且徐行分量初易足
婆娑一丘壑雅趨存松菊平生喜文字終恨窘邊幅
願聞多種秫迎寒釀已熟更約阮仲容清談夜更僕

陪約之宿東禪

倦遊得茲行頗愜丘壑性俗慮與秋澄禪心隨夜靜
燈前見修竹月下聞清磬未作故山歸空吟長卿詠

松庵集卷二

八 宜 秋 節

北禪

老屋不知春餘花粉委雪中有忘言人截斷天下舌
我久執情見終日在談說一笑示全機春雲滿城闕
送岑婿歸許昌

恨我生不早不拜蘇范岑俛俛斯文中承歎一何深
世家潁川上萬卷修竹林相望羣玉府清風猶至今
合好一大事遺訓敢弗欽求之且彌年齊大肯見臨
時郎著清德温厚如球琳吐而爲文章中有太古音
嗣孫固多賢玉立俱及笄近坦東床腹執禮不免簪
留連歲將晏離索秋正陰往崇丘素志用壯魯祿心

一杯須重持爲子商聲吟當復記衰憊病懶何可儼

陪陳叔易汪彥章登浮翠亭

羣峯如高馬風雲若爲馭蒼翠來無際擺脫欲仙去
我時登茲亭物色生四顧同行有君子粲笑隨杖履
憇蘇自生理孤煙橫匹素歸鳥楓樹林天高西日暮
不見髯將軍長橋斬蛟處安得起斯人扶危正天步
平生江湖想齒髮凋行路倘有百斛舟載酒經煙霧
環照閣口占呈德良

高情接巾履雅志在丘壑林疎見鳥下池靜聞魚躍
歲月已屢改風煙只如昨我知造物心遺子良不薄

松庵集卷二

九首 秋 節

畏塗有豺虎駭浪有蛟鱷何如遠憂患共此吟嘯樂

撫松堂 爲王晉玉題

丈人居水南未省價高索平生丘壑事長嘯天宇窄
舍傍五株柳宛是陶家宅舍南數畝園似與人境隔
方須灑酒巾漸喜扶老策以茲不願仕偶然似彭澤
青松手所種撫之無愧色都忘歲月徂不受霜霰迫
是身等浮雲術也可不擇持此百年間常恐中道畫
曠哉遺世情遇我眼不白問我來何時胡爲久於客
我官亦易拋行矣勿多責方從倦飛鳥望林整歸副

雙松堂 爲季真題

對植自何年巖巖挺寥廓風雷已屢起霜雪終不着
先生立其中偃蹇相參錯高標與秀氣鼎足冠伊洛
想此堂成初來賀紛燕雀醉哦淵明句眾鳥欣有托
偉哉拔俗姿聞見窮浩博鍾鼎列珍玩圖史諧至樂
小人辱忘年高義見嘯諾詎敢窺藩籬庶遂飲糟粕
南池俯空曠倒影如衡霍乘月把琴過坐石幽弄作

面山堂

青山不遠人人自與山遠好事或致之來赴不待挽
夫君有丘壑於此興不淺昔爲谷口鄭今是竹林阮
雌黃不掛口青白常在眼官居真吏隱衙鼓自早晚

松庵集卷二

十首 秋 節

常令遠趨走俗冗盡除剗朝夕面蒼翠無事日把醪
填門氣象豪入戶雲烟滿詩成足風味醉墨自舒卷
我獲一日雅甚愛王戎箇儻無絕交書定過嵇中散
十月十日陪張丈奉高雅臣德器凌波亭小酌
漂流劇東南所歷過所聞始及廬陵郡俯仰尤不塵
馮來未敢忘事賢友其仁翹翹蕭與李拔萃而多文
蕭君辭蓋寡空林蘭自薰揚鞭捨我去意欲樹殊勳
季君舌欲在真氣凌秋旻掃門與我俱軟語迴陽春
客舍甲子雨八荒同一雲傾蓋有彭子微言時解紛
愛我忘其陋肯顧羅雀門從容香積飯可口謝八珍

張公丈人行氣宇老而淳舒吳無俗姿信是德有鄰
盤輿復聯翩去指江之津坐中皆我輩肴簞來逡巡
把盞屬形勝領略難具陳山寒更宜遠江流復沄沄
大哉開闢功孰測造化源掛席者誰子其來自無垠
航航載萬斛微取何其勤落帆占近岸過蓬慶欣欣
方矜猗頓富誰信管鮑貧鳴雁何處來冥冥初不言
亦知箇中好嗚呼下其羣商羊不覺舞漁父收微緡
煙樹僅可識歸鴉喧水村我昔觀畫圖對此猶心存
恍若夢中事有懷攜酒樽客子鬪身強身外安足論
無事頗相見斯言吾所敦

松庵集卷三

七

月夜鼓琴

清風泛寒露夜久氣轉涼恍然幽夢覺明月及我牀
披衣起獨坐愛此數尺光興來御桐君正始其可忘
山高旣峩峩水流亦湯湯方當志獲麟故宜鄙求鳳
永懷嵇叔夜復思蔡中郎妙處與心會樂哉殊未央

次韻叔羽聽琴詩

嶧桐斲孫枝所取非老大比其斲之焦孰謂豈也過
拂拭見太古斷腹宛蛇卧持來長安市萬口莫能破
愛公胸次廣雲夢吞幾個夜堂發孤彈風月清入座
高山不易賞白雪久無和且樂舜絃薰毋事楚臣些

退老堂

我公自言老能事如少年我公自言退人材望陶甄
公功在本朝本朝方賴焉公德在斯民斯民盡舍旃
中年倦政幾去若浮雲旋名山占形勢築室蒼翠巖
窪樽爲壺觴虛籟爲管絃招攜足資客嘯傲窮雲烟
胷中萬卷書三峽傾詞源興來不停綴摘華筆如椽
登臨出妙語珠璣落清圓不數劉白輩一斗真百篇
裴傳堂綠野贊皇墅平泉東山謝安妓五湖范蠡船
四子之於公器業微差肩公之於四子趣尙并其全
公術可活國公力可迴天蒼生望公起天子忘公艱
佇瞻丹鳳詔衮衣來陛前三人知眷殊一夔見任專
發揮中興業開闢造化權拯焚而救溺持危而扶顛
雍容復密勿造膝陳一言長驅卷沙漠朔氣凌寒隴
談笑九州復懽呼兩宮還四海各安堵六軍同晏眠
躋民入仁壽致主登光宣圖像冠雲臺勒功照燕然
功成了不居高謝區中緣拂衣赤松游辟穀求神仙
去去蓬萊路雲螭不受鞭

題周氏棣華堂

管蔡旣失道周公遂相殘召公乃賦詩棠棣良可觀
聖賢尙如此末世詎得安斗粟與尺布至今興永歎

松庵集卷二

三

七

汝南賢伯仲鄉評藹芝蘭水清而三潔友于甚相懽
鴻雁誠先後春令知急難同衣且共爨怡怡生理寬
壘篋翁和樂學海闕波瀾好爵豈終靳未用詠考槃
他年表門閭紫荆出簷端

題瑞松亭

德積固有原吉卜可無地要知青囊術詎盡黃壤計
翁族鼎七閩籍甚月且議五車聞善訓三遷見深意
父子兄弟間接武廣寒桂世方慕朱紫此道非我貴
而今二阮賢風雅果未墜婆娑竹林下頗用文章戲
諸郎赤鳳麟唾手可高位惟松歲寒質似抱君子器

松庵集卷二

圭直

召伯祠

我行出陝右來升召公堂歎公不可作祇令吾道傷
優哉聽訟日斯民歌樂康善教被南國美蔭餘甘棠
惟公與周公左右相成王孰知二公心千載惟蒼蒼
人不學二南其蔽猶而墻先聖垂此言下士其可忘
太史述世家源深者流長公澤亦至今風烈殊未央
再拜仰公像冠佩猶煌煌裴回不能去淚落征衣裳

題九江徐史君盼柯亭

庭植何天矯蒼皮餘雨溜本非尋常材歲月方成就
偉此蕭散姿盼睐揖孤秀慕陶築斯亭千載可同臭
引杖步嘉蔭攜書席永晝舒嘯一徜徉清風滿懷袖
更想五老峯傑卓立癯瘦何因借羽翮接踵賓裾後

次韻陳叔易三首

草碧波復濼南浦愁送君君行將何之槍指南北雲
相思無早晚生離無近遠悠悠關塞阻杳杳音信斷
青燈挑已盡夜長方展轉

東鄰有豔婦傾城室家索西鄰有貞妻空閨守葵藿

松庵集卷二

圭直

良人萬里去豈爲鉛華落君心諒不移妾命由來薄
天地終無情人生復何託

馬鳴旌旆搖雪滿關山道白草連雲中羊腸復縈繞
別離上損神宿昔已枯槁却望南飛鴻驚弦亦虛憍
祗應馬上曲偏能寫懷抱

將遊西池偶書

去年客中愁忽忽意未伸歸來媚兒曹行樂猶及辰
融怡帝鄉日浩蕩天街春物色豈不好所思難重陳
婉孌有能事朱絃妙通神從容蘭臭言事事皆可人
關河一垂隔夢想清洛濱况乃行止問愧負匏瓜身

清隨節物改事逐風景新躊躇不自釋
酒徒芳辛明朝更牽強接踵肥馬塵
凌波固可慕解佩良無因青翼不復來
悵望瑤池津

紀鶴

青松百尺餘宛彼山之陲白鶴巢其高
皂鶴巢其卑紅鶴不敢來下巢楓樹枝
陽春一動蕩百鳥俱蕃孽網繆各盡力
草草成藩籬卵翼與哺育不媿鳥鳥慈
清晨求食去鼓翼遠奮飛斯須復來還
亦有蛇鱗隨引頸鳴相呼所憂非渴饑
不日毛羽成鬪頰下波池浴之以清冷
弄影相娛嬉既久遂不來遠舉將何之

崧庵集卷二

五宜秋節

高山與深林浩蕩信所歸明年又當至
復作今所爲我爲唐虞世鳥巢何所窺
亂來經兵火殺氣滿四維人羣失安居
恨無羽翰施偶此共偷生偏仄何可辭
憂患亦所同去就可弗思網羅非爾事
彈射不爾私近辭燕雀喧遠與鴻鶴期
相望在寥廓大翻如雲垂時來松樹間
聽我哦此詩

玉簪花

秋霜日以繁秋氣日以清愛此堂下
花色好香滿庭藉之青玉葉表以白玉
英微風過披拂小雨來滋榮我老味更
薄與世無復情頽然衰病餘見花猶眼
明

俗客不到門取琴花前橫小童爲席地
取酒花前傾昔人工比物言簪豈虛名
願登君子首雅與冠弁并

溪橋

昔人愛仙掌歸時倒騎驢風味顧不淺
豈以俗士拘我來過溪橋效顰返肩輿
異世頗同懷往者不可呼是時秋冬交
霜後木落疎人家在窈窕溪山如畫圖
我老尙羈束媿爾驚與鳧川光媚煙景
恣戲得自如人生一世間過眼皆空虛
偶然及勝踐臨覽復起予尙當風月夕
藉地倒一壺意亦不在酒得句聊自書
誰能五侯門長鉞歸來乎

崧庵集卷三

未宜秋節

聽照曠塵外琴

老全冰玉姿不受一滓塵彈琴看飛鴻
自是千載人幽蘭爲國香白雪迴陽春
邀視嵇阮流不肯加冠巾絲桐得心法
二子入室親高山與流水領略難具陳
前年出關意浩蕩誰能馴跌足兵火圍
所遇多苦辛却來湖上寺騎拂坐石門
頗有名勝土宛然交道存奇書亦及我
匪但通寒溫問我能來無媿負瓠瓜身
翩然如野鶴接羽凌秋旻過我晉陵郡
促軫風露新諧和下鸞鳳幽怨出鬼神
老全殆不沒千古名知津漂流更喪亂
我生乃不辰見子顏色開慰我羈旅魂

我心亦清苦久願丘壑鄰何時舟載月一弄秋江濱

翁士特李似表相過小酌分題得躑躅

我無錦繡腸而居錦繡谷春風二三月山花名躑躅
芳鮮照寒澗窈窕映修竹化工亦耐事造物能委曲
不知幾猩唇貨此色可足看久直欲燃况乃手未觸
杖藜兩幅巾人物俱驚俗方觀筆端妙更對盃中醪
念昔嵩少步千層上雲麓政似徐熙圖寫生開百幅
懷歸阻兵火夢想如在目會當返昇平柴車駕黃犢
家君爲張文明叔段大丈處厚作詩集序小子
贊之

林唐集卷二

七直秋館

二老學而窮超然以詩鳴雍容三百篇一一韶與箴
挺特汜水詩疆梁與古爭寂寥會隱篇澹蕩遺心營
珠璣淪瓦礫有時應夜明過者劇千萬豈無一不盲
我父實久要蚤以文會并茲來唱無和樽酒懷平生
遺篇乃見囑悼往泯厥聲歎然奮長筆撫實無過情
而今且誰託兩族俱凋零從古作者意所務非近程
徐觀百年內汚世曷足名

寄題向伯恭薺林

薺林近知名悵望江干路無因從之游夢魂幾飛去
侍郎天下士器識廊廟具詩似王右丞文如韓吏部

勇退不待年蒼生思謝傳幽棲新卜築日涉已成趣
人物在藍輿風流稱樓屨身閒魚鳥近心遠烟霞聚
淨几展圖書疎簾約風露時傾清濁酒喚客坐飛絮
江鱗白可膾野雀黃堪茹確言忘賓主脫帽方箕踞
手揮玉麈尾故自有佳處拄頰欲招隱撚髯知得句
快當走尺書徑拉王文度

山使君齋對雨效韋蘇州體

坐歎凝香霧卷簾松竹青新霜戒微寒遠日朝霞顏
過午時雲聚其濛見初零蕭蕭打葉響瀝瀝依簷聲
幽鳥故格磔寒蜂自玲瓏使君曲江裔句含萬古情
端知意有在復契心所冥至哉蒙莊言爲善無近名
天叟久已解世網詎可攖奇謝夸毗子胡然事蠅營

次韻元章黃岡春雪督二姪詩課

夜雪駁羣峯春寒僵萬木山齋無所爲高卧仰看屋
凍雲飛不去就我簷下宿平生柴夫子能事立於獨
蚤直渭水釣晚懷荆山玉陸地詎能沉世侯終必復
不見林中蘭無人亦芬馥暮年一丘壑避地歌同谷
散誕水石間清涼日三沐笑人強解事閉門作龜縮
一世竟何成萬事蛇着足二姪瑞家庭貫穿經史匱
才如射虎將中石猶飲鐵詩成出連璧墨妙彙殘幅

乃知作者心求益不求速我年及學易方究大小畜
備然對此君苦節更森束嗟今但洋洋悼往盛逐逐
願借鄴侯書盡閱三萬軸無因訪煨燼歎惜邯鄲目

雨望

寒望暮雨來隱見田中路紛紛黃雀起冉冉行人度
長林相蔽虧連岡莽迴互莫作異鄉悲百年均暫寓

秘庵集卷二

秘庵集卷二

元

宜秋館

忘庵集卷三

宋 李處權 撰

七言古詩

望靈石

杖藜出望江郎峯清輝秀氣在眼中當年何人運神
 斧剗削碧玉成芙蓉平地崛起五千仞浮雲落日當
 秋空東西南北千里間他山莫敢來爭雄英靈往往
 在人物異時傑出聞數公偉哉高厚職覆載儲精毓
 粹良未窮猗子家世本伊洛四時行樂都忘慵樓臺
 面面得形勝錦屏女兒鳴皋嵩十年戎馬斷歸路流
 落江湖今一翁平生所得在黃卷昔賢今聖獨見容
 青山憔悴百寮底猶欣收此筆硯功聲名突兀不磨
 滅要與此峯相始終

歲晚諸君送酒賦長歌以謝之

我有經綸天下之大志陶冶萬物之雄心上書幾欲
 自薦達君門無籍不可尋歸來撫劍星斗近老去援
 琴山水深混迹魚樵友麋鹿興發時為梁甫吟霧雨
 芳寒蔽林藪黃狐跳梁蒼兕吼歲云暮矣人白頭納
 履踵決衣見肘茫茫大塊盡終久青史功名誰不朽
 昔賢達觀有至言破除萬事無過酒朝來叩關聞劍

忘庵集卷三

一宜 秋 節

咏長鬚致簡喜且愕滿壺傾瀉清若空一醕衰顏返

丹渥此物難從俗士論古今與世收奇勳寒谷可以

迴陽春澆風亦使還其淳書生分量當飲温聖清賢

濁何用分濁醪有妙理引人着勝地乘墜且不知焉

知物為貴楊雄嗜飲而家貧嘲立尙自費解紛屈原

獨醒良自苦湘纍空有些招魂一石亦醉淳于髡五

斗解醒劉伯倫卧輿嘗道陶淵明騎馬似船賀季真

吏部有時甘盜襲丞相他年容吐茵古人已往不復

見忽然舉觴如對面窮通得喪寓於此旦暮方齊死

生變拍浮池中固不惡麤墨糟丘仍不薄一盃一盃

復一盃身世兼忘乃真樂不可一日無此君今吾於

酒而亦云安得四海盡種秫春臺壽域長醺醺

士貴要予賦水輪因廣之幸率介卿同作兼呈

郭宰

吳儂踏車繭盈足用力多而見功少江南水輪不假

人智者創物真大巧一輪十筒挹且注循環下上無

時了四山開闢中沃壤萬頃秧齊綠雲遠綠雲看即

變黃雲一歲豐穰百家飽今年小荒人菜色斗易食

稠逮昏曉古來善政抑兼并貧富相通俗淳好閉糴

待價良忍哉客主遑遑不相保令尹賢於鄭子產視

忘庵集卷三

二宜 秋 節

民恐傷心皎皎朝來戒論甚丁盥令下翁然風偃草
我今亦有在隙厄回首田園迹如掃他年歸計一廬
堪抱壤甘同漢陰老

次士特韻寄德久收之

家山鑿龍似修眉中有伊川寒更綠吾廬亦復遠城
市舍下清流環幾曲四時幽人共吟醉飲若長鯨盃
要覆三年芳草怨王孫定有金錢無處卜南征際會
竹林院兵厨况有酒百斛夫君筆力抵萬鈞所當穿
徹如強鏃義形抗論及朝政正容凜若冰霜肅因君
遠憶鄒與張疇昔之言皆可復二子昂昂廟堂器用
之艱難一夔足空令兩行壯夫淚回首盡向燕雲哭
我心之憂正謂是夜中興歎仰看屋相思歲盡書不
來念我衣單體生粟

再次士特韻

愛君直似朱絲繩遇物可折不可曲三仕無喜已無
愠肯學時人走巫卜平生不作吠堯事乘矢猶聞去
其鏃至今莫可奸以私尊視正冠何太肅歸來田園
不改舊歲寒見此猗猗綠絕交未怪孔方兄有酒盈
樽書滿屋小人傾蓋已蒙潤遺我珠璣不論斛使我
竟夕搜枯腸魚目非珍何敢復我今已似雲無心江

湖不說虛舟覆言乘下澤與款段早慕少游良易足
慣看赤脚老婢悲亦任索飯痴兒哭皇天其忍殺善
類支離亦受三鍾粟

聽彈廣陵

時風正薰彈廣陵亂世掩仰伊嗷聲孰謂嵇康敢不
臣此心炯炯難自明荒湫古墓鬼神嘯大澤深山龍
鳳驚我來聽此可無語天乎孰謂得其平

普月新寮

百年均夢幻俯仰在一室况乃物外人身閒有餘力
朝來忽改作軒牖開虛寂匡床竹火爐斐几貝葉帙

松庵集卷三

四宜

清風常入座飛塵不霑席煮茗焚香淨掃除賸種松
杉障西日

陪曾宏父登冷泉亭望飛來峯

何年此峯獨飛來羣山讓秀中崔嵬神剌天畫不可
狀仰視孤高摩斗魁蘊靈厓此萬珍木隆霜幾度森
不摧異僧一見乃能識擊洞果有猿聲哀靈隱之南
天竺北築亭結屋初誰媒直疑朱夏落水雪亦恐白
書藏風雷檻泉清可數毛髮白石齒齒如瓊瑰參差
透影微日下浙瀝生籟長颺迴恍然便欲學蟬蛻洗
眼綠淨無纖埃已將纓塵付流水更以屐齒留蒼苔

南豐家世有人物幅巾藜杖同徘徊劇談抵掌坐相
對惜無玉酒傾金壘

先仲微仲純仲三兄過普明寺賞雪分韻得飲
字

涉春徂冬禱雨雪皇天斬此云何甚兒童曉報六花
飛失喜鈎窻猶屢審荒渠斷溜冰已合度雁停號口
應際望中玉樹散枝柯二室峯巒張素錦我家西隣
有勝槩杖履清攜冒凝凜平生不作兒女懽此地適
諧文字飲濁醪冰蔬薦重味燃鼎當燻肆烹飪詩豪
遽發要分吟賴此放過新弛禁歸來老匠已先成定
笑才慳弗勝任惜哉初無田二頃徒偕雀鼠賀登稔
堂堂大尹變理才嘉瑞應祈當奠枕書生醉飽何爲
者鼻息如雷但酣寢明朝更約提石餅來試壑源最
高品

松庵集卷三

五 宜 秋 節

短歌送范彥行 并引

昔司馬子微謂李白有仙風道骨可與神遊
八極之表白賦鵬以自廣實寓言也壯哉麗
矣而卒不及導飲服食長生久視謂白不仙
可乎外弟范彥行風骨之異映世照人立乎
其旁覺我形穢仙事亡疑矣予流年駸駸忽

過知命蒼髯華髮把鏡自弔奔走塵土爲兒
女憐殆不免於翦翦之流弟方爲江外之行
予亦有吳中之役飄然南北省不忍別賦短
歌以激之九萬里則風斯在下可不勉哉他
日相遇顏如渥丹氣塞天地使予駭歎之不
暇者必知得於此也且爲停盃一笑之資云
海上芳敷有瑤草採而食之顏不老海中翕輅有驪
珠探而得之形不枯赤烏玄兔未同宿姪女嬰兒自
相逐深存踵息通三關升降出入無時閒九轉七返
成大還功高行滿起人寰凌虛一舉三神山

松庵集卷三

六 宜 秋 節

次韻德基效歐陽體作雪詩禁體物之字兼送
表臣才臣友直勉諸郎力學之樂仍率同賦
朝來凍坐如縮龜不問打窗那得知江南地暖亦有
此驚心遠自龍沙吹六一居士最能賦東坡先生追
撫髭腐儒得句亦起舞視寒沃筆浮輕澌征塵暗天
鐵馬健衣冠南奔身世危兄弟相望音信絕梳頭紛
紛滿面絲短褐袖手如懷冰車馬不來奚所爲前年
毘陵雪盈尺蟹螯猶記左手持歸來浩歌仰看屋夜
深凜凜粟滿肌室中老婦幾與歎膝下奈此號寒兒
今年造物頗垂顧稅駕仁里權此時殺鷄爲黍朝夕

事苦節諸郎方下幃起看松竹有特操坐對溪山無
俗姿劉子唱高和彌寡要當獨醒歎其醜已呼稚子
來候門更戒黃童無掃埽十千不向樓頭買一蓑正
憶江上披五陵之客誇輕肥呼鷹逐獸廣莫馳五侯
之地事豪侈珊瑚照耀金屈厄豈如高舉縱清賞鈞
簾一目萬景隨亦有末至居客右其言不讓故晒之
枯腸伏氣如壽龜窮冬却掃百不知開門忽見雪滿
地縱橫浩蕩春正飛入隙時欣點萬卷仰簷不見霜
吟髭松林冥冥起薄霧澗水活活生微澌清可洗心
明洗目卑且不汚高不危殘妝如見壽陽面不食可

松庵集卷三

七 宜 秋 節

憐姑射肌書生長年營口腹頗似蜘蛛空吐絲身將
老矣厄離亂我生之初尙無爲百篇落落或能賦一
盃炯炯須重持崆峒漫倚防身劍枉負平生作男兒
回首農桑三萬里無復貞觀開元時恭惟天子尙勤
儉早集書囊爲股帷一朝隨仗過沙漠落日風塵龍
鳳姿此時燕山士如虎寒多况乃秫酒醜肉食豈堪
茹毛苦應念靴鳴集赤墀塵沙錯落赭黃暗貂狐蒙
茸向夜披關山寂莫草樹死指點射獵方奔馳心益
不忘嘗瞻事望雲遙祝萬壽卮向來竊取名器者扈
聖曾無一夫隨忠臣義士憤切骨皇天后土儻鑒之

浴罷

泉湯滌膚垢如失振衣坐覺神充實挹其寒冽事清
盥三盥逾甘過飴蜜華清之池故有名玉蓮出水香
霧生可憐妃子汗猶濕已聞伐鼓漁陽聲我思行吟
澤畔者夢想滄浪歸濯纓

次韻劉端禮兼簡王民瞻郭進道

從來膏梁鄙世胄豈知牛後與鷄口况乃末俗交道
衰時態紛紛翻覆手劉君門多長者轍俗子驅車未
容蹂斯文博約有王郎正如白二得元九子猷無事
只種竹淵明有巾惟漉酒萬鍾九鼎唾不顧冷笑纍
纍印如斗我今已無田園歸身外寧論婚嫁有卞和
三獻已兩刖被褐會當逢一剖今君家世自汾陽漢
相人物何堂堂坐使斯民歌樂康豈弟之化如龔黃
趣君移具過吟窻羽蟲得時已飛揚

松庵集卷三

八 宜 秋 節

謝徐獻可送欵識刻

九江使君何殷勤千里遺我欵識文夏匱商鐘迄周
鼎良工模刻錙銖分先秦述作知淵源相斯不紹嗟
無傳歷載數千如昨日人與寶器名俱鏽使君雅尙
心絕俗攷古稽疑如不足搜羅遐邇極聞見附益之
功思更續曾奉宣和乙夜觀萬丈光芒牛斗寒兵戈

散落人間世神護往往投衣冠時去事非空歎息玉
軸牙籤蛛網織載行何啻數稟駝變故紛紛豈人力
烟塵翳沒咸陽道尺璧寸珠沉野草秋風吹夢入長
安白髮蒼顏日枯槁

夢江彥文

春寒蕪末風尤勁過雨山林都眼淨西江天來寫明
鏡劈箭孤帆飛小艇中有丈人若水壺水爲碎子玉
作膚黃河逆流滄海枯彷彿羨門丹丘徒僊風道骨
何敷腴烟霞之姿遠見揖弭棹芳洲招我急野人竭
屨振衣入酌之瑤丹飲瓊汁薦以金桃露猶濕禦寇

松庵集卷三

九

宜秋節

衣袂方冷然岸巾笑拍洪崖肩交梨火棗開心田木
鎖石盤今已穿青鞵布鞵自行纏遊戲人間五百年

送李巨源

我世君家居里同異時德鄰飽過蹤差我不識丈人
行喜君雅有前輩風靖康三月敵人去長安城中一
再逢笑談未了已吹斷五年千里各轉蓬只知兵戈
事奔竄豈料樽酒陪從容清溪照人山入座鸞聲已
老春事空人生一世太草草客舍百事尤怱怱和文
已遠典刑在芝蘭玉樹庭砌中况君屢持使者節至
今能聲滿河東丞相方須幕中畫國士之顧必所蒙

開元貞觀望公等天子不在咸陽宮

贈葉主

帶如當風衣出水曹吳丹青古莫比一時更有劉與
楊妙手斲泥端及此葉生心匠何瓌奇異代同聲人
所推頗甘蔬飯絕肉想神物自應來護持花鬘珠冠
寶月相補陀寶山移海上淨餅楊柳翠鸚鵡突兀驚
人煥尋丈十六尊者初不同儼然肖貌清而雄或伏
猛虎制毒龍或飛錫杖凌虛空偉哉功刮造化窟凜
發天風肅毛骨來觀堵立萬口傳坐看聲名從此出

賀雨

松庵集卷三

十一宜秋節

大歲治水十二龍春夏用事秋罔功半年不雨人作
惡禾苗枯槁井泉涸使君勤政首勸農憂國如家願
年豐齋居意禱天已通四山升雲野返風雨脚如麻
未斷絕簷溜連宵聲不歇競報兼并發倉廩千里驩
呼舞童臺上帝猶怒勅雨師羣龍鞭後不敢遲帝力
於民民豈知始我公田畢及私稿苗復起井泉湧更
聞擊鼓歌魚蓼廟堂行拜富民侯歸作商家霖雨日
次韻劉彥冲醉歌一首

衆山回首三千里世亂身危今老矣由來客子鬪身
強敢弗加餐慎行李閭中此地稱多賢招我作鄰翁

且邇二子人物夙所慕傾蓋忘形到汝爾劉郎能事
出世家勝韻那知集如此人生多計讒阻公朝暮不
離三四中我今一食日還併士也乃有如此窮愛酒
猶能致山簡清談兼喜對王戎異時掉臂五侯門解
紛堪作滑稽雄如今流落百無用夜起捋鬚問蒼穹
白髮蕭蕭不勝理客舍燈花虛作喜憐君咳唾是珠
璣照眼陸離光棐几惜不當年奪繡袍枉着詞鋒誇
孟勞遣我黎明擁吟鼻寒蟬抱葉空哀號

喜冠退

父母之邦豈復憐人情至此乃可憂刺史縣令方坐

松庵集卷三

七
宜
秋
節

視久矣肉食無遠謀崇墉可當天設險烟火驚奔無
一點可憐縮手俱就斃不見一夫來襲掩清晨諸家
好音至說寇回戈馬回轡玉帛子女既充物捆載而
歸乃真退妻孥向來便伸眉將軍凱旋亦班師身長
八尺劍三尺緩帶輕裘有設施

翁士特借韻見及復答之

許國以身身返辱十日呼天鬢凋綠蠻貊直倚忠信
行我心不疑顧何卜生喜柴愚惡鮪佞封侯豈謂能
鈎曲可憐論交道大喪雲雨紛紛手翻覆望郎胷中
橫萬卷日破千篇醜一斛雅好上取唐虞器多聞遠

識肅慎銖桃李不言自成蹊家法整如官府肅四海
人高懸憤鼻定知不作窮途哭郎君天地渥洼種墮
地驚人千里足夜光聯璧乃暗投剖膜金匱快三復
草立正憶揚雄宅我今皇皇未有屋餘波豈止九里
潤周也意在監河粟

次韻端禮謝郭宰載酒相訪之什

賢哉令尹出名胄百里歌謠不容口豈弟父母今信
之視民恐傷如足手訟庭端可置雀羅若網在綱無
雜蹂萬頃之波黃叔度雲夢何止吞八九潘岳無專
只種花陶潛有巾惟漉酒三公九卿唾不取金印從
渠大如斗劉君語默端可人固知十室忠信有五經
履笥貫今古決疑索隱如瓜剖小圃風烟似洛陽翠
微不減綠野堂會聞激烈歌時康不負振掌工雌黃
何時贈扇乃有語向來仁風已奉揚

送庚姪親迎延平李先生處

庚郎吾家千里駒朝暮勤苦讀父書少年綽有老成
態月旦考訂評鄉閭明當別我擇賢妃去聲結束琴劍
誰挽裾春空吹晴惠風暢烟草弄色和氣舒野橋融
洩柳絮合石岸慘愴鳴鶉鷓乘龍有期弗獲錢數椽
政茸淵明廬旅愁冥思莫排遣離恨掛臆難掃除况

松庵集卷三

三
宜
秋
節

當春晚氣暄淑著體欲醉甘醴如修程所囑益養攝
禮畢早辦雙飛與婦翁傳道世大儒習俗再使淳古
初稔知賢舅繼家學子如從之師有餘歸來阿叔待
審訂義路禮門從廣居

雙溪堂晚集

北風呼雲生夕陰小松稚竹俱蕭森雙溪主人不孤
斟好文尙類肯見尋坐中少監樂登臨清談壘壘知
古今有句不吐藏之深而令下士寒燈吟

遊石橋

御風縹緲雲霞衣駉龍翳鳳相追隨三秀爲糧桂爲

梅庵集卷二

三

醕玉笛送酒雙童吹樵柯已換人間世未了巖前一
局棋桃源歸路咫尺迷醉眼疑在扶桑西仙人授我
長生訣俄而夢覺鳴天鷄

張元覽追和東坡詠梅要予同賦

江村月掛疎梅村生香浦被何郎魂亭亭自是塵表
物玉質敢有烟埃昏西川風土似南國高樹療臺丞
相園居然志士節獨苦炯若德人顏更溫至今往往
入幽夢夢去折花迎朝曦兵戈一炬半月紅傷心無
處求朱門君知行樂不可緩中聖友賢餘勿言侍郎
堂西腹前破喚取我輩對窪樽

文度以大笏見遺奇偉特甚非鄙人所稱擬栢
梁體廿句以謝然他日出處斷不負此笏老狂
不衰聊供一笑云

南越巨象何壯哉齒牙脫落歲幾枚削木混真易以
埋玩視常恐生怒猜良工到手能剪裁成此大笏莫
與偕遠隨舶賈凌濤雷論價奚翅百瓊瑰異貺忽自
王孫來珍藏什襲敢遽開瑩如截玉無纖埃照人冰
彩滿袖懷惟君許我王佐才我亦自負剛不摧他年
致主登中台垂紳我并直斗魁正色凜凜天可回帝
傍姦佞須擊排恢復洪業平泰階寫之丹青上雲臺

梅庵集卷三

西

懷陸仲仁

陸郎好古心不俗雅似王郎愛修竹綠陰清晝坐焚
香相見人琴兩如玉尺書招我我未暇興發從君醉
醕醑秋風滿院木樨繁明月飛來花底宿

觀魚

老漁取魚倍知津設網提網疑有神船頭兀坐如鷗
蹲忽然一舉千百鱗涎沫盈筥趨早市掌握銅腥俱
是利陂湖漠漠水連天盡欲留爲子孫計蒼生白首
困喘嗚世亂身危舟一葉君不見孟嘗門下客三千
此日馮驩正彈鋏

闕山亭

亭皋樹林五月寒坐挹秀爽披辱顏史君清雅頗好
事妙墨風流名闕山雲歸雨罷作佳色山在杳靄空
濛間烟中合逕展屏障烏外紆餘堆髻鬟疎簾捲盡
一搔首決皆盪胷如可攀江頭好山不知數供給騷
人猶等閒

簡柴端叟

筆端落落曳十牛老氣飄飄橫九州河伯未覩北海
若魯人未識東家丘豪戶但餘酒肉臭要塗祗益衣
冠羞且評公議百年後此士斯文班馬儔

松庵集卷四

五言律詩

宋 李之權 撰

西亭

江南形勝地列坐肆遐觀氣象天圍大溪山眼界寬
遠風來綠野返照上朱欄更待秋澄徹重尋落帽歡

簡彥冲兄弟

過午時雲簇膏春暝雨籠石苔先受色桃葉復含滋
客舍居難穩家書到每遲二公俱強飯宗社要扶持

簡江二十丈

松庵集卷四

一宜秋節

旅泊桐廬郡溪山過所傳稍寬遊子恨知有丈人賢
水落魚鰕聚林疎橘柚懸淹留拚宿醉卧扣月中舷

戲簡秦處度

淮海秦夫子相逢又十年好詩無漫與愛酒不虛傳
夜寺雲連榻秋江月滿船不知嵇叔夜何得絕交篇

簡知章

野老元同社柴門不上關喜君捐俗事令我破愁顏
宿雨生流水春雲媚遠山何當事鷄黍把酒坐忘還

道夫惠詩為和五首

飯已抄雲子盃仍致麴生青梅方弄色黃鳥已無聲

世態窮尤見吾心老更明從來文字飲意不在傾城

獨醒非我事多難亦吾生將相知無種文章怕有聲
且當乘欸段無復謁承明使我忘羈旅絃歌近武城

山雲談次改溪水坐來生白鳥飢逾靜蒼蠅飽不聲
令君真子產墨客陋彌明回首人間世塵埃望赤城

不恨青春去唯愁白髮生日長宜燕乳水滿自蛙聲
念我心方逝逢君眼漸明剛腸三尺劍光彩動豐城

水陸勞千里詩書誤半生山開南國翠鳥已故園聲
會是豺狼靜方瞻日月明牽羊今古恨灑血望占城

士特倒用韻作元日復和

松庵集卷四

二宜秋節

覓醉無干日浮家又一春閉門久羅雀貧餓自生塵
我欲論秦過君須賦洛神窮途依二阮遂欲老於閩

再和

鬢絲殊覺老淚血更傷春閱世元如夢除天總是塵
有心耽傳癖無意媚錢神坐怪三衢守書來不到閩

元日聞養源丈少醉詩以簡之

南州新歲換北客長年悲吾日且三省我生仍百罹
谷深雲不起樹煖蝶先知聞道山翁醉何如卧雪池

同二三子步溪上

已恨春風過猶欣夏日長鶯喧桑已甚燕乳麥初芒

白髮悲如許青鞵樂未央歸來安客舍更有北窗涼

謝翁養源惠醋

已著蓮花釀仍兼竹葉醕橙和致上味蚬聚見良材
政想攢眉漉須煩掩鼻開先生元自立不是乞鄰來

見懷

飄零吾老矣詩酒得斯人邂逅干戈際慙勤骨肉親
錦囊元絕俗瓊樹舊無塵歸棹荷花裏從誰問玉津

陪諸友野步

北客身將老東風又歲華山晴添氣象水暖莫津涯
貧覺他鄉苦慵嫌去路斜昇平吾會見時事不須嗟

松庵集卷四

三
道
秋
節

淹留傷老眼放曠適閒心石淺出佳色鳥幽傳好音

課詩空自切饋酒莫辭深更說溪西寺明朝款款尋

偶坐西齋陪介卿賞卿嘉話久之成詩

靜聞簷際雨密障坐隅風竹晚葉時隨梅疎香欲空
芝蘭室白好文字飲誰同他日功名事應從筆硯中

夜雪偶書

歲晚山雲合窻鳴霰雪飛方欣樽有酒未歎篋無衣
谷杳青松健林空綠萼肥月明溪上醉應是夜深歸

澹軒

五鶴元同性晴山正滿門那知有城市初不異丘樊

水靜嫌風撓花開畏蝶喧應當如是觀客至亦忘言

題嚴公祠

掛席上桐廬溪山似畫圖斯人不復見吾道一何孤
誰入飛熊夢真成失馬徒清風端未泯猶可激貪夫

守歲用少陵阿戎家韻寄懷蕭國器

節物賴鄰家南風競剪花門無迎客大地有噪人鴉
病眼愁中暗題詩醉裏斜亂離俱老大今夕意何涯

新歲偶書呈諸友

已見王正月陳人百不知紅顏豈長好白髮已多時
臘雪微霑土春風小動帷丘之禱久矣何意問祥祺

松庵集卷四

四
道
秋
節

東亭

層瓦排空濶薰風眺晚晴閒雲連樹碧白鳥破烟明
世亂思君子身危仗友生祗應今夜月解識故鄉情

桃花

照水桃花樹春風灼灼開雖非天上種何異觀中栽
帝子吹笙罷漁人信棹迴故園何處是日盡望鄉臺

挽許主簿

攘攘誰逃死黃泉不獨君一官書載考五舉擅多文
異日遼東鶴當年冀北羣承家知有子嗣就看摩雲

長橋

徙倚長橋上時難得此遊水光迎日動帆影上天淨
不見鴟夷子須煩顧虎頭今年閏八月好好醉中秋

和彥冲同原仲過交溪橋頭

不識交溪路詩來錦繡重閒雲時出岫落日更明松
叔夜常爲銀淵明亦近農喜君機事息魚鳥故相容

和劉逸老題羅漢壁間韻

僧房元寂寂客意遂陶陶詩筆翻雲錦茶甌捲露漚
鴉歸寒日下雪盡遠峯高尙喜王喬近吹笙坐碧桃

題月山寺壁三首

故國三千里行藏豈問天雪峯明的水溜響涓涓

松庵集卷四

五宜秋備

指凍無完甲琴寒有折絃老僧如木石性靜不須禪
罷雪仍迴雨僧房物物宜谿明霜落後山淨月來時
泯然窮愁志艱難食菜詩弟兄千里隔書斷鬢成絲
不遇彭夫子何因到此間無窮霜後木不斷雨中山
祇恐高僧占多慙倦鳥還孤雲在寥廓容望不容攀

題隱居

淡泊幽人趣蕭條隱者居疎簾隔花竹淨几展圖書
自向交遊密何拘禮法疎爲言陶靖節吾亦愛吾廬

贈彥先

此地堪營屋何山更採薇怪松擎石出好鳥傍人飛

衰相年來見幽尋亂後稀郎君似冰玉令我亦忘歸

偶書譏武團練

千祿謀何拙求人計又疎祝鮓焉用佞甯武豈其愚
自乏千箱積誰令萬卷餘艾肥蘭蕙瘦饑僅竟何如

橋院

淹留歲云暮旅泊似幽棲鷓鴣如相識牛羊自不迷
已煩陶令顧何必謝公攜始覺吳儂健天寒更涉溪

題蘭陵稅官清輝亭

不謂人間世官居有此清山橫猶倒影鳥過忽遺聲
倦客方航句高人不治名夜寒雲去盡對面月華生

松庵集卷四

六宜秋備

阻雨

小雨妨幽事商羊所得多前期操野艇亭午出煙蘿
選勝纔如許偷閒肯重過自憐詩酒涸無句敵陰何

才臣設席彥修來過仍倍表臣終日之樂豈易

得也因賦

顧我非仙李知君實老彭承家羅玉樹潤屋起金籬
世路嗟多事人生戒不情歲華將暮矣切勿訴深觥

彥修席上命賦何處難忘酒

何處難忘酒南州盜賊多黃巾方裂背白日敢持戈
不見韓擒虎寧聞馬伏波此時無一盞其奈客愁何

草飲招表臣才臣彥文道夫

愧匪屠門嚼且無金屈厄人生難得醉我輩不須辭
山迴雲生谷林空鳥並枝前溪天欲雪爲報戴逵知
清明日席上呈諸友

佳節年年好新春處處宜鶯花從自得蒲柳頓先衰
事過如驚夢愁來劇亂絲神仙端可學吾欲問安期
飄零何足怪喪亂故應宜炙手寧爲盛張羅未必衰
篇章懷杜牧游說鄙袁絲鍾鼎山林事胷中自有期
弔彥深

已秀不成實長懷事可吁寧論日下鶴遽失掌中珠

松庵集卷四

七宜秋館

擾擾遭斯厄冥冥喪厥軀高堂親白髮淚眼尙青枯

水閣雨中

南國寒多雨溪山晝更晴風帆隨鳥上樵逕入雲行
已苦無餽粥猶欣見耦耕故園歸未得豺虎正縱橫
陪諸友赴城南妙智上人晚集

晚烟林際泊夕陽波上明天寒少佳色樹老無柔聲
支郎頗好事我輩適同行劇論不如醉感時空復情
同士特似表過中峰儂似宗

舊好崔亭伯新交阮仲容招攜來白水祖儂過中峰
谷暖芊芊樹雲深杳杳鍾兵戈一分袂惆悵幾時逢

食鱸

設網機關密磨刀意氣兇令人思洛鯉媿客問江鱸
豆麩偏相與棖齏未可無相從頗莫厭乘興不煩呼
呈似表

聞說煙塵近驚奔道路長人生何草草天意竟茫茫
山鳥寒亡路溪花濕更香飄零值君子老眼未悲涼
發永豐道中

雲斷山如拭秋明水劇虛濕煙蒙翠竹暝雨濯紅蕖
茅舍真淳俗蕘爨竒窅沽何須訪摩詰便是朝川圖

喜聞三十弟消息

松庵集卷四

八宜秋館

喜得真消息仍安嶺表居深知道路遠不在信音疎
荔子應憐汝檳榔敢笑渠一年看又盡兄弟意何如

武林偶作

江山天下勝北客興悠哉月上千峰雪湖生萬壑雷
酒狂憐老大吟苦覺衰頽始滿平生願征帆未憶開
寄朱希真

故人俱白髮念子始青袍僕色新生敬詩名舊仰高
天寒西日瘦歲晚北風號遠望滕王閣何時共濁醪
簡葉丞

傾蓋鄱陽彥孤芳且寄林一官方似水五字可兼金

與世不求合開筵猶見尋何當鑄農器歸望故山岑

表臣檢校東臯雨中有懷詩以促歸

旅泊愁春雨春寒更北風雲山方秀發烟樹却冥濛
念我攜家客逢君足穀翁胡為在窮谷正渴一尊同

五言長律

留別范元長二十八韻

博洽人為史循良吏得師謀謨當啟沃出處繫安危
鶚立通丹地龍章近赤墀咨詢唐典故筆削漢官儀
結客多青眼承家最白眉浩然無害氣汪若有容岐
慎獨仍三省操危任百罹謝嘲玄尚曰自信涅非淄

松庵集卷四

九宜秋館

俯仰俱無忤幽明兩不欺愛君心匪石憂國髮成絲
秀外真毫末樊中足坦夷閉門因拂袖展卷代支頤
遠覽迷千古高懷自一時海非蠡可測豹豈管能窺
能事推天祿威名到月支孔融徵已晚安石起何遲
不待南飛鴈負懸左顧龜向來鸚鵡賦去此鳳凰池
揭揭英靈氣巍巍柱石姿衮衣須我補霖雨更誰為
賤子端何者先生頗識之幾年當顧盼今日倒鑪錘
解榻徐生入彈冠貢子知青蠅休點污白璧設瑕疵
鍊句終乖律看書正闕疑地偏如有避交淡欲無疑
瘦馬終千里寒灰待一吹西江如可激畢命守軒帷

次陳叔易太湖二十韻

北客何來此浮生直偶然風旄從禹穴日脚近虞淵
漁唱誰能問鷗盟我不捐燃犀怪可觀擊樹訖空傳
釣石温徐坐檣竿穩近聯波明疑練安山淨學眉連
客上三千履軍呼十萬鋌可思江柳下祗欠舞衣前
鼓柁知無及乘槎悵未緣遠中微隱樹澗外莽橫天
縹緲湖靈瑟夷猶范蠡船健帆風作馭駭浪雪盈顛
行鷺粉羣起孤鴻杳獨鷺斷崖方怒吸淺瀨或勞牽
夜泊星辰逼晴占日月偏幽姿闕蛟室神物護龍泉
世亂甘淪隱塗窮枉乞憐渚花迎日笑岸草信人沿

松庵集卷四

十宜秋館

頗欲追雙槩無因共兩舸時來如謝朓三復有餘妍

大人生日辰

天欲斯文起時將此道隆昭明應熊夢爽拔降神崧
業則真王佐猷當沃帝聰尊經獨韋氏識字必揚雄
制作超前輩篇章萃古風不憂時易失却怕俗多襲
日月宵襟裏江湖度量中譏深遭壁玷施博儘金空
指日風雲會來時雨露蒙經綸觀世業潤色付宗工
炯炯丹心壯氤氳浩氣充檜壇休跨鹿丹鼎且蟠龍
載誕佳辰及高門喜氣融捧觴欣有祝陳頌愧無功
舞鶴窺筵淨偷桃照座紅孔庭詩禮集請訪吸川虹

失題

天上石麟墮人間
瓊樹芳叔孫知典禮
曹植有文章
桃李蹊方盛
芝蘭室更香
榻先徐孺下
書異鄴侯藏
載世推能事
當年亦籠光
頗懷追潤色
奚惜吐琳琅
末俗元多忌
冲襟競兩忘
由來高士駕
不肯少年場
鼎鼎文方古
魚魚道必昌
仲山終補袞
虞舜正垂裳
賤子虛蒙顧
仁風實奉揚
彈冠從入仕
執戟且爲郎
欲作蟬遺蛻
差同鼠耗倉
窮途遭白眼
永夜付黃梁
齒向三千客
容類數仞墻
受知心有激
欲報意何長
皓鶴宜風露
青松飽雪霜
傾身挹東海
再拜酌公觴

崧庵集卷四

十一 宜 秋 節

謁翁文四十韻

之子儒林傑
斯文國士稱
詞章曹植擅
典故叔孫能
秉哲中逾曠
搗謙外匪矜
世家非冠玉
人物是壺冰
海內休方駕
朝端且服膺
五車俱可復
萬頃不勞澄
活國嘉猷告
匡君重任勝
側聞金作礪
意在木從繩
昔旅西離鷺
方觀南海鵬
青冥翻踏躓
凌厲失飛騰
制禮初煩訂
爲郎頃見徵
禰生宜獨薦
文子要同昇
浪有羶供餌
虛傳被襪綾
可嗟懷白璧
竟與汚青蠅
直作悠悠去
從他袞袞登
時情尙馳突
吾道豈憑陵
善舞須長袖
良醫必折肱
寧爲棲枳鳳
不作下韝鷹

鄭谷成真隱
蕭齋占上層
華胥久無夢
欵段適堪乘

種柳追彭澤
栽桃學武陵
池涼蛙閣閣
徑暖羽翳翳

得句長鬚送
敲門稚子應
掃庭延墨客
過寺折談僧

賤子孤懷切
窮途百慮蒸
待沾希善賈
投分得良朋

敵騎來何速
中原見未曾
神傷瞻雉尾
愁絕望觚稜

漠漠雖難問
蒼蒼尙可憑
人心無右袒
天意有中興

厭世思蟬蛻
傷時泣土崩
漁樵甘混雜
貧病苦因仍

更短猶爲簿
從龔也作丞
依仁劇山仰
飽德正川增

舊事將誰語
前非祇自懲
緣危時過校
扶老漸攜藤

篤義幾虛辱
溫顏豈謬承
醇農須手漉
撥刺賴觀罍

崧庵集卷四

三 宜 秋 節

笑語朝暉隔
塵埃肺腑凝
尙期文字飲
相對夜深燈

崧庵集卷四

松庵集卷五

七言律詩

朱 李處權 撰

偉觀堂

孤煙落日對銜杯此觀人間亦偉哉樹色遠從江浦
合淘聲低咽海門迴衣冠喜有承平氣賓客慚無賦
詠才城闕鬱愁人望幸五雲將擁翠華來

送楊充老

蚤接君家伯仲賢笑談吹斷各風烟人生俱是夢中
事歸計却須沙上田悔有論心三尺喙恨無餽口一

松庵集卷五

宜 秋 節

囊錢他時局罷樵柯爛小道誰知亦有仙

送李全甫

已斷長篇餞女生君猶從我覓詩行窮途白眼何須
怪亂世蒼顏不足驚南國旌旗猶滅沒中原戈甲正
縱橫蘇湖亦產人頭豆為問扁舟底遠征

送景荀

丈人能事見斯文世業家風盡屬君自許且評方籍
籍豈同時輩謾紛紛清於須水真堪挹秀自即峯故
不羣五馬雙旌何足道便看平步到青雲

送石與德孺

坡老仇池安在哉佛家鷲嶺解飛來但令氣象侔衡
霍可要孤高切斗魁渦處正堪承雨露浪中莫使長
莓苔明臆淨几無塵入想對詩翁墨沼開

送表之

平生佳處在離騷怪我年來得此豪不信胷中橫太
華試從筆下看驚濤門連止水心無競地接名山眼
更高要是一時廟廊器莫將劉向比王褒

送徐漕

都門雪罷看楊柳濯濯風流已不羣千里澄清方有
道十年出處不忘君新詩舊自開錦段醉面向人生

松庵集卷五

宜 秋 節

纈紋我欲從公借餘地與傳名姓上青雲

送徵文

一見瓊林病眼開東南秀爽力能廻須知載腹五千
卷受我澆腸三百盃可但世官從鳳詔要看人物上
雲臺歌呼枉廢談天口宜及中興國論陪

簡巽老

雨後綠陰無處著風前黃鳥為誰歌天為世亂相逢
少子以詩鳴不遇多行在故人能健否瘴江逐客奈
愁何典衣尚可供湯餅蚤作清涼肯重過

簡彥庸兄弟

五年蹤跡似浮萍豈料全家入畫屏春去水田方漫
漫晚來山霧却冥冥可憐北客鬢毛白尙喜主人眸
子青準擬豐年多釀酒正宜長醉不宜醒

簡辨老

松杉高下韻笙簫谷口鐘聲梵海潮秋氣作陰連蟋
蟀夜寒隨雨上芭蕉身危甚幸依賢庇吏隱何須覓
句招直待他年見鳧鳥始傳仙葉有王喬

簡立之

稅駕居鄰古寺中高堂永日笑言同山雲濃淡未成
雨溪竹飄蕭先得風短髮只從今歲白衰顏無復少

松庵集卷五

三
宜
秋
僧

時紅君家醞熟能分我一醉端令萬事空

簡劉致中兄弟

祖筆摩空有賦聲長揚羽獵舊齊名頗推門第多人
物故作樓居遠世情我輩一生悲短褐君家五字倚
長城武陵欲借漁舟便春水桃花不計程

簡湖公

茗椀紋楸豈不譁心如出水妙蓮華喜君活計唯三
事遇我人情似一家夜久竹聲聞雨過曉來山色看
雲遮此身去國已千里回首中原猶暮霞

簡致中溫其

世情何怪白頭新豈料窮途復友仁一室他鄉春笑
客半年行路雨欺人朝川詩說王摩詰谷口名聞鄭
子眞想是書樓似圖畫雲峯矗矗水粼粼

簡蘇二丈

大人清德冠儒林三世文章照古今節比松筠元自
直氣含海嶽故能深篋中尙有爲郎被堂上寧無化
俗琴賤子飄零無死所可憐窮旅費黃金

池上書所見留別益謙

池上風煙故可人倦游老眼厭紛紛晴雲出岫似知
我野鶴鳴皋疑是君可恨音書長契闊尙存盃酒見

松庵集卷五

四
宜
秋
僧

殷勤新詩準擬類相寄獨學方當病寡聞

過德孺池上二首

樹色溪光五月寒幅巾藜杖接清權吞聲鳥自屏中
過倒影山從鏡裏看佳處唯堪著魯次平生久已付
毫端向來未築沙堤路豈信東山有謝安

誰堪秋熱與春寒北客南州有底懽酒熟但招吾輩
飲詩成莫與俗人看眼明白鳥清溪上心折黃鸝碧
樹端口誦離騷手遮日夢魂不敢到長安

次韻德孺感懷

傲屣浮雲世所難誰堪走俗抗塵顏海鵬已激三千

初天馬終歸十二閑醉發杖藜雲逐逐香凝宴寢雨
斑斑林泉久假皆吾有何必捐金更買山

梅二首

歲晚忽忽日復夜老禪相對口慵開夢歸千里幾時
到香度一枝何處來世亂飄零少供給地寒潦倒無
梯媒可憐七尺髯如戟媿負妻孥空撥灰
可憐映竹深深見似爲催詩特特開湖上林逋今老
矣揚州何遜未歸來前村欲雨鳩呼婦斷壠收晴雉
應媒幻境應當如是觀道人深悟剗池灰

溫其示梅詩用韻爲謝兼簡士特

松庵集卷五

五宜秋館

可喜劉郎鬢未霜能容宋玉近東牆自知老眼無春
事誰意窮途得夜光前日桃園真有路何時蘭室可
無香便須一醉經千日免作人間寸寸腸
潦倒誰憐五十霜登門可媿及肩牆銀鈎已作驚人
勢玉唾何慳照眼光春醉燈前猶縱博夜闌帳底更
添香阮生正作窮途哭漫道江南刺史腸

席上賦梅

桃李何須續後開芝蘭勝韻許相陪先春莫道無深
意調鼎方知有大才南國正宜溪上路故園長夢竹
間臺騷人不爲尋詩句自愛幽芳特特來

和如祖弟二首

老來風味淡於秋媿負平生馬少游但得山雲供晚
眺何須花雨作春愁新詩未省曾多見情話端知肯
獨留政渴一盃澆磊砢書生何用玉爲舟
綠樹黃鸝陰復晴春風何處不堪行野烟著草綿綿
色江日浮花灑灑明故國音書添夢想異鄉節物減
心情達人盡說兵戈事始覺如今去就輕

叔易席上

何處春光最可憐仙山亭上碧巖前窮來更覺詩堪
畫老去惟知酒可仙雲色弄晴花蘸水風光縱好柳
拖煙左思近有三都賦誰與吹噓送上天

松庵集卷五

六宜秋館

和實卿席上之韻

翠竹丹楓共一村詩家得句轉清新已憐楚地梅知
臘更想隋河柳欲春須信成名皆志士故應行樂屬
吾人請君泮礪斑斑又始驗儒冠不悞身
席上次表臣韻以遺明之仍督其和章

一日須傾三百盃新年物色興悠哉應憐遠客此流
落故有幽人常往來楮刻三年殊未就詩成七步可
須催平生信筆多狂簡從此方知所以裁

復次韻呈諸友

梅樹飄香酒滿盃時危風景亦佳哉橫筇有客挑錢
去重擔誰家送米來雲色可憐談次改年華不奈
邊催蕭郎及我親書尺珍贈霜紈費剪裁

題畫卷

平生丘壑幾欲顛誰使老來逢鄭虔蒼鬚對我三千
尺黑頭聽渠十八年已有霜雪入晏座寧無風雷浮
屋椽箇中得句不敢吐可人何許心悠然

次韻呈德基兼呈王侍郎

書生卧病久無衣不意臨衰厭鼓鼙鄉信畧無鴻鴈
到客愁惟有杜鵑啼誰憐彈鋏長依孟自不工竽謔

松庵集卷五

七首

說齊我亦漂流費耘業看君文字照潯溪

臨川道中寄汪守

漸遠閩中地更平土風疎爽語言輕山濃不減嵩高
翠溪漲渾如洛浦聲忽見槐花思舉子欲求螢火遣
書生使君元是丈人行回首鈴齋空復情

奉懷養源士特似表

一坐關山百念灰德鄰詩社許徘徊靜看林鳥銜花
去寒覺溪風送雨來小阮有懷應種竹步兵無事且
傳盃東牀坦腹真佳婿俗客多慙數月陪

懷清叙

夢想平生始此迴扁舟坐穩興悠哉陰陰樹底鶯聲

切漠漠日中雨氣來亂世等閒凋鬢髮故園何處問

池臺臨風不見高公子正渴論文共一盃

初至毗陵簡吳老時有所懷也

從來語默有干鈞亂後相逢氣益振好鳥開聽如應
客清風挽竹故留人更貧豈願墦間祭已老猶堪席
上珍說到蒼梧淚橫臆皇天萬一照酸辛

觀湖二首

雪屋銀山滿上頭年年偉觀近中秋只言滄海無廻
浪豈信長江有逆流一一檣帆如過鳥時時烟雨要

松庵集卷五

八首

沈牛青衫白鬢功名晚何日翩然范蠡舟

海舶忽驚風打頭觀瀾又破一年秋若爲盡作五中
物安得飛來枕下流豈計雙鳧兼乘鴈誰分去馬與
來牛君王大業追神禹前日黃龍已負舟

送公卷赴金陵

惟曾家世頗堪論文采南豐實浚源德必有言人望
重義形於色主威尊隋珠未可輕彈雀腐鼠從教競
嚇鷄固是相門終出相魯公泉下有英魂

赴端禮之招道中偶成

月離子畢俾滂沱兆及豐年喜欲歌任有泥塗甘曳

尾更無波浪敢憑河老來酒量難酬醉閒裏詩情好
珠磨晏子方觀久而敬人間炙手又張羅

道中口占呈翁養源

山行密雨來紛紛過午人家猶掩門水寒鷗鳥亦亡
賴煙濕梅花如欲言頓忘客子懷抱惡可喜丈人顏
色溫而今何計百年事乞與清詩當綠樽

呈九兄

我兄少有謫仙才襟抱於今得好開珠玉盡從談次
落溪山渾入句中來弦歌小邑徒勞爾松菊故園安
在哉有客漂流無稅駕願將高義挽春回

松庵集卷五

九

送二十兄還鎮江

此行檢校幽棲事佳處知公故未忘新筍定應過母
大舊松想亦及人長老來對客須靈照貧後持家藉
蓋光世亂身危何處是二年孤負北牕涼

僕入月山介卿有詩見懷次韻答之

鼠輩欺人可奈何我今行橐已無多醉魂尙愛黃華
谷歸夢長迷白石坡壯士陸沉無籍在道人香積有
經過行朝近報仍安穩想見沙隄蹠玉珂

放步登遊回謝表臣遺酒

每愛前山似畫圖興來蕭散豈能無幽人著屐全忘

懶野老關門不可呼夕照暉暉明遠水春風莽莽著
平蕪晴來已喜兒能賦軟脚仍煩送一壺

次韻民瞻端禮二首

枉報新詩錦不如句中風竹韻蕭疎頗分涇渭甘從
子不較窮通豈病予避地擬求千日酒誤身何用五
車書誰人與作任公釣要使東人厭若魚

春雨既過雲未歸春寒屋下人無依林如膏沐鴉鳩
語草已怒生蝴蝶飛中原格鬪幾時定北叟飄零何
所歸我今始悟遠伯玉明知四十九年非

次韻明孺見遺之什

松庵集卷五

十

世家傳子又傳孫豈較前身與後身知足已如倉庚
氏忘懷真是葛天民騎鯨又見詩無敵射虎何須武
絕倫白屋朱門果非是萬錢日食是何人

次韻端禮見寄

自昔孤芳難寄林亂離漂泊却須禁春風不解迴雙
鬢夜雨何堪攬寸心薄日花光懷杜曲清流竹色夢
山陰從來玉石崑山火臭味多君肯嗣音

次韻樸姪見寄

鼙鼓聲中老戰塵故山歸夢月三更交情咄咄渾無
蘇學古悠悠浪得名菴茶未嘗追世職熊轡何足語

官榮何戚自是吾家秀始覺前人畏後生

簡郭令

煌煌世譜未應微直道高懷古所稀義往誰能單騎
見幽尋坐想墊巾歸公庭此日棠堪憩仙路他年烏
解飛願我登門勤劄屣題詩媿匪謝玄暉

遊羅漢院因會張良輔大夫遂留於壁

寺古天寒杖屨清閒身合得此間行破煙獨鳥驚人
去馭雪羣峯照眼明坐久泉聲醒客耳談餘茗味發
詩情張公語壯髯如戟蚤晚掀瀉看斬鯨

謝養源惠茶兼陪士特清嘖

松庵集卷五

十一 宜 秋 節

仰止先生道不窮愛茶直似玉川翁靈芽動是連城
價妙手纔爭一水刃賤子詩書元未飽愁腸藜藿豈
宜蒙高齋罷酒陪清嘖歸御冷然兩腋風

和九兄賀二十六兄除大諫

祖德當年吐握勤諫垣人物典刑存在陰鳴鶴和有
子庭嶧孤桐枝見孫王室艱難欣得士世家矜伐敢
援恩清明譽謬平生事況乃中興闢四門

亨仲家兄擢居諫省詩以賀之

除書喜動薦紳顏穩上天池刷羽翰詩似少陵多教
化文從太史有波瀾王庭看折朱雲檻儒巷聞彈貢

禹冠兄弟相知夫豈敢會憐流落久江干

和表臣遺詩招歸仙隱

客裏栖栖歎食艱桃源也復念人間九重鷓鴣思金
屋萬里烟塵痛玉關節物可憐梅競出浪萍長羨鳥
知還明朝跋馬歸仙隱健筆清樽儘傲閒

桐廬道中九日逢子公

三年客裏重陽節故典征衣共一杯鴈下紫萸能自
好霜前黃菊爲誰開中原戎馬定何許故國池臺安
在哉山水中逢張學士慢扶雙漿不須催

景荀築室偉甚詩以贊之

松庵集卷五

三 宜 秋 節

將老從君得所圖交情及我歲寒餘適聞蔣詒開三
逕且喜揚雄就一區盡取風煙多種竹雅爲窻牖便
看書無錢可買牆西地決背雲峯正起予

中秋對月

露洗風吹未遑央登山臨水總心降明年此夕知何
處自古中秋不可雙尙倚人琴温似玉更能詩酒浩
如江披襟挂額渾無寐斗轉參移莫下廳

次韻四首寄德基兼呈侍郎公

溪流暴雨漲江同咫尺西鄰信不通衰朽怕看青鏡
裏笑談猶近翠屏中侍郎客到無奇禮教授詩來有

古風五載皇皇無稅駕我途正似阮生窮

蒙塵天子尙戎衣南國旌旗正伐虜國士傷時多刺
怨王官失路有悲啼似問叔向方圖晉亦報夷吾未
去齊易地皆然心寸折釣竿吾欲老磻溪

書文車軌幾時同諸道唯聞羽檄通豈較北南聊暫
寓若論賢聖且時中門前楊柳方垂雨溪上桃花初
舞風誰見東山謝安石命賓攜妓興何窮

紫鳳天吳在短衣亂來無日不鳴鼙隨情野鶴雲間
舞夢遶城烏月下啼但得交情如水淡何須婦僕與
眉齊抱琴載酒明朝去相送毋勞過虎溪

松庵集卷五

三
宜
秋
節

松庵集卷五

松庵集卷六

宋 李處權 撰

七言律詩

寄呂季升

家世中朝第一流，郡符那得久淹留。
詩情更入江山國，醉眼獨高煙雨樓。
文舉定非餘子輩，元龍須向古人求。
礪溪莫訝功名晚，今代何人有直鈎。

寄希真

歲晚沈沈雙鯉魚，交情可是白頭疎。
含香不見爲郎後，吐屑頻聞賜對餘。
內廐給乘千里馬，大官供餌萬

松庵集卷六

一宜秋館

錢厨絲綸潤色須，公等莫負平生載腹書。

寄益謙

青鬢追隨到白頭，中間憂患兩悠悠。
異時果有臧倉沮，他日寧無雍齒侯。
舊隱重過三徑菊，昔賢何在五湖舟。
一盃坐阻論文酒，老懶閉門春事休。

寄蕭國器

路貧不在屢屐炊，調苦誰聞食菜時。
枉道故於尋尺見，求人曷以斗升爲。
夷吾不去齊何患，叔向方來晉可知。
得士則興今亦古，可能只直五羊皮。

次韻表臣見遺喜歸

溪南渾似朝川居，不啻當年卧草廬。
從昔金聲蒙謗，瓶至今汗血回鹽車。
端知將相真無種，更喜才華甚有餘。
及此知機同兔禍，季鷹初不爲鱸魚。

寄八十五姪

拒玩新詩病眼開，家風端有謫仙才。
祇應魚蟹留人住，肯爲溪山喚我來。
客舍更堪秋乍入，鬢毛無奈老相催。
重陽共醉滕王閣，此觀人間亦偉哉。

陪德孺遊徐氏園池

十載吾廬信不通，偶來仁里一尊同。
心驚人物如江左，眼淨林塘似洛中。
著日晶明松下雪，弄波蕭瑟竹

松庵集卷六

二宜秋館

間風澆花讓酒勤，料理作記東園有醉翁。

送梓伯弟親迎兼簡宜卿龍圖

悲秋宋玉已銷魂，忍聽陽關共十分。
黃葉蕭蕭下寒日，碧山逐逐過晴雲。
面如濯玉想無對，氣已食牛知不羣。
問訊冰清懷大雅，世家王謝屬斯文。

春晚簡德孺

人生有酒卽佳辰，忽忽園林已暮春。
雨後落花潭帖砌，風前飛絮欲沾人。
我如放浪陶彭澤，公是風流賀季真。
伊水崧雲在何處，舊衣猶有洛陽塵。

江上望靈石

似聞環佩雜簫笙鼎立爭雄凜太清不與古今爭變
化可能舒慘屬陰晴花開玉井難求種月下瑤臺但
有名我亦生來未嘗屈敢持方寸並崢嶸

題祖道藍輿亭

淵明佳致在藍輿子以名亭德不孤異代頗能同臭
味他年猶得見規模掛簷明月聊堪問入座清風不
待呼我欲與衣供一斗興來能賦百篇無

雨止送王侍郎

南州春老雨如絲刺眼青秧水滿陂樹濕黃鶯看更
好溪渾白鷺立多時寸心折盡人千里霜鬢凋殘酒

松庵集卷六

三宜秋節

一卮我恐前身是匡鼎幸公不厭解頤詩

雨後凝秀閣口占呈子方

鑿石爲渠水有聲四垣惟欠竹青青壁含霽月光千
丈黛拂雲峰畫一屏香異定應來絕島茶甘初不藉
中冷主人莫惜千金費更作飛樓擬摘星

妙空出示諸公詩卷次元韻

已嘗芭蕉喻此身木人花鳥豈知春他家定自無生
滅此物何嘗有故新美玉不羞論瓦礫明珠終解照
泥塵相逢一歎空歸去無語堪酬彼上人

送杲兄

矧子誰爲蓋世豪生憎汚俗紫方袍何須鑑水能知
止未必歸雲可擬高虎穴等閒休探手龍泉取次莫
吹毛君知五祖堂中老妙處何曾掛一毫

簡仁山海老用山谷贈靈源老人韻

禪關無復老萊衣陟圯心推怨夕暉泣血可憐猶不
死望鄉無處欲何歸仁山老子方傳法枯木堂中久
息機不見桃花并柏樹焉知四十九年非

遊羅漢院途中口占

休論至後日相催乘輿藍輿到嶺隈風竹盡搖花玉
玦雲山渾作爛銀堆須知此日逢僧話不減當年訪

松庵集卷六

四宜秋節

戴廻更喜彭君真我輩溪流渡馬肯相陪

送密老

歲寒紆錫辱西歸一笑忘言意自深怪石奇松那有
價片雲孤鶴本無心上人已了洞山偈倦客方爲梁
父吟枯木堂中無孔笛侍郎今日是知音謂向伯恭

寄曇晦二首

道無南北本同流遠赴叢林非所求到底此生俱擾
擾從前何事不悠悠撞鐘擊鼓千人飯戴角披毛萬
劫休蚤晚相從巖下寺對牀清話雨巖巖
高僧闍坐諸生夜久亦聞絃誦聲物外喜君能筆

峴巖中窺我漫簪纓鉢歿尚返慈烏哺囊句時爲老
鳳鳴他日籃輿蓮社約祇應惠遠識淵明

喜雪

剪水適從天上手綴條不作世間花柴門有客方高
枕石鼎無人共試茶清借遠山迎馬出潤舍脩竹倚
窻斜令人却憶前年盛輦軟歡聲百萬家

戊申春登平山谷林二堂時茂世應時同行追
錄之

已過平山又谷林登高能賦興何深羣峰雪後皆浮
玉萬竹風前亦碎金尙喜日聞黃屋信可憐時動白

松庵集卷六

五宜秋館

頭吟載遊不爲壺觴事攜取君家綠綺琴

和懷英雪詩二首

路迷應有誤隨車望眼樓高莫可涯鶴駕鷺濤來浩
渺瑤林瓊樹出交加廣寒玉兔翻羞縮上蔡蒼鷹正
怒拳得句幽人方起舞夜寒明月在梨花

縱賞鈎簾面透山蟹螯誰復問尖圓飛花空自嫌春
晚折竹應常念歲寒句法一如冰柱險書齋坐怪玉
壺寬回知柳絮因風起何事青天亦受漫

謁王夏卿同過曼卿西軒留題

烟雲坐久濕人衣未覺城中有鼓聲春到好花隨意

折日長幽鳥盡情啼貴公行色心方壯曠士閒居物
已齊客子不知今夕夢故鄉何處是潛溪下村水竹全類潛溪

乃贊皇公
平泉別墅

車水

挽盡溪流沮洳渾幽人晝卧懶開門諸鄰鵝鴨頭亡
賴一夕魚蝦無半存及此焦枯方有禱若從暴殄豈
堪論清漪綠竹城南路回首吾廬正斷魂

賦郭令南軒梅

世亂何堪歲月摧高齋始見數枝梅想他疎影橫溪
過撩我清香入座來老眼相看渾幾許幽人獨折未

松庵集卷六

六宜秋館

多開情鍾正屬吾曹事滴被風霜破百盃

強立許酒不至因以趣之

北里溪山翠滿門似聞小阮褰浮春憐渠世亂益風
味念我途窮多苦辛曠士可無千日醉浮生何事百
年身臨風日日香穿鼻被縛甘爲甕下人

雪後赴徐氏招呈德孺

梅林樓閣上嵯峨淺滌淨漸亦自波莊叟夢中非一
蝶右軍書次失羣鵝句從冰柱思能苦人在玉壺寒
更多宴寢凝香歸入夜流蘇帳小奈公何

雪後赴徐氏讌集

已雪猶陰更逆風斜川石初斷行踪瑤臺貝闕三千
丈玉樹瓊林一萬重學子經時無載酒隣僧過午未
鳴鐘華筵此地成賓主孔翠屏深琥珀濃

醉後贈道夫

冰柱雪車元有聲五言早已號長城仙源迷路及春
淺盜騎解圍空月明君豈似龜將曳尾我端如鴈不
能鳴何人肯作千金貨賣藥江湖隱姓名

贈王師古

安城西有慶雲鄉山秀溪明出孟嘗每見朱門推愷
悌遂令貧士有輝光君家太尉威名遠世譜觀文德

松庵集卷六

七
宜
秋
借

澤長蒼狗白衣何足道古今興廢兩茫茫

寒食日同賞卿步江頭

樹含新綠花事稀友生要我盪重違信脚一百五日
出門心四十九年非錫粥盤空家立壁松楸地遠淚
沾衣弟兄不見音書絕植杖臨流賦式微

送希真入洛

一踏紅塵又五年倦游翻作送行篇春花秋月誰無
分伊水崧雲自有緣我比嵇康猶更懶子追元亮故
應賢因歸望訛忘機老買筒魚舟買幾錢

投建陽王宰

異時丞相柏文盟一顧曾空冀北羣鉛槧無功方笑
我箕裘不墜蚤知君詩家只說王摩詰官况誰憐鄭
廣文散盡黃金猶作客還來把酒對孤雲

酬辯老見遺懷舊之什

老去何堪行路難冰霜幾晚見蒼官鱸魚南國無張
翰妓女東山有謝安秉燭夜闌真是夢傳孟秋際若
爲歡吾徒恰似豐城劍光氣須從斗下看

題次真東軒

亂來身世任浮沉宴豆南州幾盞簪十頃菰蒲秋向
晚一池烟雨夜來深詩成頗復蒙嘉賞酒熟時須共

松庵集卷六

八
宜
秋
借

滿樹吹取陸郎攜綠綺小涼同聽越江吟

陪德久出郊

北客南征歲欲陰經行始滿愛山心霜溪見石如清
洛烟村參雲似故林昨日喜傳黃屋信係生怕聽自
頭吟公歸問說庵中老隻履西來意淺深

謝翁士特惠筍

北客未識蒲頭筍此來逢君欣得之出土好色已勝
玉下箸珍味端如飴口涎饑嚼笑早計食指蠕動罷
前知小鱸誰見親煨熟醉眼背騰岸接羅

再到值雨

無復清池照病顏，尚餘詩思發天慳。西風似水初鳴，
葉細雨如塵，不隔山成。熟自然民意樂時平，更覺鳥
聲聞。江梅會見花敷雪，劇飲須期，倒卧還

偶至溪岸時當寒食書節物呈同行

風作山雲斷，復飄沙平。竹日影蕭蕭，柔桑始葉，蠶爭
出淺水無魚，鷺獨翹。白髮尋春悲去國，朱門賜火望
行朝。游從此地多君子，乘興來過不待招。

止戈堂

坐見妖氛犯斗魁，使君謀略信雄哉。寇如狐兔草間
出兵似貔貅，天上來門館無私。千里靜賓朋多暇，百

松庵集卷六

九宜秋館

壺開他年入數中書考始識汾陽濟世才

簡王夏卿侍郎

下村正與朝川同，只恐桃源有路通。山色直侵書幌
裏，花香盡泛酒盃中。使君已致隨車雨，丞相方來拔
木風。照席侍郎真玉樹，慨然憐我坐詩窮。

寄德器二首

清耽七盤愛盧仝，富積千金鄙鄧通。新歲烟塵悲塞
北，舊時花鳥憶回中。可能春雨如秋雨，合是東風却
北風。尚喜張儀唯舌在，百年從古沒終窮。
客舍春寒數挽衣，雲重雨濕不聞聲。老妻未免負薪

歎稚子何爲索飯啼，南地好山青不斷。故園芳草綠
應齊，曾中碗磊但塵土。慚媿錦囊兼玉淡

後樂堂

去盡沙鷗水照空，羣山濯玉有無中。亂來更覺心情
減，佳處猶欣臭味同。喜有清樽對雌雉，慚無健筆繼
雄風。此行會見承平否，歲晚飄零已秃翁。

和與可見惠之詩

倚馬萬言纔一揮，問年於我亦肩隨。才華蚤擅鄉評
在，人物行看國士知。黃卷沈酣端有志，青雲騰踏豈
無時。小人薄宦猶三黜，方駕聊同柳士師。

松庵集卷六

十宜秋館

次韻巽老

風前竹榦須料理，雨後蝸涎費掃除。北客經過無好
語，南州騷屑少安居。雄稱百萬空扛鼎，功蓋三分謾
顧廬。識字信爲憂患始，鄴侯何必萬籤書。

逐辨老

琳宮尚記昔年遊，撲面楊花晚不收。自倚釣魚終悟
主，誰知射虎不封侯。江湖已恨長爲客，風雨何須橫
作秋。未見故人心已醉，更禁十日爲君留。

元長生辰

力扶吾道與斯文，世職家聲蚤出羣。欲致昇平盛會

我從來出處不忘君龍吟虎嘯彌千日兔髓烏肝恰
一斤已格皇天方俾壽才須騎虎上青雲

送蔡伸道

當年傾蓋便情親老去那知更賤貧松竹故園秋未
老溪山南國雨能新可憐作客身如夢尙喜傳家筆
有神咫尺重陽歸務速吹花落帽要吾人

題南浦樓

此生何處是真歸俯仰人間念念非雨後溪山無限
好烟中鷗鷺自由飛隻輪雙槳成何事白酒黃鷄可
息機北客上來千萬恨故鄉回首夕陽微

松庵集卷六

十一 宜秋館

七言長律

題錢德載雙清堂

誰識堂堂忠懿孫至今人物典型存頗同陶令辭蓮
社但學龐公隱鹿門醉枕泉清分石脈吟窻樹老出
雲根嘉攜自有東山妓好事寧無北海樽服食方依
煉丹井躋攀莫近洗頭盆秋風百本籬邊菊夜月三
號澗下猿未怪煩穿康樂屐可須多羨辟疆園題詩
我媿詞源涸作記渠能學海翻亂後烟霞真得計謬
中丘壑要重論十年殺氣纏伊洛回首吾廬正斷魂
七言絕句

傳書三首

柴門如畫映山隈窮窳軒窗向水開想見幽人清徹
骨松陰翠竹竹陰梅

碧澗溜澗遶竹林欲從源水阻幽深春風想有桃花
樹更有漁舟可訪尋

朝雲漠漠雨絲勻山路清無一點塵桃李著花溪水
滿斷腸何處故園春

雨止奉送制置侍郎王公

已晴雲氣却濛濛坐見前山沒半峰報道名卿謁丞
相不須行雨借蛟龍

松庵集卷六

三 宜秋館

簡辨老

晚風吹葉滿溪流落日孤雲萬里秋徑欲五湖尋范
蠡醉攜西子上扁舟

戲辨老

不獨京塵解化衣秋陽流火樹陰稀折腰爲米初何
有親見淵明負弩歸

舟中偶書

兩山相對似香山澗響渾如八節灘安得高風從此
去載醪猶是菊花殘

道中題梅

山家梅樹出疎籬
好客殷勤折一枝
直是老來風味薄
而今相過可無詩

雪中過伊南

低陰漠漠水漫漫
楊柳如絲不忍看
見說山前風更惡
杏花無處避春寒

促夢弼釀

客舍猶尋未見書
鄉侯何止萬籤餘
君家釀玉推能事
得及重陽把盞無

題湘圖

當年此地勒花竹
景物方成姓又移
儘愛芙蓉照秋水

松庵集卷六

三
直
秋
信

水倚風懷往亦多時

赴端禮之招道中

高人折簡苦相催
要及春花把一盃
花柳溪山寒食後
雲中何似雨中來

次懷英韻

亂來身世羨沙鷗
雲後溪山祭雨眸
不用東牀呼外舅
當年雅契在仙舟

陪德孺遊徐氏園池

倚魚花竹靜相參
淡雪融春青出藍
月下醉歸休秉燭
要將清夢過江南

和翁子秀夜過溪橋韻

千里無雲湛九霄
月明花露滴春橋
何時心緒如楊柳
笑倚春風萬丈條

松庵集卷六

南城李之銘葆生校

松庵集卷六

直
秋
信

宛平劉家立劍白覆校

崧庵集跋

此集亦四庫傳鈔本館臣輯自永樂大典者仕履畧可攷見已著提要中但四庫總目與提要詳畧互異殆修總目時重有增訂也巽伯承其家學淵源有自身際南渡之難間關兵火窮愁奇苦一以發之於詩意曲而能達詞華而不浮迥非南渡以後卑靡者所可同年而語此集湮沒已久若非四庫蒐輯安得起千載之沈晦而復昭著於世哉當乾隆間詔開四庫館採輯天下遺書佚者又輯諸大典校對者數百人繕錄者至于餘人時歷十年始克藏事考文盛典

崧庵集跋

一宜秋館

甲於古今詎元明所堪媲美歟江城蠶處獲校斯編感從中來有生非其時之歎此本爲涇縣洪樗園君槃所假抄乃開有益齋朱氏緒會舊藏鈔本也甲寅季冬南城後學李之鼎振唐識於灌嬰城南之抱宋廬

岩庵集校誤表

原改	一葉	二十行	三字	時	原誤詩今改
三葉	四行	一字	然	新宋樓藏書志無然字	同上作奚
四葉	十五行	二字	游	原遺伎爾宋樓藏書志補	原作春
卷一	一葉	十四行	六字	眷	原誤甚
二葉	三行	五字	甚	原闕	原闕
	四行	七字	曠	原闕	原闕
五葉	十二行		木蜜	原誤本密	原誤逸
九葉	十二行	七字	逆	原闕	原闕
十二葉	十九行	七字	無乃	原闕	原闕
十四葉	八行	十字	央	原誤殃	原作可今改
十六葉	十五行	十字	何	原作理今改	原誤有
十七葉	六行	九字	里	原誤有	原誤有
十八葉	三行	三字	月	原誤有	原誤有
卷二	一葉	十七行	十字	褚	原誤褚
	二十行	十字	口	原作口	誤險
七葉	九行	十字	險	誤險	原作永
八葉	十五行	十字	咏	原作永	原誤不與
十葉	九行		與不	原誤不與	

岩庵集校誤表

一

十一葉 一行 三字 丈

十三葉 十行 三字 赤

十三行 五字 萃

十八葉 八行 廿字 福

九行 五字 叛

卷三 二葉 一行 七字 醜

四葉 一行 十字 慕

四葉 一行 十字 慕

九葉 十四行 十三 過

十一葉 六行 十字 君

十二葉 十九行 十字 鷄

十四葉 四行 十字 烏

卷四 一葉 九行 十字 遲

十一葉 二行 廿字 章

三葉 七行 三字 直

四葉 三行 六字 樓

五葉 一行 十字 發

二行 十字 必

卷五 三葉 七行 三字 直

四葉 三行 六字 樓

五葉 一行 十字 發

二行 十字 必

岩庵集校誤表

二

原作大今改

原誤

原闕

原誤

原誤

原誤

原誤

原闕

原闕

原闕

原闕

原闕

原闕

原闕

原闕

原闕

原闕

原闕

原闕

原闕

原闕

原闕

十四葉	九葉	八葉	七葉	十二葉	十葉	七葉
二行	十七行	十九行	十四行	十二行	十三行	六行
五字	七字	十一字	九字	十一字		十四字
澁	仝	木	豆	傷	非是	晏
原作堪	原作同	誤承	原誤籬	原誤錫	原作是非	疑宴

松庵集校誤表

三 宜 承 館

符

海

居

士

柔

二

卷

甲寅三月初

於三妙館

野南齋署



欽定四庫全書總目卷一百五十七

藏海居士集二卷 永樂大典本

案藏海居士集散見永樂大典中題宋吳可撰可事蹟無考亦不知何許人考集中年月當在宣和之末其詩有一官老京師句又有挂冠養拙之語知其嘗官於汴京復乞閒以去又有往時家分甯比年客臨汝及避寇湘江外依劉汝水旁句知其嘗居洪州建炎以後轉徙楚豫之間又可別有藏海詩話一卷亦載永樂大典中多與韓駒論詩之語中有童德敏木筆詩一條

藏海居士集四庫總目

一宜秋館

考容齋三筆載臨川童德敏湖州題顏魯公祠堂詩一篇其人與洪邁同時則可乃北宋遺老至乾道淳熙間尚在也集中所與酬答者如王安中趙令時米友仁諸人亦多南北宋間文士元祐諸賢風流未沫故所存篇什無多而大致清警與謝逸謝薊兄弟氣格相近特其集既不傳後之言宋詩者遂不能知其姓氏厲鶚宋詩紀事搜羅至三千八百餘家亦未之及則其沈晦已久矣今一一裒輯析為二卷與詩話同著於錄俾不致終就湮沒焉

錢塘丁丙善本書室藏書志

藏海居士集二卷 舊抄本

宋吳可撰

此館臣探輯永樂大典之草底有翰林院點抹筆迹猶儼然也據提要云可當宣和末年官汴京復乞閒以去嘗居洪州轉徙楚豫之間集中有與王安石趙令時米友仁諸人酬答詩

藏海居士集二卷 瞿氏精鈔本

宋吳可撰

藏海居士集

一宜秋館

右為瞿穎山所錄紅格本末有自題云道光丁酉秋八月日走筆錄竟瑛識穎山清吟閣收藏金石書畫極富辛酉兵燹散失無遺此則一鱗片甲耳按上元朱緒曾據張用鼎金陵新志米芾寶晉英光周紫芝太倉稊米集諸書稱吳可字思道金陵人以詩為蘇軾劉安世鑒賞官至團練使宣和末年挂冠去質授武節大夫致仕詩思益超拔後寓新安野服蕭然如雲水人別有詩話一卷

上元朱緒曾開有益齋讀書志

藏海居士集

緒曾嘗覽元張用鼎金陵新志云吳思道金陵人以詩為蘇軾劉安世鑒賞官至團練使宣和未亟挂冠去責授武節大夫致仕詩思益超拔寓新安野服蕭然如雲水中人其高逸如此於是思求其詩而讀之及見厲樊榭宋詩紀事卷四十一有吳可字思道金陵人宣和末官至團練使責授武節大夫引孫覲所作汪彥章墓誌云大璫梁師成用事小人朋附目為隱相武人

藏海居士集

二宜

吳可者師成許以能詩至出入卧內公罷符寶可過公致師成意曰聞名久矣幸不鄙過我禁從可拱而俟也公謝不往客曰吾曹望隱相之門如在天上召而不往何故公曰若使我與可輩為伍耶厲氏所載吳可仕履略同薰猶異器又以孫覲小人多詆訶清流語不足據而未敢臆斷也復於鮑氏叢書得藏海詩話又得文淵閣傳鈔本藏海居士集皆宋吳可撰集中清涼寺小醉二詩與厲氏所載同遂蓄疑久之然未敢謂即金陵志之吳思道也證以米元章寶

晉英光集贈建康吳詩客云江上遲留臘破春

好詩時見賈參軍年來覽遠多新句難附江楓

與海雲注吳名可字思道金陵人然後知吳思

道金陵人然後知吳思道之即吳可矣又證以

周紫芝太倉稊米集吳思道示藏海小集云文

物風流數建安此生猶及見波瀾清詩更遣何

人到餘子懸知一笑看猶恐向來無鮑謝謾勞

當日話吳韓原注事見李姑溪跋知君有意分

膏馥老眼空驚白雪寒然後知藏海集即金陵

志之吳思道所著矣周紫芝又有次韻吳思道贈姑溪道人云殘生擬覓

藏海居士集

三宜

山中伴萬事厭從兒輩談笑我攜家常作客羨君買地已成庵早將遼海千年夢換得曹溪一滴甘聞與道人新結社壇雲今不是常參考藏海居士集題馬上元所藏趙墨隱畫淵明四詩云馬卿宰白下又云我本家北阜謝友人約居橫林云懷土若為家直瀆寄米元暉云避喧端欲老三茅尤為金陵人之實據又藏海詩話有少從榮天和先生學詩榮天和居金陵清化市與王松王莊陳角梳為詩社事則其為金陵人灼然無疑蓋反覆考核而後得之伏讀四庫提要云吳可事蹟無考厲鶚宋詩紀事亦未之及蓋因厲氏雖有吳

可名而引孫覲語以為梁師成黨與藏海居士
不類故不從其說益見當日纂修諸臣之慎而
厲氏宋詩紀事之疏也孫覲獻諛金首汪藻亦
醜詆李忠定皆顛倒是非混淆黑白之徒藏海
學本元祐迨宣和末即挂冠較之覲拜邦昌藻
頌秦檜誠不可同年語至於黃緣閣寺乃孫覲
之長技奈何轉以之誣藏海耶藏海生平惟金
陵新志為最詳厲氏不能引而引孫覲鴻慶集
幾使昔賢蒙謗千古何其慎也幸遇我朝文

治昌明瑰寶畢出藏海居士集藏海詩話二書

藏海居士集

四直秋節

七百餘年之墜簡煥然復顯於世緒曾不揣固
陋因詳述原委縷析異同敬附四庫提要之

後以正宋詩紀事之訛而於金陵之文獻未必

無裨益云

謹按趙與峕賓退錄摘孫覲作莫開
墓誌以屈膝求和為是作方侯萬墓
誌極表其殺忠武之功今觀其鴻慶居士集聞
人李公碑亟稱其高風絕識自以不獲見之為
大恨言必稱公覲於李綱等率加誣辭宋子與
人言每以為恨謂小人不可使執筆至於受金
人女業為欽宗州表上金主極意獻媚豈
能與藏海居士同日語哉受業吳繼曾識

附吳繼曾跋 厲樊榭宋詩紀事有吳可字

思道金陵人所錄如清涼寺及小醉二首俱

見藏海居士集然厲氏誤引孫覲鴻慶居士

集以吳可為梁師成黨 四庫提要云厲鶚

蒐羅至三千八百餘家亦未之及以厲氏疏

於考證止知有孫覲之語而不知有藏海之

名也厲氏漫引孫覲不深核是非遂使吳師

道之詩名不顯即金陵人亦鮮有稱之者吾

師朱述之先生證以周紫芝太倉稊米集有

題吳師道藏海小集詩米芾寶晉英光集有

贈建康吳詩客詩注吳可字思道金陵人復

合元至正金陵新志吳思道傳參互考訂然

後藏海之事蹟始著其為金陵詩人無疑矣

藏海居士集

五直秋節

繼曾又考魏慶之詩人玉屑引復齋漫錄韓
子蒼喜吳可小詩東風可是閒來往時送江

梅一陣香本張芸叟茶麈詩晚風亦自知人

意時去時來管送香吳开優古堂詩話亦云

方叔李馬喜吳可小詩云云

與韓同即藏海集
晚步詩中語釋惠洪石門文字禪金陵吳思

道居都城面城開軒名曰橫翠軒作詩贈之

其詩云醉撫琴無弦乃得琴中意詩與軒無
山而有看山味青山隨意有那復問城市柳
眠看雉堞便覺是橫翠因以名吾軒坐卧增
爽氣春花解言語風松中宮徵我來不能辨
夕陰滿窗几頗怪靈鷲峯顛狂復飛至清嘯
呼白猿愧我非慧理戲題五字詩平淡出奇

偉若隱意挑戰詎敢摩其壘
大勝賦于虛夸詞託亡是

李之儀姑溪集

有寄題吳思道橫翠堂詩即橫翠軒

其詩云
樓功名地不礙詩人得趣幽何必千巖連萬壑能令六月似三秋茶甌變乳隨湯泛香茶

紫雲盡日浮時覺東城添
絨價應知得句勝封侯姑溪集又有跋吳

思道詩跋吳思道小詞稱其咄咄逼人近時

人未易接武妙處略無斧鑿痕字字皆有來

歷曹勳松隱集鄧肅柅欄集並有寄送吳思

道之作一時名流無不推重是以張邦基墨

莊漫錄羅願新安志陳起前賢小集拾遺皆

有吳可思道詩歷歷可證藏海詩話中論孫

詩雁北還還字不佳即指孫覲又言汪彥章

燈花聖得知少意味知孫汪因論詩不合因

而造謗厲氏見聞博洽惜為孫覲所惑偶未

及考幾使高逸之士下儕替御繼曾懼後人

不察無能補厲氏之闕遂取藏海居士集藏

海詩話二書合鈔諸本亦金陵詩家之碩果

也

藏海居士集經朱述之攷證確為金陵人似

無疑義其於豫章各地屢見篇章且家分監

客臨汝殆流寓豫章為最久者然金陵新志

藏海居士集攷證

六宜秋館

記其寓新安而不言寓豫章何也春間刊此

集時未見朱氏讀書志故跋語疑居士於豫

章為釣遊之舊今確知其為金陵人并證明

孫覲詆訶清流語不足據朱氏於藏海居士

可謂功臣矣亟錄讀書記此條補刊集內裨

後人攷居士事實者一助云甲寅季秋之鼎

識

藏海居士集攷證

七宜秋館

藏海居士集卷上

宋 吳可 撰

五言古詩

題馬上元所藏趙墨隱畫淵明四詩

我不識趙子見此便得之談笑出邱壑粲然備四時
似聞月旦評氣壓淵明詩馬卿宰白下慣作煙雲嬉
歸來九衢塵舊好不少移慙懃著懷袖亦足慰夢思
我本家北阜一官老京師頗懷月下松披圖覓幽姿
正恐林間鶴怨我歸無期那知此心在衡宇終棲遲
誰憐阿堵中幾有一斛泥願分溪上山供我芻柱頤

藏海居士集卷上

一宜秋館

吳秀才出示孫尚書詩求鄙作

往時家分寧風俗喜追隨挽留杯酒閒往往醉如泥
比年舍臨汝閉關無相知牢落三週星淹泊一水滄
人事即漸熟鄰曲不復疑聞有長者客清談頗忘疲
宗盟晚相遇佳比野鶴姿過我忽長鳴傾倒曾中奇
借問所從來半世遊京師羣賢共文字聲名冠當時
自得固有餘足能攀桂枝上以榮北堂下以光衰遲
故山未暇往舊游不足思牆東或可隱便擬營茆茨
奇懷傲南牕幽花擷東籬是亦差可樂去此將何為
恨未識胥鄧論交尙差池不妨氣類求相與慰渴飢

同姓紛在眼邈然棄如遺此道已澆薄君乃敦篤之
何當美盛德老矣徒嗟咨黃嬭厄兵火荒唐廢文辭
毛子素偃蹇豈復能發揮誰為國士重自有尙書詩

題質龜軒

清江料事錯來作剗腸翁不知幾許靈墮此朽骨中
時出縱橫文隨意侮兒童誰識軒中人本自無吉凶
平生不驚俗要與眾客同人言可為鑒試卜來年豐

巖齋

誰知望雲眼犯此沒馬塵故山招不歸定為猿鶴嗔
煌煌帝王州喜有東山人頻來雲霧齋閱公碧璘珣

藏海居士集卷上

二宜秋館

要償風月債痛飲巖壑春賢哉萬卷藏膏馥餘八珍
空腸借一飽已覺笑語新肯學解頤公鑿壁惱四鄰
大勝不求直樂我平生真

筠寮

解衣一寮上物色太窘束柏禪費酬對松官縛爵祿
此君真有道虛心自崑谷每以閱世人得之定超俗
夜夜幽露寒驚我庭下綠獨出萬物表清蟾映疏玉
嘉此煙霧姿本無霜雪辱朔風舞郊野秀氣壓羣木
舊根走苔徑新梢出雲屋要令千畝廣會待春雨足

贈連楚狂

誰有畫魚癖詩社尋楚狂真成戲新荷徑欲穿垂楊
餘生墮轍中恍然得濠梁寓興亦差樂江湖庶相忘

舟中卽事

四顧彭蠡湖獨知廬阜尊壘障遞圍總拱立猶兒孫
扶筇望瀑布玉虹走祇園回步尋虛亭餘流漱瑤琨
三峽誇幽險下有萬雷喧龍淵神物家孰敢窺清渾
歸來有餘思妙音傳夢魂易舟大孤傍山川出籠樊
生平數佳士歡然笑語溫殊鄉愛遠客一見如弟昆
直有卜鄰意便擬營柴門惜別屢往還遺酒盈瓶盈
回首幽居雲忽作聚墨昏岡巒互起伏時爲煙霧吞

藏海居士集卷上

三 宜 秋 館

遙知急雨來坐看風水奔浮家苦漂泊且繫古柳根
晚來喜新霽遙岑淡餘痕岸花自娉媚始怪秋色繁
近沙羣鷺驚迴如積雪翻林閒問茆屋欲與漁父言
想像翠靄中疑有桃花源津子請息肩買醉溪上村
我亦睡蓬底輾轉吟東屯痛彼日月遠念此骨肉存
誰能致薪粢庶幾度寒暄避秦豈本志多病不復論

送李四清

連侯愛畫魚李侯愛畫山詩情動幽懷摹寫不少閒
騷雅移丹青妙寄雲水閒翻然欲登涉試尋芷與蘭
我不一音解早年使挂冠養拙頽簷下任真亦足歡

敵騎踐江浙少長奔荆蠻卻行虎狼區益知行路難
亂來戰未息老去食轉艱前年治南畝頗喜人牛安
力耕日以廣心事日以寬行當遂野性策杖尋江干
雲深幾茆屋柳映一柴關扁舟鳴撥刺危亭秀孱顏
安得兩玉人鄰曲相追攀眞賞會心處應當謝毫端
長哦洗兵馬隨意羅杯盤伯雅要傾倒莫厭數往還
願如三徑松餘生同歲寒

送王觀

文正活國手頗恨見不及宦遊識其孫想像高冠岌
豈但爲交承自是賢友執尤思談性命微到鬼神泣

藏海居士集卷上

四 宜 秋 館

吾曹飲滄海百川笑一吸失卻大官味卷舌舐泥汁
因依旣云久臨別百憂集去去好護持雨荷終不溼

避地桂楊山門招友人晚飲

荒城住行李故人亦淹留稍遷墟邱閒愛此石泉幽
長夏晴復雨風氣如清秋開樽茅茨下焉能消百憂
客懷滯荆楚念之成白頭今宵理歸夢一棹隨風流

過許醉吟痛飲月下戲書

塵埃沒我馬掉鞅吟公詩詩中有江山不覺在京師
下馬自叩門來尋元紫芝欲掃名利心笑挹邱壑姿
東蒼坐無檀北風吹酒卮蟹螯互勸酬墜車兩不辭

聽公擊節吟悲壯亦自奇看公醉山倒了不遣客歸
客歸意亦好月色到處隨詩成月下寫淡墨任傾歛
平生不知韻興來聊續之詞達語更正識者未必嗤

探梅

探春過殘歲幽香度寒原欲看枝橫水會待月掛村
誰憐槁木中妙有春風根孤芳自一邱不受煙霧昏
飽霜分疏瘦下笑浪蓋繁喜無蜂蝶知那與桃李言
要當碧雲暮殷勤賦離魂

泰定齋詩

寂然數椽下獨耀一字內脫落山水因妙出仁智外
君看鑑中事作止本無礙年來識坐忘唯餘照心在

安靜齋詩

歸來便閒適松檜自儔侶扶疏媚虛堂初無一禽語
長哦柴桑詩妙香吐雲縷平生壑源好蓮甌發新乳
痛洗朝來忙得意乃如許輪蹄不到門幽壁掛犀麈
笑拂維摩牀西窗睡秋雨

失題

熱官惱狂士冰山倚嚴冬此計定不長會作須臾空
先生跼金門大節孝與忠能事不掛口處之如無功
高隱百僚上妙有淵明風東垣著巖岫南榮著檜松

藏海居士集卷上

五
宜
秋
館

疏窗澹山影雲霧穿玲瓏澄流粲錦石一練搖青紅
笑攜玉色醪酌彼千石鍾良時飲文字此興誰與同
爲君指佳處不落捷徑中從來論邱壑風味過庾公

七言古詩

秘古堂詩

羣兒只解秘金玉百歲作癡空潤屋君家勝味渠不
知掉頭歸來北窗讀插架整整三萬籤誰何有書真
不然是中文字到蝌蚪補亡應得由庚篇異錦千囊
更妙好中有玉奩藏小草不煩脫帽苦揮毫漫說驚
虵雜飛鳥摩挲鼎彝自笑語碧暈堆花久瘞土懸知
百好墮兒戲此物一出吞萬古客來錯惡初不解把
玩慙慙定爲怪我知此老極不淺規模正欲超三代

題翹翠軒詩

老木拔雲蒼翠起新篁挾雨枝葉美下有數峯莓苔
寒先生俯仰一笑喜乘興把書坐秋風超然吐論飛
長虹客星忽去壁月上陶陶醉臥玻璃中

李氏娛書齋

李侯平生無他好眼中黃卷常自娛明窗危坐對賢
聖鼓吹不可一日無欣然會意便忘食心醉何止勤
三餘幾年攜家避盜寇尙得戲綵乘潘輿攝官江外

藏海居士集卷上

太
宜
秋
館

有何好闊步日邊真良圖試求以道亦不惡他年不
減行秘書

故人來自春陵出示初翰墨感時懷舊輒

爲長句

先生視草白玉堂文章一出自世分光蓮燭真爲
榮拭吐龍中何足擬良岑夜召神霄憐我婆娑百
僚底紫禁歡傳拜左轄漫刺走城南第羸僮瘦馬
堂階下歎我廳官殊少味驚聞麾出燕山旆旌遽
下雲漢閱睿思官曹方顧寵笑翻然歸挂冠女真
南來郡國破二聖北狩天步艱元鼎沸死鄉土士

藏海居士集卷二

七

夫雲擾奔荆蠻一人嘗膽固不且爾將東冒今何難
朝來喜見春陵客問訊先生多踰壘懷古傷時初不
忘回首長安淚橫臆君不見踞龍益氣象雄王者都
此成大功遙知廟堂有高論似開天蹕移江東幾年
中興要賢懷頗懷仲父安東晉

君不見下

醉鄉詩

飲中境界妙四海楚屈未知風俗酒陶然席地已忘
載夜縛甕下初不喚逃禪馬坐本真率時一中之眇
萬物縱兵端欲捲愁城樂賢未始忘歡伯佳處風光
殊可人好德懸知必有鄰黃花解勸張季鷹俗婦那

識劉伯倫世閒萬物取人意不如常作箇中計

山居見梅

孤吟梅花望神京澆愁恨無雙玉瓶上林顧影一坐
傾高樓忍作昭華聲避兵南州老雲壑風味依然殊
不惡歲暮渾無驛使來一笑天涯共流落行尋嶺頭
路幾許欲買幽園歎貧窶清客那知日邊事獨坐茅
茨對煙雨

夜聞警

幾年官軍破郡邑遠客孤村誰脫急臥聽鄰雞三鼓
鳴流言敵騎一宵及抱衾攜幼強趨走復嶺重山且
深入爲聞北人畏和暖安得如今便驚蟄長秋南奔
苦嵐瘴翠華連幸犯卑溼顧我飄零豈足念注目寒
江忘久立

藏海居士集卷上

八

藏海居士集卷上

藏海居士集卷下

宋 吳可 撰

五言律詩

即事

騎子謀應大春來勢轉雄
烽煙驚北闕 葦鼓戰東風
雪舞愁雲外 花飛淚眼中
翠華行樂處 戈甲照寒空

寄李道夫

亂後時通問 飄流尙此身
干戈傷白髮 桃李自青春
故國田疇遠 殊方盜賊頻
知君懷老伴 詩酒慰情親

遊清涼寺

藏海居士集卷下

一宜 秋 節

延步石城塢 迢迢去興長
野田耕晚雪 寒樹倚斜陽
載酒迫狂客 論才得漫郎
無因遂高蹈 時復借山房

養竹

涓川分一種 親植隱巖東
有實終來鳳 無心自化龍
疏陰留夜月 清韻起秋風
待養鼇竿就 滄溟作釣翁

登臨川城

時危傷去國 歲晚強登城
過雁書難問 窮途淚欲傾
江湖歸客夢 梅柳故園情
倚杖空凝竚 行藏竟不成

懷歸

久客江湖遠 頻年道路難
干戈侵海內 猿鶴老山閒

地僻林泉古 雲深日月閒
餘生猶轉徙 清夢繞柴關

五言排律

次韻曾中父登臨川郡樓書事

戈甲何爲盛 田園已就荒
僅能移北阜 未暇隱東牆
寂寞交親遠 漂零道路長
歸心隨斷雁 離思感垂楊
避寇湘江外 依劉汝水傍
問閭嗟逼仄 登眺喜寬涼
遠岫誰能展 寒溪竟欲航
冰盤悲玉井 風簟愛筠牀
地盡妖氛氣 春餘草木光
寶薰煙霧細 仙茗笑談香
接武青雲路 論文綠野堂
虎皮空自悅 猿臂定誰攘
取友真多益 求田苦未藏
撐腸披錦繡 漱石飽膏肓

藏海居士集卷下

二宜 秋 節

隱逸追元亮 風騷近子昂
棲鷗啼古堞 幽檻倚斜陽
離亂知誰健 行藏只自傷
舊巢看燕燕 今雨任浪浪
道勝依鶯子 才高歎夜郎
五峯興不淺 星漢擬文章

七言律詩

友人惠筍豉

野稅那知筍豉香 伊蒲淡泊喜初嘗
自憐老去能忘肉 誰謂朝來已徹薑
謂肉豉 膾玉有名汗淨供 尊綵無味誑枯腸
此君苗裔風流在 三韭何須學庾郎

謝友人約居橫林

遠煩招隱費 長吟緩急方
知故舊心 懷土若爲家直

瀆避喧真欲客橫林人材何敢追連璧氣類聊能擬
斷金卜築要須孤絕處落花流水恐相尋

春雪後寄范長民

回首長安淚滿衣東風如舊鬢成絲扶持衰病元無
術感歎飄零漫有詩那信夢魂隨北雁忍看霜雪滿
南枝幽居只合從公等自笑年來見事遲

呈秦楚材

倒指煙塵歲月深引杯看劍漫悲吟平生自歎雕蟲
手末路空慙舐犢心賸喜星郎上雲漢苦憐鶴髮避
山林君家伯仲真廊廟痛爲中興惜寸陰

藏海居士集卷下

三宜秋備

和人聞笛

鄰笛聲哀不自安轉移宮調幾多般夢回飛蝶三千
里月照高樓十二欄別鶴唳長秋露重老龍吟苦夜
潭寒清愁一晌知何限待啟菱花向曉看

簇翠亭

此老作亭蒼翠閒定知曾次有東山朝陽破霧烘林
影醉袖扶花繞髻鬢露警丹哥傳妙響雲眠碧友自
清閒欲專一壑從來事回首塵埃亦厚顏

廬山香林訪趙德麟

艤舟星渚得幽尋問訊先生隱翠岑欲禮光明依淨

社便隨氣類老香林貂金且換陶潛醉囊錦聊追白
傅吟坡客飄零有公在與誰揮淚說知音

探梅

柳未搖金草未芽尋幽逸興屬詩家不辭山下五六
里爲愛枝頭三四花噴月清香猶吝惜印溪疏影恣
橫斜固應羞澁怯寒峭結子成陰已有涯

送李秀才爲道士

聖澤朝來淨世緣不教仙骨墮儒門金龜換酒當年
客白鹿昇天後世孫泉石招君友猿鶴利名憐我醉
朝昏麻衣笑著掉頭去何處抱琴追綺園

藏海居士集卷下

四宜秋備

豫章道中

僕已疲勞馬已頽忍能日日犯風埃前山斷處後山
出舊雨晴時新雨來梅子有情沿路熟麥花無數及
時開一春客裏消磨盡舉眼豫章安在哉

九日

佳節初回苦未涼疏林高下半青黃佩茱頗喜人猶
健採菊還憐蝶尙狂不惜登山聊舉句欲因戲馬漫
擎蒼笑歆醉帽歸來晚稍覺幽庭月似霜

次韻黃簿九日

客裏登高意若何笑扶藜杖興還多葉金委地誰能

布山劍橫天不受磨隨遇可無揮翰手感時空有斷腸歌尙憐把菊煙塵外自鏡衰容半欲醜

寄米元暉

田廬寂寂近塘坳仕路紛紛久絕交多病未能從五柳避喧端欲老三茆白雲那忍閒歸岫紫燕空慙漫累巢聞再落致仕聞道金壇有仙隱夢回清月墮林稍

五言絕句

野步

密竹藏啼鳥荒村起白煙人行秋色裏家在夕陽邊

夜坐

藏海居士集卷下

五 宜 秋 館

索索風搖幕亭亭月過牆晴雷推粉磨夜雨壓糟牀

七言絕句

春霽

南國春光一半歸杏花零落雨霏微新晴院宇寒猶在曉絮欺風不肯飛

春晚

門外綠楊啼乳鴉弄黃梅子壓枝斜殘書讀罷無功課繞徑來尋未落花
蜂兒擷藥趁花心燕子啣泥掠柳陰處處浸秧黃乍吐護田肥水半篙深

蹋青

幽居懶慢養餘生強爲春風處處行藉草弄花終少味尋山愛竹尙多情

過巢邑

竹杖芒鞋蹋短蓬沒篙春水飽帆風兩關三寺山無數盡在濛濛煙雨中

村居

鑿井耕田僅萬家農夫農婦畢絲麻夜來得雨陂塘足村北村南罷蹋車

荒陂

藏海居士集卷下

六 宜 秋 館

荒陂終日水車鳴村北村南共一聲掠面輕風吹小雨鄙夫詩向此時成

松

秋色何妨陪露菊歲寒真欲友霜筠只應澗底桃花笑苦愛微官不避秦

晚步

野樹疏疏透夕陽歸鴉零亂不成行春風可是閒來往時送江梅一陣香

書卻暑圖後

冰柱雪車誰復作髻頭凌面未能摹北窗揮汗渾無

奈漫借君家御暑圖

偶贈陳居士

楚酒困人三日醉
園花著雨百般紅
憑誰畫出陳居士
亭角尋詩袖滿風

村巷詩

村巷深深桑柘煙
園林寂靜落花天
柴門有客忙相揖
搖手低聲蠶大眠

田家女

兩兩垂髫窈窕娘
含羞無語蒔青秧
翻思貴室千金女
笑倚紅樓抹曉妝

藏海居士集卷下

七

初涼

初涼宜夜透衣羅
時見流星度絳河
漸覺露溥金掌重
梧桐影外月明多

小醉

小醉初醒過竹村
數家殘雪擁籬根
風前有恨梅千點
溪上無人月一痕

藏海居士集卷下終

江甯汪家聲振之校


藏海居士集跋

南北宋人集以時代銷沉多就亡佚賴散見永樂大典輯其什一復見古人面目可謂幸事矣然距今又將二百年陵谷已變墜簡難求散落人間不絕如縷此集在江南圖書館傳鈔而得乃丁氏善本書室舊藏本有翰林院印殆文瀾閣舊本歟藏海居士生平事蹟不多概見宣和末年曾官汴京旋乞閑家分寧客臨汝避寇赴湘江其馨逸多發於南州殆產於此地爲其釣遊之舊歟詩集二卷上卷古體下卷今體五古

藏海居士集跋

宣統

質樸五律謹嚴校付手民以永其傳甲寅二月
南城後學李之鼎振唐跋



詠柳

江
百

胡光燁
題



宜秋館
校刊

柳江百詠

別集類三 南宋

提要

臣等謹案柳江百詠一卷宋阮閱撰閱字
閣休舒城人建炎初官至知袁州府事撰
有詩話總龜別著錄又有松菊集今佚不
傳此柳江百詠則其宣和中知郴州時作
其詩多人論宗蓋宋代風氣如是而閱素
留心吟詠多識遺篇故尚不落為酸腐之
語如東山詩云藜杖芒屨過水東紅裙寂
寞酒樽空郡人見我應相笑不似山公與

柳提要

一 直 秋 館

謝公又乾明寺詩云直松曲棘都休道庭
下山茶為甚紅往往自有思致又如愈泉
一首所謂古人詩病知多少試問從來療
得無語雖著相然自為其詩話一編而作
是亦詩中有人異乎馬首之絡者矣此本
出自厲鶚家百詠尚缺其八考郴州志亦
不載吳之振選宋詩鈔及曹庭棟選宋詩
存均未及收存之亦可補各家選本之遺
惟每題之下不注本事非對圖經而讀之
有茫不知為何語者或傳寫佚之歟袁州

府志載其宣風道上詩一首題春波亭詩
一首鮑氏知不足齋本錄於此集之末以
補松菊集之遺今亦從鮑本並錄存之焉
乾隆四十九年閏三月恭校上

總纂官 臣 紀昀 臣 陸錫熊 臣 孫士毅

總校官 臣 陸 費 墀

柳提要

一 直 秋 館

序

柳古桂陽郡陳迹故事盡載圖史亦聞見于名人才
士歌詠如杜子美寄聶令郴州韓退之柳江柳子厚
登北樓沈佺期望仙山戴叔倫過郴州之類是也山
川寺觀之勝城郭臺榭之壯未經品題者尙多亦可
惜爾余官于柳三年常欲補其闕愧無大筆雅思可
爲然因暇日時強作一二小詩遂積至於百篇雖不
敢比迹前輩使未嘗到湖湘者觀之亦可知柳在荆
楚自是一佳郡也宣和甲辰二月中和日舒城阮閱
序

柳序

一宜秋館

柳江百咏

東樓

宋 阮閱 撰

危城雉堞對東山誰創高樓十二欄獨鶴不來松已老春風動處日三竿

上仙閣

曲檻危梯紫翠中蘇仙宅畔古城東不須更著登山屐萬岫千峰一日窮

俯春亭

城上危亭可摘雲四邊山色翠為隣下窺城郭無餘

柳

二道 秋節

蘊草色花光盡是春

山陰堂

修竹蒼蒼似剡川浮觴可繼永和年不知誰有義之筆欲寫蘭亭第二篇

藏春亭

百紫千紅一徑深臙脂為地粉為林有人來問春何在向道花間無處尋

靈壽庵

結茅編竹對高叢不種脩篁不植松但得數枝花似雪何須裁截伴枯筇

清淑堂

三仙一相有遺風清淑誰言到此窮寄與柳陽忠信士得名端合謝韓公

篔簹亭

娟娟細細兩三叢却厭桃花相近紅已有數枝湘浦月不消千畝渭川風

三懷堂

東京吏治孰稱循范史纜書十二人前日桂陽三太守許誰來此繼芳塵

射圃亭

柳

二

不似投壺謾雅歌縱賢無奈罰觥何若知蓬矢桑弧意不用穿楊中鵠多

紫芝亭

和氣薰蒸庶草靈昔年聞有紫芝生史官不絕書祥瑞幾欲圖形獻此名

擷芳園

萬萼千枝二月春只愁風雨便成塵不知誰擷香英去自有尋芳拾翠人

砌臺

翠珉斜倚若危梯上出高城下枕池不但綺羅為戲

事又將臺使補盧兒

西樓

危樓百尺峙東山
簾幙秋風捲暮寒
莫向殘陽同月看
幾人曾此凭欄干

真仙亭

雕甍畫棟對羣山
遠目增明盡日看
無奈人心多險偽
須求拳石作峰巒

碧虛亭

筇竹枝彎屐齒搖
登臨身覺在烟霄
千峰險似三川峽
一水深如八月潮

北湖亭

簷楹山影水光中
攜酒時來伴釣翁
四岸烟雲芳草綠
一欄風雨落花紅

綠淨堂

綠如青草淨如淵
遠近山光上下天
有客凭欄欲相問
爲言此處似蒸川

湖亭

城外高堂俯碧灣
山如螺黛水如環
有時鼓棹來尋勝
直到斜陽未欲還

北園

一塢春風北苑芽
滿川流水武陵花
溪東舊觀仙人宅
城內高樓刺史家

輝松臺

靈壽峰前路有苔
松門依舊對山開
幽人野叟尋僧至
時有芒屨竹杖來

燕堂

山有香爐水有瓶
齋無塵榻閣無鈴
胡床塵拂枯藜杖
門對江山日夜扃

竹軒

軒戶蕭條對北垣
誰來此地種檀欒
無人會得青青意
雨洗風吹葉葉寒

白蓮亭

石磴方池種白蓮
庵僧欲紹遠公禪
文皮塵尾來遊處
誰似廬山十八賢

南樓

雉堞譙樓紫翠環
紅塵擾擾白雲閒
蠻烟瘴雨千峰外
邑屋人家十里間

東園

芳春閣外茂林中
池上新橋綠徑通
誰種松篁藏古意
我栽桃李引春風

蘇仙觀

寂寂星壇長綠苔井邊橋老又重栽城頭依舊東樓
在未見當時鶴再來

成仙觀

仙去寥寥幾百春隱居依舊在湖瀕枝頭禽語人難
會石上騾蹤事已陳

露仙觀

寂寞荒壇枕水邊長沙施藥已千年松間風露如前
日何事無人更得仙

騾穴觀

朝辭湘楚暮山東今在蓬萊第幾峰可笑時人空擾
擾武昌山下問騾蹤

景星觀

聖世休祥見景星曾聞瑞日慶雲生羽人中夜來朝
斗透過松梢一點明

東山

藜杖芒屨過水東紅裙寂寞酒樽空郡人見我應相
笑不似山公與謝公

五蓋山

五峰如蓋色蒼蒼隔斷蠻陬與瘴鄉纔見山中冬有

雪柳人預說歲豐穰

黃相山

東帶連山接五羊西分柳水三湘路入到此休南
去嶺外千峰盡瘴鄉

百丈山

樂迂鳥道少人通只有豺狼夜過蹤自銜峻嶒踰百
丈安知七十二高峰

孤山

瘴山巒嶺鬪嵯峨高可頻登不可磨萬岫千巖皆闌
葺一峰孤秀不如多

雕玉山

峭嶮崎嶇列遠郊何曾溫潤似瓊瑤一堆頑碧柳江
上縱有崑刀不可雕

桃柳山

休言鳥道與羊腸鳥道羊腸不可方却喜年年種薶
麥山中不用有桃柳

馬嶺

牛山日夕陽紅鹿洞年年草色濃尙有當時馬行
處柳人猶指舊騾踪

話石

人世嗒嗒已不根更堪頑石亦紛紛何如緘口藏長舌道路如今已厭聞

白鹿巖

風馭雲軒鶴羽輕野麋嘗此望霓旌當時巖下藏身處依舊春來草自生

坦山巖

空山夜雨鬼神愁怪石層崖虎豹憂鳥道不通車馬到只供衲子羽人遊

兜率巖

泉如鉛汞流丹竈石似珊瑚出海濤不會當時融結

柳

七

意區區雖巧亦何勞

王履巖

勾踐因何渡楚川蒼蒼雙石臥寒烟當時縱使爲淫巧片石安能作履穿

柳江口

扁舟斗轉急如飛對此令人憶退之不但柳江有佳句又魚禱雨盡留詩

靈湫

老蛟力鬪死池中山下流泉暗谷通風雨年年常十
五休將涓滴強邀功

中洲

捲地江流遠古城參天喬木一洲橫年年秋雨無情甚沙嘴纒高又壓平

崇德河

楚俗聲音誤最多近來方證桂門訛分明指向柳人道此水今名崇德河

怨溪

濺濺溪水石磷磷兩岸山花野草春流去前灘何處問不知當日怨何人

千秋水

柳

八

不求至道不修真一穴涓涓豈有神王錫蘇耽已仙去未應皆是酌泉人

潮井

朔月盈虧已可疑隨泉上下更難知錢塘江在吳山外誰見來時與落時

浪井

可畏人情與世途險如波浪起江湖豈知荆楚山川地坎底泓泉無處無

橘井

蘇仙舊隱已藤蘿橘井空傳歲月多摘葉汲泉皆朽

骨郡人猶說愈沉疴

愈泉

未載人間肘後書此名直恐是相誣古人詩病知多
少試問從來療得無

圓泉

清冽淵淵一竇圓每來嘗爲試茶煎又新水鑿全然
誤第作人間十八泉

溫泉

誰將炎熱換清涼可使澄泓作沸揚從賜驪山妃子
沐人間處處重溫湯

柳

香泉

僧舍靈源靜不流只供齋鉢與茶甌直應老衲投薰
陸石罅雲根久未收

醞醖泉

玉爲翹葉石爲壚萬榼千壺汲未枯山下家家有醕
酒釀時皆用此泉無

蒙泉

流出山根無盡時潛深不似瀑泉飛此時非淨還非
垢欲洗須知是鈍機

劍泉

太阿氣在斗牛邊報惠論譬世有仙黥賊東來攜敗
鐵地靈安肯爲生泉

貪泉

玉潔冰寒徹底清不因汲引有虧盈廉泉讓水貪無
異空使時人惡此名

寒泉

春欲爲霜夏欲冰一山寒氣逼人清應知炎冷難同
處甘與湯泉各自生

柳江

不分涓滴溉田疇只有重灘礙巨舟險似瞿塘并贛
水豈能如鑑瀉清流

柳

靈壽木

聊依枯木伴寒藤曾爲當年孔傅生寂寞空山窮谷
裏如今文杏又爭名

茶山寺

莽草寒蘆事不經八峰深在亂雲層只因一句鵝湖
識直至如今有此稱

會勝寺

靈壽山前古梵宮粥魚齋鼓白雲中衲僧若會蒙泉
意竟與曹溪一徑通

香山寺

十里城南古道場一泓寒水翠微傍幽人衲子時來
汲疑是山中草木香

崇毅寺

城外招提竹隱門更無一點利名塵蒲團紙帳松牕
下却有安禪誦偈人

乾明寺

寺古僧殘丈室空我來試問老禪翁直松曲棘都休
道庭下山茶爲甚紅

開福寺

郴江東畔小禪林誰見當年地布金夜磬一敲僧定
出水聲東去月西沉

開利寺

修篁喬木水西涯古屋頽垣達磨家持鉢但聞僧乞
供杜門不爲客烹茶

東山寺

竹外長橋過水西林中鐘磬舊禪扉筇迎殘月僧包
去帆背斜陽客艇歸

太平寺

石虎城西柳水邊支提突兀祖燈傳有人認得雙巖

桂何必庭前柏子禪

南塔寺

江岸南峰對石城僧房高在亂雲層臺前天闊秋多
月塔上風微夜有燈

妙勝寺

誰營僧舍近西城今與行人作短亭庭下秋風花簌
簌門前春水竹青青

永慶寺

空庭生草路生苔寂寂荆扉小徑開有客試泉方到
此須知不是爲僧來

尊勝寺

老僧不復識叢林只說幽棲是息心可惜一溪東去
水更無軒石稱登臨

白虎城

楚人未築上游城千古冤聲尙未平短堞依然無白
虎不知何用昔時名

石城

郴江淼淼接湘天層壁重崖峙水邊數日東風春浪
惡魚舟不是莫愁船

蘇仙祠

羽節雲旌事已空
舊庵今在最高峰
拂壇不見當時
竹繫馬猶存舊日松

孝婦塚

國史班班有舊聞
欲將重說與郴人
不知蔡婦潛然
意可比神仙嘆酒神

久留岡

潁人直欲問郴人
衛颯如何似寇恂
只恐當時遮道
者不應皆是惜留人

劉相國書室

疎林翠竹水滄滄
問是劉公舊隱堂
但得青編有完

柳

三

傳故居寂寞亦何傷

旅櫓

山中聞有酒官泉
復有宏樽在水邊
荆楚人皆喜羣
飲見時應有口流涎

迷橋

林花岸柳草芊芊
山下長橋跨碧川
往事茫茫無問
處不知迷俗是迷仙

桂門關

惡名辨正可無疑
已有金華學士題
寄語往來荆廣
客鬼門關在鬱林西

漏天

從古常聞有漏天
此言恐是里人傳
山深自合常多
雨不是媧皇補未全

飛仙橋

櫃中飛出過遠天
樓上歸來又幾年
雲物已更松已
老芝田依舊在橋邊

棲鳳驛

鳳出明時欲覽輝
棲桐食竹屢來儀
空山窮谷無丹
穴肯伴鴟鴞共一枝

龜峰舖

山似龜形古戍西
路人到此欲稽疑
剝腸鑽灼猶難
信頑石何緣解有知

柳

十四

信頑石何緣解有知

蔡倫宅

竹簡韋編寫六經
不知何用搗枯藤
自從杆臼深藏
後采楮春桑事已更

西湖

岸草江花對夕陽
滿船新月夜鳴榔
秋清菡萏紅千
柄風靜玻璃碧一方

柳江百咏

南城李喬君翹校

輯補

宣風道上

馬蹄西去夕陽催濃淡寒山翠作堆北雁無情怕秋
熱帶將寒信過江來

題春波亭

數葉荷衣一短蓑春波亭上倚斜暉無人會得詩中
畫凭盡闌干又獨歸以上袁州府志

過黃花渡

曉渡黃花溪水湍鳴榔聲在小沙灘盤斜曲踏畚田
去露下呈稀霜葉寒萍鄉志

柳輯補

至上高邑

上蔡人歸古縣封蜀江依舊水流東末山雲散庵猶
在敖嶺丹成井已空

曉發上高

中外斜溪踏水過不沿危磴卻捫蘿明朝又入宜春
去想近湖湘山更多

宿路口驛

孤猿啼處宿山村讀盡離騷自掩門寓意偶成長短
句半窗燈火月黃昏

禪慧寺

老僧撐竹面如灰門閉寒雲冷不開車馬紛紛多少
客端知不是愛山來以上高志

湘東驛至萍鄉

萍鄉路與醴陵通溪上長亭草木中行盡江南有山
處門前隔水是湖東萍鄉志

游虎邱

踏石青鞋滑西風繫小舟淺塘疏荇水高樹老籐秋
行柳亂餘興衰蕪鋪遠愁蕭蕭晚戍角排日下林樓虎邱志

無訟堂詩

并序

柳輯補

袁人稱好訟比來假守見其士力學而知廉
恥民樂善而好儉嗇於是待以平恕宥以寬
簡愚則教之不從則刑之踰兩月而牒不盈
百謂之好訟可乎因以郡圃之堂名曰無訟
聊以雪袁人之謗庶幾後來者以平恕寬簡
為治而可以無事矣

欲為袁人雪謗聲因將無訟榜堂名他時芟舍棠休
剪近日園扉草已生自是索癡求大察却疑東矢聽
難明要知本有農桑樂請看東郊壠上耕

萍鄉絕句

春盡江南歸已遲
湘南風雨度花時
無因剪取湘江色
携看江屏畫竹枝

分宜絕句

扶疎碧樹想吾廬
近隔清江幾舍餘
少聽光風吹剩水
未妨蕭寺曝新書

萬載縣

門橫路斷竹爲籬
雪色漫漫瓦屋稀
黃領青腰墟市罷
盡沽紅酒夕陽歸

江西詩
徵十三

佛惠寺

細雨斜風入亂山
溼雲堆裏見東關
一筇來訪林間

柳輯補

三直 秋館

寺杜宇數聲春又還

輿地紀勝
四十八

濡須寺

筇杖芒鞋上小篷
半篙春水飽帆風
兩關三寺山無數
藏在濛濛烟雨中

同上

詩話總龜序

余平昔與士大夫遊聞古今詩句膾炙人口多未見全本及誰氏所作也宣和癸卯春來官柳江因取所藏諸家小史別傳雜記野錄讀之遂盡見前所未見者至癸卯秋得一千四百餘事共二千四百餘詩分四十六門而類之其播揚人之隱慝暴白事之曖昧猥陋太甚雌黃無實者皆略而不取至其本惟一詩而記所取之意不同如栗爆燒醴破猫跳觸鼎翻春洲生荻芽春岸飛楊花載所作之人或異如幾夜礙新月半江無夕陽斜陽如有意徧傍小窗明如此之類皆兩存之若愛其造語之工而舉一聯如風暖鳥聲碎日高花影重不知其全篇亦有喜其用字之當而論一字如惠和官尙小師達祿須干不知其所引自誤如此之類咸辨證之然皆前後名公鉅儒逸人達士傳諸搢紳間而著以爲書不可得而增損也但類而總之以便觀閱故名曰詩總卷游歸田幅巾短褐松窗竹几時卷舒之以銷閑日不願行于時也世間書目未盡於此後有得之者當續焉宣和五年十一月朔舒城阮閱序

柳輯補

四直 秋館

漁隱叢話前
集三十六

輯文

重修郡城記

袁州郡城議者謂西漢大將軍灌嬰築信史沒其實為可疑按高祖五年嬰破項籍渡江定豫章郡時宜春為豫章屬邑六年合天下郡邑城意城自此始必智慮宏遠知地利者所成不必嬰也後升縣為郡改郡為州而城不遷巨盜黃巢蕭銑寇江南獨不能入袁馬希範據長沙儂智高破邕管皆不敢東窺其城之利歟歷年既久墉堞頽圯濠塹堙塞漸不足恃蓋承平武備弛雖時繕修不過增庠培薄而已靖康初

柳輯補

二宜秋館

詔修郡城建炎改元升郡為次要凡城池皆令堅險明年春瀕江盜起州無城者多不守袁人方懼之徽溪汪公希旦來鎮以靜重千里既肅迥謹奉詔帥治中閭邱公霖暨僚屬登舊墉視廢闔慨然相謂曰險之不設何以為郡不暫勞無久逸不一費無百利于是計功度用請于朝給度牒又許勸有力者借助乘農之隙涓日之良大興版築諸縣翁從伐木于山陶磚于野募閒民括冗兵雖致期勿亟而工役自勸磬鼓弗勝矣童阿崇闔屹若雲蓋控山阻江雄寇東南何其偉歟城基周三千三百一十五步高一丈五尺

廣不可益而增高五尺為二丈女牆三千五百步高五尺盡易以磚敵樓戰棚五十總六百五十間皆舊無而今初修也守禦之具如弓矢甲盾旗幕鉦鼓數皆累萬而藏之有庫守卒民伍晝役夜警居之有屋百爾所須無或不備三月克成事不愆素費約而功倍自非才力絕人疇克有濟袁為州屏蔽江淮襟帶湖湘地沃少饑民淳惡盜南土之樂邦也山平廣而無高險水遠秀而無深險俗尚文而無武險惟知力田畝以食營廬舍以處服教化修禮義而居常安鄰封近壤間有寇攘矯虔則亦不能無蜂蠆之虞今郭既壯姦宄潛殄雖異時弄兵潢池之徒亦當聞風而辟易矣西北士大夫千里流寓者殆踵接輻輳誠以金湯之險有足恃焉耳其功惠豈小補哉閱嘗見州縣營一臺榭亭館志在速賓客備登覽而已尙記其本末夸耀無窮斯城之作上以奉明詔下以保生靈而無以記之其可乎于是書之時建炎三年三月吉日記

柳輯補

二

謝景江西通志一百二十四

化城巖記

宜春太守龍舒陳元明下車之初屬萍鄉賊退之後暇日行郊原視城壘相形勢慨然念韓退之謝章曰

人安吏循閭里無事此非古刺史語乎銷盜賊還流
移撫凋瘵吾職也時方艱難要以從容鎮之稽考圖
經訪求父老見歷代人物之盛如漢陳重之謙虛唐
盧肇之邁往鄭谷之華藻其間接武公卿肥遯林壑
者殆不可勝數則又嘆曰山水所鍾固應爾耶仰山
峭聳萬仞距郡南數十里比以渴雨請于神輒應未
及詣山拜賜也郡之西北有巖曰化城距江才二里
許厯覽山川回規城郭號為勝地部使者趙粹中曰
巖與仰山對蓋試登之翌日相與俱來顧予曰舊傳
唐贊皇公嘗居于此因摩挲石刻驗之不誣東西二

八 郡輯補

三

軒巖之上與其傍兩小亭皆未名而記之予因以贊
皇公宜春十五賦二詩讀之掇其語曰倚幽巖而將
夕故以倚巖名西軒積松杉之翠靄故以翠靄名東
軒臨眺峰岑振鷺翔集見于公所賦故以振鷺名巖
旁之亭不但臨流可觀亦想像公之羽儀如此巖上
一亭特名曰仰山蓋以見吾曹仰止前人之意而又
拱揖仰山相為酬酢雖欲辭此名而不受不可得也
贊皇公相太和間方文宗意向訓注奮身排之連貶
為是邦長史而不悔放浪林泉著之言語其賦鷺鷥
有君子小人之辨而嘉與芳叢之晚榮足以見其崇

靜退之風退相武宗削平澤潞誓服三鎮凜然與裴
度齊名大中以後無能繼之者嗚呼昔人謂邱壑廊
廟不相為用贊皇公兼有之然則後之所以仰止公
者豈獨惓惓于巖石之間為哉

謝身江西通志
一百二十四

郡輯補

四

跋

阮閱休曾官袁州太守居官豈弟宜人所撰詩話總
龜蒐羅宏富惟所撰松菊集則久經湮佚存者僅此
百詠耳其於郴江山川名蹟搜輯詳備足補圖經之
闕此本乃傳錄 文津閣庫本序則輯諸類書近因
輯宋人遺文佚詩得阮詩十三首并原輯二首附於
編後時辛酉仲春也振唐識於世業堂

郴跋

宜秋館

卷五

巳卯冬月
壬午年四月

飄然集目錄

卷上

七言古詩十八首

七言律詩三十一首

卷中

七言律詩八十二首

卷下

七言絕句七十三首

詞七首

文二首

飄然集目錄

一 陳章叢書

飄然集目錄終

飄然集卷上

宋崇仁西者歐陽澈德明著

醉中食鱸歌

君不見秋風未發鱸正肥張翰思歸心欲飛又不見
田文有客歌彈鋏為歎無魚聲激烈水晶細鱸落金
盤須信江南味中絕山谷曾名醒酒冰一筋未嘗延
俗客助盤橙橘薦甘酸入口瓊瑤碎牙頰扶起嵇康
頽玉山滌破樂天醉吟魄烹龍魚鳳未云珍策勳終
是愧霜鱗江湖散人與不淺為羨此品常垂綸有時
舉竿獲錦鯉玉屑花中爛拚醉笑他大嚼市廛流浪

飄然集上

陳章叢書

說屠門能快意靈蓮池中蓄頗多揚鬢鼓鬣戲清波
知我平生嗜此癖霜刀細縷紅玉搓典衣沽酒試轟
飲縹緲入面春風和男兒大抵皆恍惚功名未必常
蹉跎醉來擊劍歌白雪閑愁萬斛俱消磨杯盤雖冷
落風月輸吟哦逸氣射牛斗無人識太阿俗態翻雲
仍覆雨世情炙手擾張羅丈夫富貴當自致恥傍權
門效女蘿雄圖自許羞俯仰請看毫端食鱸歌

七夕後一日寄陳巨濟并引

去年七夕待試臨川二三友從遊于巽溪閣江山
氣象如在冰壺玉鑑中汝川勝槩一目而盡酒酣

發興視脫塵埃如棄敝屣舒箋點翰爭賦新詩以
攄逸氣今年七夕憂患沮喪胸意結約強追談笑
會諸友飲于遠軒眼對景物約畧昔時緬懷舊事
愴然驚怛黎明欲遣人問巨濟動靜戲作古詩以
供捧腹

高樓昨夜西風轉耿耿銀河雲葉卷擎空皎月弄嬋
娟領畧溪山堪指點秋光次第磨青銅一味清涼襲
庭院遙知天外鵲橋成織女牛郎會佳燕凭高翻憶
鳳樓人慙勤乞巧陳芳奠可堪目斷心旌搖砌成幽
恨無人展促樽欣得莫逆交脈脈閑愁憑理遣清狂

飄然集上

二

重遊寥陽洞有感

舉白話平生午夜香燃殘寶篆淒涼此際憶年時爛
熳瓊樓興不淺
尋真曾到寥陽殿小立廊腰花影轉飛瓊仙子下瑤
臺綽約雲鬟眼波剪水沉烟斷一簾秋醉睡海棠紅
玉軟武陵歸去探年華揚州一夢煙波遠重來風物
恰依然愛日融融煙素卷洞門寂歷鎖長春異木槎
枒插天半霞衣冉冉媚東風綠鎖窗前重識面酒酣
春筍理琵琶曲終依約含幽怨人間名利幾時休馬
蹄不駐空留戀桃花流水古猶今回首碧雲人不見

和答德秀長句

摩雲標格儒林秀濯濯美如春月柳毫顛文陣轟雷
槌字勢龍蛇翻天矯才名藉甚爛景星卓然可獨尊
南斗締交雲路許攀鱗談我諳諳不離口屑樓長記
聳詩肩吟苦任渠嘲太瘦驚人險語骨毛寒元白危
壇俱壓倒讀之真恐化雄虹按劍徘徊方敢造六丁
收拾富中箱貪夫採得人間寶暗中輕擲道途人相
視誰論瓊玖報強搜斐句答慙慙當恕人才有能否
古詩寄游良臣兼簡陳國鎮

飄然集上

三

如時對風簷獨捫虱會雖稽古補前愆赤水遺珠不
難索仰公學問又日新磨礪幸偶謫仙人遙知議論
到佳處眉間喜氣常津津我慚蹤跡浪萍梗欲親裴
几嗟因循飛奴寥落絕問幅渴心依約生埃塵以膠
投漆貴耐久回光借燭期知貧情均骨肉非有素白
玉琢成心始固莫學紛紛輕薄兒世情翻覆成雲雨
登雲依舊高嵯峨指掌江山勝槩多佳眠風物未入
夢疑泛靈槎游絳河胡來乘興須一往飛觴爛醉橫
秋波膺門况有金閨彥筆驅麗景森吟哦悠悠此志
遂何日款段相期踏雪過

良臣會飲于仙莊話次頗聞俗子譏訶次前韻

自解兼呈國鎮

鳴夷載酒神仙宅面作纈紋拚卷白飲餘指掌話平
生冷笑濡需同豕虱昆山片玉本無瑕洗垢癩痕聽
人素此中空洞貯天真何止容卿數百人但見婁公
容唾面未應子路不知津會逢博物爲鑿拔太阿拂
拭甯因循男兒強項不易屈剪剪羞他拜望塵席門
車轍多長者雖不事事非長貧意詳文贈諸儒慕紛
紛誰復師班固膏唇澤舌獵英華立涸苑如溝澮雨
纓冠門下謾峩峩魯國真儒自不多何時解榻揮金
椀陶然爛醉奚落河清狂浪語文字飲不須羅襪襯
凌波芙蓉仙人酒量闊况有詩客相吟哦迎賓掃雪
尙如何乘興扁舟須一過

遊岐原有感

秋光淡薄磨青銅舞風霜葉魚腮紅雞臆岑寂興不
淺結家指節扣梵宮聯翻步躡孤煙際隴上淒涼一
笛風穿雲裂石聲滿谷驚飛鴈陣橫晴空高僧擁衲
卧雲久諸方勘破心玲瓏我來多戶揀禪榻堂堂標
格對總公旋烹冰液破我悶澆腸七碗追盧仝水沉
煙斷香透頂津津喜氣生眉峯傳巖真隱已先去誰

飄然集上

四

與壯浪吟爭雄朱絃縱事奏流水俚耳知音亦罕逢
不禁風物撩詩眼強作險語慙非工安得湯休占此
景碧雲之句當奇鋒會沽村酒行蓮社忘歸一任夕
陽春

送吳教授古詩

公不見先朝謫仙李太白晦迹嵩山號詩客奇禽就
掌食無猜藉藉雄名振京國四明狂客素憐才解龜
換酒稱奇特白衣從此步花塲秀拔儒林人所則煌
煌文焰萬丈長散落人間伴明月又不見昌黎巨儒
韓退之天才穎脫囊中錐反刻剗偽格以正取心注

飄然集上

五

手了無疑橫經太學明師道質疑辨惑爲著龜一言
曲盡教育術業精于勤荒干嬉赫然千載譽愈尊泰
山北斗誰敢欺二公才德冠天下青史褒名卓難亞
讀之每恨世不同操筆無由漸德化延陵先生當盛
時卓犖英姿獨繼之萬言倚馬亦何待睥睨謫仙當
並馳舐排異端志不拔真欲礪行參昌黎筆端綺靡
追造化胸中浩氣蟠蛟螭壯年唾手拾高第錦繡文
章喧帝里飄飄意氣凌碧雲回視塵蹤如脫屣龍墀
承命來臨川絳帳談經歷數年微言與義潛啟發殘
膏賸馥多流傳握衣幸與諸生列飲聽緒言疑已決

自嗟管見如醯雞若非先生覆難徹惜哉虛往未實
歸洗心方擬叩精微夫何瓜代忽爾至征航欲解歸
王畿秋風未晚蓮吐香尊美醴肥正好嘗行矣景物
供吟興剩摘佳篇投錦囊風月翰林能繼踵此去禁
庭當擢用傳聞紅葉滿階前久俟高才能吟諷文章
吏部既摩肩聲聞行當冠日邊願爲霖雨蘇民望庶
使螭頭壓眾賢鯁生荷德誠非淺別拜誰能無眷戀
惟斷爵過二唐賢乃副承恩多士願

夢仙謠

良臣拉僕醉于臨川異溪閣江山勝槩一目殆盡

飄然集上

六

滿飲巨觴惟恐告竭酒酣興發猖狂不知所往爛
遊花柳適有奇遇灑然非塵土之境醒而思之恍
如夢覺噫浮生荏苒特一夢耳而于夢之中適有
好夢焉豈容默默作夢仙謠以紀其盛事云知其
夢者按汝鳳藻以繼韻否

寥陽洞口風煙好枯木槎牙口雲臭重重金鎖遠輝
娟滿地落花常不掃蕭郎聞說已乘鸞空餘九轉燒
丹竈烟霞截斷絕非塵凡夫蹤跡無由到高陽有客
攜佳侶訪異尋幽豁襟抱瓊樓飲散恣歡遊誤入蓬
壺如夢覺雲關初叩聞無人松梢鶴唳如驚却須臾

麥戶迎者誰吳宮女兒面凝脂指點蘭堂篆烟裊珠
箔玲瓏罕地垂高擎翠袖輕輕捲半露妖燒素蓮臉
嫣然一笑啟檀唇喚我躋堂語聲軟相隨環坐一軒
秋旋列杯盤供雅宴倚風仙藥似有情競吐芳苞噴
香遠朝雲一段下陽臺綽約標容塵世鮮黛眉輕拂
遠山青明眸斜盼秋波剪蘭柔柳弱不禁風睡起芙
蓉香體顛櫻桃緩啟歌貫珠夕陽花外流鶯囀曲終
低語愈含情自訴芳心猶未展苞藏惟恐泄真香尋
常嬌怯羞鶯燕為憐坐客俱多才拚羞試許求相見
安然若有惜花情願丐錦章鐫琬琰溫柔惠雅已無

入巫峯

飄然集上

七

雙更聽斯言真絕豔放懷卷白不暫停酷嫌鸚鵡杯
中淺醉玉頰山卧綺窗秋水一牀凝角簟悠颺好夢
入巫峯洩洩溶溶興正濃遽然驚覺一何有點縵餘
霞散眼封依約餘香仍滿袂行雲縹緲已無蹤壺中
天地古來有默想風物遙應同我聞劉阮曾迷路武
陵邂逅如花女靈丹咀嚼頓輕身脫洗紅塵已仙去
又聞仙去有蕭防會耦雙成飲玉漿一朝誤入華陽
洞于飛竟許學鸞凰仙凡異境無憑據每笑前聞但
虛語豈意親逢事偶符始信人間有奇遇歸來燈火
正黃昏隱几無聊暗追慕濡毫試作夢仙謠端欲夢

魂重默口

朝宗以詩見贈叙從遊之樂廣其意作古詩謝
之惠簡敦仁德秀

延陵有偉人遺我錦繡篇粲粲蕩醉眼燁燁口春妍
卷阿細考覈字字皆青錢知公太瘦生苦吟睎閨仙
丹煅復口鍊落紙人爭傳亦常慕坡翁汗漫如湧泉
有時醉風月健筆揮雲煙冷飲味古昔詩話珍盈編
唾點寓深旨讀之心灑然公才本瑰璋那復加雕鐫
恥與俗吏偶杜門宗聖賢豈意闖茸輩辱公倒屣延
顧蓋頓忘形披霧呈青天襟懷未易測醉中頗逃禪

入巫峯

飄然集上

八

間亦不自揣效顰西子前驕驕超逸足駑駘烏能先
但欲偷格律引玉時拋磚每荷不鄙斥珠璣貽我偏
樽酒結詩社卓犖俱樊川風流玉川子遠拍貞躍肩
食齋腸亦苦志操不少選季子金閨彥高吟常醉眠
四明有狂客解龜須見憐偉我二三友才名足聯翩
休歌出無車休詠寒無種得錢即相覓爛醉清平年
排悶強裁句擺脫塵中緣風雲會遇自有日驥珠不
到終沉淵公不見新豐旅人時未偶為肩沽酒澆塵
垢謀猷一旦重朝廷始信男兒暫奔走

游春八詠

并序

德明日與二三友乘輿聯袂選勝尋芳躡磴卧翠
眠紅松柏陰中溪山佳處卽藉草飛觴藏鈎賭酒
美花媚人好鳥勸飲融融怡怡蕩蕩默默醒者忽
醉醉者復醒如邀狂客泛一葉于鑑湖似對謫仙
掃寸毫于雲夢狂吟怪石竊窺靖節之優游長笑
筠林自得子猷之標致咀西山之妙劑疑羽翼之
潛生煮北苑之研膏覺風流之戰勝典衣換酒清
歡不減于少陵蠟屐登山偉迹可誇于靈運望芙
蓉于日下逸氣飄揚指仙掌于雲間煩襟雪釋于
是留情寓景命意成詩不覺累成篇什洎歸探囊

飄然集上

九

因得八首總其目曰游春八詠言雖無叙聊記一
時勝槩以資異時拊掌云耳

輕風破暖

單衣初試輕寒退嫋嫋軟風侵袖袂層樓高捲酒旗
斜綺陌亂漂花錦碎多情故把惱人腸楊柳陰中弄
暗香解貂不惜換斗酒爛醉春光能幾場

□□□□

濛濛春鎖弄晴雨花褪殘紅煙淡此潑成濃黛遠山
□□色經茸芳草布園林依約清且新滑唇好鳥相
和鳴輕寒□□□□作幽花一笑游人醒

嬌鶯喚友

輕煙幕幕籠芳樹上有黃鸝調巧語分明喚友度柔
情似對東風欲掀舞嗟哉彼鳥非英靈猶能求友鳴
嚶嚶光初隙未輕薄子洗耳何妨聽此聲

杜宇啼紅

密脾香滿青春莫寂寂空山聞杜宇啼紅泣綠怨東
風錦城舊恨懷千古可堪腸斷對樽前雄圖未遂愁
無邊賴有提壺勸我飲起舞從教落醉船

狂吟紅樹

生涯隨分便蕭散鬪草檣蒲心緒懶尙餘詩癖窮

飄然集上

十

工醉吟跌宕揮金盃愛攜佳客爛尋春殘紅枝下細
論文搜羅萬象攢胸臆筆端掃出春空雲

醉眠芳草

澆愁沃恨唯憑酒况值郊原湔錦繡傾囊結客踏青
游競把鴟夷載醕酌爲憐芳草襯殘紅猛拚醉玉眠
春晝覺來游眼頓增明晚煙約畧橫疎柳

捫松長嘯

亭亭十尺凌雲表鐵甲蒼髯材獨妙班斤郢斲猶未
逢霧慘煙淒人不要我來感激對殘霞獨傍樛枝發
長嘯試憑匠石親品題棟梁合自登廊廟

步月晚歸

風煙觸處歡無限，倒著接羅歸去晚。林梢璧月弄清輝，鬪插山花笑而莞。華堂秉燭競飛觴，浪語清狂勝絃管。採囊爭出錦段新，燦燦珠璣光溢眼。

讀揭伯微舊詩軸

劍氣光芒射斗牛，劍池風物占清幽。天教間出英雄士，人獨推尊翰墨流。幾為詩魔生太瘦，常因清聖肆狂遊。高吟逸軸成何事，可惜升平謾白頭。

寄周居安

周郎辭氣帶煙霞，凜凜秋霜嚼齒牙。塵尾動思談吐

飄然集上

十一

肩筆頭遙想夢生花，三年幸獲從遊款。一別那知歲月賒，遠辱飛奴傳翰墨。顏筋柳骨儼秋蛇。

秋試下即事有感寄國鎮

籬角金英噴異香，杜門岑絕獨持觴。風掀脫葉橫斜舞，雲襯平林淺淡黃。塞管有情增哽噎，野花無緒伴淒涼。不禁景物撩秋眼，剩與新篇付錦囊。

戲促朝宗酒約

雨收雲海湧金盆，簾捲香絲破篆紋。雙陸無心酬白壁，十千有約醉紅裙。哦詩誤許聯師服，載酒真當過子雲。待遣秋娘呈妙舞，春衫已把水沉薰。

朝宗和國復次韻答之

酷愛傾銀注玉盆，醉眠斲筭展波紋。尋春倦躍青驄馬，訪異同拖白練裙。漫記鸞牋塵几格，要看象管掃煙雲。錦囊拾得詩無數，一炷沉煙透甲薰。

約吳公美裴季駿同赴會次前韻

伊誰汲井旋埋盆，喜見荷錢點浪紋。小立不妨人解珮，閑眠應有客書裙。未饒靈運吟春草，端憶長庚醉暮雲。願我從容尚無蹶，韓公何惜為三薰。

春日書事

寂寂園林照日暹，花梢經雨漫胭脂。輕煙薄縠籠深

飄然集上

十二

塢細草，援菹醜。小池暖力着人添，醉聖韶華入眼遍。詩脾賞心不惜千金價，冷笑聞閭數米炊。

春霽

繡出園林霽色新，長郊芳草綠無垠。日籠瑞氣輕浮幌，風掠花芬暗襲人。蝶慕竊香爭趁暖，鶯思求友競啼春。試將何物澆詩膽，活火調湯濺玉塵。

臨溪弱柳

柳弄嬌黃暖律催，臨溪約畧笑殘梅。鴨頭春水回環綠，龜甲屏山掩映開。媚日依依籠霧閣，搖風裊裊拂煙梳。柔絲恨不同攀折，獨立江皋首重回。

過般若寺納涼

火雲亭午欲燒空
避暑聯翩過梵宮
磬韻喚回蝴蝶
夢巾紗立破菱荷
風竹林道客欲長
往河朔高人興
未窮誰似湯休能
處病索詩吟笑慰
相逢

原上晚步聞笛有感

一笛誰橫透晚空
傷懷真作鳥窺籠
解龜換酒無知己
拾穗行歌喜屢豐
沐雨秋山遮眼碧
舞風霜葉點溪紅
老農植杖來相問
藉草高談夕照中

遣興示子賢

安貧萬事祗隨緣
羞澁囊空乏一錢
濁酒難賒應有

飄然集上

十三

恨焦琴屢興已無絃
飯盂鈔雪唯求飽
茗盃翻瀉喜自煎
錦里先生有詩卷
破愁時誦兩三篇

傅巖居士挽詞

夢寐江湖僅十年
桑榆投老遁林泉
知人襟抱藏英鑒
奇我風標喚謫仙
妙論繁花今已矣
遺編夏玉尙依然
桐焦里巷知音少
幾對雲齋欲斷絃

遊盤龍涉傅巖有感簡朝宗

招提清曠場來游
潑墨嵐光眼界幽
黃絹碑亡思子禮
碧雲詩好憶湯休
風簷日送書空雁
煙塢愁聞喚雨鳩
消燦睡魔澆茗盃
矮窗拾得一簷秋

陳欽若時過盤龍作詩奇之因紀吟咏之美

凜凜冰霜嚼齒牙
沉沉清夜詠簷花
摩雲氣逸干星斗
落紙詞妍帶綺霞
醉掃麝煤奔渴驥
困行象管引秋蛇
擬尋紅樹賡詩社
却日揮戈不許斜

良臣聚飲梅仙莊和多字韻

牛羊茁處綠駢羅
幾載鴟夷得趣多
塵尾談清爭嚼麝
筆頭草小換籠鵝
杯行自鄙紅裙飲
詠罷人傳白雪歌
採摘溪山憑句法
倚風拾得只長哦

讀傅巖居士舊詩軸有感

黃鶴凌雲不可尋
遺音流落感人心
朱顏綠鬢留難

飄然集上

十四

駐明月清風古到今
韞積有時驚卞璞
絕絃無地置牙琴
傅巖蕭瑟傷心處
一局文楸鎖竹林

諸友乘興拉謁吳朝宗因次韻

扁舟乘興叩寒門
閉戶先生不讓孫
白雪郢人親到耳
青天廣客迴披雲
吟行牛渚裁佳句
坐對雞窗嗜古文
淡泊交情俱耐久
幾多瀟酒寄琴樽

朝宗見和復次韻謝之

拾得佳篇李賀門
鸞箋重錄教諸孫
清于月夕瀟湘水
淡似清秋太華雲
發藥例雖霑賸馥
鈞深應寡與玄文
何時紅樹尋詩社
琢句令傾激澗樽

歸途遣興借朝宗韻簡敦仁

緩着歸鞭水石鄉息鞍其踞小橋傍烟滋竹葉雙叢
玉秋著蘆花一岸霜潑眼溪山增爽氣襲人蘭蕙破
幽香擬提吟筆扛洪鼎反笑蚍蜉不自量

白鵝橋復用前韻

旗亭解轡詠江鄉屬玉雙飛綠澗傍水墨園林初過
雨青黃橙橘未經霜鼎烹雲液澆腸爽囊撥春醅破
鼻香回首謾驚烟水遠向來清味性思量

遊華嚴寺題誠齋

欲逃三伏叩禪關淨洗煩襟水石間熾景碧雲俱掩

飄然集上

十五

斷涼飄綠竹頓招還龍涎一炷香清骨琥珀盈樽笑
解顏預約高僧名遂日結茆來此伴長閑

和顯道筠軒有作

欲引秋聲竹旋移吟煙時一啟柴扉了無俗□□□
眼每有輕風襲客衣地僻不知炎暑老身閑潛覺道
心微茫茫塵事俱藏殼羞偶閭閻較是非

和顯道借韻書懷

投老歸休六逸溪杳無聞耳敢敲扉紅藤舊策扶危
杖白苧新裁養素衣落紙詩才增綺麗揮犀禪語愈
玄微無心深得煙霞趣冷笑人間萬種非

借前韻書懷呈顯道

結茅高隱倦奔馳寂寂無人叩竹扉快意為能策駟
馬甯親且爾戲班衣躡雲騰踏終當隱釣渭栖遲豈
久微洗垢索癡何足卸爍金泉口任人非

和世弼醉題顯道筠軒

北窗高隱傲羲皇旋種琅玕列砌傍端許鸞鳳同遁
戢不容燕雀亂翱翔侵牀綠蔭宜欹枕拂袂清風快
捧觴好是雨餘良夜午夢回添得數分涼

和世弼蓼花

粧點千叢醮碧流甯甘淡竝對清秋白蘋許共搖風

飄然集上

十六

細黃菊欣同占景幽羞泄異香招舞蝶獨施繁豔伴
漁舟普騰醉眼牽情處贏得淒涼一段愁

和世弼雞冠花

芳名從古號雞冠赭豔醒然恰一般不語東窗何足
賞難通西谷謾勞看倚風縱有如丹頂遇敵應無似
錦翰空費栽培污□砌到頭不若植芝蘭

宿世弼書館

暫向雲齋借榻眠窗風一線晚秋天淋浪樽酒狂瀉
句點閃檠燈伴論禪盤角竹聲時浙瀝簾旌桂影弄
嬋娟話窮依約方成夢聽疎鐘到枕前

謝人惠紫竹杖

王猷珍重惠龍孫策險扶危價莫論爛醉懸錢遊酒
城狂吟步月打僧門虛心尙有凌雲操勁節元無染
淚痕寄語香山居士道朱籐從此未爲尊

招顯道世弼飲

桐圭飄剪近重陽菊綻籬邊葉葉香雲破晴空書鴈
字雨餘沙跡列鴛行賞心擬結東山會卷白交飛北
海觴爛醉眼封多勝槩一時收拾入詩囊

飄然集卷中

宋崇仁西耆歐陽澈德明著

顯道辭中以詩示教因和韻復之

拋磚斐句試相招遠辱高軒過寂寥教約荷公能發
誦功名斬我效題橋談罪玉屑驚人聽歌和陽春滿
坐謠投轄苦留留不住歸時明月掛旋霄

重九日醉中與世弼遊華嚴

撥雲來謁野僧家刮眼秋光望裏賒檻菊凋零金蕊
碎庭花裊娜玉冠斜有白雞冠盛開遣懷詩筆摘春錦破悶
茶甌捧雪花却笑遠公延靖節何須把盞醉流霞

飄然集中

豫章叢書

和前韻紀登高醉中景示世弼諸友

芳晨秋興浩無涯結客凭高酒旋賒送日喜觀雲縹
緲狂歌誰顧帽欹斜笑他子美看茱實要學樊川插
菊花競說今年幸逢閏再期攜手躡煙霞

世弼再和見贈又次韻復之其詞皆闕其詩中
之語

功業未能光史冊醉吟且爾會朋遊潛心深造詩書
府摘句斷驚翰墨流莘野耕煙須釋耒蟠溪釣月暫
乘舟風雲一旦逢知己直取三公位黑頭

三尺絲桐追古意一牀文史伴閑身宵甘岑寂配前

哲羞逐紛華溷世人遊轄喜投延上客萊衣時戲奉
偏親由來善惡如冰炭託迹于今動擇鄰

世弼和酬因繼韻以贈之

快意不憂原憲病儵然常作子長遊胸中氣焰摩星
斗筆下辭源倒峽流閔子家風惟吸水龜蒙活計在
漁舟杜陵大瘦多詩苦白雪無情已滿頭

擺除塵網索纏累占得壺天放曠身世業文章俱拔
萃家傳清白恥求人鼓琴顏巷貧而樂裹飯桑門淡
以親聞說飯塵雖屢矣不甘貧粟向諸鄰

是日天氣乍晴頗快人意因和韻拉世弼謁傅

飄然集中

二

巖

風剪梧圭欲晚秋溪光山色稱懽遊聯翩雲水宜搜
異俛首閭閻恥溷流相視悉皆謀按劍無心誰復似
虛舟紫芝眉宇人中瑞一日常思一聚頭

袍襟帽角走紅塵可笑崎嶇一病身試挹竹溪山裏
侶去尋廬阜社中人傳巖晚年學佛得趣鮑昭俊逸雖難敵夷

和子賢對景有感次九日韻

甫風流幸許親雞黍向爲千里會况茲咫尺接牆鄰
醉撥春雲一瓮香潛欣積雨破秋陽燈龕宜入詩書
府錢杖慵吟水石鄉忘慮不斑潘岳鬢養恬難斷廣

平賜賞音誰謂無蕭穎時綴雄文弔戰場

建中覓菊于希詰因戲作四韻寄之

丐菊東籬帶晚煙持觴獨放竹溪仙擬攜廣唱社中
侶來伴沉酣市上眠清叔能詩會不速廣文嗜酒恨
無錢倘蒙閉戶同轟飲一斛豪頭也百篇

和韻戲索建中和詩

功名未許冠凌煙琢句投囊學閩仙韞玉要令神物
護深珠豈待老龍眠賓王頗欠新詩債子美回償舊
滙錢自古逸才多滌器醉來宜灑奪袍篇

傅巖小酌于草堂因繼前韻寄贈巖叟

飄然集中

三

遁或雲巖古景幽煙霞常伴赤松游陶陶徑醉窮干
古落落談口貫九流眷愛猥蒙迎倒屣追尋常欲掉
扁舟絲桐古調無人識每辱知音爲點頭
磊落胸襟造道真江湖千載自由身雖無偉績留當
世拾有清名異衆人舟里先生常願友香山居士每
求親摳衣願我雖幾數賴得詩翁誘善隣

世弼讀白樂天放言詩傲其體依前韻作數首

見寄因和答之亦放樂天之體

如簧巧語何須聽似海侯門豈足游太華崇高無棄
土滄浪合并有清流未要季子榮親印已買陶朱佚

老舟藏器待時須大用恥爭蝸角與蠅頭

馴馬華軒終得志簞瓢梓茹且潛身隋珠莫彈排空

鶴和壁休投按劍人畫史解衣須遇鑑齊門鼓瑟信

難親索瘢洗垢從教誇澡雪襟懷與道隣

搏鷄休笑蓬蒿適燕雀豈知鴻鵠游顏跖賢愚終異

域涓涇清濁自殊流綆長方可探深井水淺安能泛

大舟獨愛樂天吟著句輸贏待看局終頭

言行樞機宜慎發利名韞鎖苦縈身無非入市攫金

客誰似臨畦抱瓮人鴻雁弟兄猶列序虎狼父子尙

相親刀錐不用爭蝸角請學當時闕黨隣

飄然集中

四

世弼原上晚望和韻見寄因復之

綠消暮靄滿空秋念遠凭高隴上游一片孤雲生遠
岫數聲斷雁落寒流風前無緒愁聞笛天際何人誤
識舟步月可尋巖下叟試將圓玉鎖神頭
鳩杖吟行笑撥雲我疑賈島是前身名高鄭谷耕烟
叟樂過嚴灘釣月人俯聽鳴蛩爭唧唧潛窺宿鳥各
親親田家有秫俱菊酒乘興何妨遍訪隣

明堂赦降改名者例許入縣世弼和前韻賀余

次韻答

勅書夜到釋幽囚朝野歡聲例快游靄靄庶官咸被

澤陰踰多士怒承流躡雲思獻安邦策釣月慵尋泛
宅舟寄語淮陰休笑我乘時指日跨龍頭

太平聖主就如雲廣露殊恩及此身聲類春雷潛起
蟄光同秋月溥臨人網羅遺逸方求助旌表門閭獎
事親猥辱錦章慰岑寂借冠終不許鄉鄰

顯道和前韻見贈因復之

咳唾珠璣世所投執鞭願我幸從游瓊枝不東萊葭
倚鯨海能容溝瀆流月夜狂吟揮象管花時爛醉泛
蘭舟錦囊辱鄭新詩格高壓唐朝李杜頭
清清藉甚伯夷倫抗志孤高不辱身縮手懶陳堯殷

飄然集甲

五

策拂衣歸作傅巖人荷公每許青雲器斬我歸榮白
髮親努力會須如所祝庶令雪恥見南鄰

顯道庭中有白雞冠花爛熳作雲客歌賦庭中

瑞氣詩以寄余次韻

雲湧中庭剪異葩紛紛郁郁疊輕紗觀光雖屢經羣
目薦瑞由來慶一家雨洗晶熒飄玉葉煙滋淡於簇
瓊花多應綽約東鄰女未伴仙翁咀絳霞
曼娜雲容獻瑞葩曉雲輕罩認籠紗喜施繁豔迎詩
客羞寄清香入酒家妙質本能兼五德芳名冠
羣花可憐一種嬋娟態醉倚秋風臉有霞

夜讀元容良臣登雲閣上舊軸因走筆作詩以

寄二公

登雲閣上二詩仙不共凭欄僅一年耳冷高談增企
仰目驚健筆憶攀緣接藍環翠應依舊轉轂流光已
屢遷祗憶醉吟風月處數竿脩竹帶輕煙

寄良臣一篇

耐久交情古所難松筠高節實能攀弗思小怨心懷
志惟嗜狂吟笑解顏讓口任教華似錦忠言到底臭
如蘭翻慙不識奇男子窺管徒知見一斑

顯道世弼過做廬小酌醉中顯道以詩見教和

飄然集中

六

謝

鳩杖先生過草萊竹林結客笑銜杯盤堆冷炙非珍
饌樽貯香醪旋潑醋玉屑揮犀談綺吐纈紋入面醉
顏開自慙閱茸親餘論健筆時觀吐鳳才

州學貴中庭上作

漠漠陰凝水墨天雨絲成陣拂窗前千層壘巖籠輕
靄一帶澄江鎖淡煙歸思似雲空散亂名蹤如繫尙
留連當時錯笑悲風賦今日閑愁頓黯然

寄題章澤民快軒二首

寓意標名氣象雄快哉豈爲一襟風端期驥子窮經

敏早向蟾庭射策通奔逸
當躋捷徑棲遲暫此寄
塵蹤過門大嚼徒虛語
未若芝蘭志不同
快矣標名厥趣高
端能教子振風騷
塵揮捷辯重馮
席筆洒新詩
奪宋袍冷笑
三投方鑑玉
雄圖一鈞便
連龍行行指點青雲步
烜赫英聲冠譽髦

讀余逢辰舊唱和詩

哲匠居鄰劍水傍
筆端疑化劍鋒鋦
雕鐫麗景春工
巧殿煉佳詞
武庫張字字
泓澄清如月
篇篇耿介烈
含霜樓成白玉歸
天府擲下珠璣滿錦囊

謁希哲不遇軒上走筆

飄然集中

七

一軒虛敞靜無塵
笑揖遙岑作主人
興似子猷來訪
戴情同荀鶴
誤尋真重披藥錄
聊忘倦側聽蟬吟
試爽神賴得好風
知我意幽香拂掠襲衣巾

和希詰軒上韻與友游華嚴五雲峯

劍戟峰攢迥絕塵
捫蘿宜謁社中人
雖無樽酒邀元
亮恰有清談敵
季真漱玉泉聲
清洗耳靄雲香
縷靜
頤神支公况是忘形侶
不訝林宗折角巾

題良臣登雲閣

翬飛高閣勢凌雲
端擬雲衢致此身
直躍口梯千尺
峻高攀蟾窟
一枝春廓然眼界
同霞域快矣襟袍絕

點塵髣髴麻姑亭上景
方平應約此相親
丹楹崛起拂雲端
平步危梯入廣寒
脫屣仁當騰鶴
馭飛鳧終擬附鵬搏
半天風雨凭欄詠
萬里江山指掌看
十二樓臺多勝概
慚無詩思剪裁難

和人題會樓

朱甍飛峻勢凌煙
卷白樓中悉謫仙
枕麴頓能逃外
累激醪端欲繼前
賢雲屏環列蓬壺境
花錦均鋪水墨天
滌濯吟魂強裁句
詩成冷笑滿囊錢

秋日居山八事

飄然集中

八

傑子弟從教詆實威
反復始知經旨遠
沉潛愈覺道
心微自慚聞見多
迂闊何幸慈親屢斷機
讀書

親灌蔬畦慕漢陰
不辭抱瓮汲泉深
擬爲元亮蕭條

處豈有樊遲貨殖心
剔去荆榛俱絕蔓
栽桃李已

成林免葵燕麥元荒寂
剗地繁華直萬金
治園

霜刀頻洗碧琅玕
半畝清陰透膽寒
爲去殘枝藏毒

虺端留密葉隱鳴鸞
荒榛雜揉尤宜剔
直節堅剛豈

忍殘擬倩蕭郎揮妙筆
一時收拾畫圖看
洗竹

因傳種法自東坡
潛喜春來活者多
不遣牛羊殘物

性更資雨露養天和
虬枝終擬棲仙鶴
雲葉行看施

女蘿縱與蒿萊暫同植大夫封寵竟輸他 種松

振衣拂曉啟松扃月淡風輕酒頓醒密竹含煙爭滴
翠幽蘭浥露遠聞馨清憐高潔蟬嘶柳閑羨優游魚
食萍試枕碧流端洗耳白雲深處誦黃庭 早起

一抹輕煙鎖遠山眼封瀟灑脫塵寰投林宿鳥相呼
喚出草飛螢自往還吟擬停杯邀月飲醉斬友枕伴
雲閑因風拾得新詩句獨倚高梧笑解顏 晚望

口落風軒枕簟涼高眠停午夢何長轉爲蝴蝶待虛
語游遍華胥祗妄狂喚覺始驚俱幻化勞生頓悟謾
乾忙搔頭斜倚屏山久孰較無如醉玉漿 晝眠

飄然集中

九

景鋪萬籟絕紛華獨泛瑤觴襯臉霞飲罷仰天歌白
雪醉來啟匣拂青蛇伴邀佳客推明月樂奏清聲有
亂蛙欲學廣文事高節恨無細雨落簷花 夜飲

和友人榴花

薰風吹綻絳香囊碧玉叢中巧剪裝剛對炎曦爭灼
爍羞同凡卉競芬芳動人來把驪珠吐炤眼潯將蜀
錦張詩思爲伊牽引煞暗隨蝴蝶夢池塘

寄良臣

耳冷清談倏半年渴心如憶嶺頭泉自慚託跡多南
北無復從游學聖賢莫謂卑飛同斥鷃已全高潔慕

鳴蟬荒涼不厭幽居趣假道何妨試着鞭

子賢同游岐原

投閑結客叩禪扃拾得林間一種清倚杖細聽黃鳥
語捲簾遙指碧雲生清風塵尾驅塵態春露臥心破
宿醒便擬躬耕傅巖下翻慙沒世未留名

和友人春日山中卽事

歛翅歸來口欲絨結茆遁戢寄嵌巖鉤駟聒耳口弓
彈薛茗口口口口口口笑蜜蜂空採樸靜聆雛燕語
呢喃偷然頓釋人間累設穿難防餓虎饒

飄然集中

十

釣路傍有草倩誰及披襟嫩竹敲風細支枕幽禽鬪
語喃底事晚來無挾彈爲嫌屋上集烏饒

和友人同游普安

碧雲章句慕湯休結客來尋物外游茗椀翠濤能破
悶棊枰飛電共忘憂須臾况味參師正愛竹襟懷亞
子歆好事不須沽酒引一溪風物自相留

拉友人游普安追和前韻

炙手權門似可羞聯翩宜作赤松遊花逢消恨本無
恨草對忘憂自不憂拂榻禪窗蠲俗慮揮犀虛室論
嘉猷支那况頗能詩話滌濯吟魂爲少留

督德秀還酒會

綠鎖窗前聚首時戲彈圓玉偶輪機侑觴既欲攜紅袖送酒何妨遣白衣酩酊預期歸倒載從容端約話玄微揮戈直使頽陽却不計西風隱半規

德秀和詩意似有激而云因次韻復之

困踏紅塵未偶時醉吟風月且忘機囊空不羨千金壁道在何慙百結衣洗垢任他騰口謗養恬尤覺道心微孫陽一顧鹽車驥超逸方驚動中規

臨川戲留友人

山童澤涸欲金流小雨廉纖陟變秋河朔飲徒方快

飄然集中

十一

意鱸魚歸興不如休歌姝况有飛瓊侶結客當爲擲果游一曲陽關腸斷盡未應聞此不遲留

小人生日因與友人作文字飲醉中走筆

骯髒無聊獨倚門誰憐跨下有王孫揚鑣特辱過原憲載酒端來醉子雲寫景錦囊同摘句搖風玉塵細論文共欣賤子當生日戲祝遐齡倒一樽

二妙高軒宜過門共朝獻策學公孫因觀佳句題紅葉陡起歸心望白雲坐上揮犀驚險語醉中染翰綴雄文相忘豈假投遵轄待月同傾北海樽

夜過謝池小酌戲繼前韻示諸友

爲憶蓮娃夜叩門恐緣芳草怨王孫眉彎海嶠初生月鬢髯巫峯欲墮雲金粟花殘將委燼香絲篆破不成文朦朧月映人如玉爾汝忘形共一樽

德秀和韻見酬因復之

高才卓犖冠儒門知是延陵幾世孫白雪歌詩凌鮑謝青錢事業壓機雲雄圖未遂羞投筆賦分甘貧恥賣文已結忘形韓孟友醉吟常願共開樽

繼前督敦仁和詩

振衣每幸躡鷹門了了慚非孔氏孫塵尾旣容聞吐屑毫端合許見摘雲義皇况已傲彭澤屈宋安能過

飄然集中

十二

廣文白壁一雙如見擲解貂在擬換融樽

朝宗久不以詩見教因次前韻求其先和

慵于嗜嗜謁權門獨灑新詩示從孫之問已嘗吟奪錦相如宜共賦凌雲高懷素蘊知人鑑斐句慙非甲古文抵鵲果蒙投卞玉珍藏何啻獲犧樽

八月十四夜建中二三友過我清話因共把盞

賞月從容笑談不覺雲容朦朧桂影淡泊端知是夕聚首驪池再諧佳會遂成四韻

冰輪初訝一分虧結客傳觴笑語遲雲漢無端藏兔影金波恨不醮蟾枝佐樽痛憶飛瓊侶染翰裁成感

鬼詩料得中秋月應明習池端約捧瓊卮

軒前菊蕊將綻因書四韻示希詰紉九日聚飲

于此

菊英裝點近芳辰風掠清香已襲人端的樊川攜玉液來同靖節賞金塵
藏闕戲賭杯中物投轄堅留座上賓惡客不容汚我社攜雲要掃筆鋒神

述懷寄仲賢

雞窗俛默謝塵器炙手權門懶折腰節操剛持忠孝礪胸襟常以古今澆蕭條陋巷開三徑牢落生涯寄一瓢何日高軒還我過竹林清集共逍遙

飄然集中

十三

過巴州

凭高因賦過雲篇曳蹠狂歌放昔賢未遂相如榮駟馬且尋師正傲清泉非玉未經三獻羞澁囊空乏一錢典却春衣常獨酌從教邸主笑鳶肩

和子賢借韻書懷

白雪歌詩數百篇廣酬樂有父兄賢要睇靖節栽門柳須俟參寥夢石泉咳唾幸存三寸舌文章可媿一囊錢會須重詠高軒過嘔出新攀李賀肩

和前韻勉子賢學詩

雕鐫風月摘佳篇落筆尤宜法古賢萍礪要如礪寶

劍清新斬似冽寒泉會同白句吟披錦冷笑邑文真得錢詩社獲公添一瑞苦思須拍闥仙肩

子賢和韻見酬次答之

詩名浪得在盧前器識慙非叔度賢捉月笑他吟采石凌雲端欲賦甘泉發劄喜萍衝牛劍啟齒羞談使鬼錢平世未應徒爾爾行藏終與古人肩

夏日郊亭和晏尚書韻

關關啼鳥樹交陰雨過西城野色侵避暑誰能陪劇飲清歌自可滌煩襟稻花欲秀蟬初嘒菱蔓初長水正深知有江湖杳然意扁舟應與共追尋

飄然集中

十四

和子賢夏日晚望

溪山潑墨水雲秋似綺餘霞次第收燦燦拒霜鋪蓼岸雙雙屬玉舞蘋洲杳無錦字來憑雁擬滅機心試狎鷗望裏碧雲還又合數峯江上忍擡眸

朝宗以詩贈行和酬二篇一以留別一以謝詩

激醪常共醉淋浪魚目曾游漲海旁琴聽程音彈碧玉鼎分靈劑煉玄霜纏腸錦繡篇章麗入室芝蘭燕寢香一別未應徒爾爾鵬程萬里事難量

鍛鍊新詩摘錦囊筆驅秀麗汝川旁氣橫阿劍疑干斗韻逸豐鐘必待霜道勁狂揮毛穎疾淋漓醉掃麈

煤香珠璣喜就鮫人乞收拾端期百斛量

憶朝宗

飲聆舌鐸向鳴窗深媿葭倚玉旁妙論乍離人吐
屑渴心欣破橘含霜頗多好景撩人笑獨賞幽叢撲
面香數筆江山吟未得何時對榻細商量

寄敦仁

高才松桂振芬芳桃李根莖媿託旁眩目文華舒麗
錦超羣節操抗嚴霜快礪未卜聞談綺補劓期攀靄
德香時道長鬚致雙鯉新詩無惜屢思量

瓊上人留意學詩惑于多歧未明厥趣作四韻

飄然集中

十五

寤之了此一話則能詩三昧不出箇中矣

襟懷磊落富詩情琢句端明法須聲格律要除蔬笋
氣語工須帶雪霜清碧雲矜式存風雅黃卷沉潛學
老成鍛鍊更能師島可禪林無患不知名

秋香

拂掠輕風破異香非蘭非麝味何長荻篩玉屑飛魚
舍菊碎金塵點醉觴露裊木犀增馥郁煙滋菡萏益
芬芳佳人惹得盈襟袖剗地慵拈錦繡囊

秋雲

數片悠揚出遠山擬爲霖雨霈塵寰未乘風馭吹噓

便驀被曦輪照燥還心在蒼生常欲起蹤歸深
投閑油然一作施膏澤始趁祥煙入帝闕

秋竹

森然庭列碧琅玕瀟灑陰清透膽寒落落已成棲鳳
實團團俱是化龍竿夜深篩月疑金碎曉色籠煙認
戟攢勁節剛持君子操王猷休把等閑看

待月

停杯邀月宴華堂苦恨山高阻興狂海嶠豈能藏素
魄雲衢終見布寒光須臾簾捲銀蟾影次第樽浮桂
子香正好吹簫恰無月姮娥應見我悵惶

飄然集中

十六

秋月

碾破鱗雲皓月輪銀蟾著意露精神十分素魄高低
仰一樣寒光遠近均觸目冰壺無點翳照人水檻絕
纖塵擬攜玉斧乘風御折桂歸榮白髮親

曉發吳城山

此首原本無今據宋詩紀事補入

風掃陽侯雪陣平雨催摩詰畫圖成氣吞浦溆重林
盡秋著江湖去鳥明厚祿故人無一字長年三老伴
餘生會須滿意開懷抱到眼廬山不世情

飄然集卷中

飄然集卷下

宋崇仁西耆歐陽澈德明著

建中索子賢酒債戲作一絕

阿堵物無崔烈臭孔方兄有少陵羞一斗酒金償未
得速來相就典貂裘

金鳳花

巧剪金英似欲飛恍疑平世鳳來儀嘉名獨冠羣花
首底事君王尙未知

秋愁

層樓夜午轉西風眉際新愁刻地濃怪得當時潘與

飄然集下

豫章叢書

宋淒涼尤怯此時逢

喜雨八絕寄顯道作

陰雨蕭蕭夜接晨如雲禾稼一番新康衢擊壤歌聲
沸樂歲應無餽裏塵

滌破驕陽變早秋煙光清照北山幽五湖遙想增瀟

灑誰棹扁舟繼蠡遊

浮雲誰謂出無心甘雨祁祁潤澤深潭底老龍徒久

卧亢陽何事不爲霖

雲巖蕭索雨初晴嫩玉寒泉分外清可笑蜩蟬時口

意也依濃蔭吐微聲

晝坼田邇久望雲霈然膏澤幸盈津南鄰來慶年豐
稔旋酌香醪共濕唇

北窗支枕夢初回風掠餘香特地來顛倒衣裳望池
上荷花無語爲誰開

霜筠瑟瑟憂琅玕冷透紗幮一味涼破夢吟魂正瀟

灑纖纖更捧雪花香

楊柳藏鴉菡萏香香水亭風樹襲羅裳秋光正入詩人
眼剩得餘篇付錦囊

醉吟

酒酣逸氣射星斗自恨無人識馬周試拂青萍歌易

飄然集下

二

水溪山應有鬼神愁

重九前一日對菊戲書

菊吐金英已滿籬持杯指準賞芳非有巾可漉還無
釀載酒何人是白衣

讀蕭防遇仙傳戲書一絕

華陽宮闕杳難尋空有遺蹤古到今不識蕭郎仙去

後牀頭花醜共誰斟

覽丁渥異夢記戲書一絕示內人

夢魂千里入巫峯况在鴛幃咫尺中筆灑新詩宜贈

我臨風幸免倩征鴻

德秀和朝宗絕句意似有不平者依韻作三絕
以代其解嘲

琪管將揚世罕知不辭三弄試臨溪少陵若也能精
鑑休戲嚴公有此兒

藏器韜光以待時扁舟且此釣蟠溪
拳雲指日掀頭角驚破扶風狎侮兒

東野臨流喜賦詩一竿搖破碧雲溪
汝非羸角休吾觸不是尋常卮角兒

和元詩末篇之意二絕寄友人

功名未許書麟閣吟醉何妨隱竹溪
舌在自知非久

飄然集下

困且將詩禮教龜兒

酒聖會須中北海機鋒誰敢觸曹溪
朝宗坐多談 英雄自有回天力造化都來只小兒

歸自臨川途中感物遇事得八絕句寄秀美

信馬沿堤懶著鞭不堪回首望臨川
滿懷離恨如春

夢愁聽林梢斷續蟬

欲破閑愁帶舉觴醉中行色轉淒涼
眼封無物堪遙

遣望盡江城斷盡腸

廉纖小雨破炎蒸馬上襟懷頓覺清
暫解征鞍訪村

叟一甌春露醒餘醒

一聲啼鳥過殘陽
鬢流鶯促曉粧
記得年時倦梳
裏帶人和笑道天涼

寸碧遙岑隱半規
冰輪次第碾琉璃
因追勝集瓊樓
口笑倩纖纖捧酒卮

挑盡寒燈夜欲分
襟懷岑寂向誰論
香殘讀徹閑歌
枕彷彿音容入夢魂

啾唧蛩吟旅况淒
那堪孤枕酒醒時
夢魂栩栩知何
處依約幽軒話別離

窗含月影夢初回
一枕淒涼眼懶開
幽恨閑愁本無
種根苗不識是誰栽

飄然集下

有寄二絕

標格全歸笑靨中
相逢無奈去匆匆
金釵若許重尋
約樽酒秦樓願與同

管騰醉眼漾嬌波
心印潛通一捻多
密寄斷腸雙麗
曲遏雲須倩雪兒歌

和子賢途中十絕

管騰醉眼未全醒
厭聽車鷄達旦鳴
款段踏穿楊柳
月快人拂面曉風輕

離述破

暫停雙槳傍蘋洲
磯上漁翁雪滿頭
鈞破煙波深得
趣生來不識世間愁

過西廡

涼颯未奪火雲權
燦石炎曦勢欲燃
忘意擬尋河朔飲
狂歌爛醉太平年
愁熱

旗亭貰酒醉淋漓
贏得林間一味涼
倒着接羅還信馬
只憂溪徑似羊腸
沽酒

巴陵宰律試躋攀
勝槩全歸指顧間
笑倚松風聊洗耳
隔雲好鳥語間關
到船上

麟閣功名屬少年
笑他皓首只翛然
聞名雖未披雲霧
勉力期攀魯仲連
奇談溪英

索莫襟懷不奈秋
雕鐫佳句且忘憂
行行恰過橋南路
一片蘆花映碧流
過橋

飄然集下

五

黃梁餐罷倚危亭
茗椀瓊花助解醒
旅况吟魂正瀟灑
拂鞍迤邐又登程
飯僕

桐圭柳帶正凋疎
匹馬區區倦遠途
腸斷不堪回首處
寒雲影裏雁聲孤
有寄

寄陳國鎮五絕

德香薰郁書銀筆
句法清新奪錦袍
卓犖斗南推第一
才名藉甚繼三豪

友攀鱗雁塔要聯名
未觀健筆龍蛇走
拾得殘編綺語新
口帶煙霞含勁

氣解龜誰醉謫仙人

龍頭簾捲溪山秀
塵尾風生議論清
解榻何時同一笑
密雲旋煮破餘醒

冷暖世情諳已熟
雌黃與議厭常聞
龜囚繫縛未由脫
樽酒何時與細論

和答國鎮五絕

仙風入骨楚臣騷
消得明皇賜繡袍
哦就新篇神物護
未饒禹錫擅詩豪

年時煮茗共敲冰
操雪襟懷一種清
回首舊遊渾似夢
翻慙因踏未知名

飄然集下

六

十圍便腹卧邊先
笑傲羲皇訪昔賢
詔下好須同奮躍
槐花香裏走連錢

學辨癡龍信博哉
風流夷甫更多才
擬聯石鼎彌明句
對聳詩肩夜拾煤

吟鬚輕撚對斜陽
葉掃平林夜著霜
忽領詩詞雲錦段
夜光明月耀黉堂

寄游良臣五絕

螢窗顧我絕韋編
砥節思齊叔度賢
誰念廣文窮到骨
傾囊時與杖頭錢

聞茸閭閻數米炊
耳根與議噪蛙卑
那知別得琴中

趣五斗猶慙爲折枝

壯浪年來筆有神詩如開府頓清新暗中慎莫投珠
壁道路無非按劍人

登雲勝槩脫風埃頓費詩仙賦詠才憶得年時共轟
飲羅衣曾暗裏香煤

文會何時聚德星紫芝眉宇照人清錦鞵並控尋春
馬持酒憑花爲解醒

飲口示于賢諸友七絕頗愧狂斐

時來一釣會連鰲舌在誰羞舊緼袍風骨自慙非太
白高吟大醉浪推豪

飄然集下

七

江陵素乏橘千株貧甚唯收柿葉書擬叩富兒謀貸
粟及門無奈足趨趨

鍛鍊新詩數百篇郊寒島瘦慕前賢高山流水知音
少不及人間使鬼錢

飄飄逸氣薄雲霓功烈羞談管仲卑業就凌煙終有
分桂林誰謂便無枝

袍襟帽角走紅塵却掃窮經務日新將相公侯本無
種未應不及賣漿人

功名端擬位三槐發策慙無入斗才寂寞雲齋且稽
古披香指日掃松煤

不作羣兒浪謗傷致身斬處諫臺霜功成野服便蕭
散會見裴公綠野堂

春意五絕

濃雲漠漠雨毛空染出桃腮照眼紅著莫異香飄几
席多情拂掠謝東風

高情忽逐曉雲空喜見枝頭一點紅祇恐好花俱有
主擬爲詞客伴春風

料峭餘寒透夾衣卷簾休訝燕來遲多情苦被春摧
柳帶眼無端覺屢移

一犁煙雨靄江村駭麟衡門暗斷魂覽鏡自憐空跌

飄然集下

八

若誰知跨下有王孫

送客層樓水墨天柳堤花塢漸天妍教童爲控尋春
馬好事誰能乞酒錢

宣和四祀季冬夢與人環坐傑閣烹茶飲于左

右堆阿堵物茶罷共讀詩集意謂先賢所述

首篇題云永叔誦徹三闋遽然而覺特記一

句云東野龍鍾衣綠歸議者謂非吉兆因卽

東野遺事反其旨而足之爲四絕句云

東野龍鍾衣綠歸食齋腸苦竟棲遲出門顧我渾無
礙未肯徘徊只賦詩

東野龍鍾衣綠歸溧陽何足處男兒微生縱有孤吟
癖尙擬朝端振羽儀

東野龍鍾衣綠歸平陵投老倦奔馳黑頭我欲功名
立冷笑馮唐白髮垂

東野龍鍾衣綠歸分甘假尉志何卑詩名藉甚徒爲
爾不及勲唐顯盛時

朝宗雨中醉歸爲娼女竊笑戲作兩絕因繼其
韻

雨浥輕塵步武遲墊巾歸士武陵溪紛紛誰認神仙
過村掌瓊樓笑女兒

飄然集下

九

襟袂龍鍾破雨歸玉人驚笑若耶溪恨無款段馳春
徑故故遺鞭盼阿兒

踏莎行

鴈字書空橘星垂檻江天水墨秋光晚香絲裊裊祝
堯年公庭錫宴揮金盃

醉索蠻牋狂吟象管珠璣
燦燦驚人眼過雲更倩雪兒歌從教拍碎紅牙板

蝶戀花

拉朝宗小飲

紅葉飄風秋欲暮送目層樓簾捲西山雨解榻聚賓
揮玉塵風流只欠王夷甫
質劍爲公沽綠醕滌濯
吟魂擬摘黃花句醉眼瞢騰攜手處謝池風月誰分

付

玉樓春

箇人風韻天然俏人鬢秋波常似笑一彎月樣黛眉
低四寸鞋兒蓮步小
絕纓嘗宴瓊樓杪軟語清歌
無限妙歸時桂影射簾旗沉水煙消深院悄

又

年時醉倚溫溫玉如月精神疑可掬香絲篆裊一簾
秋澹澹十分浮蟻綠
興來笑把朱絃促切切含情
聲斷續曲中依約斷人腸除却梨園無此曲

踏莎行

飄然集下

十

羅幙風輕水沉煙細杯行笑擁東山妓酬歌何惜錦
纏頭清音暗繞梁塵起
銀甲彈箏碧桃薦味舉觴
飛白拚沉醉花窗弄月晚歸來門迎蠟炬笙簫沸

小重山

紅葉傷心月午樓襲人風細細遠煙浮瞢騰醉眼不
禁秋追舊事拍塞一懷愁
心緒兩悠悠東陽消瘦
損甚風流擬憑仙枕夢中游無眠久通夕數更籌

虞美人

玉樓縹緲孤煙際徙倚愁如醉鴈來人遠暗銷魂簾
捲一鈞新月怯黃昏
那人音信全無箇幽恨誰憑

破撲花蝴蝶若知人爲我一場清夢去相親

聖節鼓子八隊致語

伏以一朝露湛仰瞻天子之餘光萬國山呼俯効封
人之祝壽德風清玉宇愛日上珠簾纖腰舞而回雲
輕皓齒歌而行雲駐金樽漱澁琪管鏘揚雍容俱解
榻之賓款曲盡絕纓之客冰霜論極塵揮夷甫之風
流錦繡詩成筆掃鮑昭之俊逸藏闕暗忘憂口口侑
觴列解語花枝揄揚四海之歡心鼓舞一人之有慶
試憑鼓杖略助杯行未容福氏獻三過且聽韓娥謳
一曲

飄然集下

上蔣提舉書

澈聞疾風知勁草板蕩識純臣方天下廓廓無事豈
無長慮遠識之士爲備豫不虞計然國多忌諱奸黨
盤結萬一條隙之雖謗訕之誅爲不足憚其如不能
必其深信而早圖之徒膏斧鉞無益也嚼舌緘唇吞
聲茹恨卒限之于今日無足怪者厥今天下何如哉
王室之難未解醜口之師未退任用之臣未盡忠鯁
黔黎之衆未盡甯謚其他蠢弊難以毛舉固不可謂
太平極治之世也聖天子綸言懇切搜求若渴而慨
然應詔奮不顧身以紓九重之憂者幾何人哉此而

不言此而不爲奚所待耶澈也廬陵賤士羈州讀書
自舍法一更遁戢丘園謝意進取欲以孝養偏親比
者憤氣斥心爲時迅發將欲移忠于國自去年冬十
二月至今年春正月投進萬言書三封所陳數十餘
事皆天下大利害輒自以爲保邦御俗之方安邊禦
戎之策盡在是矣其間逆天聽觸權臣結怨卿相貽
怒臺諫色色有之忠誼所激無復顧忌且乞假天子
一節深入口庭緩頰以說使之倒戈卷甲屈膝効順
誓取二聖迴鑿肅王歸國以息邊塵而後已此懷此
願期盡餘喘願澈一介書生挽弓提劍非所長也龍

飄然集下

十二

輅豹略非所長也風角鳥占雲祲孤虛又非所長也
徒以平居暇時涉獵圖史其于興亡治亂之迹粗識
大槩張膽一吐亦頗能中時病而剛腸無他一報君
父視死如歸故口伐舌擊決保其折而不沮也已蒙
本郡遞進所獻三書及備錄澈願盡忠奉使之意進
奏于朝復保明遺澈前詣安撫麾下迤邐赴闕然疾
苦之餘貧窘蕭索行李無光未獲馳邁京國一展忠
誼之志獨奈何哉昔韓退之有言布衣之士不借勢
于王公大人則無以成其志竊聞一路繡衣倦倦大
節撼人視聽者無出閣下試爲閣下言之澈是行非

爲身計也爲民計也非爲民計也實爲社稷計也脫
或成此計者澈之忠誼也所以成澈之忠誼者閣下
之忠誼也不識閣下能動心否乎如欲軟語取媚縷
數盛德爲搖尾乞憐態不唯澈所未暇在閣下亦何
取焉干冒台嚴無任戰栗之至不宣澈再拜

飄然集校勘記

卷上

首葉八行魚元作庖 二葉首行做元誤弊三行對
 元誤封七行青元誤清十六行揚元誤楊 三葉十
 四行几元誤幾 五葉七行藉藉元誤籍籍 六葉
 首行未元誤來六行摩元誤磨十一行所下元衍如
 字十四行容下元衍于字 七葉二行燒元誤饒八
 行猶元誤由十九行人元誤入 八葉四行燁燁下
 元有年字誤今缺妍元誤研十三行川元誤世十五
 行二三元倒作三二 十一葉十行塵元誤塵十四

飄然集校勘記

豫章叢書

卷中

行角元誤用 十二葉十行穀元誤穀 十三葉十
 五行遺元誤送 十四葉末行澁元誤澁 十五葉
 十六行茫茫元誤芒芒

一葉末行牀元誤揀 二葉十五行挽元作拉十六
 行昭元誤招十七行茲元誤滋 三葉二行之元誤
 云十行寄元作紀 四葉八行榮元誤榮攬元誤櫻
 十六行嚴元誤嚴十八行和元誤知 五葉四行遺
 元誤道方元作者考十三行雲客二字疑是雪容之譌
 六葉十行做元誤弊 十葉八行聆雛元作懶鴿

九行難元作雖十五行須字末行況字均有誤 十

二葉九行每幸元作幸每十二行先元作光 十三

葉十行還元作适 十四葉四行盧元誤盧六行爾

爾元作耳耳十三行洲元誤州十四行狎元誤押十

六行曾元作暫旁元誤傍十八行一元作以 十五

葉三行飶元誤飶離元作離五行榻元誤塌十行惑

元誤惑十七行觴字元缺

卷下

二葉十行青萍元作清蛇 四葉四行口元作鈔疑

是妙字之譌五行挑元誤挑欵元誤歌九行本元誤

未 六葉二行塵元誤塵五行細元作口 八葉十

二行送墨二字疑誤十六行蓮元誤遠

飄然集校勘記

二

飄然集校勘續記

卷上

四葉十二行凌元誤綾十六行家疑當作眾 六葉十九行入元誤人末行闕元誤問 七葉十四行仍字十七行有字十八行竟字十九行語字二十行正字元本均缺以意補 八葉首行缺文疑當作數 九葉首行德字元缺

卷中

三葉末行有清流三字元缺以意補 四葉七行看字元缺 五葉十三行雲客上疑脫花字十九行缺

飄然集校勘續記

豫章叢書

文疑是應許二字 十六葉十二行輪字元缺

卷下

二葉五行琅玕疑當作琳琅 六葉十一行十元作拾 八葉十二行送客元誤送墨

崇仁歐陽德明所著書以宋吳沆編輯飄然集為最古後人并其伏闕所上三書合而刻之始題為歐陽修撰集即今四庫所著錄者是也華君瀾石與修撰生同里開去夏予赴江南諳諳以此集相屬予以伏闕三書經涇縣潘氏收入乾坤正氣集久已通行唯詩詞世不多見因影鈔丁氏八千卷樓本歸付手民雖卷帙與吳輯相符而詩缺五言文只一駢一散疑非修撰真面然言以人重片縑寸楮彌足珍矣丙辰春二月新昌胡思敬跋

飄然集跋

豫章叢書



大隱居士

集二卷

署棣齋



中實其
也日之秀

欽定四庫全書總目卷一百五十八

鄧紳伯集永樂大典本

案鄧紳伯集散見永樂大典中裒集排纂尙得二卷然原本不著其名亦不著時代諸家目錄皆不載其書惟集中有遊羅正仲磬沼分韻詩題曰深得一字又有諸人集貧樂軒賞花分韻詩題曰深得把字則其名當爲鄧深考永樂大典鄧字韻下引古羅志曰宋鄧深字資道試中教官入爲太府丞輪對論京西湖南北戶及士大夫風俗高宗嘉納提舉廣西市舶以親老求

大隱居士集

四庫總目

一宜

便郡知衡州茶陵安仁溪峒之盜望風帖息擢澧川潼鹽酒虛額久爲民害請於朝蠲川引四十七萬守令貪虐劾奏之虞允文貽書云不畏疆禦思濟斯民挺然之操未見近比後以朝散大夫終於家愛居東湖之勝建閣曰明秀有文集十卷凌迪知萬姓通譜亦載鄧深相陰人紹興中進士餘與古羅志同是編中鄉人禱雨有應萬鳥石及咏醴泉題巖石山石鼓贈別饒司理別長沙驛渡玉虛洞諸作其地皆近衡州探禹穴湖峽三遊洞峽江澧瀘堆諸作其地皆近

澧川與深宦遊所歷一一相符則此集爲鄧深所撰審矣惟紳伯之字與古羅志所載不同殆有兩字歟黃虞稷千頃堂書目載有元鄧大隱居士詩集此集中答杜友詩有小軒名大隱句又有自賦大隱一律與之相合然核其詩句標題實宋人而非元人或大隱卽深別號大隱居士詩集卽此集之別名虞稷等輾轉傳寫誤宋爲元亦未可知也

大隱居士集

四庫總目

二宜

歸安陸心源宋史翼列傳二十一循吏四

鄧深字資道湘陰人紹興進士試中教官入為

太府丞輪對論京西湖南北戶及士大夫風俗

高宗嘉納提舉廣西市舶以親老求便郡知衡

州茶陵安仁溪峒之盜望風帖息擢潼川潼鹽

酒虛額久為民害請於朝蠲川引四十七萬守

令貪虐劾奏之虞允文貽書不畏彊禦思濟斯

民挺然之操未見近比後以朝散大夫終於家

愛居東湖之勝建閣曰明秀有文集十卷永樂大典

引古羅志參
萬姓統譜

大隱居士集 攷遺

宋詩紀事補遺卷四十六

鄧深

字資道一字紳伯湘陰人紹興中進士為太府

丞出提舉廣州市舶知衡州擢潼川漕以朝請

大夫終著有大隱居士集一云有文集十卷

一宜秋

大隱居士集卷上

宋 鄧 深 撰

五言古詩

鄉人禱雨有應時寓烏石

力穡乃有秋斯言聞自古天時或不順人事亦安取
今年問何如常暘頗為苦大田紛坼裂槁苗渴灌注
井甕走墟落河車喧且暮江溪近復涸手足了無措
禱旱急農夫迓神擊村鼓動以千百人為此萬一舉
烈日仍朝朝乞靈空處處誰知天地回正在頃刻許
旱魃翻然收豐隆激其怒真龍奮寂寞商羊自鼓舞

大隱居士集卷上

二 宜 秋 備

張蓋作濃雲翻盆下甘雨剩水有平疇曠原無焦土
言功任鬼神介我喜稷黍飽飯可預期晚歲復何慮
歡聲變愁歎憂心成悅豫維時對江村所寓隘茅宇
因循已半月侵陵奈酷暑快此一日涼美甚八珍具
澆腸欠濁醪錢兄尋酒戶

探禹穴

禹穴鎮名山神龍夙呵衛告成餘此跡天地相終始
昔在紹興中弔古先君子探穴勇攀躋慨歎不能已
援筆賦會稽兼述風土美趨庭童卯時誦之能畧記
頗識尋幽趣便有東遊志道路阻且長日月疾難恃

此興墜渺茫轉瞬迴三紀兩年寓臨安相隔纔一水

登覽似可期特未敢必耳今年正月末乃不料行止
雲隨渡江風身著千巖裏借問自何方訪夏后氏
或指高峯云近在十五里是日天氣清好風濯衣袂
興來不暇懶偕行二三子猶子試上庠邂逅亦能侍
呼舟泛鏡湖肌膚撲空翠新荷點青錢魚行不相避
水淨無波濤曾不踰時至舍棹叩仙扉宮額賜龍璫
古道怪松引重門老柏倚苔徑稍深登曲折尋幽遠
巨石忽在眼不與他石類勢壓十萬山魑魅敢睥睨
人言為洞天波欣識勝地當中生裂紋舊傳有深閤

大隱居士集卷上

二 宜 秋 備

重玄鎖關鑰莫測神靈意戀戀不能去而有感于已
平生喜搜訪幽山殆有契何以俯仰聞來遊者三世
先賦那敢攀靈光誠自愧強裁五言詩未能無習氣
詩成不須寫阿龜聊復識

遊北禪

城市有深遠為興遠如近冒暑一來遊政使俗者晒
蕭然清淨界軟語接支遁小童敬杖屨添香撥餘燼
煮餅擷園蔬徐以茗椀進窗外得小坡野意頗無盡
胡牀移最宜清風來有信靜暑荷送氣敲涼竹成韻
夕陽歸鳥疾參差不作陣古寺忽橫煙巧與畫張本

會心欣有得貪坐苦易晚酒固無獻酬言亦忘答問

豐城道中

西風著衣袂涼意曉來加宿露炫光彩朝陽溼精華
人煙互疏密物色興歎嗟喧器鴨子市蕭索漁人家
皂裙婦多跣及冠男猶髻挽犁並雙犍截江橫流沙
佐飯缺蔬茹作糜和魚蝦湖田不薈草沙畦多蒔蔴
露空立禾架結屋臥牛車水葉枯荷芰山果瘦梨楂
烏相動千樹雜木不一了綠塍豆欲實編籬槿纒花
三分莫問酒一醉不可茶行行入暮煙兩兩數歸鴉
聯步得媿戚浪語殊謹謹畢景自忘倦所歷不覺遐

大隱居士集卷上

三首 秋館

問宿於誰館有軒臨水涯暗壁飛蝙蝠皓月升蝦蟆
拭盤疊餅餌擊缶出薑瓜攜來尙餘樽取酌如流霞
少飲不必醉遣興固自嘉欲眠復出門漁燈認蒹葭

醴泉

醴陵以泉名問泉良不遠平田數頃開方池三尺淺
含秋色幽齒辟塵光澱澱滄沸生其間的磔紛可辨
纍纍似噴珠一一如穿線多至叢萬顆少或作疏串
遲速固難期南北初無限占地踰尋丈有無忽隱見
恍兮莫窮源雜然應有眼沙石那能望茗荇不得炫
千載曾未枯一日知幾番釀酒味固佳煮茗香可羨

名泉世不乏此奇吾未見醒心聊一掬賦詩寓三歎

次韻答社友

小軒名大隱儼可供跌坐遮眼時翻書靜願結香火
似介還似癡所向與時左不踐名利途竊謂志亦果
人生天地閒世路多坎坷成敗端有數巧力不容佐
味者迷所之大似蟻旋磨君看禽高飛翼倦千仞墮
太剛者易亡太銳者必挫得失相乘除倚伏兩福禍
顧予何所樂日晏得高臥豈惟七不堪萬事付懶惰
儕類每見寬亦不攻其過美人如敬翁學問精而夥
松柏生澗壑霜幹久長大富貴應不免時有可未可
何須窮婦吟再三歎寒餓且冀寬此抱會當有知我
屬和聊寫情暫輟園蔬課

大隱居士集卷上

四首 秋館

次韻易高士 并引

都錄高士歸自吳中出示茗溪漁唱一編意
其模寫山水盡得佳處因借歸讀終卷則傷
時之作過半其憂國念民之意燦然不可掩
殆異乎方外之人區區嘲風詠月而已三歎
之餘因次末篇之韻以還之然是行也初有
同舟之約後乃不果故於詩中并及

新詩歎干戈流移痛眼邊公若據要路不惜金軀捐

同舟曾有約儻行亦憂煎政恐無此吟掩卷空自憐

齊雲

閒雲一作浮雲無定在為問齊不齊風高衣裳冷天近日

月低寬虛快一作供舒嘯領覽時杖藜南城塊蘇耳擾

擾人自迷

賦椿楸二樹

月湖手植賦詩輒次韻

愛均召伯棠名殊諸葛菜軒檻頓輝光東西相映帶此意存千年其勢當兩大梨棗況久生於焉稱內外

寄題真樂齋

魚潛深淵水鳥巢茂林枝潛者忘於淵洋洋縱尾鱗

大隱居士集卷七

五宜

巢者忘於林飛鳴惟所宜莊周歎從容未免惠子疑

師曠豈知聲繆以占齊師彼各有真樂果孰得而窺

陋巷顏氏子簞瓢甘忍飢陶潛怕折腰素琴絃不施

其樂可聞與夫蓋默識之非絲亦非竹且復非蛾眉

譬如執熱者灑然濯涼颺又如渴不禁快飲清江湄

當其得意時何以富貴為手舞而足蹈誠不之自知

自知猶不可人胡可度思君闕真樂齋我賦真樂詩

寫詩聊寄意名齋儻在斯置之勿復道焚香誦楚詞

遊羅正仲磬沼深得一字

磬沼去郭近得朋欣一出曲水媚秋花輕雲翳寒日

幽野愜心期平遠快目力率爾進所攜雜陳初匪一

初無惡客來不妨歌妓密浮白行觴政追韻嚴詩律

晚醉語紛紛夕寒風淅淅策杖歸去來書牀鳴蟋蟀

山莊石室清坐

時登大石樓雅愛小石室欠伸欲打頭睡臥可舒膝

明潔意自寬深沉境逾密藏春絕殿風生秋無畏日

天設世莫知神功鬼有力幼輿飽邱壑馬融富書籍

洞門何嘗扃俗客自滅跡誰歎助微吟幽蟲聲唧唧

諸人集子貧樂軒賞花以直把春償酒都將命

乞花為韻深得把字

大隱居士集卷七

六宜

旭日釀融和化工幻天治吾家最岑寂亦有花枝亞

光浮蝶翅動香倩蜂鬚惹名傳文中譜品入趙昌畫

春歸不可挽恐被東風嫁急呼我輩人跌坐花陰下

雖無裙可幄賴有草堪藉但愁歡未闌酒盡不容把

明年長安城走馬逐東野

官舍梅樹引并

當軒一樹雖小古怪可愛嘗與趙醜道相睥

睨曰此必紅梅也既花乃紅色作此以自嘲

東風慰寂寞花到堦前樹一枝花千餘一樹枝四五

妙處在不多餘醜更屏護半開半未開十分好態度

去年初來時愛此當庭戶便指爲紅梅試問何以故
入簷一枝低偃亞復數處有是好風骨他木安敢許
迷至臘前後梅開不擇所此獨未有芽春信來何暮
時著手摩挲切勿爲文具相勞雖無酒典衣吾有取
因循及初春椒萼纔可數慙慙荷微暖紅英忽然吐
驚喜出不料逸翫遂成屢頰頰人其憐慚顏我自誤
著眼未分明殆須捲簾顧昔嘗笑北人渾作杏花觀
認桃無綠葉吾不事斯語吾本待以梅恨不辨紅素
見花乃識花康節應笑汝

七言古詩

大隱居士集卷上

七言古詩

忘歸

端能來作棲霞侶從他浮世悲今古翻憐春色滿天

台劉阮掉頭留不住案此詩上半首缺

中秋無月感而作歌

天時相催日如流今夕何夕云中秋不見佳月默有
感試走退筆書其由去年此時汝川客一病纏懸真
險厄貪生強藥寸心酸與死爲鄰片紙隔破窗髣髴
光朦朧推枕起來呼小童問云月高今幾尺答以雲
生俄滅蹤擁衾獨坐謾空想縱有桂華未能賞重城
幾許追歡娛終宴無聊徒悵望而今一榻煙村中稍

喜時同事不同世味淡薄幽意足元和咽漱真氣充
步履出門舒逸興清風灑面衣襟冷暗雨浙瀝作寒
聲濃雲黯黯無光影月兮月兮胡寡情故向良時多
不明無如韜光不自滿故能養兔得長生我今解悟
月深意榮華咄嗟復凋悴歸來塞窗仍閉門眾人昭
昭我獨昏

遊峽詩并引

峽山之勝千態萬狀妙不可窮有指其形似
而寫行記者吳仲方黃正臣之說相繼而出
乃復槩括其語以賦詩詩成凡五十韻庸以

大隱居士集卷上

八言古詩

祈教于月湖先生

臚言峽山天下奇欲觀愁隔三千里常恐因循孤此
興非假貨緣那得至偶逢月湖起仕官正指夔門整
凋傲欣然謂我便登涉久矣與子同臭味何嘗佳處
倦扶藜莫憚西征共行李繡旆前驅抵江陵畫鶴迎
車簾沙市長年槌鼓轉船頭川岸回風送旂尾侵尋
崖石愜幽賞洶湧波濤反輕視霧船煙纜恣深遊露
宿風餐浥清氣百巧千奇類神工紛至沓來惱吟思
取向未佳恐難操傳筆欲書還復止去歲延陵驂心
目指摘形容寫行記今年江夏襲見聞掇拾緒餘循

故事試以七言用槩括庶幾二妙相表裏或若洞戶
之谿訝或若樓臺之峻峙或若香山之插爐或若筆
架之橫几或遮護如重簾幙或張展如大旂幟或削
如城堞高或森列如刀劍銳或若蕉葉之斜紋或若
蓮花之疊起或若頂相之初淨或若蓬頭之未理或
剝落爲枯松身或刻畫爲古篆體或斧傷而痕跡亂
或鋸解而縫罅細或如秋瓜作四分或如籠餅裂十
字或如白鹽之浮霜或如紅霞之散綺或陳寶藏之
所貞或堆鐵冶之所棄或累萬塊而不危或懸一髮
而欲墜或飛磴而可捫天或斷崖而無立地或窩如

大隱居士集卷上

九宜秋節

狐兔之穴或竊如龍蛇之閤或整如排立之衙或看
如對髮之髻或皎如日光玉潔或靄如雲碧煙翠或
蜂腰而或蟻吻或牛頭而或馬耳或鸞飄而或鳳翥
或貓狀而或羊跪或如鼓臥如盤擎或如幢垂如蓋
倚或如塔孤如橋拱或如壁立如屏翳或激臥鯨之
衝波八月潮生怒不已或送垂虹之飛瀑四時雪縞
瑩無比或如壯士之宵征十五五相擁蔽或如醉
人之春遊兩兩三三互牽拽變怪紛然莫窮狀約畧
陳之可推類百篇須賦謫仙才一石難施王宰技是
時致身何蕭爽幾月清魂無夢寐弱水蓬萊何用到

孤岸落伽靈有此由來介性不婚宦聊寓閒情在山
水爲貪清致豁心胸仍須長語琢肝肺糟糠雖惡飢
者厭土炭無味病者嗜萬事終然總是空一物未忘
猶有累况聞南山韓退之不及北征杜子美議論從
公何足憑唯阿相去真能幾浮圖公案無盡話維摩
法門不容喙昭文不鼓無成虧乞就先全參此意

次正臣韻

黃牛偶際半槽水欣然解纜離江浹舊聞峽山最多
奇非涉風波難說似千金莫買丹青臨今日眞行圖
畫裏夢驚險怪千萬狀眼洗清奇數千里戲石鹿兒
玩鏡鼓緣木王孫賣弓矢鷲鷲久立應有待鷓鴣深
沒殊無底大淖溲瀆續續生怒濤驚浪層層起好風
轉旂捷有神長年振柁翻堪倚漁人生長漫不知葉
舟來去紛可喜惟愁三峽總黃濁安得一瓢獨清泚
甘泉剽貯蝦蟆碣時滄玉塵香漱齒

觀遊女次韻并引

長沙風俗每歲二月婦女紛然出城掃墓謂
之上山率以日午而返因遊帥酒花圃歌飲
盡歡窮日而後散時與張慶夫坐觀於竹逕
賦詩乃次韻書所見

麗人春遊樹百十此風長沙云舊習綺羅映肌白玉
鮮珠翠壓鬢烏雲溼借他持杯遞呼喚笑指花枝似
小立晚風急遣柳栢飛竹逕梅亭巧穿入惱亂遊人
歸不去使我樽中無以給誰念朝來邱隴閒紙錢吹
落無人拾

消隱爲知觀李元禮作

世氛擾擾人遑遑靜有八室無八方壺中酒好誰獨
覺橋閒琴樂何可量峩峩湯湯知音少管絃嘔啞人
稱好歸來水深山更奇玉微不接心自知

湧雲

大隱居士集卷上

十一 宜秋館

溪神騁技天公拙非雪之雪白於雪倚闌小立不禁
寒卻願天日長炎熱

月湖新得浮石巖

月湖先生樂山水搜奇曾不遠千里那知去郭三牛
鳴浮石巖中晦佳致神剗鬼劃有許工天墜地出知
幾世平時樵徑所不由一旦履齒胡爲至由來絕景
難久藏竟須好事與經始見之三歎欲忘歸市以千
金不惜費公之得此真無價我亦聞之喜不寐朝來
幽事頗相關乘興縱觀約聯騎霜明日暖馬蹄興會
不踰時卽其地噴雲泄霧疑有神旋呼斤斧誅榛葦

初驚巨石幾百尋突兀嶙峋溼雲氣嵌巖窟衍元自
開藤蔓駢羅巧相締清涵竹木總壁瘦陰生莓苔倍
葱翠老根側出揪蚪鬚幽草倒生搖鳳尾前山一抹
橫蛾眉隔盡俗塵如戶閉褰裳振足履崎嶇披棘捫
蘿窮幽邃忽有一徑出自然委蛇深隱闊盈尺四面
周遭步轉高心領目擊紛可喜處處出石作奇怪續
續哦詩聊比擬或黎其色如鐵繡或赭其容如酒醉
或傲睨而癡自笑或突怒而狠相視或開幽室爲書
院或引長廊爲客次或虛高下成樓閣或嚴尊卑作
堂陛或分半月隱天形或展胡牀圈地勢或露瑪瑙
紅而潤或錯琉璃青且膩或如入關如升堂或如臥
榻如隱几或如立壁如拱梁或如卓筆如布字遞遞
逢迎巧獻狀試舉其凡莫殫紀最喜賓從可從容甲
乙其閒有一二昔聞淡巖天下希金華仙伯載稱美
園中僅可坐十客舉此十倍加不啻余賀茲邱有所
遺初不遠人人自棄先生一笑與我言平生此興覺
爲累豈期幸會得所圖孰使之然天實昇須臾更涉
屏巖巔指云此有無盡意一水縈紆殊有情萬山回
環杳無際規以數椽安一榻時來長嘯舒清思願觀
餘力佐天巧名與此山傳不替自惟野性寡所嗜猶

大隱居士集卷上

十一 宜秋館

喜登臨同臭味剩欲相從爲久計祝公先了公家事

五言律詩

寄清曠兄弟

一別春三見相思日幾回自離夔府後已過岳陽來
寒食還虛度除醪幸晚開到時猶可及應得其銜不

寄麻姑山李元禮

不見山中客還經四度春近聞歸舊隱眞箇是閒人
吹髮松風迴當軒琴月新懸知心更靜一作心夢不
到一作遠紅塵

春寒

大隱居士集卷上

三宜秋節

二月寒如臘羣芳凍未芽有人能剪水無樹不飛花
終不禁風暖難教帶月華卻還桃李徑次第散晴葩

默坐

默坐形如槁清閒智養恬飛蟲黏密網鬪雀墮虛簷
卻暑盍須扇留香畧下簾無人撓清思至夜待明蟾

山莊冰壺避暑

偏屋支巖穩斜廊引路通虛明疑貯月淒冷自迎風
六月尤宜此紅塵不到中洒然無熱惱坐我廣寒宮

東池把酒

隱顯亭臺舊淺深桃杏新池光迷野鳥春色醉遊人

改席那嫌數持杯不記巡海棠宜秉燭歸恨隔城闌

鑑堂把酒

池館媚春華憑欄午更嘉日光凝水面波影炫簷牙
魚出衝浮梗萍交載落花半酣擊小艇落調唱漁家

三伏中一雨甦旱

江漲如三月天涼似九秋遭逢今日雨安穩一年收
處處香粳面村村肥藁頭小春前後好待挂百錢遊

山齋早起

推枕凌晨起添衣奈冷何新霜浮瓦薄缺月挂簷多
野燒猶殘焰鄰雞尙凍歌撥灰添宿火一快熟松柯

大隱居士集卷上

直宜秋節

早秋

風入題詩葉清音已奏商夜來堪簡冊客至便衣裳
次第征鴻到還令團扇藏人情兼物意殊覺漫炎涼

夢回

日日風吹雨秋聲寒氣催簷聲中夜斷月色上窗來
冷砌蟲吟穩幽屏蝶夢回明朝應露重晚菊正宜開

遣興

頓覺今朝好全無俗事關風清林鶴喜雨霽野雲閒
橘柚垂枝重莓苔上砌斑莖挑野菜風味不吾慙

摘橘

久矣經霜白全時映日黃仰頭欣自摘流齒極新嘗
未抵千奴利應堪四老藏猶勝橘洲上滅跡不聞香

竹筍養梅置窗閒

竹與梅爲友梅非竹不宜截筍存老節折樹揀疏枝
靜牖初安處清泉滿注時暗香披拂外細細覺風吹

除夕把酒

爆竹驚今夕屠蘇薦詰朝去來時轉眼新舊歲中腰
立地符先釘倚門錢未燒土人珍裂餅聊以薦金蕉
懷清曠兄弟

殘臘迎除夕新春接上元當時陪內集排日醉芳樽

大隱居士集卷上

五

歲月驚殊俗關山隔故園談邊應記我頻嘆怪黃昏

感懷

舊日城壕興真成一夢閒伯倫墳上土叔子望中山
落日難留戀孤雲自往還秋風吹杖履回首涕空漣
一棹載愁歸翩翩旅旆飛鵲鶴空自急鴻雁失相依
水澀灘膠艇風斜雨溼衣感時無意緒佇立暮煙霏

卽事

水夾山圍近天慳日到遲塞沙擎巨石古木障崇祠
黃蘗畬田粟青煙茅舍炊雨村生理足樂處幾人知

躬耕

靖節田園興于真巖谷情古人雖不見今代有同情
遺義印山重軒裳羽翮輕蕭然無俗累心地湛虛明

寓靈菴縱步

野澗雨初歇曉陰雲未開訪君行李處許我杖藜來
及到田家問還聞轍跡回西風黃葉下悵望立蒼苔

靜暉樓曉坐

嶺宿寒雲薄樓迎曉日斜危簷排語雀落木點啼鴉
佛鼓依山寺炊煙隔岸家移時收足坐清興會煙霞

施食

他鄉身總健每日飯何如一飽靈無限三人動有餘

大隱居士集卷上

去

嬌鴉來木杪喜鵲下庭除施食僧家事何妨領畧渠

遊再興院

山遠平田闊村深古寺幽屋頭支老樹門面闢雙流
歸翼碧天暮寒蟬紅葉秋瘦籐聊倚壁勝處欲遲留

巖石山鼓

月湖白賦
因次韻

有字留詩錦無皮入藥囊同堅惟鐵杖易穴豈藜牀
況有千年潤能添六月涼因巖作書院馳譽比衡陽

留報恩定老

住山姑小試同學偶相求兩手便分付諸公堅挽留
退庵曾毒手進步莫回頭早晚江湖去閒雲更自由

涌翠爲知觀周允昇作

山翠來如涌開軒不怕深渾疑霏霧雨已覺溼衣襟
世事歸楸局泉聲當玉琴道人塵外趣我欲剏追尋

新灘阻風

高浪驚人處新灘復眼中雖無曳尾淖奈有打頭風
乘燭破春闈看山坐雨濛終朝收足坐兀兀與僧同

解舟

波面孤蓬窄關頭古渡幽舟輕疾移岸岸曲屢回舟
野澗蒸梅雨天寒漲麥秋欠伸思晚步舍棹涉芳洲

宿長湖尾

古木侵沙路柴門引竹籬山低秋水闊天遠夕陽遲
杳杳來鴻雁翩翩下鷺鷥漁舟何處宿橫笛未休吹

大隱居士集卷上

七

三遊洞

唐元微之白樂天韓退之嘗遊故以取名

詰曲山蹊晚清冷石澗秋三門儼呀豁四壁極瑯鏤
上穴重巖閤中龕一色幽斐然成五字聊爾繼三遊

接天閣爲武將榮叔賦

山色渾連水波光總映空捲簾秋雨後注目夕陽中
低下翩翩鷺斜行點點鴻去天應尺五歸去會乘風

別長沙驛渡

別去六年久重來四日留筇輿離古驛荻岸卽方舟

雲淡楚天闊風高湘水秋洞庭知不遠乘興欲盟鷗

留別趙微猷

自客湖州市時登韞美堂雲煙看揮染風月共平章
酒子常同醉梅兄已再香遽爲今日別欲乞舊詩囊

賦何仲敏小蓬瀛

特地去人遠逸亭教水環眼前今有此海上更無山
風月隨時好琴書盡日閒方今重文館勿久戀人間

題古亭詩

日月車雙轂功名黍一炊達人觀物化萬事本兒嬉
濁酒聊澆舌閒愁莫上眉劉伶多事在荷鍤竟何之

大隱居士集卷上

六

春夜次韻答肯堂兄

天賦疏慵性身將四十年逢歡開口笑遇醉倒頭眠
世事多翻覆時光易變遷置之無足校五字要清圓

贈別饒司理述古

許借近詩

岳麓一樽酒湘江萬里愁匆匆別後語冉冉歲華流
正喜重相見胡爲不少留參軍詩俊逸還肯寄來不

贈別周德夫

德夫本涪州判官而逾年攝運屬且始見子可喜

郡治資參佐計臺須借留居常元少事有子更無憂
君門歸涪棹子尋出峽舟一樽談舊事何日重相求

送仲敏東歸

別僅三千里書纒一再通
固應難邂逅那得許從容
今日君先去何時我亦東
社中如借問爲道轉疏慵

賀陳仲思

得近書知
長甥秋八薦

中鶴知誰巧烹魚始認名
報公勤有子似我懶無甥
何日親相見因風且寄聲
泥金聞喜處樽酒欲同傾

寄徐廣文

并序

予客長沙用之亦寓居春閒
忽告別往賓州
暨予還家問渠復返所寓
寄四韻索詩債云
自我還荒徑知君返寓居
秋來曾醉否月下
有詩無兩地成千里
相看不一書
可能忘舊債
五字當追須

大隱居士集卷上

九

寄曾德廣

懶慢多違俗尋常倦作書
分襟還許久爲況定何如
鴻雁秋風冷梧桐夜雨疏
相如病好否何日過吾廬

五言排律

寄別國清月老

珍重國清老由來隱薜蘿
詩清堪供佛禪定已降魔
不向名山住其如講席何
無心聊一出餘論自相多
別去今逾遠後期難重過
丁寧一句子還肯寄來麼

大隱居士集卷上

大隱居士集卷下

七言律詩

宋 鄧 深 撰

春雪

勾芒新政讓元冥一雪填門訝許平不夜乾坤月留
照無塵世界玉裝成如何辨就梅花發只得誇張柳
絮輕數片簷前休掃去且留窗下快書生

月湖山谷勸耕次韻

皂蓋朱幡遊近郭野桃山杏炫紅旂看看新燕脚泥
候恰恰鳴鳩喚雨時未用經邱思靖節何妨學稼許

大隱居士集卷下

樊遲老農應悉使君意六勸傳教到處知

勸農有六事

陪吳正字賞花詩

名園無物不芳妍上箇籃輿緩繞旋曲徑幽亭留客
地微雲淡日養花天四時公舉春為最萬事銓量酒
是先管領風光須一醉要看詩筆落雲煙

橘花

香最可愛前輩偶遺未之賦也且花於春時
實於霜後他果不若是宜并書之

穆枝碎玉吐香奇鼻觀頻參試論之清比木犀雖未
的烈如茉莉已無疑自從白雪避花後更好黃金鑄

實時四老隱居宜取此可能無意賦新詩

晚春

雨催柔綠上桑枝新霽浮雲未盡歸寂寂簾櫳留燕
舞陰陰楊柳護鶯衣莫于綺席嫌籌并已覺青春作
鳥飛滿徑落花愁踏損羊欣切勿款柴扉

次韻晚春

閨仙晦日惜春歸尚喜爭他五日遲延蝶晚花餘小
菴藏鶯暗柳盡低垂頻催布穀能謀野苦勸提壺殆
為私寄語社中須痛飲喜晴山色也開眉

夏日寓山齋

大隱居士集卷下

山齋長夏斷過從掃地長教塵滅蹤松架青毛雲翳
日扇搖白翅雪生風書牀琴匣時相近茶鼎薰爐閒
自供心地清涼無熱惱炎天直與冷秋同

鑑堂初夏把酒

新笋過林竹有筠老蠶登箔繭成身日穿雲出潛驅
霧風捲花飛猛送春乳燕簾櫳中晝後綠陰池館一
番新欲酬佳致須何物莫厭芳醪滿入脣

漕司君子堂把酒

侍吳司封
坐懷月湖

擁岸芙蓉媚晚秋敗荷顛倒雨初收杯盤不料今朝
款杖履如陪昔日遊竹徑以東藏曲折水村而下轉

清幽穉松戢戢存遺愛不用詩來問好不

喜雨

閒點疏花稻已香老農猶未擬豐穰不堪雌霓頻妨
雨反厭雄風但作涼傍日猖狂惟野老為霖信息欠
商羊忽驚頭上雲雷集甘霖如傾洗夕陽

月湖禱雨有應李涓賦詩次韻併呈

一雨端由誠意通不然筆落有神功奔雲擁樹千山
黑迅電翻江萬丈紅黍稷盈疇纔可望塵埃昧眼頓
成空民閒歲晚知何事飽飯無憂屬兩公

秋大閱呈月湖先生

大隱居士集卷下

三五 秋

將兵還似將風騷軍帳從容自不勞鼓角悲風肅人
馬旌旂蔽日閃弓刀折衝正自煩樽俎急檄盜聞借
羽毛洗眼臨淮新號令憑誰挑戰醉揮毫

七夕競渡

水馬相先急畫橈朱樓紅粉宴笙簫月中誰念穿鍼
線江上齊看奪錦標冷眼諸人旁買勇爭頭一鼓喜
成謠憑誰試展乘槎手直入銀灣看鵲橋

十四夜賞月

月嬋娟對竹嬋娟竹影蕭疏月轉妍纔過中庭十分
好直疑明晚一般圓銀河漾漾無塵界玉宇昭昭不

夜天君飲不多須強飲何妨醉裏卻逃禪

夜興

官舍渾如僧舍幽爐香靜坐興悠悠一窗燈火鳴蛩
夜千里湖山落雁秋只恐有詩成筆下自餘無事到
心頭何妨信手翻書卷不限更深困即休

九日靈興山沽酒賞菊

翠山環繞一溪斜低小軒窗眺望賒行遠方兄尋野
店坐邀歡伯過仙家多情戀頂烏紗帽不語向人黃
菊花山月上時歸更好何妨有待至昏鴉

重九宿王孫鋪

大隱居士集卷下

四 重九

兩江路盡接荆江竹屋蕭條草樹荒許久長晴坐極
暑雲時疏雨做重陽明眸縱少新開菊隨量何妨淺
舉觴驛舍明朝便陳迹牛山往事莫徒傷

前五日賦重九

侵尋重九雨餘秋采菊登高事事幽偶爾見山忘日
夕頽然落帽自風流二三日外追清賞千百年閒繼
舊遊爛漫賦詩兼酩酊不然佳節若為酬

九日方壺

返照重城暮色催人家十萬出樓臺江流湛湛洞庭
去山色青青衡岳來佳處綠樽窮日飲故園黃菊向

誰問人閒此會論今古醉聽西窗拂帽埃

晚秋懷社中

池塘水落倒枯荷橘綠橙黃晚菊多日暖懷沙隨裏
甲霜清奔火蟹橫戈如今時節從來好得醉工夫似
舊麼儻有征鴻過巫峽待憑詩句問如何

次韻賦十月桃為羅司理生朝

根苗不自武陵鄉挾暖凌寒獨有光韻過海棠春帶
露紅羞籬菊晚經霜宅仙本結千年寶瑞世仍開十
月芳過插一枝誰稱面後堂楊柳舞霓裳

梅方開一花

大隱居士集卷下

五 宜秋集

煙村清淺白沙溪籬落槎牙老樹枝一朵梅開如許
早幾多人過不曾知風前遇我還青眼花裏推渠是
白眉未辦酒樽澆磊塊試憑詩句寫新奇

早梅

荒村野水小春時縱有梅開人得知幾度攜筇無覓
處今朝映竹忽橫枝脫非入骨清香動恐被傳神淡
墨欺酸意中含和鼎實相期遠到誦黃詩

臘月立春

柳條得色舞輕風不與尋常歲暮同寒氣望塵先斂
退陽和發軔已交通茶絲盤玉還充席幡字花房正

代功首迓東皇須痛飲可能無句著新工

歲暮寄蘭窗兄在郴陽

每日登樓望欲迷家書寫罷復題詩對牀夜雨還非
昨暖茗春風未可期歲月催人驚合沓夢魂竟路苦
參差也應梅竹多新句千里因風慰我思

寄饒雲叟

渠怪久不作書

別來每每遺雙鯉頗怪吾儂不作書非為廣文官獨
冷自緣中散性常疏靜暉待月昏鐘後制勝登高曉
雨餘正憶去年同此會只今相望問何如

月湖樓晚霽呈侍郎

大隱居士集卷下

六 宜秋集

湖光灑灑水平堤醉倚欄干晚霽時入鏡往來人倒
影窺天拂掠燕低飛雨痕猶向梅妝見風色偏於柳
線知景物相撩無好句乞公詩作畫圖歸

內閣集

月湖名閣之語曰此閣高明暖密宜供團樂
遙賞山雪取謝道韞故事然而月湖單騎于
此殆為後來者設今之七言所謂像賦高唐
者也

畫閣深明雪壓冬團樂宴賞酒樽同獸爐香霧辟寒
氣翠幙妓圍回暖風起絮撒鹽酬倡外清歌妙舞笑

談中盡無好事賢張禹不獨相忘著戴崇

晚坐散花之室

官居無處寄幽棲洞戶深沈坐最宜靜撥爐薰挹香
氣閒論畫壁數花枝蟲鳴頗似雁來後果熟還如鶯
老時吹徹角聲巫峽晚片雲催雨更催詩

玉虛洞其上有日月之象其旁有龍象之形

立馬香溪喚渡船羊腸遠盡洞呀然知誰開闢羣工
巧直許寬虛一室圓龍象現形巖佛土烏蟾垂象燭
壺天惜哉不遇東坡賞為作新詩與世傳

市橋成次韻

大隱居士集卷下

七

雷電平時生馬蹄偶衝暴漲去難追一年病涉愁無
奈今日安行喜可知虹飲江頭愁雨霽龍橫水面暮
雲垂卻憐舟楫無人度借我江心理釣絲

峽江

擊電浮霜浪作堆峽江試險眼初開常驚四畔山圍
繞不見中開水去來石出多奇吾甚愛舟移太疾首
頻回瀕崖穩處憑誰問我欲其閒作釣臺

柔遠樓

柔遠樓高豁寸眸白鹽赤甲鎖關頭四川形勝當前
險三峽波濤據上游鳥道極天雲日近靴城匝地市

煙浮時平久矣無戎馬回首當年老杜憂

賦清映閣

數椽茅屋小橋頭地段無多景自幽為愛平池三尺
水最宜明月一輪秋靜留人影搖歌扇輕動風連下
釣釣相去幽居無十步不論時節恣來遊

同友人新陂莊少憩

家家輕輓絡絲聲竹杖芒鞋取次行村笛牧羊煙欲
暝農歌秧稻雨初晴隨瓶沾得酒堪醉就野挑來菜
可羹此是田家真况味吾曹借取片時清

賦清曠亭

大隱居士集卷下

八

半村半郭事林邱非關非船傍釣舟秋月無邊涼細
細江天不盡水悠悠誰開圖畫當前面絕點塵埃到
上頭我輩不妨頻假榻主人應喜共盟鷗

登光寺塔

凱之曾說越中行劫塔親登眼始驚畫合千山翠濃
淡枝分萬水練縱橫樹頭低壓昏煙重鶴背斜拖夕
照明疑是丹成生羽翼冷然雲表御風清

同廷美兄宿龍福寺

峰回路轉竹間扁古寺尋幽當下程淺屋近山寒較
早小窗容榻意偏清睡魔催枕如元約山鬼吹燈似

薄情樽酒重溫休惜醉恐君長夜厭蛩聲

過呂坊渡

江闊寒風痛括肌村醪無力破寒威融霜點滴松間
雨愛日晴明身上衣闌竹柴扉黃犬吠臥沙蓬艇白
鷗飛燒痕已覺春來近稍放青青出土肥

自賦大隱

柴門雖設日常闕祇有琴書几案閒屋宇無多聊近
市塵埃不到即深山悠悠世事非吾事往往雲間是
我閒出處尙疑陶靖節倦如飛鳥始知還

賦芷并引

大隱居士集卷下

九道秋節

昔蘭窗先生嘗作芷賦其序畧曰幹長短則
蘭相若花大小則蘭相若香淺深則蕙相若
色雖綠而上加之淺黃其說如此癸亥六月
予寓夔之鎮峽堂有以香草獻者其花尖瘦
每幹四五可以比蕙其香清遠菲菲襲人不
減於蘭細觀花葉則外青白而中實微紫土
人未始知名予意此即芷也不然舍蘭蕙之
族又安得有此臭味清絕哉第所見乃與蘭
窗所述不同是不可無語以記之遂成唐律
繼賦之後將求證於離騷之士云

縹裁衣袂紫中單觸眼亭亭露未乾態度全然逼秋
蕙馨香的不讓春蘭數枝瀟灑北窗畫一室清幽六
月寒了不知名疑是芷賦前詩後兩存看

寄月湖先生兼簡涓叟

山莊杖履飽相從每月須拚十日中鼎足三人同宿
留養頭一盞奉從容別來不隔千山月舊賞難生兩
腋風更想先生新活計煙波別業興方濃

贈別饒雲叟赴萬州教官

鼎按話別吟詩宋詩紀事補遺吟作賦

話別哦詩當酒甌竹萌成笋麥方秋數聲春後呼風
鳥百丈朝來送浪舟已得通津好消息何妨舊物小

大隱居士集卷下

十道秋節

淹留到官應動鄉關思南浦西山若個優

遣興次韻

山閣春容丈尺閒元無俗事撓清閒有時把筆抄新
句整日開窗對舊山葉帳靜看青似染禽言細聽字
終蠻可憐蜂子尊王意每到衙時似趁班

追送何伯憲不及

追送無從謾寄詩道閒安穩我能知情懷亦是居家
樂笑語依然奉母慈巴水柳風新霽後錢塘花雨暮
春時乃翁邂逅詢爲況膝上時時置坦之

送王敦素

龍蟠山色引衡廬霜落江清影碧虛鼓柁厭騎沙苑
馬行厨飲食武昌魚緩歌玉樹翻新曲趣入金鑿續
舊書官達故人稀會面君來相見肯如初

次韻方德秀

渠所居有方橋又喜誦國覺經備
相識於三山之冰壺欲挽相過

清風一榻借冰壺邂逅相逢日與俱學辯癡龍君有
見詩窮饒犬我何癯似聞圓覺常開卷未到方橋欲
問途稍待秋風涼冷後相從十月卻歸歟

次韻歐陽天聰

渠賦排悶
因廣其說

今古由來幾廢興人生底事設勞生一生休作籠中
鳥萬事終歸牆角菜且與風光閒作主莫于詩社倦
尋盟相從只麼消閒暇自快人間物外情

大隱居士集卷下

十一宜秋館

次韻吳文美

決科君輩不須疑好采來如博局嬉拾芥紫青非外
事舉杯富貴可前期相將競奏大人賦慙慙常談小
子詩接武虞廷須八凱頴陽深遁我何如

次韻答克修

并引

予不才且懶久無所作克修每見訝一日蘭
章惠示責予屬和之意峻甚欲勉強未得也
朝來窗閒手正書帙見來詩猶在側忽復發
興乃抖擻兩軸尾雖不成言語抑亦見疏慵

之意耳

懶慢相成拙似初親朋莫問近何如居然野性成孤
鶴聊爾塵編撲蠹魚才比劉臚猶自短詩如陶粟了
無儲驪珠相昇知君厚燕石輕酬笑我疏

又次韻答克修

前回藜杖遠芳郊底事梅花出好稍野約低橫盈尺
水竹籬深護數家茅春風桃李成生客臘雪松筠是
故交剩欲再攜樽酒去柴門應復許人敲

次韻答周公美

溫風慙惠柳婆娑兩見春來蜂蝶多遷變時光如轉
燭遲留日影久揮戈思君欲問加餐未苦思能令太
瘦麼歲晚忘言除習氣寒灰試共撥陰何

大隱居士集卷下

十一宜秋館

次韻答公美二首

來詩首篇謝藥及茶
次篇以啼飢為題

幽居正傍小溪斜想見樵風似若耶固有詩章舒眼
界可無藥物助脾家追歡難共長沙酒遺睡姑嘗陸
羽茶更祝安心為妙法都將世事等空花
四至長沙熟物情留題勝處記吾曾三生曾是湖湘
客一鉢渾如雲水僧贏得身輕閒有味儘從人笑老
無能如君應飽田園樂猶道啼饑有怨憎

謁何世南

吾清軒先生年二十以經學爲古文一出再
出而世不售于是退而歎曰可以止矣乃結
茅清軒外形於酒託神於字以自放於愚溪
之上故醉輒作草然詩家所作甚少其所交
亦不過二三君子每相遇必命酒以其所嗜
也在醉必書日或十幅或三二十幅或百十
幅今不有見之者其愛之重之而藏之什襲
與其不知其道而委而棄之與予不得而知
之也予獨知世南所收先君書爲多甚愛重
之藏之而不輕示人久矣嘗請觀世南曰清

大隱居士集卷下

三直秋

軒先生有贈行詩必和此以來乃得見之不
然不得見也予欲亟見之忘其不孝之誅輒
次先韻嗚呼今日而使予得見先君之字予
如見先君也唯君圖之

愚溪草聖祖鍾王宰木今傷葉屢黃何處卷藏雲滿
紙唯君護惜錦成囊不聆灑翰音聲入欲認驚龍氣
焰長一見自消饑渴念天厨珍味不須嘗

謁趙徵猷

把麾時節舊鄉關雖幸爲眠一枕安未覩青天孤此
眼不圖今日見公顏雲煙秋霽湖山靜霜月晨清橘

袖寒應屬詩翁搜好句相從正願得窺斑

再用韻徵猷諸子坐間和
前韻于是得之

烏巾藜杖款重關不獨風流識謝安蘭玉滿庭驚醉
眼雲煙落紙照衰顏也知鴻雁行應起莫管鳧鷖盟
漸寒自笑斷鬚安字拙空令短髮作詩斑

懷清曠兄弟

可觀閣下借牀眠明月清風不用錢會面向來無空
日離羣何事有經年相望十里江湖地正坐三秋風
雨天耿耿青燈空透影可堪新雁一聲傳

夔府長至諸州之酒畢集每品嘗之或有味而

大隱居士集卷下

古直秋

無香或有香而無色月湖一日命酒匠置大甕
悉以酒投其中而和之不費麴蘖逡巡而化洗
蓋一吸奇絕出於意外於是從新封泥名之曰
十州春請以七言賦之

樽中賢聖雜然陳黠化須臾清且醑味歷宜城九醞
酒名高夔府十州春投九仙子難爭手合麴香山未
盡神從事有靈應自慶而今十部萃吾身

村中病起

訪醫墟落疾難痊肘後奇方得舊編藥濟君臣親劑
和火停文武事烹煎旁人笑道徒爲爾午睡醒來已

脫然從此節宣防未病那須扁鵲信真傳

贈唐道士

靈應圭中一羽衣衡山來此住多時因來拂榻終朝
臥醉後敲門半夜歸留客展嘗教買酒向人長自說
吟詩開軒畧種閒花木此外緣知少是非

畫壁

松柏竹鶴四者甚清然又旁出繁杏一株似
是生客要不無意賦之

松柏雙雙夾竹青來遊仙客稱閒情一時幻出誰能
爾四者依然太瘦生鬱鬱相交堪掬翠昂昂自得若

大隱居士集卷下

去情秋備

聞聲如何豔冶容繁杏殆恐人嫌境過清

鐵拄杖次韻答趙侍郎

非竹非籐性最剛鐵君風骨凜秋霜清堅閱世千年
久正直持身九節長宜向山林扶矍鑠難隨車馬入
康莊只愁雷電搜蛟蜃并及詩新不許藏

嘗雲安麴米春

名自雲安已久傳未嘗先覺口流涎三杯通道正須
此一盞醺人今信狀取醉開關憐杜老聞香比擬憶
蘇仙豈知閒散江湖客快飲瞿唐灩澦邊
何先生月湖樓

青天素月古今流奇觀還須自我謀照有餘輝眾人
共取之不禁此湖收水容天色交光處玉鑑冰壺不
夜秋俯仰無塵清絕甚欄干百尺獨冥搜

五言絕句

書事

柱礎畫生水雲雷暮出山天時已秋杪氣候尙春開

伏暑

正覺纖絺便未容團扇閒兒童味災變赤體更歡顏

野外新秋

平野寬無際層雲撥不開曉容收雨後涼意送秋來

大隱居士集卷下

去宜秋備

野眺即景

山晚餘紅照林昏集鼠鴉泥深菱欲筭水滿稻初花

江亭

村舍隨山遠沙寮傍岸遠輕煙魚腹浦殘雪手巾山

六言絕句

散花之室六言

月湖新名

無動現身說法毘耶到處爲家誰識逢場作戲從教

天女散花

本有獻花佛事何妨乞食歌姬若了悟不住相斯參

透無言師

賦張以道寒絲陸龜蒙把菊賦惟把惟菊借寒互絲

領畧一軒寒綠掃除萬種春紅飽取披煙沐雨全勝

抹月批風

百世東坡居士千秋甫里先生近識南湖高隱相望

今古同情

冬郊

荒草岡頭牧笛急春屋角炊煙短景做催冬日微燠

號小春天

枇杷六言

大似明珠徑寸黃如香蠟成丸落處韓嫣遺彈可憐

大隱居士集卷下

不救飢寒

七言絕句

仲春即事

嘲弄春晴禽鬪語掄揚風色柳搖絲麥苗含穗枇杷

熟卻是江南四月時

楊花

楊花似雪雪應喚散漫輕飛太逼真結習已消那得

住卻沾塵土不沾身

睡起

案頭黃嬾温存睡榻上青奴誘引涼幽夢覺來山月

上一庭樹影滴金光

晨雪渡汾陂

竹外楊枝學小梅竹閒茅屋白皚皚撐舟獨擁蓑衣

出堪畫何須待晚來

雪消

簷聲不斷元非雨山色纔開豈是雲萬象終然仍舊

貫詎須裝點巧紛紛

清曠靜坐

草迷犢角掛林筍風起繭毛揚樹花不見黃鸝飛上

柳得知深處暗藏鴉

大隱居士集卷下

偶感

兀兀詩書早歲勤而今掩卷養天真政須無語參摩

話底用清談學晉人

即事六絕

臥櫓無聲百丈斜牽夫匍匐入蘆花寒雲過雁愁相

顧踏損尋常落處沙

漫風夜雨黃牛峽愛口寒雲白狗呀穩上瞿塘猶幾

日關山須看月初圓

舊年不雪新年雪今日非春明日春滕六勾芒真劣

相寒温相語作比鄰

纈紋斑駁繞山圍青帶紫紆落湖泉十月梨花開滿
樹直疑梅蕊破寒煙

昏煙漠漠雨霏霏四月輕寒侵袂衣葉滿筠籃桑徑
晚杜鵑聲急楝花飛

林閒無葉供風落溪上有梅迎雪開斜日未收門巷
暖兒童笑指蹇驢來

翠竹人家

戶外江平不肯流短籬疏竹翠光浮畦蔬遶舍畚田
粟一飽無求百不憂

村童

大隱居士集卷下

充宜

侵晨裹飯下高山負石趨城得米還不識往來爲幾
里祇言住處指雲閒

漁父詞二首

西風浙浙颭菰蒲獨棹扁舟釣五湖買斷水鄉真樂
處月明雲冷笛聲孤

活計平生一釣船將魚換酒不論錢夜來醉倒蓬籠
底卻在蘆花宿雁邊

舟中卽事三首

兩岸農家各自耕相過正欠小舟撐牧童來往如平
地騎得吳牛入水行

騰身赤鯉江心躍浮鼻烏牛渡口過雨後風清雲淨
盡一眉新月映寒波

煞翅鷓鴣映日斜倒懸翠鴨趁魚蝦槿籬石徑通門
處茅屋松林賣酒家

雨臥舟中

不許擡頭蓬底下僅容舒膝篔簹中聞聽風聽雨聽灘
浪纔得晴時出看山

樂口橋卽事

雨餘溪漲急機舂綠岸人家柳弄風路轉源深行步
緩青山映水野桃紅

大隱居士集卷下

三宜

宜春解纜

江迴晨光獨早回放船東下興悠哉西風嫋嫋攜將
去細雨冥冥看得來

漢西亭卽事

危亭曲檻倚溪流去去來來渡口舟微雨不妨人刈
麥輕煙正可客垂釣

濫湏堆

水合百源爭一關正須濫湏控奔湍露機象馬渾閒
事合作頽波砥柱看

飛練

見說天孫巧一機銀河練就雪爭輝長風吹下三千尺祇恐麻姑合得衣

登普濟寺慈氏閣

柔遠樓中俯市囂萬家蟻聚汨塵勞此中更覺樓低小佛界由來著眼高

題壁平沙落雁

江寒煙暮水明霞曲折斜行雁落沙曾是瀟湘蓬底見還疑今夜宿蘆花

次韻繡屏

定是司花怯曉寒花枝圍處密繁蟠草針柳線藏真

大隱居士集卷下

三宜秋館

巧莫作尋常倚市看

戲留友人把酒

柳邊飛絮春餘幾幸有清樽可共持今我未眠卿莫去古人皆飲子休辭

觀酒庫落成

畢卓夜行因滿甕嗣宗喜仕爲盈厨自憐小戶無如我不斷瓶沽斷酒沽

泥沙糟粕不堪傳有酒如盈幾百船浪說添杯吹野水何如真變錫山泉

荷

田田藕葉綠如裳拍塞池亭盡是香不受纖塵偏受露十分清絕倚晨光

蓮未開時香在葉他花縱好葉無香製衣未入騷人手象鼻何妨吸酒光

憫松

道人澧陵旁多古松上釘小牌書千字文記

之間爲取材者殘傷致有傾折

誰借毛錐千字力曲留髯叟百年身未能晦蹟終難保樛櫟林間是散人

贈梅

花蒙臘雪袁安臥影落寒江正則魂忽見江南春信息誰教驛使到夔門

大隱居士集卷下

三宜秋館

別金華朱丞

客中相識便相知日日相過不問時除卻酒杯澆旅况若非坐隱卽論詩

梅信傳黃麥正秋征衣抖擻去難留應從臨汝江邊過傳話灘頭舊釣舟

答莊權之引

權之以四絕見貽且索和章值予戒口業已數月矣甞勉賦二十八字旣以謝權之他或

答莊權之引

權之以四絕見貽且索和章值予戒口業已

數月矣甞勉賦二十八字旣以謝權之他或

有覓詩者亦可舉似以爲對

寒窗十載江湖夢
夜月三更風露秋
靜坐觀心香一炷
平生詩病一時瘳

次韻答陳仲愚

宋詩選 守歲

彤雲凍合晚來風
百里溪山雪色同
李棨那能說詩

興嗣宗端復歎途窮

吟君詩罷不成歡
尙阻青燈話歲寒
亦欲分嘗竹窗

碧少須春後薦春盤

贈錢道人

說相不覓錢

善說相傳唐世術
不言錢有晉人風
非錢可況言真

大隱居士集卷下

三宜秋節

實肯與尋常賣相同

賦歐陽道士舞仙

博山煙燼夜三更
萬籟聲沈月一庭
拂拭琴床彈古

調松梢鶴睡灑然醒

千葉石榴

丹靨疊扇爛雙眸
焰焰燒空夜不收
莫遣殘英顛倒

落一枝開早見釵頭

誰家巧婦爲花謀
針線殘零細意收
不管生紅難熨

貼從教百皺綴枝頭

長短句 附

中秋無月肯堂邀小酌賦

三五七言

雨飄零風淒清
坐念今夕月知從何處
明未須無月更作惡
但願有酒常同傾

大隱居士集卷下

三宜秋節

大隱居士集卷下終

江甯汪家聲振之校

大隱居士集跋

大隱居士集四庫全書總目題為鄧紳伯集亦永樂大典採輯本也紳伯名深總目於本集既得證據陸心源節宋樓藏書志猶署名鄧紳其殆有疑義耶然其所撰宋史翼列深於循吏傳中事實則採摭大典古羅志萬姓統譜諸書悉與總目相符此本傳鈔於江南圖書館乃丁氏所藏邵二雲鈔本其詩七古模山範水窮極工妍五律亦清穩紳伯紹興進士廻翔中外入有獻納之美出著匡濟之略其為宋人非元人亦不待辯而明矣甲寅春分日南城後學李之鼎振唐謹跋

大隱居士集跋

一宜秋備

大隱居士集校誤表

以宋通之舊鈔本校

卷上	一葉	十四行	七字	陵	凌
	二葉	十九行	十四字	冠	卬
	三葉	一行	十八字	矚迴	燭逾
	四葉	八行	十三字	尋	窮
	五葉	九行	十七字	行	千
	六葉	一行	廿字	歎	憐
	七葉	十八行	八字	僅	儻
	八葉	六行	十字	密	寂
	九葉	十九行	十四字	千	十
	十葉	二行	七字	蹇	亞
	十一葉	五行	十三字	寒	塞
	十二葉	十三行	十五字	官	宦
	十三葉	十四行	十三字	子	子
	十四葉	十六行	十三字	岸	后
	十五葉	十九行	十九字	駢	駭
	十六葉	二行	空格	削字上	插
	十七葉	九行	三字	貞	珍
	十八葉	十四行	三字	狀	伏

十葉	十五行	七字	碩	宋本作隨無字 字疑是培字
十一葉	廿行	十字	賦詩上	遺張字
十二葉	三行	五字	他	地
十三葉	十八行	八字	急	忽
十四葉	十四行	十三字	棉	綿
十五葉	四行	四字	興	輕
十六葉	一行	七字	山	稀
十七葉	十行	十一字	時	三
十八葉	六行	三字	當	然
十九葉	十五行	九字	色	常
二十葉	六行	十二字	怕	定
二十一葉	四行	十五字	就	破
二十二葉	八行	十八字	老	室
二十三葉	十五行	十二字	昧	認
二十四葉	廿字	廿字	歷	馬
二十五葉	七行	十六字	遠	按昧疑昧之論
二十六葉	一行	十三字	窗	寔 <small>按寔字亦可疑</small>
二十七葉			風	遺

大隱居士集校誤表

二 直 秋 節

六葉	七行	空格	畫	吾儂
七葉	十九行	一字	崇	畫
八葉	一行	十六字	宗	崇
九葉	十二行	六字	意	喜
十葉	十三行	九字	度	波
十一葉	十五行		劫塔	塔劫
十二葉	十二行		香淺深則 蕙相若	朱本無此七字
十三葉	五行		留宿	宿留
十四葉	六行	十九字	生	乘
十五葉	九行	三字	吟	哦
十六葉	十行	四字	潮	朝
十七葉	三行	十二字	嬌	牆
十八葉	六行	九字	事	處
十九葉	十七行	十四字	稍	稍
二十葉	十七行	十七字	會	會
二十一葉	十九行	十六字	僧	僧
二十二葉	廿行	一字	恨	眼
二十三葉	七行	四字	下	上
二十四葉	三行	三字	圭	堂
二十五葉		十七字	佛	拂

大隱居士集校誤表

三 直 秋 節

與原本同者
集中均更正

廿四葉	廿三葉	廿二葉	廿一葉	十九葉	十六葉	十五行	五行
一行	三行	四行	四行	一行	一行	十五行	五行
三行	一行	十六行	三行	四行	七字	七字	十二字
		四字	一字	四行	十四字	十四字	詩新
		二字	小注	七字	十九字	中	新詩
		二字	字	十八字	駁	腹	樓
		四字	柱	十二字	駁	復	流
		扇	如	泊	駁	中	懸
		三五七言	知	佛	駁	復	懸
		但願下	炷	佛	駁	復	懸
		遺有酒二字	詩	佛	駁	復	懸
			房	佛	駁	復	懸
			詩	佛	駁	復	懸
			炷	佛	駁	復	懸
			知	佛	駁	復	懸
			知	佛	駁	復	懸

大隱居士集校誤表
四宜秋備

丁巳二月振唐補校

水 豸
豸 豸
豸 豸
豸 豸

1870

1871

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

委羽居士集序

黃裳 字冕仲南平人元豐五年進士第一累官端明殿學士禮部尚書有嶺山集

赤城之南有左氏子馬不出仕常以詩自適慕王維杜甫之遺風甚嚴而有法自言每以意理趣觀古今詩莫能出此三字然考子之詩口以意明物不以物繫其意覽者宛轉而思之卒歸乎所賦使人意虛而志遠此亦得詩之要者耶然而援甫之詩離三字以指其體未能也屈吾論故為之說曰意者理之所寓趣者志之所向大抵詩人之作感物以明志運才而遺意四者相須而後備特其所好者異其所造者有深淺遠近爾由是而之焉乃各有趣其為

卷首 委羽集序

趣也或之乎雅正平淡優游高遠或之乎清新俊逸豪華險怪各不同也然而尚理與意物為之感才為之用不役於才不累於物以人意抱天理其為詩日來自夷曠感忽之間可以動天地感鬼神與三代風雅頌並列而同奏此其至也才出人性之良能使之有約以文至理其為詩也孰禦不然恃才以造意超中正傲平淡以作險怪瑰奇之語咀嚼少味終不足以經世惟杜甫兼數體似乎有道者然而精爽神妙氣韻三者修真之士資以為道而乃冥搜旁想靜與萬物相逐於無窮與物同蓋借使得名於世不過一詩人爾可勝惜哉吾聞天上有白玉京之境黃老之

有道者常游乎其間仙籍焉子歸而求之上能奔逸絕塵立乎萬物之表下而有感所謂古今詩人百家之體子當肆筆而兼得之思弗為爾區區三字不足以為子道

赤城集

卷首 委羽集序

二

委羽居士集

宋黃巖左緯經臣著

邑後學王棊子莊重輯

五言古詩十六首

次韻呈天台宰 天台續集

僕也不自知愛詩已成癖有作盈一囊無人為攜攜將來
識者觀千里事行役揚喻入武林瀾刺久未釋一日謁尚
書尚書為虛席號僕以詩人聲名從此得日上尚書堂見
公於侍側公時訪天台頗恨未嘗識泊僕將告歸贈言羨
好色歲月不我留八年如頃刻俄聞縮銅符無乃慰平昔
自古神仙才多居隱吏職豈不見王喬葉縣飛雙鳥又不

委羽集

見葛洪句漏流丹石付公以天台人事有中的茲山八百
里窈窕多奇跡桐柏古洞天金庭在其域三災不能侵歷
數無終極景命今始興吾君壽千億公名亦俱傳何啻登
仙籍僕雖生此邦仙果未得食今日返問公何處桃花碧
公疑我骨凡未肯言消息骨凡安敢辭此桃亦終覓

大觀戊子秋七月大雨洪水薄城幾至奔決太守李

公出禱城上即刻雨止水勢為殺而民獲免焉因

敘其所見為古體詩五十韻且言台之城不可不

修也 天台續集

立秋亦云久涼飈何參差葶收氣力弱炎帝從見欺赤雲

熱如火反甚盛夏時陰陽互擊薄變動不可期颶風歛卷

地急雨如崩犁屋瓦逗飛鳥雲柎勢亂絲暗恐江漢覆又

疑山岳墜百川肆橫流倏忽激城陬居民類燒蟻惶恐不

自持為魚在頃刻呼叫聲何悲我公初不動徐問其所為

以謂吾在是水其為民疵駕言徑往視朝服來登陴狂瀾

吼而至公亦為興咨端笏叩頭立逡巡以致辭公辭殆未

畢水還疾如馳回首望黑雲忽然見明曦雨師不得逞風

伯無所施少皞獨行令昊天青四垂吁哉是可駭神速至

於斯蒼蒼其天乎所聽信已卑公言我不聞豈謂天聞其

古人稱至信水火蹈不疑天人雖限絕胎合無由私宋景

委羽集

出言三災惑為之移今公不待再水災迄免罹惟公古君

子誠信本天資行藏即造化神速固其宜嗟我海邦民此

患常羈縻往歲雨暴作水行適及檉城壞而入水黎民無

子遺官府一朝廢所亾蓋不貲朝廷痛民害大為築城池

中閉水屢溢幾乎與城夷城堅水無隙民處不復危今則

城已敞闕落空殘壇如聞去歲冬我公聞上司此實民之

急請從官繕禱上司僅省費移牒猶難之民心日慄慄見

雨常顰眉但恐水不至水至決不支前日果見此必知其

死隨又安知我公有道眾莫窺救汝於溝壑尊汝於蛟螭

舉眼看三光措身於兩儀公德大如許汝知乎不知惡虐

汝至愚豈能事遠思此城苟未修此患終未離明年公且
去水來將賴誰願公尚憐汝再請而勿辭城修有二利官
帑皆在茲

避賊書事十三首別編

兇賊意何慘殺人焚其廬我命雖僅免我家已爲墟譬如
巢南鳥巢破不得居朔風吹黃草飛去將何如
生長城市開吾其患驅逐賊人俄漲天舉家如奔鹿入山
恐不深但冀免殺戮賊平無所歸獨倚青松哭
懷寶恐吾累蔽形何可遺囊衣入山谷勢急還棄之及至
出山日秋風吹樹枝免爲刀兵鬼凍死宜無辭

委羽集

三

賊來屬初夏逃去窮幽荒山深松蘿密野曠草木長蟒蛇
大如樹見我不忍傷賊固不如蟒害人無善良
搜山輒縱火躡迹皆操刀小兒饑火逼掩口俾勿號勿號
可禁止饑火彌煎熬吾人固有命因仆猶能逃
十遷昧南北終歲在路歧霜堅齧我足風冽刺我肌艱難
固其分衰老難支持白骨亂荒草百遷亦不辭
東鄰有老人金玉富無敵惡賊一朝來棄之如瓦礫性命
雖尚存見人無顏色老人自不思赤城詩本爲大然積
保城恃義兵誤事真可惜國家久昇平誰復視赤城詩見錄
鏞一旦驅市人紛然冒矢石逢敵先棄戈罪之不可得

裏兒共一區日夜謹相守遙驚白旗來不覺四散走汝死
吾不知吾匹汝何咎隔林聞哭聲相見真成偶

今我有三子欲謀分置之庶幾一子在可以收我尸老妻
已咽絕三子皆號悲生離過死別不如還相隨

妖賊本蒸民忽爾爲豬豚王師一日下割剝恣啗吞食盡
固其所恐傷仁聖君招安俾復業亦既不是人

有女衣已穿顏色猶自好無食未元作來依赤幾時吻吻
哭荒草問之誰家子元作女今從低頭未忍道前山欲黃

昏吾行不暇考
嗟爾遊宦人彌年住金闕盡室寄東南一朝聞元作賊發

委羽集

四

道路已不通音書多斷絕朔風滿長安日夜成華髮

會姪譽續集別編

赤城詩集

憶昨宣和末羣兇聚章羌洞一朝邏巡尉州縣皆皇皇詩

作居民棄家走老稚紛搶擄詩集我時遭劫逐與子空相

望及茲建炎始叛卒起錢塘初聞殺長吏尋亦及冠裳死

者不爲怪生者反異常子在賊園中不知存與出處雖

異域帖危兩別編備嘗骨肉非不親急別編難各自當回

思見賊日豈謂免殺傷安知出深壁猶得還故鄉爭言不

死狀失聲驚四旁餘生偶然遂萬事皆可忘會我試新穉

詩集放懷坐中堂庭梧露躡詩集碧砌菊風詩集催黃年

華意未晚蟋蟀已近牀對此復何時別編五觴至十觴歌
聲詩集作曲咽寒月舞袖破夜霜豈無少年態一醉乃爾狂此
徒爲酒使酒力安得長燈影照鬢髮百髮在中詩集腸干
戈時未息盜賊勢益張與子歸何處相看兩茫茫別編

五言律詩二十六首

送僧歸天台天台續集三台
文獻三台詩錄

還尋流水去水極到天台時把碧雲句寄將黃葉來石門
高賺雪溪塢曲藏梅貪看故山色不知春已迴

送齊上人遊方天台續集
三台文獻

往究一乘法期明諸祖燈遠山銜落日空谷響殘冰離物

委羽集

五

心無染談經義有憑世人多頂禮爲是石橋僧

崇教寺在齊海縣西二里舊有筠軒赤城
志天台續集宋詩紀事三台文獻

只把山爲界紅塵自此分竹窗吟聽雪苔石坐看雲意靜
詩先到心清道自續集閒深慚王謝輩猿鶴舊同羣

交翠亭在甯海主簿廳石池南政和五年主簿
洪皓建赤城志天台續集三台文獻

地勝多喬木亭幽闕古壙春梢經志作雨合晚色過煙濃

影落琴書細聲穿戶牖重鸞棲應不久枳棘若爲容

半山庵在黃巖九峯詩載赤城志
天台續集題作遊九峰

入山須判宿不宿漫區區泉脈尋還有蘭香嗅卻無杉高
方見直石怪不成巖若到三潭頂歸時路更迂

天白石橋天台續集

咄哉橋畔客何不向前行自是君心險無從此路原闕平
擬補
銀河千尺到金劍一棧傾故我諸緣斷唯聞流水聲

避寇卽事十二首天台續
集別編

兇賊起何暴數州俄見殘殺人空骨亂聞者爲心寒世治
官軍怯城孤守吏難天兵何日到淚眼望長安

遙聞烏合輩數十破錢塘故是昇平久胡爲守備亡天誅
初不暴賊勢尙云張作過古來有未宜憂我皇

避地遠天涯艱難兩鬢華逢人唯問賊有夢只還家消息
看楓葉今朝見菊花客衣寒更薄日暮在平沙

委羽集

六

消息苦無定轉移難預言起看殘月色行透亂雲根餓久
百骸劣啼多雙眼昏天涯迷去路誰爲我招魂

草暗迷人迹山空苔履聲夜眠溫石去朝饒東薪行骨肉
長嬉笑交朋每送迎回思無事日已恐是前生

失所何遷次江湖信足行朝廷自多士天地只孤生已是
無歸處何須問去程甘心委溝壑回首戀昇平

移家人空谷十口墮荆榛猛虎欲當路怪禽如喚人死生
吾有命幽獨自傷神泉石非無意終身愧隱淪

轉徙不知處亂山逢掩扇斷崖飛虺蟄枯木亂鷓鴣蒼蒼
人烟滅黃昏鬼火青夜寒長飲泣安得壯夫聽

寂寞空山裏黃昏百怪新鬼沿深澗哭孤出壞牆嘯小雨
俄成霰孤燈不及晨開門謝魍魎我是太平人

借問今何所空山號白龍秋聲悽萬竅雪意黯千峰俯首
燒殘葉披衣聽斷鍾生涯都付賊只有一萍蹤

無路掃妖氛掀髯倚碧雲茅難報國賦敢忘君民業
稍云復賊巢猶未焚老臣筋力盡灑淚對三軍

太平無可議妖孽欲何求未足煩天討然猶假廟謨鷹揚
誰敢抗鳥散類難收首惡聞猶在王師願小留

聞角三台詩錄

頻催白日盡爲爾一歎欲壯士軍中老流人嶺外歸秋生

委羽集

七

邊樹暗月在隴沙微燈火孤城閉蕭蕭黃葉飛

紫翠軒

在黃巖丞廳東紹興五年丞趙子英建赤城志三台文獻

試捲珠簾看青山有幾重崢嶸秋色老莽蒼暮煙濃未辨
清猿處遙知白鳥蹤藍田無此景痛掃只雙松

題摘星嶺

在甯海縣南二十五里宣和中廉訪使劉長卿名之赤城志天台續集別編

已知星可摘須信路皆通日影穿雲薄天形人水空遙看
梁苑雪獨把別編楚臺風指點中華地山河萬國雄

送許左丞至白沙爲舟人所誤

赤城詩集三台文獻

短棹無尋處巖城欲閉門水邊人獨自沙上月黃昏老別
難禁淚空歸易斷魂豈知今夜夢先過白沙村自一作

春晚宋詩紀事

池上柳依依柳邊人掩扉蝶隨花片落燕拂水紋飛試數
交游看方驚笑語稀一年春又盡倚杖對斜暉

梅花宋詩紀事全芳備祖

幾度尋春信空歸及暮鴉試搖枝上雪恐有夜來花望月
穿深陽迎風立淺沙若同桃李發誰肯到山家

九峰丹崖碎玉

路入溪聲壯秋深樹影稀幽雲藏鳥語松露滴人衣詩戰
蜂腰怯茶分粥面微勝遊殊未厭肯爲夜寒歸

雁山雁志

委羽集

八

亂山無限好幽徑有時迷石骨秋偏瘦松梢老卻低天寒
聞雁過月白見鳥樓海上知名地無人識馬蹄

七言律詩十首

次韻王似之過天台天台續集

彩旆搖霜宿鳥驚旋將疾苦問民情從容會歷三臺遍
欵先看數路清紅日盡頭思玉闕赤霞深處見瑤京信知
子晉真苗裔仙籍還居第幾名

次韻宋承事題丹邱天台續集

白雲城郭照通衢未怕雲烟屬五湖萬疊暮山屏自展一
江春水練初鋪輸他夫子供吟筆沒箇閒人與畫圖子晉

玉簫聲已斷不知笙鶴更來無

尋委羽洞

赤城志宋詩紀事題
作委羽山天台續集

委羽不知何處是
情人扶上木蘭橈
欲尋去路花梢密
爭認行雲洄浪搖
流水忽隨山脚轉
洞天疑把杖頭挑
逡巡不覺東風晚
殆有仙人弄玉簫

趨石橋初登山嶺

天台續集

天梯欲上使人愁
身御長風不自由
下視白雲生澗底
仰看紅日在山頭
共傳此處迷劉阮
自恐今朝犯斗牛
歸路似從雲漢墜
卻來塵世待羈囚

次韻贈段德公

續集別編三台
文獻三台詩

九

宦游初謂江南好
不道淹留十載餘
官職任卑終做世
俸錢雖少尚收書
天台舊俗思重借
于浦同官恐獨疎
縱使北歸猶識路
滄陽三徑近何如
公綴州人金
經由之地

送方尉還任

續集別編

平安耿耿念庭闈
乞假言旋謝式微
應向門前留彩棒
卻來堂下舞斑衣
流花洞口春將近
葢竹山頭雪已晞
聞說後年官始滿
不知重到幾時歸

過友人居

赤城詩集
三台文獻

試問春蠶第幾眠
柳條如線雨如煙
池蛙相應昏昏月
海燕初歸漠漠天
卒歲未妨資橘柚
餘生應只付林泉
他時

卜宅如相近且種壕頭十畝蓮

春日

赤城詩集
三台文獻

嫩紅相逐上枝頭
多少東風索我酬
春色似人看易老
年華如客去難留
長因好景翻成恨
只恐香醪壓得愁
深放黃金爲酒盞
一城飛絮已悠悠

招友人飲

赤城詩集

入門相見喜還悲
不免樽前細問之
一別又經無數日
百年能得幾多時
後生袞袞皆成事
吾輩栖栖亦可疑
日暮東風吹鬢髮
拍牀噴道酒行遲

次盛元敘遊九峯韻

黃巖志

十

恰恰鶯啼欲曉天
喚人擔酒入林泉
沿崖覓路僧先引
選勝看山席屢遷
心靜掉頭嫌鼓吹
酒狂揮手弄雲烟
日斜數點殘紅下
芳草菲菲索醉眠

七言絕句八首

桃源洞

天台續集

劉郎何用憶塵寰
舊路重尋事已難
古意飄零無處覓
藤紫溪色上闌干

浮杯石上坐多時
手弄滄浪客思遲
井井落花收拾看
洞中疑有舊題詩

青山簇簇水灣灣
洞戶應將玉鎖關
飲罷出來紅日晚
一

聲雞犬悟人間

天台道中天台續集三台
文獻宋詩紀事

亂山深處是仙家海變桑田日未斜為有慈親倚門望卻

愁溪上見桃花

石新婦山在臨海縣東南七十里東瀕江臨海記云
山土石紺色如人狀赤城志天台續集宋詩

紀事

烟蘿為髻霧為巾獨立江邊經幾春無故被他呼作婦不

知誰是畫眉人

題正等院竹軒院在黃巖縣南二十里舊有
竹軒赤城志天台續集別編

山色重重鎖碧巒別編更栽修竹在山阿老僧不識春頭

委羽集

面但見別編階前新筍多

送別赤城詩集三台
文獻宋詩紀事

騎馬出門三月暮楊花無賴雪漫天客情惟有夜難過宿

處先尋無杜鵑

春日曉望丹崖
碎玉

屋角風微烟霧霏柳絲無力杏花肥朦朧數點斜陽裏應

是呢喃燕子飛

句

怪巖摩足力空谷苔人聲靈巖 赤城志

禽巢先覺曉蟻穴未知霜落葉 林下閑談

臺陸伍... 37A



香

山

集

表勵準



甲春康宗校
子永胡榭鏡

宋 喻良能 撰

賦

喜賦

昔江文通為恨賦備盡古今之情致予謂恨既有之喜亦宜然因擬之而作喜賦焉

遊覽竹素往躅具存喜緒爰集喜氣滋殷予為時人未嘗有喜想像古者喜而不寐粵若劉項爭雄太公留楚示以必殺置諸鼎俎侯生一說脫之虺虎徒馭既備上馬徑去革羈思為歸心變孤囚為大父又若號為上公震為長子沈疴既嬰溘然以死眾醫環視袖手莫施有扁斯鵠曰猶可治療以刀圭起僵行尸沈玄夜而復反游岱宗而還歸四體和平天地清夷子卿在外十有九年始末一節險藉萬端去草實而食鼠仰雪花而餐璫分為死節甯冀生還忽虎節之來臨知雁書之既達單于易慮許歸漢關李陵置酒而高會九人相隨而

香山集卷一

夢 選

進發行復行兮紫塞春遠復遠今邊地月又如安石督軍前臨大敵重將帥之指授懼人馬之辟易俄北騎兮獸遁致淮淝兮尸積捷布車至圍棋方適雖攝書而置牀亦過戶而折屐別有郝尉風流王姬嬋娟人既離而復合鏡已缺而重圓恨昔鳳兮影隻慶今枝兮理連掖亭麗姝京都俊雅藉紅葉以為媒鞭紫鸞兮同跨恍魂夢之游仙悅衾裯之蘭麝若乃脫身輓轡奮迹新豐朝奏暮召言聽計從猶巨魚兮縱壑如鴻毛兮遇風暢積祀之湮鬱豁平生之心曾嗟乎喜雖一名事有萬族魯侯終燕於壽母文公仁聞於子玉陶朱縱棹兮五湖季倫暢飲兮金谷虞卿賜白璧兮一雙吏部浮酒船兮百斛莫不發莞粲於笑貌見紅黃於眉目故夫喜既首於七情蓋亦先民之所

古窳賦

獲得於紹興丙辰今二十有八年矣愛其古甚故賦之其辭

曰

丙辰中春積雨新霽令僕夫以駕牛治南村之廢地耕未竟畝洞然有聲躑躅不進人牛俱驚下有物兮混然天成象田家之瓦盆肖茅茨之士銅薄言扣之其聲鏗鏗歎識不存莫知其年四耳附離一蓋孤圓口緘六寸之壁腹受三斗之黍不窳不櫛不苦不窳團團焉樂樂焉何其肌理之堅而形模之古也固藏甚密宜有所盛發而視之枵而不盈噫嘻悲夫豈秋草朔風聞人愁心思寄征衣欲搗寒碓藉爾清響振其遠音歲久俱廢塊然獨瘖者歟豈天高氣清落月橫參幽人妙興將調素琴假爾逸韻相其悲吟人琴云亡草蔓見侵者歟又豈白刃縱橫竄伏長林埋金韜玉規人莫尋至寶忽逝獨留幽深者歟抑豈却立鍊形鶴駕鸞驛寄其丹砂靈泥是緘五色羽化此焉滯滯者歟夫物無隱而不彰器無幽而不闢美陽得尸臣之鼎太康獲汲書之簡皆所以秘之於古昔發之於久遠顧此瓊之誰藏必因余而後顯喻子於是濯以清泉藉以香荃貯濁醪之渾渾充睡腹之便便謝漢陰之低抱伴吏部之高眠旅滑稽之鴟夷拍浮丘之酒船

香山集卷一

二 選

每傾倒而一醉益足以攀七賢而追八仙矣

菴賦序

喻子有園二晦畦菊百本日游其間乃為之賦其辭曰

西風兮東籬金英兮紫枝著嘉名兮既遠豈眾卉兮等夷標黃華兮月令寓落英兮楚辭生高岡兮秀原隰吟鮑昭兮賦潘尼互於今偕杞徑淵明兮宅天隨秋日兮凄凄秋露兮離離萬木槁兮既下一雁鳴兮初飛送孟嘉兮帽落逆王弘兮白衣其操兮箕山之潔其韻兮竹林之絕瀾兮禦寇之御風慄兮馬曹之泛雪臨清流兮子陵之居瀨含夕霏兮真長之望月孤叢兮特秀幽香兮微透紫蝶兮黃蜂凜既寒兮猶湊聘芙蓉以為妃兮命秋蘭以為友官槐欽迹以香逝兮巖桂容沮而色黝揖江梅以先發兮日子之茂兮其庸可後邀黃葵以旅處兮日珠玉其在側予豈不知子之陋一束既多兮魏帝之賜少者百年兮甘谷之壽枝葉老硬兮飽余腹於五月葩華丰好兮悅余目於重九歲植百本日造百匝兮抑臨風而三嗅

辭

和歸去來辭序

何秘監道夫蜀人也賦歸去來辭歸守潼川出其歸以示予
因次韻以送之

歸去來兮樂莫樂于公之歸欣故里之可還何去國之足悲悵習俗
之方溺景先民而是追等窮通于夢幻孰為是而孰非思江山之娛
情厭京塵之染衣占東蜀之分野榮藩星與少微嗟彼人士乃競乃
奔修容飾詞伺候權門長裾日曳成性莫存何如先生癡杯飽博醉
羣經以嘯傲潮紅臉于醜顏浪鳧鶴之短長知天命而自安涉蟻塗
以干榮笑七貴與八關肯多愁以外慕每反照而內觀洗俚儒之呢
管挽淳風而使還琴一曲以媿嵇笛三弄而追桓歸去來兮知公欲
與造物游眎一已以逸然故不忤而不求冥此心于得喪復何懼以
何憂惟五馬兮行春聊放目乎平疇行者爭塗渡者爭舟寄高情于
阡陌眇一壑而一丘消田里之愁嘆霧政化而日流歌袴襦于梓潼

香山集卷一

三

霽譽處而滋休已矣乎如公盛德能幾人行胡無人為王留飄然任
公之所之漫說效龔遂誠心慕安期或公田而種秫或私力以耘耔
斤三入之巧宦陋四愁之俗詩流英風於千載公真淵明復何疑

五言古詩

詠懷

一夔方佐舜二公還相周三傑從高祖四皓屈留侯五龍翔日邊六
逸嘯溪頭七賢傲竹林八仙隱糟丘九老山中卧十友方外游百鍊
竟不變千載存風流名節良足貴萬事真悠悠

豪士

東海一豪士西山兩逸民涕唾棄周粟談笑無秦軍餓死骨仍香辭
封名益芬至今千載下不敢輕隱淪

雨後曉行序

曉景未炎宿雨新霽山容水色如在屏幃間喻子以巾漉酒
履不借手竹根如意從以樵青攜淵明子厚詩篇臨清流坐

白石上蔭翠樾下數游儵詠南山之篇歌清池之章好風為
我吹衣好雲為我娛目於是心恬形適抵掌頓足而起舞曰
人生為樂亦有過於此者乎樂而無詩如此景物何乃作五
言一篇書之木葉云

宿雨曉初收長天澹如洗解帶臨清流泉聲細娛耳有如到愚溪還
似游栗里人生若此少貧賤非所恥

新浴

新浴換輕縠披襟臨榭臺好風知人意為我京南來晚池雨草青庶
足充徘徊呼兒具綠樽聊進納涼杯一酌暑氣消再酌愁懷開三爵
竟醕酌浩歌臨蒼苔

苦熱不寐獨起對月

暑氣推不去涼風挽不來中庭月色淨攬衣起徘徊衣久葛籟寂秋
近孤蛩哀月墮玉繩低此興真悠哉

秋暑熾甚忍飢偶作書季直弟以詩見嘲因次韻

香山集卷一

四

老夏雨既少穉秋雲亦無枯池罷結棹薄花委芙蓉不慘漫藜藿不
暴空樵蘇蘇州亦有言家人笑著書

中秋望月偶誦唐歐陽詹詠月詩追和一首

雲淨天既碧境幽月逾光未數鉅鐘潭不羨桂子堂霏霏香霧橫
藹藹明輝揚真搜興乍酣徙倚夜未央走免望圓魄飛鳥喜新涼但知
整綸巾何用翻霓裳芳尊聊自傾玉盤欲誰將美人何時來渺渺天
一方

望所居西山瀑布

山居勘權綜理策事傲嬉嶽岑屬初霽眺覽得所宜懸崖有飛瀑注
壑從涼颼濛濛噴霧雨冉冉含烟曠清洽詎可汰駛激噴能破會心
欣有得徒倚不知疲雁蕩境千里香爐天一涯平生未能曠昏旦矧
欲窺何如茲山溜若與幽人期他年營菟裘舍是將安之

月山諸峯

平生固寡好嗜石如奇章家無十金產昇致窮獨同壽星來金華衣

冠何昂藏屈肘據膝坐風雨鬚眉蒼松石產花溪奇詭頗異常鼻祖
乃赤松素質伴白羊舞袖出烟霞謂名渾脫類大娘想當虞韶成率獸
雜鳳踏航航石柱峯孤峭仍軒昂長不滿五尺勢欲摩穹蒼獅子來
何許俯首未騰驤何時一噴薄百獸走且僵鳴尾由天成畧不假斧
牂端宜修繪事詎止工厭禳東坡小仇池大筆流芬芳康公醉道士
名篇粲煌煌矧我此數峰價重百琳琅願縮金石交出處永不忘
近結茅屋數椽以可賦軒揭取子美可以賦詩之義用沈約體

賦詩一首

安仁偃息處之問讀書室茅軒規昔人聊可容吾膝幽芳秀垣曲翠
篠翳簷隙松牕炯虛明荆籬互疎密淡月曉窺几候蟲夕鳴壁詩書
後前陳圖史左右秩遐覽到三五旁搜及堅白一語偶有得寸心欣
自適輪奐非所慕茲焉頗放佚淵明儻來過真趣會能識

古風一首謝張漕子溫惠示詩卷

前輩久零落老成驚創見平生取問律如今真北面胸中五色絲

香山集卷一

五步

此錦繡段見之心孔開照眼光爛爛我亦好吟詠忽飢說粉參辛動
三十年功效無一幾偶茲得大嚼味永不忍噉嘉惠詎敢忘仁風樹
揚扇

伏日陪府公侍御登四望亭分韻得四字

危亭壓層城是有佳致面面看江山水雲自相媚使君暇日登火
老金正稱杯盤瑩無塵笑語清有味快風千里來暑氣三舍避賦詩
紅蓮幕煎茶白衣吏詎諧想割肉搖扇笑疼臂程曉伏日詩樂事古
云少能弁今有四茲游峴山洞千古知姓字吾輩亦何爲雖驚猶附
驥

葉日強讀書堂

退之宰陽山暇隙惟讀書同年大雅委文史以爲娛治劇整以暇日
與竹素俱頰首繙漢晉高聲誦唐虞不善吾所鑒善者吾所摹撐腸
仍拄腹何翅五千餘似聞書帶草已復生庭除願言飽經濟舒之彌
八區

獄空

公庭日將夕吏報空獄岸雖無春草鞠已有蝶絲蔓謹樂見烏烏呻
吟絕驚雁諒非片言折聊發一笑粲

同從兄季弟游香山追和東坡端午游諸寺韻

前車唯伯氏後乘載阿連相攜青蓮界共開白社筵黃梅雨初歇紅
榴花正妍淨境聊莞爾妙興真悠然偈言溢四方經卷餘五千長廊
含清風古潭搖蒼天幅巾既蕭散青鞋亦輕便登臨自晨曠談笑窮
暮烟衡宇開卷坐僧房借榻眠却憶蘇州語喧靜兩皆禪

題張漕子溫貴希齋

新營老先生喜好一何異端能友造物直欲騎元氣古貨今難賣太
羹元少味陽春誰肯和玄白人爭議知已如晨星一笑聊自慰先民
不云乎有以少爲貴

由下梅至資福估賣官產

曉發下梅寺霽色浮墟麥崎嶇白羊岸詰屈黃牛輓野芳吐丰茸山

香山集卷一

六步

羽鳴格磔驅車復前途聊欲徧阡陌

龍池寺

發軔資福山弭轡龍池寺杪春新雨足老紅圍穉翠溪流素數寒山
色青羸膩拄頰坐移晷此意誰能會

觀田家晏集

村落秋氣高涼颺泛林莽田家刈獲間斗酒勞良苦饗既間竹箸殺
雞仍具黍昏昏燈火照草草杯盤舉初喧鶯雁聲中靜兒女語醉來
或田歌散去亦袖舞不信五侯家軟盤薦肥豸

次韻周敏卿秋興三首

炎暑墮何許涼風忽吹衣野水映荒岸寒叢秀疎籬蕭蕭林影薄杏
杏鴻聲悲秋禾亦既穫聊足充吾飢

團團殿中柱移根籬舍間秋風一披拂嫋嫋天香寒對此徑須飲把

酒酬西山浩歌何窮已寧必素與蟹

悠悠草間蟲鳴聲近我牀皎皎林間月亦已照我牀感此動萬慮聊

復舉一觴何以侑吾酒清嘯聞疎篁

星源縣齋書事

冬仲弭征轡歛焉及新春飽喫番陽飯細治星源民星源故自佳民俗良易馴不嫌聾丞愚翻愛假令真相與不忍欺見謂無滯磷牒訟日以簡賦輸日以臻遺我以暇隙使得窺典墳短檠一窗燈孤風至夜分平明坐廳事簾影清無塵問里頗熙熙孰云民不淳願謂汝父老辱憂亦已勤為我理歸權吾久思吾親

題回通寺至樂亭次待制王公韻

地偏境自佳烟雲遶孤屋寒聲渺疎松翠影澹修竹林深桂花曉微風度餘韻特用永歲年聊足媚幽獨

次韻侍御五月二十日閔雨

使君慕丘禱用志端不分天高聽甚卑深知使君勤立致楚東雨如開衡嶽雲賴此苗盡活不然庭可焚

驚湖寺

香山集卷一

七
夢
選
庚

書王牧羣鷺濁世肯下游積水近天關有時戲沈浮老禪天人師傾畧傾九州初開選佛場坐斷諸峯頭當時江東四海納吞眾流歲晚徙山麓華堂跨龍樓至今韋公碑照曜蒼崖幽陳迹記往昔登臨縱冥搜重來歲月疾俯仰五十秋撫事一太息何從問人牛惟餘拱把木百尺環道周成壤各有時干戈今少休空懷三宿戀為爾半日留鐘聲遠送客霧雨林昏投

七峯亭獨坐

雨霽失炎燠新亭境清淑層波綠瀟瀟沓疊嶂青陸續風篁韻絲桐烟柳開畫軸澹然塵慮銷庶足永曠旭

侍御王公去饒饒之士民數千萬人遮道攀轅又相與斷城北

橋以留之公不得已乃回城從間道遁去餘千主簿翁君畫斷

橋圖作詩二十韻寄侍御以和篇見示因次韻一首

東嘉老先生文字繼坡谷治饒如京兆三王豈其族政成無一事澹

若處幽獨追踪古循吏清靜非碌碌每以坐嘯餘時出陽春曲風流

化邦人吟詠成國俗乙酉秋七月天地正炎燠有詔師夔門引道不淹宿境內聞公行倉皇守牙囊攀轅人嗔咽遮道車擊轂已去復挽回出入成重複橋斷蜂腰分巷擁魚鱗竟從間道去復許誰追逐子母若弟昆相顧皆頌慶吾父既往矣疇能繼英躅謂日侍御往矣吾屬何所倚賴乎此子孟嘗附商船千古垂簡牘偷席廣文種使者為親聞之於和眾坊公乘教授小轉從間道去提點何公詩云朱橋偷標目去思聞九重席廣文種公行之後饒民有錄此詩以狀聞於朝者盛事傳西蜀先生美無度推誠置人腹畫圖照人間斯民記恩育

香山集卷一

八
夢
選
庚

香山集卷一

香山集卷二

續金華叢書

五言古詩

宋 喻良能 撰

石鐘山

南北兩石鐘上下一水側造物妙鎔冶
鐘與無射豐山吾焉知蒲牢爾何力
咨余久願游偶此奉行役時秋風颭
颭日暮水激激初如鈞天鳴乍若金
奏寂入耳粹而清洗心欣以憚怪奇
有如此游覽誰能測發端示來今注
經人姓鄺

題淵明醉石

平生憶淵明偶此訪遺跡柴桑僅未
氓栗里猶可識寒溜淡泠泠孤烟輕
幕幕撫事良多感西風生醉石

媿陶

淵明在彭澤到罷八十日雖營三徑
資未獲公田秫珍重千金腰不為督
郵折拂衣賦歸來何異自投劾我生
本樛散山林久蟠蟄豈非

香山集卷二

一 房 選 錄

淵明儔類亦慕幽迹偶然得一第遂
竊斗升秩未書藍田考遂津錦溪檄
荒縣饒逋負催科費鞭挞疆顏俯領
間忽復彌數月心焉愧淵明俛首三
歎息番江何時還哦松聊自適

送呂憲帥維揚

讀我宋實錄元豐治明昌五年九月中
上特聞天章從容謂輔臣邊民疲可
傷呂獨為朕言他人終未嘗已乃命
正獻由定帥維揚學士加大稱庸以
示寵光移鎮未去久趣歸總臺綱爾
來九十年誰其踵遺芳我公嫡孫行
祖烈蔚載揚持節古閩粵攝事今福
唐仁風雜和氣益益如春陽吐語玉
律響圓扉春草長英聲蜚九重御屏
書益詳廣陵大都督經理須才良擁
麾往鎮之非公諒誰當延閣陞寶書
恩綸湛洋洋左符分淮海西顧寬嚴
廊想見入境初快觀爭星風折衝向
尊俎宣威振金湯行看鋒車召衮衣
侍虞皇賤子一何幸竊比逾兩霜誤
蒙剗厲名徹疑旒旁受恩未知報肝
膽徒激昂准祈轉洪鈞復立弟子行

偶題

少陵五十六負暄候樵牧我今年與
齊而亦處幽獨小亭數椽淨新月半
鈞曲聊將萬斛愁付與一杯綠

為韻分得賞字

霜天豁澄明水日共清朗西園足甘
菊歡言事幽賞板輿奉慈顏華髮森
少長一笑喜團樂千枝迷俯仰黃英
泥露繁翠蔓綠籬上雄蜂與雌蝶採
擷紛還往逸興既中酣佳致仍外獎
未多彭澤賢不羨天隨廣憶昔東江
東王事困鞅掌及今處閭里暇日娛
境爽殺酒雖不豐獻酬非或強分韻
先阿連作詩真技癢

閩中堂

危簷覆虛明景趣清且長曲池散連
漪珍木含蕙蒼離離荔子丹冉冉冉
茉莉香有堂既足佳無瓊庸何傷

次韻提舉王正言寒食游茶焙

香山集卷二

二 房 選 錄

摘山勝煮海財貨所源流建焙甲天
下賦入十倍收國計頗賴之貢輸何
時休擇人為提領得賢從宛邱文章
脫吏腕風味登瀛洲佐職亦已久再
見春草抽郊原富槍旗歲事日以修
撫民端苦子疾惡信如警驅車向鳳
山父老觀道周青春行畫圖佳處時
一留風前耳潺湲雨後目纖柔酒酣
已勝賞珠唾揮釣鈞咨子素么麼受
恩猶未酬銘心雖甚堅撫已徒懷羞
平生困坎壈暮年何依劉投公一紙
書遠寄粵王州書傳得妙帖想像寒
食游終防好事人豪奪或巧偷

題紅雲島

紅雲覆絕島望之心神開弱水不負
舟何由至蓬萊吾欲煩巨鼇為載三
山來不然騎鯨去一醉流霞杯

予去歲五月由潮入閩見夾道長松
黛色參天行者均被其蔭間有為斧
斤所戕者缺而不補十步一嘆顧恨
方為校官非所職掌不得以封殖培
壅之事告之部使者懷不滿之意彌
年于茲矣比竊聞提刑承宣命尉曹
告僧徒封殖其有兩補其所亡

期作通路之人行千里若字下而無病嗚苦熱之歎其為全開
無窮之惠厚矣予自少讀柳子厚詩見其稱商山臨路有孤松
往來每斫以為明好事者憐之編竹成椽遂其生植感而賦詩
中有幸逢仁惠意重此藩籬護之句每愛而誦習之今輒追次
其韻以紀一時之盛亦古今甘棠之意也雖言詞不工蓋欲自
附于國風之末庶幾他日採詩之官或有取焉

夜宿天章寺

蘭亭負崇岡修竹翳寒綠巖隔人境爽氣森佛屋薄暮行役罷言
就上方宿是時秋蟬噪西風響巖谷越蘭不可見浩歌想餘馥右軍
恨何許禊序空三復夜久百蟲寂燈花媚幽獨蕭然四壁靜一洗塵
萬斛何當脫羈鞅陰巖事卜筮聊復得此游澹然心賞足

華峯亭

香山集卷二

華峯抱紫翠茲亭瞰清幽春林羅畫屏新月吐玉鈞宛如東屯居恍
若南澗游信美吾亦樂特用慰淹留

已亥中秋

二七月皎皎三五雲沈沈終然露半壁亦復牽孤吟夜久羣動息唯
有寒蛩音長年重節序感慨非獨今

勿言魯酒薄為史端叔作也端叔同寮于越未終更求奉中都

祠歸丞相侍傍作是詩以送之

同寮雖云多交友未易結臭味一小異肝膈便楚越君侯宰相子風
度何翩翩四備計吏貢春銓復衰然一見蓋為傾相逢豈在早白髮
與紅顏論交非草草君才若杞梓真能世其家願我如駑駘祇堪服
鹽車心情過中年何翅數日惡徑須醜一尊勿言魯酒薄

正月大雪迫和退之辛卯年雪韻

大皞亦已至玄冥猶未歸茫茫天壤間浪瀾銀山圍玉龍橫海度皓
鶴漫天飛白帝有所適飄飄揚旌旆從者一何繁縞席仍練衣招邀

姑射仙逢迎廣寒妃祥耶時令耶嗚能測天機飢人凍欲死賞玩理
則非安得萬裘褐寒者或庶幾願言均此惠不知身賤微

次韻奉酬刑部王嘉叟侍郎書戲綵集後

制作參易經不用草玄準眼空天壤間誰得並捷敏鴻文翻水就未
省苦吟吻齊梁逮陳隋眾作付一哂南國容本治西子髮更莫混然
真天成寧復分域吟飛上青雲端秋空擊鷹隼豈惟持荷葉已復班
玉笋雖未究所長要亦捕素蘊大手乘綸綍至音發篋篋嗟予墮詩
窮政坐無鉛粉數奇祇自憐多忤誰汲引有賦難逐費無詩不招隱
明公獨深憐不嫌邊幅窘謂雖做帶如或可充貢簡特此以無恐枚
舉窮人忍儘復念管蒯庶免辱荆樵

次韻宗郎中師仁見示古風

平生癖于詩業債餘清淨但已心孔開敢誇筆鋒勁疾書或故斜所
向必雅正願漸非晉人出語那韻勝亦好三畝幽松竹互掩映門關
雖問啟俗客未省迎豈惟愜幽情頗復動詩興場來古泮宮未始棄

香山集卷二

鹿性何處更有詩抗走足不定宗英出大篇重此絲綺贈未應負推
敵詎止工競病此作不為妙妙處知難更吟填府風雅瑣尾宜退讓
質白真雁行離騷可奴命熟復句中眼如對麈尾柄迷途獲指南從
此識畦徑自應形贊歎誰復獻嘲評佳處未易知當有識者證

送高炳如倅天台

高侯吾所畏學問夙靈異秋水瑩精神春華麗詞藻三館竭來游兩
鬢青未皓何心翫歲月刻意事探討二志既崇成八書可借攷烏臺
佇風采綸闈須典誥引疾遽有所勇退一何早丹丘非大名泥軼僅
小好會看有詔追豈必俟身到行矣即輕安愷悌神所勞

張持荷示詩編次韻一篇為謝

先唐詩道昌萬象繞吟筆長舌窮嶮怪奚囊銷永日一洗齊梁陋古
淡見摩詰詰齋妙入神二者無一失游戲唾成珠所至動盈帙長篇
雜短詠朱絃響玉律脫身聲利場宴坐心更逸高眠聽松聲清話剝
芡實聲明笑山王任達景穉畢時發孤鳳鳴不作寒蛩啣人機離肺

肝悠然非所恤編成客未佳橫藏謹勿出

王丞相生辰

皇宋十一葉時清風俗淳實維元首明亦繫股肱純煌煌莫國公自昔抱經綸初掌黃麻諾黼黻同卿雲繼處宥密地五兵驅精神一品坐黃屏十載轉洪鈞雍容陪都俞屈勉承華勛鏡淨滄海波烟銷紫塞塵伊傅堪並驅蕭曹真下陳柔兆歲若午協洽寅在辰入夢一玉燕持鑪兩夫人二十四書考八千歲為春西湖為酒醴南屏為膳珍萬口均一詞共祝柱石臣一祝錫難老再祝長同寅百祝配遼鶴千祝如大椿國壽箕翼齊伯公永無垠貴名與鴻烈日新日日新

次韻奉酬趙景明法曹見贈

宗英賀白儔肯從野人游相見各失喜胡為俱皇州孤燈照清談新詩澹牢愁明日却分袂獨往濤江頭

齋宿昭慶院祀南嶽南海

秉檄奉中祀驅車出重關曉風鐵葉嶺烟雨南屏山滄若滌塵慮夙衰

香山集卷二

五夢選

廉飲屏願精意乎海嶽清聲搖佩環

留別直院莫子齋少卿

鬱鬱千丈松植根在崇岡清陰且十畝直幹凌穹蒼好風一披拂摩韻諧宮商古來成大廈此物宜棟樑不待歲月久共看柱明堂微木有石楠枯崖飽風霜三百甲子餘圍纒拱把強大楹分難充一桶庶可當儼容附松末雖晚唐何傷

留別王嘉叟檢正

初寮久已往今誰主文明王公有嫡孫見者服且驚胸中九雲夢筆端三折肱招致道山中掉頭不肯膺論事常山蛇持身玉壺冰平生謝先容要津真自登四海望霖雨一人須股肱我本田家子蹉跎將暮齡相逢豈在早一見蓋已傾謂我雖脫屣敝帚亦足稱持獻先軀箇長篇有明徵公平儻賤言庶為老親榮

送參議林郎中

人孰不識面相知貴知心惟我與夫子傾蓋成斷金昔居京邑宅

職偶相臨肯紆鍾期聰俯聽牙絃琴講說三百篇一一蒙賞音揚來鐘山旁休沐同搜吟聯鑣照湖側攜手天衣岑飛鳴互嚶嚶和樂長情情無詩不屬和有酒相與斟餉我破羌帖佳妙同來禽復遺先聖像摹寫自孔林二年如巨蠶一旦辰與參襟期自茲遠詩盟幾時尋願言蚤盍簪無為徒滯淫

游鹿田三洞

東西兩鹿田上下三洞天苔徑少容足石門低及肩乳竇斷還滴天隱皓仍玄何當出樊籠悠哉聊永年

次韻羣憲見示桐柏瀑布之作

昔聞孫興公嘗賦飛流水至今福庭地猶屬羽人里瀑泉天半來界道見清泚迢迢白虹貫隱隱玉龍起宇宙雖云寬壯觀知能幾谷廉信有之界圖寧辨此清秋饒爽氣朱夏絕埃滓何當振金策逍遙山之趾眺覽既愜適嘯歌何窮已青鞋未成往撫已空自鄙

月橋詩

香山集卷二

六夢選

天迴月逾晶地偏人亦靜蕭然尋丈橋寄此綠淨境洗盡蕩寒光掬泉弄清影塵遠耳目醒令人發深省

約季野九日登雲黃不果季野有詩因次韻

青山如候蟲可賞不可戀胡為謝康樂游賞乃欲徧縱登最高頂過眼猶掣電何如菊花天周繞籬落畔對面雲黃峯未妨簾下見相攜淩紫霞更約東風便

送晏伯安

古網於今發蓋亦一壯縣劇繁號難理百令無一健英英晏伯安年壯政則練咄嗟掃宿弊談笑了宿案公庭坐無事自可名道院老眼空四海於公驚創見今公賦歸歟敢以一語餞邊陲正驛驛朝野未開燕公才浩縱橫敵可受八面要須詣明光上書還自薦口伐或箴籌收功在不戰不然飛芻粟坐使軍儲羨

次韻伯壽兄殘春即事

屏居事幽潛親故成人別茅簷翳濃綠除藤墮香雪山氣清涼國溪

聲廣長舌但須賢人酒安用長者轍吟腸繞碧雲醉臉暈紅纒奴耕
穀可俟兒童筆難掣地偏塵不到心境兩清絕嘯歌何窮已未覺處
身拙

爲何監獄題種德堂

作堂備登覽既作扁其顏扁顏固云易踐名良獨難我友何水曹築
堂水雲間瞰臨擅奇絕佳氣何鬱盤橫以數畝池繚以四面山石楠
間女貞青士依蒼官紛紛雜花卉栽植日以繁豈獨秀春融未應凋
歲寒憑欄試游目皎皎萬慮寬張公江海客一見顏爲歡嘉名揭種
德寓意固有存期君宴游日內照時返觀善性益培壅燕累須一刪
木老德亦熟無忘老坡言

何茂宏茂恭攜酒見過復偕以詩次韻一首

薄雲漏朝曦積雨霽中夏白波涵磬湖清影灑苑舍輪蹄絕往還文
史富閒暇畏友有機雲英標凜王謝喜尋范張約偕命嵇呂駕豈徒
貴密邇抑亦重婚姬戲綵膝纒容亦好草可籍瓦盃薦溪毛竹著羞

香山集卷二

七

雞炙劇談掌屢抵攜食咽亦下晚涼過古剎明月耀修架蒲團語上
方篝火耿良夜凌晨一瘦藤支徑雙不借長嘯涉雲嶺清吟探石罅
嶽岑近明目湍激深沒胯別袂予力搵歸鞍子庸跨何時許重臨側
履肅邀迓

謝葉致政送芍藥

佳葩如美人艷態妖且閒葉圍美無度有花字雌丹晨妝謝膏沐秀
色若可餐芳根裹春泥舉贈不作難難照池亭一洗儒生酸從今
杜陵眼不復嗟長寒可以報嘉惠作詩當琅玕

秋曉野步

案此詩據南宋名賢小集增入

幽居邇郊原出戶目已瞭閒攜一枝竹散步及秋曉寒烟引輕雲澹
澹紫木杪矯首矚層穹轉眄失飛鳥野潦淨荒陂驚鷗泛枯篠世態
徒營營此心殊了了佳處誰與論聊用付清醪

香山集卷二

宋 喻良能 撰

七言古詩

次韻伯壽兄海棠

無情長笑杜陵老不識海棠春意好東坡作意賞東風為愛輕綃映
日紅枝頭點綴知多少貪睡今年開不早含情欲開還未開紫蝶黃
蜂亦懶回可憐熟視明人目長恨年年看不足曉來風定雨霏霏減
却春光一片飛多愁更被花相惱寧惜春衫同藉草

潘淑妃

東昏當日寵容華潘妃步步生蓮花開武堂前種楊柳玉兒雪腕親
沾酒蓮花不見楊柳空蒼烟白露雜悲風

張麗華

張家女兒號麗華十歲選入君王家君王一見念玉雪喚作後庭瓊
樹花臨風結綺香風度自謂朝朝兼暮暮那知夢斷金井欄往事茫

香山集卷三

茫塵烟霧

廣信試院追和東坡催試官考核韻

深院鎖涼秋西風坐間好几淨窻明塵不飛似躡紅雲至三島數枝
淡淡桂新香干帶垂垂柳初老此邦天下秀多士鄒魯無負薪或解
談王道被褐無非懷璧夫五兵奪目庫觀武大嚼快意門過屠誰言
拔才古難必披沙求金要須得回思裹飯然脂燭一心敢擬思鴻鶴

吉老手刃凶人為母報仇詩以紀之

卧冰叱馭全忠孝王氏多賢今古同公平孝行驚創見落落豈特漢
晉風凶人夜半發丘壠敢爾殘暴不畏公古來刃仇不共天痛貫肝
膈何時窮劊心設祭久自許何况臨機敢不武拔刀斷賊血模糊袍
笏雍容詣官府忍恥貪生真可羞退之諄諄言復讎請衣一擊當報
怨豫子猶能致嘉傳如公壯志今已伸他日定為忠義臣行看氣節
動天子詔書一洗泉下恥

不狀元惠示近詩一卷作詩為謝

洪都通守詞華溢漢殿文章元第一萬卷落落蟠胸中三江袞袞懸
吟筆贈我玉佩聯玦環未數大鵬兼小山欲知風味不能盡此卷長
留天地間

向伯章通判請賦畫扇

晴天萬頃浮烟水小艇鳴榔烟水裏一聲欸乃西風起滿輪明月夢
花秋富貴於我真浮樞世間何事不悠悠

為周提宮題尚友堂

先生高節作流俗未應名宦能縛束歸來卜築傍泉石灑落軒楹照
山谷外羅君子六千人中有插架三萬軸我嘗一坐作其間至今清
興猶堪掬

題晚節香亭

周侯人中英為文若翻水苦節凌雪霜香名馥蘭芷考槃在幽谷篔
竹富清美竹邊兩桂樹碧葉光疑疑扁堂晚節香欲以規業履竹桂
日以茂業履日以修一觴一詠知未稱願續離騷賦遠遊

香山集卷三

節中又日雜申叔與菌桂遠遊日舒
井筒以馳騰又日麗桂樹之冬榮

了頭巖

自有宇宙有此山萬八千歲須臾間亭亭造天屹石壁雨淋日爍逾
堅頂且無泉瀑美裙帔肯以草木媚容顏了頭得名良未稱那有巨
手梳髻鬢會當呼作陸砥柱長與羲娥閱往還

侍御宴僚屬于番江樓以卧病不克與分韻得四字

使臣自是廊廟器五馬一麾聊爾爾今年清淨獄既空去歲豐登米
不貴郡中九賢政可十京兆三王何足四乘客領客宴江閣對景題
詩忘肉味坐問僚屬總文采筆下波瀾更源委夏木陰陰啼鳥喧烟
波渺渺輕帆駛錯錯落觥籌尊從容笑語窮幽意嗟予薄命振翻
羹卧病空齋吟擁鼻畫戟凝香不同賦白衣送酒猶帶醉追攀逸韻
苦無才想像情惟欲生翅蘭亭被罰定非佳金谷望塵吁可媿他年
江左仰遺風應有畫圖傳盛事

題楞伽寺李公山房藏書閣

小閣呼喚在空谷云是先生讀書屋不見善和數千卷空聞鄰侯三
萬軸先生一去幾經年山色依然為誰終只今賴有衛夫人壁上蕭
蕭數竿竹

春晚遣興

乳鴨池塘春水滿秋千院落東風暖簾間燕子語雖忙葉底黃鸝啼
更緩長大何如年少時雕鞍駿馬踏芳菲閉門不覺庭花落頭倒殘
紅作地衣

次韻王侍郎寄題亦好園

磬湖鷗鷺自相親湖邊山園步步新魚鳥細看自足樂芋栗可收猶
未貧我覺有園貧亦好人笑此園何太小他年便擬當菟裘不羨尊
鱸歸計早

種菊

子猷借宅亦種竹淵明荒徑猶存菊九日黃英凜碎金三冬翠幹森
寒玉亦好繞園一畝寬恨無九畹養芳蘭聊種寒花一百本要伴此

香山集卷三

三

君秋後看

僕坐釣磯季野弟寄詩來因次韻

湖岸柳根半欹側柳邊仍有陂陀石不因斧鑿成漁磯燕坐未妨鉤
餌垂磬湖寧待他日錯白波分影涵翠壑翠壑陰中干結藤對面好
山羅畫屏遙岑無雲明入眼遣我爛如巖下電平生不憂臭於銅俗
氣安能傲重與來散策飢來食起居無時惟其適詩窮吾師杜少
陵一杯未用身後名他年掛冠不待老歸來從君乞身早

新居成茂恭以詩見賀次韻奉酬

子美堂上始上元斷手乃在寶應年願我無能為杜役有此屋廬差
不難欲移修竹梅花亞暮靄朝烟迷上下室遠地偏來者誰時有相
思稽老駕平生願足不願餘底用虛名更著書雖無挂腹五千卷且
有山陽宅一區海內長句君最好辱致新篇為善禱雞豚社酒幸不
遠來往他年成二老

蚊

慢膚秋來困撲緣手不勝拍身聽腐昨夜瘴風慙人意一掃天宇何
澄鮮蚊子蚊孫與蚋伯飛鳴適意須明年

題葉省幹見示詩卷次韻一篇

微官詎足施才具每向閒中有佳句要同秦系下長城却笑屈原無
聖處穿天出月摘清芬煎膠續絃惟有君命題探韻備分昂昂野
鶴在雞羣綠髮才名今白首未數憑虛與烏有會當載酒擊鸞戩共
試吟邊三昧手葉少有所謂卷者數落
花之句為汪彦章所稱

謝君植矮梅百許蟠屈如輪履至皆著花灑灑可愛

孤竹低回首陽下許由偃蹇箕山顛謝君雅有林泉趣種得江梅如
二賢南州臘月溫和早賴有冰花除熱惱鱗崖百樹夾徑明似過山
陰雪中道

試院一首

南國諸侯老賓客霜葉青衫頭雪白纈衣使者急搜賢又向文場三
捧檄全闔多士如鄧林大廈度材慚匠石細看太白日萬言時取武

香山集卷三

四

成二三策清心期職瑛三獻過眼敢迷日五色只今雖無衣鉢傳向
來未省原天覓更長寧辭燭屢乘漏下何啻夜十刻回思前日踏槐
花忍使青袍輕飲墨

余同年田試院積俸給買馬而歸中路幾逸戲作長句贈之

知君幾作東野畢瘦馬田間風欲逸困人白汗似翻珠暫爾奔騰未
為失歸家須辦紫游韉玉轡紅纓搖開裝一鞭嘶風映垂楊要試寧
川春草長

安撫開府史丞相誕辰

一年好處橘初綠雨後秋容淨如沐潭潭大府忠孝家黃堂正奏干
秋曲揮毫落紙妙卿雲干佛經中早致身橫飛直上九萬里金魚玉
帶真人籙邊利國知誰似直節長才堪重寄手扶杲日照乾坤力
轉洪鈞陶品彙囊兒戟燾榮煌煌紫極聯休袞繡光暫向閩郡分帥
闕再歸天闕致時康鯨生才業等轍線昔辱甄收今論薦喜看太白
應長庚樂頌燕公符玉燕舊聞莊叟說大椿八千為秋八千春願將

眉壽同長久永作皇家柱石臣

參議李郎中惠示古律詩兩巨軸次韻首篇奉酬

鄰中七雄迹既掃謝樓夢斷池塘草仙李詩人麻竹多佳句唯傳杜
陵老省郎句法專後來歷盡今世詩流才弁刀翦水有佳致月中聚
雪無纖埃穿天出月餘四紀來詩有實和
中作故云捉月風流今不死從教人
售一杯水自信筆挾風霜字次山風味喚仍回老文猶未磨蒼崖收
拾明珠餘百斛寒光入夜闌復開我得公詩興嘆慨千古長留詩卷
在祇恐天官下取將人間古貨今難買

八月十五夜詠月

前年碧湖新雨歇獨繞湖邊待明月夜深雲散月華來疑是山陰踏
晴雪去年鎖宿校羣英冰娥于人亦有情仰看一鏡綠雲上俛聽春
蠶食葉聲今年廣文在官舍亦復開尊臨月榭慈顏一笑綠衣輕誰
云官冷孤清夜酒闌月色更徘徊捲簾開戶真佳哉懸知明月應更
妙扁舟正泊雙溪隈

香山集卷三

五

予由中都還至暨陽道中聞禽鳴云明朝早起插田作詩識之
溝塍雨新足穠稔秧正綠林間鳥聲喧明朝起插田明朝插田起須
早謝汝殷勤勸畦稻禽聲禽聲亦不惡大勝人歌金縷曲

送劉孟治司令之官四明

先生孝行人莫攀平生急祿怡春顏三千曲禮髮已白七十老萊衣
尙斑秋容新沐江涵天潘與低昂御花間憑誰為喚吳道子一寫畫
圖連越山

若耶曲

若耶溪上涼如許五月清風不知暑半空濃翠接蒼烟滿眼輕陰攪
疎雨織女潭邊深復深繞門山畔石成林紅妝盪漿誰家女笑入荷
花無處尋

點檢朝陵內人頓遞至西興道中紀事

平湖激灑搖春風扁舟輕駛如飛鴻垂楊高樓長青倚岸山桃醉
臉紅滿空烟雨菲疎家柯橋精廬聞午鐘平曠麥田青瓦瓦崇塔秀

岑紛玲瓏圖經未看名世窮雨葩烟葉交騰騰吾欲圖之誰其工妙
語却思六一翁解道山色有無中薄暮艤舟依竹叢夜深點滴聽孤
篷天明利涉浮梁雄錢清雖小炊烟重我生之辰今適逢一杯不暇
緣忽忽聊以新詩娛老悛僉山西北水溶溶白鶴橋邊小梵宮海天
茫茫空復空放眸一望日本東蕭山小邑河陽同桃李漫山如錦樣
溪旁驛亭名夢筆故居知是江文通西興浦口天連水滿眼長安紫
翠濃

四月二十九日坐直廬讀山谷效東坡作薄薄酒二章慨然有

感追賦一首

薄薄酒勝獨醒醜醜婦勝嫵楚笙歌鼎沸不須羨松風滿耳自足聽
前遮後擁未必樂邀月對飲堪娛情晚食有味可當肉衛宇無災勝
列屋魯東門外聽鐘鼓齊宣堂下狀駭鯨何如巢林一枝飲河滿腹
水噉多至三十具胡椒滿貯八百斛何如濁酒一杯彈琴一曲子平
為富不如貧子方稱賤能瞞人高明之家鬼可瞰細射納稅官不填

香山集卷三

六

中山醇醪醉千日文君遠山致消渴何如茆柴百錢可一斗荆釵白
頭長相守

次韻王待制讀東坡詩兼述韓歐之美一首

文章端與時高下列國有風周有雅建安氣質混不傷齊梁紛紛堪
斗量先唐詩人子韓子落筆洗空千古士篇章杆翰自己出正派猶
記傳六一作詩餘事真詩仙時麟被髮何翩翩然韻寬泛押入旁近窄
韻宜搜期押盡鈞章棘句未多郊古調新題寧數禩五季詩流喜穿
鑿蟬噪蛙鳴嗟眾作皇朝天人歐與蘇星鳳初見人驚呼醉翁句法
到勝處紆徐條暢今古無鋪張揚厲詞藻挾雅稱金泥兼玉檢一片
妙絕廬山高幾首清新寫影陶造化機緘富狀彙豈獨文星南斗避
如何妄評味長短自古羣兒喜嘲議雪堂羈窮如牧之得非天欲自
其詩平生古律三千首無不流清風白雪詞才如太白更無敵文似子
長兼愛奇江西宗派不足進自檜以下曾無譏流傳海內皆珠玉到
處逢人俱願學不須翻唱說西崑宋有歐蘇唐有韓三友謂文公也

平具杖几一篇且謝蘇夫子

古風一首奉送淳叟太傅通守豫章

劉侯精神秋隼緊高輪懸河傾不盡至尊動色嗟謬誇權倖切齒畏
譽譽致君未覺賈誼疎濟時尙嫌馬周窘三年博士向見治萬卷蟠
胸一何敏欬然大起故鄉思自請題輿佐旗隼笑指江城欲載馳
棄班列誰能挽羨君去騎日駸駸顧我朝行猶蠢蠢語離寧憚十
連惜別不知雙淚墮贈言見意乏珠玉作詩餞行少鉛粉從君數日
待君歸握手修門未爲晚

都丞李侍郎叔永和予小園二十六詩因成古詩一首奉謝

黃昏兀坐對修竹歛有寒光臨蔀屋焚香發軸得新詩炯炯驪珠二
十六三堂妙音久已斷輞川麗藻今能續報瓜何必枉瓊華抵鵲奚
須費明玉韓豪蘇仙吁可畏白俗元輕何足錄從此磬湖三畝園絕
勝李愿一盤谷

都丞侍郎再和屋字韻詩次韻奉酬

香山集三

七

小園五畝依篁竹中有茅茨數椽屋小橋度水既窈窕側徑穿花仍
曲六慣看翠羽羽差池時聽黃鸝聲斷續詩成持鼓過雷門誰信拋
磚能引玉長篇麗句爲藩飾小草么花蒙著錄懸知家世以詩名歷
倒平泉與昌谷

李侍郎三和屋字詩次韻爲謝

衛武文章比淇竹閉閣著書欣仰屋胸蟠載籍餘萬卷爲家五百九
十六詞華爾雅騷可奴議論淵源經可續筆端凜凜挾風霜齒頰冷
泠漱冰玉久知廣大端可法自願么微何足錄願同湛輩附羊公庶
比江西派山谷

何司業和屋字詩見詒次韻奉酬

亦好園林富松竹愛山堂上書連屋恨無妙語爲題品空對奇峯有
十六先生佳句落泉石杜詩韓筆端能續有如妙響發朱絃恰似清
音動寒玉須知小圃辱提攜何異寒門被收錄從今草木有光輝益
盎春温入鄒谷

香清幽少魏主簿求早清石

平生愛石似奇章老矣一拳猶未致夜來夢繞太湖側萬玉嶙峋清
有味夢回身復落紅塵聞道早湖山可人幸致一峯爲我壽爲君作
詩傳不朽

伯琬明府年兄和予致字韻詩舉英石見遺謹次來韻以報盛

賦

久聞英石空流涎意欲得之無力致士衡東頭富玲瓏染指獨許嘗
鼎味明窻淨几拂蛛塵尤物定自能移人報壽慚無百金壽贈公相
好無時朽

公家一峯如終南須信是中有佳致對之忘饑亦忘愁豈特聲色有
臭味嗜好蕭然迥出塵同年要是我輩人世間何物如石壽壘妙興
之俱不朽

周希稷見示詩卷作詩爲謝

周郎列宿胸中羅筆端有口如懸河贈我明珠六十八一一照萊園

香山集卷三

八

無頗我學穀梁失也短君才士衡慮其多中興功業要紀述活溪石
崖當往磨

次韻楊廷秀浣花圖歌

詩翁衒袖出新詩醉墨淋漓驚乍寫明珠炯炯照戶牖恍疑驪龍睡
遺者彌明高唱詩云云此翁一掃如飛蚊詩狂克念酒作聖尊前笑
殺劉師命李白張旭稱世賢姓名優入少陵編平生我亦忝詞客自
得此詩輕尺璧他年別去長相憶

香山集卷三

宋 喻良能 撰

續金華叢書

七言古詩

王樞使生辰

金華千古赤松宅中有初平叱羊石雙溪滾滾瀉蒼波三洞潭潭接天碧鍾英孕粹昂星精文章蚤成瑞王庭橫飛直上九萬里紅顏兩鬢何青青金鑿疇昔揮毫處管草尺書招贊普職親熟聽玉宸鐘夜分更秉金蓮炬只今右府冠樞衡坐運精神驅五兵一烽莫視狼烟燧四海不聞金革聲蒼生願頤待霖雨黃屋便蕃頌異數姓名久已覆金甌東街行築沙堤路江左夷吾望更尊二十四考何足論已見威稜動蠻貊會看勲業照乾坤六十門生焚蕙炷再拜祝公如衛武柱石皇家不計年長容曠質入陶甄

題旌忠廟次王龜齡韻

睢陽截然當賊中嬰城既久糧食空矢死不降有二公青史皎皎書

香山集卷四

一 步 選

其忠國家酒養自建隆上至鸞鷲下熊熊一節一義皆獲通無不昭然簡寒寒建炎多難誰奮躬開門納降何恩恩達官尚爾况因窮嗟嗟唐侯一何雄抽軋擊敵甘命終願以頸血汚刃紅精誠貫日巨雲穹上徹九重達堯聰詔令血食居鎮東激昂臣子忠勇風嘉名千古齊華崧王仙作詩美抗戎豈比爾雅詁魚蟲

次韻王龜齡侍御不欺室

與玄雖非童九齡向來亦既許羣鱗從容撰履飽言論我知公直社稷臣此心炯炯貫白日何止不欺尋丈室霜臺白簡稟乘曉史館誅姦森直筆紫巖先生子張子百世一人嗟已死室中八十四驪珠千載流芳同信史

飲饒王共父分韻得轉字

子猷風味最諸王墨妙文工眼如電憤吟陳雨滴梧桐解道澄江淨知練去年落筆中書堂姓名高徹蓬萊殿至尊動色催除目俾向蘭臺參俊彥要成遠業待時須故遣讀書破萬卷夫何歸思動岷峨目

請題輿近鄉縣學省諸公恨別離擊鮮載酒開芳燕欲澆胸次數日惡刺作林亭百壺餞落花送酒舞繽紛亂絮催詩飛眩轉臨歧那用賦消魂但要修門重會面

題慈孝廟次王龜齡韻

曹娥卓行傳豐碑越人往往貴女兒建炎蔡氏有孝子事比孝女尤瓌奇自從結髮讀書史個儻不受勒與羈迺翁註誤落囹圄疚心疾首泣以悲胡能安坐視父繫朝暮哀訴當旌麾府公儻許贖父罪名隸卒伍所不辭不然奮身事征討赴赴勇力猶可施黃堂沈深身則微雖有誠懇無人知歸來靜默心語口此事感悟當以屍臨河勇決不復顧純孝寧不出天資緹紫上書解刑網言雖迫切身無虧文本理究由一賦孰與捐命如舍命殺身成仁古所罕殆類餓路齊與夷事聞黃屋亦動色亟詔立祠河水涓嗟嗟元應固不朽萬口至今皆一詞東嘉先生好事者作歌登載仍吁嘻異時國史編宋雅人間重見白華詩

香山集卷四

二 步 選

韻得子字

二月二十四日楊廷秀郎中諸友約游西湖余以小疾不至分都城西頭二月尾湖水平堤縠紋起南北山光罨畫中淺深草色磬腰裏羣仙領容泛舸艣黃帽劈波驚鯉鯉中流劇談聞兩岸闔坐題詩動盈紙如繩自足醉朋從餘漉猶能嚮走史當年曲水迹已陳此日美坡歡莫擬蹇予小疾獨不至詩伯索詩殊未已筆已老矣何能為但誦西湖比西子

王丞相生辰

金華千仞摩穹蒼雙溪迢迢碧流長清淑之氣從風翔霜縑霧縠不足當真賢挺生金玉相上擢屈靈薰班香嚼昔視草居明光鴻文大冊歷常揚旣陞紫樞兵氣揚運籌決勝如子房鴻鈞一氣轉混茫相吉崇璟何足方直與夔龍為雁行烟火萬里俱耕桑冠帶百蠻走梯航玉皇案前勤贊襄坐令我宋如虞唐中書事業殊未央二十四考嗚汾陽北堂西母壽而康榮封大國富并疆錦衣命服粲煌煌麻姑

一半鬢未霜亭亭玉樹階
爾房微處擬操書道昌
向來王謝今祇王
十倍江左浩莫量四海
同詞祝壽賜願公壽比
赤松強永作一柱扶
明堂

次韻王龜齡狀元西湖賞梅

乘閒選勝真悠哉
正見千樹冰花開
天寒日暮湖面淨
疎影著水清
無埃杏桃畏寒不敢吐
春榜占作百花魁
廣平無人何遜死
睥睨欲賦嗟
無才筆端游戲成
瓊瑰繁英麗
句關清好不用白鸞雙
飛來要令奚囊出
佳什故遣漁唱傳
清杯西湖處
士骨雖槁一喚暗香風味

次韻逢使君寺丞見贈

冰花零亂飛庭戶
夜色晶瑩似三五
詩仙曉贈白雲篇
便覺清風追吉甫
區區五斗不知疲
故園應有北山移
凍冷不暇搜佳句
千里歸心到鄉樹

贈神童林公滋公澤女神童幼玉

香山集卷四

三

一英二孺同一家
袞袞誦書讀五車
語音姪姪春簾燕
稚齒清便蘭砌芽
聯茵並載驚都市
萬里青雲從此始
兩駒應佩金削刀
雙鬢會作女博士

舍人左史舍人亦以見委因成七言十韻一首

寒食初過天氣佳
帝城名園綠藏鴉
白綿紅雨互飄泊
鶯啼燕啣紛六加
司成領客當暇日
不惜醉臉生紅霞
坐中賓客皆賢豪
一一圭璧無纖瑕
夕郎風采照今古
封駁不貸奸與表
紫微筆語妙天下
文鋒真莫森莫邪
左史聲名動六合
豈特曠昔傳三巴
一朝櫻桃德星聚
離騷可奴玉可荷
蘭亭觴詠僅堪比
金谷歌舞徒能奢
我有一匹好東絹
誰爲作圖千古誇

送楊飛卿回錄

楊侯作錄來成均
野鶴昂昂端不羣
一朝議論不入意
棄擲祿位如浮雲
羣公挽衣留不住
直入茗甞親耕耘
惜吾無力叫帝聞
不能以

侯直諒聞

丙午仲春西湖舟中作

春陰將近一百六
擘絮晴雲新雨足
烟邊芳草碧如茵
籬畔海棠紅映肉
攔攔逗曉出城西
風景如杜曲兩岸雲
光罨畫濃一湖春水
葡萄綠坐中豪俊雜
吳蜀磊落盡書紳
拈腹掀髯一笑浪波間
淋漓衣袂尋碁局
他年想像此風流
應作生綃圖一幅

天台歌

涉海神山誇蓬萊
登陸勝地稱天台
天台枕海連四明
萬峯千嶺相紫廻
赤城繡出綺霞色
瀑布界破瑤山青
神仙居處寸步有
游人白日迷香冥
剡溪昔年有二客
五月此山同采摘
只知采采不盈筐
不覺行行失歸陌
龜腸蟬腹忽鳴饑
傾壺進食欲令誰
山桃一顆垂林畔
共食欬然肌骨換
下山得水澗石中以
手飲之還濯盥
又見蕪菁出山腰
一杯圓轉中流漂
二人相顧却相謂
此地近人應不遙
過溪水深四尺許
又度一山逢二女
韶顏艷色世所無
南國東都何足數

香山集卷四

四

笑喚劉晨阮肇名
相識渾如舊有情
問郎若箇來何晚
遂即殷勤相奉迎
入戶慢帷殊不惡
錯落真珠與瓊瑤
只將左右幾青衣
也勝人間誇綽約
逡巡進脯飯胡麻
瓊杯片片斟流霞
不知仙客來何處
各把宮桃慶女家
歌吹嘈嘈張內樂
顏色有歡情有樂
金鴉飛入向虞洞
客散虛堂掩簾箔
夜深各擁一仙娥
泛泛鴛鴦在綠波
和鳴在自秦簫起
行雨初從楚夢過
瞥然一留因半載
天氣常如三月在
百鳥哀鳴不可聞
感此茫茫愁似海
俗緣半斷身未輕
思歸日有求歸聲
更招女伴作離樂
共寫深哀無限誠
曲終一出山中洞
萬里雲烟空目送
歸來不見去時人
寂寞驚魂苦春夢
子孫雖在不自知
欲尋舊路已多歧
基迷柯嶺難重見
花失桃源空自悲
風流雲散令人惜
至今猶唱阮郎歸

重陽

一年秋色重陽濃
園林上下皆清風
遠山百里削寒玉
平湖十里磨青銅
亦好茂樹翁西北
露枝霜葉紛青紅
枝頭寂寂少啼鳥
天外隱

隱飛征鴻弄月基蟠綠淨中東南况有小垂虹潭清潑盡境更好水
落石出墓難工愛山堂前花作叢疎疎楊柳瘦毛同紅蕉碧桂互掩
映蘆花蓼穉交蒙茸新亭爽塲瞰空澗凭欄一目連七峯州霏霧靄
掃欲盡但見突兀撐晴空攜節更登山椒嶙峋怪石高玲瓏香爐
近出陂陀側雲黃復在南山東水聲激激來澗曲颺颺風響生穆松
菊英莢實籬可採山肴野飯盤能供作詩頗類臺戲焉吹帽未減山
名龍良辰美景樂心賞四者偶并今始逢明朝不問蝶愁絕更飲黃
花琥珀醴

次韻茂恭見寄

中書一揮千萬言有如水懸呂梁間奔逸絕塵不可及蹇欲從之良
獨難如君文字可華國胡為猶在南湖側樊川昌谷縱多才欲以比
君那可得君家紅杏連白榆似向君王得鑑湖水光溶溶浸山色
臺上下如冰壺啓湖蕭瑟逢秋令男呻女吟貧非病阿奴碌碌僅自
全伯氏今亡嗟短命恨我不如大小山徒爾思苦仍辭艱既無擊鉢

香山集卷四

五
夢
選
虞

揮毫敏空媿詩筒數往還

題李氏擁萬堂

我如王恭讀書少君如鄭侯藏書多排籤插架三萬軸知從何處能
網羅上自先秦下五季奧帙隱篇皆畧備不同邢邵懶校讐丹墨精
研吁可貴君不見廬山先生子李子白石房中富文史胸蟠萬卷筆
如神事業文章俱兩美又不見西蜀劉公少常伯今侍講侍郎劉公
字韶美西蜀人也
平生醞芹嗜圖籍傾資盡寫中秘書隨身卷軸車連輓邇來置書事
經綸論思獻納日日新君今堂中書汗牛願君學李兼學劉盡授英
華歸肺腑一鳴便作冲天舉

月窻以所畫觀音見遺為賦一篇

白衣仙人雲海上肉眼欲看唯想像月窻道人孔開貌得人天行
道相吾聞伯時晚畫佛妙處不減王摩詰龍眠久矣寂無人安得却
有伯時筆

硯屏

長江遠浪連天碧岸柳垂垂臨斷石漁舟一葉白頭翁獨把釣絲待
魚食我身猶是紅塵客對此無言三歎息安得綸竿入手來與君同
釣消長日

以春孟送茂恭蒙以古詩為謝次韻奉酬

我家古甕彭亨腹十年貯酒色如玉傾瀉惟須老瓦盆精器便成蛇
著足花瓷脆薄誰能搗遣送君家保不虧雖然金盃未伯仲儻與柳
樽相等夷

悲夏畦案此詩據南宋
名賢小集增人

悲夏畦南畝苗未長東臬草已齊旋令嫗婦辦餉饋獨引丁男耕神
梯悲夏畦炎天炙背如蕪雞渴來不得飲清溪寧知水樹冰山裏猶
自頻嫌日未西

香山集卷四

六
夢
選
虞

香山集卷四

宋 喻良能 撰

五言律詩

題三洞

千古巢仙地嵌空本自然一看三嘆息十步九留連似入華陽洞疑通小有天何時洗塵垢來作枕流眠

三月六日宴李家園亭

林園過元已流水遶芳萊略約半尋影醉醺一扇風杯盤花氣裏枕簟鳥聲中公子敬愛客月明樽未空

郊行

散策林塘路秋聲別有光晦明雲聚散濃淡樹青黃晚覺衣襟冷風吹橘柚香菊花何處有聊欲試重陽

次韻季野弟蠟梅

媚色全勝柳孤標半似梅蕊寒香粉膩香重麝臍開徐筆那能畫并

香山集卷五

夢 選 庚

刀未易裁扶頭中酒味安得一枝來

讀書

傍砌看黃嬾臨池誦子虛願慚雖耗志聊復惜居諸屋上兩鸚鵡波間雙鯉魚疑他不識字何事也聽書

讀玉局集

曉讀蘇仙集披翻未覺勞衙官視宋玉奴僕命離騷赤壁清風遠黃樓逸興高獨嗟生坐晚不得侍揮毫

留別伯壽兄

相過不憚遠相迎慰所思須知對床處絕勝陟岡時夜雨論疇昔秋風惜別離明年楚東景淮擬共題詩

之官桐川道中口占

登道重逢驛離家再及晨雲輕山色曉寒淺鳥聲春碧澗梅花老銀杯竹葉新前途風日好持用悅慈親

戲綵堂有作

揀椒及偏親斑衣聊效蠶旨甘貧有味温清靜無塵北戶足萱草南風宜棘薪板輿多喜色庶不愧安仁

次韻趙景明呈許明府

卜畫開英集瑤林集賦賦賦願慙梅隱吏繆接范萊蕪官柳春猶淺江梅韻亦孤他年想風味應有汭川圖

對鏡芙蓉二嶺相望僅三十里高不知幾百尺十步九折殆不啻蜀道之難也已卯孟秋沿椒過之僕夫告痛已亦罷極困

成小詩

石鏡寧堪對芙蓉不是花險中多虎跡平處少人家曲六蛇行迴欹危鳥道斜白雲宜入望不怕亂山遮

九日同尤司戶舟行遊梅山

令節逢重九相攜鑑上游扁舟浮舳舻左手把螯蚌紅葉明青眼黃花重白頭晚來風色好歸棹得夷猶

題聽雨軒

小軒在官舍不與羣塵并清池浸窗檻修篁礙簷楹幾當迢迢夜聽此瀟瀟聲懷哉對床約輾轉難為情

香山集卷五

夢 選 庚

晚行竹山道中

山瘦溪如練丹青見亦稀亂鴉將影過孤鶩帶霞飛秋色此時老故園何日歸西風吹獨立搔首怯征衣

始生之日黎明以職事出郊

征鞍隨曉色重露濕衣巾誰謂懸孤日翻為執轡辰野花工笑客山鳥故窺人呼酒澆孤悶何心作好春

朝爽之前瑞竹忽生

好竹逾千个數莖忽發生月明連理影風細合歡聲矯矯雙鴛舉脩脩兩鳳鳴祇應三昧手綵筆畫難成

端午至太平寺

客裏逢端午僧廊雨氣涼簷簷千个碧薔薇六花香魯頌程尤遠滯輿興自長糝蒲傾美酒笑入醉中鄉

題九華山用太白聯句韻

千古池陽郡九峯應最華明珠絢晨露麗綺粲晴霞嶺高過子晉巖
腹憩洪崖謫仙無復見空想夏侯家

題建德驛用經略張舍人壁間韻

殘暑塗山去涼風至德來吟餘秋色老客裏菊花開傳舍全依石中
庭半是苔張公有佳句三復興悠哉

新安遇雪

寒色今朝異屯雲萬里同定知花翦水不是絮因風薄宦翻成旅愁
吟未易工白頭親八十留滯楚江東

次韻謝子良咏雪

晚來寒氣重景物故撩人不厭詩雕腎寧辭酒入唇恍驚殘夜月疑
夢故園春欲倩何人畫紛紛飛玉塵

青巖道中

寒食江村路東風野渡航一篙春水碧兩岸落花香飛絮匆匆遠青
香山集卷五

山故故長茲游自奇絕底用更尋芳

周少府由姑孰送予同宿於玩鞭亭

相別古桃郡相逢南豫州五年勞望眼一笑失離愁碧水溪橋暮西
風野店秋追隨成夜宿不為玩鞭留

寄陳孟容二首

先生湖海上餘子詎能班正始清談近黃初美句還相堊半舍外契
闊數年間何日衡茅底匏樽一破顏

細草還堪藉柔荊亦可班馭風如肯過踏月不妨還種藥臨花泚分
流遠竹間眼邊無俗物頗似一瓢顏

廣信道中

昔日題詩處重來續勝游綠陰初入夏蒼髮幾經秋細雨渡頭市孤
烟汀際舟溪山蹤信美翻恨不淹留

次韻侍御晚宿三义口

故里頻懷梓新堤未築沙文章真吏部吟咏許劉叉酒酸孤風物詩

倚隔歲華相思江路遠烟雨苗芳葭

書大洞僧壁

招提闕林麓魚鼓白雲邊地僻疑無路山深別有天幽花充佛供好
鳥伴僧禪何日征鞍暇重來借榻眠

寒食游香山

杖藜隨所適花柳自村村野岸桃臨水人家竹映門香泥飛燕子芳
草思王孫著處堪沈醉春醪正滿樽

郴州祈雨韻

欲解驕陽厄寧辭祀禮繁純誠殫髦英烈仰言言雲陣千屯合雷
聲萬馬奔晚來歸路好飄灑勢騰軒

紫霄宮

間關穿木杪詰屈轉山腰自昔形清夢于今到紫霄容儀粲冰雪環
佩響瓊瑤安得願吳手憑渠圖素綃

香山集卷五

攝邑獄空

番邑於今劇民風自古雄琴堂慚久攝劍獄喜新空纏索塵埃裏柘
楊片段中使君端不擾願我百無功

石井

山石最佳處有泉生石傍虛明秋後月清冷雪前霜鰓井真牛後龍
湫可雁行濯纓仍漱齒政爾不能忘

游西源

萬里西源路秋風屐齒鳴嶙峋千嶂碧窈窕一川清天柱雲霄迥香
爐霧靄輕何當攜翠袖重遣酒壺傾

奉和趙大本教授何處春深好二首

何處春深好春深泮水家不妨頻折角寧復誤隨車已見傾三峽行
看判五花日邊催覲速芝檢紫泥斜

何處春深好春深倅貳家雨低簷外柳風度牖間花有意揮吟筆無
心願麴車慈顏一笑粲戲舞絲衣斜

景德道中口占

德微東方日芳春未及歸路花紅掩映溪樹綠因依鳥語催寒食人烟接翠微尋詩忘遠近細雨濕征衣

由安仁回宿大木寺

御史題詩處山深草木雄一番青曉雨十里錦帆風婆餅林間語山茶葉上紅明朝入於越吟興與誰同

奉酬王宗丞用宿大木寺韻見贈

譽處千鈞重文章一世雄詩工穿月牖檄好愈頭風北嶽關山碧南州荔子紅使君今北海還許一尊同

送侍御遺夔府

朔海番君國江山白帝城凝香餘坐嘯飛詔趣遊征譽處千鈞重輜車一羽輕攀轅雪眉老送日逐雙旌

千古楚東郡風流今在茲魯公元直道文正不為詩鉗吏似束濕麾龍如使兒甘棠足遺愛會有去思碑

香山集卷五

五

西風動行色詩景繞征鞍赤甲懸危壁黃牛瀉急湍猿聲雲背落山勢馬頭盤天險須人守毋辭蜀道難

諸葛仍祠廟公孫只故基棟梁酬夕照雉堞蔓秋葵耿耿登臨意悠悠今古思烹鮮不勞力餘事杜陵詩

四海猶多事中原未版圖皇心思啟沃赤子望霑濡八陣難留滯三階拱進趨茂洪寧有意江左待夷吾

檄檄之上饒言還未幾又復往馬至小渡遇雨遣興一首
檄至方云急吾行敢滯留朔風經小渡細雨過中洲小渡中流有出洲名中洲

再新斑鬢飄飄散黑裘欲知來往久三見月如鉤
九月五日周少府衡秀才會飲吳波亭周有詩因次韻

碧水初微落黃花亦未替三人千里客尊酒五年心我獨年齊白天樂云不覺身年四十七君皆句似陰不妨錯腳坐聊作夜深吟余今年與之齊矣

次韻王侍御夜宿高牙
相別三時久相望萬里賒擔書期過雁徙倚至昏鴉風雨番君國雲

烟蓑子家何時趣歸親重許拜高牙

至日見梅

漸老身仍健多愁鬢易華異鄉逢至節細雨見梅花酒薄那能醉詩成敢自誇何時故園裏徒倚看橫斜

次韻俞尉春日遣興

漸欣長晝煖欲解短爐圍春色已如此故園猶未歸韋編今日事回首去年非鏡裏衰遲色多慚壯志違

留別趙明府

絲棒漫分部牛刀新發硯花城方纔蔭瓜成已餘莢生計雙蓬鬢歸心幾驛亭他日重會面應是眼俱青

初離鄱陽

三年勞簿領今日進歸程意與長途遠身兼薄殼輕板輿頻送喜山驛屢逢晴道上人爭指霜髭綵戲榮

衛右道中

香山集卷五

六

投曉行衛右經旬別楚東侵衣梅溽雨吹面麥秋風壠畝疑烟外峯巒滴翠中懸知鄉井近漸喜語音同

浙喜家居近相望六驛間脫身江左役洗眼浙東山鄉味充初饌慈闈亦破顏經過穀溪水應笑鬢毛斑

村居夜坐讀王右丞山中與裴迪書愛其清婉有魏晉風味因集其語作詩一首亦老坡哨遍之義也

景氣既和暢故園殊可依遠山映清月曲水涵淪漪寒犬吠如豹村春間自機因思曩昔友攜手同賦詩

獨善堂

賞心並四者文史足三餘不作簪紳念唯便水作居佳名元藉藉真樂每如如月旦遺評在今經幾建除

靈山寺

松竹聲中寺山深人迹稀石從林背出雲向屋頭飛野鹿寒仍聚棲禽暮自歸怪來襟袖冷濃翠濕征衣

買舟至九里松游三天竺

解維凌嫩玉輟棹理孤筇游遍三天竺行窮九里松泉聲依石細山
色共秋濃佳處吾能識幽巖倚秀峯

香山集卷五

七
夢
遊
廣

香山集卷五

宋 喻良能 撰

五言律詩

次韻外舅黃虞卿為愛山園好八首

為愛山園好芒屨步步高綠針擗露韭碧箸翦春蒿但得林泉趣誰
能州縣勞何慚王孝伯痛飲讀離騷

為愛山園好芳籬占一涯自耘三逕草不斷四時花柳絮風中雪芙
蓉水上霞銀潢何處是不擬問仙槎

為愛山園好年年草色新醉眠欹柳影吟坐俯苔茵栗里風烟古樊
川花木春誰云無伴侶對影共三人

為愛山園好都無塵世喧穗禾臨芟沼繩草對苔垣去就隨家醞窮
補付寓言還同李長吉來過有高軒

為愛山園好蕭蕭竹迤邐疎簾捲雌霓霓曲檻倚雄風愛酒杜陵老煎
茶桑苧翁菟裘真得計蹤跡免飄蓬

香山集卷六

夢 慶

為愛山園好投閒日日來花時長夜飲雪後煖寒杯一徑松篁影滿
畦桑柘栽未能湖海去幽興亦悠哉

為愛山園好林塘十畝寬露深花臉濕春淺柳眉攢只擬希高隱那
能縛小官壽山誰問訊大白正蚪蟠

為愛山園好紅塵半點無自應成小隱誰復歎將蕪香秫五十畝黃
柑二百株何心隨俯仰歸去亦良圖

次韻劉淳叟見寄二首

九萬垂雲翼胡為乃倦飛丘園聊偃息巖泉故因依蝶翅新酣睡鷗
馴久息機祇應與風景相賞莫相違

出處雙蓬鬢生涯一釣舟淺深山遠近濃淡樹稀稠隱几晝逾靜捲
簾春更幽何當乘興去艤棹向汀洲

次韻季直小疾初愈見寄

睽違續一日懷想似三秋忽得五字句真成一日不憂荷花要同賦竹
徑擬清游明夜月華滿杖藜能過不

二月二日大雪

碧湖二月雪寒氣故裝徊麪市連天合銀花眼開送窮窮不去以俗
正月二十九日送招隱隱難來幸有麪生在何妨略聆勸
窮二月二日迎賓

遣興

山園近寒食春事總芳菲風煖鶉鴉語日長蝴蝶飛花光明醉眼草
色淨塵衣自足家居樂為生未覺非

昔忝郡文學今為宗子師政懷三釜樂那復四愁詩時服光搖日香
頰滑溜匙唯應講風雅儻可解人頤

伯兄由臨海歸省出示近詩次韻奉別

相別既四載相看如友生未成投轄飲先作倒衣迎夜雨方同聽秋
風又獨行不堪分手處霜重雁行輕

重九會飲愛山堂

閒居愛重九賒酒對黃花水榭杯盤瑩家人笑語唾宦情薄秋鶻吟
思繞晴霞向晚歸途好飄飄醉帽斜

香山集卷六

二 夢 慶

搖落徧悲客清寒易中人寂寥那自守淡泊亦殊真浮俗仍皆醉虛
談浪飲醉高歌傲燕市忽憶重千鈞

五舅處士惠訪小園作詩為謝

五舅多道氣相過茹杞苗意行隨綠徑情話竟清宵送酒花飛急撩
人鳥語嬌不堪分手處風雨晚瀟瀟

海上作

晴浪空仍白雲峯遠更青乾坤幾萬里聚落一浮洋自昔聞溟渤從
今小洞庭端如初發覆坐覺病眸醒

再用蔡公長老韻贈詞宗教授

居易青衫舊安仁素髮新愁思中酒聖貧忍論錢神白也詩誰敵潮
平筆更親生辰宿南斗同是數奇人

疊嶂寒溪硯屏

疊嶂千重秀寒溪十里清漁舟朝款乃樵斧晝敲鏗窈窕疑身到幽
奇訝筆精蕭齋凝睇久坐覺世情輕

次韻何茂恭永新見寄之什

起家從吏役寧為食無魚游樂廢山澤
懷歸長簡書文章簿領外風采折腰餘
臥轍從茲始為謀未覺疎

尺書將遠意飄忽渡江湖嘉楮藤溪少
纖毫月窟無封題煩妙札沾

立秋日迺宜論中丞奉懷宋嗣宗

繡斧離朝右羸驂走道周侵星宵不寐
曝日夕初休天地方炎暑山林漫早秋
廣文官舍靜應念汗交流

試院九日次王茂材丞公韻兼呈翁沂伯廣文

秋杪仍新霽天涯憶故鄉少陵三坐客
太白兩重陽深院日復日寒花黃未黃
昔年吹帽飲今日讀書床

筠溪

精舍仍幽處深溪冒淺篁寒聲隨浪起
翠影共航長斷岸通秋月虛簷愛夏涼
雖無杜陵韻絕勝贊公房

香山集卷六

二月五日夜夢何茂恭論詩

不見水曹久相思亦已勤夢中不識路
尊酒細論文家食甘春薺官居采芹芹
何時真會面風月與平分

挽鹽官縣丞何公

先子生辛未齊年見此翁從容六紀內
隱約古人風教子從書積延賓畏酒空
階前桃杏色依舊入簾紅

夜夢亦好園

薄宦思歸切天涯秋氣深一番南國夢
千里故園心歷歷湖邊路悠悠沙上禽
橫枝清絕處何日復追尋

聞東嘉王公得擢學士喜而成篇

四海王夫子精忠簡冕旒詔綸飛渥
禁閣要名流江左思安石朝端欠武侯
命珪兼召節早晚到南州

由真隱至枕峯寺

南國清秋杪長林翠靄重嫩黃千頃稻
深碧萬株榕吹水風前急

名方山雨後濃征鞍何所憇蕭寺枕孤峯

野外初涼冷征衫亦未重檀欒溪上竹
勃窣道邊榕秋意撩人切嵐光潑眼濃
更尋天竺寺却憶此高峯

題雪峯寺

蘭若接闌天登臨意豁然樓臺秋色裏
鐘梵暮雲邊未遂游山興聊為借榻眠
白頭仍捧檄奔走只堪憐

八月十六夜月

一更山吐月萬里湛虛明聊當中秋色
堪欣此夜情西風金盞側香霧玉簪橫
却憶青蓮語寒鴉棲復驚

送廣漕會郎中赴闕奏事

綠鬢懷中詔清秋向上都聖圖方廣大
賢路不崎嶇會見除清切寧須復轉輸
公如任風憲抨劾莫踟蹰

侍太孺人由安國過賢沙至鳳池

板輿多樂事沙路及晴時約略瞻龍卧
逶迤到鳳池飽尊細斟酌

髮足邀嬉此意安仁解醜酣更賦詩

山陰

綠髮經行處重來兩鬢絲共誰論舊事
何處有新詩鑑水春妍蚤蘭亭雪意遲
那人爭指似壽母近期頤

禹帝祠有序

余往來越中廿五年未嘗不致疑于禹陵
以龍瑞之禹穴為是耶則其大會不盈咫
以告成之空石為是耶則自昔以為

葬衣冠皆非陵也淳熙戊戌四月十一日
齋宿祠下向孫簽判次襄夏察判蹈中自
空石登山披榛荆至絕頂見其地正中起
大家前對羣峰下瞰空石巍然儼然真前
代王者之陵

寢也於是前日之疑始釋因相與再拜喜
而賦詩云

幾歲欽文命今朝拜禹陵稽山新雨霽
鑑水暮雲凝更覩玄圭錫懸知四載乘川
靈洎河伯千古獲依憑

有感二首

冉冉新華髮，颯颯傲黑裘。一官方半刺，六十已平頭。稠疊耶溪泛，崎嶇禹穴游。未能江海云，聊作稻梁謀。

再有淮南亂，紛紛幾戰場。血腥官道雨，骨映野田霜。行陣青黃氣，朝廷赤白囊。何時洗兵甲，四海重耕桑。

次韻伯壽兄秋日偶題

漸老良多感，悲秋強自寬。鬢驚潘掾白，衣怯范叔寒。逕合荒苔碧，窻明落葉丹。澆愁須暫醉，忍教酒杯乾。

夜發曹娥堰

孤燈乍明滅，隱約小橋邊。野市人家閉，晴天斗柄懸。秋深風落木，夜靜浪鳴船。却憶前年事，扁舟過霅川。

書堂

每憶書堂好，重來又十年。征途聊復爾，風物故依然。松竹千年暮，雲烟九月天。凭欄佳興發，欲進剡溪船。

九日諸賢道中示興之

香山集卷六

五

客裏逢重九，蕭蕭落葉風。略無花對菊，但有髮如蓬。蕉卷新收綠，楓旗半展紅。登臨語宗武，刺喜一樽同。

道中口占

出郭及初旭，郊原豁寒晴。雲淨空既碧，霜明湖更清。蕭蕭岸木下，杳杳孤鴻鳴。安得陶謝手，作詩替丹青。

空山古寺裏，齋宿值冬晴。塵囂一何寂，心境兩俱清。初月曉霜色，松風夜籟鳴。語闌人未寢，孤館伴燈青。

題隱靜寺

杯渡已仙去，茲山餘勝蹤。傍雲開廣殿，夾道蔭長松。幽洞秋含霧，清溪冷浸峯。老僧如宿昔，一笑喜相逢。

訪何茂恭于南湖何有詩因次韻

相別三年久，相逢一笑時。限邊無俗物，袖裏有清詩。山路梅花早，湖天雪意遲。不眠成夜話，寒月在疎枝。

郎事

亦好經年別，歸來意轉親。橫斜花線練，清淺水鱗鱗。又過瓜時戍，聊娛戲綵身。新添蘭桂圃，近在岸西灣。

紫笑

表裏俱穠紫，冬春獨擅青。每逢天一笑，德壽最喜此花不與素同馨。風味撩吟筆，芳菲入畫屏。幾番饒睡思，聞此灑然醒。

雨餘

雨餘平野綠，耕種滿東臯。處處鞭黃犢，家家買孟勞。筠盤餽糖粒，瓦盃薦溪毛。所願甘霖足，梁間掛桔槔。

謝趙昌父投贈詩卷

趙子有新作，鼎珍初出庖。端能工競病，寧復費推敲。白戰應難敵，清臞亦任嘲。風流前輩盡，試合續弦膠。

三月六日湖上分韻得山字

刺漲三篙水，寬圍十里山。垂楊飛舞裏，細雨有意間。把酒從杯溢，題詩任鬢斑。青春仍暇日，莫惜晚西還。

香山集卷六

六

三月二十六日工部宿直

邃宇近霄漢，微風搖竹梢。漏聲通五夜，鐘韻自三茅。衣袂偏宜睡，杯軍詎用庖。夙興那敢後，雞唱已嚶嚶。

題秀野堂

秀野臨空闊，三堂若是班。荷香平入座，湖影倒涵山。魚鳥丹青裏，雲烟水墨間。他年儻同社，應共狎鷗閒。

奉酬鮑仲山機宜見贈

四海今詩伯，才名許孰儔。波瀾掩顏謝，步驟到曹劉。婉畫參機幕，精忠勤冕旒。時危須戮力，談笑復神州。

次韻陳魯望郎中

筆底詞華盛，寧論大小山。敷腴建安際，古淡正元間。未許窺三昧，時容見一斑。草堂詩律在，風味喚仍還。

溫泉

招提閔林麓，棟宇壓江郊。來作溫泉浴，如逢瘴處搔。綵衣臨砌檉，華

髮對尊朝一笑涼風起紅欵荔子梢

曹務拘綴不及赴張持荷賞梅之約因得小詩寄似

渺渺烟波闊南湖在帝城梅將春共早人與境俱清筆墨探三昧樽
罍有四井未能乘興去遙望目增明

題郭邵州同塵菴

榮辱酣歌裏賢愚睡眼中未應分野馬那復障西風宴坐從凝席揚
鞭任輭紅巖樓兼鼎食處處不妨同

臘八日雪參議林郎中有詩因次韻

玉樹參差見銀花子細看淖糜分臘序圓炭度朝寒參議餉蠟燭
府公分圓炭
冉頭新白匆匆歲又殘聊憑一杯醉忍把兩眉攢

香山集卷六

七

宋 喻良能 撰

五言律詩

次韻李大著春日雜詩十首

春晚饒芳景官閒得細看
隔窗黃鳥並開卷壁魚乾
過雨蒼苔濕迎風翠竹寒
髮華搔更短斗酒自相寬

漫仕歎遲暮卜居城北偏
已教山白石祗欠沼清泉
簾透一簷月窻橫數尺天
雜花還映竹故故自芳妍

賤子知何幸萊衣老更斑
白頭居杜曲清夢到香山
山名琢句愁雕賢銜杯喜渥顏
此身慚暮翼飛倦不知還

娛親須寸祿匠院敢辭留
煩媿花經眼還應草喚愁
身唯親布被交已絕牙籌
詩興抽毫足無勞入海求

花日淺明牖竹風低度牆
舉頭空弱絮轉盼墮危芳
興遣憑毛穎愁消賴羽觴
陰陰繁夏木故里耿難忘

香山集卷七

步 選 虞

借居仍種菊往往似天隨
日永三春酒燈明午夜棋
閒臨永和帖細誦建安詩
潦倒同中散歡欣似啟期

帝里春仍好和畫漏遲但懷三
釜樂違恤北山移老大諳
班戲空疎愧色絲平生杜
陵老耿耿寸心知

屯雲初解駁曉日有晶輝
城郭紅塵輒江湖春水肥
小舟浮綠淨芳徑步喜微
起我故山思多慚未拂衣

紫髮已垂頷故園猶未歸
烏聲思磴道柳色憶荆扉
嫩綠枝頭暗殘紅葉底稀
幾多新乳燕一一出巢飛

二載違粉社全家客帝都
濁醪充上頓清俸付中厨
親老唯須養皇恩詎敢孤
道遙處山澤未忍學仙臞

次韻王龜齡春日湖上

春日花茵積雲開天鏡磨
暖風今日好細雨向來多
柳陰青絲障湖明金叵羅
何辭成醉倒烟草藉晴坡

雜春伯以呂居仁集寄似作詩為謝

平生子呂子妙語總關心
忽得詩三百端勝書萬金
惜惜醒睡眼炯炯煩襟
何以報嘉惠空慚綠綺琴

六月二十二日夜省宿一首

省廬頻宿直何異在承明
地峻江聲近風輕荷氣清
鬢毛眞騎省詩思小陰鏗
記得山村日馳情向玉京

印印詩有序

予在工部嘗兼屯虞三印
去歲八月一日暫攝奉常
三日復暫權禮部又兼二
印爲五信宿乃生印印故
以命之生八月餘而卒今
歲仲秋五日蓋其周晬憶
而成詩

印印秀而好明眸冰雪膚
逢人賞岐疑問字識之無
若有萬金藥眞成千里駒
空花今已矣昨日一長吁

十一月二日與陸明府陳
廣文黃使君吳都曹江廣
文同飲于閔中堂修年契
也酒後耳熱因得小詩呈
似

菊色猶黃處梅花未發天
三山千里客一笑六同年
公等多朱紱予

香山集卷七

步 選 虞

方乏坐瓊清談仍痛飲應
作畫圖傳同德坊寓居

天地方搖落江湖入夢思
三爲京輦客十見歲華移
臺金闕直蕭素髮垂殘年
飽喫飯細誦少陵詩

檢書偶見故王侍郎嘉叟
舊與予倡和之什良用慨
然因題四韻

文字名三世精神運五兵
徒看遺墨在却歎曲池平
浙右頻犀塵江東幾兕觥
倡酬今已矣撫卷淚縱橫

挽高宗皇帝詞

扈從浮江日憂勤立極初
八年躬甲冑萬國混車書
治定端無競功成自不居
休明逸與夢華胥

天地重開闢民人拱德馨
奎文贊元聖宸翰列羣經
禮樂盈三紀光華亞九齡
龍髯攀莫及臣子涕交零

入局言懷

學省清秋好無塵意趣長講餘簾影靜坐久綵衣涼未有神王族真
成耗太倉顧漸麋鹿貨亦許玷朝行

寄宋子淵運使

對閣思槐市成規媿奉常六年談笑阻千里夢魂長將漕衣仍繡空
餐餐已蒼何當奉屋塵風月要平章

判院蔡丈和子五詩次韻一篇奉酬

病起驚華髮官閒覺素餐文章慚李益名譽羨蘇端老去觀書懶愁
來避酒難非關作詩苦自爾帶圍寬

黃講書太器見和五詩次韻一篇奉酬

客瓊寒莫致官舍總蕭然睡思茶甘外窮愁酒力邊未成投轄飲時
作撥書眠野鶴如雙鬢衰遲祇自憐

獻之大著得子喜賦以詩來謝次韻奉酬

奪袍吟處筆墊角雨餘巾黃絹才無敵青藜杖有神將乘桓典馬肯
受庚公塵老我知何幸窮途獲卜隣

香山集卷七

茂林見訪有詩次韻奉酬

解鞍揮玉塵臺臺笑談清昨夜燈花喜今朝乾藹聲與同狂秘監詩
似老彌明憶昔南臺北相逢蓋始傾

陳彥山見示新詩次韻奉酬

山園寧厭小閒地只如馨木落長天碧雲飛遠岫青故人應見憶新
咏許時聽句好何勞琢雖搜不用冥

題周希稷清閣軒

之子蘊琅玕幽軒足考槃籠葱烟翠濕瑣碎日光寒似向蘭亭見全
勝墨本看是中雖信美未可懶彈冠

喜雪

同雲生舊臘積雪入新春野色連滄海歡聲動紫宸峯巒朝掩映樓
閣夜精神莫展山陰畫雖工不是真

贈陳宜幹

嗜古心切尋詩句益工十年江左別一笑日邊同補外吾天幸懷

歸子道東好為旬朔款解榻待春風

侍親出三山還京陽

南雪不到地玄冬偏滿山春風仍料峭綵袂正爛斑廣厦千間靜虛
空一宿聞此身如羽翼飛倦始知還

文舉仙尉以詩寄似兼惠新安紙乳洞茶次韻奉酬

閉戶鶯聲老開緘鯉素新多情青眼舊遠寄白頭人佳處水天蘭芳
芽雪洞春著書兼破睡勒謝敢辭煩

題雲黃山寶珠寺

彌勒下山地溪山秀且長蕭蕭雙樹碧冉冉片雲黃曉日飢稜淨西
風松桂香十年疎杖履玉石耿難忘

編圖

孟夏歸園好山花高下開風歛紅芍藥雨重紫徘徊衣染香邊蕊
粘綠處苦鶯歌兼蝶拍時送掌中杯

山園多勝踐縑繞磬湖濱畦藥青生甲湖波綠動鱗鷓鴣知欲雨鴉

香山集卷七

真報將屢却憶京華日長懷浩蕩春

題何茂宏茂恭林堂

華堂闕林樾林秀水泉甘野色袁家渴秋聲鉅錡潭二難今有此四
者許誰參他日承明直懸知憶翠嵐

月桂堂

月桂堂何有池清桂影橫畫圖寧辦此玉斧巧修成入夜境逾妙
秋風又生饒陽巖石下隱約欠分明

二十五兄宜義見招借諸弟赴宜亭宴集即席有作

酒新亭好松長桂亦稠清秋集鴻雁暇日勸觥籌既遠含香直何
辭秉燭游主人情義重終宴不知休

錦園雙桂植之二十八年未嘗著花今忽盛開紫趺黃蕊所未

曾見喜而賦詩

曠昔栽雙桂于今四七秋紫趺香冉冉金蕊色浮浮標致殊他桂風
流最華收無才強摹寫著雨故難道

八月十三夜仲季二弟弄月亭對飲

金宵端正月故故向湖山玉兔窺杯白冰娥怪鬢斑詩情用里逸酒
膳夏黃慳與罷度橋去天風松桂間

次韻程觀過夜飲靈濟祠下

松月瀉清影爐烟凝宿雲祭燈寒照席尊酒細論文清漏轉三鼓芳
杯酌十分絕勝銀燭裏妙舞看榴裙

送朱師古少卿歸蜀

西蜀多賢士於今見奉常十年方出守萬里好還鄉峽水冬無險河
圖晚有光臨歧分手處正爾不能忘

丞相王公挽詞

炎統中興日淳熙翊贊功憲邦同吉甫符且類周公一品恩榮重三
朝禮貌隆欲知勲業盛請眎鼎彝中

維嶽鍾英粹與王有俊良文章周衛武書考郭汾陽調燮民庸茂爾
縫主道昌中台一宵拆四海淚滂滂

香山集卷七

五

曠昔翹才館疎庸獲履游衮衣無傲色吐握有勤求輔弼十年久雍
容片善收至今天下士語及淚交流

丞相大資葉公挽詞

雙溪鍾地識一相破天荒道至黃扉重勳由紫府昌堤成歡百辟台
斯泣羣方盛烈銘鐘鼎千秋耿不忘

德望堂堂重威名凜凜寒三年衮衣祭四海寸心丹綠野悲裴度蒼
生憫謝安白頭賓客在慚痛淚闌干

挽商元鼎

舉世方貪祿斯人祇自怡一官如涕唾半世足遨嬉心地以千頃生
涯酒一卮唯應郭有道吾不媿為碑

挽黃泰之

漢世無雙價皇朝第一流文章驚北闕名譽滿中州槐市師模遂蘭
臺史筆道所嗟時未合不作濟川舟

祝樓士時

平生易諸子向我獨拳拳雪屋傾銀筍春風並錦鞵笑談多竟夕契
關未經年來作生芻莫羨涼涼涕泫然

挽唐立夫舍人

才名振西蜀老氣益中州草制造整諾籌邊動冕旒已合榮壓角復
遣飲邀頭千古九江恨長隨逝水流

挽石似之郎中

幾作儒林冠親承帝渥隆雙旌大江右一節古吳中列宿英聲在浮
雲舊事空無從挂吾劍老淚濕西風

挽國史侍讀李公仁父

大名垂宇宙秀氣發岷峨學比淵雲贖才方買馬過九朝資直筆二
子振賢科已矣流芳在千秋保不磨

挽處士陳容

乾坤身老大邱壑跡逶迤不在安車召誰為薦鴛詞平生五千卷身
後寧馨兒他日編遺業應多感遇詩

香山集卷七

六

歷數鄉閭老誰知德齒尊無心游魏澗有意樂丘園漫不雷三釜眞
堪映九原涕淚歌楚些已矣莫招魂

挽李靖康少傅夫人

九月秋光急山川苦霧迷卜切新隨啟度鞏短簫齋寶劍知終合靈
蟾已隕西松門來會葬車馬幾千蹄

板輿曾至鄭靈輅此歸周馮鶴雲將夕亭亭月正秋九原開附穴故
土覆新丘歲宴寒松下茅苦孝子留

挽湯丞相漢國夫人

七秩芳名盛于今等逝波承天登宰輔看子掌編摩鳳去青春獨鸞
同紫誥多他年彤管史兼述采蘋歌

香山集卷七

宋 喻良能 撰

七言律詩

春水

碧湖春水夜來生曉起雷聲逗雨聲去馬來牛心莫辨鷓鴣鴻鴈眼
俱明飄零花片有底急搖曳柳絲如許輕旬月烟村半風雨榆錢好
爲買春晴

次韻送季直弟入越

積雨新晴耳目醒長堦柳色靜閒庭已看桃萼胭脂濕未有楊花雪
片零客路汝應懷稚子家居吾亦念樵青須知兩地無百里不用腸
關腸斷聽

一室

陰陽一室冷兢兢燕坐何曾病鬱蒸只擬綸巾待羽扇未須赤脚踏
眉水滿盤碧玉初投箸一榻清風更幽肱掃地焚香涼到骨疎簾何

香山集卷八

處欲揮蠅

記夢

小窗幽閣睡初勻夢到鈞天侍紫宸盤號拍桃眞異器果名黃棗豈
常珍殊恩併泮鶴原弟美味初嘗鶴髮親願竭精忠圖報稱覽來肝
膽已輪囷

次韻伯壽兄宿華藏有感

水淨溪空峯更青目雖未到已先明棟浮萬縷晴雲細軒擁千重夏
木清幽興入門應自適殘樽下馬與誰傾老僧齋罷唯須睡不信人
問有月評

曉霽

夜來細雨暗冥冥曉起秋容入畫屏水色靜涵天影碧林梢微露濕
峯青嫩黃稼卧橫縱畝老翠柳拖長短亭一胸西風醒睡眼端如痛
飲讀騷經

題編川驛指秀亭次張明府韻

一色蒼波百頃烟道指橫簷覆華椽從來好景無今日何限清詩似
昔賢把錢有山來酒而凭欄無路到愁邊我來正值雨新足芳草芊
芊綠滿川

次韻趙禹平春日書懷

草色青青二月時物華雖是我廬非日明院宇燕相語花發園林鶯
亂飛無數小桃初掩映幾多垂柳自因依春風十里歸吟筆未用羅
幃繡幕圍

八月十四日亦好亭過月不至分韻得秋字

亦好登臨似庾樓是中風月最宜秋素娥欲赴經年約行雨潛分一
段愁聊復飛鷺追勝賞何妨秉燭事清游明年此夕看明月千里相
思楚水頭

次韻魏知機秀才梅花

東君調護亦多情瘦比夷齊徹骨清有韻綠毛詩倒挂無塵白鷺可
同盟未應桃葉能稱姊若齒山樊定是兄何時故園頻入夢疎枝新

香山集卷八

賞玉谿晴梅川有玉溪梅

謝張使君惠簞

瘦玉敲風翠幹長織成清浪滄浪浪封題尙帶鄱江潤卷贈猶餘燕
瘦香竹笛當年同秀質桃笙何處避寒光微軀詎足當珍賜持奉親
闈枕扇涼

送張使君

桐川風物最三吳刺史循良繼兩都但見賣刀還買犢誰知有袴本
無襦來時竹馬迎兒輩去日棠陰遠舍隅攀轡車轅留不止他年應
作祖張圖

寄題梅山

平生滿耳說梅山十里荷花繚繞問宮女三千顏綽約縞衣十萬絲
欄斑瀕江景好圖難盡飛鸞詩工語莫剛定約後期窮勝賞不辭和
月棹船還

寧川

平生滿耳說宣城人境雲烟照眼明
過雨偏濃千嶂碧未秋先冷數
溪清細看菡萏波間色時聽綿蠻竹裏聲
不是多才謝公子江山猶解發吟情

再用前韻

晚驅羸馬背重城曉度層巒淡月明
醉與別愁相喚醒秋兼詩思一
齊清舞風繁夢堤邊影泣露寒草際聲
欲駐征鞍聊小憩敢將王事徇私情

秋浦試院奉和馬駒父見寄

也知融帳多餘暇欲往論文偶未遑
棄置七何投轄飲經營俱下讀
嘗行子雲但覺玄猶白元亮應欣菊已黃
辱贈清詩不知報剩親燈火趁新涼

由當塗回宿齊山用杜牧之韻

一望雲烟與欲飛晴光聊復步
嘉猷幾年想像空懷古今日登臨自
送歸寒菊有花宜請節澄江如練憶
元暉夜深靜坐清人骨巖影侵

香山集卷八

塘月滿衣

九月青陽道中呈張主簿

重陽時侯在青陽野店山肴對
翠觴菊蕊半開簪髮好橋包初破
嘆人香西風有意吹紗帽細雨無
情濕錦障但得一樽相對飲不須更
問是他鄉

謁太平興國宮

平生耳滿太平名今日身親謁太平
道子畫圖形未泯盧君山水眼
初明雨餘翠滴千峯色秋半寒生
萬壑聲扣石當年開洞府儻容凡骨
到蓬瀛觀門之左有刻越石骨到蓬瀛乃康俗遇仙處也

八月十五日夜試院散月呈葉判官徐教授蔡主簿

西風細逐桂枝生秋月圓從屋角
明歡伯向人端有意素娥於客亦
多情試吟飛鵲南枝句更聽春蠶
食葉聲從此塗山添勝事四翁相
遇四難并

亦好園梅花

一別經年身未曾
衡寒相值意凌兢
肌膚姑射仙人雪
品格中山孺子冰
清淺池塘春未動
黃昏離落月初稜
從來白倚心如鐵
被惱如今似少陵

次韻茂恭元日大雪

逗曉寒幃著綠衣
忽驚庭戶有光輝
綏將柏葉隨觴舉
細看梅花伴雪飛
阿堵無心來潤屋
詩仙有句到柴扉
酒酣笑共兒曹說
去歲如今歸未歸子去歲元日登攝邑委運未還作倚也

柳季修知丞以詩見貽次韻為謝

古木陰陰繞屋廬
官居端的似田居
詩清子厚龍城句
字瘦誠懸殿壁書
那復有心追四至
只應無事富三餘
一樽開論金罍事
為笑紛紛竭澤漁前此修嘗與子論及

送交代李丞元鼎

藍田松下日棲遲
不比韓公作記時
鶴首千行攀別淚
牛腰幾軸送行詩
我無楚尾歌來暮
君有齊民頌去思
自是中年多作惡
不堪烟

雨話分雜

春盡偶書

溪流如帶碧紫紅
滿地閒花雜野蔬
濃淡柳陰三月暮
淺深山色晚晴初
頗驚井落家徒壁
却喜盤殮食有魚
獨魄健啼春又老
揮鞭吾亦憶吾廬

題顏范祠堂

聖宋神唐兩鉅人
高風勁節許誰倫
聞自昔宜雙廟輪
奐於今始一新
破敵威名優魏國
偃藩功業過張巡
後先來作江城守
俱障西風避庾塵

冥餞逢寺丞口號

一扇清風自楚臺
公堂葱鬱玳筵開
旌幢映座千峯日
鼓吹喧天萬壑雷
秋水幾行揮玉箸
春葱千指送金杯
甘棠不獨留遺愛
會見翻為調鼎梅

捕盜至栗洪嶺下道人菴滯留數日遣興

亂山深處小溪隈夏木陰陰水半回
風聲斜對青竹雨枝低重弄
黃梅濃愁難辨新詩語吉耗聊傾
濁酒杯戲絲老人須強飯玉鈞兼
吐即歸來

題開先寺

少年魂夢到廬山今日親遊費已
斑聊復揮毫吟紫翠未妨拄頰對
屏顏遙看飛瀑三千丈近去青天
咫尺間不為白雲頻屬念應游此
地不知還

壯觀端宜冠九州未應萬壑敢爭
流盡將銀漢為懸瀑一洗紅塵變
稟秋白雨廉纖飛迥野玉龍天矯
下靈湫廬山處處雖奇絕不到開
先未是游

鷲湖寺

在鄱山縣舊名仁壽院以鷲湖山得名

長松夾道搖蒼烟十里絕如靈隱
前不見素鷲青嶂裏空餘碧水自
雲邊埃氛斗脫三千界瀟灑疑通
十九泉五月人間正炎熱清涼一
覺北窗眠

香山集卷八

五

水鳥飛來一問津壁宮珠塔便紅
塵開基古佛留遺像盡日奇峯列
眾賓芋火擁殘知永夜霜鐘遞起
響初晨川途渺渺驅塵駕回首林
泉悅野人

游西源於白雲峯下烟飛霧霽間
逢一女子縞裙翠袂玉雪可

念同遊十有二人遂共酌酒於大
石屏季直弟有詩因用其韻

相攜攝履響層巒翠蔓蒼蘿著處
蹙身在天台秋色裏路經巫峽暮
雲間欲飛還付一仙子似淡如濃
雙道山笑盡一樽無處覓斷腸霧
鬢與風雲

西禪寺

修廊千柱壓城陰山並廬山勝二
林六月簷楹無暑氣四時山水有
清音鳥飛不盡上方遠鯨吼希聞
別院深更欲題詩發佳境泮林講
說總關心

余卧病數日意思殊昏昏中秋強
起陪老人把酒對月不敢睡

唇吻思去歲在富塗試院與諸公飲酒賦詩又一載矣因成長句

楚水塗山各一涯今年還似去年時
古來明月皆如此我試停杯一問之
丹桂飄香知有子飛鳥逐相似無枝
直須看到冰輪昃忍負姮娥隔歲期

次韻戲絲老人重陽懷故園作

瀟灑秋容稱後天丹青端似倩龍眠
故園綠竹應今日異縣黃花又一年
微祿祇堪供菽水菲材焉敢擬淵騫
日來王事欣多暇聊向樽前一粲然

送閻紫微歸蜀

曲江分袂十年中一笑相逢楚水東
西掖列花知思湧南塘哦竹坐詩窮
秋風但覺餘艤駛畫繡何妨畫戟雄
道過夔門王內史為言雙鬢已如蓬

寄周彥禮知丞樓文舉司理

香山集卷八

六

從容里閨待時須二老風流孰與俱
還善節香如故否望雲迎月更佳無
濃寒凜凜侵衣袂薄雪斑斑入畫圖
欲把一杯論舊事五年魂夢隔江湖

次韻伯壽兄見寄

江國疎梅吐玉英故園相見木欣榮
二年鴻雁碧雲間千里江湖春水生
冉冉池塘應入夢瀟瀟風雨若為情
行看戲綵青萱發準擬芳樽相對傾

二月十五日陪府公出郊勸農

兩過郊園草色勻元戎小队出城闈
聊穿阡陌溝塍路徧勸耨種穀種
種人紅杏梢頭春意好綠楊深處鳥
聲新此行端為勸農設肯學醜黜吐
錦茵

陪曹使君牧馬寺勸農

朱轡小队出郊坰風捲濃陰作快晴
夾道老人迎五馬騎杖黃鳥避雙旌
參差麥隴雲屯重零亂梅花雪片輕
勸課定知非小補扶犁攜

餽趙濟耕

次韻木蘊之狀元見寄之作

水繞星山木繞廬江城孤絕正愁予鳥言為吏居篁竹鳥鬼得魚歡
里闕照眼梅花寒皎皎關心烟雨晚疎疎真仙多謝遙相憶長句新
詩細字書

登五峯亭望廬山

平生廬阜去無因咫尺于今不得親願我塵勞四十九美他消散二
仙人太白四十九遊廬山東坡曰會當拄頰看山色更欲題詩滿瀟瀟
瀟瀟為報草堂蓮社友掃雲開戶待游輪

詠月

何年玉斧巧修成半似明生半魄生易使飛鳥來匝繞難將老蚌數
虧盈吳郡賦蚌蛤珠胎與月同虧桂枝不逐秋風老水影長隨夜氣清曾是廣寒
宮裏客舊遊重訪更含情

陪通守李文出郊

香山集卷八

出郭旌旗及曉晴朔風凜凜水泠泠堵精野老瞻泥軼冠劍長松拂
屏星破臘梅花強半白先春草色未多青經行肯為遊觀美王事馳
驅不敢寧

曉行霜重如雪

霜重寒威一夜加曉來人跡板橋斜已看白雁來千里想見青州滿
百花何處菊枝猶復耐故園橋味定堪嘉慈顏正念征裘薄歸去道
堂笑語譁

挽施州使君鍾公

弱冠為儒世所推中年事業更瓌奇才名屢致諸公薦議論深蒙睿
主知郡政堅強同薤本行囊蕭瑟似琴龜只今惟有清江路父老相
逢說去思

香山集卷八

香山集卷九

續金華叢書

宋 喻良能 撰

七言律詩

東歸

無邊春意正冲融十幅歸帆到浙東
照水杏花紅翦翦弄晴楊柳綠
茸茸風光併入吟毫裏山色都歸醉眼中
說與林間子規道丁寧不
必向東風

東歸見梅

老大無堪鬢似銀虛名猶復玷簪紳
久為碌碌趨朝士暫作栖栖去
國人行李衝寒歸故里江梅偷暖報新春
萬鍾於我何加益三釜新
來喜及親

草堂成即事二首

三年留滯江之南歸來故園瘦亦甘
經理草堂唐實應耘鋤荒徑晉
陶潛寸心自昔似南入雙鬢祇今如謝
三手栽楊柳既合抱木尚如

香山集卷九

此人何堪

燕雀桑麻五畝勻香爐峰下磬湖濱
青衫不礙兩居士白髮真成六
老人兄弟五人皆二毛子美浣花元不
惡淵明栗里總宜貧作詩飲
酒真吾事回首江湖懶問津

亦好園即事

誰將春色到山家湖綠平堤草滿沙
細刻眞酥水仙蕊勻搓絳蠟海
紅花芳林得日鶯還轉香徑無風蝶自
斜聊與後生修故事未妨詩
酒作生涯

亦好園春晚再用前韻

境淨山明別一家幾多垂柳裊平沙
閑中牽夢一池草空裏愁人萬
點花細雨朝朝兼暮暮淡烟整整復斜
斜綠陰青子眞堪畫滿意春
風磬水涯

經理西山同一客二弟姪輩侍太孺人游觀聯句

西山仍復露西臺石運嶠崎此日閒
竹枝相邀七八客

時爾兩三杯文傑慙慙腹如飛伯宗石轉山腰若隱雷仲文敬侍慈顏
供一笑之波陀坐隱興悠哉直季

春興

日日春泥妨杖藜一聲何處子規啼
紅將滿地花空委綠盡前山草
正萋已辨篇章書側理可無杯棗捧柔
蕙情明過後芳非少桃李情
陰欲滿蹊

侍太夫人拜掃先登季直弟有詩因次其韻

東郊雲氣曉疎疎十里相攜羣色初
林樾盡頭聞杜宇荇絲深處見
王餘提燈相勸仍沽酒扶杖來觀或荷鋤
不向如臯開射雉眞成一
笑榮潘與是日別婦不同
行唯奉板與爾

次韻伯壽兄中秋歌月

中秋自古月華好何況浮雲掃碧天
不比尋常三五夕須知激澗十
分圓畫簷影轉猶宜飲銀漢輝斜未忍
眠却憶年時今夜裏獨將醒
眼對嬋娟

香山集卷九

東軒即事

嘯傲東軒得此生平章物理憶淵明
晴塘灑灑起萍浪夏木陰陰求
友聲聊欲庶幾三不惑誰能復較四
難弁旋燒蟹眼烹鷹爪啜罷呼
兒課二京

寄陳教授士廓

去年同宴小重陽香霧霏霏橘半黃
楚尾吳頭雙妙麗菜枝菊蕊總
芬芳十分滿酌白衣酒兩袖濃攜燕
寢香回首至今如夢寐暮雲烟
浪正微茫

重陽遣興

秋高身老少陵悲不獨雲飛雁亦飛
紅葉色深偏照酒黃花香重欲
沾衣絕知落帽歡娛好最奈登山伴
侶稀強插茱萸修故事未妨醉
眼送斜暉

亦好園江梅變紅仲文季直二弟有詩因次韻

蕭蕭亦好耐寒枝天與風梳一段奇
刻玉不惟工傲雪施朱錦欲妙

凝脂佳人頰頰今纔見公子酡顏頃未知便好作軒名頓有二難聯
壁賦清詩

雪中賞橫枝梅花

橫枝梅花最先開影著清淺無纖埃壽陽妝額依然在姑射冰肌何
處來無數雪花新點綴幾番霜鬢獨徘徊想見懷安官道側十里潔
白如瓊瑰懷安道中梅
林綿亘十里

戊子除夕追和陳簡齋除夜一首

世事年來已飽更百年今夕兩分平臆間熾炬俱人矮餅裏梅花照
眼明瓦屋三間聊足喜鬢霜千丈總堪驚明朝同上西山望應有江
湖春水生

次韻季直弟春日雪

休驚雙鬢二毛加且喜東君發物華未向林梢開嫩葉先於簷際舞
飛花風鬢正好書春帖蟹眼偏宜試露芽便欲扁舟訪安道不堪山
驛水程賒

香山集卷九

次韻和夷仲節推陪府公游北山

紅蓮猶得愛青山翠木蒼蘿處處攀雲水窟中聊假日簿書叢裏暫
偷閒帷帷車乘春同到燈火城門夜未關我亦林泉曾俯仰只今雙
屨又塵寰

題祥符寺靈山閣

一倚危欄已快哉俯看屏障掌中開江間碧浪循城去天外青山入
座來隔岸幾聲聞鼓角傍林千簇見樓臺白雲只在孤飛處西望開
心首重迴

武夷山

仲佑觀前水紺色昇真洞北山筍攢羣峰不斷四時翠萬壑長流九
月寒溪上桃花引漁子雲中仙犬逐劉安平生飽識佳山水直作東
南第一看

天中節望闕口號

日永涼生殿閣風需雲冥衍慶流虹明良叶德千齡遇臣妾傾心萬

國同葵影煖隨義馭轉榴花高映御袍紅西踰葱嶺東遼海長屬堯
封禹貢中

試院次韻馬駒父見寄

華髮蕭蕭知更稀回頭五十四年非花添病眼正臨卷香滿故園猶
未歸止酒獨醒陶靖節寄詩相憶謝元暉若爲比得新篇美西蜀江
頭錦一機

試院七夕

過雨秋風灑客裳長廊廣廈更清涼不看雲際癡牛女細讀文中古
戰場病骨未輕聊把酒時苦臂疼詩情欲適旋焚香敢辭秉燭分清
夜猶記橫黃昔日忙

酬陳每講會甚盛

入郡經生滿鐘堂那能斗酒博西涼晚年刻意立虛講蚤歲留心翰
墨場憐我無種寒坐客分公燕寢舊清香相逢一笑寧多得歸去匆
匆有底忙

香山集卷九

司戶李巖詹和子虛山詩二十一篇作詩爲謝

東野龍鐘誇白首巖詹雙鍊事清修胸中似有九雲夢筆下倒傾三
峽流和我七言情有味能令三伏凍生秋當年盧阜賞心處恨不攜
公九日游

題馮家洞

空巖寒氣凜競競入戶神清思亦微似應如飛聲頃洞已垂未落石
峻嶒深於幽谷藏冰室險過文王避雨陵刮蘚磨崖書淡墨勝游聊
復記吾曾

校官廳新栽巖桂

不將官舍等逆旅故把霜根栽繞牆他日花開映秋色何人手折惹
天香丁寧護取森森碧想像勻排粟粟黃願我疎慵百無取未應人
錯比甘棠

參議李郎中見和次韻奉酬

頃歲題名曲江院及肩曾許亞宮牆胸中闊貯雲夢澤筆下濃薰班
馬香省直舊滯衾半白除書行見紙新黃和篇如出少陵手誰謂無
心賦海棠

再用前韻呈參議李郎中

獨冷官曹有底忙經旬不得造門牆雨添垂柳絲絲碧風攪飛花片
片香願我推頽如病頽羨公騰踏勝飛黃新詩迥出南豐右不是無
香似海棠

寄張君玉

橘亭一別五回冬俗寐何曾置此翁二十五聲秋後點八千里外月
明中夫君不寄平安信而我方棲簿領叢三峽江高天共遠側身西
望興何窮

次韻周希稷詠芭蕉

經年不接故人書閉戶逢渠了不殊誰運七輪風裏扇時跳千斛雨
中珠退之有意吟山石摩詰無心作畫圖為愛青青無俗韻故教移

香山集卷九

五

植傍庭隅

次韻葉省幹重九樓上言懷

水落魚龍已退藏小樓蕭爽袂衣涼山雲雨過無窮態巖桂風來不
斷香已分文章成白豕擬將富貴等黃梁嵇康潦倒真無取豈復眉
開一點黃

送洪右史赴召三首

胸蟠補衮五色絲筆驅波濤三峽詞上追班馬真輩行下視燕許如
兒嬉拙工廢繩那足道巧匠束手今當施前途着鞭政須急玉堂獨
步非公誰

驛公勿徐

長公前日辭揆塗少公今日被鋒車路人共指拜內相天子久欲登
鴻儒黃麻端擬似經訓金蓮不獨榮傳呼如聞書詔正填委北轅疾
驅公勿徐
月宿南斗窮何遺爬沙脚手鈍可哈一生冰清但據牀兩鬢雪白猶
塵埃達人疑劍未免披夷途薦敷誰當推公平行矣斷圖論能忘料

理忍窮枚

由建寧回三山道中重陽

征鞍初自富沙還亂葉殷紅點碧山客裏黃花驚度節鏡中白髮巧
催顏三休磴道惟頻歎一飯茅簷得暫閒為想成均新榜帖阿奴才
力勝黃間

通判孫宗丞分餉温柑次馬撫幹咏橘韻作詩為謝

珍果分柑不作疎李衡千顆直堪奴初嘗簌簌泉流齒未摘青青香
滿株可是騷人憐楚樹祇應仙種自蓬壺龍城當日親封殖還有霜
苞似此無

園中口占

春鋤野晷疑水鄉湖陰山色仍蒼蒼西風三徑有佳致荒雪橫枝多
暗香長統遊戲自足樂少游贏餘非所望開林貼石爽未已瓜時逼
人須趣裝

聞交代將至喜而成篇

香山集卷九

六

三年泮水冷無龜贏得蕭蕭雪滿顛晚景不妨供綵戲他鄉安敢廢
詩篇賸將杯酒澆行色速賃雙輪擔近編任是身歸落雁後鄉心先
抵磬湖邊

府學職事置酒九仙以餞予行

玉友金朋三十三攜尊相屬向晴嵐含毫共賦黃初句揮塵仍追正
始談再用清烟噴白澤更霏香霧噴黃柑俊游勝事真堪畫華髮飄
蕭祇自慚

鉛山

三月春風暖更飄滿山嫩綠正嬌嬌幾聲勸我脫破袴何處撩人婆
餅焦甘旨僅能供素髮埃未有答皇朝吾廬漸近亦堪喜試把白
醵傾綠瓢

中秋終日霧雨予還自都下宿分水嶺夜漏約七八刻月出烏

飯草薦山之東徘徊臆臆間欣然把酒對之因賦長句

烏飯山邊白玉圍瑞光千丈溢清寒斜穿逆旅茅茨室正照先生首

宿盤聊向青天思太白却吟飛鶴憶曹瞞今宵不擬逢明月更向尊
前仔細看

重陽詠菊

年年自赴重陽約不待陶家詩句催便欲急呼歡伯賞未知誰道白
衣來紅萸有韻岳連漶素蕊無香賜望回何事村陵噴竹葉却教從
此不須開

送伯壽兄之官上虞

平生藝苑筆同耕兄弟須知似友生三載方尋夜雨約六旬又作越
中行舉杯不學消魂別側耳惟聽報政聲從此西岡數登眺白雲飛
處總關情時過侍太
孺人同行

賢良馬叔度和周內翰送子倅越詩見貽次韻奉酬

一鳴一息幾千秋風翼端宜汗漫游筆底珠璣誰得似胸中雲夢復
何求談餘正始人加勝詩比黃初語更適西笑定應參傑直東遊聊
復伴遨頭

香山集卷九

度叔賢良再用遊字韻見貽復次韻謝之

夕郎分闈鎮東秋幕下揮毫秦少游一代風流今不泯百年文物尚
堪求交情莫逆人誰似吟事方殷歲又邁他日約君爲伯仲三問瓦
屋住東頭

次韻馬叔度再用前韻

善奕從來數奕秋勝游今作子長游才多已覺懸河似詩妙無勞入
海求畫月裁雲寧底巧奔泉挾石一何適誰知傾蓋成膠漆笑殺如
新到白頭

過嚴瀨寄陸守務觀

翰墨場中老伏波揮毫快馬下晴坡三年睿主思獻納千里疲民賴
撫摩瀟灑郡齋方在望飄搖征棹未能過擬求墨妙輝衡宇應有黃
庭換白鷺

齋宿淨明寺小飲易安齋口占

淨明齋宿近初庚西蜀東吳一世英行徑九盤山學確流泉百折玉

琮瑋頻飛兜鈴顏俱渥細聽犀談生爲傾觴詠直多幽興足未應不
飲似公榮

挽縣尉陳元圭

平生自負氣雄豪落筆文詞湧怒濤蚤歲賢關幾雁塔暮年花縣未
牛刀凜然風義誰能並偉甚衣冠眾所高我欲臨風新執紼忍於繪
事看青袍

香山集卷九

八

香山集卷九

七言律詩

宋喻良能撰

題確山梵安寺

確山風物似齊山，誰著精藍亂石間。僧梵四時看紫翠，軒牕終日對
屏顏。暫容借榻松風愜，更欲題詩薛壁慳。老我還思十年事，飛來峰
上曉躋攀。

鑑湖道中口占

軋軋籃輿鑑水濱，水紋如染草如茵。繁紅零落徐娘老，遠翠低徊西
子顰。猶及殘春追勝賞，不妨餘事作詩人。胸中磊塊須澆洗，未厭傷
多酒入脣。

次韻王龜齡謁大禹祠酌非飲泉

不到稽山已十年，夢中物色故依然。憶尋絕境經幽寺，曾向東風酌
妙泉。書穴雨餘雲撲地，鑑湖春盡水連天。別來喬木高多少，想見嬌

香山集卷十

鷺自在還

題東山謝安石故居

江邊瀟灑東山寺，知是曾經謝傅游。一代英姿餘信史，千年陳迹付
東流。暮雲初致蒼生恨，遠翠如凝妓女愁。好古嗟予生苦晚，停燒明
月滿滄洲。

既游東山乘月登舟至曹娥江

虞江波上一帆風，天水澄明夜色空。古體詩成巖影裏，新醅酒酌月
明中。啾啾兩漿止還作款，乃數聲西復東。塵滓此時無一點，恍疑身
在水晶宮。

題歸宗寺

寺因逸少曾爲宅，峰自秦皇已得名。不獨山南稱最古，故應江左號
尤清。路趨絳閣山梁險，奩隱金輪石鏡明。誰信塵埃倦游客，西風還
許杖藜行。

次陸務觀韻題姚復之秀才適齋

姚子神情處處便，牀頭周易杖頭錢。逢僧與語閒終日，遣客歸休醉
欲眠。應覺此生如寄耳，何妨一室且蕭然。無心更覓封侯事，納履誰
能博一編。

追和陳子高贈王法曹韻

肯學少陵對馬軍，肯同太白謝汪倫。聊將文字飲一琰，不待月影成
三人。門前車馬鬧遲日，陌上綺羅嬌暮春。想見流觴多樂事，酒酣人
問斗升嗔。

喜待制王文歸自夔門

三年遙望瞿唐峽，獨立西風首重回。一騎翩翩飛詔去，片帆渺渺下
江來。平生不願侯萬戶，今日重欣酒一杯。問道日邊催覲速，不須歸
路更徘徊。

次韻林參議小雪快晴

若地晶瑩月在沙，忍寒聊作短歌誇。暖肌未辨裁駝褐，露趾唯應有
革鞞。細點竹梢添爽灑，偶經梅蕊映橫斜。何當既積還消後，剩取清

香山集卷十

冷試葉嘉

大雪

山陰境中寒雪飛，山川明秀見應稀。嚴威不貸乘輿棹，餘彩併入繙
書帷。黃竹應歌姬滿曲，素花又舞謝莊衣。東郊薪者寒到骨，縱有狐
裘那忍披。

送王共父

西蜀東吳萬里程，偶然相值兩浮萍。黑頭君已登三館，白髮吾方醉
六經。夜帳論文燈耿耿，春堤把袂草青青。舡小別須回棹不用陽
關腸斷聽。

沿驛舟行出五雲關

畫舫珠簾出曉關，使風飛過幾重灣。路經僧舍漁村畔，身在烟霏霧
靄間。鷺浪沸晴輪遠浦，亂雲拖粉露崇山。偶因王事從心賞，詩語恩
慙未暇刪。

挽月判院

昔年臚唱下形埤名壓人頭似收之風勁鱸堂昭武日化行維徑故
亭時曾無簪筆朝端用何以修文地下爲我老不堪供執紼獨將雙
淚逼瑤卮

次韻林明府何主簿倡酬之什

向來十載願識韓一日下車許追攀美句已出黃初古清談尙餘正
始問煩公筆底瀾翻水洗我胸中磊塊山更挽何郎入詩社三人俱
有綵衣斑

林明府攜所和詩見過次韻奉酬

退之初過玉川家春徑無泥草帶沙幾點飛來溪柳絮一番開盡海
棠花憇問細雨青衫溼袖裏新詩醉墨斜容散酒闌還掩戶可堪明
月滿天涯

帥參宴客于蓬萊閣林參議有詩次韻呈府公

久以嘉謀贊邇英暫分東制慰蒼生間攜僚吏揮金醖更遣娉婷吹
玉笙霖雨千巖垂欲作孤舟野水未妨橫匪囚袞繡歸黃閣還念知
香山集卷十

章在四明

次韻王待制劉侍郎倡和

袞衣猶未趣東歸吳會先傳蜀道詩急峽高江追子美清風明月笑
嚴維花圍白帝行春日香靄黃堂坐嘯時願我迂疎堪底用強顏新
粟效支離

次韻林致甫參議西園宴集

西園瀟灑似蓬丘容我追隨飛蓋游一一娉婷供笑語雙雙瀾鴻對
沉浮岷巖窈窕如天造洞壑清冷與日謀欲識清歡兼卜夜東山月
色足淹留

讀林公懿誠竹軒集次韻卷首一篇

南渡詩家復數誰爲虞作樂只聞夔細看出脇穿心句想見裁雲畫
月時此集自應傳異域吾生遺恨不同期先唐作者誰堪並奴僕微
之輩牧之

次韻林參議七月七日見示新作

曉雨初過溽暑收微雲淡月作新秋清風政對三休閣絕景還思八
詠樓緜嶺當年乘白鶴銀河此夕渡癡牛壽觴一舉烘堂樂淨洗胸
中萬斛愁

次韻奉酬林明府詠梅

政足廉平詩更佳鐵腸還解賦梅花律傳和靖未多葉名接水曹今
幾家丹粉詎須煩巧妙清新只爲寫橫斜擬攜卷軸江東去乞與詩
仙作意誇時龜齡王丈在鄱陽

偶成

寓居東青城北端夏室陰陰簾色寒瓜盤那復集蠅蚋研沼似欲生
波瀾奇奇怪怪石數壑謾謾蒼蒼竹幾竿枕扇衣斑自不惡時文思
索媿空餐時文思索九臻其極匠院之名蓋取諸此

裴園小集鄭汝諧同年有詩次韻奉酬

慈恩雁塔題名處回首端如夢寐中千里遠從當日別一尊重喜此
時同飛騰我久欽公輩潦倒君當恕此翁異日向期摩史册事功那
敢廢磨礪

次韻宇文舍人見貽之作

不見褚公今二年重來青眼尙依然偃松篇美天猶和正殿班清人
款先今日赤墀煩暫立他年黃閣徑須還白頭賓客無聊甚只待吹
噓送上天

張使君生辰

綠茸紅糝細團枝天上麒麟瑞此時風度冕旒嘗見問威名草木自
應知當年玉燕生燕國今日金貂侍漢墀再拜祝公何所似勝游長
與赤松期

讀初寮集呈王宗丞

初寮文律冠中京晚歲深嚴三折肱清處月中仍聚雪高時風裏正
搏騰家聲不墜推王粲句法能傳有杜陵剝作詩文追漢魏非公誰
不闕溪藤

記六月二十日湖上所見

羽客相攜六一泉炎歛立變曉涼天陳朝古檜參天瘦和靖孤墳傍
竹價却向蘇堤刺新艾更尋蕭寺聽寒蟬長吟小醉歸來晚足底清
風似欲仙

六月晦日同樓少府由錢塘門至上竺遂游下中竺憇冷泉亭
途中記所歷

聯輿緩步踏蔥蒼十里荷香雜稻香庚暑此時無一點秋風明月灑
長廊林間巖洞侵衣潤水際亭臺徹骨涼何處山泉落簷溜恍疑飛
雨曉浪痕

次韻范伯廉機宜病起見寄

夫君自是穎囊錐何事翻為滄海遺造化小兒聊戲劇山林大藥豈
無資得閒因病還應樂信手揮毫卻有詩休歎銀杯成羽化會須拔
劍撥年衰來詩序引有盡貨
酒器以辨行計語

中秋示仲文弟近指揮中秋依舊
陽例作假一日

古來佳節是中秋今比重陽許燕游已覺冰輪無限好不須玉斧更
重修三飛驚鵲粉無定一點閒雲淨不留況有阿連同綵戲何妨呼
酒互相酬

香山集卷十

五

次韻王宮教見貽之什

家住滄江東復東渺然雲浪接晴空半生仕路崎嶇裏十畝家山杳
靄中來往未成三徑樂笑談還喜一樽同強將俚語賡妍倡曹鄴端
櫛齒衛風

長至憶天衣舊游寄王狀元

去年連轡到朝陽紅日初添一線長八俊偶同人已羨四難俱得計
眞良澆腸竹葉驚深碧插鬢梅花咤淺黃是日遇時馬
上簪臘梅回首至今深
似夢雲山烟水正相望

次韻奉酬黃泰之狀元見寄

千佛經中第一人明光前殿奏雄文論心詎止稱三益識面端能勝
百問嘒昔清談如扣玉只今佳句欲凌雲高情已出蘇州古未用清
香掃地焚

祝吳春卿舍人

出處平生似昔賢高風勁節凜朝端回天議論心無款脫腕文章世
所難斫鐵叫天蠻獠服調羹滿鉢里開歡定應直筆書英躋留與千
秋後代看

除夕

夜永燈明歲又除依然坐冷乏氈氍平生潦倒如中散大半交游今
左符未辦黃精除白髮漸驚玉水點銀鬚欲論舊事無人共閒把香
醪細細斟

過東亭湖

籃輿詰旦過東亭日出烟消十里平翠袖舞風菰葉舉紅妝照水藕
花生恨無釣艇浮深碧賴有吟毫賦曉晴歸對老人誇勝賞從今不
數鑑湖情

席上

奉常珍重末僚情許以疎慵筮俊英已辦初筵酬物色更將餘事到
詩盟貪吟不惜揮貂筆忍醉何妨醜兕觥細踏芳菲過腹潤桃蹊紅
雨報新晴

香山集卷十

六

送陳給事帥四川

四海繁華一蜀都君王謀帥意渠渠百城赤子煩摩撫一代長材獲
展舒玉壘倚空充屏翰鐵衣如洗護儲胥袴鞬帕首郊迎處想見旌
麾入境初

禮樂詩書一世英碧油青鬃一難并慣看詞翰流三峽剩有精神驅
五兵斲向坤維聊鎮撫卻歸天闕致昇平明年春水如天日綵鷁乘
風向帝京

姜春坊以詩編見貽借題雪堂圖韻作詩為謝

紅顏話別浦邊秋白髮同為帝里留璧水庸庸參末座春坊舉舉冠
名流功名君且登麟閣出處吾行具釣舟餉我一編清似玉五言端
的繼蘇州

李大著惠示詩卷次韻首篇為謝獻之

尋贈春容卷軸新懸知蚤歲擅詩聲千林有韻霜風勁一點無塵舞
月清細味班香兼朱艷自慚白俗與元輕欲哦惡語度妍倡一夜昏
花封短檠

史丞相生辰

姓名久已覆金甌一品師臣德業優勳展向詢黃髮舊衣難件赤
松游松筠勁節高三事桃李濃陰徧九州蕭葉楊門端可繼只今衰
袞富公侯

長才蚤立太平基與學曾為帝者師謀叶不資同列斷規存長許後
人隨金魚玉帶今誰似橘綠橙黃景最宜再拜祝公千萬壽三江細
酌入瑤卮

洪右相生辰

鳳將南呂入箏聲節近中秋協氣橫玉燕呈祥生碩德金甌覆字佐
昇平望同北斗泰山重操與秋霜烈日爭昨夜清臺占越分中台星
帶老人明

香山集卷十

七
步
選
廣

共閣調元鬢未霜只應書考似汾陽恐辭閩闈沙堤路暫樂蓬萊燕
寢香茂烈未饒周叔虎英詞寧謝漢班楊會看繡衮重催起快卷三
江入壽觴

次韻和宗郎中秋不飲

暮烟收盡玉盤生是處同欣此夜晴雲斷三山凝紫翠星稀萬里湛
虛明低臨朱箔千尋白高並銀潢一派清賴有綵衣堪醉舞殘尊深
夜更重傾

挽司理奉議樓公

老爛為儒山澤雁半生辛苦就名譽三千白髮身無事一點青燈夜
讀書真率杯盤如洛會崎嶇巖壑似陶廬欲知老淚揮難盡灑徧霜
颯更滄漉

挽周子及

灑落孤標迥不羣胸羅星宿富多文兩科擢第未為貴八事籌邊堪
策勳鯁亮諫辭端似賈崎嶇宦路僅勝黃我慚不執雲溪縹空望雲

溪溪上雲

香山集卷十

八
步
選
廣

香山集卷十

宋 喻良能 撰

七言律詩

次馬撫幹韻贈黃泰之狀元

衰然射策向明光紫禁春深日正長風細御爐香冉冉天晴宮柳絮
茫茫玉階親奉唐虞問絲筆濃薰班馬香千佛經中名第一鴻文端
不數長楊

次韻王侍御題詩史堂

欲識當年泣鬼神詩皆絹婦與蘿辛洗空千古無凡馬稱到於今有
幾人肯與齊梁充後乘只應蘇李是前身豐碑更著最佳處傳示宜
過一萬春

十月二十三日攜家游裝園

笋輿趁曉踏銅駝休暇仍逢景色和閒挈壺觴游翠靄盡呼兒女看
滄波茫茫烟渚羣鷗下隱隱晴虹短棹過最是小春奇絕處梅花破

香山集卷十一

尋未全多

謝中書施舍人宴集

紫微高義篤同年邃宇開筵近臘寒綠蟻醅濃粘玉琖紫駝峰美照
金盤醖酣上頰生春意文字清談卜夜關更辱盤飧饒黃髮願慙珍
報乏琅玕

試諸生直廬書事

長日初隨絲線還陰陰簾幕曲欄干白袍三百近洙泗青桂兩株如
廣寒下筆萬鬢爭食葉爲文三峽瀉鶯湍誰知潦倒眞無補不媿無
瓊瑰素餐

安撫大資李參政生辰

仙李盤根幾百秋我公勳業比伊周推恩已解宏元化賊患猶能庇
七年不日定爲黃閣老他年應伴赤松游三江願得渾爲酒壽斝年
年給獻酬

崧嶽生申占臘前預將和氣作春妍蟠桃結實三千歲蓮葉成巢幾

百年聊向蓬萊閒燕寢卽紆衣繡畫凌烟貞觀功臣皆生 祇應便是 畫像凌烟閣
神仙事方丈瀛洲卻未然

次韻宋嗣宗梅花

野外江頭一樹垂正當霜後臘前時清如宏景松臨閣韻似淵明菊
映籬鐵石廣平曾作賦風流水部亦哦詩卻愁折向妝臺下莫遣佳
人取次知

洗盡紅妝見玉顏一年相別此時看房陵粉本休爭白姑射冰肌巧
耐寒自愛一枝橫竹外未須千樹繞江干東風也是相欺得已作和
羹一點酸

次韻謝察院田寺丞倡酬之作

兩翁辭采偶同時春草還應夢謝池出月穿天端有意掀雷拱電豈
無期推門不作孤吟苦擊鉢猶嫌得句遲願我無才難入社焚香時
許誦清詩

平湖

香山集卷十一

平湖欲飲浸蔥蒼畫出風烟十畝強蜜曲六從霜後熟玉芙蓉向露
中芳新開石洞迎松碧低結萸房映菊黃最愛隄邊秦地柳一回春
到一回長

思歸

五載懷歸不得歸故園想像每依依蠶生村落桑黃長麥熟田家稚
子肥谷鳥緩歌金縷曲籜龍渾著老萊衣一篇未就張衡賦漫向成
均詠式微

王母口號

家住蓬瀛縹緲間聊同仙子下塵寰魏巍遙望黃金闕濟濟如臨玉
筍班喜見眾星尊北極願將萬壽等南山年年趁得裝賓月再拜天
威咫尺顏

顯謨左司周公元吉將清湖北一時名流賦詩餞行予與左司

同出于詹事周公之門爲同門同居班列二年爲同朝同考類
試于貢闈爲同寮三者旣同契好彌篤于其行也作長句以送

之

微雲疎雨涼新秋皇皇王節慘不留夫君不憚原隰險聖主坐寬宵
旰憂巴音聊復祖行色楚水恨不尾仙舟籍籍預傳新漕輓汗青未
數富民侯

黃泰之郎中以潮陽詩見貽次韻一篇奉酬

千里潮陽喜政成五年重會帝王城尺書不寄頭俱白一笑相逢意
已傾輝采共看新列宿風流猶記古州瀛詩編總是驚人語怪得年
來太瘦生

贈樓尉

誰識尊前戲綵身鬚髯如銀久為朝士空餐甚又見秋聲滿
耳新元亮祇思三逕樂子雲何事九衢塵襟期蘭契如君少未可勿
勿動去輪

挽題宮知丞周公

妙齡馳譽滿東吳落筆驕驍走坦途四十年來鳴學道一千人內最
香山集卷十一

羣儒試者千餘人公為之最一松不負經綸志三逕真成隱遯娛
老我與君端莫逆遺文時閱漫長吁

送曾大卿將漕江東

公去何嘗負二宜要持玉節瑞明時江畿列郡皆爭睹臺閣名流總
賦詩鵬鷲翹為雲外舉鳳凰終集上林枝近臣侍從多虛位會見回
帆春色隨

悼吳居厚

學問從來著月評慈恩何事欠題名賢哉難老堂雖就惜也陳情表
未成疇昔幾回同把酒于今一涕獨霑纓張公當日稱操履江漢傷
心晝夜傾

由之流溪回亭午苦熱小憩牧馬寺

長途畏日欲流金聊向招提覓快襟翠合苔痕人寂寂涼生柏影院
深深幸無俗物敗佳思况有寒泉醒客心一餉清風寄蕪竹又飛征
蓋指城陰

九日借成均同官北山登高

輕霞朝日雨微茫沙路駸駸十里強照水有情楓葉赤倚崖無數菊
花黃興酣爭舉凌雲筆醉熱重浮灑海觴明日蝶愁人亦懶未須歸
去苦恩忙

之官括蒼道出涵碧因題四韻以繼賓客剡公之後塵云

平生性僻耽山水不願加封萬戶侯但得雙魚長到眼未須萬壑更
爭流只今奇絕濟三洞自昔流傳徧九州記得當年小盤礴坐令炎
赫變清秋

再遊東陽

十年不到還重來往事一夢真悠哉尋幽已訪涵碧寺乘興欲上吳
車臺蒼松怪石雖飽覽黃鈿拒霜猶未開白雲西來入我念又馭兩
腋清風迴

松峭山傍偃松背嘗過之為賦長句今二十有六年矣復至其
下慨然有感因次韻

香山集卷十一

人日肩輿度曉峰長松偃蹇倚晴空幾年不見板如鐵老境重來鬢
似蓬獨樹未須誇老杜五楸那復論韓公青幢翠蓋貌難似想見罪
雲烟雨濛

遊下巖過松峭祠旁偃松又賦長句

誰將秋色替雲峰萬里炎歊一洗空細雨復青池上草西風頓白鬢
邊蓬聊同吾黨二三子來訪山中十八公更擬夜深乘月到要看香
霧共其濛

州宅

古括提封接日畿專城皓首有光輝全家飽煖君恩重屬邑豐登公
事稀一簇樓臺居洞府四時風景對屏幃多慙郎省無裨補丐外猶
能占翠微

次韻奉酬王給事見貽之什

誰知州宅似精廬山繞簷楹水繞除堂靜惠風長細細樓高烟雨又
疎疎貧如坡老工餐菊性似邊韶懶讀書賴有嵩山王給事作詩貽

贈問何如

簾幕落成爲賦長句

幕中英俊許誰先一一驂駟擬著鞭老我漫誇森畫戟夫君端稱泛紅蓮鳩工已見成輪奐載酒何妨醉聖賢聞道公餘多暇隙定持椽筆簡雲烟

對廳口號

歡聲喜氣溢黃堂解温風清化日長簪紱盡傾千里目冕旒遙祝萬年觴韻啟碧玉檀欒嫩色闌紅妝齒香共慶龐恩新爽洽聖君文母壽無疆

十一月十日同幕府諸公游郡圃葉撫屬得梅花一枝馬撫屬

有詩因次韻

橫枝十月要清詩南國今年爾許遲夢繞故山千疊疊眼看新萼一枝枝欲知影瘦香微處未稱天寒日暮時卻憶玉溪當日樹後霜深雪總相宜

香山集卷一

次韻木蘊之狀元義烏道中一首

奔走塵埃老未休每思上下兩巖稠巖上有上稠巖下有下稠關心簿領三書考回首家山兩換秋指腹自憐鷓鴣小江湖誰計雁兒留又遮西日長安去懶媿平生馬少游

送黃機宜叔愚歸省四明

灑落孤標第一流笑談傾坐氣橫秋聊參機密東州幕曾與風流玉局游黃自言及聽雨忽驚形夢寐臨風那肯更遲留橋堂想像多佳致恨不追參李郭舟聽雨橋隱公軒堂名

愛山

公子漫誇金谷富先生祇愛玉川貧山中矯矯七君子堂上曠曠四老人時飲亞鷹聊自醉肯教鷲鳴惱比隣深紅淺白兼瓊紫看取林園十畝春

彥禮知丞上已過訪流觴于愛山之曲水

年來曲水競流觴元已夫君訪草堂波撼石麟杯竿亂風翻花片笑

談香哦松適意清篇富閉戶端憂白日長更約來年春好處重來相與醉滄浪

次王待制維舟弄水亭韻

萬里浮江更絕湖扁舟東入雪川圖莫言舊約荒三徑須信中流待一壺今日詩筒煩遠寄昔年樽酒記相呼待制昔書惠詩云立朝大節人能說月在清天影自孤

三月二十四日再朝永祜陵

扁舟投曉出重城春浪初肥綠滿汀竹裏幾聲泥滑滑河邊千里草青青人家艾葉鶯飛燕水面楊花點翠萍漸近昭陵佳氣集五雲松柏喜重經

己酉中秋

碧湖秋半溢清波一歲月明今夕多剩辨新詩娛老境滿傾太白醉冰娥一天風露寒衣袂舉室兒童雜笑歌不是鉅潭奇絕處未妨丁夜更娑婆

香山集卷十一

盆池

小鑿方池供醉吟纔添斗水浪偏深瑩心未數寒泉井明日何須寸碧岑樹影落時清浸玉魚鱗動處細浮金年來檢點曾經汲惟有澆花趁日陰

中秋愛山翫月

年年秋半在長安今夕園林且盡歡一笑團樂人似月十分欲觀酒生澗徧簪丹桂香巾袂盡吸清輝燥肺肝飲罷月斜吟興動揮毫風露一天寒

次韻何茂恭重陽前二日見過

西風籬落興悠然人影橫江雁貼天短髮未成吹帽飲高吟先贈把茱篇黃花一笑小重九青眼相看又四年欲試烟波釣竿手用湖同上月明船

碧湖之側累拳石爲山巖谷幽邃有巫廬台雪之趣因成短篇

背湖臨檻碧崔嵬萬壑千巖咫尺開坐覺坐峰天際落忽驚應卓眼

中來地偏未害心
適道潭小何妨水
自同竟日相看雨
不厭老夫真箇似
童孩

次韻奉酬參議林郎中見貽之作

紫宸疇昔幸同朝
去國俄驚數舍遙
輕細難沾時服賜
氤氳正想御香飄
年加賴有斑衣戲
心靜真同桂隱招
龍瑞此時探禹穴
天津何日渡京橋

自題木假山

根幹輪囷蔽馬牛
何年飄泊寄滄洲
幽巖邃壑漁昏得
百巧千奇雲浪鏤
好喚老泉來作記
肯將居士與同遊
畢宏韋偃丹青妙
書得天然意緒不

次韻奉酬茂恭送茉莉重臺白蓮

異暑歛然金欲流
編緝練悅兩宜秋
笑他山谷誇黃鉅
欲學令狐賦白樓
粉筆有心爭試巧
紅妝無面可障羞
明來自足映茅屋
况有詩輕萬戶侯

香山集卷十一

亦好園海棠秋開紅英滿樹

微雲澹日映寒流
畫出西園一幅秋
白帝幻成紅玉葉
金風吹綻碧枝頭
睡餘艷真妃子夢
罷惜惜一解愁
熟賞細看須著句
爲君重賦紫綿揉

次韻張持荷桂花

別駕風流繼竹林
名園幽榭水雲深
勻鋪葉底森森碧
細糝枝頭粟栗金
酒酌香浮杯面蟻
詩成霜灑月中砧
清芬冉冉仍多韻
不比晴窗一穗沉

庚戌中秋病起言懷

病來十日不飲酒
起對中秋良可人
銀漢迢迢清未了
金波激激淨無塵
艷歌未暇成三疊
美醞何妨釀十分
記得昔年當此景
厭厭夜飲在成均

九日亦好園小集

疎雨蕭蕭岩桂香
西風颯冷作重陽
池塘秋草還爭綠
籬落寒花未

肯黃又是一年新
度節何妨九客共
飛觴園亭低小肴
蔬陋不比龍山吟
帽狂

雪

密雪乘風逞素肌
穿窻透鑲入簾幃
漫空隱隱瓊瑰屑
亂眼紛紛鷗鷺飛
三客新成梁苑賦
六花又舞謝莊衣
回思拜表明光罷
攜得香烟滿袖歸

長風永夜攪青冥
曉起寒光亂眼凝
回旋舞空端入畫
飄蕭著水自成冰
松篁被練三千士
岡阜瑤臺十二層
菲舍倍添薪火費
只因無事讀書燈

題淵明祠堂

案此詩以下二首據南宋名賢小集增入

宅邊雖有五柳樹
歸去已荒三徑園
平生胸中羞五斗
偶爾城市羨華軒
盈尊濁酒自可漉
得趣古琴那用絃
欲知耿耿忠憤意
甲子斷自承初年

輦下言懷

香山集卷十一

馬蹄重踏帝京塵
七載江河飽問津
白髮有人疑甲子
清齋無日不庚申
不才詎敢誣明主
厚祿那能羨故人
乞得泮宮闈粵去
未妨閒處著吾身

香山集卷十一

宋 喻良能 撰

五言排律

桐汭

東汭波吞岸西桐水見沙祠山千古盛州宅四時嘉前直三峰峻旁
連大洞呀黃南清港曲織文小橋斜野店離為戶春山蘭作花烏羊
難入饌青果頗宜茶士人謂捕為烏羊橄欖為青果綉錦饒新荀槍旗富嫩芽靈山
古佛地丹井列仙家鐵冶名猶壯金牛跡尚窪滯留三載久詩板滿
烟霞

試院中秋效諸進士作月湧大江流

團月臨清夜平分一半秋輪侵斜漢迥色湧大江流皎皎驚飛鵲亭
亭喘臥牛一川寒練靜十頃素光浮碎影通袁渚餘輝射庾樓翻思
杜陵老岸草泊橋舟

由上饒之貴溪舟中書事

香山集卷十二

日月三秋杪江山萬象殊小舟浮萍履廣信出陶關見日由廣草木信門登舟

關詩律雲烟入畫圖水清沙可數景好句難摹打際寒鳴雁橋端晚

噪烏樵村人語靜商權夜燈孤冷水尋宵泊焦灘就曉舖冷水焦石皆地名

霧銷分浦澈風定少帆蒲愛日生篷背奇峰湧坐隅芙蓉多落蔕揚

柳有枯株楓葉紅綃翦蘆花白雪鋪翩翩兩行鷺泛泛一雙鳧斷岸

幾千尺誅茅間一區鷓鴣清港急龍瀨碧濤驚鷓鴣龍瀨皆地名斷已憑三老

那能貴一壺酒墟勞問訊漁艇費招呼鮮鯽還堪買香膠亦任酤不

妨成酹可聊復免馳驅內口眞蕭索錢倉豈舊爐錢倉舊名藁篁驚外真

怪石覺中剝漸喜三吳近寧辭十里紆三吳波平如瀉鏡離密似連

珠連珠嘯咏知誰和歌眠只自娛市聲喧七邑山雨鬧蓮湖蓮湖陽有

擬傍桃花宿桃花宿有小寺容緝貝葉無鳥棲方檝檝鯨吼又乘桴野菊新

收艷官梅未吐鬚貴溪端夷麗賤子小脚躡王事三旬外舟程六驛

逾八月二十八日離香陽十月二日回至貴更判絃月上應得綵衣

趨八日離香陽十月二日回至貴更判絃月上應得綵衣

趨八日離香陽十月二日回至貴更判絃月上應得綵衣

為榮懷叔殿院題世綵堂

慶積門闌久祥鍾家世醜乘鸞驚劍見戲綵覺重逢節壘頰三喜孫
會見八龍年齡開九秩孫子享千鍾奕葉今榮耀蟬聯舊素封家風
追萬石眉壽擬三松書棟侵銀漢平池浸碧峰同心木芍藥並蒂水
芙蓉委曲顏常悅鸞鵲色愈恭會須陶謝手覓句細形容

題東林寺

江湖大爾若塵阜一東林砌繞琤瑋水門羅翠碧岑烟雲千古色松
檜因時陰岸積銷塵虛凭闌淨客心殿成神運力泉出虎跑音溪在
恩元亮堂荒憶醉吟圓傳三笑榮閣擁五杉森貝葉應難訪經臺已
真華僧袈何代朽佛影幾時沈昔蓋黃埃久殷碑蒼蘚深不妨閒屐
古誰復為沾襟香火惟蓮社傳流直至今

送參議李器之

人間今北海天上謫仙人雄論堪醫國新詩可泣神搖毫雲落紙揮
塵坐生春芸閣登吟慣綬衾入直類三千辭故里二載宦全閩妙畫

香山集卷十二

神南闕英名動北辰惠風吹別思細草碾征輪行矣躋華要聲猷日
日新

釋奠禮成上安撫大觀文十四韻

鉅宋中興日全閩極治年保釐須碩德鎮撫賴真賢燕寢何曾逸儒
宮最所先上丁將薦事仲月乃修虔劍鼎參彝洗犧尊問豆簋低昂
交繡服拜起冕旒前庭燎明如晝爐薰滄似烟鼎風人引領觀禮士
填咽闔郡歡聲沸熙朝盛事傳信公甘避路常相敢差肩宜有新詩
播庸昭美化宣陋儒何幸會典禮獲周旋南紀非工部子美題衡山
紀收波瀾西中和豈子淵斐然形頌述深媿采芹篇

夜宿浮石山崇福寺上方題壁

窈窕尋支徑縈紆度密林岸回溪更駛峰轉塢逾深僧梵雲邊寺鐘
魚竹裏音解鞍生妙興倚檻淨煩襟永夜涼颺動初秋爽氣侵巖空
寒溜滴壁靜候蟲吟香篆窺孤宿燈花伴獨斟不諳塵外趣誰識此
時心

湖上用王茂材同年韻

木落長空淨秋深爽氣多淡烟浮遠樹晶日泊平蕪小艇浮深碧孤
筇曳慢坡菊花簪雪鬢桑落灘金荷妙興追潘岳清游軌永和何嘗
命菱角唱我醉時歌

過分水嶺初出建寧界

辛卯踰閩嶠淳熙出建關瀟灑第五渡自崇安至陽家莊有第一至第五渡險絕百重
山近夏涼風發新晴麗景遠翠烟飛縹緲好鳥語綿蠻密樹青蘿帳
連峰碧玉環野英紛爛熳巖溜碎潺湲小艇橫清泚飛橋截碧灣機
春流水激架厂石崖怪紫笋和泥采青梅帶葉攀未能供旨味聊得
悅慈顏取醉三杯適欲眠一餉開自憐霜鬢白人羨綵衣斑物色揮
毫裏家山隱几間狂歌聊爾爾同志儻吾州

送江充之郎中知温州

巖廊拱神聖岳牧用才良委寄晉藩鎮飛騰漢省郎維推非矯激綿
絕豈尋常花架揮毫玉風生漱齒霜兒童騎截竹父老候甘棠五馬

香山集卷十二

晴薰細雙旌曉月涼清香凝燕寢春草夢池塘乳哺燕民瘼生薪束
更行謝樓山色淨孤嶼海天長信美毋多戀過歸觀建章

送趙建明太社知江州

天上佳公子人間少吏師文章紳笏服名字冕旒知制決監州日春
容栗社時未成持從豪聊復把州麾京邑期蒙福滄城望寵綬朱轡
臨境土竹馬走童兒去獸同均輩獨通繼潘之政成過入觀獻納日
論思李勃字潛之為九江守奏放逃遁四千餘貫

東宮生辰

寶歷天重啟皇圖日寢昌九重資燕翼萬國仰元良玉律秋初秒金
鸞歲正穰前星輝未盛少海慶源長甲觀祥烟滃春宮協氣翔千秋
桂節勝四莢瑞蕙芳瓜棗欣初獻蟠桃慶仁嘗庭羅六佾舞天薦九
霞觴銀榜彌生耀銅扉架有光歡聲連紫極喜氣溢穹蒼冊錫雕珉
煥旌頌青輅揚衣惟珍黼冕音不嗜宮商化被賓詹屬恩沾左右坊
善三今獨冠明兩古難方陸贄言猶采宣尼訓敢忘本支綿百世羽

異貳巖廊宿忝宮僚舊會霑兌澤滂願斟滄海酒歲祝壽無疆
留別王狀元二十四韻

才大文章伯忠純社稷臣七州鍾秀異孤嶼賦精神德蘊圭璋潤胸
酒海嶽春麟經煩得雋槐市早稱珍宿弊時方革皇綱上正親大廷
清問降空臆諫言陳力補殿宸衷深撰睿主麟一元追董相多詐恥
平津文擅無雙價臚傳第一人聲華飛宇宙風采發簪紳貫紙字堪
數回天僅足倫施行均令甲獎諭見絲綸未覆金甌墨聊為綠水實
愛民如赤子束吏似生薪鑑水書題徧稽山賦詠頻却梅清節著
清風不誣狗滯冤伸見論魯六賤子嗟何幸同年蓋宿因精糠聊
受梅詩傷大狗子攝局山水獲聯茵醇酎容霑醉新詩許效聲獨蒙青眼舊端異白頭
新酬倡幾千首從游殆十旬笑談將契濶肝胆政輪困帝夢方思說
天民貯起幸不才雖苦窳終始願陶鈞

六言詩

亦好園羣花盛開戲成

香山集卷十二

小圃初乾曉雨雜花爭試新妝綠色似觀瀾錦吹香如過河陽
三歲無諸國裏青春不是花時今日小圃春半百般紅紫芳菲福唐

蕭中皆開紫笑

題李通判斷橋園

平生心地夷坦一旦足跟嶮巖不是籃輿安穩只應神物護持
橋上筭與岌岌橋下浪波云云但覺往來無惱不知觀者傷神

書趙德莊詞後

老眼看書成秀介巷壘妙金篋波底夕陽紅溼絕勝綵筆新題
訪何茂恭於南湖作三絕句

千里相望烟樹旬月不絕籃輿激石枕流戲綵浮家泛宅南湖
南湖綠髮居士恰少磬湖八年欺雷抉電傑句出月穿天大篇
啼飢妻子眼底厚祿故人日邊一錢不直誰念五十無聞自憐
茂恭見和再用前韻奉酬
朗朗百間羊舂森森千丈長與一身宜著樓閣半生流落江湖

旨永新番水俱更江左三年不作載以馬援聊為留債苗篇
少陵時時醉裏子山日日愁邊白髮新來滿鏡故人萬一能憐

磬湖居士得片石於斗坡山其長五尺其廣一尺有咫筮拔孤

秀縝密溫潤絕不類此間石疑自他山飛來因目之曰飛來石

六丁擊石日本墮落斗坡山中一片蒼珪紫玉幾回秋雨春風不假

鑄鏡刻削自然巧妙嵌空居士置之朝爽是謂飛來小峰

五言絕句

題齊山翠微亭

山深雲氣多撥雲尋徑石但覺襟袖寒不知濃翠溼

賦竹

冥搜高出月幽思渺裁雲擬遣窮愁去那能無此君

海棠塢

晴塢夕陽媚煖梢春意留詎須吞絳藥方解解人愁

七峰亭獨坐

香山集卷十二

嶼岫新亭好悠然見七峰凭欄吟不盡春色與秋容

水樂洞

近聽千絲急遙聞一磬清恐傷肺腑不作斷腸聲

曲水

不是山陰畫清流曲更方欲知三前景絕勝九回腸

方池

四角朱弦直雙橋小霓欹寒星夜稀密冷浸一杆碁

弄月亭

掬水弄流漪清輝碎更隨人間無太白欲捉可憑誰

紫君林

此君仍佩紫直節自來孤欲倩文夫子招邀入畫圖

小山

峰秀因拳石溪清見髮魚陶隱居法本草云毫釐辨香梓咫尺有匡

石洞

此秘昔未親斲雲今始開蒼松臨怪石宜號小飛來

竹巖

怪石誰雕斲蒼蘿翠木斜幽巖畫屏倚卻憶柳州詩

石塘

野色知何處松邊竹外塘雨餘紅菖淨風起白萍香

飲茶

清風生兩腋雪乳吸雲團便擬乘風去翻嫌縛小官

寄

懷東嘉先生因誦老坡今誰主文字公合把旌旗作十小詩奉

文章無正體源浚流乃深能者主宰之古來非獨今

大雅久不作淳風日澆擣挽回既狂瀾此道非公誰

三賦成會稽四集始東楚一洗凡馬空斯文有宗主

對策旋而切奏疏忠且純風行水自披至哉天下文

香山集卷十二

退之在元和昌言主文字揚鑿躡芳塵公平得無意

作詩必坡老作文必歐公欲知鳴道心請與二公同

直道蓋中朝雄名橫六合吾道其非邪胡為未舟楫

三讓始循牆一麾嘗屢把襄門德政碑深鏡仍大寫

不見我公久搖搖動心旌敢以一瓣香為公罄精誠

蘇公亦有言公合把旌旄庶使湛輩名亦與岷山高

曝書

秋陽千里曝聊復曝吾書自笑年來事昏眩魯魚

池邊樹

疎索池邊樹疎花照淺青雖無卻月觀且有一枝橫

汲水

山泉盈石坎抱甕每相從不敢傷蝌蚪疑能化小龍

賞月

雲盡天容淨冰輪故故圓廣寒宮闕裏今夕是何年

奕基

睡餘無俗役信手一枰問勝負何須較神情政欲開

掃宅

凝塵畫滿室燕處亦超然掃罷掩關臥從嘲邊孝先

撓花

花木蒙霑潤根堅枝亦駭懸知如舌本端藉酒盃澆

採菊

采采黃金藥盈盈白玉觴露蘭何足飲自覺肺肝香

策杖

田園依峻嶺牽輿每須登卻得臺郎力扶持借亦藤

題徑山一覽

歷覽眾峰頂下視飛鳥背一身凌紫霞迥出塵寰外

題錢清江

不受百錢餽從茲號錢清至今千載後猶得仰往名

香山集卷十二

亦好園初春次韻

梅開羣玉府揮試金縷衣過臘山逾瘦迎風水斷肥

初日宜征轡輕寒怯袂衣蟹黃經雨潤鴨綠得春肥

讀書

一飽無餘事平生萬卷書短檠頭雪白端為惜居諸

覽鏡

平生壯夫志老去未消磨其奈青銅裏蕭蕭雙鬢何

次王狀元晚菊二絕

雖晚亦既好花中無此香誰能識真趣高隱在潯陽

併與杞同賦舊嘗聞雪堂先生澹無欲亦復愛清香

彥禮提宮寄似黃芙蓉詩次韻奉酬

紅粉雖云妙鵝黃亦大奇欲知堪畫處絕勝採江時

幽圃知何處青山東復東芙蓉黃玉藥遺與海榴同

吟相

亦好園四詠

亦好亭

亦好苑亭小登臨意緒長清流依檻曲明月逐簷方

磬湖

未用他山錯寧須泗水浮衝風時激浪清韻亂鳴球

釣磯

不為貪鯪鯉還應愛碧流風來花落餌雲破月沈鈎

菊徑

小徑三秋好西風百木黃但令頻泛酒日日是重陽

愛異於他榴

但見蹙紅巾未聞衣黃裏一試縷金裳世識真西子

細染麴塵英稀著鵝黃藥雖無蠟梅香風味絕相似

磬湖卽事

香山集卷十二

十畝烟波欄不開一畫圖已添無數景喚作小西湖

題亦好亭集句

從仕力難任之何其掛懷抱子不及在家貧樂天客中守歲在家貧亦好是

園中卽事二絕

錦園無十畝緩步足登臨弄月波濤細愛山花木深

風勁木初落霜輕花更幽晴香山苦馬冷艷水牽牛有花生曲水中似牽牛而小葉

生水下花出水其餘類鴉翎箭桿仍長一尺四五寸無枝余爲名之曰水牽牛

愛山堂

棟宇還依石窻扉不碍山丹青寧辨此烟雨飽孱顏

香山集卷十二

宋 喻良能 撰

七言絕句

錦園小春

細雨將春上曉枝東風吹綠到漣漪長溝繞檻多佳處小徑穿花無盡時

春雨

晚風吹雨過西隣惻惻輕寒似早秋燕乳鳩鳴春又老可堪芳草喚人愁

春陰不斷怒鳩聲日日溪雲帶雨行試挂西窗看霽色一川煙草畫難成

春日偶成

煙霏初散曉寒收花氣烘晴草色浮一片風光吟不盡青春池上海棠洲

香山集卷十三

戲詠書案上江梅水仙

偷將行雨瑤姬佩招得凌波仙子魂幽韻清香兩奇絕小窻斜月伴黃昏

壽星泉

水邊豈無清江使石上自有黃冠仙更須喚取遼東鶴便是人間不老泉

次韻楊廷秀郎中游西湖十絕

煙波萬頃瀉鎔銀妙句誰能敵李紳橈影緩隴紅蓼岸荷香細看白綸巾

蕭蕭竹徑細通幽小憇明窻淪茗甌夏木陰陰可人處黃鸝飛上碧枝頭

裴園亭榭水之濱草樹雲煙滿日橫盡日對山仍把酒茲游絕勝若耶行

與世從來最闊疎年來况復味潛虛漆園不嗜濠梁樂人自人兮魚

白魚

憶昔孤山和靖家光風霽月總輸他幾多水草連煙草無限萍花雜藕花

誰云騎馬似乘船搖曳中流即水仙香繡幾屏波底影煙綃千幅望中天

湖堤樓閣劇峰房樓上爭看湖上航萬柄芙蓉清冉冉臨風新折麝膺香

一時談笑總名流十里西湖恣意游熟醉側身窺翡翠狂歌左手把蝓蚌

社暑渾如深飯炊涼颶一餉最先知憑誰為覓丹青手畫我談詩剗芡時

湖邊幽勝滿青蓮到處時時泊畫船竟日漣漪吟不足欲歸重看水中天

九日無酒

香山集卷十三

年年把酒對黃花一任西風醉帽斜今日無錢還對菊不知何處瀝堪除

雪

翦水輕花著地消弱肌無力倚風飄欲知回旋空中舞恰似楊家靜婉腰

曉行

樹頭鳥語落虛簷清夢驚回睡未厭笑跨紫駟穿綠徑晴雲涼月正纖纖

道上口占

隴北麥苗初覆塊舍南梅蕊已含鬚小春似有芳菲意憑仗何人為寫圖

詠梅

竹外江頭帶雪看花中清絕畫應難玉肌瑩骨冰姿瘦瘦單著生綃却暮寒

三月十四日陪同年十有六人游淨慈遂飲於水月居坐中即

事

車馳卒奔風雨過粉白黛綠春事妍裙腰政佳酒仍美那復有路到
愁邊

崇桃積李亦不惡一笑海棠尤可人徐熙趙昌俱骨朽翠袖卷綃誰
寫真

美酒未盡雙玉瓶更聽提壺鳴不停斜陽可飲徑須飲趁得城門打
鼓聲

擬香閣

渠渠夏屋翠陰稠沈水香濃瑞靄浮媿我無才吟五字未妨燕寢似
蘇州

上已郡宴即事

細雨輕陰修禊天海棠睡足初初眠凝香簾暮東風煖小醉清吟錦
瑟邊

香山集卷十三

三

次韻葉宰植竹四絕

檀欒節日瘦長枝晴既蕭騷雨亦奇誰道此君惟澹泊細看頰賞自
多姿

蒼煙翠霧兩冥迷秋雨叢深不作泥冷葉寒枝須管領亭亭會見拂
雲齊

誰云青士太無情偏結騷人冷淡盟不假遙岑分寸碧故應雙目自
增明

墨本會看煙雨梢臨窻依砌韻偏高可憐不入繁華眼祇稱清談王
馬曹

偶成

祠山東畔古桐西垂柳陰陰映短扉誰道官居太蕭瑟香粳甜軟飯
魚肥

至德

至德春山紫翠堆楚東征吏又重來是正好覓佳句捫腹自憐無

此才

齊山

龕巖宜號秘密藏翠微應呼清淨身欲憑妙句登佳境安得揮毫我
輩人

池陽報恩寺新成輪藏應公出示鮑仲山詩因贈

招提雄冠浦邊洲寶藏琅函眩電眸更出故人奇絕句相看知是贊
公流

游青山宮塗王使君命供張甚適

雨映青山訪請仙公厨分釀割肥鮮酣歌一曲西風裏頓失驕愁向
酒邊

放姑惡

為憐心折骨仍驚四十方兄博汝生從此直須防巧中著身未穩莫
先鳴

春日道中絕句

香山集卷十三

四

縹緲孤村一逕斜綠楊深處有人家翠眉紅頰膾頭出淡淡春山淺
淺霞

次韻何茂宏見寄

牧之俯首隨纒鎖元亮高情樂里間尊酒未能供一笑尺書多謝附
雙魚

登寺後峰絕頂

杳杳扶筇上翠岑松風蕭颯五雲深不知直自登臨處不至平川幾
白尋

洞溪閣

十尋傑閣倚雲隈淡靄輕煙照眼來山色不隨天際遠溪流長爲水
深回

蓬萊閣

絕知蓬島異塵寰弱水相望萬里間爭似卧龍雲際閣不勞跨海即
登山

自入新安境中鴨脚千樹羅生道旁秋實離離低拂行客願之
欣然因成絕句

離離秋實壓枝柔帶露含煙爛不收須信新安生鴨脚大勝書水熟
雞頭今歲鴨

任公釣臺

任公垂釣古來稱千載危臺尙可登尺澤只今無覓處懸知深谷解
爲陵

好溪堂

好溪無復怒濤聲綠綠紫青秀色映更著華堂臨絕境風流長與峴
山俱

凝霜閣

巋然飛閣榜凝霜雪散冰丸却暑方治郡風流無處覓只應棟宇是
甘棠

題靈源洞

香山集卷十三
五
細數峰巒到石門緩移屐齒步雲根一尊濁酒林間坐古木蒼蘿日
月昏

鬼鑿神鏡巧更紆直疑有路到華胥坐來濃翠沾衣冷恰似飛來秋
意初

昌園賞梅一作原

十年不踏淮安路今日昌原得縱游干樹接人詩興動恰如何遜在
揚州

揚州

縣齋夜坐

齋行散盡室如冰數卷殘書一穗燈尙有茆葦兼飲酒不然全似打
包僧

余禱雨龍湫翼日響應兒子與之有詩紀實仲文季直弟亦既

同賦老子人不作詩因得絕句

龜齡昔禱五龍廟日雨而雨若有期我無能爲此云役雲螭何事不
相達龜齡王公昔守鄆陽雨龍祠

餘干資福寺巖桂盛開因折一枝戲成絕句

綠玉枝頭金粟口可人風味勝紅蘭一枝攜向錦溪去袖裏誰知有
廣寒

雲錦閣

巖花亂落隨春水萬丈輕紅遠驛樓不是江流似雲錦故應雲錦似
江流

上清

積雨新晴翠靄浮好風披我上清遊白頭捧檄真聊爾那忍深文學
杜周

七月晦日間鶯

憶得東風泛蕙蘭曉窗紅樹聽綿蠻如何却到深秋節盡日猶啼修
竹間

九月八日次韻沈虞卿一首

白髮蒼顏會帝鄉微雲澹雨小重陽一樽相屬非無意欲攪胸中書
香山集卷十三
六

傳香

次韻朱昂仲見寄一絕

使君詩酒日娛嬉燕寢新來一段奇政是夢熊佳節裏釋迎抱送寧
馨兒

九日鞠嶽茶山廣教院道興一絕

牧之秋浦峰頭飲王勃南昌閣上吟千古勝遊誰復繼只今重九欠
登臨

鵝湖雙松寺

白壁長廊數十間我我佩劍兩蒼官艷陽滿目皆桃李晚節如公可
歲寒

石扶山七陽

玲瓏怪石巧相扶奇絕無人作畫圖要是飛來嫡孫行恨君生不近
西湖

松源山

征途未盡弋陽西且過松源九節溪煙雨濛濛山色好鷓鴣更與誰
情啼

懷愛山

空陂流水澹泠泠小立春鉏點
追汀煙雨半收山更好知誰不喚作
丹青

仙隱觀費長房故宅舊名靈陽宮觀後有葛陂蓋竹杖化龍處
也

松風百步到靈陽千古風流憶長房竹杖化龍無處覓空餘陂水繞
隄長

題谷簾泉

此水名傳自昔賢味甘誰敢關芳鮮一甌雪乳初嘗罷知是人間第
一泉

月臺

青林闌處綠陰開十里長風送月來
妬雨玩雲都淨盡素懷清影巧

香山集卷十三

七
夢
選
一
虞

裴洞

琵琶亭

琵琶人去幾經秋司馬青衫亦故丘
惟有當時亭下水無情依舊更
東流

次韻梅花絕句

玉裙縹帔清無塵一笑喚回幽谷春
天寒日暮故相惱不怕近前丞
相真

次槐卿舅咏梅二絕

玉肌冰骨不多枝半映清池半近籬
寒雪尙遲新月早橫枝分影到
漣漪

朔風寒日澹孤芳冰雪相看有暗香
但得橫枝臨却月不須斗酒博
西涼

石鐘山

坡翁文字妙來今仙去遺蹤杳莫尋
惟有石鐘遺好在不須霜降自

清音

題煮泉亭

甘香會飲谷簾前攜茗仍來試煮泉
便覺清風生兩腋始知鴻漸是
茶仙

香山集卷十三

八
夢
選
虞

香山集卷十三

香山集卷十四

續金華叢書

宋 喻良能 撰

七言絕句

望月臺

澹澹冰輪林上頭
煙消霧斂桂花浮
要看夜靜天如水
莫遣疎簾不
上鉤

題太白祠堂

長安酒樓歌管新
一曲烏棲泣鬼神
狂客解龜同一醉
人人知是謫
仙人

倒披綺裘草裏巾
酒醒玉山來映人
明月滄江故無恙
騎鯨何處狎
龍鱗

潮生采石波濤險
秋入青山草木寒
千古風流無處覓
空吟亭北倚
闌干

初到廬山

香山集卷十四

匡廬山水甲南州
況是曾經靖節游
眼底總堪供賦詠
新詩不礙細
雕鏤

溫泉

不與驪山脂水并
獨於廬阜占佳名
我來試作泉間浴
一洗平生病
惱輕

題開先寺飛橋次待制王公韻

漱玉亭邊百尺橋
游人平步玉虹腰
憑欄下瞰清淵底
秋水無塵浸
碧霄

游柴桑懷淵明二絕

語客歸休醉欲眠
素琴雖蓄本無弦
南窗寄傲北牕卧
買斷清風不
用錢

草莽連雲舊逕荒
人人稱是古柴桑
園蔬籬菊知何處
喬木蕭蕭挂
夕陽

題石榴洞

有客持柯石門道
避人避世白雲邊
相逢驚喜還相問
應說經今八
百年

溪谷幽深可避秦
桃源風物畫難真
思量却得籃超力
辭遣人知洞
裏春

當年雞犬白雲中
屋角榴花帶露濃
洞口至今無處覓
唯餘碧水繞
青榕

登清音堂

堂上橫看江上洲
洲邊春水拍天浮
晴欄倚遍無多景
浩蕩時時沒
白鷗

洲以檀槽舊得名
風來草木自成聲
青衫司馬令人恨
只作潯陽送
客行

平生秀句誦隨州
今日身親歷勝遊
欲賦江山無好語
強賡歸馬與
孤舟

彥禮提宮以詩見招赴惠山登高之作次韻奉酬

王勃揮毫滕閣上
蘇仙把酒華山巔
去秋相與追清賞
回首匆匆又
一年

西風搖落雁南翔
萬里晴空一洗涼
幸有從來茱菊約
敢辭相對引
壺觴

題徐子山菊坡圖

先生萬事不挂眼
獨向秋叢養落英
未省折腰營五斗
應知今日有
淵明

葦坡種菊當候糧
想見西風古本黃
安得一樽相對飲
爲公滿意賦
柴桑

清心堂

雨餘池水淡泠泠
霜後梅花照眼明
題作清心知未稱
此心元自不
須清

去歲十月六日由番江向安仁
今歲十月回自廣信復以是日
同王監田諸公登安仁張古峰

去歲茲晨離楚東今年飛蓋上晴空煙雲騰霧江天暮一笑都如夢
寒中

懷王侍郎劉秘監

平生西蜀劉中壘四海東嘉王右軍三載相思千里夢何時把酒聽
論文

臘前二日見青梅桃花

澤國寒多春事遲南來地暖意都迷城陰雨過臘初近梅子青青桃
滿蹊

承廡之後正瞰城上有古木十數株盛夏五六月清風徐來蕭
然有山林之趣嘗誦陳後山城荒可當山之句欲作亭對之榜
日當山而三歲之間十捧差微三攝劇邑猝猝未能也今且去
矣乃留詩壁間庶幾後之君子會有成吾之志者
地靜城荒可當山士衡瓦屋兩三間作亭領略吾何暇留待來賢涉
筆間

香山集卷一四

三

次韻趙十太尉留題驛亭絕句

青山憔悴鬢毛蒼還記并州舊葛強楚尾吳頭秋驛好喜聞嚼麝笑
談香

愛山

柳絲稀處見前山半在雲間半霧間回首亂紅濃翠裏春風啼鳥更
綿蠻

朝爽軒紅蕉著花喜而有詩

青綺叢中蹙絳紗碧雲闕處抹晴霞凌霜竊窈含朱翠消得愚溪作
意誇

題泛五湖遊東山圖

陶朱西子功名後安石東山隱遯初畫圖三把春風面豁得平生俊
氣無

亦好亭獨坐

亭上橫看十六峰峰頭煙霧碧連空不須更作游山計坐遣詩情落

酒中

湖口主簿劉君少魏以皂湖石二峰見遺其一盤拗呀豁彷彿
金華洞天因目之曰小三洞賦詩一絕

片石來從鳳枳家天然崖窺自哈呀從今喻子新三洞不減坡翁舊
九華

病起

癡瘵初休意未便篋管生筍柳生綿誰能竭竭團樂走只要齣齣
酣眠

幾歲思歸今得歸一筇三徑共忘機寸腸滿貯愁千斛的當回頭
昨非

次韻槐卿舅寄石榴

細高風物總幽奇朱實離離瘦玉枝居士既爲東道主文人休勒北
山移

六月十日偕夏卿兄季野孟明仲文季直弟游香山因得小詩

香山集卷十四

四

書僧堂壁

夏木陰陰翠竹疎相攜蕭寺饌伊蒲他年細味禪房句便是香山六
老圖

孟秋七日邀從兄廿五宣義四弟五姪同飲錦園卽席之作

湖水林風清復清買肴置酒七峰亭直須待得玉鈎挂要看牽牛織
女星

何遜梅花詩云枝橫却月觀林和靖云水邊籬落忽橫枝又云
疎影橫斜水清淺是或一律也亦好圍江梅一株枝橫丈餘作

平壇鑿小池於其下壇池初成榜曰橫枝喜而賦詩
却月枝橫淮海初水曹句法到西湖橫枝影瘦池清淺奇絕何人作
畫圖

三月六日清明節道中

清明時候雨初足白花滿山明似玉道傍滿山皆白花問十里春風
之樵者曰此蘭花也睡眼中小桃飄盡餘新綠

北山登高

九日紅茱紫菊催相攜緩步上飛來酒酣便有龍山趣不用重尋巖
馬臺陳益之李兼濟皆為
余作大字書此二詩

渡江至侯官鎮記所見

破臘侵星渡急流曉風吹動黑貂裘黃雲不動碧雲暗荔子林邊甘

燕洲

峽橋

驚流落石震林垞一洗紅塵耳目醒妙語會聞杜陵老高江急峽關

雷霆

百尺危橋跨彩虹快輪白浪入晴空眼驚巫峽江山近身在蘇仙詩

句中

文舉司理以鴻鵠一雙見遺作詩為謝

五采爛斑好毛羽金沙石礫映毳毼我無御史西臺望安用一雙鴻

鵝來

香山集卷一四

贈神童陳璞

陳郎七歲富三冬此去聲名動九重好踐退之童子序莫隨劉晏頌

東封

就報恩借碾碾茶羹老有詩因次其韻

斷無鶯鴨惱比鄰賴有鐘魚隔竹聞故遣新茶就佳禮要供戲絲蒲

臨雲

七夕戲詠

別多會少兩情深風幌雲屏喜不禁誰道初秋清夜永須知一刻值

千金

巖柱

粟粟枝頭淺淺黃十分風味百分香廣寒宮殿清秋裏掠削雲鬢試

靚妝

枝頭金粟色偏勻空裏非煙氣自薰莫把白旂檀漫比香濃猶得遊

風間

水沉風味鬱金黃風定猶聞十里香造物普令薰一切故應五濁暫
清涼

謝司路鈴遺菊花塔

夫君遺我菊浮屠分得清香供讀書突兀便高二數尺層層畫彩綵

扶疎

謝陳蘇州送酒

宮庠寂寂雀羅門寧有賢人倒綠樽賴得蘇州情義重肯令從事問

寒温

元日追次東坡和子由省宿致齋韻

五十之年又過三依然白髮照青衫年來大起山林興任達從教笑

阮咸

人日道中口占

初日輕煙溪上橋遠峰積雪未全消東君也是多情思先遣春光到

柳條

香山集卷十四

竹籬茅舍水邊家窻牖虛明小逕斜草色未多春意好疎梅映竹雨

三花

書紅香堂壁

瓦影鱗鱗蔭曲塘疎簾不下縱荷香綠波乍識紅妝面未忍輕將比

六郎

參議林郎中蓄乘軒君向來止有其一今日見之乃有嘉偶因

得小詩

物情非偶不能久並蒂芙蓉亦自雙珍重鶴君新得配故應清淚微

秋江

劍南道中

桂樹青青百里疆鷓鴣啼徹午陰涼延平津上峰如削劍去江空水

自長

九曲溪

扁舟一葉波漣漪九曲窮時山更奇喚取謫仙來著句平章佳處要

清詩

十年來往大江東每為青山引興濃自到此山勢絕境悔看五老九華峰

游龍井

九月十日天氣涼桂花零落菊花黃竹根如意雙不借放眸一望海天長

天人彌天同一游灑落珠璣不自休二老風流今淨盡空餘怪石對龍湫

致身通顯大槐夢快意敗漁柴石潭何似相攜古蘭若細看香篆味茶甘

次韻馬駒父晚菊五絕

朔風吹冷破檀心泥露勻鋪瑣碎金喜見鮮鮮長踴躍只應吏部獨知音

開及梅花未發時那愁三弄有桓伊何時栗里東籬下冷蕊寒英伴

酒厄

嫩黃初破未凋殘風露相禁曉色寒欲並墨梅兼墨竹何人為作畫圖看

不知香曆為誰開衫染鴛黃巧剪裁但得目成兼色授何妨頃刻恥尊罍

霧曉褰開秀色明麴塵半臂亦多情芳菲不擬親桃姊蕭灑端宜齒石兄

蒲陽道中

閩粵溪山處處經長松夾道奏簫笙只應行客忘勞役千里清陰管送迎

乘風雨登舟至魏院

猛雨連天水滿湖扁舟風撼碧瀟瀟驚秋髮笑詠煙波裏兩岸人應作畫圖

登蒜嶺

三年烏石山邊路每恨南留未北歸今夜無端登蒜嶺却尋烏石認親隴

次韻趙景明初見梅花

不解何郎五字詩年年長是探梅遲未甘孤負春消息強擬來看竹外枝

香山集卷十四

八

香山集卷十四

宋 喻良能 撰

七言絕句

送師相陳大觀文

地總全開控百蠻政成治最二年間五千里見耕桑盛百萬人欣日月閒

腥風吹海向來驚玉帳分弓射怒鯨千里妖氛都鏡淨商船載月夜深行

名陳

頻年秋稔穀相因八郡恩波著處勻長樂城中家幾萬家家生子總

政碑

化國熙熙日自遲棠陰無訟草含滋何人剗伐南山石大刻詳書德

政碑

裴令有心吟綠野贊皇作意向平泉君王夜半思元老明日金甌賈

墨餅

香山集卷十五

一 夢 遊 集

黃童白髮走踈踈總向城邊擁去輪願為此邦聊小駐公歸誰作萬

家春

將令四海變虞唐那得夔龍滯一方寄語邦人休卧轍道旁行看舍

人裝

溶溶曳曳白雲閒教早濡枯頃刻間四海蒼生望霖雨謝公早晚起

東山

朱朱白白總精神共喜今年化筆勻倘有窮鄉寒谷土政須一氣轉

鴻鈞

桐廬舟中

急棹如飛破浪紋子陵灘下水云江風初靜扁舟穩卧看青天行

白雲

望湖亭

倚欄遙望賀家湖千頃波光半欲蕪試問青銅未銷蝕西湖得及此

則無

賀知章詞

乞得君王一曲湖笑他三運就荒蕪欲知千古高風在月落寒山影

白孤

鑑湖

憶昔未曾遊鑑水畫圖髣髴見非真年來飽泛同茗嘗寧媿江湖舊

散人

弄水亭次李察院韻

清溪一曲抱危亭天水無塵相與明昔日紫微今御史兩翁詩句一

般清

題五洩瀑布四首

玉龍千丈自天矯飛雨十里長廉纖愚柳一見心眼爽未須界圍觀

水簾

香鑪太白有佳句雁蕩老坡觀畫圖安得二仙居至此新詩想見睡

成珠

香山集卷十五

二 夢 遊 集

越絕往聞萬壑流他日未比此山幽誰云十地有熟惱但覺三伏生

涼秋

瀑雨霏霏濕翠嵐來從天半許誰探凌空踏盡峻嶒石始到峰頭第

一潭

綠毛龜

白玉盆中淺更清綠毛浮水闕輕盈須臾食罷渾無事自上盆山頂

上行

禹帝祠道中

薰風正欲拂江梅去歲茲晨宿霧開新竹出牆荷貼水今年潦倒又

重來

空石

禹陵蹤跡頗堪疑空石衣冠知幾時猶解起人河洛思可憐大勝嶧

山碑

羨飲泉和韻

不覺當年室與宮非泉猶得想遺風至今美食鮮衣者不敢緣窺綠
淨中

陪胡少卿登山瞻禹陵

考古年來喜有微相攜步步上峻嶒皇華使者歸朝著好爲詩翁說
禹陵

鷺池

空餘青李與來禽寶墨知誰是賞音未若山陰羽衣客等閒猶識愛
鷺池

秦望閣

傲睨須知古有秦却將黔首等微塵當時虛上峰頭望不見桃源避
世人

定泉

茲泉定力冠諸泉故向空山獨湛然終日虛名無一物客來惟見浪
痕圓

香山集卷十五

登望海亭

誰將龍脊置新亭一餉登臨耳目醒欲識海門山盡處爛銀堆裏數
螺青

題智者雙清堂

潦收池淨見魚行木落山空鳥語鳴更待夜深來徙倚要看霜月關
波清

磨勒轉朝請郎

脫身畎畝造簪紳父母妻孥均沐恩百年七萬二千飯要須一飯不
忘君

乙未詠梅

疎枝倚竹更臨池一餉病寒瘦雪肌恰似玉兒初識面朱唇蘇頌總
相宜

湖上一絕

輕陰疎雨帝城西目斷裙腰綠正齊處處春風圍繡幕行雲莫與濕

障泥

初過百六見梨花堤路煙輕雨更斜玉雪一枝端可念柳絲深處水
邊家

天中節明慶寺啟建

兩鬢蕭蕭華髮生欲尋江上白鷗盟皇恩那許陪鶴鷺重聽景陽鐘
鼓聲

雨中至上竺

雲滿千山雨滿川肩輿來禮白衣仙山間秋色知多少總在危簷簾
檻前

間莊鵬舉山茶小盆葩華雜然有意舉以見遺因作詩求之

瑤璃翦葉碧團圓收拾繁枝徑尺寒舉贈詩翁知有意要令飽看鶴
頭丹

送王季海敷文赴閩漕

鐵冠慷慨老臣風諫紙雍容補袞功久以精忠簡天上暫將和氣到
關中

閩中

諫省歸來三載餘君王應渴見鴻儒七閩重地誰能漕聊出長才爲
轉輸

聖主方懷南顧憂且煩持節按閩州政成早作朝天計兩地端須第
一流

追憶王詹事何知錄

平生師友子王子四海襟期錄事君白髮紅顏俱異物高山流水欲
誰聞

直廬鎖宿呈監丞宋文

軒窗空洞唯修竹風韻時時自琴筑學省蕭然冷欲冰雨翁相對清
如玉

懷亦好園釣磯寄仲文季直二弟

碧湖雨過漾清波古岸秋來長薜蘿問訊石君無恙否試煩著手爲
摩挲

效

聲如娥唱更悠揚透殼穿紗味許長莫倚傳呼工噉嚼須知十月有清霜

題藍田松竹圖

風姿凜凜千君子冠劍堂堂兩大臣著我中間哦五字只應斯立是前身

送終南函谷二圖還司路鈐

平生飽看江南景所恨未游關輔山一朝圖畫入吾手似到終南少室間

次韻林參議致甫以詩見索近作

朝行款接已彌年會府重逢意豁然好酒未容干日醉惡詩不必萬人傳

僕不飲久矣今日過宋嗣宗且談且飲不覺露醉

年來飲酒不滿脣誰甲今朝始為君頗似昌黎當日語人皆勸我若無聞

香山集卷十五

五步

次韻王待制游東坡留題十一絕

吞舟尺澤豈能容此地誰知著卧龍當日春風生筆底至今山色十分濃

當年隨意樂江天句句新詩盡可傳事業文章兩俱美先生兼比二公賢

王元之韓魏公

五年同社樂田神一扇西風障庾塵文采風流千古事野人恨不識天人

赤壁奴臺視白樓五言端的勝蘇州政緣不得文章力故許江山作意游

何處重尋飯顆詩先生詩語總英奇細吟出月穿天句想見揮毫落紙時

對泣何曾學楚囚扁舟時作大江游眼看西蜀三千里身在淮南第幾州

前代樂天今復見後身元亮更何疑百年人物有誰在千古聲名無盡時

筆下無非幼婦解胸中端擬效安期我生只許拜遺像不見先生無恙時

先生仙去幾經年赤壁依然浪接天去棹來舟相指示曾遊元祐玉堂賢

雪堂風物渺江村行客悵迷欲斷魂不見當年謫仙面空餘香柳典型存

腐儒詩膽大於身所恨陳言老未新何日小舟江上去一杯聊醉筆端神

九日無酒仍不見菊唯巖桂一瓶伴此岑寂

白衣不至酒難賒兀坐晴窗獨飲茶今日重陽對巖桂昔年百本看黃花

次韻夔府王待制寄示巫山圖

碧嶂嶙峋夔子國白雲縹緲昭君鄉平生不識巫山面今日巫山到眼傍

上葉參政二絕

密幄從容僅五旬趣專大政轉洪鈞熙朝未有金華相創築沙堤第一人

前世萊公今復見後身文正更何疑君臣相得同魚水剩把動名鎮四夷

雨後聞蛙

雨過愜虛夜氣清草間何處亂蛙鳴休論公地兼私地且聽蘿根呷呷聲

次韻陳侍郎李察院瀟湘八景圖

平生雲夢澤南州秋思春情浩莫收更聽瀟湘夜深雨孤蓬點滴替人愁

洞庭秋月

湖澗乾坤日夜浮月明天淨最宜秋何人獨坐清風裏萬頃煙波一葉舟

平沙落雁

江南雲水蓼花洲中有飛鴻巧自謀過盡關山都不住直須來趁楚江秋

漁村落照

亂山深處水邊村小艇初歸未掩門吹火煮魚傾濁酒半規斜日照黃昏

江天暮雪

羣山總入玉壺中只有滄波映遠空獨釣寒江晚來雪憑誰畫我作漁翁

次韻王待制初見虎牙銅柱詩

千騎遠征夔子國百篇還賦杜陵詩虎牙突兀撐空出恰似雲開衡嶽時

嶽時

老僧攜筇竹杖來試就求之欣然舉以見贈

萬里攜來自蜀州老僧珍重許誰求相逢舉贈寧無意要我雲山處處游

得伯壽兄知丞書因成絕句奉寄

兩地相望千里餘一番梅雨曉晴初無因可寄平安信喜傍征人接近書

讀韓詩有感用介甫體

少陵無人謫仙死石鼓吏部文章日月光汭流半世遑遑就選舉侯喜十年秦盜隨朝行和盧

讀樂天詩

樂天古律三千首下筆當年不自休平水兒童猶誦習鷄林賈客未爭求

香山集卷十五

宋 喻良能 撰

七言絕句

次韻鄭季遠國錄賢良題余廬山詩紀

青鞋憶昔到廬山回首清游夢寐間忽見廣文奇絕句十年風雨喚
仍還

天姥夢魂勞太白赤城想像賦興公匡廬縹緲煙雲境總在新篇妙
句中

次韻王待制題余廬山記後二絕

曾到匡君住處山始知身在五雲間吟毫揮盡無佳句空遣奚囊捆
載還

山阿詩刻照雲松到處逢人問我公白傅蘇仙名不滅公名今在兩
賢中

荷花

香山集卷十六

花落波間生縵紋香飄風外似爐薰六郎顏色應慚汝八子風流定
似君

八月十八日觀潮

萬疊銀山出海門百川渺渺不勞吞晴江斗起黏天浪一洗忠胥憤
屈魂

誰遣羣兒把綵旛翩翩驚浪怒濤間不知岸上人皆愕但覺波心意
自閒

次韻郭刪定觀潮四絕

白浪初看雲出門驚濤旋見大江奔不因江海雷霆關安識蛟龍窟
宅尊

天池潮汐渺難推何事多盈亦有虧生長濤淵頭縱白問之消息莫
能知

憶昔初為總角見年年秋後厭旌旗只今廓落渾無事樽酒何妨樂
聖時

身到錢塘江上初端如碧海掛新圖不知洗眼觀潮日豁得平生俊
氣無

讀侍御去國集次韻

先生一飯不忘主詩句端如杜少陵敬讀新編二百首凜然風采照
隆興

張持荷以二詩見貽不敢虛辱次韻奉酬

南湖騎馬似知章熟醉清吟錦瑟旁不分驚行遮電眼偷閒檢校水
雲鄉

南湖一似錦江圍秀句端宜入杜編想得公餘時步履清風明月不
論錢

張持荷以詩見約同沈無隱賞梅因得絕句奉謝

結齋風味如和靖況有凌風百尺臺雪霽春新多辦酒兩翁乘興欲
尋梅

自題端溪硯

香山集卷十六

吳興青石今無聞歛郡刷絲端可焚儒生誰是喜書者安得一逢王
右軍

謝監丞子長雪中四絕

水花翦翦墜同雲萬里橫陳似畫坤不見銀杯兼縞帶知誰肯訪席
為門

國子先生老宦游十年學省一狐裘餓雷有意鳴蟬腹寒粟無端起
玉樓

江邊釣雪翁荷笠道上行人馬度橋說與兒童須愛惜莫貪瓊屑撼
長條

萬玉妃來遺目迷縞裙練脫顛鸞篔簹令人却憶桐川路粉藥垂垂照
玉谿

喜雪次侯宰韻

凍筆難成授簡章寒光先到讀書堂亂飄撲面如平叔幾點侵眉似
馬良

高國正約飯素淨慈遂至劉寺酌茗于鳳凰泉同遊者蘇大博
計撫揮公禪師請公道者蘇計與子同庚

三亥並遊真盛矣二禪入社亦佳哉鳳池一段風流事不欠支郎與
辯才

春晚

春及瓜期夏景生鳴蟬漸欲替啼鶯蜂臣飛急衝殘絮蟻子行忙礙
落英

荷葉商量貼水開亂紅無數點蒼苔穿簾雙燕復雙燕把酒一杯還
一杯

喜雨

九重午刻命精禱四海中宵同出雲溽暑已隨飛雨散清聲還並曉
風聞

次韻李同年誠之見貽之什

兄弟同登年亦同美君墨妙更文工我慙潦倒頭仍白擬學韓家一

香山集卷十六

送窮

筆端灑落謫仙人況復會同桂苑春一笑相逢端莫逆門前洲渚正

橫陳李時寓居西湖

丁未二月十三日廷和輪對

六年不獲面虞皇重對彤墀晝漏長玉色粹溫天一笑歸來滿袖有
濃香

送樓大防倅丹邱

我以疏慵句外遷公子何事亦翩然兩家俱有親庭樂且結班衣自
在緣

句外得括蒼東歸待次

一家滿載扁舟裏兩槳春風去似飛漸識路人鄉樹出世間樂事莫
如歸

十年長客帝王都五畝田園半欲蕪乞得此身猶未老自搖小艇釣
平湖

承祐陵

乘騎導從朝陵日漫山桃李花如織好風吹散半空雲麗日放將新
霽色

森然一徑趨高爽鬱蔥佳氣遙相望松聲萬壑奏笙竽山形千疊開
屏障

小臣生長宣和初深仁浹髓淪肌膚只今白首馮唐似何幸清齋拜
鼎湖

舊節馬驛讀龍溪詩

博山一穗熟沈薰寄傲胡林笑此身馬隊也知非講肄聊從開府乞
清新

塗中讀周希稷所示詩卷以詩代簡

周郎詩句故驚人爾許清新思不羣不是并刀工剪水定知瓊尺巧
裁雲

州宅

香山集卷十六

勢壓江巒棟宇雄使君如在廣寒宮微之政以江山助千首詩成咳
唾中

淳熙己酉上巳前一日蚤興遂昌縣尉葉禾晚與弟良弼姪得
之金華監酒何震飲於月山之曲水覽節物之方新欣湖山之

如畫率爾成篇

曲溝流水綠蜿蜒正值春風上巳天不是永和東道主一觴亦復會
羣賢

少微閣

臨空瞰澗俯清溪閣占黃堂西復西我昔曾攀即宿近只今人指二
星齊

簡張子溫運使

宗丞矻矻不離口右司時時說解頤豈獨當今三昧子故應勝古四
愁詩

少陵子厚妙鑪錘力不能追心自期杯水平時猶不直試求印可老

宗師

椿桂堂

昔時共說竇家椿今見清門五桂新我亦鄉閭誇盛事比君家尙少三人

題吳先生祠

先生高義薄層穹解使池庭化泮宮應笑蘭亭舊豪逸溪山千古第

寥中

題挹仙亭
鶴駕鸞駟入杳冥望中遺跡照人清只今縹緲煙雲裏應有仙家犬

吠聲

送王節推夷仲秩滿赴闕

紫禁臚傳第四人錦腸貝齒凜長身三千來作諸侯客千里江山陰

受春

胸中深蟠萬卷餘筆端倒傾鮫室珠均政要舍人樣致主澤民推

香山集卷十六

宿儒

戰和未定議紛紜草茅有忠天莫問公行矣陪國論毋媿新亭千

載人

中年謝傅良多感欲別能忘作惡無今日與公休惜別須知元不隔

江湖

寄洪舍人二絕

人物中朝第一人胸蟠萬卷筆如神調元要倚經綸手黃屋虛心待

舊臣

仲氏昔嘗司宥密長公元已轉鴻鈞紫微豈久承流地黃閣終須報

主身

平遠臺

平遠臺高俯翠微海天煙雨正霏霏登臨何處明人眼鳥石山前白

鳥飛

吳越王廟

五季流民去不還賴君撫有此江山嫌名舉世猶知避何況來瞻廟

次韻丁端叔舟中值雪三絕

輕舞謝衣端不惡斜侵潘鬢總堪驚偶思功業聊看鏡自怪年來太

瘦生

但知才出吳公石孰識詩堪子建親不惜剩吟黃竹句何妨傳示白

頭人

延和初奏三千牘幾旬旋咫尺五天風格出塵誰可並爭看遼鶴一

千年

二月二十八日周提官葉致政樓司理過訪錦園

錦園春色滿西東一笑相歡四老翁八秩總開三百歲樂天風味此

時同

錦園不減商山樂四皓中間著此翁可無千字作何人似此一

樽同千字作謂百韻詩昔樂天與劉夢得裴寬容王尚書飲作詩云四箇老人三百歲合得用以爲故事

香山集卷十六

碧湖偶成

只欠退之盤谷序已成摩詰輞川圖寧復須西子不用扁舟向

五湖

次韻黃三以詩分送筍

此君稚子別經年忽到茅齋意豁然自媿清貧饒太守嘗新翻在小

春前

醉題艇齋

平生飽識江湖趣今日歸來鬢似絲閉戶松風鶯醉耳恰如漁浦聽

潮時

送竹枕與勾希載太傅

誰人彩斲渭川村有節輪囷秋竹根割我便便春晝睡乞君栩栩夢

中魂

次韻何茂恭詠玉簪三絕

金谷塵穢人已遠樓前首飾尙堪尋誰家玉面雪肌女淡掃蛾眉方

稱贊

未開黃鉞紫冠小誰與幽人作好秋一笑相看雨不厭翠雲堆裏玉搔頭

月露洗沐秋容淨姑山初逢冰雪仙風流水部與藻飾從此梅花應並傳

題湖上月林

月林風物最湖山十里煙綃映霧鬢欲識丹青難貌處渚鷗汀鷺有無間

亦好園菊花盛開為賦二絕

風雁霜嚴了不知晚來幽獨更多姿綸巾細漉柴桑酒坐對疏籬却始宜

窮秋籬落日蕭蕭淡笑臨風畫亦勞微骨清香寒未了落英猶更入離騷

亦好園海紅黃香梅著子戲成

香山集卷十六

七夢 一 虛

一枝穠豔倚東風千葉輕黃點翠叢古尋娉婷仍結子故應花果譜兼通

碧湖小山激水作小溪

平湖激水轉山流石澗繁紆走碧虬料得丹青無貌處白蘋紅蓼滿汀洲

連理枝

紫荊斜倚碧湖隈並幹連枝錦作堆猶記太虛壇上木舞風雙影並徘徊

送李深卿赴省試

事業平生在管城策重今日向神京區區一第恩子耳要聽臆傳第

一聲 曲江深院題名處應有春風得意詩為想杏花三十里却思三五少年時

秋日有懷仲文季直二弟 案此詩據南宋名賢小集增入

微雲初月澹層城絡緯聲連促縱清北雁不來千里信西風還越故園情


香山集卷十六

八夢 一 虛

香山集卷十六

永康胡宗楙据文淵閣本校鈔

宋孝宗時有以質實平正動容嘉歎致御書姓名于壁間者爲義烏
喻叔奇先生先生名良能以朝請大夫義烏縣開國男食邑三百戶
致仕營家圃日磬湖日以觴詠自娛湖傍香山因以香山名集義烏
縣志作三十四卷國史經籍志作十七卷此係十六卷本四庫從永
樂大典鈔出杭州丁氏繇文淵閣轉鈔寄贈亥豕魯魚苦無原書雙
校良用耿耿所著尙有諸經講義五卷家帚編十五卷及忠義傳等
書均未見季樵胡宗楨



宗本頤堂
先生文集

續古逸叢書之二十

癸亥春日上海涵芬樓
假江南圖書館藏本
影印翻刻遠近必究

頤堂先生文集

卷第一

古賦

荆玉賦

後賦

朝日蓮賦

醉竹賦

弔屈原賦

卷第二

古詩

監樂堂

并序

銅馬歌

葛仙化

王勃故事詩人未有及之者

大隋山

曲尺山靈居寺

道方長極異之因引仙

都鹿事求一言記之

讀王尼傳

并序

風蓬蓬二首贈范德承

贈王先生

并序

前年一首投贈劉荊州

詩

贈趙當可

張元舉惠江南李王帳中香

范元通見和仍邀再賦

李彥澤從余求衛公兵法

得孫以詩邀立夫兄次明丈作看客

次韻子春

宿毗沙院諸友相送

戲王和先張齊望

次韻韶美義夫兩家舉孫

次何子應登賦樓韻

以朝鷄送樊氏兄弟效魯直體作兩絕

卷第三

古詩

李仲高石君堂

招隱亭

任氏園二詠

王氏碧鷄園六詠

宿崇德祠下望青城諸山

淨明長老睡庵

懷安光孝寺觀空軒遺圓長老

置酒登賦樓觀月立夫有詩序別次韻
九日同韶美誼夫登妙明分韻得光字
呈蘇企道漢良呂默夫

次韻李士舉丈感春

次馮申之遊靈泉韻

李安撫生日

范漕生日

中秋大雨

遊空山

遊雲靈觀

遊靈泉呈性老

再遊雲靈

遊樊氏阡分韻得事字

再次韻

閬州新井縣豐山鎮慈光院殿柱有咸
平三年寇萊公書海棠花絕句云喧風
花雜滿欄香盡日幽吟嘆異常翻笑壯
丹虛得地玉階開落對君王近歲邑令
剗取墨跡寘邑之廳柱今獨石刻在
大雷雨中舟過蒼溪懷杜子美

次韻次尹俊卿梅花絕句
往成都八客餞飲得同字
與諸友遊楊氏池上呼王隱居小飲晚
登書臺

卷第四

古詩

山鷄送范元通

送王逸

送雍堯咨遊青城

送胡康老

送普州守

用舊韻送普守赴闕

送何熙載之官鄰山因簡虞并父

效東坡送顧子敦體送趙子功令資陽

同誼夫國才餞季然于普門院取壁間

五字詩各探一句爲韻賦五詩某得共

飲碧苔畔

贈瑄上人

送緣庵主

送元思師

送智齊師出峽

送凝上人成都看藥市

送性上人

送譯上人出蜀

送揚道者永覺

送洪上人遊南

送南平僧歸里

送演上人

送月上人南遊

送祖月上人

題趙德修所藏孫太古尹喜傳道圖

題何朝申所藏趙邀卓饒虎圖

題馮申之所藏徐臯魚

題游昭畫牛四圖

題王逸竹溪釣艇圖二絕

題政黃牛出山圖

題十二溪女圖

題昭君圖

題蒲公所作陰壑生虛籟

題蒲公所作月林散清影

題崇首座巴東三峽圖

題李伯時渭城送客圖用知幾韻

題雲月圖

題南禪方丈壁

題樊氏樓壁

無題

送祖道師赴長江

卷第五

近體詩

次韻大受登正法塔見劉王三陵

次尹俊卿見訪有詩次韻

次尹彥回復來偶予他出用前韻招彥回

東禪別新資官令榮安中走筆次韻

次韻李知幾

醉中走筆次趙彥和韻

謁廣利輝禪師

奉伯秋

答伯秋

又和

次韻何子應遊金壁池

次韻子應同遊靈泉

次韻子應遊鶴鳴

次韻李士舉丈除夕

次韻呂閬州錦屏之集

次韻荅張廼直

次韻許唐臣丈

次韻任元受除夕

次韻荅趙之源仍簡演師

次韻諸公贈將官鹿浩然

次韻馮舜陟見贈

次韻趙當可

次韻顧次鳳

和唐山叟所贈三詩

次韻米太初

和榮安中二絕

次昭覺圓老韻

次韻日新見招

次韻師渾甫

次韻何子應留詩為別

次韻晁子與

再次韻

遊靈泉次性老韻

趙和之自鶴鳴泛舟歸城次韻

趙成甫招飯次默夫韻

荅戴時行

荅李知幾

次韻馮廷式西山紀事

次韻馮廷式

頤堂先生文集目錄

頤堂先生文集卷第一

姪

古賦

荆玉賦

卞和秉耒荆山耕獲玉璞喜曰天降異物非賤者有蓋歸主君為國鎮守占協龜筮謀洽妻孥宿春撰目脂轄問塗百里一飽十舍一休前持

後負雉門是求以獻厲王

記卞和事者五家轉非卞和初獻厲王厲

蕘獻武王武蕘獻文王韓戰國公子言近事可信十二國史唐人集亦因韓書也紛冒死其弟熊通殺紛冒之子而代立是為武王史記諸書皆不名紛冒為厲王然楚稱王起於熊通疑

頤堂集

是熊通既自王曰亦追王之既殺其子因加其父謚所謂惡之以自信者轉似得之楚構机而史

記失其傳耳或曰厲王即紛冒之子也無所考據劉向新序作厲武共厲至共七君十和已百餘歲不可信蔡邕琴操作懷平荆平乃懷九世祖懷之後曰頃襄王曰考烈王今世次謬妄不又信許慎注淮南子獨取韓非子王使玉尹相之曰石也飾偽罔上罪死莫贖執畀獄士刑其

左足厲棄群臣武臨江漢儲銳再獻右趾亦斷

步趨廢矣志念匱矣坐胥斃矣無復恃矣文王承序政令從新抱璞哀號越三夕晨淚盡血續

目枯如焚王聞而反之曰國中別者眾子獨過悲何也且先君重於剖石輕於刑人吾其不然

試為子辨於是追師理璞潛寶遂出既磨既礪名以和氏之璧命有司賞宜亟賜衣幘拜爵秩

頒金幣授田宅和甫伏辭避不敢即也十二國

和而重賞之琴操曰封和陵陽侯不就而去因進說曰玉居山則木

潤居水則流方浮青氣吐紫光天性自然不可

掩藏必其呈露寸短尺長黑如純漆白同豬肪

鷄冠擬赤烝粟比黃然後能色題瓊瑤器題圭

璋何用目之不詳哉凡今眾目侍列中外才伸

於用理不得晦雖時有就琢尚隱石者多倍勤

主君以研慮將取之如拾塊石又有請焉我先

頤堂集

二

熊繹受封荆蠻至蚡冒十六葉民順神聽基本

已固乾陽之氣在玉為具刀錯可攻棄之弗顧

武王雄心厭處南藩連兵侵隨巧圖自尊鄭絞

州蓼奮起如雲亦又失剖幸乃得存主君都郢

獵申俘蔡殪息與鄧楚邦始大美矣斯璞發見

符彩巨實刑餘敢逃錫賚事貴明驗賞非所愛

和罷歸荆父老嘆曰卞子捨履求踊忠甚効而

計則違矣石有韜玉人有蓄奇善價少諧韞櫝

莫窺售者但已韞者未虧高士恥於自鬻如彼

又焉知之

說朝東暮西者妄也感而賦之

蓮之種夥矣僊峰十丈禁池千葉花之駢幹之
接斗之披珠之結留大家之嚴蹕下衆靈之絳
節蕩漢女之輕漿開吳娃之笑頰雖舍芬吐秀
雲布星列曾未睹夫殊絕者也相彼小芳亦其
族徒寄清冷之赤水涵微眇之寸軀氣奪蘭蓀
色比瓊瑤金縷中峙綠萼外郭恍朝夕之異變
顯晦隨於日車若夫日外陽谷至于曲阿則花
舒萼開亭亭浮波迎風窈窕照影婆娑日回女
紀顛于連石則花歛萼閉萼萼而沒煙水四暝
杳無遺迹初疑宓妃容與洛濱又似曹娥銜冤
自沉仰止子陵江瀨之曲忽悲靈均葬於魚腹
曉而望之晡而察之未有不同日之起伏也吾
意夫川后河伯之倫發竒露珎以警世矇懼夜
半有負走者復取拾於貝闕珠宮不然握權執
機真有化工也顧天壤之內恢詭譎怪糾錯不
同鉅者林林細者叢叢豈耳目之能窮哉惟其
妙用莫詰動靜相時利欲昏醉人或反之身隕
名滅此花所嗤識諸座右以當箴詩

醉竹賦

俗說五月十三日竹醉移徙無不生者予以是
日取東園竹數本植堦除下客至評予因次第
酬荅之辭作醉竹賦

異哉竹君豈有杖頭百錢公田二頃抱甕比鄰
投轄深井誰者觴之久而未醒醺然氣色頽然
項領偃者如倒止者如寢振籟者如號呶搖柯
者如踔躑解籟者如絕纓墮葉者如毀衽狼狽
顛蹶無復修整隨人西東不得自逞雖虛心其
何用顧大節之徒秉晦叔曰嘻客言可哂也林
下七賢之酣放溪濱六逸之醅酌既已神交此

願堂集一

六

君期方軌而並軫窮年卒歲坐守孤凜忽朱明
之煩溽作河朔之痛飲廢太常一日之齋適無
功醉鄉之境惟標韻之蕭散蕩然合乎天隱俾
墜車而無傷況易地以爲窟且夫萬生芸芸朝
榮夕賈獨幹質之森拔配松官以悠永聆桃李
而增欬睨蓬蒿而下憫付之一醉嘯風舞影此
竹君之妙趣何客之不省也

弔屈原賦

鑒先民之典記兮睠三閭之幽芬涕潑潑以賈
冊兮恫忠潔而不伸豈天監之泐默兮將楚祀

之邁也勲績罔究毫末兮遠蒙斥而湮淪粵摧
輿之神化兮昇斯人以靈智胡廓落之巨邦兮
庸子紛其一揆邈先生之修能兮踔群曹而特
異奉渥德以專衡兮願委質而自試妍蚩錯以
相形兮為眾情之收忌蓋三五之盛際兮賢駿
登於玉除前唱而後和兮蕩皇澤于八區嗟獨
力之榮榮兮莫有助於持扶乃肆讒以媒孽兮
實厥私之是圖謂靈脩之下燭兮返信受以予
怒辱及身而國阡兮昏不識其所措既前王之
不諫兮尚後王之可追鬱中情之紆兮負玷黜

願堂集一

七

以長違託叮嚀之嘉言兮鏘瓊珩與瑤珮念皇
輿之顛覆兮悼日月之不再持大義以自植兮
肯變度而易態瞻四顧其何適兮寧投軀於江
瀨嗟先生之耿光兮貫宇宙而愈章世或操其
異說兮疑先生之罹殃惟屈氏之於楚兮借高
陽之苗裔歷九州而從仕兮諒非予之夙志雖
屏棄而日遠兮猶飛心於華軒眎故都之將頹
兮忍靜默以自全懷先生於久遠兮念叔世之
愈薄小不能死封疆兮大不能死社稷習柔媚
以圖安兮睨其君如國人進靡聞於抗直兮矧

退為之隕身抑高風之難嗣兮獨以是鍾于先
生豈時變而事殊兮孤忠無用於必行死骨之
不可作兮浩悲思之來并糸曰山峻峻兮水滢
滢沅湘春兮洞庭秋續紛兮艾荷衣容與兮木
蘭舟馮夷兮導前祝融兮馳殿揖彭咸兮周旋
招申徒兮遊衍晨謁帝兮九疑夕騰步兮南箕
肱溷濁兮高逝倏千載兮不歸


願堂先生文集卷第一

賦

懷家也

願堂集一

八



乾道壬辰六月王撫幹宅謹記

頤堂先生文集卷第二

姪

古詩

監樂堂并序

巴川郡治之圃曰監樂堂者紹興戊辰始初僅七年敗于漲水而故製迫陋亦令人意不舒常平使者僚屬馮侯茂恭攝守一新大之侯故家子學古入官慕循吏名迹欲與相角剪弊剷蠹禁姦繩暴率之以正行之以公持之以果輔之以明政大事小節目具舉舊為害最甚曰益昌

頤堂集二

軍食歲三千斛郡亦二千八百餘斛廩粟又八百斛盡取之民不得一錢與常賦同輸其本費或計司指空文或屬邑侵幹侯悉條請之嚴絕之郡自任責會朝廷遣郎官出使大革苛斂即疏始末又別具民事九蘄必更張是皆久且著因仍莫問者五邑歡震釋苦得樂而堂方告就侯曰前守監民苦樂在此榜不宜易也郡人則相牽連求聲詩於王某故作四章章八句
隆然新堂治所中間江嶺環匝州瘠以寒吾氓蚩蚩吏有奪欺侯登新堂來輯來綏新堂隆然



侯遠近望力紓吾氓俾獲其仰
寒吾與續導爾嬉娛廢爾悽悵堂富衆產左右
後前沼魴嶼鳥春棠夏蓮莫莫者葛蔭五畝餘
爾動爾植其寧爾居侯讌新堂賓僚接席觀者
墻立垂髫戴白歌鐘既合手之舞之祝侯壽考
與江嶺期

銅馬歌

郾城村民鑿古墓隧得一銅馬高三尺許制作
精妙前簡池守景季淵取以歸中宵風雨輒聞
嘶聲恠之不敢留移送佛寺紹興丙子子以事

頤堂集二

至成都黃伯淵見索作銅馬歌

君不見武皇逸志凌九坂追風躡影思龍媒魯
班門外立銅馬天厩萬疋皆塵埃又不見伏波
將軍破交賊歸來殿前獻馬式據鞍習氣殊未
衰想見老子真矍鑠兩京翻覆知幾秋只有山
河供客愁孤煙落日蠶叢國出此神物於荒丘
千年黃壤誰作主猶把歸心泣風雨但恐一朝
去無蹤有似豐城寶劍化雙龍

葛仙化

王勃故事詩人未有及之者

靈山信多異孤起一萬尋其上羅諸峰聳秀欲

相臨危磴巧盤折古洞闕清深叢木開錦帳飛
泉鳴玉琴三仙班龍駕長往無歸音高閣儼像
設霓衣紫霞杵故知飛昇骨借來幽絕岑聲利
豈不好奈此老境侵吾家窮子安登覽動悲吟
盛時亦去遇志大力巨任今人已笑古後人復
視今天命儻可順吾將守素心

大隋山

天彭對峙關兩門群山左右爭駿奔金城中間
作几案大隋踞坐何其尊境勝地靈誰敢宅古
佛來自東家村結茅三間初未暇一庵聊寄枯

願堂集二

三

木根緇徒駢擁助薪水王侯漸次透華軒翫月
峰深崇棟宇瀑布巖冷清心塊至今西南推望
刹十世說法雲仍孫病夫垂老寡所嗜獨於要
妙欲細論當時戲出隨他語坐斷報化轉乾坤
邇來衲子多異解白玉面上加癡痕山蔬煮餅
姑恣飽雲氣漠漠連黃昏空堂附火耿不寐聽
徹猿鳥迎朝暾

曲尺山雲居寺

道方長老女蚤來鐘自
鳴者三極異之因引仙

都鹿事末
一言記之

循溪上坡坵溪亦因山曲行盡高深處招提隱

山腹往者灰燼餘白塔但孤矗十年開斤斧有
此千間屋阿師笑相語異事子當卜今日鐘報
客振響非人觸病悻優婆塞歸夢到松菊諸聖
惠三昧警我煩惱毒卧聽夜雨喧起看曉雲族
去路猶恐迷主人費齋粥

讀王尼傳并序

王尼字孝孫洛陽之陷避亂江夏依荊州刺史
王澄貧無居室惟牛車一乘晝則子御之行暮
則共宿車上澄卒荆土饑荒尼不得食乃殺牛
毀車煮肉噉之盡父子餓死初葛雉川至洛陽

願堂集二

四

見天下已亂即避地南土董養至洛陽見二鵝
之孽即挈妻入蜀當是時天下則有亂矣洛中
尚無恙也而二子眎之若檻穽然拂衣徑去治
退居之計使尼先識如二子安得奔走紛拏之
際為飢死鬼乎子感之作詩以自箴

處世常多憂政坐口腹牽誰能百無營飲露如
寒蟬原野足餓殍山澤漫臞僂作計苦不早身
窮乃怨天劉石擾河洛孝孫方南遷庇無一區
宅耕無一畝田牛車不自救枯骸枕道邊君看
董與葛見幾預著鞭智慮故不同禍福仍相懸

關輔已荆棘江淮復戎旃吾生亦可料速辦買山錢

風蓬蓬一首贈范德承

風蓬蓬雨率率客子中夜寒侵骨青燈也解照孤愁歸夢不到涪江側晚來天氣猶未佳萬里濕雲遮日華僧房僻寂無來轍踏遍長廊占晚霞聞道比鄰酒初熟能來澆我空洞腹為君痛飲不苦辭世路紛紛蠻與觸

贈王先生并序

夔州王道成先生舊射利江湖間政和丁酉遇

願堂集二

五

異人王鼎傳內丹之妙遂破家學道浮遊東西蜀鼎時見荆南市中不與人交一談無能識其誰何者身長七尺廣眉目美鬚髯狀白如四十許荆南父老自成童時蓋已見之一日與王飲自道姓名曰吾洛人武德初事秦王為御者奔走兵間後得仙法隱華岳酒酣別去不知所往紹興六年道成見子於金川講宗盟之好為作詩百一十五言
隴種健兒鬚如棘幼事秦府持鞭勒戰塵撲面心已灰徑上三峰弄泉石乾坤變化五百年人

間未識地行僊布裘落魄荆州市丹經秘法為君傳散盡千金何所有腹中氣作蛟龍吼功成直欲凌紫虛尚愛岷峨山下酒年來我亦厭樊籠乞取微言為指蹤君不見葉縣雙鳧嶺鶴古來度世多吾宗

前年一首投贈劉荊州 詩

前年別公東南馳正當六駟還宮時都人懽傳好消息慈寧首問公何之鐘裘不復恃軍馬穎上一戰中興基青天白日呈萬象向來讒吻真成癡數從西府同行李樞莞政要人扶持吳江

願堂集二

六

再見丹楓落寧料我公猶在茲呼鷹臺邊閉鼓角望沙樓上陳書詩夕烽平安置莫問賢牧自當十萬師維昔全荆號強國近者賊火仍瘡痍形勝之地勲名集端使前輩相追隨襄宗依劉有故事自憐遠去作兒嬉明朝爛醉沙頭酒不管春風吹鬚絲

贈趙當可

元子稱漫浪嚴生資苦勁海內無賞音秋風入裘鬚東江一茅屋但欲安性命頗怪澤畔翁煩詞寄天問

晚交得王孫每見心輒醉平生虎豹韜近者詩
酒累流光迫壯懷撫事我亦歎不如從君飲此
外淡無味

張元舉惠江南李王帳中香

西樓北苑春色濃日日醉倒駢齒翁歸來萬事
不整理笑倚娥皇冰雪容疊牋共寫霓裳譜更
作新聲邀醉舞瑤光殿裏帳拖紅一尺爐煙日
亭午事去時移二百年金陵空有舊山川此香
那得到君手妙訣無乃當時傳慙君爲我供愁
絕年來辦得心如鐵但能飲酒讀離騷竹枕藤

願堂集二

七

床卧明月

范元通見和仍邀再賦

新橋酒作琥珀濃平生頗羨江南翁扁舟尚繫
清涪尾却對爐香開病容何必探囊尋舊譜一
見詩筒喜欲舞竒芬麗句兩爭雄蘇合芝蘭謾
旁午當時俊氣輕百年嗟嗟百年間離騷父老
而今悲逝川得公操筆弔興廢定知詩與香俱
傳我生自是癡中絕懶學諸儒議蓋鐵枯腸空
洞費搜尋兀坐忍飢三百月

李彥澤從余求衛公兵法

衛公少時已知兵坐談壓倒韓擒虎一朝委事
虬鬚帝南殲荆盜北鋤虜出其緒餘教君集猶
謂四夷莫予侮乃知機略妙無比攻城破陣一
仰俯當時傳公挾異術雲稜孤虛自默數可憐
癡兒尚詭恠至作齊東野人語我家舊畜公遺
書片段飄零十得五開囊取拾送君讀想見明
窓口如鼓玉輿消息渺吳越鐵騎縱橫暗江浦
學成出去清胡塵莫道儒生不能武

得孫以詩邀立夫兄次明文作看客

我生苦不諧所向如登天老眼始見孫便覺了

願堂集二

八

世緣一陽謹初度剝極宜復旋神氣已秀發玉
虹照晴川家書或有託似能守青編免翁費十
牛令渠受一廬使君與別駕同是峨眉僊肯來
摩其頂飛蓋相聯翮丘也親抱送已輸徐氏先
游夏實高弟庶幾文學傳汴都二相國祠世多携小
兒拜謂乞靈即游夏也

次韻子春

微風度疎竹青燈照孤影起尋千載書坐對一
夕永念昔走京師噉蔗入佳境注傳擬杜癖說
詩配康鼎詎識豹霧深但愛虎文炳薦紳滿朱
紫人物稱袖領經義有寸長富貴在食頃彈冠

欲慕貢洗耳寧思穎自從鐵林騎來污金華省
幾年強求活百事付幽屏慵便塵柄閑病怯牛
衣冷借書試探討掩關謝馳騁新聞渺無得舊
學粗可整鈇筆伴曹褒蟻蝨欺王猛自憐亡竒
者才拙乃素稟播為漫浪叟畢此須臾景外沉
豈殊致行止貴深省嘉言誰起予虛心期一請
宿毗沙院諸友相送

出門風喧號半道雨飄洒行役已堪厭投宿小
蘭若葱籠林樾中一徑僅容馬古屋數十椽佛
事走村社王趙兩故人清詩壁間寫讀徧已曛

願堂集二

九

句

黑尚有相送者見可逞雄辯說說欲脣哆伯威
弄長笛哀音振原野子仁喜捷敏德常號醇雅
來共一夕寒罇酒肯屢把明朝定西去山路泥
沒蹠此地當迴首想見煙莽惹平生受性僻所
至徒侶寡因詩記離憂踟躕孤燈下

戲王和先張齊望

王家二瓊芙蓉妖張家阿倩海棠魄露香亭前
占秋光紅雲島邊弄春色滿城錢癡買娉婷風
卷畫樓絲竹聲誰似兩家喜看客新翻歌舞勸
飛觥君不見東州鈍漢髮半縞日日醉踏碧雞

三井道

次韻韶美義夫兩家舉孫

兩翁連詩軸誇我新生孫種德固有後擾龍同
一門祥應偶然耳矯激笑劉昆要令百世祀那
止一飯恩遙知湯餅局歡傳溪上村茅堂滿賓
客林酒對雞豚我亦勸兩翁自放琴與罇此生
復何事醉吟閱朝昏

次何子應登賦樓韻

使君來作牧衆若倚南山時節當授衣已念赤
子寒駕言出登眺豈為景趣繁民風指願中惠
術良欲殫紆懷有佳句伏誦一再歎從今安田
里不度百牢關

願堂集二

十

句

以朝雞送樊氏兄弟效魯直體作兩絕

平生自許屠龍學歲晚擬作祝雞翁長鳴分送
君識取膈膈膊膊風雨中
塵柄知君談壘壘雞群笑我喚朱朱曉窻試渠
作人語絕勝蠹簡用工夫

願堂先生文集卷第二

蘇東坡詩集卷第二

頤堂先生文集卷第三

姪

頤堂先生文集卷第三

古詩

李仲高石君堂

三吳黑風吹地拚太湖浪高一千尺龜竈兩山
壓湖心歲歲飛濤恣衝射山骨雖堅亦破碎穴
穿根斷瑰竒出二山在太湖古來石品稱上首
羅浮天竺乃其乙崇天作竒章公石記云公嗜
浮次之餘為下又吳蜀相望天東西而從何處得
此石初逢頗驚醜恠狀徐視不見鐫鑿跡月暗

頤堂集三

煙昏鬼神怒沙平草短狡猊擲或云王孟竊據
時曾是宣華苑中物姦雄敗滅化為土獨此頑
然蒼玉立流落幾家到李氏命名以君相主客
為君榜堂詫鄉人愛賞不啻連城璧金璫中官
來奉使一時氣燄手可炙利誘威脅擬奪去仲
高誓死君之側先世所寶吾敢墜貴人縮首三
嘆息會昌丞相乃遠祖嗜好夙有煙霞癖平泉
山居付夢想石上刻字空照日朱崖精爽雖可
畏洛陽群盜旋充斥故知幽勝豈易保天公似
向人間惜衛公平泉石皆刻有道字平泉詩序
曰後世以一石一花移他處者非李氏

子孫然唐末竟為有力者取去五代時張全義
尹河南監軍者嘗得平泉醒酒石衛公孫延古
託全義求之監軍忿然曰黃巢亂後洛陽園宅
無復能守豈獨平泉一石哉全義嘗在巢賊中
以為譏已奏告殺監軍令政須洒掃堂上下置
酒招我無難色酒闌氣壯拂衣起摩娑石君話
疇昔

招隱亭

層崖壓西城半空轟孤峭何人結斯宇想見骨
次妙叢林開蒙密江山得樞要拂拂幽草香噴
噴群鳥叫我作謝公屐來學阮生嘯披襟待涼
吹停盃延落照永嗟區中人嗜慾昏九竅誰賦

頤堂集三

招隱辭此病政難療我亦裹青衫俛首入選調
平昔志萬里自省成大笑才術幸無取曷不返
耕釣雄飛或有時一拜蒲車詔

任氏園二詠

鴛鴦樓

世論尚迫隘吾道亦摧藏行歌碧雲暮坐怨瑤
草芳不如寄層梯轉盼盡八荒飛霞曳為裾明
月綴為璫舉手招盧敖振步謁紫皇歸續大人
賦一笑遙相望

舫齋

平生江海志煙雨一莎衣掛帆恨不早白首心
事違作齋跨幽塘想像未覺非時傾半罇綠自
釣尺鯉肥蘆花卧秋風柳帶搖春暉寄言宣城
守何必天際歸

王氏碧雞園六詠

露香亭

北渚一帝子洛川一宓妃池有十種蓮平生所
見稀纖穠各態度紅白爭光輝我來亭上飲夜
久未忍歸翁家採香人但愛香滿衣豈知清露
濕圓荷瀉珠璣

願堂集三

三

鈍庵

俗子如錐利達士如椎鈍乘除付造物多智反
自困君看庵中翁漫浪出方寸卧聽松聲老行
觸蘭芳嫩謀身固未快事過了無恨今人豈辦
此勸翁慎勿論

清室

碧雞古名坊奔騰車馬塵那知小洞天清絕欲
無鄰一室對林樾四時禽語新焚香讀周易意
得氣自伸明月落盃酒冷風弄衣巾寄言朝市
客聲利恐汗人

鑑泉

分來何處泉注此團藥池有如大圓鑑玉匣初
開時瑩然絕纖埃萬象見毫釐主人湖海士曳
杖日娛嬉應照兩侍女新粧弄妍姿亦復照主
人鬢髮白然然

涼榭

窈窈林影深澹澹波光冷異哉濁惡世有此清
涼境側身朱欄上風煙得幾頃嘯聲出竒響疑
在蘇門嶺荷氣迤迤馥如窺太華井要須從翁
遊岸巾閑日永

願堂集三

四

層蘭

僊翁有蘭癖肆意搜林坳負牆累為臺移此萬
紫青九畹與九層異世皆可銘取拾衆妙香道
遙醉魄醒隱几光風度開簾皎月停門前勿通
客翁續離騷經

宿崇德祠下望青城諸山

昔年來就學頗熟青城面雖無尋山分猶喜且
暮見遠去八寒暑夢想無時休誰意俗士駕復
作山下遊晚雲蔽高峰悵望久柱頰山靈豈猜
我未許相投接晨興雲散盡秀色矗亭亭還如

故人眼不改舊時青愧非自由身又復塵中去
他日訪麻姑問許山頭路

淨明長老睡庵

阿師睡三昧有如飽葉蠶以睡作佛事復名所
住庵夢覺本何擇月行影在潭勿笑脇尊者二
子正同參

懷安光孝寺觀空軒遺圓長老

寶坊鬱鬱滿松檜獨有小軒花數輩勝以觀空
作正觀要識轉物大三昧世間眩人萬紅紫心
君已落色界內那知心境無異法真見元非色
塵外色空雙忘未奇特非非想處亦橫濱誰因
拈花發微笑嚼藥嗅香不相礙吾儕跛鼈望千
里安得還都如歷塊詩成懷藏擬不出彼上人
者難酬對

置酒登賦樓觀月立夫有詩序列次韻

西山自高爽更上百尺樓月華出萬象獨以寸
目收寒光增灝氣山影接江流相從更幾日醉
賞同一甌諸君有大志應銷別去愁衣食纔足
守墳墓記取龍鍾馬少游

九日同韶美誼夫登妙明分韻得光字

野迥半留日雲薄初護霜一傾萸菊酒三肅翰
墨場諸君黨友賢獨我鬢毛蒼滿引雖云樂分
携亦自傷平生子劉子趣歸謁建章勳業定指
取富貴肯相忘古人重佳節酬酢無餘觴龍山
丹葉飛騎臺白草荒但使修名立豈識離緒長
明年未可料共飲西湖光

呈蘇企道漢良呂默夫

半生岷山下心與岷山親幾蠟登山屐不作山
間人茲遊愜所願晴暄送餘春山意欲相招縷
脉就我陳同行二三友懷抱無一塵又矣煙霞
癖佳哉笑語新歲華迫人老世故遣人嗔努力
造窮絕樂事當及辰

次韻李士舉文感春

四時平分春大好春雖強半未甘老輕車矮馬
恣搜尋始信天工為春巧中園層層亂風花長
路青青被煙草詎知陽熙變陰慘頓令樂事成
憂悄兒曹浪語甜如蜜欲觀俘囚數軍實黧貅
萬屯移蜀塞胡人喜躍秦人泣孤坐唯防酒醖
空餘寒頗覺鷲聲澁貪嗜五斗不自謀幾時歸
作山林客

宣撫招討公取德順張形勢欲吞全
陝功將成矣聖主念兩國赤子有詔

頌師移屯蜀口憲車李丈
感春有作某次韵及之

次馮申之遊靈泉韻

名山起高興不惜馬首東沙邊一着眼翠光已
浮空踏遍桑柘村所向漸不同溪細山疑合谷
轉路始窮瑩淨白玉界芬馥青蓮宮元知境過
清乘春乃昭融尚餘半殘花伴我酒頰紅拂石
愛少蘚披林怯多風安得身無事來對禪寂翁
慮沉燈影外慧發鳥聲中庶遂老巖壑此行太
忽忽

李安撫生日

願堂集三

沙溝紫氣如隴雲涇城冬律變陽春夫工爲國
巧謀帥生此標標七尺人坐揮白羽歷三紀胡
兒奔迸塵頭起緩驅小隊來漢中甲光冷射清
江水金爐着火焚寶香願公壽考仍康強門外
祝公更多有軍民十萬指中梁

范漕生日

治忽本天運賢哲豈浪出中興信可期帝爲齊
良弼嶄嶄岷峨山西南著第一山靈借英氣成
此垂雲翼才多浩江海道大迷吟域磊落萬卷
腹爛斑五色筆曩參相君幙謀入九地密復佩

太守章化行千里溢紫詔從東來界之使者節
旋兼蜀大尹繡衣擁彫戟談笑百城聳指顧萬
事集但恐被賜環台衮輔王室有如老忠文殊
勳照簡冊佳時過重五適當懸弧日遠邇祈公
壽歡聲共一律伶俜涪江生獨以文爲業不敢
嚴香火不敢具芝朮拂拭舊破硯曾次先窳兀
公掃河朔塵請飛聊城檄公蹠定襄血請勒燕
然石待公黃髮年几杖付閑逸從公綠野堂哦
詩繼元白

中秋大雨

願堂集三

癡情愛佳月樂事期中秋造物故相戲不遺金
波流玄雲如塗墨急雨欲漲溝暝色暗無際壯
聲浩莫我揖謝雲雨師努力勿罷休歸來坐書
室盃酒自獻酬

遊空山

閱遍平川至山足投鞭下馬緣山腹古栢屹如
蒼龍起絕磴盤作長蛇曲氣力已憊意未歇市
聲不到境尤肅欵門徑謁紫金像邃殿蕪蕪來
香馥褰衣却上清虛閣叢林障我千里目嘉名
大榜起何人來者先自嘆煩促時於缺罅見一

一煙江黛嶂堆青綠先人昔此斷還住三年學
古忘幽獨當時詩板今無在只餘石刻記經軸
拂塵再誦心欲折世態萬變流光速我方投迹
隨喧闐文字堆床未盡讀山中宴坐亦所願那
得寬閑繼前躅留連兩日同僧飯更念重來幾
涼燠作詩強寫無窮悲天風爲我號寒木

遊雲靈觀

茲山雖特起遠窺殊未豪三休出雲際始知盤
踞高大江分一綫衆峰環千遭溪谷粗可辨綠
樹皆蓬蒿羽衣何年來釣取海上鼇感衰伸臂
頃古屋風飈元和有遺刻雙旌挾時髦想見
飲清曠秀句含春醪萬世同一兀名字空嘈嘈
吾其鍊僊骨玉京摘蟠桃

遊靈泉呈性老

曉發雲靈山午憩靈泉山兩山信有靈相對各
開顏阿師達麼孫文字昔所刪戲出香積供憐
我半生孱時維春物老餘花見班班杜宇鬧蒙
密胡蝶舞清閑大似師說法奧路關重關市區
巧攘奪日中誰先還請以一枝筇從師兩山間

再遊雲靈

生緣墮城市日與塵埃俱豈無青霞志不得閑
須臾李君實吾黨半歲相招呼今晨始能來著
汗先霑濡奇峯出天半虎据東一隅絕頂所見
異衆山巧奔趨危坐送落日萬象爭環鋪隱公
老益壯我亦窮而迂同行二三友文采得自娛
少待月波上歸騎當徐驅醉中語黃冠此心何
時刻

遊樊氏阡分韻得事字

山深少車轍雨餘多空翠不知窮秋中草木乃
爾媚隱君一坯土諸子幾掬淚盛年喜邁種末
路等幽閔村酒敢嫌濁喚起吾渴睡勿聽松風
哀姑對山月醉從今棄書冊獨以醉爲事不然
持禿篲淨掃清涼寺

再次韻

寒齋編簡香溫室紈綺翠疇昔徇所好外物巧
相媚晚驚生死變洒盡闌干淚誓求無上法不
問天所闕休悲夜臺客萬年供一睡我亦老將
死何苦逐昏醉歸從浮圖師了此一大事試問
八督州何如三入寺

閩州新井縣豐山鎮慈光院殿柱有咸

平三年冠萊公書海棠花絕句云喧風

花雜滿欄香盡日幽吟嘆異常翻笑牡

丹虛得地玉階開落對君王近歲邑令

剗取墨跡真邑之廳柱今獨石刻在

荒山古刹殿柱頭萊公題詩說羈遊當時海棠

不擇地有似野水橫孤舟澶淵功成返黃屋東

府夜宴燒椽燭老向雷州著綠衫蜀芳剪棄吳

舡覆一驥向來超萬群誰與九原呼相君天寒

酒淺不供醉卧看北風吹陣雲

大雷雨中舟過蒼溪懷杜子美

願堂集三

疾雷欲破嶽疾風欲翻海昏昏雲氣中稍辨

轟鬼飄雨雜飛電蓬屋響珠琲舟子紛相呼

篙入旁匯罅漏何所避庶幾無大悔萬鈞寄弱

纜掣斷危可待過午天氣佳起視江澆澆書生

強遊行有神司其罪不見少陵翁蒼溪遺句在

我老更可惜以翁窮十倍

次韻次尹俊卿梅花絕句

人間幾桃李漫漫化泥塵不恨取功晚新年第

一春早

飯顆從朝瘦相流獨占清失身到東閣聊復對

簪纓官

未學迴風舞初成拜月粧故令青女妬一夕月

階霜月

急霰爭璀璨僊標不解寒漢家趙飛燕偏許雪

中看雪

雲澹江臯晚飛香到短蓬望窮渾不見恨蒲白

蘋風江

袖寒倚脩竹暗起著人香聯影黃昏月亭亭上

壁璫竹

雖無適俗韻亦有可憐香定自嫌朱粉翻成點

願堂集三

點黃黃

墮藥香猶嫩空枝影半橫江湖無限思不獨為

尊羹落

往成都八客錢飲得同字

鎬京有八士淮南有八公紛呶一夕醉緬邈千

古同我思錦江曲駕言涪水東神交設華宴妙

語穆清風合坐燈炯炯投曉山叢叢別去復何

道勿使酒盃空

與諸友遊楊氏池上呼王隱居小飲晚

登書臺

微風度竹氣澹煙增樹色探尋得佳境灑灑一
池碧藻荇紛縱橫魚蝦時跳擲同遊好事者喜
我有此僻置酒助清賞環坐藤陰側白鬚比鄰
翁恠語不自惜欲學三盃醉相付一笑適酒罷
循歸途翁亦返舊宅

臺山如招人突兀城南隅我來有佳興不辭石
磴紆步窮孤絕頂局局萬丈餘永懷舊刺史儒
冠此研書竟以印綬歸榮光燭鄉閭世事幾反
覆百年等湏臾地閑芳草積樹暗怪禽呼空留
好書名永與此山俱

頤堂先生文集卷第四

姓

傳

編

古詩

山雞送范元通

我離別曾文字子所負騰踏會有逢勿使豪邁
氣衰颯隨霜蓬或歌歸去來徒為白髮翁男兒
富事業高名配華嵩

送雍堯咨遊青城

曾遊玉壘市長揖岷山雲塵緣不暇往今日離
送君丈人紫霞服麻姑青練裙鹿車時出遊俗
眼了難分獨聞老人村鶴髮自耕耘豈無抱德
士可與立竒勲勿求不死藥自苦骨與筋胡兒
正南牧兩河如聚蚊

送胡康老

頤堂集四

二

胡公起三晉才如山河雄弊裘走上都氣壓洛
興嵩豈無濟時策入對明光宮戰塵一飄蕩隻
影隨疎蓬虎符靜為治使節凜生風所出毫末
耳照眼驚兒童竭來墮閑冷玉匣藏霜鋒忽買
巫峽舟飄飄指吳中遙知遷擢近黼坐思募龍
他時卧華省清夢來巴邛

北人事鞍馬笑誇太行高豈知相風色孤帆寄
江濤雄圖攬方寸不憚舟師勞一見武功天騰
踏當有遭皇綱餘絲髮海宇半弓刀誰人念恢
復此事付英髦尊羹伴鱸膾酒舫載蟹螯何如

敢羊酪春醅滋蒲萄願言雲路穩勿使閑豹韜
功成儻乞身故園剪蓬蒿

送普州守

寧可鈍如槌不可曲如鈎毛錐爭奪所喪乃
山丘向誰巧相中機筭險且幽十年彈指頃死
骨埋荒陬細看天定後人力豈易謀一洗謗書
毒近鄉仍曲州惟此詩書窟俗比魯與鄒老手
亦何事坐嘯群吏休政成有異等時至或封侯
期公如鐵山竝立千萬秋

用舊韻送普守赴闕

願堂集四

三

園墻閑木索南畝富鉏鉤人謂賢使君治術本
軻丘丹禁頗念遠白簡頻黜幽那知牧養手安
坐窮山陬國是久已定諒非卿士謀除書下八
行仁風被九州自憐登門舊長裾曳齊鄒送公
朝帝所別語不忍休腰組掛銀黃刻日賜通侯
應記遠宗子茅簷卧高秋

虛名強逐身小智矜藏鈎蠶觸蝸兩角古今貉
一丘念昔齒方壯抱愁山之幽誓從東南尉策
勳西北陬人事乃大謬天命不少謀雲梯乏僊
骨車轍半神州廉頗故思趙韋孟欲徙鄒錦水

清堪濯草堂靚可休儻有一區宅不願萬戶侯
尚及公掛冠共飽黃雞秋

送何熙載之官鄰山因簡虞并父

力學取名第指作青雲梯向來杏園伴盛者直
金閨天工亦善戲濬速乃不齊三年得一尉初
挈挈與妻邑居大山底積翠蟠東西瘦馬當緩
驅石磴裂馬蹄寄謝循良守桃李想成蹊行春
有餘暇書尺到耕犁

効東坡送顧子敦體送趙子功令資陽

子功宗室雋一柱屹蒼蒼投身冠蓋窟所向率

願堂集四

四

披猖宏論震俚耳百川吸滿觴頗笑中壘尉豈
羨執戟郎胡為學蠹魚夢入編簡香作字擬義
獻賦詩逼齊梁茲行宰劇邑人謂挾風霜我言
百里小未得施寸長上司督租賦文檄日一箱
枵此空洞腹餘事皆糝糠耆舊王與董骨朽神
不僵努力肥百姓二子立道傍

同誼夫國才餞季然于普門院取壁間

五字詩各探一句為韻賦五詩某得共

飲碧苔畔

投分前日歡愴別古人重相望一千里獨許明

月共

滿酌青毫盃醉卧白石枕借子驪駒曲侑我河

湖飲

暑塗勸加食養成摩天翮中車寶帶黃小隊油

幢碧

塵榻為子下柴扉為子開從今斷還往一室長

莓苔

來時金蘭集去日風雨散別語慎勿忘短書寄

澤畔

贈瑄上人

願堂集四

五

日日登南樓支頤望西山念我知心友一榻栖

孱顏詩如山中雲婆娑意自閑世無飛僊術塵

步愁躋攀我懶久不出碧蘇封柴關床頭五字

業期師一來刪

諸公爭談詩健舌秋河傾袖手但兀坐欲語不

敢聲獨喜圓顛師嗜好與我并相見不言他古

律同細評愛惜丈八矛徐攻劉長城向人勿浪

出三年戒飛鳴

白髮潛庵老題近者焚翰墨長身書臺子潛江

湖斷信息肥宗訂與短演宗見面應不識桑門

減詩侶熟念氣填臆惟師兩無擇同我滯鄉國
努力事唱酬異時亦南北

送緣庵主

上人久習靜閉門守一龕猶恐市塵染西岷撥

晴嵐歸來非本心退結山中庵秋風入我袂又

往天之南南方盛法窟誓志必窮探雙徑卧老

龍懷珠千丈潭東鄰嘯乳虎眼光見眈眈禮足

受半偈安坐十年參我昔客吳楚但愛雲水涵

不聞清廟瑟浪走雪滿簪相逢儻有日為我舉

二三尺書附巴使勿語洞庭柑

願堂集四

六

送元思師

思師講法華眾說積丘墳嘗据師子座受降于

人軍猶嫌文字傳聖域未策勳欲唱江南曲試

披楚塞雲良才大蔽牛匠者宜揮斤箭鋒或相

直對面同一欣古人得解脫乃不厭多聞歸來

閱故書請以道眼分

送智齊師出峽

齊師成都來春風掀竹笠自云十五年參學事

未畢得錢買小舟湖南尋佛日曾中有此老如

飯不下嗌誓竭牛馬走往供薪水役儻請一大

事歸來卧蓬草此老吾所聞機用飛霹靂高提
倚天劔萬里無行迹師欲嬰其鋒意氣真絕出
巫峽拖聲轉湘江帆影急行矣毋滯淫坐夏猶
可及寄語花藥市爲我留一席

送凝上人成都看藥市

蜀山富奇藥野老爭藏私九日來成都塞斷長
儀樓權豪競奪去萬金未得酬問師杖頭錢免
渠失笑不久通安樂法况復形骸憂知師不應
爾肆意作嬉遊傳聞不死草往往落鉏耨我欲
前市之請以道眼搜屑屑治編簡一室方自囚

願堂集四

世塗敗人意寄語韓伯休

送性上人

錦官與子別六聽秋城砧坐纏兒女愛夢遠蒼
葡林子歸能幾日又起江湖心江湖多幽寺老
衲天機深一言當有契超諸去來今孤舟出寒
渚停雲結層陰滯留嗟我老何以開愁襟

送譯上人出蜀

夕雨敗沼荷曉風獵巖桂人各動歸思子獨謀
遠逝峽門去來舟日爲聲利計扣舷數得失子
獨尋師銳徑山天尺五披光出蒙翳雲居接廬

阜薦福踞鄱汭維此三大老從之可卒歲玉泉
亦清冽縱飲爭挽袂南極百十城一一盡所詣
寧使蘭生足肯畏雪封砌更憶大瞿曇捐身求
半偈聞佛日再住徑山已庵再住薦福
意頗欣然雲居謂賢玉泉謂連

送楊道者永覺

久修頭陀行但欠僧伽衣胡爲走紅塵沈面不
忍揮忽覺東州夢又指西山歸九峰富泉石百
里環翠微買山吾無錢亦解守釣磯兒女苦牽
挽此身陷重圍臨分一太息山中音信稀

送洪上人遊南

願堂集四

中原百川赴東西萬折惟有蜀江耳師之桑梓
江干側扁舟却訪鴟夷子荆楚吳越我未到每
聞談者亦自喜羨師脫去事幽尋春風滿帆作
行李會稽草木朝霞蔚錢塘波濤夏雷疾桂樹
楓葉怨楚人尊羹盍政詫吳客到處定知有新
得長篇短韻揮椽筆他時我亦探禹穴一見名
字如促膝

送南平僧歸里

牂牁水闊嵩山高什教君長曾紛搔時移事變
今安有百里相望皆城壕我住涪江一區宅頗

恨長安遠如日聞師鄉邑愈更南不覺掉頭三
太息送行且學浮圖語是身於世真逆旅曾中
穩處即吾鄉交益誇辭空自苦北風拂面寒颼
颼遙知去路雪侵裘忍飢奈凍得嘉句好在濡
筆傳中州

送演上人

整整袈裟團團笠覆此短小精悍質誰知意氣
解摩雲著對諸兒戀鄉邑江南蕭寺不知數據
堂說法盡龍虎只應飽取一味禪斷却從來巧
章句晝短天寒無定程孤舟尚倚裝齋輕玉泉

願堂集四

九

度歲亦良策好在沙頭春水生

送月上人南遊

錦官東郭大蘭若眼明見子長廊下春風二月
白帝城一笑相逢手重把羨子遠引如孤鷁願
我低摧真病馬碧山紅塵不同調底事曾懷兩
傾寫幽尋勝踐我亦喜夢魂已落瀟湘野扁舟
躡子尚可期幸有此身閑似社

送祖月上人

月公別我浮三峽欲往南中求大法此行初爲
梅州老過嶺障煙恐難狎掛帆且指古鄱陽驥

子鳳鷄亦稱甲十年故人我尚記平視諸方氣
嘗壓玉劍無聲血千里肯就銅盤後先軟相從
學道須究竟半字落耳汗霑洽宗師語言豈不
佳世間傳寫空盈夾歸來跌坐舉其要莫話衡
盧與茗嘗

題趙德脩所藏孫太古尹喜傳道圖

大栢森森護盤石老聃踞坐三人立盛德之容
本和豫漠然不應豈真實癖者隱奧九九篇纔
示指畫意已傳細看尹喜磬折處金篴刮膜見
全天侍旁二子來何許無乃徐甲庚桑楚注目

願堂集四

十

拱手氣不吐畫師筆端更解語函谷關廢河水
黃授經臺傾隴草荒一幅東絹吾無用要逐青
牛歸帝鄉

題何朝申所藏趙邀卓饒虎圖

何日老於菟失脚來空山山中無所食瘦骨見
孱顏舐掌鼓餓舌始信擇肉艱姑求一飽計未
肯藏榛管畫師有深趣粉墨不可刪獸心察凶
毒人事戒防閑編鬚固莫敢強弓亦徒彎吾命
儻足惜斜陽掩柴關

題馮申之所藏徐臯魚

菱葉蘋花點水面水淨如空到底見大魚獨行
示閑暇小魚群嬉誇敏健畫工定自知魚樂掉
尾揚鬚固多變猶勝圖寫吳王贈戕滅衆命供
一饌南唐徐白稱絕筆阜實同姓最後出三幅
掛我素壁間恍然又作江湖客吾聞神物久當
化煩君謹護風雨夕一聲霹靂飛上天回視丹
青了無迹

題游昭畫牛四圖

晴陽布陰來灌木村童地坐弄鸛鶴老特食豐
草側身顧其犢鳥跣牛逐逐無人見此春綠

題游昭畫牛四圖

二

游絲如許長翠影落橫塘吳牛最畏暑賴此五
月涼想見下飲時不念芻菽香搖蕩水生痕凌
亂日浮光可惜違與蒲勿涉水中央

山平臯壠低秋深雲雨晦牧人荷蓑笠匍伏在
牛背犇牛先跳逸兩牛追不及安得青天出白
日重來緩驅莫相失

雲蔽天雪欺樹山徑之蹊斷來去飛花撲面朔
風乳兒把牛索藏短袖擁臯衝過縮其脰茅蘆
咫尺且忍寒兒歸附火牛繫欄

題王逸竹溪釣艇圖二絕

斷岸竹如雲翠色落寒瀨艇子何處歸應轉煙
林外

塘影抱林光樵風接溪浪最愛筍蕨時恰是河
豚上

題政黃牛出山圖

政黃牛僧平日騎

眼明雙白鷺身穩一黃牛玉轡章臺陌可憐供
百憂

橋邊路欲迷林外山猶見長歌扣牛角不讀項
羽傳

題十二溪女圖

題十二溪女圖

三

霞珮綴仙班春風擁髻驪應無世間夢悵望碧
溪灣

題昭君圖

朔風吹鬢影猶抱琵琶立胡兒在何許邊頭羽
書惡

題蒲公所作陰壑生虛籟

積霧瑣空巖寒颯振疎木遊子勿言歸山程太
幽獨

題蒲公所作月林散清影

暝色兼荒遠初分浦淑煙應知漢江珮月竹闌

娟娟

題榮首座巴東三峡圖

白帝城高鼓角罷巫娥廟冷雲雨空只知楚塞
明雙眼不覺神遊尺素中

題李伯時渭城送客圖用知幾韻

龍眠幻出摩詰句想見落筆懷抱空只有古今
情不盡渭城楊柳幾春風

題雲月圖

王賓王畫峨眉月巫山雲二
圖仍大字寫太白詩李久善
亦大山詩附其下

萬里峨眉夜夜月千秋巫峽朝朝雲詩句丹青

頤堂四

十三

共摹寫筆端三昧要平分

菩薩巖前淨滿月神女峰上光明雲吾人肺腑

中流出詩句丹青無半分

題南禪方丈壁

南金楚璞何施為出門即取厚利歸古來乃有
金玉士抱冤碑兀人不知君不見呂侯大狩誇
凌鑠車前打折麒麟角徑須歸去來一丘與一壑

題樊氏樓壁

老秋氣已嚴今日稍晴和登君樓西翼相對一
酣歌邊烽照仙關大將方枕戈吾儕無志用心

情蹟先睹強促半樽綠各自爭及我月影漸移
歸西山爽氣多坐與兒女念欲往山之阿諸君
祈努力吾亦假餘波

無題

桐孫枝有海潮音玉指初調萬籟沉燭影熒熒
鎖窗底此時端欲見琴心


送祖道師赴長江

山林與城市何地非隱淪子意亦易敗徑投寂
寞濱楞嚴有奧章試為識者陳歸思落煙艇尚
及秋風新

頤堂四

十四

頤堂先生文集卷第四



頤堂先生文集卷第五

姪



近體詩

次韻大受登正法塔見劉王二陵

試縱浮圖日閑舒客子情軒騰超世界指點識
鄉程天大雲歌野江蒸氣抱城長風饒振薄落
日倒光晶古色千年在悲歌百慮盈戰爭初自
苦成敗幾堪驚狐兔穿蓬顆珠璣入里坻劍關
猶北向巫峽只東傾往意增三嘆餘蹤付一瞠
誓言逃俗網碧海跨飛鯨

頤堂五

次尹俊卿見訪有詩次韻

聯駿來二妙契好屬兒孫夜半星河轉談深兀
席溫能詩飯顛瘦使酒濮陽疏萬事醉吟裏那
須倚市門

次尹彥回復來偶予他出用前韻招吾回

往時傾蓋友前代湧泉孫肯念三年別能來一
語溫歲華欺老大功業付黥髡直為詩篇好扶
藜日候門

東禪別新資官令榮安中走筆次韻

雖念三年別猶欣一日逢哦詩能淡佇作色想

雍容古栢且秋雨寒鴉伴曉鐘歸塗莫惆悵喜
事見重重是日安中得共家報愛姬生子

次韻李知幾

密雨連三日青天未肯開庭除舞蚯蚓几席上
莓苔又說邊聲急渾無鄉信來愁心似流水空
費寶刀裁

醉中走筆次趙彥和韻

三年相爾汝一語敢誰何有學窺黃老無心戰
外魔牛心應易噉螭首故難磨不識王孫貴朱
門亦許過

頤堂五

拾諸公餘韻贈輝禪師兼奉峇勾龍伯秋

謁廣利輝禪師

引泉澆藥圃編竹護花科古律林作頓喜高風
在仍聞密義多四山圍翠黛一水縑青羅誰謂
幽師死來看宰堵波

舊飾蓮花座新繡貝葉科朝飡葷味少夜誦篆
煙多不執鐵如意肯偷金叵羅猶堪試綿力法
海激頽波

奉伯秋

要憑稽古力尚阻列僊科富貴終愁逼才名已

思多廟堂遵故事經學到新羅拭眼看收拾天
池濯素波

荅伯秋

足為春遊爾頭因午醉科神交掌恨少詩債敢
嫌多幾日登廬阜他年夢苧羅故應三峽外漁
艇老煙波

芻蕘傳吉語詔旨緩追科疲俗今當復諸公衆
所多誰能齊卓茂我亦怖閻羅種德無餘事流
光付逝波

願堂五

半生沉俗學中路曠嚴科白眼遭非類黃泉愧
阿多無勳封柱國有志粹何羅慎勿相料理因
風又起波

又和

性癖耽盃酒家貧廢日科江山聊作助崔蔡不
須多早歲撐吳榜春風試越羅只今中夜夢突
怒見潮波

風來雲度屋雨過水盈科懶覺詩篇少閑看景
趣多垣間生薜荔床下長娑羅空法銷諸漏端
如迦葉波

可惜通三語相期中六科南司章奏好北闕摺

紳多想見趨宣室真成上鬱羅行裝且速具未
用歎奔波

從軍思上策直諫赴賢科抗志吾何敢取功衆
孰多清詩無競病小令有來羅今日奇寒甚明
窓試偃波

次韻何子應遊金壁池

子應相招以病不能出

柳樹濃垂岸荷花滿覆塘日供無限影風迹自
然香酒艷浮瑤席歌聲繞杏梁空慙長卿病不
作次公狂

願堂五

景色遽如許懽聲阿那邊綺羅沽酒市絲竹泛
花瓶越客知何夕壺公自有天茲遊傾澤國寧
問壓巴川

次韻子應同遊靈泉

香火尋幽寺麾幢度廣川塢深斜透日溪涸細
流泉玉粒新炊飯金花側布田歸塗動詩興健
筆寫江天

次韻子應遊鶴鳴

夕雨方開霽晨雞亦罷鳴四郊知按堵千騎得
徐行再閱天章麗還同佛日明袖毫出佳句壓
倒謝宣城

次韻李士舉文除夕

梨杖初防老桃符又換新驚回澶水夢喜見義
城春浪走何為者流光豈貸人翻思大難氏關
步過天津

兒孫思故國詩酒送窮年祿近禾三百人慙負

半千壯心非曩昔尊足幸輕便投曉椒觴盡春

風共醉顛

暗燈延鼠輩殘漏付雞人栢酒浮三酌蔬盤薦

五辛凍吟多累句孤坐絕來賓鏡裏然然髮平

明六十春

次韻呂閬州錦屏之集

飛簷依絕巘朱檻俯清流劍外誰堪似城南獨
占優濃春牽酒興勝踐與詩謀日落江煙起旌
麾更少留

次韻荅張迺直

才如北海豈云踈局促從來笑腐儒愁作文章
希屈馬不將門戶敵崔盧公車奏議三千牘京
洛風塵十二衢回首知君幾多恨肯甘華髮老

江湖

次韻許唐臣文

目斷揚州淚似江龍輿半夜符南邦徒聞四野
方多壘可惜黃旗漫繞杠濁酒有神磨歲月愁
山無賴入軒窗青萍三尺將生綉憤氣崢嶸只
自降

次韻任元受除夕

九重無路扣天關萬里何時返葦門歲晚濃愁
催白髮夜來隻影落寒罇誰令與發水雲國獨
憶春歸花柳村知有筆端三昧力試將些語為
招魂

次韻荅趙之源仍簡演師

年年春事寄征鞍一笑歸來已強顏但得從今
千日醉寧論自古四并難憐君不怕憑烏几願
我猶知愛碧山應許相携學寒拾同參饒舌老
豐干

次韻諸公贈將官度浩然

休把長纒便請行如今正屬蒸階平醉看夜月
清罇倒卧對秋風白髮生羞向熱官稱命薄喜
隨寒士以詩鳴他年採藥鹿門去不許人間知
姓名

次韻馮舜陔見贈

梁山回首幾悲辛來對江城拂塞塵枕翅漱醪
真下策推書撲筆更癡人如君自是聲華舊及
我相逢笑語新便倒詩筒費褒飾坐知搖落變
青春

次韻趙當可

元禮門牆豈敢踈擬題刺字拂塵裾顏顏此去
歌無奈聞道從來恨不如食蛤未妨期汗漫推
蘆或可作蘧蔭西園飛蓋成何事要見枕中鴻
寶書

次韻顧次鳳

筆端文字照千春僊籍班聯透幾塵黃卷肯交
同長物白袍未信異閑身至言落落常難合俗
眼悠悠少識真誰似江東顧夫子月臺對影只
三人

和唐山叟所贈三詩

人品相懸定幾分十年高卧赤城雲神仙窟宅
古多見泉石膏肓今亦云羽駕擬陪天上樂麟
臺猶寫世間文吳江楓落搖歸棹更喜新詩愜
所聞

蓑衣芒屨日相逢仙者誰人識呂鍾已受丹書

存夜氣定除白髮變春容情田舊習雖鋤穢筆
陣餘威尚折衝聞訖山間賦招隱試披雲霧幾
多重

徧從江海濯清流歸老岷峨占上游心遠欲聯
高士傳地偏仍似賈胡留何時竹杖閑檣壁終
日繩床懶命儔碧嶂紅塵兩相望勞生笑我不
知休

次韻米太初

元知文采冠多邦林下如今拜老龐短刃何能
排賈壘輕舸敢問絕潘江初聞毛穎祗供笑退
誦溪堂但乞降誰擬一臺稱二妙如公才氣本
無雙

無雙

和榮安中二絕

射洪春酒舊知名更得新詩意已傾獨與劉伶
敦契好山王不敢豈人情
醉來不入少年場只欲問塗何有鄉妣酒玉川
貧徹骨空將鼻觀到糟床

次昭覺園老韻

丈室曾窺金錫光汾陽宗緒故應長不嫌俗子
堪傳授更借餘波到樂浪

次韻日新見招

聞道山中熟臘醅懸知甕面喚春回桃花亦解相勾引前度劉郎擬獨來

次韻師渾甫

五字長城久讓登雲梯更羨最高層別來大有離群恨今日西南又得朋
春愁早覺費驅除清酒何人贈百壺投老殘年無處著只堪脫帽見霜顛

次韻何子應留詩為別

追攀筆墨幸同時蘇季如今不願師自詫柳州

曾指授年來稍稍許言詩

周南底事苦淹留盃水那容萬斛舟穩駕長風歸去好鳳凰池上醉遨遊

邇迹韓門尚壯年老陪杖屨本因緣早知決定

書青史湜藉諸人繼有傳

出頭自合持文柄失脚因循作吏師記取春陵

好邦伯臨風對月有清詩

主領風光春復秋西山蠟屐北池舟羲皇以上

同真樂俯仰之間憶舊遊

蘭若生祠付百年曾將秀筆紀夤緣浩江口口

歌遺愛碑版懸知四裔傳

次韻鬼子與

清谿西岸作鷓居敢怨投閑百不如喜得君家好兄弟相逢如對古人書

長貧我欲為巴叟高詠君能繼洛生自許一丘

成小隱仰瞻千載立脩名

大晁富麗比南金令弟清新敵楚琳死却廬陵

老居士二蘇那得有知音

韓門今日有真傳興起斯文四百年可惜飛龍

卧荒樞閉者翠翻落虛弦

新詩字字救朝飢仁義之言反類癡誰辦千金

取駿骨大勝列屋養蛾眉

再次韻

岷江劍棧揔寧居聞道邊頭亦是如猛士雲屯

方賈勇胡兒莫送講和書

築壇拜將一軍驚初識淮陰胯下生能讀父書

成底事可憐世上逐虛名

懶擲麈踈地上金絕知環珮響璿琳歌功頌德

今時事側聽諸公出正音

佛狸已死北人傳虜馬飲江謠故年只有昭君

怨青塚他時心事付鷓鴣

欲細腰圍強忍飢早知作計太憨癡從今百斛
取螺黛學取風流半額眉

遊靈泉次性老韻

醜裏濁醪無宿釀餅中脫粟有孤炊忍貧不徹
來投佛坐聽松風無限時

趙和之自鶴鳴泛舟歸城次韻

斜日撩歸興飄然李郭舟旄麾明兩岸管吹落
滄洲要與民行樂那須酒換愁遙知陶靖節臨
賦喜清流

願堂五

十一

趙成甫招飯次默夫韻

鳥聲呼客惡花影過簾遲酒灑東西玉杵殘白
黑棊稍驚風弄袖直恐雨催詩一笑留歸騎斜
陽無限時

荅戴時行

如今四十已知非誓學宗門第一機養就純乾
猶細事直須空劫問音威

佛祖由來命脉通大千世界一光中藥玉菩薩
知君是乞取刀圭救病翁

荅李知幾



明柯維騏宋史新編藝文志載王灼頤堂集五十
七卷絳雲樓書目雖列其名不著卷數讀書敏求記
則曰五卷王灼字晦叔號頤堂遂甯人隱居不仕所著
有頤堂集碧雜雜志糖霜譜未嘗記及書之源流其失
傳久矣此本亦五卷豈即遵王舊物耶光緒丙戌猶子
立誠下第南旋得於袁漱六後人處歸而呈之先兄
歎為未見今兄歿已三載余適病起展誦斯編不勝
對牀風雨之感庚寅九月丁丙



義

遊

集

己未仲夏刊
於南昌退廬

欽定四庫全書總目卷一百五十九 集部 別集類

義豐集一卷 編修廬守 謙家藏本

宋王阮撰阮字南卿德安人王韶之曾孫隆興元年進士仕至撫州守召入奏韓侂胄欲見之卒不往怒使奉祠歸廬山以終阮少謁朱子於考亭朱子知南康時阮又從遊故集中有唱酬之作阮之歸也朱子惜之謂其才氣術略過人而流落不偶集首有潛祐癸卯吳愈序謂其文無一字無來處論邊事則晁賈其倫爲記銘則韓柳其亞今其文集未見所存僅詩一卷蓋傳

義豐集總目

一 孫章叢書

錄者以全集之序弁詩之首也劉克莊嘗跋其詩謂高處逼陵陽茶山陵陽者韓駒茶山者曾幾也岳珂程史稱阮學于張紫微載其萬杉寺唱和絕句及重過萬杉寺絕句紫微者張孝祥也曾詩祖述黃庭堅張詩則摹擬蘇軾韓詩則出入於蘇黃今觀阮詩於兩派之間各得一體克莊及珂所述固皆爲近實矣珂又記阮所作詩號義豐集刻於江泮校官馮椅爲之序是阮詩本有單行之本不知何以佚去椅序易以愈序也

觀士大夫言行當于其大節不顧以文藝也劉禹錫柳宗元述作雄深法度嚴密發纖穠於簡古寄至味於淡泊非餘子所及然坐王叔文黨君子惜之士大夫欲爲君子者苟人不已知世不吾以則有致命遂志而已窮居不損焉乃若俛仰隨時僥倖得志雖有才美不足觀也已慶元初華臣竊柄士大夫倚爲泰山其門如市吾邑王公先生以著蔡之明冰霜之操未嘗一躡其門晚守臨川陛辭奏事柄臣使密客誘致之迄弗往見奉祠而歸優游山間無一毫隕穫意此曾子所謂弘毅之士歟先生所爲文無一字無來

義豐集序

一 孫章叢書

處蓋其多識前言往行以蓄其德而又深於憂患才老而氣定故流於旣溢之餘嶄然出人意表自其省闈三策辭殿而義偉已不肯爲舉子之文矣厥後論邊事則晁賈其倫也爲記銘則韓柳其亞也其詩如題浯溪碑蘭亭記金山廟之類折衷古人之得失發越詞人之所未言至於感物興懷酬唱嘲詠筆力雄放皆有深意杜少陵其比也顧其平生大志欲裨國論扶王室掃清中原以光祖闕則有在彼而不在此者一不獲伸賚志沒地而以文藝稱于世抑其土苴云耳愈少之時嘗操几杖從先生游今老矣高山景

行之思猶日往月來于懷也其子且爲邑惠之博羅
輯其文鈺梓以歸屬愈識其卷首貌焉晚進何敢措一
辭獨念前輩典刑之老中原文獻之裔夫世逾遠一
時出處大節後生鮮有聞者孟子曰誦其詩讀其書
不知其人可乎故爲述其樂云酒祐癸卯夏六月甲
子里人吳愈叙

義豐集序

二

宋 王 阮 南卿

詩

古意

西風策策籜葉鳴錦機停梭人暗驚歸心欲附潮頭
去潮頭不肯到湓城

洞庭九月湖水乾倒影夜瞰星斗攢水官籥浪蹴寒
玉船過兩耳聲珊珊

明妃曲

胡塵漠漠風捲沙明妃馬上彈琵琶琵琶一曲思歸

義豐集

陳章叢書

譜明妃淚盡胡兒舞胡兒不道思歸苦更問漢宮餘
幾許古來和戎人似鐵漢家和戎人似雪午窗一抹
春山橫萬里關河不須設燕支寒帳秋復春翠被不
禁愁殺人人生不可無黃金無黃金兮死沈淪明妃
也莫怨青塚死有佳名生有君君不見秦樓當日卷
衣女一一空隨宿草腐

續湖陰

王敦稱兵內向明帝微行湖陰故樂府有湖
陰曲然亡其詞也余泊舟堂下誦温庭筠補
亡惜意未盡因為續焉

上林鳴蛙私邪官金陵指顧成長安唾壺一曲玉如
意聲斷石城鋒鏑寒從來龍化中興主不似黃鬚阿
奴武當時斬鞅心下事今日揚鞭目中虜黃埃散漫
重障微雨師不灑疑人知夢回日轉驚已午馬驕風
疾那容追一聲古語禁門靜萬國笙歌仙仗整山傾
海動忽燃臍地闢天開淮問鼎長江十里真險哉煌
煌晉業流秦淮江濤一洗妖氛息湖陰千古琉璃碧

代胡倉進聖德惠民詩 并序

臣竊惟先王盛時大夫從事於外必有聲詩
道其不遑寧處之情而極夫節物之變耳目

義豐集

二

所接託興喻物一於心聲發之非以自矜其
功也以爲君臣之際天下真情所在序其情
而閔其勞君子之道云爾恭維陛下康濟懷
保如周文王臣於此時得從大夫之後備使
一方敢不激勵奮發以求不負陛下臨遣之
意用集所見與其所聞因其方言間以俚語
稍加繫括比爲近體詩一百韻走驛詣通進
司投進冀塵乞覽文詞鄙陋不足發揮至德
之光臣則有罪若夫字字必定言言不誣舉
可覆視當堯章煥乎之口犯狂簡斐然之戒

其身獲壽寔無所容冒犯天威臣無任俯伏
埃命之至

平楚皆膏壤成湯忽早年人知聖慮切恩遣使臣宣
乙卯飢荒後長沙富庶全紀年四十載斗米二三錢
潭州自紹興五年一縣縣人烟密村村景物妍朱蹄
早後豐稔三十八年一縣縣人烟密村村景物妍朱蹄
驕柳陌金鏡麗花鈿長沙自唐號小長安習此名成
懶加之吏不度力耕終苟且勸課或遷延綠野田多
曠潢池惡未俊曷嘗修稼政但見飾寶筵豐稔時難
保盈虛理有還自應成赤地安得咎蒼天義廩真良
法常皇家以備先責倉何止萬存數僅餘千潭州每歲正苗

義豐集

三

三十八萬石每石收義倉一斗自乙卯至辛卯當有百萬石臣到任點檢僅存四萬石溢以疎庸迹來司欽散權一身初抵此四顧但茫然奏發常平弊財蒙內帑捐敢云呈敏手幸免奮空拳葭問秦輸閉專稽稷懋遷陸同流馬運水作汎舟連凡屬災傷事深將利害研兼并勤告諭商旅漸喧闐市直雖翔湧官收却痛蠲北來因鼎粟南至出渠船分路招自靈稍稍收成廩紛紛出著鞭起於衡嶽趾環厥洞渠出稍稍收成廩紛紛出著鞭起於衡嶽趾環厥洞庭趁湖北疆參錯江西境接聯里雖千萬遠身亦再三巡必務經行徧深防賑給偏規模頌郡吏出納謹鄉賢敢避風兼雨周爰陌與阡有時沉水底鎮日上

山顛不復通舟楫寧容坐馬羈屐多穿石仄裳慣濕
河孺江步時時到村墟日日穿楚語以江岸為步村市為虛救頭

方甚急援手巨辭臍臍昔雖多病馳驅却自痊已成
迷曉夜不復憚山川松逕行時蓋楊花坐處瓊光華
雖備使蕭散類登仙林密花頻剪途窮木可緣石敢
行恐壓溪漲涉疑漩昔出正初吉今經六下弦以正
還七月以正奔忙馳似箭來往轉如圓王事歌苞杞歸心
却杜鵑力雖疲險阻志務報陶甄憶昨初行日蕭然
亦可憐餓羸皆偃仆疾疫更幸纏詎止家徒壁多遺
屋數椽葛根殫舊食竹米繼新餽去冬人食葛根略今春又食竹米

義豐集

四

救朝昏急終非肺腑便聲音中改變形質外羸羸氣
蕭曾排骨神昏眼露圈步敬身欲仆頭禿髮俱卷婦
餒心成疾兒啼口墜涎亂花生目睫炎火亢喉咽鼻
鼻渾無力昏昏只欲眠盡攀持來手頓削負薪肩狀
貌已成鬼號呼幾亂蟬獸窮思曠野魚困想清泉山
僻無人到帷驚有使寡初聞爭欲走稍定使來前爾
俗飢雖困吾君施體乾知民方疾苦遣吏撫述邇置
院收鰥寡分場賑市廩貸糧招復業散種使耕田臣
乞以米五萬石依條給貸四等以寒給衾裯煖給被
下戶又以穀三萬石分諸縣借給春頌藥劑煎凡今嚴吏責皆是恤民編稍見兒童集

徐看父子牽共爭扶杖聽咸樂置郵傳茶獻迎門禮
香浮夾道烟耳聞身鼓舞心切涕潸潸坐定徐言此
從來未見焉一時愆潤澤萬里奏艱鮮灌溉非無枯
精虔亦有牲畝乾終損粟池涸竟枯蓮詩駭周宣勉
經書魯國蠅坐令民皞皞翻作淚漣漣平日安豐稔
今朝乍戾顛老羸如病馬壯健若飛鳶忽見皇恩沐
親馳使命專聽言初挾纊拜賜悉鳴絃新歲天心格
經時雨勢綿東皋耕澤澤南畝溜濺濺坎豆皆勤作
根涯悉勉旃水耕榮嘒嘒陸種茂芊芊件件絲盈軸
方方麥薦籩楚語以種物爲坎豆勤苦爲根指知食

義豐集

五

欲動目望酒先擱舍北行歌暢村南伐鼓淵魚占何
必夢斗覆已明纏甲子晴尤好嘉平雪記填自今知
歲歲王道永平平撫已叨逢主占星幸備員耳親聞
擊壤手敢廢題賤農事修其職邦基賴以堅但令倉
廩實何患犬羊羶商克周飢止邢存衛兩愆定知豐
稼穡端在講戈鋌足食繫兵法行糧詠雅篇願陳王
朴論一稔遂平邊王朴邊策一稔可以平邊

上九江唐舍人 文若 五十韻

江左承南渡潯陽控上流平時稱用武今日更防秋
六代規模古三江險阨周高憑陸屏翰下瞰握襟喉

呼吸聞吳楚封疆盡斗牛循良渡虎跡神武射蛟遊
勝事餘蓮社風光足庾樓倚天開峻極倒影湛飛浮
鼎敗香山往官輕靖節休義門十世美將業二王優
頃歲承平久斯民習俗修究心依學校服力事田疇
獄淨苔荒砌山深麥掛丘共知忠義篤肯陷矯誣羞
不料腥羶起能令日月幽雲屯滿赤縣天意卒鴻溝
郡邑生荆棘江湖識冕旒竟捐形勢地聚作虎狼陬
紹興初李 昔計何勝辱群生亦漸偷奇功思赫赫內
成盜此 治頗悠悠法令中間弊流移不可留經界法行始有
稅存德安一縣歲 未經真撫恤還已困虔劉對壘緣
逃移千七百戶

義豐集

六

淮甸長蛇致虜酋逆亮入寇其臣有雷聲忽天狗旗
尾又蚩尤隔岸幾航葦孤城亦緩旂兵戈閑未報戰
艦奪松楸天下雖同擾江西又不倖宿師惟此地江南
獨此履畝倍他州曹翰平江州獨諸將紛紛是攸司
屯戍履畝倍他州用僞唐全稅 諸將紛紛是攸司
日日拮文符競旁午膏血罄誅求戰鬪連年永瘡痍
幾日瘳孽牙終作梗氣習遂成媮情動穿墉鼠風行
借父糧風俗舊 濟今狡乘彝均物則失德自乾餼近世凡臨
政何人解撫柔帝爲輟近侍人喜得賢侯父子文章
偉君臣契分投王言資潤色國事仗謀猷詩似丘傳
鯉書如固績彪鳳毛宜鸞鶴驥種白驂駒增重依蓮

幕尤煩借籌籌折衝皆婉畫賜履又分憂奕奕長江
上源源數路頭若非煩柱石何以鎮貌貅南土驚新
使西清瓊碧油春風回野色江月靜簾鈎地借長城
望塵清奕世饒有生皆回結無士不冥搜公下車之始卽問姓名
立國須才用聞公銳意收龍門如可上敢請與荀
儔

瑞麥謠

淮南宜麥舊矣瑞我聖世疊出濠梁清熙戊
戌得兩岐者一守臣張士元記其異紹熙甲
寅又得之益以三岐者守臣黃萬石再播頌

義豐集

七

聲慶元戊午夏四月壬申牧兒丁道僧越五
日丙子農者京太各獻如紹熙之數又廿日
丙申民兵統領李道哀雙穗者馳丁夫蔡進
以獻多至三十有八和之至也是歲五穀熟
爲大有年守臣某仰體謙制不敢以聞亦不
敢替厥事賦瑞麥謠紀聖治也

稗草化稻疑談空我有異麥真年豐三歧鼎足如爭
雄兩歧對秀攢眉峯棣華英粲花影重黃雲列陣綫
春風問此厥初何所從塗山之陽一牧童手持足接
復一翁三十八雙來無窮慶元道大天下公漸漸擢

芒瑞時雍不生內地生邊封天以德致驚諸戎周家
之始西徂東彼疆爲密此界崇已而率育四海同帝
命蓋自貽牟通漁陽昔當漢之隆亦有此瑞堪形容
氓謠不上甘泉宮私以譽守疑非恭濠梁獻祥不一
逢一生之生重熙中今年分外佳氣濃疆吏豈敢貪
天功歸禾擬奏區區忠仄聞聖德方謙冲班春於郊
但勸農論以種麥莫懶慵大麥更戒細細春明年從
駕巡崆峒此飯要到溱沔供

和陶詩六首 并序

古詩不和唐始有之亦未有追和古人者雪

義豐集

八

堂先生始出新意盡賡淵明詩彼誠有感云
爾隆興二年余浮家東吳僦居日糴大水入
室無所容其軀妻孥嗷嗷至絕煙火羈旅憔悴
如雪堂之在嶺外而淵明之棄彭澤也由
是宦情日薄而歸志日濃矣暇日讀淵明詩
不能盡和也事類意感輒繼和焉懼觀者不
我赦也故序其意云

和歸田園

皇天亦愛我生我匡廬山勉承父母志功名期少年
既無取口手遠去窮虞淵又無謀生才廣有負郭田

富貴兩不諧胡爲乎世間眷言粵原居苑在瀑布前
野曠易得月谷虛常帶烟行歌紫芝曲醉上香爐巔
念此百年身有此足以閑若乃不決去使彼山悽然

和飲酒

竹門固無鎖俗客自不開而欲挾彼態使我變所懷
鄉原善同俗於德則有乖乃知違世人所貴在幽棲
客有愛我甚命駕來衝泥憐我與俗異欲我與世諧
甚知客言是甚知余心迷淵明飲酒詩賡以遣客回

和乞食

淮陰漂母事不謂身見之長歌淵明詩益信非虛詞

義豐集

九

余嗟客長安十載無休期一飽不自足况敢謀酒厄
曳裾富門兒丐食酬一詩達於公卿間喧喧謂余非
雖知責我至終亦無所貽

和貧士

吾聞戴安道不對王侯琴當時豈不能低眉求賞音
一曲朝得聞千金夕來尋捨之不肯顧輕重得所斟
小人一時快君子百世欽貧士繫此辨士乎當正心

和雜詩

遑遑行路難汲汲艱食迫井田逸不再兼并蔽阡陌
永懷先父祖遺我以清白出門無所容疑此天地窄

秋風瘦迢山涼意愜行客江南詎舊遊不歷岐王宅
淵明菜彭澤歸與在柴桑我里亦其側俯視世糶糠
顧瞻無所憂所憂在絕糧敢辭躬耕勞耒耜山之陽
惜哉命之窮仍歲螟螣傷去爲游手民足迹已四方
拂衣却歸去焉用祖離觴

陪晦翁登妙高峯

千崖盤屈曲一塔矗空濛他處只好山此中兼水洪
縱觀疑犯斗飛上覺凌風常恨天難近今朝路已通

送晦翁十首

精微元不在河汾原道辭雄亦淺聞自得正心誠意

義豐集

十

論始知天未喪斯文

淵泉溥博與天大土苴緒餘聊覺民千古濂溪好風
月一回拈出一回新

武夷山下孤高節五老亭中撫字心出處本來無二

致詎分鐘鼎與山林

靈臺一似大圓鏡妍醜自分吾不知秋殺春生天道
爾先生喜怒一何私

去年民食十分災一力先生盡救回今日手攀轅下
者人人都是翳桑來

移苗時節雨連天白水青苗滿大田天欲先生歸去

後故留遺愛在豐年

息口年來積漸除君王方信是真儒稍移全活一州
手再使江西十郡蘇

白鹿堂中巧鑄顏天留一派在廬山它時沂水春風
裏笑我於中獨自頑

糟粕從來空自忙筌蹄今幸得師忘明年重叩韓門
去拈出胷中一瓣香

平生自謂此心剛不信離樽可斷腸今日江邊兩行
淚更無情緒折垂楊

同張安國遊萬杉寺

義豐集

十一

昭陵龍去奎文在萬歲靈杉守百神四十二年真雨
露山川草木至今春

重九再到張已隔世書詩牌後

碧紗籠底墨纔乾白玉樓中骨已寒淚盡當年聯騎
客菊花時節獨來看

六言一首

秋色染成碧水夜涼瘦落青山樹頭宿鳥歸盡天外
行人未還

避暑烟水亭與王景文回文聯句一首

願舒且對清樽酒景文畫永方濃翠幄陰南卿環風

響溪寒浪急景文畫圖藏谷繡烟深班生石潤苔紋

亂南卿碧度雲飛鳥影沉景文閑館窺風來迥野南
卿隔林斜日轉疎林景文

虛飄飄

虛飄飄雪花逢日照柳絮入春搖腐草偏浮屋游絲
緜緜綃老蚌三更光射月風鳶一片紙千霄虛飄飄
比人富貴猶堅牢

滄洲閣集句

滄洲有奇趣劉禹錫吾道付滄洲杜甫樹影中流見

張祐船燈照島幽司空圖轉思江海上王安石邱著

義豐集

十二

土山頭賀涉野水無人渡寇萊公乘桴學聖邱韓退

洲島驟回合謝靈運冥冥菰蒲中王安石清流中落

鳥張祐遵渚有歸鴻謝瞻水作青羅帶韓退之脚踏

赤鯁公蘇東坡蓬壺雖遼絕李白長嘯激清風方太

平

新昌書坐右屏

私罪不可有公罪不可無退作陶淵明進學何易于
但願列循吏寧甘爲鄙夫禍福置不問吾民其少蘇

新昌留別

奉命誅求下戶貧抗章懇白上官嘆與其重歛毒干
室宜以深文終一身吏務循良邦有賴士雖貧賤氣
宜伸空烟亭下桃花水好送扁舟欲去人

龍舒朱獻寶主漢陽薄棄官以歸予亦不合可
去為賦一首

浪作鸞棲去驚隨鶴怨還無心漢江水有節皖公山
此事真堪話諸公宜厚顏嗟予亦興盡昨夜已投閑
題靖節先生祠

督郵行縣先生去之某始未諭以為接之或
可同寅烏在未見遽謂小兒去之哉晚得一

義豐集

十三

邑親見群兒挾權規利難與為仁而後敬嘆
先生何其辨之早也夫薄則固其資傲而有
所恃昂昂而來以督郵則非尊於彭澤則為
客知令之賢不能以禮先之坐待其迎責以
束帶傲薄備矣欲其同寅難矣哉斥之於未
見之先避之於未辱之始至矣先生之明也
且督郵瑣瑣無以議為也獨惜而長用非其
人卒使啣命者負擠賢之辜出令者貽同惡
之誚一舉而賓主交譏焉非類聚乎流弊干
載凡一小吏出必以迎謁責人吏多患失竭

民力以奉之先生恥之某亦恥之乃賦歸去
來以彰立懦時酒熙七年六月二十五日也
先生新布政誰遣小兒來爾面何須識其心端可猜
有名高日月無力救氛埃百世千秋後聞風亦遽回

昌國偶成

諸邑皆山可夜馳海中昌國力難施風潮阻渡由天
地期會申嚴限日時願以老身從此免竟將人命逼
諸危交門山下須臾死肉食諸公知不知

留別昌國五首

妄意絃歌學子游迄無三異比中牟叮嚀今夜東風

義豐集

十四

雨添起潮頭急去休

全家雖脫海波危舊治無人咏十奇孤奉明恩顏似

甲却喚兒女笑嘻嘻

三山月淡白銀闕九老春閑紫石官此去能爭

幾許地恨無仙骨到其中

當時底事乞身歸萬物何曾與我違最是臨行更賜

斷海鷗猶自掠船飛

扶桑曾見日騰空老去歸田不復東一覺短簷他日

夢起來惆悵晚窗紅

昌國秩滿次陳州祖行韻

昔之督郵遂彭澤今之督郵看昌國不令自賦歸去
來更以新詩祖行色開絨墨濕雨濛濛細讀字字含
清風塵埃三載足昏塞一聽妙語還醒愁持歸柴桑
有茅舍揭之其間作佳話非惟可詫陶淵明亦愧當
年督郵者

題四羊圖

三百維群世不見乃以四羊爲一圖人言此圖出韋
偃不知韋偃有意無巖巖參天一古木下有輕黃滿
郊綠雪髯隱約黑昏中沙肋微茫筆端足昔聞韋侯
畫馬工杜陵長歌歌古松孰知畫羊更如此世間絕

義豐集

十五

藝誰能窮斬春太守好事者珍藏有此希世畫嗟予
得此雙眼明此一轉語久難下三羊遊戲若草茵一
羊輒登枯木根安得添我作牧人爲公鞭此一敗羣

白楊花

天河秋來有時見秋江人去無還期南風北風日爭
吹三十六宮空淚垂塞鴻已作隨陽去社燕寧論故
巢住安得胡越爲一家春風來訪紅桃花

題東林并序

遠公示寂識記日後七百年當有肉身大士
草化吾道場晉義熙十二年八月六日也元

豐三年先襄敏公請於朝照覺總公崇成法

席中爐野燒今復一新敬賦古風仰致讚嘆

屏迹敷淺原注目香爐峯飽聞送客溪鼎新古梵宮
緬懷結社人豈止避俗翁一念薰戒香千年仰玄蹤
蜂房始義熙鳳歷當元豐果有大士出一與遺言同
堂堂照覺師赫赫襄敏公微彼毘尼藏揭我臨濟宗
元曰立成佛坡曰僧中龍少林來於西雙林振以東
冥數其理暗野燒中宵紅天遣真道人夜役眾鬼工
幻出單飛簷花成雷吼鐘神運儼若初佛法豈有終
余生慕真乘願力愧祖風再窺拈花座駭嘆折草功

義豐集

十六

請續香山堂老此平臺中白撫生池蓮青友夾澗松
永劫不出門寂照涵虛空

館娃宮

釋越來妖豔窮吳事僑遊笑談遺廟社繪扇及山丘
鴉宿離宮瓦龍移別浦舟楫陳金制巧床瑩玉光浮
破雨驚楓落馳烟入繞流尊羹摘千里荷蓋擁長洲
緩緩花開陌彎彎月照洲輕風香逕緩微步屨廊幽
紅喜鱸堪切黃噴蟹不收池痕測朝夕鄉思屬溫柔
祇願山街日何知何帶鈎味於重處減心記捧時謀
鯨鬣翻溟渤金星犯斗牛六千君子銳二八國人憂

泰伯三稱讓姑蘇一戰休共沉那有井獨墜苦無樓
人去扁舟遠僧來野寺修官鳥今駭散臺鹿任鳴吻
月為朱欄暗山含翠黛愁燭殘新別淚泉咽舊歌喉
一代伙人事千年壯士羞東門抉眼在怒氣溢潮頭
丙午寒食題淨上寺

方見繁紅繡小園已隨流水渡前村人於醞蘇真無
分雨共鞦韆似有冤投老故應諸事懶問春能得幾
分存不須便作匆匆散更把松梅子細論

再題用前韻

十年不到此祇園又為岐郎暫出村犬認行蹤增躡

義豐集

十七

躍燕增離恨苦埋冤鬢邊但覺新絲長壁上惟餘舊
墨存但問桑麻添幾許世間萬事不須論

洞庭題詠

太湖

微生已覺漸休閒老矣何心世路間盡把蟲魚束高
閣且拏雙槳泛湖山

林屋

玉柱金庭鎖洞天更將琳館鎮山川碧簷委地剝風
雨不賜錢來今幾年

仙壇觀 壇有朝真松

羽蓋霓旌入絳霄偃松長句古壇朝我來欲討金丹
訣試著枯槎上斗杓

宿靈佑觀謝沈君 并序

聞林屋之勝久矣客姑蘇四十年欲至不可
得紹熙辛亥歸自寶陔山始遂此志山在太
湖中意其一島耳而崗重嶺複四野廣袤雞
鳴大吠中設井邑道宮佛刹鐘磬相和應接
不暇莫知所適沈君伯仲一見傾蓋相導以
往意色不倦乃得遍歷昔王逸少在越常欲
一至聞嶺竟以事奪故前輩山水遊放之樂

義豐集

十八

為人生難必之事自今而言不亦幸乎為賦
二詩略舉所見以謝二君焉

鳳翅出滄溟海船遇風順則正扁舟過洞庭銀河萬

頃白螺髻兩山青張二篷謂之鳳翔凡隔幽虛洞神傳嶽瀆經不須尋

上界只此是青冥

水遠通天上山浮似海中四圍銀色界一簇畫屏風

秋熟漁樵市雲連佛老宮我來迷所指多謝主人翁

龜山釣魚臺

鬼力人工劈石開水邊因作釣魚臺若為未有嚴光
到留得絲綸待我來

廣福上真宮

水色碧滄茫山勢青周遭壯哉杳眇峯據此第一高
蕭梁占道場歲月湮蓬蒿有來天師孫遠與朱葉曹
十年悉力營萬瓦一手操連營集紫烟開窗俯洪濤
枸杞號千年夜鶴鳴九皋坐令金丹爐安此神火熬
英英文章伯所至禿千毫何此老鍊師不作衮字褒
謂范石湖於我沈重重湖嶽得片片桃深窮草逕來
此獨無留題敢憚足力勞其徒以為恥謂我不可逃試補華黍詩
妄意續離騷

橘園二首

義豐集

十九

外貌千層綠中心一暈紅封侯吾不願頗羨木奴豐
懷歸空有感包貢則無因跳入商山去添予作五人

水月院

秦郎承遺恨滄浪足勝遊一篇水月記照徹五湖秋

小湖寺

去年禱雨旃檀林慈雲賜我三日霖今日包山小湖
寺更得因緣禮大士小湖氣象似寶甌怪石列岸騰
差莖近山一抹橫修蛾遠山點滴浮青螺四方上下
皆滄波清秋一片銀為河風平如鏡著水墜有時鄰
鄰緯碧羅頃覆變動一剎那蟄雷震起千蛟鼉吾聞

天形象雞子大地為黃白為水太湖沉沉九地底小
湖絕頂懸崖裡信哉山澤通一氣激而行之或可使
湖山固是人所樂至人亦復酷愛此浮海而來開精
藍蓮以草化紅臺三願分一枝入西土令我滅度生
其間

洞庭留別

嶺松歲古欲無根水石秋深未有痕無限好山將不
去又依帆影過前村

題瑞昌藍田寺覽秀軒

無心軒冕難招我到眼雲山輒起予不必憑欄更消

義豐集

二十一

賞此身原在此山居

陪陳帥登孺子亭

未上滕王閣先登孺子亭朝廷黨錮傳湖海少微星
獨善非忘世高風自有靈東湖山上色長為此人青
上巳日雁湖阻風呈宋彥起

往來定是一年一時節長逢三月三天氣未佳宜且

住樹猶如此我何堪花飛與客渾無與酒好招人只
自慚安得惠風和暢景與君放權看淮南

長風沙次宋丈韻

已將身世等河沙又泛春江看浪花錦纜牙檣君送

酒蓑衣弱笠我浮家淹留日覺青春暮飄泊風兼細
雨斜安得崑崙能採水試教來奏小琵琶

投周益公三首

余宰新昌日丞相周公東閣君綸爲征官以
名姓聞于公當是時公方柄用不欲往見其
後南北道阻且長御李識荆此望絕矣慶元
二年偶因督運道出廬陵公方釋位放意綠
野而某吏役適相值豈天以此行從人欲耶
洛中九老後林下一人閑薜篆易鐘鼎泉聲先佩環
禪從止水定詩挽正風還却爲午橋惜惜無螺浦山

義豐集

二十一

有錦雖當畫無心侈賜銘笻拖雲際綠箬戴雨中青
國老甘鄉老台星復客星不須添入畫麟閣自圖形
公相昔宜避公閑今可從分無先覩鳳情有後凋松
一瓣今拈出三董敢不恭誰書御李事爲我贊登龍

瓜時有感

籬邊方對菊花黃又報文移出草堂三宿敢云桑下
戀四翁終願橋中藏泉縈去路常低咽酒向離亭不
肯香聖代多才焉用我明年重上乞身章

有感再作三首

出去夢中事歸來酒後醒外貪垂老佚中樂放心甯

花氣窗前入禽聲枕上聽自憐無此分明日又飄零
頗覺衰殘甚難勝委寄隆鶩惶牛喘月悵望馬依風
忽看丹爐壞終憐蕙帳空明年花漫發待我轉來紅
石壁連綿靜松風自在清只知有此樂不謂老於行
室鵬從何入山猿累爾驚回天誰有力祇願效淵明

次陸務觀韻寄王景文

時張丞相薨

朔風搖楚水國步益艱辛往事忽成夢逆胡何日臣
凡今天下士皆昔坐中人尚被中原髮煩君與正巾
訪晦翁不遇

陳良千里赴周公正值商山去一鴻腸斷膝行來處

義豐集

二十二

路舞雩空過一翻風

題武夷冲佑觀

九摺湍溪九摺山玉簪羅帶互回環若爲脫得紅塵
網來結疎茆一兩間

都下病起呈王樞密

不解雕蟲賦逐貧又無饒舌論錢神遭逢此鬼今翻
瘴零落吾生有限身舊學試溫渾易忘新書欲謹自
難真時危壯士乃如此爲報堂堂有位人

龍塘晚遊

五湖千里吞吳天館娃宮殿何悠然銀山鐵壘挽不

動萬丈夕陽如血鮮野人固陋元不識光茫奪眼眼
無力長安路遠人不來信道舉頭惟見日煌煌火德
千載期赤帝之子張赤旗歲寒水冷自可畏豈必夏
眉同冬衰馮夷舞歸鷺且悅幽壑沉沉忽金闕媚川
護道水含珠照水詎誇虹貫月何處扁舟飛片帆中
有西子輕紅衫想像玉顏人不遠杖頭星斗寒相參
謝趙宰拜襄敏墓并留題并序

惟先襄敏公受知烈聖神文之時學古入官
獻太平時制書名在第一裕陵伐叛受命西
征關國萬里全師獨克百年夢奠丘墓幽遠

義豐集

二十三

無有知者知縣趙公多識前言往行獨深知
之奉詔出宰寔部九原乃因勞農特枉三步
盡尊賢之意存追古之心風示諸侯事關政
教非特先烈感遇而已某不肖既獲躬執耒
耜被撫田間又獲奉承薦酌感泣墓下敬賦
二詩跪謝下執

班春故事亦年年公獨推誠遠布宣麗日借黃催麥
隴惠風次綠散秧田眾魚入夢蓂衣下吳雉飛馴桑
蔭前好詠十奇歸樂府聖朝方採下民篇

河湟人去鎖春蕪三步遙勤一束芻盛事發揮千古

烈英祠噓動百年枯故家零落今朝遇此段孤高近
世無地下結成無限草待公肅甲破幽都

讀浯溪碑并序

浯溪之頌士大夫高之與風雅並行三百年
矣參政王公之望始謂文簡詞費而紫薇舍
人范公成大更疑其體與三頌戾論者譁然
以余攷之二公評文爾未正結之失也謹按
春秋爲尊者諱諱之爲言忠於所事云爾魯
娶同姓孔子諱之以明臣子之誼今靈武之
事唐所宜隱也而動輒訕焉始兩京平冊告

義豐集

二十四

宗廟稱嗣皇帝顏真卿日上皇在蜀可乎其
文放生池碑也中言問安侍膳不改家人之
禮以愧肅宗結其同志者也相與大書特書
亦異於夫子矣且天寶之亂明皇旣棄厥位
父老遮道請留太子幸人心未厭唐爾使二
子而執史筆尤當婉而成章爲尊者諱今乃
出位倡言必曰至德改元不以正則有伯夷
故事不食其粟可也委質爲臣退而後言難
以欺識者矣

魯惡吳同姓唐嫌肅撫軍仲尼諱不語元結誇於文

子固當承父臣其可訕君空令忠義士歎息異吾聞
蘭亭 并序

晉寧遠將軍王公逸少始以咸康六年爲江
州刺史愛廬山紫霄峯居其下墨池在焉今
歸宗寺是也永和六年徙爲會稽內史盡十
一年然則蘭亭之集蓋公在官之日也時晉
政不綱春行秋令書曰天朗氣清得春秋之
旨矣蕭統不悟不以入選坡公云拙於文而
陋於識莫統若也其斯之謂與某家世九江
視公爲遠祖因過亭下尋訪遺迹莫知是否

義豐集

二五

敬賦小詩以明公志

金行中否野多遺越稷諳賢不受羈天朗氣清書上
已春行秋令紀當時九原寂寞不可作一水縈回或
在茲歸去廬山定相問爲公關報紫霄知

送沈侍郎

獻納論思玉笋班間因忠讜忤龍顏一朝錦水連江
水萬里河山與汴山道大可能忘濟世名高那得鎮
投閑天教一似蘇門下先到筠陽却詔還
重入修門已有期趣裝聊此着征衣帝思宣室名儒
對人喜元都舊客歸高節不難全晚歲亨途未必盡

危機願公且爲蒼生起莫向茗溪戀翠微

次韻范石湖北窗書懷

驕陽重疊結涼颺驚豁開排戶始奔突轉隙少徘徊
仄聞風伯言敬爲邦君來邦君著之詩快吾心已灰
獨念暑耘人斯時若爲懷所願均此施醒然與之偕
有冰何心漿有食何心醅莫吹天上雲要洗田中埃
高枕謝北窗披襟笑登臺伏讀旨意大倍使吾容齎
用太白韻贈報恩南老

義豐集

二六

次韻剛李周翰

大江固茫茫一葦即可越鄉來江與斬孰使我輩隔
温温李夫子粲粲謫仙格蕭然一竹關白眼謝俗客
蚤充觀國賓百中應百發我玉空自良彼怒輒反掇
歸嘆儒冠誤盡把氣習撤收藏萬丈焰不受一夫決
纍然駑馬中倍覺驥驥別嗟予偶傾蓋辱許共映雪
快哉生平心清風澗熱今惟仄席秋正採鄉評月
豈無識真人識君此奇節春雷震一聲指日看甲坼

廬江道中二首

處處雲山異時時氣象同官程嚴有限王事冗無窮

曉色烘西日霜威釀北風人生真夢幻底用苦匆匆
老大添身倦飄零減性豪路塵知旱苦山瘦覺秋高
若有持衡分慚無汗馬勞九原如可作公瑾笑吾曹

題嚴陵釣臺 并序

題釣臺多矣大槩高之爾未有明其志者也
光武既定天下深懲王氏之禍原於張禹孔
光之流故昔之所謂坐論者一切吏之時或
叱咤侯霸等俛首而已先生道高千古豈能
堪此難以禮聘不以禮答頂枕卧語又從而
躑躅之使知己之不足驕士卒不可留古語

義豐集

二十七

云使騏驎可係而羈兮豈云異夫犬羊此則
先生之志也其首陽之流乎爲賦小詩以發
千載一笑

西都庸庸生禍胎東都切切繩公台平生故人苦畏
辱坐定白雲那肯來沉幾深畧滿帝腹且憇先生一
雙足使知天上麒麟兒不似犬羊甘豢畜渭濱老叟
不自持爲人人以鷹名之豈識桐江一竿竹依舊秋
風漁正肥古來賢者亦避世往往適逢天地閉得如
建武亦不惡又值首陽難降志山水陰陰江面寒此
天別在壺中寬幾曾流出桃花去寶氣自駭人間觀

當時不願世知己稱到於今却如此塞馬得失天好
還千駟齊侯不窮理

禹穴 并序

昔絲治水汨陳五行至禹反之天錫九疇得
于龜負儒者紀述詳矣至遁甲開山圖乃謂
宛委之神奏玉匱之書十二卷禹未及持其
四入泉其四上天餘乃圖也用以治水已乃
緘之洞穴而道家者流謂爲靈保玉札符經
就使有之按黃帝立女兵法載黃帝有負圖
之勝六甲陰陽之遁藏之會稽之山坎深干

義豐集

二十八

尺鎮以盤石又似非禹緘之抑禹之緘者又
非此書耶
綠綠煌煌錫禹疇厥初龜負卽天休轉爲玉札符經
論果有書藏此穴不

禹廟

萬世衣裳脫介鱗一祠寧足報恩深長教天下江河
順始慰朕朕手足心

禹陵

禹駕黃龍入九霄空山應有百神朝翠微不用熊羆
守乞與遺民共採樵

寄題識山堂

山體如如即我身眼高纔是箇中人錦囊忽上玉樓
去誰復如公更識真

題龍寺

傍石尋幽徑窮源得梵城塔光侵地發龍氣逼山清
是處堪吾老何年遂此生霜林知客意一夜戰秋聲

出郊訪沈洞主

抖擻塵埃暫出郊一藤先訪羽人巢風翻翠浪催禾
穗秋放殷紅著樹梢萬里家山懷五老千年活計却
三茅明朝便好乘風去不學浮屠更打包

義豐集

二十九

瀑布

吟咏瀑水眾矣大抵比况爾未有得於所見
鑿空下句為興詩者太白獨曰海風吹不斷

江月照還空氣象推傑古今絕唱而疑是銀
河之句亦或比焉戲述二篇興比各一

造物小兒不任事一天元氣從淋漓雲中雨降自應
爾山上水行誰激之幽林洶洶虛籟作赫日粲粲寒
光垂謫仙獨步得興體此外篇篇俱比詩

萬仞青空不可攀天將飛瀑掛其間一雙玉塔倚絕
壁兩道白雲騰半山覆器以欵嗟魯廟設飯而建笑

秦關春風一卷出山去萬里清秋抱我閑

曹娥廟

英哉神女此江干德與餘姚舜一般碧草淒淒埋玉
冷清風凜凜轟天寒求生古患為仁害處死今知得
所難我自徘徊不忍去非干潮小故盤桓

題高遠亭

小携樽酒作清遊行到方壺最上頭山在斷霞明處
碧水從白鳥去邊流苦無妙句窺天巧賴有名亭慰
客愁從此江南添勝景未應獨數庾公樓

過東竹市沈文伯

義豐集

三十

茗雪雖幽事燕雲亦壯遊寧虞就日館不返渡淮舟
死節千年在辭家萬事休重來聯句地清淚接溪流

次韻庸齋納涼

招提竹鑰不曾關容我追涼突兀間石甃陰生寒水
玉天燈燦散火雲山葛巾當晝何庸脫葵扇非秋却
暫閒所愧岑參聊爾耳強將詩與少陵班

彭澤道中二首

世路日益險道根終自深因勞踏石足倍起愛山心
地冷雪常在歲窮天更陰今宵投宿處知度幾層林
茲日定何日前山連後山吾曹凡事懶此去幾時還

復辟尚英爽素官真等閑異時懷二子惆悵此山間

溪山堂三首

地勝年年別人閑事事幽水流紫檻角山奮入簾鉤
舊好空馳馬新盟但狎鷗故人皆得路何日共茲遊
出去真危道歸來適醉鄉田分禾穗合江落木陰涼
璇極隨心潤銅壺入夢長一從輕卓魯方悟有羲皇
蒼薇祛紅日窗虛挹白雲水痕一雨失花氣午風薰
寂寂心無事紛紛耳不聞只須添道力底用戰魔軍

尋真觀 并序

唐蔡真人乘鶴處蓋五老峰側九疊屏下也

義豐集

三十一

記云詠真洞天在龍潭辰

驚昇天上五峯青龍住山中九疊屏知有洞門藏水
底倚闌吾欲眺清冷

延貞觀 并引

唐女道士李騰空葬蜩簡乘鸞處也騰空李

林甫女故白詩曰美君相門女學道愛神仙

偃月堂成竟斲棺延真人只葬衣冠浮塵眼見成雲
騎不似抽身穩跨鸞

挽張舍人安國四首

天上張公子人間第一流浮雲俄覆座噩夢玉成樓

草蔓湖陰宅松封曠口丘忠魂招不返欲問楚江頭

志氣周瑜俊謀謨賈誼佳早先天下士共服驥中騅
瞬息桑田改傾摧嶽柱斜傷心大手筆零落紫薇花
忤世無如我知音獨有君時陪文字飲議殄犬羊羣
未脫雲間戍先修地下文天心終吝此不復更從軍
近別逾旬朔俄傳訃問來初疑餘子謗漸沸使人猜
竟作青黃木終成怨怒雷數行哀淚盡吾意獨憐才

池陽道中

日日狂風裏悠悠小艇還遶身衣帶水堆眼劍鉞山
歲月吾生老烟塵客路艱一天霜氣重今夜碧蘆灣

義豐集

三十二

江上

虜馬秋來健吳儂水底藏荻花江面冷草色岸頭荒
楊子真天險淮南盡日忙邊隅今夜甲吾願莫飛霜

泛舟

雲川荷葉浦彭蠡石榴頭此地皆奇絕平生所爛遊
從來貪水國老去只漁舟更有乘桴便何人從我浮

雲中遠值早懷舊遊寄楊文仲二首

憶扶湘竹杖共叩趙州關山好不容住水流今載還
却從天上下似出鏡中間笑問楊夫子何時再得閑
四野盡龜坼一天常火雲夜涼清似水晝早氣如蒸

龍懶渾無用天高寂不聞我無田可慮只慮取紛紛
郊居卽事

涉世足悔吝杜門安退藏謗從閑處省樂向靜中長
辟荔日綠壁琅玕春透牆近來無事作渾以醉爲鄉

謝張安國相遇

元戎驅小隊來赴野人期山靜傳呼遠風輕遊賞宜
飛花穿杖履芳草煥旌旂好借絲綸手雕鐫一小詩

宿淮南岸

一宿淮南岸兩旬揚子江山川總極目天地偶爲邦
竟日師虞老何年虜自降心知除是月夜夜照篷窗

義豐集

三十三

贈尹氏子并序

尹氏有俊子當代貴游多贈以言勉勵期望
必曰祿位南軒先生獨日無以利欲誘之因

道小詩

有兒聰慧了羣書底用金門與石渠幸甚先生矜小
友一言端以正其初

南至日呈詹司諫

消息盈虛理甚明積陰盡處一陽生孤根莫厭風霜
甚昨夜春雷拆甲聲

入山遇雨宿開先寺

擺落塵埃步入山與僧相對淡旬間鶴林却笑題詩
客只得浮生半日閑

雨漲泥痕卒未乾斷橋無策濟歸鞍山靈有意留僕
住不作尋常俗駕看

龜父國賓二周丈同遊谷簾三首

偶然得意挹珍流二妙欣然共勝遊怪得坐間無俗
語谷簾泉水建茶甌

萬斛跳珠撒一空水晶光透影玲瓏籃輿不是歸來
早安得携瓶到此中

一飲清冷體便輕絕知真液是長生歸來世事都忘

義豐集

三十四

盡惟記白雲堆裏行

寄鄭器先

與子如兄弟爲人痛疾伏暫時離別去且欲誇護休
敢忌秦方瘠深知越共舟少須三徑就他日再追遊

冬日見桃

梅意猶藏萼桃腮已放花地疑時候惡律恐統元差
寒漲漁舟水春明道觀霞老來無賞玩癡坐惜年華

游洞霄宮

洞天若限仙凡路九鎖前山不易尋尚有匡廬山下
客玉皇恩詔與登臨

鐵柱觀

西晉旌陽令南昌鐵柱宮人間依道庇天上擢陰功
江靜蠻夷漲爐存造化工我來如有遇舉袂欲凌風

九日有感

舉國無人分智囊滿川龍血戰立黃百年馴到文明
地一日盡為荆棘場關輔渴思王鎮惡蜀人猶喜杜
黃裳小臣試草中興頌準擬還京奉上皇

和戴侔韻寄苗侯

靈壁歸師憤已平黃河戎役又虛聲人言萬事總由
命天設五材難去兵國有典型元老在地無形勢大

義豐集

三十五

江橫西風若得淮南信煩致空山慰客情

八月過西林

似應沙鷺有前期裝點秋原景最宜落雨敗梧隨沈
灑牽風寒藻舞淪漪流旋碧玉渠初滿剝盡黃花稻
已衰海裏是非休惱苦不如學取步兵癡

蓬屋

長簷十尺庇堂東疎漏從來盡是蓬日影碎如秋葉
下雨聲灑似夜舟中竹因蠹盡多垂地箬到枯時半
掩空此處想非人所競眾雄應是不來攻

詹林宗携文見過

疇昔吾詹子文章已足稱近携新作至遠比舊來增
迅灑行行雨消嚴字字冰桃花春浪近坐看九霄鵬

佚老堂二首

洛中九老後林下一人高此去自當佚向來誠獨勞
東湖歸踐履南浦薦風騷尙念匈奴在家山未可褒
擺落釣衡地追尋汗漫期馬閑無用處鷗玩不驚時
人朴山林古天全日月遲可無劉白伴時獻午橋詩

早春示陳元達

北陸藏冰後東風入律和梅因三弄少麥賴六花多
簷盡思喧馬燈遊羨閑蛾躬耕吾不倦其奈沒田何

義豐集

三十六

余門羅雀久矣今日池內有鷗戲爲小詩呈叔

夏

門冷人誰到機忘物自知舊來羅雀地今是狎鷗池
身靜紅塵遠心閒白日遲本來無事說拈出戲爲詩

宿五步港

兩岸各風物四年三往還舟中五步港雲外九華山
路遠虞衣闕囊空慮食艱大江吾隘爾天地一漁灣

出豐城

搖搖旌旆出洪都彌望田疇總廢墟羸馬不前身突
兀耕夫相視笑軒渠倚松茅屋斜開徑近水人家半

賣魚蒲葉向冬猶未割臨風遙憶路溫舒

宿祖印寺

下馬杉松石徑幽暗泉一帶抱山流長廊隱隱丹青
古香霧濛濛日夜淨缺月有情還委照羈人無語獨
登樓急呼老瓦招歡伯爲寫曾中萬斛愁

投吏部汪書

銓選仍多弊今年得偉人衣冠歸藻鑑草莽倚陽春
冢宰天官貴山公啟事新請收才傑士預作屬池賓

遊三峽

玉淵真水府三峽跨長虹萬斛鎔銀瀉千機駢鼓雄

義豐集

三十七

倚天危石立透地密泉通四海思霖雨龍奚久在中

訪子虛不遇

曉入千山與萬水白雲深處款幽關仙翁不許凡人
議走出紅塵不肯還

寄范石湖五首

殊庭詔祿伏忠勤秘殿升班寵舊勳試向午橋諸第
問有誰別墅得奎文

銀山鐵壘洞庭秋又見鷗夷一葉舟且是雲仍高一
著祇將山水事清遊

湖山奔轡黛眉橫湖水晶瑩鏡面寒補裘之絲元未

盡西風吹上釣魚竿

近來能辟千年穀歸去非思一筋鱸聊示維摩隱几
相要教獅子致文殊

彭澤歸來我自安壺中尤覺太虛寬世間萬事多忘
盡只有公盟不敢寒

遇流民有感

行盡江南處處山無錢歸去買山關自憐不在施爲
地空對流民數汗顏

過桃川萬壽宮

人共桃花事一空兔葵無數舞春風傷心俯仰成今

義豐集

三十六

古知與劉郎事不同

矍子洞頭魂黯黯桃川山上目悽悽自鄰終失邯鄲
步不是重來舊路迷

題惠山泉

惠山泉似雪初消不數松江第四橋解挹清泠洗氛
禳何時再有李文饒

上巳日青龍道中

身倦尋春事心懷結夏清猶臨曲水序莫續麗人行
世態與吾異生涯何日成殷勤獨柁送江上五湖平
舍弟挽余爲燈火計已而余出夜夢其以詩來

感嘆賦

吳頭楚尾兩處各窮愁萬事吾皆失三冬汝自修
人情千仞險春事九分休夢斷依然處天涯一釣舟

金市大水

日氣方穿戶風潮忽及門郊原雨脚密窗牖浪花翻
船係家家屋帆飛處處村江南一羈客微命託乾坤
犇牛鬧遇使者議和

浩浩水千里層層限幾重誰為此過額曲障爾朝宗
浪散忽成雪潭昏那見龍浮山何足論聖德務含容

題金山廟 并序

義豐集

三九

博陸侯驂乘宣帝背負芒刺李衛公行事宣
宗亦日近我者太尉耶每顧毛髮森豎俱不
善終大抵人臣功高非身之福余來雲間疑
博陸之祠在此問之邦人莫有知者三月二
十一日夜半小船一溯抵廟下乃知錢氏忠
懿王嘗夢侯曰我漢之霍某也王欲保此東
南當為外護故廟以祠之夫侯之英靈能庇
他人之國不能保其家豈用心廣大者甯身
之不顧耶

事業生扶漢英靈死庇吳明知蓋世烈迅速闔門誅

日月夷黃道乾坤衍赤符空令百世下歎息用心無

九日獨汎松江

松江牢落一舟歸中有人驚歲月遠太一自期蓮葉
是白衣何恨菊花非水收四面郊原瀟霜入千山草
木稀已分滄洲付吾道便應從此下漁磯

九日陪金市諸友登高陽山

窮途已負菊花期尚得諸公慰所思不遣白衣持酒
至共將烏帽入風吹紫萸秋淺浮觴少黃葉山高策
杖遲却恨社中人關一未將湯餅共追隨

讀書懷古恨難逢不謂斯時乃有公心自對談名利

義豐集

四十

外士知尊價品題中一樽此地論文樂三逕何年結
社同待得塵踪去留決別將消息寄東風

龍塘久別乘月再到奉呈同社 在姑蘇

龍塘曠昔擅雲烟破月重來倍爽然浮玉北堂三萬
頃扁舟西子二千年青山識面爭迎權白鷺知心不
避船華髮備備更何往一茅終在此橋邊

再用前韻

已無功業上凌烟且泛扁舟還計然自喜茲遊勝平
日不知今日是何年橫空蛟蜃聊敬枕滿袖蟬娟永
共船同社賈豪多載酒坐看清興浩無邊

姑蘇泛舟

夜來誰共泛靈槎飛上牽牛織女家但覺滿身天雨
露絕無一點世塵沙秋將寒玉清風陣月借鎔銀潑
浪花投曉歸來互相告等閑休向俗人誇

九月六日汎舟航村而舟人不審誤抵道場之

麓越二日登焉因過河山漫賦

千巖臨空濛一水還葱蒨寺從馴虎立山作盤龍轉
嗟予千里來適此十年願初拏蓮葉舟誤逐桃花片
重携九節筇上盡百結線陰崖滴翠寒竹韻含風戰
樹色爭烟霏泓發靡早嘆載窺窄堵尖平視蒼狗變

義豐集

四十一

樓閣撐山光城郭瞰波面未覺脾肉酸先苦銀海眩
曉尋一溪曲更得何山便平疇翠浪湧返照金色現
回首笑月亭消息真已薦

留別金市諸友

扁舟昔東下徒步却西歸久客幸無恙諸公皆可依
途窮須暫哭鳥倦不能飛他日相尋地江南一翠微

都昌汎微點歛遇春

忽忽年華換悠悠客路長春聲先水響山氣欲花香
何補公家事空隨吏役忙白雲知此意一片直都昌

陪諸公登廣福觀下望彭蠡

水遠一圍帶山橫八字眉壯哉極目地慰此凭欄時

剡縣可乘興漾波真好奇相逢休務日因得數言詩

題落星寺

島石是處有星辰曾實無莊嚴成淨土怪誕出浮屠
靈氣樓穿海龍堆沙擁湖盡除金碧像吾欲舍吾徒

傳舍中竹

都昌傳舍中竹其始數枝而已護之三年遂
滿一軒憚予既去爲人所伐作詩示伐者後
人蓋同年云

浪蕩浮花不足看歲寒獨與此君親籜龍滿野今千

義豐集

四十二

變翔鳳何時下一浪日對吏文瀟洒在天生官地保
全難明年我亦江湖去尙祝同年乞釣竿

除夕有感

不是功難立其如興自闌爲貧沾寸祿漸喜得閑官
天下兵戈滿壺中日月寬慙慙除夜雪衰謝莫能歡

秋日寄舍弟

一從婚宦別家鄉又見西風雁作行卧念昔言乘款
段夢尋新句得池塘猿鶴怨草三尺楚尾吳頭天
一方歸去兒童定相笑秋容已上鬢邊霜

九日途中有感

九日登高是故常只今何事負年芳紫萸欲佩憑誰繫黃菊無人只自香開拓愁邊須酒肆包羅風景入詩囊遙應親老持杯夜看核橫陳畫燭光

湖南道中三首

失脚南來又兩年故山猿鶴祇淒然瀟湘不是無佳景終覺壺中別有天
已分餘生老一丘尚因微祿少遲留夢魂不待山資足先入江南問釣舟
萬壑千巖我一家別來空自鎖烟霞閑雲不放行雲望故向東南角上遮

義豐集

四十三

登衡嶽三首

羶羊腥犬沸中原五嶽之中四嶽昏節義衡山獨不辱萬年千載戴明恩
白衣蒼狗飛揚盡翠巖蒼崖杖履間獨到上封雷雨處退之元未識衡山
絕境當須着好詞衰懷已覺不勝奇煩君奇向仙家問怕有彌明更解詩

題淡巖

涪溪已借元碑顯愚谷還因柳序稱獨有淡巖人未識故煩山谷到零陵

雪竇瀑布

碧空無雨忽潺潺此水何人激在山塔現玉光依石側柱因冰凍漉簷間長風浩蕩更相和元氣淋漓挽不還欲究本來源出處湘江誰借一枝班

試院

老催人去樂滄浪十幅青帆便可張尚有選材王事在夜深來此校文章
雨浸霜華冷作秋廣文官舍益窮愁夢魂却似知人意偏到廬山脚下州

竹齋并序

義豐集

四十四

唐德明有竹軒訪余丐詩視其人有可壯者懼其移于貧也作二絕以堅之

一園寒綠鎖城闌中有茅簷更絕塵千戶封侯千畝是
是可憐燕領虎頭人
清陰翠色滿湘山月下風前極目間第一莫流兒女淚失身嫌作杖頭班

見梅有感

十月瀟湘盡放梅南枝仍避北枝開客愁無奈春消息腸斷江南驛使來

次德和韻寄談李二丈二首

心在淮山下身行山水中喜拋餘子去恨不故人同
舊隱勞征夢浮名任化工衡陽春漸煖終欲伴歸鴻
喜脫諸公忌愁違李與談離羣江以北弔影楚之南
世故更千萬心朋只二三果能容我與終共結茆庵
次韻葉教二首

但有形如槁元無貨可珍四方長逆旅一念即明神
漫仕緣將母非才敢教人無功叨廩祿祇覺蠹吾民
汨汨誠甘分空空敢自珍樂雖思泮水愚恐累溪神
怨謗從餘子稱揚獨故人功名非我事自是葛天民
次韻來梓見贈

義豐集

四二五

無心穀壁陪蒲壁有分山光映水光子賤假令官單
父淵明終合在柴桑爲氓且盡今生力責于靈須後
代昌爲問故人緣底事不來同醉酒醅香

薦福寺

乾道初余領番陽貢事寔棘薦福寺以試堂
下岩柱盛開爲護持之人淳熙八年再至爲
賦一首

十七年同一夢迷重來渾不辨東西院中誰識前時
客莫莫堂前老木犀

普陀山觀音岩祈雨

南風不爲雨躬即寶施求地勢到此盡天河相接流
鼇登千丈背蜃吐數層樓念彼觀音力楊枝灑有秋

陳彌高惠詩次韻言謝

南來日日訪人才始得清詩副所懷我計已成桴入
海君行初似橋踰淮十年旅夢思乘興千里征塵忽
及塔見說又爲勲業去獨能無意侶洪崖

勸農題吉祥寺

傍石尋幽徑窮源得梵城潮聲四面合山色一團清
農合巡門勸俗煩倒屣迎明年吾更健來此伴春耕
劉政家東岡池蓮甚盛昔常飲焉賦此叙別

義豐集

四二六

一杖曾吸碧筒杯萬丈深頭忽見催斜倚欄干獨憫
悵明年應是不能來
世路東西自此分酒樽何日再論文虎蹲山下一回
首望斷東岡是海雲

浙江觀潮

水向東南聚氣鍾于午間大洋一沸鼎取溜各循環
高岸忽爲谷疾雷驚破山三年浮海客見此悟生還
廣中南華寺

一水透南粵高人憶老盧如何拈不起只爲本來無
匍匐三千里披攘五百徒都來些子事焉用爾區區

廣中

黑金不肯化青金奉命來催膽水淋山骨舊疑天鑿
透溝流唯待雨來深丹無九轉如方士政有三官出
上林却謝黃茅除白髮為酬平日做信心
南來風土已安之事已當還敢故違銅柱畧無功可
錄玉關空幸死前歸眼看餘劑憐猶在力凭征鞍覺
漸微此去上還官印綬却來傳授祖師衣

黃公灘 并序

顛石三百里中有大小黃公灘與萬安縣對
無甚險惡坡公誤聽以為惶恐遂對喜歡慶

義豐集

四十七

元三年十一月十四夜余宿灘下夢人絳衣
素冠辨論嗷嗷畧記其旨似謂不願人畏余
應之曰難指石爾水何與焉其人有喜色意
者黃公耶

水泝安流舟不難人心自畏石頭頑黃公誤聽作惶
恐玉局先生蓋謂灘

廬山太平宮 并序

某生長此山中往來紫元景曜之下謂非遊
客不當留題族子南震醮歸故曰副宮老仙
頗以為言惟歐陽公昔遊嵩山見石上薛書

神清之洞而同來者不之見也公喜寄陸子

履有醉翁今已作仙翁之句某非其人也敬

賦短章折衷于某君云

貝闕岩峩不可攀遙分絳節下人間起元立道幾千
歲擇勝棲神第一山膏雨應時豐綠野真風與世養
紅顏山前老叟非仙骨悵望丹崖薛篆班

義豐集

四十八

義豐集終

義豐集校勘記

首頁七行瞰四庫本作看十一行兩胡字均作朔十
 九行堂疑白 三頁十行責當作積 四頁十四行
 來元誤挾從四庫本改十五行狀貌已成鬼四庫本
 作喘息將成鬼 五頁六行戾四庫本作疾十五行
 何患犬羊羶四庫本作均受婦夫佃十七行朴下邊
 字疑衍 六頁六行腥羶四庫本作兵戎十一行長
 蛇致虜酋四庫本作窺江獻謫謀逆亮入寇作敵人
 南侵 十九 二十 行詩似丘傳鯉書如固續彪四庫本
 作孔氏趨庭鯉班家續史彪 九頁十一行余嗟倒
 十頁七行好山倒 十一頁十行題下四庫本有
 寺有昭陵御書六字小注 十五頁末行草化四庫
 本作革除 十七頁十一行增字同上當作憎 二
 十一頁四行君綸為征官五字四庫本作招羣賢而
 余八行耶字下多奉投三首四字 二十二頁三行
 忽四庫本作忍入行末韻作北望中原地縱橫淚酒
 巾 三十二頁十七行中元作居從四庫本改 三
 十三頁七行花元作蘿從四庫本改 三十五頁五
 行到四庫本作致 三十六頁五行匈奴四庫本作
 仇讐 四十一頁首行舟四庫本作月 四十六頁

義豐集校勘記

豫章叢書

二行登四庫本作升十行焉元誤馬從四庫本改

南卿詩予以此本與李氏宜秋館抄本互校頗
 有異同李本凡與 本朝稍涉嫌疑若胡兒膾
 膾等字皆經改易疑出自 四庫館臣之手而
 此本尚仍其舊故今刻從之南卿人品絕高不
 僅以詩文見重酒熙時曾幸吾邑觀集中所載
 座右詩留心民隱甚切舊志不入名宦縣人罕
 有知者予修鹽乘時始訪輯舊文為補立一傳
 在南卿雖無絲毫增損而於私乘有光亦一快
 也庚申五月新昌胡思敬校訖并記

義豐集校勘記

二

此集癸卯冬先嚴借抄于晚邨家想晚邨所藏亦非全集吳序云南卿先生所爲文無一字無來處則有文明矣又云省闈三策辭嚴而義偉今策亦不見卷首題云義豐集卷第一中間俱不分卷第恐詩亦不止此集頗有訛脫恨無元本校勘壬戌修工重錄副墨以待深沉好書者藏之且冀有蓄此全集者互假補完也晉安黃璜識

義豐集跋

一 豫章叢書

二 里 子
卷 慶 類 眞 算

于 庚 日 辰 廬
巳 卯 冬 月 拜 示

欽命四庫全書總目卷一百六十 集部 別集類

野處類彙二卷 編修汪如藻家藏本

宋洪邁撰邁有容齋隨筆已著錄宋史藝文志載邁野處猥彙一百四卷瓊野錄三卷而陳振孫書錄解題祇載有此集二卷且云前集未見則當時傳播已稀觀馬端臨經籍考以別集詩集分類而收此彙於別集中不知其為詩集則亦未見其本而循名誤載者矣惟內閣書目有野處內外集九冊不著卷數當即猥彙之殘本今亦未見有傳錄者世所行邁集獨有此本而

野處類彙總目

豫章叢書

已集前有邁自序稱甲戌之春家居卧病作詩若干首以自當緩憂之一物遂取曩時所存而未棄者錄為二卷甲戌為高宗紹興二十四年蓋邁退居鄱陽時所作而集中謁普照塔詩又有庚戌紀年當在建炎三年相去已二十四五歲僅得詩八十餘首又容齋三筆紀紹興十九年在福建貢院與葉晦叔所作詩正在甲戌之前而集中並未載疑本就篋笥所貯偶然哀輯故所錄闕略如此然其生平韻語惟藉此以考見大概則零珪斷璧未嘗不足珍惜也

予自束髮即喜學詩隨作隨棄初不留意也甲戌之春家居卧病因復作詩若干首以自當緩憂之一物昔人所謂內憂外揚為聲音者是也遂取曩時所存而未棄者錄為野處類彙二卷鄱陽容齋洪邁自序

野處類彙序

豫章叢書

野處類藁卷上

宋 郡陽洪 邁景虛 撰

秋日漫興二首

江湖久客日思家坐覺微霜上鬢華
節序又催秋後雁風光爭發雨前花
倦遊已夢莊生蝶不飲何憂廣客蛇
怪底朝來衣袖薄一川白露下葦葭
一夕西風木葉飛畫梁落月淡餘輝
銀燈夜照還家夢金翦親裁寄遠衣
霜信早隨新雁至素書深訝故人稀
無因為謝東曹掾鱸熟尊香莫便歸

庚戌正月十四日同友人丁晉年王蔚之謁普

野處類藁卷上

照塔

孤塔聳霄漢晴影金碧眩重來得寓目
歸枕尾殘沐緬懷何姓人哀禱傾淮甸
是身如皎月有水着處現彈指遍大千
何止數鄉縣惟應因緣地聊爾共流轉
顛危悔勒馬善涉悟覓扇君看悔與悟
只在一轉盼至人獨何心示此禍福變
當知夙緣定莫作邪道見哀哉眾生愚
積惡稔天譴云何一朝急賴此香火薦
我來適燈夕寶燭明遠殿還指客眼塵
重睹浮屠面朝來塔上鈴告我風色便
平淮一回首岸谷失葱蒨

曉過吳縣

舟行有嚴程越國常曉發雙槽兀殘夢
起坐窺落日人家岸埜水霧雨籠篔簹
闕送憐瑣窗人欵枕聽甌軋

陪餘杭張無偶先生飲

先生結屋在人境門巷蕭蕭作冰冷
紛紛入眼不入意坐客千言不相領
叩關聞我倒屣迎重解舊榻塵埃生
向來妙處久不吐一挽天漢崑崙傾
共說別來經世事我言所向皆兒戲
胸中硯礪不用澆便有清愁說無地
士林師範六一翁先生合在伯仲中
願言終賜指歸處為君敬作會南豐

於潛道中

野處類藁卷上

山行厭華確理策扶欹危綠野三兩家
一息知可期冉冉晴林端炊烟鼻晴暉
居民豐且樂恐是太古遺那知都邑間
百索困鞭笞繁華今何有半作道旁羸

度芙蓉嶺

幽泉端為誰放溜雜琴筑山深春未老
泛泛浪蕪覆娟娟菖蒲花可玩不可觸
靈根盤翠崖老作蛙蚓窟蹇裳踏下流
濯此塵土足何當餌香節淨洗心眼肉
餘功到方書萬卷不再讀晚歲窮名山
靈苗縱穿斷萑蒲服之通神令人聰明
健記

信州禪月臺上

玉峯點寥廓霄漢疑可梯
玉水環城陰澹澹方拍隄
層臺擅二美吾策時一携
何當蠟我屐更欲照以犀
塵勞不相赦竟類窮途迷
吾生麋鹿爾不羨駕輅
向來邱壑懷語發人所詆
長安黑頭公玉勒朝金闈
山林出戲言廣己無端倪
誰收遮日手歸把耕雨犁
紛紛塵土中等是舞雩雞
頗聞山水間幽子飯藿藜
行當踐此語絕境同攀躋

送渾師往妙香寺元住雲溪

道人捨幽居誰管溪上雲
此身白雲耳遑暇南北分
頗聞妙香山天花雨繽紛
宴坐丈室間歷亂舊衲紋

野處類藁卷上

三

山前路悠悠山後水云云
應觀川途客念我奔走勤
豈無香火緣他年往相羣
飽食跛鐻飯稀摘幽澗芹
當令枕花臺白社掩微曛

坐睡

坐久睡屢兀手失未了書
清風脫然至心醒得我娛
起看過隙光了不移錙銖
云何短夢中萬境生須臾
嗟彼市朝子百巧營其軀
安知非夢役過眼滅無餘
至人有達觀那與世賢愚
不須無言子同上崑崙墟

遊山光寺

寺藏兩山腹路轉百步陰
登高試病脚掬冷清煩襟

敗壁龕山刻歲月不可尋
惟應查公石俯仰閱古今
屋古園枝挂摧頽力難任
何當咄嗟辦嗣彼鐘梵音
興衰豈關吾得酒且滿斟
歸路有溪月攬之醒吾心

送建州徐生

人羈天地問誰非一浮萍
泛然偶相值便有離合情
君家武夸下歸路塵眼明
我生愛山者夢寐秀色橫
秋風送客去把手更心傾
爾逢山中人爲我寄此聲

贈覺師

覺師儒門秀脫屣世故早
那知軒冕味夙悟心已槁
惟餘章句習心境時相惱
如人生於齊而卽楚鄉老

野處類藁卷上

四

雖遭楚人哂微音或清好
固無益生死亦未妨至道
家山亦何有飢饉衣間舊
叢林選佛場一擲想盆倒
云何慰故居俛仰待華皓
他年空手歸子語吾爲老
幸分曹溪水萬劫付一澡

休豈村落間有奇石如彈子
渴所出宜養石菖

蒲程德藻許以餽我以詩督之

君家緣溪上岸曲溪成渦
渦間石無數水蹙相蕩磨
誰嘗掬而戲一一印指螺
我欲往取之擁此菖蒲窠
石罌注新汲幽姿發清嘅
夫子許餉我往督書已多
願言速寄與起此泉石疴

效淵明

人生本無事况我麋鹿姿一墮世網中永與林壑辭
此行獨何事豈不為寒饑弱歲慕古人頗覺世好卑
那知齒髮邁終然此心違春風到山澤魚鳥亦知時
我行何日休流目瞻長歧且用陶翁言一觴聊可揮

酬馮退翁見示之什

我家大江左江水日夜東遙瞻發源處乃在西南窮
相望逸異境正北一水通故令我與子迹遠心自同
我生寡所諧強顏紅塵中倦飛矯歸翮饑吟咽寒蚤
獨欣得吾子萬慮一笑空時時出秀句醒我如松風

野處類藁卷上

五

當知山澤臞不鄙西角豐彈冠實伊始此生各飛蓬
卜鄰固未必即事聊從容

戲答胡汝能

吾生苦中狹與世柄鑿乖平生素心人耿耿不滿懷
汝能伯始後遊世如嬰孩相逢握手語便作填篋諾
時時笑謂我如子患未涯執古以觀今求合誠難哉
涉世幸未遠子車尚可回我介足怨忌君通絕嫌猜
不見山巨源雍容居鼎台不見稽中散絕交自可哀
賢愚心自了短韻共一哈

謁吳公路許借論衡復留一日戲作

幽獨不自得駕言款齋廡殷勤主人情投轄恐回車
轄亦不須投此去將焉如惟憂酒錢盡使吾詩腸枯
會合曾幾何可復自作疎更當留一夕帳中搜異書

新秋

幽人無與娛耳冷百不聞新米熟未知但覺市酒醇
滄洲散秋色山水逾清新一醉不忍獨念我存故人

道中得雨

吾行田野間吁嗟連數村千山收宿雨谿作黃梅渾
漸看風葉底一洗龜坼痕餘功被行客稍壓早塵昏

道中

野處類藁卷上

六

驕陽久自殺一雨蕩龜坼田夫夢亦好翻龍已幽咽
朝來喜相告一飽心已決翻翻風葉亂嫋嫋露芒茁
去年禾欲秀積潦滿秋澤今年豈堪旱束手就溝壑
我生拙謀口藜藿甘如蜜向來真過計憂民豈吾職
赤子天可憐嗟人獨何力何須事兒戲合沓來賀客
稍欣新稻熟社酒行可覓當同扶路翁醉歸舞南陌

□□

前年溪上秋風時主人酒熟烹黃雞歸來醉倒睡便
著父老喚起牛羊蹊此生一醉宜易得未辨身為貴
人客征西將軍爾何人那用尊前驚墮幘竭來闔越

再經秋聞道軒名涎已流懸知得酒推不去此客有
轄何須投今我正爲奔走役空想題詩滿高壁若逢
落魄姓回人爲問何時定相覓

書窗對月

天公自厭雨一夕開寒晴霜風淨曠野鴻落有餘聲
饑鴉得林靜露月縈窗生熨開睡眼色一洗空花橫
故人千里餘壺酒誰與傾遙知勸影杯共此通夕情
今冬有奇事三見飛玉英明年溪上路誰餉雨中耕

宿野人家

夢裏滄波搖一葉覺來正受肩輿兀人家一宿晚可

野處類藁卷上

七

投新席楠梧香更滑霜前穉種收百畝稚子新能牧
鷺鴨我生本是箇中人挾策久矣猶能說

度石棟嶺

我行欲安適策馬踰山樊谷深不可瞬危磴爭猿猿
坡陀兩山間寂歷三家村茅檐青裙婦蓬髮薪烟昏
敲冷那可飲分我一掬温郎樵晚未歸客至不與言
不逢沙頭卮肯投柳下門作詩配國風行者式其藩
用退之韻賦新霽

春泥窘幽步苔上屐痕少新晴一袞衣綠葉藏啼鳥
方塘澹宿漲古鏡窺清曉華顛忽自笑綵羽墮驚矯

瞻言雲中耕縹渺穹脊繞歸把東皋犁此念何日了
送我確然歸弋陽

昔我雲溪居送子雲溪濱重來問何如笑指溪上雲
一別四周星坐此世故紛衰頽兩非昔華髮榮可耘
我纏風樹悲終日無一欣子乃菽水憂尙此奔走勤
對牀語未終懸知便離分霜風吹客袂別意如絲棼
子歸葛陂上去路接鄉枌歸夢尙隨子何當嘆離羣

至節日建州會詹士元

嗟予身百憂佳節過佳節各愁隨幾增歸思與灰動
當年從子日未覺百慮重高堂遠牀呼一擲有餘勇

野處類藁卷上

八

那知客天涯相對寒骨聳歲月曾幾何鬢絲今種種
忍饑山藥煮附煖地爐擁深藏斷往還衰病脫拜拱
興言望鄉關雲物方鬱滯空餘相屬意酒杯久不捧
用前韻答翁子靜

客心既岑寂節物亦倥傯幽籬菊初暗深壑梅已動
古人傲尺璧願謂寸陰重欲從夫子遊掣肘媿不勇
松高節磊砢鶴老格清聳當知山澤臞誰羨將相種
一官繫人間叢書以自擁微言聞緒餘三嘆手輒拱
青天本寥廓不受雲霧滄願言瞻清明茗椀不辭捧

微雨

增身百憂况乃貧病俱天公頗相哀雨我蔬藥區
曉晴新青勻口薄生意蘇衛生固未必一飽行可圖
故園天一涯茅荆誰爲鋤崢嶸歲云晚此念當何如

寄題叔父池亭

一壑久藏勝數椽忽開亭方塘蔭瓦影淨見魴鯉行
主人有嘉招轉枕失高城不知幾搖兀棹舟上崢嶸
尊酒酌芳醪園蔬煮柔青翩翩射鴨弓一笑翻絲翎
那知海陬姪才粟忘歸耕餘生信萍梗歸夢識林垌
漲水有回波故鄉豈無情一醉會有日因之濯塵纒

贈謝彥翔建安人九歲異人與葉至今不食建安有梅子真升仙處

野處類藁卷上

九

我本世味薄寸田足自營年來荆棘盡稍有梨棗萌
但恐骨相凡未敢希長生陳留達人後未亂犀角盈
舊游記三山幽夢徹九清爾來三十年但覺膏粱腥
幽尋飯絲髓默卧誦黃庭顧我塵土中深慰夙心傾
仙人吳門卒解後煩寄聲相期朝金闕鶴馭何時征
考亭陳國器以家釀餉我友人卓民表民表以
飲予香味色皆清絕不可名狀因爲製名曰
武夸仙露仍賦一首

二年飲水閩中村忽見玉醴傾巒尊涓涓醜醜灌熱
惱耿耿沆瀣明朝暎早塵久張塵市暗渴夢欲挽江

湖吞何人遠致雙鯉信知我來扣羅雀門不須邀月
已清絕尙思慰齒當微温要從華池吸真液豈獨玄
髮樽愁根微茫已識投轄客娥媚似返當墟魂奇功
誰續伯倫頌妙意要與淵明論胸中我自有涇渭筆
下君已傾崑崙詩成寄與約他日飲君與我空瓶盆
久旱新歲乃雨

高田土可饒下田不受犁遺蝗憂插喙况乃麥未齊
赤子天自憐溝壑忍見擠雨逐新歲來停雲忽淒淒
莫辭三日霖爲作一尺泥汪汪既沒膝蠶豈仍拍隄
漸看蓑笠出笑語喧咍哇我欲與寓目父老同攀躋

野處類藁卷上

十

此身羣萬生擾擾舞甕雞曾亦無幾求脫粟配羹藜
永言故隴耕老眼路淒迷好收斂版手鋤耨歸自携
春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許
嗟余閉門客佳節過不數不因可人呼那得幽步舉
客如山陰勝詩作斜川語誰言一樽酒妙處合千古
歸來讀殘書耿耿霜月苦空餘流落心三難非吾土
蔬飯

蕨拳嬰兒手筍解箨龍蛻薦羞杞菊間采斲烟雨外
差余飯藜藿咽塞舟泝瀨朝來二美兼一飽良已泰

充腸我誠足染指客應慨平生食肉相蕭瑟何足賴
王郎催牛炙韓老憶鯨鱠俠氣信雄夸戲語亦狡獪
吾師魯顏子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可滅我知無能為失此一敵國
偉哉奇男子俠氣橫八極書生復何者骯髒老筆墨
刺口論安危事往竟何益匹夫嘯空野驚塵一方塞
區區空有意浩蕩洗鋒鏑何如吳王孫語輒面浮赤
交游得朱亥負販鄙膠鬲腰間鐵絲箭上鏃紫塞翻
笑指蛇豕區滅此而後食諸公未備知欲薦恨無力

野處類藁卷上

十一

明日我過君烹牛呼社客當書游俠傳令子姓名白

送僧

空中世界紛河沙不知底處爲天涯乾坤百億在指
掌觸處與子同一家云何猶作去來想千里一跌毫
釐差坐令契濶費星紀嶺雲欲寄山川遐撥眉相對
此何日丈室淨掃餘天花詩豪辨舌久投閣萬竅寂
歷風無譁爲君游戲出三昧妙處那復相聾牙往將
妙響應空谷一任飛錫凌蒼霞

野處類藁卷上

野處類藁卷下

宋 鄱陽洪 邁景盧 撰

書僧房

陸續流泉自成句來擁紅爐聽山雨道人更有深深處詰曲如珠蟻絲度几硯無塵寒欲霧雕盤象破流螢吐味如嚼蠟那禁咀茶甘未回君莫去

題蘆雁屏

征鴻坐何事天遣南北飛蕭然如旅人無情自相依孤葦吹欲折秋風不勝威冥冥一孤鶩空費弋者機寒聲落煙渚相應不我違嗟吾識此情手納空嘆歎

野處類藁卷下

一 豫章叢書

安知丹青師落筆乃庶幾畫形孰不工畫意識者稀他時因吾句口此千金揮

題臨賦軒

蒼山圍岑寂下有一水奔閉戶卧風雨束蒿翳籬藩寥哉祗樹人心遠忘世喧此身自遠廬長物餘此軒鳥語幽夢斷香橫經帙翻未成借路行自要窺潺湲遠師淵明意不媿靈澈魂月度了無迹風行偶成痕心境兩清妙尺喙何由吞賦詩安所取碧雲未足論何當拂朱絲窈渺弦我言

答併安江師送米

不見道人久天涯歲云除朝來食指動忽接送米書

念師折脚錯五合未省餘雖無覆餗禍尚有乞食道

云何憐孤客日受饑火驅未曾貸監河矧肯索胡奴

誰言斗升意矯矯超萬夫嗟予事筆耕輕棄南畝鋤

恩煩方外客此計良已疎何時事粗了歸葺五畝居

生涯倚綿竹豈即非良圖不為泉壤蚓願學江湖魚

陳德瑞饋新茶

空山冥冥雲霧窗春風好夢欲殘缸朝來果得故人書微凸而么犀鏘雙貴人爭買百瓔珞此心兒女久已降坐觀市井起攘袂念之使我心紛麗領君此意

野處類藁卷下

二

九鼎重雖有筆力安能扛何時來施三昧手慰我渴夢思長江

次韻希旦喜雨

驕陽挾酷暑何啻虎而翼高田土可麓况乃耕與植風伯真可訟雲台吹復拆那知下土民糟粕配椽實古佛棲巖隈旱沴豈我責應緣賢令尹閔雨丐法力積陰暝山谷流潤淒几格朝來賀客散置酒浣愁疾古詩成雲外險句動潛輶旋看蓑笠出競喜溝澮溢誰言令與佛念我一何悉嗟我困蒿藜最覺民可恤何當問牛喘免使訴魚失九關虎豹守懷此欲安適

誰哉此同心吾飽將何日

古風二首寄汪明道

紫蘭初茁芽深壑終自秀
旣隣蕭艾中不采則誰咎
兒曹逐紛華壯士保窮陋
應知此調同萬世無先後
俗士白人眼從誰明此心
不欲故人見訶我車轍深
蕭然江上廬客卧詩書林
得句不相寄誰賞氣駿駸

建安道中

吾生意行初不謀汎汎何
管波中鷗携家來作閩海
夢三年客食天南陬我先
人廬在何許大江之左道
阻修奉新家有手足愛隻
身歸掃先梧楸旋當來此

野處類藁卷下

三

營斗粟南北顛倒無時休
此心轉與世事左自作磨
蠟將誰尤安知不免達者
笑窮達一戲如觀優咄哉
吾語亦已墮且與造物同
浮游

書事呈元聲如愚起華三兄

隱吏朱墨暇飽眠北窗風
時呼方外客逃暑樽酒中
寂寞杜拾遺四壁口不供
坐起盤餐疑哀哉豈天窮
何如平生友磁鐵間不容
每懷千里駕今作五斗逢
吏行散鳧鷖楸局收鸞龍
共話十年舊事往如飛蓬
浮榮真一戲何者爲窮通
應須河漢語淨洗芥蒂胸
僕夫適在門客醉樽亦空
更爲後日約及此芙蓉紅

寄題起莘家義軒

貞觀盛德後餘慶未渠央
舊聞閩海家欲縱燕山芳
教子嗣先訓開軒翌中堂
地偏市朝遠几淨書簡香
先生陳太丘飯糜百憂忘
弟子真羯胡不聞觸屏僵
一變豪俠窟遂成鄒魯鄉
下車里門外他年看諸郎
坐上紆素髮說說立冠裳
我詩自可絃請以伯壺觴

梅花

山深春未動沙淺水欲冰
玉梅於此時靚妝畧無朋
露蕊欲的皦月枝挂鬢
鬢儼如江漢女可愛不可
陵他年江南路曉妝犯嚴
凝尋香烟雨中橫斜插茅
簷

野處類藁卷下

四

却歎今幾日癡如秋後蠅
北嶺枝欲空誰與扶一登
聊分窺水影依我照字燈
坐使惜花夢臨風脚騰騰
昔如夢中蝶今學桑下僧
了知菩提長念起我何曾
十一月十九日與仲猷大年
綽中美中飲於南

臺

空山欲暝雲冥冥玉梅半
開吾眼青此身垂欲走塵
土聊復舉酒看崢嶸折腰
向人不知恥故園可鋤在
千里金昆石友一開眉珍
重道人相料理楚江東岸
先人廬竹君安否久無書
歸歟何時應白首我食此
言如此酒

春社齋禁連雨不止賦呈夢得

歲豐農猶饑歲惡何可說哀哉牛菽氓罪歲同一舌
年時旱塵漲臘盡不見雪青皇忽雨我萬頃麥苗活
令尹民父母溝壑思手挈祈年戒齋居有酒不忍設
那知桃李徑狼籍香泥滑芳意一如此坐恐及鴟鴞
郊原竹開晴出勞南畝儘秋成已在眼一醉宇宙豁
更呼瀟裙人勸此側帽客和公斜川詩磨石鏡歲月
次韻夢得見示長篇

雉馴不因媒鳩煖自呼婦詩成桃李陰知是霹靂手
簿書我亦厭丘壑渠自有却憐支離疏飽食得新植

野處類藁卷下

五

俗夫嘗世味甘苦半噦嘔知公超然處心跡兩無垢
愁陰老芳物蟲鳥故相誘浪蕙費收拾柔條可結揉
豈無我輩人一醉開笑口那知市門底客倦枕兩肘
眼高可人稀命蹇亨遇偶平生願執鞭見謂余小友
細觀愷悌心宜在帝左右却來塵埃中寂寞對五柳
敲音藏鶴羽正待荆雞剖學政容窺譜問字當載酒
虛名翻誤夢恐坐箕與斗言詩終不稱永媿賦瓊玖
身閑書有味吏傲俗不親小窗據物表掃盡心眼塵
令尹垂珠玉敲門喚行春作意向方物吾車曾未巾
愁陰入病骨鳩婦聲亦嗔冥冥三日雨桃李迹已陳

空餘深枝間一一青子新穠芳殿春晚猶堪慰佳辰
醪醑曉妝靚芍藥醉臉勻白萼簪嫋嫋風枝倒粼粼
言當呼短舞抵掌回雙鬢年來得相從稍覺安沈淪
豈不挂俗事察公極清真眼中醉鄉路風味良獨醇
流光不容玩尺璧何足珍滴俗益可厭願言勤問津
牡丹餘醪各一首呈周宰

珍藜壓朝露無人羞欲歌春風醉香骨綽約不自持
誰憐曲肱人一笑遺穠姿不言意可了君醉當勿疑
妝淡洗逾靚肌香薰不成皓然月露姿一笑午景晴
聊移夢蝶牀相對戶不扃誰令風雨暴睡起春縱橫

野處類藁卷下

六

次韻夢得淺紅芍藥長句

十日愁陰病不出卧看春歸無計惜詩翁遣送淮海
春衰眼髮開雲霧拆胭脂注臉勻未遍肉紅借酒生
春色了知造物着意深傾倒春工不餘力年來不願
漆洧女載酒非公復安適且將妙句寫餘妍欲立佳
名付精識一春頗困歌湮沒回首紛華三嘆息願言
乞與沈心方歸對爐香誦周易

宿禪寂院

夢中一葉搖江湖困睡不覺身盤輿眼明佛屋麗丹
碧瓦鴟鵂鳳凌空虛疲民日者困苛索半作頽尾相

濡魚鵝鴨數罟兩不置肯念竭澤明年無道人誰與
辦此事斤琢干指開渠渠頗疑如幻三昧力上方手
攬歸吾廬了知舌木法輪轉咄嗟檀施爭奔輸不辭
割愛一念善誰謂成惡窮民愚書生袖手對溝壑力
不能援心煩紆事無大小成者少談話治亂何區區
調卑絃急誠齟齬鑿圓枘方尤闕疎古今罪歲同一
舌撫掌一笑皆愚儒

詩約范直夫遊萬葉寺觀瀑泉

范侯隱下吏夙尚木丘園身投攫金市藜書以自藩
炯然如孤月不受黃流渾要知句律工競病何足論

野處類藁卷下

七

我生羣末俗涇渭同一源同心無楚越傾蓋如弟昆
人生各有役不暇捧一尊風蒲挂南浦念欲東南奔
對牀定何夕青燈照晤言懸知和詩處千尺銀河翻
次韻夢得見示之什

居楚求齊音美惡不同土喧逐俗物華鮮復有住處
時從玉璧人商畧窮萬古詩如粟牛戲誤得摩頂許
望道渺逾遠浮生真暫寓忍持尺璧陰空作秋蟲語
微言倘傾倒河漢濯肺腑向來說詩口自此行可杜

送歐監魏生赴武舉

生後與金虜戰
有功戰沒於邯鄲

建安少年請纓客橫槊賦詩兩無敵辭家去作入鼓

英氣拂天狼夜無迹廟堂尺筆鞭羗胡智名勇功付
壯夫引弓沒羽世自有敢問上策當何如

陳仲仁止止堂

以我有限景逐彼無涯知失足踐畏途投身試危機
舟車日奔覆定無丘與夷萬古踐此轍嗟我與誰歸
仲仁古靜者懷璧照褐衣名途嘗一戲回首羞前非
心如得坎水不受狂風吹功名憂不免當復定所之
請觀本無作今復止者誰築室市門側著書園不窺
蓬蘽深一丈圖書周四圍時有好事人載酒問所疑
攫金奮敏手倚市誇妍姿回光時自照何者非吾師

野處類藁卷下

八

送志宏西上

九州眼一槩餘子真瓊瑣嶽立崑嶠中喜此高吸峨
如公吾輩人取友一到我揮毫賦垂天風雨捲蓬穎
相期八表游未覺夙心左解龜醉江闊酒面山月墮
起瞻帝鄉雲感歎不成坐何須飛霞佩自辨凌風舸
瀛洲渺溟渤萬里一掀簾緘詩寄天涯秉燭對新火
那知市門仙斗祿事么麼空餘腸九迴上流何日果
有懷舍弟逢年時歸發源以詩寄之

木落天未霜君歸定何時相思如鶯鵲中夜未安枝
夢中見阿連鏘然詠新詩驚衰葉翻道是步履移

攬衣下中庭風露浩森瀟遙知客衣薄歸來一何遲
平生短檠燈相對忽解頤萬古一舒卷佳處良在茲
是中及物心上與稷契期援古以自例自天無乃癡
夜叉叱九闕側足不敢窺坐令一寸心日抱二柄疑
遲君商量此免得兒輩嗤况乃綠髮親倚門鬢欲絲
稀膏非鳳喙車轄無可脂再拜壽口口斑衣舞參差
秋芳未云歇采采黃金蕤萬鍾不足樂古人豈無欺

九月十七夜度蔡道嶺宿彌勒院

月出度松嶺露香霏羽衣肅肅夜氣清蒼蒼烟徑微
川光浴秋容蘿影挂夕暉水輪碾空濶飛轍口口口

野處類藁卷下

九

擬掬星渚波恐觸天孫機倥佯何時見口口口口口
未應青霞志卽與素願違稍休塵外踪想此巖下扉
清吟寫萬籟妙想絕百非不須河漢言盡口口華圍
飛仙亦戲劇元學乃庶幾鰲山切丹極歲晚行將歸

游鄭圃

城郭不去眼而得林壑娛低徊撫壯心欲吐無與俱
鏗然一枝筇細磴半樵漁挽衣徑與飲不省誰爲吾

女貧苦難妍

女貧苦難妍士貧苦難高了知論此者不識一世豪
此身百斛鼎流俗欲手操豈當捨其中局促計所遭

頗疑有若人骭麟棲蓬蒿考槃一丘壑光景不可韜
斯人不我忘空復逾垣逃軒裳亦云華唾去如腥臊
哀哉夸毗子擾擾冠猿狖恬無濟世心悶默死滔滔
揭來事斗祿俛仰身桔槔一官戲人間幾何非鴛鴦
誰言眷此幘擲去輕秋毫區區欲驕士一笑嗟兒曹

溪南梅花

巉巖石徑鳴枯筇意行詰曲無西東心知幽壑梅已
動一枝寄我曾未蒙暗香橫路忽驚顧水蕊的皪蠻
烟中有如佳人久去眼邂逅相得情何窮蔬畦壓霜
翠已亂已覺雪片棲丰茸嗟我過此來已晚攀條嚼

野處類藁卷下

十

蕤聊從容玉仙游戲下塵世絕豔一洗水鉛空不知
聞苑在何許叱回風馭無匆匆溪寒沙淨迷俯仰坐
待山月來朦朧豈無尊酒相煖熟錦裘起舞如驚鴻
仇池老仙羽化久妙曲三疊餘仙風歸時醉倒不成
卧明日來此誰能同

再和求首座

道人昔曳匡廬筇五老負雪溢江東犯寒貪覓玉梅
句雖有衲被何曾蒙歸來苦雨熟梅子卷械深卧蠻
烟中詩傳絕境忽入手置我鄉國情何窮十年不蹈
江上路漠漠海氣昏貂茸異鄉歲晚慰流落一笑賴

此水雪容嶠南絕唱誰敢和騎鯨人去塵寰空真墟
下視堪笑閔雕琢肝腎愁匆匆那知幽子雲雨上風
斤玉斧修滕隴讀詩令我一回首杳若目送孤飛鴻
何時晤語折鐮側坐聽萬籟號天風拈花特地兩顏
解他時與子真參同

奉酬令德寄示長句

閒官屋舍如幽棲寒苦餘業償鹽齏忽聞鵲聲入破
竹尺書入手誰所齋交游勝絕似公少矯矯鸞孔
依蒿藜青冥側足在咫尺誰使狡獪捐其梯秋風溪
上共樽酒擺落羈東忘眈眈紅裳起舞意未足缺月

野處類藁卷下

十一

銜嶺星河低只今跌宕走塵土清夢往復無山谿新
詩驚怪爛盈幅筆力拗怒蟠虹蜺遙知槃礴小窗底
得喪已著一理齊此生同用造物戲未覺與世誰雲
泥雖無絕唱追白雪賴有妙契如靈犀一笑從公豈
無日挽袖相屬空玻璃不須俗物欺真賞但覓佳處
同攀躋

答林康民見和梅花詩

寒崦人家碧谿尾一樹江梅卧清水玉質不受鉛華
汗風吹天香瘴烟裏向來休沐偶無事誰從我游二
三子彎碣曲徑一攜筇凍雀驚飛雪毛委班荆勸客

少延佇酌酒賦詩相料理多情入骨憐閔殊休倚橫
斜嚙冰蔬至今清夢掛殘月強作短歌傳素紙韻高
尙恨句難稱賴有君詩清且美天涯歲晚感鄉物歸
歎何時路千里枕樓一笛雪漫空回首江亭淚如洗

上丁餘臘置酒招綽中德榮逢年

我生無幾求畢願老菽蕘誰令事□□□□□□□
書生亦可憐微物有先感朝來食指動臙肉豐咀啖
恭惟魯司寇道大長堦坎空餘祠千載□□□□□
永言百世師願學吾豈敢當機不忘安□飽復何□
安能如王孫長物貯願領意呼□□□□一醉捨鉛槧

野處類藁卷下

十二

相攜桃李徑歷亂蹴紅毡言強三尺□□□□□□
平生超然處獨嗜逾昌歌詩成待徵君莫遣兒輩□
用綽中韻送正臣正臣欲歸隱而無資用俶其
意以告識者

華裾錦領烏紗幘氣蓋當年五陵依胸中碗礪不可
平拂衣歸來賦長鉞軒然奇傲楸梓間長□隱□□
雲山相逢笑我眷微粟我歸未可君何還□□□□
牛吼音誰能立談壽千金空令擁鼻誦招隱知君心
在仙峯陰故山自歎無歸期作詩但擬淵明辭却愁
他日林下信千里寄我惟當歸

秋懷六首

庭柯一葉飛風挾涼氣歸湛湛陂水清芙蓉脫紅衣
非無岑寂士句法妙元暉獨懷履霜戒德人貴知微
真儒六經學文字聊解紛長孺棄諸侯漢庭相公孫
兒口乳未乾妄作黑白分誰能領斯會事往風中雲
導江自岷山源淺觴可盪下集大小川千尋水府暗
策策井桐寒炯炯窗月淡後生抱奇志黃墨勤點勘
市朝富危機匹夫死馮河何如狎鷗子烟雨同一波
行藏各有趣不在相詆訶我師陋巷人千古冠四科
穿堵超玉繩倒影夜窗寂火雲一洗空月露清欲滴

野處類藁卷下

十三

幽人負病卧坐起三歎息歸來對牀第暗語永佳夕
掩窗耿不寐道人亦無棕故山新稻香炊煙漾枯桐
夢中信了了推枕聞西風少遲禪金壯歸夢與子同
逢年與德榮同之溫陵謁大智禪師醫作四小

詩送之

丈室掩槐夏與君同卧病平生莫逆人裹飯誰見過
跼口起鑑井萬古寂不波觀心要知足造物如吾何
六年別故山松竹故無恙此身已天涯飄走復何向
清源老醫師破口出投狀勿辭一往勤挹彼上池漲
石梁跨濠山永與方壺久憑君持一盃往酬濟川手

遙知相攜處溟渤浸箕斗作詩問大鈞猶有斯人否
山河我四大物我同一體誰爲苦疾癢搔按不容擬
多生抱此念耿耿未云已那知知魚樂更有濠梁子
與陳彥時會華嚴道人偶書

屋頭烟雲屯屋下波濤喧團團坐已久起扣丹霞門
客至苦舌強目擊翻無言元龍湖海士懷哉風契敦
清坐鼎足時妙語流潺湲君游華嚴海貝葉手自翻
此心於身世烏度空無痕笑吾流浪中久被業識吞
讀書談古今綺語生禍根望道渺未見况乃躓其藩
職卑困掣肘見弱不得援未知造物心彼復哀黎元

野處類藁卷下

十四

近窺顏稷意未敢遽掩關躬耕亦細事會要五畝園
釋耨牛在牧駕鼓馬伏轅居然見優劣不比魚熊膺
持問跼趺人一笑霜眉掀相携妙峯頂暝色窺遠村
解衣畧輩行班坐舉芳蕪欲歸意未已幽徑相與捫
蒼崖出玉體不受瘴毒溫願言同酌此我語庶不謬

書耕桐院壁

側身西來度千山列仙仙去空孱顏斗升自口應笑
我何苦詰曲戲塵寰歸耕無田仕難合疑此二柄首
鼠間摩挲崖石三歎息我心安得如汝頑

次志宏韻督成壽置酒

歸耕食我言回首媿江水方爭揚子席誰置穆生醴
鄧侯傾蓋舊小寢蘇桃李走書約咱我涎迸齧唇齒
朝來獨何事怒色劇染指雖微射鴻游願有捩手鬼
平生談天口得酒便鋒起年來病不觴但要謳貼耳
眞成畫蛇足足就酒空矣樊川吐怨句想見紫雲美
何時咄嗟辦一醉吾亦擬樽沓聽羣兒口實爭笑鄙

野處類藁卷下

十五

附集外詩

鎖院同葉晦叔作兼簡謝景思

紹興十九年晦叔為福建帥屬

子嘗因春補諸生白于府主邀與同考校鎖宿貢院兩旬

沈沈廣廈清如水市聲人聲不到耳一閑十日豈天
賜慙媿紛紛白袍子相逢更得金玉人久矣眼中無
此士連牀夜語不成寐往往雞聲忽驚起是中差樂
真難名昔者相過安得此但憐時節不相謀正墮清
明寒食裏梨花已空海棠謝外間物色知餘幾只恐
風雨摧折之負此一春吾過矣謝公尋山飽閑暇應
笑腐儒黏故紙錦囊得句應已多萬一相思類奇似

野處類藁

豫章叢書

容齋三筆

車駕宿戒幸玉津園命下大雨將曉有晴意已

而天宇豁然至晚歸邁進一詩歌詠其實

五更猶自雨如麻無限都人仰翠華翻手作雲方悵
望舉頭見日共驚嗟天公的有施生妙帝力堪同造
物誇上苑春光無盡藏可須羯鼓更催花 容齋五筆

和朱子淵賦石柏

海底靈根石效奇山經地志不曾知凝紅幻出珠千
顆染紫裝成玉一枝鶴骨龍姿隨質見鸞棲鳳宿與
香宜元戎高唱真難和媿我年來筆力衰 夷堅志

寄題兄景伯清閱堂

台州通判廳

昔聞王子猷借宅亦種竹此君固可喜人亦清不俗
伯氏貧而耀一飯不飽肉堂前自經始護此無盡緣
一官歲強半餘日如轉獨待其長稚子而已牽歸轂
何由享嘉蔭償我志願足應煩彼邦人日報平安福
赤城志

王龜齡王嘉叟木蘊之同過小園用郡圃植花

韻

節到中和暖尚餘東風隨後起芳華自慙翳翳松三
逕相對蕭蕭馬五花老去醉鄉為日月年來痼疾在

野處類藁

二

烟霞午橋別墅歸公手早定淮西取白麻 文翰類選

泛舟遊武夷九曲

武夷之山如畫圖中有玉洞藏仙都一溪穿空舞澎
湃九曲度盡方盤紆細看直疑路中斷已轉始覺川
平鋪諸峯削成鳥亦怖危磴豈復人能踰機巖學館
第傳授鼓樓石牀知有無坐令丹梯化一鶴又喚立
筍成三姑遊人來觀但借問道士指說猶驚呼神君
曾孫在何許想見幔亭空藥爐千崖萬壑心賞倦正
喜松風清坐隅歸舟瞥然箭脫手醉目眩我雙明珠
武夷山志

秀川館聯句 并序

鄱陽洪邁景盧還自衡岳道宜春買舟東下永嘉
方雲翼景南置酒秀川館餞之邵武黃介景達開
封向藩巨源歷陽許子紹季韶與焉坐中屬聯送
行且強景盧同之人賦十許韻賓主皆醉不復續
惟巨源止酒不聞涓滴獨又唱出八十字以成章
且書之明日以遺景盧云紹興二十七年九月乙
亥景南序

江聲林搖寒山色窗拗綠 方 歸舟著沙邊客夢遶鄉
曲 洪 簪蓋踏秋悲筵開從夜卜 黃 黃花散疎籬蒼竹

野處類藁

三

圓破屋 向 詩豪爭擊銅談劇屢消燭 許 借君五言城
洗我愁萬斛 方 主人意無窮客子去敢速 洪 杯寬怯
鯨吞詞澀媿貂續 黃 注瓦亦傾銀聯珠仍綴玉 向 天
迴月明洲霜清風隕木 許 飛齊水擊鵬揮退日斜鷗
方 臭味漆投膠芬芳蘭閒菊 洪 味甘一嚮嘗話勝十
年讀 黃 未用賦驪駒方看舉鴻鵠 向 行當歲九遷勿
憚晝三宿 許 妙語子蟬媽孤蹤吾鹿獨 方 一老上星
辰三君進鳧鷖 洪 平生仰高山此夕霑賸馥 黃 飛龍
十九章金馬三千牘 向 儻非論石渠定是讐天祿 許
筆健翻狂瀾辯雄噴飛瀑 方 抄傳疲小胥侍立倦更

僕 洪 力舉六鼇連財運千兔禿 方 庖廚洗玉盤萍豆

鄱金谷 向 豈無麟脯羞亦有熊蹯熟 向 不須羅糲葷

安用窮水陸 許 搜尋到蹲鴟飪飢兼苜蓿 方 但畏酒

樽空宜知更漏促 黃 勸頻難固辭意厚敢虛辱 許 一

一馨餅罨紛紛吐茵蓐 方 茶甘旋汲江火活乍然竹

向 聊烹願渚吳更試蒙山蜀 洪 清風生玉川石鼎壓

師服 黃 忍醉興方新語離情轉篤 洪 明朝轉船頭西

風飽帆腹 黃 去櫓響啞啞歸車聲轆轤突諒難黔

曹裝行復促便揚武林鏢勿戀番江築聖神攬權綱

賢俊登肅穆 向 君恩晉接三臣職坤用六 方 夷路合

野處類藁

四

騰驥上心資啟沃 許 吾道竟何憂斯文欣有屬 洪 執

政猶股肱天官乃眉目當塔紅藥翻規地青蒲伏遙

知此數途歷徧財一蹙長吟美且箴細酌壽而祝端

期千一逢毋諱再三瀆德進朝廷尊河潤京師福前

修庶拍肩能事當繼躅君無廢此篇隨車編卷軸 向

袁州府志

送楊簡遷國子博士

揚君解墨綬去作國子師邑人十萬戶遮道嬰兒啼

曩歲天苦旱赤地無餘遺饑殍千百輩上山爭採薇

採薇有時盡詎能救長饑慨然顧自任舍我將告誰

味爽出廳事日暮忘遄歸大家貯陳粟出糶不敢遲
偷兒粉狗鼠鋤治如平時一意摩手撫如子得母慈
明年薏麥登比屋無流移史牒載循吏於今親見之
我亦受一塵惜哉輕語離橋山未訖役酌餞疎酒卮
聊述路人頌持作送君詩 都陽縣志

送制置使王剛中帥蜀

上都門外垂楊陌葉葉經霜不堪折春光猶未到梅
花何物當扳送行客路人驚問去者誰高牙大纛爭
光輝君王應念蜀父老故轍侍臣來紫微明光起草
文章手却聽元戎報刁斗回首翔鸞一夢中玉簫緩

野處類藁

五

送成都酒邨邨九折何足驅慷慨功名眞丈夫成都

花錦君莫戀早晚歸觀持釣樞 同上

野處亭

莫厭攻臺萬杵聲芝亭入望得雙清快邀明月無餘
地俯瞰澄江不碍城花雨着人迷杖履松風呼夢遠
廂榮弟兄邱壑平生事付與鳴琴一再行 同上

贍溪別墅 魏知建補

龍亭休憶柳垂堤正喜高風集贍溪流水直隨青嶂
下孤烟正在白雲西村春接響聲相赴浦樹連雲望
自迷無限新詩兼有酒可能容我醉時題 同上

寄題分繡閣

新閣何隆隆經營自茲歲其前山送青其下竹交翠
景物日夕佳登臨春秋異治中公事暇領客共留憩
四座歡相酬壽主珍重意向來蓬瀛上視此毋乃媿
主稱客意好是事幸且置拄頰飽看山朝來殊爽致

上清宮

振策衝暮雲攜琴宿仙境松風生夜涼蘿月散秋影
洞遠落猿聲溪清鳴鶴頂中宵夢仙翁□□□□□
獅子身五色鸞鳳互相引上有朱幡□□□□□
風吹雲璈徧顧我忽而哂遺以丹篆文再拜豁心領

野處類藁

六

□□□浮榮飄然從結軫

朝天菊

但見茶蘼能上架那知甘菊解朝天亭亭秀出風烟
上冷落東籬却可憐

宣鎖

禁門深鎖寂無譁濃墨淋漓兩相麻唱徹五更天未
曉一池月浸紫薇花

附錄終

野處類藁校勘記

卷上

三葉十三行枕一本作桃 四葉七行爾元誤邇詩
徵作亦亦與尔相近 十一葉三行魯元誤曾

卷下

一葉五行珠元誤球十二行口元作購一作講末行
米字當在送字之下 二葉六行綿一本作緯 四
葉十六行口元作垂誤 六葉十三行熨元誤慰
七葉十三行口元作知誤疑當作和十九行小注功
下戰字疑衍邯字疑當作陣 八葉一行付元作作

野處類藁校勘記

豫章叢書

二行問元作問四行逐元誤遂 九葉六行口口元
作不分一作百分俱不可曉疑是百齡之誤 十一
葉十八行鉛華一本作白眼 十二葉十二行待一
作持 十三葉十三行釋金一本作秋容十九行口
元作樓誤 十四葉十七行口元作殺誤十九行鼠
字元缺 十五葉五行成元誤誠

野處類藁校勘記

卷上

首葉十五行動元作斬 三葉首行拍元作陌十行
丈元誤文十三行枕王本作桃 四葉七行爾元誤
邇詩徵作亦亦與尔相近 六葉十二行苗元誤曲
七葉末行漲元誤張 十一葉首行客應元倒三
行魯元誤曾

卷下

一葉五行珠元作球十二行口元作購王本作講均
不可曉 二葉六行綿王本作緯 四葉十六行垂

野處類藁校勘記

豫章叢書

字疑誤 六葉十三行熨元作慰 七葉十三行和
元誤知十九行小注功下戰字疑衍邯字疑當作陣
八葉一行付元誤作二行問元誤問四行逐元誤
遂 九葉六行缺文元作不分王本作百分俱不可
曉疑是百齡之誤九行霏元誤非 十葉五行笑元
誤哭 十一葉十八行鉛華王本作白眼 十二葉
十二行待王本作持 十三葉釋金王本作秋容十
七行足元誤是十九行缺文元作樓誤 十四葉十
七行缺文元作殺誤十九行鼠字元缺 十五葉五
行成元誤誠

附錄

三葉六行聞元誤開 五葉八行牙元誤未

野處類藁校勘記

二

徐澹如鈔此書餉子開今三載矣頃見戈小蓮本前有自序一篇爰鈔於簡端容齋生於宣和五年癸卯序云甲戌之春則紹興二十有四年先生時年三十有三也錢大昕書於春風亭時年七十有一

野處類藁跋


豫章叢書

洪文敏以考據名家其詩文恆不多見厲樊榭
宋詩紀事收洪詩九首只秋日漫興兩首出類
稿餘皆采自方志及文翰類選等書疑亦未見
其集此書用武昌李拙翁鈔本付刻據序乃文
敏自定之本卷數與書錄解題合陳氏作解題
時距文敏不遠當得其實宋史藝文志修自元
初乃云有野處猥稿百二卷或總其生平著述
容齋五筆夷堅志皆并入其中未可知也李本
多脫誤別有王勝庵本拙翁曾取以互校將異
文批列眉端不敢輕改子與魏君潛園再三審

野處類藁跋

豫章叢書

定凡王本誤者從李李本誤者從王其不能斷
者則兩存之末附集外詩十五首分編閣以下
四首則拙翁所錄不知采自何書存以俟考丙
辰二月新昌胡思敬跋



新注朱泚真
斷腸詩集十
卷後集七卷

光緒丁酉武原徐印鈺署檢

翠螺閣重雕

朱淑真詩集序

通判平江軍事魏 仲恭 撰

錢 塘鄭 元佐 注

嘗聞摘辭麗句固非女子之事閒有天姿秀發性靈

鍾慧出言吐句有奇男子之所不如雖欲掩其名不

可得耳如蜀之花蕊夫人詩話孟蜀花蕊夫人善詩

凡三十餘篇大槪似王建

宮近時之李易安尤顯顯著名者宋朝李易安居各

有宮詞樂府行乎世然所謂膾炙者可一二數豈能

皆佳也比往武林見旅邸中好事者往往傳誦朱淑

朱淑真詩集序

真詞每竊聽之清新婉麗蓄思含情能道人意中事

豈泛泛者所能及於才能道人意外事固非知者所

能未嘗不一唱而三歎也禮記一唱三歎蚤歲不幸

父母失審不能擇伉儷左成十一年已不能乃嫁為

市井民家妻一生抑鬱不得志故詩中多有憂愁怨

恨之語每臨風對月古漢宮春詞爭似我隨時觸目

傷懷皆寓於詩以寫其胸中不平之氣竟無知音子

伯牙死以為世無足知音者悒悒抱恨而終自古佳人多命薄東坡

詩全句又瑞鶴仙詞恨佳人豈止顏色如花命如葉

命薄似春雲無定揚花飄泊耶古詞須信秋色觀其詩想其人風韻如此乃下

配一庸夫固負此生矣其死也不能葬骨於地下如

青冢之可弔杜詠懷述古詩獨留青冢向黃昏注昭

并其詩為父母一火焚之今所傳者百不一存是重

不幸也嗚呼冤哉予是以歎息之不足援筆而書之

唐王勃援聊以慰其芳魂於九泉寂寞之濱未為不

筆成篇

遇也如其敘述始末自有臨安王唐佐為之傳姑書

其大概為別引云乃名其詩為斷腸集杜子美詩梅

後有好事君子當知予言之不妄也清熙壬寅三

月望日

朱淑真詩集序

二

新注朱淑真斷腸詩集卷之一

春景

錢塘鄭元佐注

立春前一日

梅花枝上雪初融僧齊已詩前村深雪裏昨夜一枝開一夜高風激轉

東芳草池塘冰未薄南史謝靈運思詩夢弟惠

連遂得池塘柳條如綫著春工唐劉禹錫詩春工著意柳條新

立春古律

停杯不飲待春來唐李白問月詩我今停杯一問之和氣先春動六

街生菜乍挑宜捲餅杜立春詩春日春盤細生菜羅

朱淑真詩集卷一

幡旋剪稱聯釵川立春詞剪新幡兒斜插真珠鬢

雙綵勝併休論殘臘千重恨管入新年百事諧古秋

但入新年願從此對花并對景盡拘風月入詩懷詩

又絕句二首

自折梅花插鬢端韭黃蘭茁簇春盤韓馬君墓詩蘭

試春盤潑醅酒軟渾無力花蕊夫人宮詞潑作惡東

風特地寒坡詩明朝特

嘉勝春幡鼻鳳釵拜星月詞盡新春不換舊情懷草

根隱綠冰痕滿柳眼藏嬌雪裏埋古水龍吟詞

春霽

淡薄輕寒雨後天古詞雨後輕寒柳絲無力妥朝煙古柳絲

柔無弄晴鶯舌於中巧著雨花枝分外妍杜曲江詩

篇年年來到梨花月宋晏殊詩梨花瘦不勝衣怯杜

鵲杜詩傷春怯杜鵑又浣溪

新春

樓臺影裏蕩春風符川集南鄉子詞協氣融怡物物

同漢司馬相如傳協氣橫流又香草色乍翻新樣綠

花容不減舊時紅鶯脣小巧輕煙裏蝶翅輕便細雨

中聊把新詩記風景休嗟萬事轉頭空唐白樂天詩

晴和

海棠深院雨初收古燭影搖紅詞海棠開苔徑無風

蝶自由百結丁香誇美麗類說百結丁香三眼楊柳弄

輕柔漫叟詩語注漢苑中有柳小桃酒膩紅尤淺杜

花舒草草寒餘綠漸稠寂寂珠簾歸燕未坡詞寂寂

乍捲珠簾新燕入子規啼處一春愁杜詩終日

薄雲籠日弄輕陰古沁園春詞試與詩工略話春蠶

蠶綠楊初學綾茸碧草漸成茵晉謝安春遊賦園翠草而成茵

林深寂捺私恨山水昏明惱暗輝芳意被他寒約住

古臨江仙詞雨過茶蘼春欲放輕寒約住餘芳天應知有惜花人

陡覺湘裙剩帶圍古詩沈腰消瘦帶圍寬情懷常是被春欺

春風得憑欺人惡半簷落日飛花後一陣輕寒微雨時古虞美人

詞蕭蕭微雨幽谷想應鴛出晚詩鳥鳴嚶嚶出自舊巢

應怪燕歸遲王介甫歸燕詩幽谷遷於喬木

柔情不自持古詞傷懷長是雙眉怎禁持

又絕句

楊花擾亂少年心古詞楊花飛絮怕雨愁風用意深

朱叔真詩集卷一

付與酒杯渾不管從教天氣作春陰古詞天

問春

春到休論舊日情風光還是一番新古魚游春水曲

李鶯花有恨偏供我杜游招提詩桃李無言祇惱人

前漢李廣贊桃李不言下自成蹊粉淚洗乾清瘦面古詞梅帶圍寬

盡小腰身見前春陰詩注小東君負我春三月我負

東風三月春

訴春

十二闌干鎖畫樓古詞倚欄春風吹損上簾鉤花

心柳眼從教放古詞庭芳詞柳眼蝶意蜂情一任休

古詞蝶意蜂情志還飄逸婦帶酒杯消舊恨禁持詩句遣新愁東坡

傷春

閣淚拋詩卷古詞閣淚汪無聊酒獨親客情方惜別

韓送張侍御詩新愁惜別情心事已傷春前柳暗輕籠日花飛半

掩塵飛少游詞花鶯聲鶯蝶夢莊齊物篇周夢為蝴蝶

搔首午窗前喚起舊愁新古詩喚起新

春日感懷

寂寂多愁客傷春二月中杜詩傷春惜花嫌夜雨前

注多病發東風不奈鶯聲碎唐杜荀鶴詩那堪蝶夢

朱叔真詩集卷一

空上首海棠方睡足唐楊妃傳此海簾影日融融杜

和風日

中春書事

乍暖還寒二月天釀紅醞綠鬪新鮮日烘春色成和

氣風弄花香作瑞煙古詩弄花鶯舌似簧初學語堯

夫詩正嫩黃為舌柳條如綫未飛綿杜詩生憎飛金杯滿酌

黃封酒東坡詩新年欲勸東君莫放權

又絕句

乳燕調雛出畫簷坡詞乳燕游蜂喧翅入珠簾杜詩

喧日長無事人慵困金鴨香銷懶更添古詞金

春半

拭目憑闌久柔風拂面吹杜詩吹面受和風鶯花爭嫵媚杜詩鶯花隨詩酒關清奇已近清明節初過上巳時古詩上巳清明都莫紫尋俗事隨意樂春熙老子熙熙如登春臺

春日即事

輕寒噤瘁花期晚嫩綠差鱗接遠波躍藻白魚翻玉尺杜詩翻藻白魚跳穿林黃鳥度金梭天寶遺事載古詩開將詩草臨軒讀靜聽漁船隔岸歌選屈原行吟澤畔又韓湘中詩空盡日倚窗情脈脈古念奴嬌詞脈脈此情難識前無事奈春何古詞無計奈愁何

春詞二首

屋噴柳葉噪春鴉山谷詞屋角簾幙風輕燕翅斜風輕燕子斜又宋晏元獻芳草池塘初夢斷公詩云簾幙中間燕子斜見前注棠庭院正愁加詩見前注幾聲嬌巧黃鸝舌古詩故遣黃數朵柔纖小杏花盧詩却嫌桃李太粗獨倚妝窗梳洗倦古詞知他今夜祇漸辜負好年華古詩一年好屈指清明數日期紛紛紅紫竟芳菲韓詩百般紅塘水暖鸚鵡並白樂天長恨歌在天巷陌風輕燕燕飛詩燕燕柳帶萬條籠淑景游絲千尺網清暉杜詩游絲人間何處無春色祇是團圓人未

歸古詞西樓獨上時月團圓人未歸

春色有懷

客裏逢春想恨濃故園花木夢魂同羣玉雜俎唐時他花木樹思憶故園春杜詩故園花自發連隄綠蔭晴煙裏映水紅搖薄霧中選詩濛濛薄霧中

約游春不去二首

鄰姬約我踏青游古最高樓詞強拂愁眉下小樓去戶欲行還自省也知憔悴見人羞古青玉案詞更少年意思懶能酬愛好心情一向休若到舊家游治處青箱雜記載詩舊只應滿眼是春愁杜詩看花

喜晴

鷓鴣聲歇已開晴坡詩晴鷓鴣喚柳眼窺春淺放春前詩樓上捲簾凝目處遠山如畫展幃幘晉孫綽詩遠

新注朱淑真斷腸詩集卷一終

新注朱淑真斷腸詩集卷之二

錢塘鄭元佐注

春景

春日雜書十首

春來春去幾經過古詞任他不是今年恨最多古詩

新年恨寂寂海棠枝上月盧詩海棠枝上月黃昏照人清夜月

如何夜如何詞試問

柳絲拂拂弄東風蜀花蕊夫人宮詞日色春容一樣

同嫩草破煙開秀綠古詞嫩草初小桃和露坼香紅

杜詩桃花點小紅

朱淑真詩集卷之二

鬆鬆麗日約餘寒古臨江仙詞雨過茶蘼春向梅邊

柳上添李白宮中行樂詞寒雪蜂蝶自知新得意盧

蜂蝶新來展鬚忙翅入層簾王禹偁蜂蝶詩飄飄粉

得意濃絲柳

柳垂新綠膩煙光古詞湖膩煙紫燕惺鬆語畫梁古

來語燕飛午睡忽驚雞唱罷日移花影上窗香唐詩

春宮怨云日高花影重

捲簾月挂一鉤斜古詞一愁到黃昏轉更加古詞云

昏轉獨坐小窗無伴侶白樂天詩坐對凝情羞對海

棠花古詞全句

關草尋花正及時杜詩問柳尋不為容易見芳菲古

別時容易誰能更覷閒鍼綫且滯春光伴酒卮盧詩

見時難春光賴

月篩窗幌好風生古詩風生秋病眼傷風淚欲傾寫

字彈琴無意緒踏青挑菜沒心情杜詩江天踏青罷

詩注又江神子

一年好處清明近韓早春詩最是已覺春光大半休

古詞海棠未雨梨點檢芳菲多少在古詞枝頭點點翠

深紅淺已關愁古詞寸心如

濛濛細雨溼香塵古詞春似欲藏鴉柳色新廣樂記

白門前楊柳可藏鴉又東關草工夫渾忘卻祇憑詩

酒破除春酒遣春愁古詩

自入春來日日愁古詩云人到惜花翻作爲花羞古

逢春怕見花羞高樓詞卻教人呢喃飛過雙雙燕拾遺載唐王謝燕

真我簾垂不上鉤杜詩雙雙新燕子

晚春會東園

紅疊苔痕綠滿枝唐劉禹錫陋室舉杯和淚送春歸

古風入松詞一鷓鴣有意留殘景杜宇無情戀晚暉

古詩蝶趁落花盤地舞燕隨狂絮入簾飛古詞不

透幕飛醉中曾記題詩處臨水人家半敞扉古詞綠

到伊邊

晚春有感

卻扇羞花春已空前詩注掃紅吹白任顛風古詩亂紅堆徑無人

掃又杜詩注斷腸芳草連天碧晏元獻公詞春不歸

來夢不通

莫春三首

纔過清明春意殘注見前卷落花飛絮便相關坡詩落花飛絮滿衣襟

襟銜泥燕子時來去杜詩燕子已銜泥又古昔釀蜜

蜂兒自往還唐羅隱詩探風靜窗前榆葉鬧古詩

榆葉陣雨餘牆角蘇苔斑杜詩苔蘇綠槐高柳濃陰

合柳咽新蟬朱淑真詩集卷二深院人眠白晝閒古詩深院無人白晝閒

碧沼荷錢小葉圓杜詩點溪荷眼前芍藥恣連顛清

明已過三春候古詞寒食清穀雨初晴四月天古詩

詞穀雨清乍著薄羅偏覺瘦古浣溪沙詞佳懶勻鉛

粉祇宜眠情知廢事因詩句氣習難除筆硯緣

舉杯無語送春歸詩見前分付東風欲去時燕子樓臺

人寂寂唐白居易詩楊花庭院日熙熙見前枝頭添翠

鶯先覺葉底鈴紅蝶未知詩卷酒杯新廢卻閒愁消

遣掃他誰古詞這愁緒仗他誰

恨春五首

櫻桃初薦杏梅酸古賞芳春詞櫻桃嫩風高麥秀寒

後漢張堪傳惆悵東君太情薄挽留時暫也應難

一瞬芳菲爾許時苦無佳句紀相思坡詩登臨春光

正好須風雨恩愛方深奈別離古詞思愛頓淚眼謝

他花嫩抱愁懷惟賴酒扶持古詞要解心頭鶯鶯燕

燕休相笑古洞仙歌詞惟試與單棲各自知

病酒厭厭日正高古詞病酒厭厭未解一聲鶯鳥在

花梢古千秋歲詞一聲鶯鳥在

卻破苞見前暗把後期隨處記古詞暗把閒將清恨

倩詩嘲從今始信思成怨且與鶯花作淡交杜詩鶯花隨世

界又禮君子朱淑真詩集卷二

遲遲花日上簾鉤毛詩春日遲遲又古厚風臺上憶

盡日無人獨倚樓黃魯直詩盡日無人舟自

媒傳客恨古詩蜂媒蝶鶯梭柳綾織春愁盧詩鶯梭

垂碧雲信斷惟勞夢唐韋莊詩惆悵一天春紅葉成

詩想到秋唐宮中詩慙勤謝幾許別離多少淚不堪

重省不堪流

一篆煙消繫臂香閒看書冊就牙牀東坡定風波詞

柳鶯聲冉冉來深院柳色陰陰暗畫牆柳雁行斜

眼底落紅千萬點古詞金門詞滿臉邊新淚兩三行

古詞頻拭梨花細雨黃昏後古詞到能點得燈兒不
臉邊新淚了雨打梨花深閉門不
是愁人也斷腸

春歸

片片飛花弄晚暉杜城上詩風 杜鵑啼血訴春歸甫杜
杜鵑行其聲哀痛口流憑誰礙斷春歸路更且留連
血所訴何事常區區伴翠微家在翠微

滿地落花初雨過坡詩滿地落 一聲啼鳥已春歸好事

近詞更一 午窗夢覺情懷惡前詩 風絮欺人故著衣

聲啼鳥李白詩柳絮著人衣

狼籍花因昨夜風古詩落花狼籍無行處又虞 春歸

朱淑真詩集卷二

了不見行蹤去後無蹤跡 孤吟惻坐清如水憶得

輕離十二峰胡曾詠史詩寂

一點芳心冷若灰賀新郎詞一點芳心寂無夢想惹

塵埃六祖禪師詩 東君總領鶯花去古詩憑仗東 浪

蝶狂蜂不自來唐元微之山茶花詩

平疇交綠藹成陰淵明詩平 梅豆初肥酒味新門外

好禽情分熟不知春去尙啼春盧詩野禽聲

新注朱淑真斷腸詩集卷二終

新注朱淑真斷腸詩集卷之三

錢塘鄭元佐注

春景

春日閒坐

社燕歸來春正濃古詞云燕子來時春社 摧花雨倩一番風古詞賀

聖朝詞更倚樓閒省經由處月館雲藏望眼中古詞云登樓欲認經由處無奈雲山遮望眼

春夜

半簷斜月人歸後古詞缺月掛簷牙 一枕清風夢破時江國器詩

兩窗君子竹東坡詩 無奈梨花春寂寂東坡詩 落花春寂寂杜鵑聲

裏只顰眉古詞杜鵑聲動不如歸去聲損遠山眉

春宵

夢回酒醒春愁怯東坡詩酒醒 寶鴨煙銷香未歇古詞

鄉子詞寶薄衾無奈五更寒 衾不暖五更寒杜鵑叫

落西樓月古最高樓詞子規叫斷黃昏月

元夜三首

闌月籠春霽色澄古詩月籠霽色夜沈沈 深沈簾幙管絃清古詞

夜深簾幙靜一曲管絃清 爭豪競侈連仙館墜翠遺珠滿帝城古詞

片笑聲連鼓吹古上元詞卷 六街燈火麗升平古上元詞

千門燈火歸來禁漏踰三四窗上梅花瘦影橫古詞梅影

橫窗瘦

歷塵小雨潤生寒雲影澄鮮月正圓盧詩白雲生雨

紛紛來十里綺羅春富貴 古蝶戀花詞十千門燈火

夜嬋娟詩見前 香街寶馬嘶瓊轡順受老人喜遷鶯詞

輦路輕輿響翠駟高挂危簾凝望處分明星斗下晴

天古詞燈火樓高

火燭銀花觸目紅唐蘇味道正月十五 揭天鼓吹鬧

春風新歡入手愁忙裏唐白居易詩 舊事驚心憶夢

中但願暫成人繾綣毛詩以 不妨常任月朦朧古詞

詞殘月朦賞燈那得工夫醉 古詞那得未必明年此

會同

元夜遇雨

煙火笙歌是處休沈沈春雨暗皇州杜醉時歌深夜

文選春色危樓十二闌干曲一曲闌干一曲愁 古詞

詞危樓十二闌干曲望不盡愁不盡

雨中寫懷

東風吹雨苦生寒盧詩禁春風 慳蹙春光不放寬古詞

春光慳蹙風顛雨萬紫千紅渾未見 古詞百紫千開

愁先占許多般

夜雨二首

抱影無眠坐夜闌窗風無雨下琅玕羅隱竹詩晚風交夏綠琅玕

我將好況供陪夢古詞自家無好況只恐燈花不奈寒古詩燈花

明朝春在雨中看古多雨詩不知春心碎簷聲點滴古詞誰道

閒古詩簷聲滴盡人心碎古詞誰道酒能消恨酒能消恨寧無花

解怨生寒

膏雨

添得垂楊色更濃韓雨多飛煙卷霧弄輕風展勻芳

草茸茸綠古詞綠草茸茸溼透天桃薄薄紅唐張籍雨

桃點潤物有情如著意杜詩潤物催花無語自施工

古詩催花朱叔真詩集卷三一犁膏脈分春隴東坡詩江上只慰農桑

望眼中

阻雨

幾度尋芳已不成又還寂寞過清明古詞云寒食

風盈雨顛迷甚十日春無一日晴古詞春光怪風

氣又古詩十日九風雨

清晝

竹搖清影罩幽窗韓詩竹影雨雨時禽噪夕陽古極

詞夕陽外謝卻海棠飛盡絮唐詩海棠困人天氣

日初長古詩正疑人天氣

花柳

惜花

生情賦得春心性刺選名花繞砌栽天寶遺事自客

到且堪供客眼詩慳聊可助詩才古詩四時花低叢

高架隨宜有淺紫深紅次第開唐詩紅紫低便做

即今風雨恨要看香豔繡蒼苔古詞蒼苔

看花

欲向花邊遺舊愁對花無語祇成羞古詩盡日間春

移花

光縱好須歸去誰伴幽人著意留陳無垢詩

自移紅藥繞闌栽選詩粉膩香嬌逐旋開且

小桃葉去偶生數花

與幽人充近侍莫教風雨苦相催古詞花開時

庭外細桃一萼紅杜詩山桃多情特地振春風仙源

窗西桃花盛開

已露真消息晉陶潛花迴作新花發舊叢杜花叢

盡是劉郎手自栽唐劉禹錫詩元都觀裏桃劉郎去

杏花

後幾番開東君有意能相顧峽蝶無情更不來唐元

淺注胭脂剪絳綃古詞杏花春 獨將妖豔冠花曹春
心自得東君意遠勝元都觀裏桃注上

梨花

朝來帶雨一枝春唐白居易長恨歌 薄薄香羅蹙蕊
勻冷豔未饒梅共色靚妝長與月為鄰韓詩桃李晨
調歌頭詞雲許同蝶夢還如蝶似替人愁卻笑人須
到年年寒食夜情懷為你倍傷神

海棠

胭脂為臉玉為肌東坡詩 未赴春風二月期曾比温
泉妃子睡唐楊妃傳 常浴温泉明皇召妃妃被酒
新起日此海棠花睡未足耶又古詩雨過

朱東真詩集卷三

五

温泉浴 不吟西蜀杜陵詩杜子美蜀人詩中止不作
西子美無 桃羞豔冶愁回首柳妬妖嬈祇皺眉盧詩
詩到他 眉燕子欲歸寒食近黃昏庭院雨絲絲古詞
開后燕子來 時黃昏庭院

茶蘼

花神未怯春歸去漁隱叢話續仙傳有女 故遣天姿
殿後芳白玉體輕蟾魄 素紗囊薄麝脐香唐天寶
獲一水麝認養於圃 夢思洛浦嬋娟態選曹子建詩
中每取時先取其囊 夢斷瑤臺曲 句引詩情清絕
如愁記瑤臺淡淨妝 東坡詞在教人 句引詩情清絕
處一枝和雨在東牆山谷梅詞最是清

偶得牡丹數本移植窗外將有著花意二首
王種元從上苑分文粹牡丹傳 擁培圖護怕因循快
晴快雨隨人意隋薛道衡游野詩 正為牆陰作好
春

香玉封春未啄花露根烘曉見紅霞自非水月觀音
樣古畫水月 不稱維摩居士家維摩經毗耶離城中
畫士

瑞香

玲瓏巧蹙紫羅裳晉謝元好佩 今得東君著意妝帶
露欲開宜曉日臨風微困怯春霜發揮名字來雕鞞

朱東真詩集卷三

六

彈壓芳菲入醉鄉唐王績作 最是午窗初睡省重重
贏得夢魂香開元遺事 夢魂

柳

萬縷千絲織暖風詩話柳枝歌詩不 料煙留霧巾橋
東杜西郊詩市 砌成幽恨斜陽裏供斷閒愁細雨中
順受老人詞眼 前景物儘供愁

柳絮

綠繞晴空似雪飛杜漫興 惟解 悠揚不肯著塵泥古
風輕柳絮 花邊嬌軟黏蜂翅杜獨酌詩 陌上輕狂
趁馬暖貼水化萍隨浪遠披詩柳花春水浮萍生注

弄風無影度牆低盧詩飛絮因風度短牆成團作陣愁春去欲

把東君歸路迷杜詩歸路柳邊迷

聞子規有感

花落花開事可悲香齋集六言詩花開花落相思等閒一醉失芳菲

園林初聽鶯聲澀古詩上林春暖鶯聲滑庭徑俄看蝶粉稀歌

枕夜閒無夢到古詩倚樓天外便魂飛荆楚

長劍倚我無雲翼飛歸去莊子鵬翼若垂天之雲杜宇能飛也

不歸古詩規詩能尋芳樹飛云云猶道不如歸

新注朱淑真斷腸詩集卷三終

朱淑真詩集卷三

七

新注朱淑真斷腸詩集卷之四

錢塘鄭元佐注

夏景

初夏二首

枝上渾無一點春詩話嫩綠枝頭紅一點隨流水半

隨塵太清宮詞紅片半柔柔欲樵吳蠶老詩伴水食

古鵲橋詞稚筍成竿絲鳳馴雜記竹譜呼筍為稚

吳蠶老後詞荷嫩受風欹翠蓋唐柳子厚荷嫩榴花宜日

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

嫩弱詞嫩弱詞嫩弱詞嫩弱詞嫩弱詞

詩五月榴花照眼明強切菖蒲泛酒厄古南歌子詞

苦熱聞田夫語有感

日輪推火燒長空韓詩全句又古正是六月三伏中

杜詩三伏旱雲萬疊赤不雨詩話旱雲無地裂河枯

塵起風農憂田畝死禾黍車水救田無暫處杜苦熱

日長飢渴喉嚨焦汗血勤勞誰與語播插耕耘功已

足尙愁秋晚無成熟雲霓不至空自忙孟梁惠王上

雲恨不擡頭向天哭寄語豪家輕薄兒綸巾羽扇將

何為東坡詞羽扇田中青稻半黃槁安坐高堂知不

知李廣贊知與不知

朱淑真詩集卷四

納涼桂堂二首

微涼待月畫樓西古詩當樓風遞荷香拂面吹杜詩

芙蓉先白桂堂無暑氣古詩渾無那堪人唱雪堂詞

東坡雪後詩北堂壁云

清香滿座瓜分玉明月澄空酒漾金曹植詩云明月

穆穆不是夜涼難就醉一簾秋色竹森森東坡詩森

梅蒸滋甚因懷湖上二首

東風作雨淺寒生梅子傳黃未肯晴杜詩梅杏戢戢

籀龍頭角就坡詩與問淫雲繚繞偏江城

雲暗湖光柳四垂珠璣萬斛撒琉璃古泉詩泉跳紫

苔階面寒聲急有甚心情更賦詩陶淵明歸去來辭臨清流而賦詩

納涼卽事

旋折蓮蓬破綠瓜古宴清堂詞酒杯收起點新茶

東坡定風波詞子飛蠅不到冰壺淨時有涼風入齒
牙坡詩香風入牙齒

夏雨生涼三首

烈日如焚正蘊隆毛詩雲漢篇如燄如黑雲帶雨瀉

長空東坡詩黑雲搜龍霹靂一聲歇西陽雜俎借霹

村落日有庭竹瀟瀟來好風古詩瀟瀟庭外

峯嶽金蛇殷殷雷東坡望海晚景詩電光時過雷班

朱淑真詩集卷四

皎漸晴開雨催涼意詩催雨杜詩應是雨催詩又東

當盡新筍玉友玉友長安白酒名也

眼界清無俗事來要涼更著好詩催注上涼生還又擦

幽恨盧詩雨生涼留取孤樽對月開坡詩對月

雨過

幽篁脫箨綠參差杜詩相近竹參差又東雨過微風

拂面宜浴罷晚妝慵不御卻親筆硯賦新詩一作盆

引魚兒杜詩

喜雨

赤日炎炎燒入荒毛詩赫赫炎炎又田中無雨苗半

黃古詩田中龜天工不放老龍懶赤電驅雷雲四方

杜詩雲雷驅號令又東瓊瑰萬斛寫碧落陂湖池沼

皆泱泱高田低田盡沾澤農喜禾無枯槁傷我皇聖

德布寰宇六月青天降甘雨爾雅甘四海咸蒙滂沛

恩九州盡解焦熬苦傾盆勢歇塵點無杜詩白帝城

衣袂生涼罷揮羽東坡詩羽扇江上數峯天外青

起詩江上眼界增明快心腑韓詩遠目炎熱一洗無

留迹盧詩俄驚一頓覺好風生兩腋盧仝茶歌但覺

紗厨湘簾爽氣新古洞仙歌詞六沈李削瓜浮玉液

正好浮瓜沈李傍池占得秋意多尙餘珠點綴圓荷

東坡詩荷樓頭月上雲散盡古詩雲散遠水連天天

接波杜詩遠水兼天淨

花底杯傾演漾金古詞花底傾杯月邊風細竹陰陰

古水調歌頭竹邊花影嬌隨人醉月邊風細竹陰陰

風細月色淡陰陰故人清遠更真絕消盡煩襟爽氣

深韓文詩清泉潔塵襟

新荷

平波浮動洛妃船曹子建神女翠色嬌圓小更鮮杜

圓荷浮蕩漾湖光三十頃未知葉底是誰蓮

青蓮花

淨土移根體性殊晉惠法師居廬山寺有白蓮池與

笑他紅白費工夫東坡詩紅白蓮花相開開幽姿羞損嬋娟女異

色孤芳激澁湖願影有情欺水荇杜曲江對雨詩水荇牽風翠帶長

向人無語鄙風蒲選詩風蒲亂曲渚一枝搖動清香遠幾許

詩賤與畫圖杜詩先披古畫圖

水梔子

一痕春寄小峯巒舊葡萄香水影寒酉陽雜俎梔子花六出即西域

舊葡萄玉質自然無暑氣古梔子詩先更宜移就月中

看裴休詩無人起就月中看

羞燕

朱淑真詩集卷四

停鍼無語淚盈眸古長相思詞繡停鍼淚盈眸不但傷春

夏亦愁杜詩傷春怪杜鵑花外飛來雙燕子古聲聲慢詞雙

飛來清明池閣一番飛過一番羞東坡詩一番葉老一番新

新注朱淑真斷腸詩集卷四終

新注朱淑真斷腸詩集卷之五

錢塘鄭元佐注

秋景

早秋

一痕雨過渾秋光執扇初拋自有涼周興嗣次韻

影乍隨山影薄蛩聲偏接漏聲長古快活年詞蛩吟

詞夢魂斷愁聽漏聲長

秋日登樓

梧影蕭疏弄晚晴古金落索詞風撼梧殘蟬淒楚不

堪聽古品令詞樓高望極秋山去杜詩清水平望不極

朱淑真詩集卷五

樓高莫近闌干倚滿眼重重疊疊青古卜算子詞

平蕪盡處是秋山

秋夜雜書二首

雨過涼生枕簟秋點絳脣詞枕簟冰樓頭新月挂銀

鉤鳥夜啼詞無言獨且無揮扇勞纖手恰好添香伴

酒圃

窗外蛩吟解說秋古洞仙歌詞窗迢迢清夜惜前遊

香奩集雜明詩月華飛過西樓上添起離人一段愁

迢迢義分古思鳳凰上樓吹簫

秋夜二首

夜久無眠秋氣清杜詩夜深燭光頻翦欲三更鋪牀

涼滿梧桐月月在梧桐缺處明東坡長短句

涼天如水夜澄鮮古柳街行詞雲淡碧天如桂子風

清燮去眠選沈休文詩多謝嫦娥知我意中秋未到

月先圓

秋夜聞雨二首

似箭掠風穿帳幕如傾涼雨咽更籌古夏金釵詞怎

冷懷欹枕人無寐古詞欹枕無鐵石肝腸也淚流唐

日休作桃花賦云鐵腸與石心又巫山雲

雨散詞便直饒鐵腸作心腸也真是淚滴

朱淑真詩集卷五

時歌燈前獨宿廣寒多少恨龍城錄八月望日明

日清虛廣寒之宮少見素娥十餘人皆皓衣又白

樂天長恨歌也勝嫦娥不嫁人夜夜孤眠廣寒殿一

時分付我心頭古卜算子詞欲把愁分付又

似僕身材無事瘦古詞算一詞都在我心頭如絲腸

肚怎禁愁古詞一寸柔腸如絲鳴窗夜聽芭蕉雨詩

載蔣鈞覽許昱詩答云芭蕉葉一葉中藏萬斛愁玉

上無愁雨自是多情取斷腸將一心能盡萬斛愁

哭損雙眸斷盡腸古秋蕊香詞眼怕黃昏後到昏黃

古長相思詞每思量更堪細雨新秋夜杜詩驟雨

一點殘燈伴夜長東坡詩孤燈冷徹自明

中夜

馮夷捧出一輪月後馬融頌馮夷策句芒河伯吹開萬里雲莊

水篇兩涘渚渚之開然寥廓無塵河漢遠杜詩河漢水

光天影接清芬古詩山光接水光

月夜

燈花鵲喜兩無憑杜詩燈花何太喜又天寶遺事人

那更清宵夢不成古卜算子詞云雲月上樓頭天似

洗御街行詞雲愁人別是一般情古鳥夜啼詞別是

長宵

朱淑真詩集卷五

月轉西窗斗帳深坡詩夜深燈昏香燼擁寒衾古四

仙歌詞銀缸挑盡紗窗魂飛何處臨風笛古詞鮑散

何處臨風笛腸斷誰家搗夜碓花蕊夫人詩不

對景漫成

半窗殘照一簾風古綺羅香詞酒醒後一枕小小池

亭竹徑通古鷓鴣天詞小小池亭自有楓葉醉紅秋

色裏選雜詩曉兩三行雁夕陽中杜詩旅雁兩三行

夕陽中

七夕

拜月亭前梧葉稀東坡詩拜月穿鍼樓上覺秋遲楚荆

歲時記七夕婦人天孫正好食歡笑前天文志織那

中秋

秋來長是病古詞春來長不易到中秋欲賞今宵月

韓詩一年明須登昨夜樓晉庾亮在武昌與殷潛露

濃梧影淡古一叢花詞曉風細桂香浮仁廟賜及第

桂香莫做尋常看古中秋念奴嬌詞嫦娥亦解愁注

中秋值雨

積葉冷翻階坡詩疏疏桐疑雲暗海涯坡詩風掣樓

高勞望眼古詩樓高天暝隔吟懷宛轉愁難遣古詞

獨坐

厭厭脈脈上心團圓事未諧古吳音子詞早團圓早早

詩事未四簷飛急雨杜醉時歌燈前寂寂坐空齋

捲簾待明月杜詩開樽拂檻對西風夜氣涵秋色古

秋色光涵瑤河浸碧空草根鳴蟋蟀杜蟋蟀詩草天

外叫其鴻詩問明篇鴻飛冥冥又符川幾許舊時事

今宵誰與同

問懷二首

黃昏院落雨瀟瀟毛詩風獨對孤燈恨氣高對孤

燈鏡綫懶拈腸自斷古憶王孫詞鏡梧桐葉剪風

刀滿庭芳詞云風翦梧桐又

秋雨沈沈滴夜長韓詩夜雨夢難成處轉淒涼東坡詩

難成處芭蕉葉上梧桐裏詩話載蔣鈞覽許呈詩答

多情取斷腸又白樂天長點點聲聲有斷腸

湖上閒望二首

照水芙蓉入眼明古今菊對芙蓉詞敗荷枯葦鬧秋

聲古詞同賞疏雲不雨陰長定杜詩火雲喚起詩懷

酒興清選詩景入詩懷

薄雲疏日弄陰晴山秀湖平眼界清選詩十里湖不

必西風吹葉下愁人滿耳是秋聲陳簡齋詩遺西

朱淑真詩集卷五

五

處著
秋聲

中秋聞笛

誰家橫笛弄輕清杜詩橫笛喚起離人枕上情坡詞

離情備自是斷腸聽不得非干吹出斷腸聲阮咸聞

聲月夜聞此使人斷腸

新注朱淑真斷腸詩集卷五終

新注朱淑真斷腸詩集卷之六

錢塘鄭元佐注

秋景

九日

去年九日愁何限東坡九日登樓作重上心來益斷

腸古三天四見詞愁厭厭秋色夕陽俱淡薄坡詩秋

夕陽脈脈上心中難消遣古採蓮令詞重陽淚征鴻有

陣全無信唐王勃滕王閣記雁陣驚寒又朝中黃菊

多情更有香古滿庭芳詞自覺近來清瘦了古于飛

來清瘦為懶將鸞鏡照容光垂鑑照之乃悲鳴而口

又意難忘詞
瘦減容光

寓懷二首

淡月疏雲九月天陳簡齋詩疏雲醉霜危葉墜江寒

唐白樂天詩醉貌如孤窗鎮日無聊賴編輯詩詞改

抹看霜葉雖紅不是春

菊有黃花籬檻邊禮記月令怨鴻聲重下寒天偏宜

小閣幽窗下獨自燒香獨自眠東坡詩掃地

秋日述懷

婦人雖轉眼順受老人承遇樂詞淚不等閒流我因

無好況古詞自家揮斷五湖秋順受老人詞占斷清

秋日偶成

初合雙鬟學畫眉燭影搖紅詞云黛未知心事屬他

誰雙雁兒詞待將滿抱中秋月沈約詩分付蕭

郎萬首詩南史難得蕭

秋日晚望

煙濃難認別州山柳子厚詩家在彷彿鷗羣浴遠灘

羣分處處一點客帆搖動處李白望天門山詩

紅日弄光寒韓昌黎詩排雲叫閭闔又杜甫晚晴詩

秋夜牽情

纖纖新月挂黃昏訴衷情詞黃昏人在幽閨欲斷魂

滿江紅詞云魂賤素折封還又改封了還重折酒

杯慵舉卻重溫燈花占斷燒心事羅袖長供把淚痕

符川集黃昏詩故益悔風流多不足須知恩愛是愁

根古滿江紅詞誰知恩愛變成愁恨

簷外秋清繡綺窗菊煙月露冷浮香杜詩火雲寒更

二十五聲點羣玉雜俎李郢詩江風徹骨相應愁情

爾許長

閒悶閒愁百病生張子野浣溪沙詞有情終不似無

情古詞無情卻風流意思鑄磨盡石鼓歌乃離別肝

腸鑄寫成

彈壓西風擅眾芳林和靖詩眾芳搖落獨鮮妍十分秋色為誰忙孔平仲秋夜詩寫出十分秋一枝淡貯書窗下晉郗詵對策人與桂林一枝

花心各自香

酷愛清香折一枝古木犀滿庭乘興折取玉枝滿身蘭菊又見上葛注故簪香

髻驚思惟古詩佳人折取簪香髮若教水月浮清淺消得林逋

兩句詩林和靖梅詩疏影橫斜水清淺暗香浮動月黃昏

月待圓時花正好花將殘後月還虧坡詩月圓還缺又還圓又古詞

花有重開須知天上人閒物木犀念奴嬌詞一點芳月兩圓陳簡齋詠木犀詩

木同稟秋清在一時陳簡齋詠木犀詩齊開

堂上巖桂秋晚未開作詩促之

朱淑真詩集卷六

三

著意裁詩特地催古木犀詞費盡花須著意聽新詩騷人詞與詩

杜詩敬服清香未吐黃金粟古巖桂詞巖玉嫩蕊猶

藏碧玉枝不是地寒偏放晚定知花好故開遲也宜

急趁無風雨莫待霜高露結時周與嗣干文露結為霜

白菊

回旋秋色溥清露杜詩玉露溥清秋凌厲西風紫嫩霜韓愈

風放菊佳莫作東籬等閒看下清曾借廣寒香淵明九日詩採菊東

下籬

新注朱淑真斷腸詩集卷六終

新注朱淑真斷腸詩集卷七

錢塘鄭元佐注

冬景

冬日梅窗書事四首

明窗瑩几淨無塵東坡詩明窗淨几清無塵月映幽窗夜色新潘

詩明月惟有梅花無限意對人先放一枝春莊子道

入窗暗山有神人居焉又晉陸

凱詩江南無所有聊贈一枝春愛日烘簷煖似春左傳冬梅花描摸雪精神清香未

寄江南夢偏惱幽閒獨睡人

病起眼前俱不喜坡詩病起鳥可人唯有一枝梅坡詩

斜外一枝朱淑真詩集卷七

且得清香寄酒杯坡詩清香入酒杯林和靖詩疏影橫斜水

的皜江梅淺淺春坡詩春來幽谷水潺潺小窗相對自

清新幽香特地成坡詩二月驚梅不似梨花入

夢頻古梅詞相彼梨花瘦損又成春夢又詩

二色梅

綴雪融酥各自芳坡詩春工點兩般顏色一般香古

染成顏色瑤池會罷朝元客列周穆王篇穆王賓縞

費春風瑤池會罷朝元客西王母觴於瑤池上縞

素仙裳問道裝梅詩縞袂朱

山脚有梅一株地差背陰冬深初結蕊作絕

句寄之

溪橋野店梅多綻古唐詩一樹寒梅白玉此地冬深

尙未寒坡詩寒心未肯寄與梅花且耐耐枝頭無雪

不堪看坡詩便教踏

雪夜對月賦詩

一樹梅花雪月閒見上梅清月皎雪光寒坡詩檀暈

明看來表裏俱清徹坡詩器潔泉酌酒吟詩興盡寬

欲雪

寒雀無聲滿竹籬念奴嬌詞凍雲閣雨漸長空迤

雲四羈雪將垂北風不看人情面杜詩北風控勒梅

花不放枝杜詩山意衝

雪二首

一夜青山換玉尖古詞一夜了無塵翳半痕兼寒鴉

打食圍沙渚凍雀藏身宿畫簷坡詩寒雀喧野外易

尋東郭履前漢東方朔傳東郭先生貧困行月中難

認塞翁髯選塞上翁失馬梅花恣逞春情性不管風

姨號令嚴初學記風

誰翦飛花六出尖韓詩外傳凡花五素娥肌內瑩相

兼分明幻玉迷青嶂輕薄隨風入畫簷坡詩半夜寒

凍筆想停詩客手唐李白於使殿草詔詩大寒筆凍

甚官女各執筆以詞之云云時號

詩客寒衰宜擁釣翁翁張志和詩江上晚來堪長安陋
巷多貧士論語在陋巷可見鶉衣透膽嚴荀大略篇
衣若縣鶉又韓子蒼昨夜陰風透膽寒

雪晴

飢禽高噪日三竿劉禹錫詩日出積雪回風墮指寒

杜詩急雪秀色暗添梅富裕綠梢明報竹平安

時報故人書又西陽雜俎唐李德裕北都性童子寺

有竹一窠絕長數尺公令其寺網維每日報竹平安

冷侵翠袖詩肩聳坡詩夜寒應春入紅爐酒量寬

爐存火似紅又古詞簾外有山千萬疊水千重云云

醉眸渾作怒濤看古詩怒濤捲雪接天來

圍爐

朱叔真詩集卷七

三

圍坐紅爐唱小詞天香詞青帳垂繡愛密紅爐放教

詞故旋斲新酒賞新詩大家莫惜今朝醉一別參差

又幾時柳子厚詩一別參差知幾秋

除日

爆竹聲中臘已殘古詩爆竹醉酥酒煖燭花寒坡詩

醉後飲朦朧曉色籠春色古詞紗窗便覺風光不一

般古詞別是一般風色好

除夜

窮冬欲去尚徘徊唐李嗣業守歲獨坐頻斟守歲杯

一夜臘寒隨漏盡李詩寒隨十分春色破朝來坡詩

五更桃符自寫新翻句古詞更作桃符又坡玉律

誰吹定等灰前漢律歷志黃帝東之嶰谷斷兩節間

氣於管吹律且是作詩人未老換年添歲莫相催

兒詞小子裏燈聲明年又添一歲

新注朱叔真斷腸詩集卷七終

朱叔真詩集卷七

四

新注朱淑真斷腸詩集卷之八

錢塘鄭元佐注

吟賞

湖上小集

門前春水碧於天杜詩碧色動柴門又坡坐上詩人

逸似仙唐李白往見賀知章白壁一雙無玷缺史記

白壁一雙吹簫歸去又無緣列仙傳蕭史者善吹簫

去

下湖卽事

晴波碧漾浸長空古詩晴波書館清寒柳曳風柳子厚詩

朱淑真詩集卷八

柳絲無力曳春風隔岸誰家修竹外杏花斜裏一枝

紅水龍吟詞名圓相倚初開

西樓寄情

靜看飛蠅觸曉窗坡詩窗間但見蠅鑽紙注宿醒未

醒倦梳妝江神子詞今朝鴛帳酒醒初云云還強調

朱粉西樓上西江月詞強調朱粉對愁裏春山畫不

長古詞盈盈秋

書窗卽事

花落春無語古詩盡日問花花不春歸鳥白嗁坡詩

寂寂春多情是蜂蝶古詩游蜂與蝶飛過粉牆西唐詩

蚊蟻穿花竹外通

一陣挫花雨古詩夜來一高低飛落紅杜詩風花榆

錢空萬壘古詩風榆買不住春風古詞滿地榆錢算

夜留依綠亭

水鳥棲煙夜不喧本草云水風傳宮漏到湖邊古詞

宮漏傳三更好月十分魄坡詩明朝好萬里無雲一

樣天古詩萬里無

雨換新涼秋興濃選時秋積雨流螢明滅綠楊中

螢火詩雨打應難庭虛池印一方月周詞窗外月樓

靜檐披四面風小重山詞六曲

朱淑真詩集卷八

閒步

天街平貼淨無塵韓詩天街小雨潤如酥燈火春搖

不夜城齊地記解道康乍得好涼宜散步選散步後

朦朧新月弄疏明小重山詞一

聞鵲

牆頭花外說新晴古詩紅粉牆頭綠楊樓撥去閒愁

著耳聽選鳴雁來青鳥已承雲信息漢武帝故事

往青鳥乃鵲也預先來報兩三聲鵲能報喜也

試墨

翠樓高壓浙山頭海角湖光豁醉眸坡詞山頭望萬

景人簾吹不捲劉禹錫詩草一般心做百般愁

燈花俗謂燈有財花有客花故成末句

蘭釵和氣散氤氳選詩和氣忽作元珠吐穗新劉禹錫詩

燈花吐穗金粟生膏脈破芽非藉手數芳成豔不關春韓詩

那肯待疑猜海角天涯事古詞到如今甘攪亂衾寒

枕冷人古詞枕冷衾寒我欲生憐心燄上何妨好客

致清貧山谷詩好客不嫌貧太

書王菴道姑壁

短短牆圍小小亭山谷詩竹外周半簷疏玉響泠泠

簷鳴夏玉塵飛不到人長靜王介甫詩紅一篆爐

朱叔真詩集卷八

煙兩卷經

東馬騰

一勝芳草碧芊芊選詩王孫離活水穿花暗護田王

甫詩一水護蠶事正忙農事急坡詩全句又杜不知

春色為誰妍東坡海棠詩開

墨梅

若个龍眠手朱朝李伯時善畫能傳處士詩清孤山

處借他窗上影古詞月移疏寫作雪中枝劉禹錫詩

問和頃刻回春色韓詩能開輕盈動玉卮古詞輕盈

不能殷七七漁隱叢話一日周寶謂殷七七曰鶴林

殷七七不論橫笛月中吹古梅詩憑仗

新注朱叔真斷腸詩集卷八終

朱叔真詩集卷八

新注朱淑真斷腸詩集卷之九

錢塘鄭元佐注

閨怨

傷別

覽鏡驚容卻自嫌唐李益詩衰鬢臨逢春長是病懨懨
 懨懨三月病懨懨吹花弄粉新來懶素手問何時重握
 惹恨供愁舊日添沁園春詞愛昨悔上層生怕子規
 聲到耳杜荀鶴詩苦羞雙燕影穿簾杜詩風簾
 眉頭眼底無他事古詞離情愁思盡須信離情一味
 嚴黃山谷詩併作南來一味涼

朱淑真詩集卷之九

雙燕呢喃語畫梁黃遵唐王謝燕事都人休恁苦
 思量子飛泉詞教我莫逢春觸處須繁恨最高樓詞
 春怕見對景無時不斷腸寒食梨花新月夜藉梨花
 華屋對景無時不斷腸寒食梨花新月夜藉梨花
 作寒食晏殊詩梨黃昏楊柳舊風光繁華種種成愁
 花院落窠窠黃昏楊柳舊風光繁華種種成愁
 恨來種種長最是西樓近夕陽立盡夕陽斜

訴愁

苦沒心情只愛眠邊孝先腹便夢魂還又到愁邊
 趙文鼎詩相思情舊家庭院春長鎖山谷詞云舊家
 不極有夢到愁邊舊家庭院春長鎖楊柳依依綠長
 庭院今夜樓臺月正圓古詩近水樓鳳帶口口雲
 錦口屏風九疊雲錦張獸爐開熱水沈煙坡詩水沈

橫又滿庭芳詞賦爐良辰美景俱成恨坡詩良辰樂
 煙斷殘燭照庭幃莫問新年與舊年

愁懷

鷓鴣鴛鴦作一池古詞鴛鴦鴛鴦須知羽翼不相宜
 東君不與花為主古詞招酒祝東君何似休生連理
 枝白樂天詩在地願與花枝去為主
 滿眼春光色色新杜詩庭春花紅柳綠總關情柳
 綠花紅欲將鬱結心頭事付與黃鸝叫幾聲底黃
 兩聲

舊愁

朱淑真詩集卷之九

銀屏屈曲障春風古詞斷腸獨抱寒衾睡正濃
 獨擁香鬢鳥一聲驚夢破山谷詩午窗亂愁依
 衾一半鬢鳥一聲驚夢破山谷詩午窗亂愁依
 舊鎖眉峯古詞鬢損
 花影重重疊綺窗杜荀鶴詩日高花影重又篆煙飛
 上枕屏香古詩一篆飛無塵鸞舌驚春夢巧如簧
 喚起愁人對夕陽古詩喚起新愁知舊愁

供愁

寂寂疏簾掛玉樓康伯可詞玉樓人樓頭新月曲如
 鈎西樓月如鈎不須問我情深淺鈎動長天遠
 水愁杜詩遠水接天解

恨別

調朱弄粉總無心周詞弄粉調脂揉瘦覺寬餘纏臂素手問何時重握 瘦覺寬餘纏臂
金古散子詞枕屬 別後大拌憔悴損古詞添憔悴思
情未抵此情深看肌瘦損

寄別

如毛細雨蕩遙空古詩細雨亂如毛 偏與花枝著意紅杜詩
紅亞枝 人自多愁春自好天應不語悶應同語天何吟
賤謾有千篇苦坡詩應有千 心事全無一點通窗外
數聲新百舌東坡臥聞百舌呼春風 喚回楊柳正眠中漫叟詩
苑中有柳狀如人形號人柳一日三眠三起云

寄情

欲寄相思滿紙愁東坡詩別後寄我書滿紙苦恨相思不相見 魚沈雁杳
又還休古恨江南詞塞北魚沈 分明此去無多地古
去不遠雁杳空腸斷書難寄 萬餘里各在天一涯
路無多如在天涯無盡頭

無寐

吹徹雲簫夜未除古詞鳳簫吹微沈孤雁 梨花帶月映窗紗殊
詩梨花院休將姓氏思量 徧淚痕如綫激灩新
愁亂似麻符川集詩紛
背彈珠淚暗傷神噴繞人詞儘噉情一飽淚挑盡寒
燈睡不成花蕊夫人詞剔 卸卻鳳釵尋睡去上牀開

眼到天明坡詩擗禱口

酒醒

夢回酒醒嚼孟冰坡詩酒醒夢侍女貪眠喚不應
詩敲偏了瘦瘠江梅知我意隔窗和月護騰騰

睡起

起來不喜勻紅粉古詞睡起捲簾無一 強把菱花照
病容六帖魏武帝 腰瘦故知閒事惱坡詩沈郎腰
多只為別情濃卜算子詞你為
懶對妝臺拂黛眉阮郎歸詞无 任他雙鬢向煙垂侍
兒全不知人意猶把梅花插一枝羣玉雜俎帝折梅

清瘦

春花秋月若浮漚古詞春花秋月 怎得心如不繫舟杜
心如不肌骨大都無一把 減瘦來無一把何堪更駕
許多愁

悶書

淚粉勻開滿鏡愁東坡詩粉淚無 麝煤拂斷遠山秋
古詩巧畫一痕心寄銀屏上 不見人來竹葉舟異聞
遠山眉李鄉居長安十日不歸一日在青龍寺看壁上 錄陳
圖尋江南路太息日何日得歸有一翁在旁曰何難
乃折階前竹葉置滑中視之一舟甚
大恍然登舟頃刻而歸妻子欣然
新注朱淑真斷腸詩集卷之九終

新注朱淑真斷腸詩集卷之十

雜題

錢塘鄭元佐注

幼年聞說有一人鬻文於京師辟雍之前多士
遂令作一絕句以掬水月在手為題客不思而
書云無事江頭弄碧波分明掌上見姮娥諸公
遂止之獻金以贖其行予喜此二句恨不見全
篇因暇謾吟續之然翰墨文章之能非婦人女
子之事性之所好情之所鍾不覺自鳴爾并成
弄花香滿衣一絕於後

朱淑真詩集卷一

掬水月在手

無事江頭弄碧波古詩月出分明掌上見姮娥後漢張衡
靈隱憲序請不死藥於西王母不知李謫仙人在東坡
詩何時謫仙人注賀知章曾向江頭捉得麼李白采石江捉
月一見李白曰子謫仙人也

弄花香滿衣

豔紅影裏擷芳菲沾惹春風兩袖歸神童詩袖夾路
露桃渾欲笑崔護詩桃花依舊笑春風不禁蜂蝶繞人飛飛蝶多
會魏夫人席上命小鬟妙舞曲終求詩於予
以飛雪滿羣山為韻作五絕

飛字韻

管絃催上錦裯時李白詩絃管醉春風體段輕盈祇欲飛古於飛樂
詞天然體段殊常又聲聲若使明皇當日見阿蠻無
令詞云未怕似飛燕輕盈若使明皇當日見阿蠻無
計況楊妃日迎娘歌喉玉碎條蠻兒舞帶金藏鞋

雪字韻

香茵穩襯半鉤月來往凌波雲影滅神女賦從南湘之二妃凌波微
步羅襪絃催緊拍促將偏兩袖翻然做迴雪杜拂水
生塵翻

滿字韻

柳腰不被春拘管白樂天詩楊柳小蠻腰又古鳳轉
詩東君不拘管歲為使君留

鸞回霞袖緩

州力不禁東坡詩定教舞袖微伊涼注庚筵前撲簌

花飛滿瑞雪對江梅賦須教相並

羣字韻

占斷京華第一春清歌妙舞實超羣東坡舞詩清歌入雲霄妙舞纖
同只愁到曉人星散化作巫山一段雲選宋玉高唐賦妾在巫山
之陽朝寫行雲暮為行雨

山字韻

燭花影裏粉姿閒庾信詩燭花一點愁侵兩點山眉
不怕帶他飛燕妬漢趙飛燕身輕善舞無言相逐省

弓彎

讀史

筆頭去取萬千端司馬遷作史其文直其事核後世不虛美不隱惡謂之直筆
遭它恣意瞞魏收撰北史爾朱榮為賊其子以金給收故滅其惡增其美眾口喧然號為穢史
王霸謾分心與迹又荀宥坐篇伯心生於莒
成功處一般難

圓子

輕圓絕勝雞頭肉東坡云雞頭肉乃芙蓉也
滑膩偏宜蟹眼湯東坡蟹眼翻波
湯已作湯已作
縱可風流無處說已輸湯餅試何郎何晏美姿
貌白魏文帝疑其傅粉夏月遂賜熱湯餅
既啖大汗出又朱衣自試顏色皎然愈白

卽事

旋妝冷火試龍涎定風波詞古鼎
龍涎香猶噴香繞屏山不動煙
簾幕半垂燈燭暗酒闌時節未忺眠古詞燭暗時酒醒元末又是夢裏

自責

女子弄文誠可罪那堪詠月更吟風磨穿鐵硯非吾事唐桑維翰傳鐵硯以示繡折金鍼卻有功
事唐桑維翰傳鐵硯以示繡折金鍼卻有功
悶無消遣只看詩杜排問
又見詩中話別離添得情懷轉蕭索始知恰恁不如癡俗諺

浴罷

浴罷雲鬟亂不梳坡詩晚來沐浴罷
清癯無力氣方蘇古詞
誰為坐來始覺頭魂定尙怯涼風到坐隅

宴謝夫人堂

竹引春風入酒卮詩修竹引清風
森森涼氣暗侵肌冰巒四疊渾無暑不似人間六月時

弔林和靖

不見孤山處士星林逋居杭州西湖號孤山處士又見前梅窗雜詩注中
西湖風月為誰清杜月白風清夜
當時寂寞冰霜下謂湖山寂寥也
兩句詩成萬古名

短篷載影夜歸時林逋晚常放棹泛游西湖云
月白風清易得詩

朱泚真詩集卷十

四

坡赤壁賦月白風清不識酌泉拈菊意青箱雜記時人謂林逋因見一松蒼翠莫不思之盤旋一庭寒翠謫空祠
良久復菊酌泉採菊

答求譜

雨好解開花百結見前
風恬扶起柳三眠見前
春醖醺處多傷感那得心情事管絃李白詩絃管醉春風

得家嫂書

聲聲喜報鵲溫柔鵲聲報喜也
忽接芳緘自便郵坡詩開鋪銀一尺溪藤摘錦帶
坡詩栗尾數行香墨健銀鈎杜詩銀鈎傾心吐盡重重恨入眼翻成字字愁
長慶集花
雙輪連
傾心吐盡重重恨入眼翻成字字愁
集花
帳重重添淚痕
添得情懷無是處非干病酒與悲

秋
鳳臺上憶吹簫詞
非干病酒不是悲秋

新注朱淑真斷腸詩集卷之十

朱淑真詩集卷十

五

補遺

惜春

連理枝頭花正開
妒花風雨便相催
願教青帝長爲主
莫遣紛紛落翠苔

春睡

午窗春睡足
推枕起來時
瘦怯羅衣褪
慵妝鬢影垂
舊愁消不盡
新恨忽相隨
有蝶傳魂夢
無鴻寄別離

月臺

下視紅塵意
眇然翠闌十二出
雲顛縱眸愈覺心寬
大碧落無根繞地圓

朱東真詩集補遺

雲掩半月

霜月迎寒著
意圓橫天
雲浪礙嬋娟
嫦娥未肯全梳掠
王鑑先教露半邊

振綺堂舊鈔本增

三月三日

林花落盡草初齊
客裏蕭條思欲迷
又是春光去時節
滿城飛絮亂鶯啼

清明游飲少湖莊

清明玩賞正繁華
今日林梢落盡花
人散酒闌春已去
一泓初漲滿池蛙

黃花

土花能白又能紅
晚節由能愛此工
盍可抱香枝上老
不隨黃葉舞秋風

潘是仁刻本增

陸賈

漢方擾擾襲秦風
勇事相高馬上功
惟有君侯守奇節
能將新語悟宸衷

晁錯

七國絲延蔓草圖
一言請削獨干誅
揚雄自負功名志
猶罪當時太失愚

賈生

文帝爲君固有餘
豈容流涕復長吁
單于可繫非無策
表餌陳來計已疏

朱東真詩集補遺

二

策表餌陳來計已疏

董生

秦火經來道失眞
下帷發憤每勞神
誰知異日爲無得
只聽平津一老臣

別下齋舊鈔本增

秋夜牽情

移根蟾窟不尋常
枝葉猶濡月露香
可笑當年陶靖節
東籬猶帶菊花黃

小玲瓏山館舊鈔本增

新注朱淑真斷腸詩後集卷之一

錢塘鄭元佐注

春景

新春二絕

雪從庾嶺梅中盡白氏六帖大庾嶺上梅南枝落北

中盡春風春向隋隄柳上來隋楊帝紀盤北海隄上

柳上歸隋皇力畫作河開千里多少園林正蕭索裴晉公幾

依依兩岸栽又見上注唐宋詩紛紛桃李競花開

裏紛紛爭逐趁時開又韓愈詩目勿一時開

黃宮陽氣幾潛伸史律書黃鐘為陽氣鍾黃泉而出

玉管吹灰適報春後律歷志候氣之法以木為案加

去杜詩冬至陽生春又天子只知農事重記月令五

來吹葭六琯動飛灰天子躬耕端的為吾民見上

推王命布農事命田舍東郊躬耕端的為吾民見上

春日有作

景近清明節垂楊翠縷長選謝朓鼓吹曲垂楊映御

蜀柳枝條甚寒鴻歸朔漠管南史齊武帝時益州獻

長狀若絲縷亦暫來又零陵總記瀟湘二水名在

歸海燕度瀟湘亦暫來又零陵總記瀟湘二水名在

永州西北三十花麗繁爭景李詩千花鶯嬌巧囀簧

里清涉合一色天曉聽綠樹數聲如西園正明媚

黃鸝巧李白宮中行樂詞宮鶯嬌欲醉西園正明媚

選曹子建公宴詩清夜游西園收拾入吟鄉

早春喜晴即事

山明雪盡翠嵐深李白詩山天開雲開斷騎陰漠漠

暖煙生草木選謝元暉游東山詩生煙紛漠漠蕭蕭

和氣動園林晉張翰詩莫春和詩書遺興消長日遺

興莫景物牽情人苦吟唐南卓得鼓錄明皇嘗遇春

過詩不與它判斷又唐金鴨火殘香闌靜占滿庭芳詞

買鳥傳當其苦吟更調商羽弄搖琴動玉琴又琴

承鴛鴦煖金鴨香濃操日琴五絃象五行三禮圖云琴第一絃為宮次絃

為商次為角次為羽次為徵次為少宮次為少商

春晴

日暖風和明媚天杜泛江詩鏡將明最宜吟詠入詩

篇詩篇吟庭花吐蕊紅如錦杜送路侍御入朝詩

情朱淑真詩後集卷一

情柳絮岸柳飛絲白似綿上深院雕梁巢燕返古路

白於綿深院又睹高林喬木谷鶯遷伐木詩鳥

於飛燕曲各燕歸梁高林喬木谷鶯遷伐木詩鳥

自幽谷遷韶光正近清明節古鷓鴣天詞清花鳴樓

於喬木韶光正近清明節古鷓鴣天詞清花鳴樓

臺酒旆懸唐嚴維詩花鳴樓一曲酒旆風

春日行

春雲漠漠連春空杜喜雨詩今朝江出雲人空纔漠

映階草色綠茸茸杜蜀相詩映階碧草自春色不寒

不煖雨新霽古如夢令詞不煖不滿城佳氣浮蔥蔥

後光武詩氣佳岸柳依依微煙籠采薇詩楊園林淡

蕩催花風古慶春詞平東君造化一何工前買誰

化為施青繪紫復勻紅多少閒花與凡卉孔子杏壇
花滿不論妍醜爭天穠燕舞鶯歌晝晷永杜湘夫人
地愁又憶幼子簾幙無人門宇靜古踏沙行詞情
惟鶯歌煖正繁無人語重簾捲何
詩鶯歌煖正繁無人語重簾捲何
處飛來雙蛺蝶翩翩飛入尋香徑杜蝶元相逐可
憐春色都九旬杜江畔尋花詩百朝懽暮宴歸王孫
選劉安招隱士篇王孫游禿毫屬紙寫詩人李白飲
兮不歸春草生兮萋萋禿毫屬紙寫詩人李白飲
歌揮毫落長歌短什勞精神杜行次鹽亭縣詩長歌
紙如雲煙長歌短什勞精神杜行次鹽亭縣詩長歌
行長歌短什聊自適注上豈有佳句生陽春杜戲為詩
必為鄰又選宋玉對楚王問客有歌於郢中者其始
曰下里巴人國中屬而和者數千人其為陽春白雪
國中屬而和者數千人其為陽春白雪
不過數百人

春游西園

朱淑真詩後集卷一 三

閒步西園裏選曹子建公宴春風明媚天杜泛江詩
景偷眼蝶疑莊叟夢莊齊物篇莊周夢為蝴蝶絮憶
盤陽天蝶疑莊叟夢莊齊物篇莊周夢為蝴蝶絮憶
謝娘聯晉謝道韞奕之女叔父安嘗內集既踏草青
南軟晉謝安春游詩靡草翠而成看花紅錦鮮杜庭
看花隨印序又古夏雲峯詞昨徘徊月影下東坡水
日看花正好枝香嫩紅殷徘徊月影下調歌詞
我歌月徘徊欲去又依然
我舞花凌亂

春園小宴

春園得對賞芳菲杜落日詩芳步草黏鞦絮點衣杜
二月一日詩輕萬木初陰鶯百轉杜雨詩萬木雲深
輕柳絮點人衣

流鶯滿千花乍折蝶雙飛李白詩千花書如錦古粉
深牽情自覺詩毫健杜早朝大明宮詩痛飲惟憂酒
力微世說王孝伯曰臣痛飲窮日追懽懽不足毛詩
歌之恨無為計鎖斜暉杜詩句斜暉轉樹腰
不足恨無為計鎖斜暉杜詩句斜暉轉樹腰

春日書懷

從宦東西不自由杜嚴中丞見過詩親幃千里淚長
流已無鴻雁傳家信前蘇武傳天子射上林得雁足
詩寄書更被杜鵑追客愁杜夔府詠懷詩傷春杜
雲開雁更被杜鵑追客愁杜夔府詠懷詩傷春杜
語友人曰吾年來傷春日暖鳥歌空美景李白宮中
法聞此聲使我心索然日暖鳥歌空美景行樂詞綠
樹聞歌鳥選謝靈運曰良辰美景花光柳影設盈眸高樓惆悵憑闌
運曰良辰美景花光柳影設盈眸高樓惆悵憑闌

朱淑真詩後集卷一 四

久古詩惆悵錦機空又古迷仙引詞向高心逐白雲
樓日月東風裏又憑闌芳草人千里

南向浮唐狄仁傑傳登太山反顧見白雲孤飛謂
春日亭上觀魚

春暖長江水正清杜越王樓歌樓洋洋得意漾波生
孟萬章上有饋生魚於子產子產使校人畜之池反
命曰始舍之圍圉焉少則洋洋焉使然而逝子產曰
得其非無欲透龍門志淮修務訓禹鑿龍門注本有
所哉非無欲透龍門志淮修務訓禹鑿龍門注本有
便成龍故只待新雷震一聲古詩平地一聲雷

春晝偶成

默默深閨掩畫關閒編盈案小窗寒韓愈詩讀書城
舒卻嗟流水琴中意難向人前取次彈別湯問篇伯

子期善聽伯牙志在流水
子期曰洋洋兮若江河

春日雜興

窈窕風光豔豔春杜寒食詩風無言桃李一番新李

廣贊桃李不言下自成蹊又魚青回野燒草初染杜

春回野光泛幽香蘭可初選宋玉招魂光風轉蕙兮

為官柳欲眠多態度杜西郊詩市橋官柳細漫雙詩

人柳終朝刺得三眼話玉谿生江之媽賦不比禁中

又韓詩君詩多態度海棠食睡足精神皇嘗召太真

此海棠花睡未足耶舊游似夢渾情懶古鷓鴣天詞

夢對景無聊愁殺人李白綠水曲往事舊游渾

立春日妝成宜春花朱淑真詩後集卷一五

青燿碧勝縷金文後禮儀志立春之日立青燿古拜

處春光柳色梅花逐指新怡笑尙為兒女態李白古

女嬉笑寶刀翦綵強為春隋煬帝作西苑堂殿華麗

牽人衣花葉綴於枝條色渝則易以新者長如陽春

春曉雜興

挑盡殘燈夢欲迷白樂天長恨歌孤子規催月小樓

西子規唐崔塗春夕旅懷詩紗窗偷眼天將曉無數宿禽

花下嘯唐宋詩花底宿禽無數喧

寒食詠懷

淮南寒食更風流絲管紛紛逐勝游杜贈花卿詩錦

又祖廟詩江春向眼前無限好思親懷土自多愁泉

春燕

山多勝游詩歸也父母終思歸詩衛女思歸也父母終思歸

簾前日暖翩翩過選宋玉九辨燕簾外風清對對斜

雙燕又杜春歸詩輕燕受風斜偏是社來還社去

古破陣子詞燕子來時新社又年年不見蠟梅花

杜牧歸燕詩社去社來人不覺宮春梅詞年

年長見開時

春夜感懷

清江碧草兩悠悠古詠裏情詞悠各自風流一種愁

古洞仙歌詞今正是落花寒食夜杜子美詩正是江

夜誰添一種愁朱淑真詩後集卷一六

節又夜深無伴倚空樓古御街行詞夜

獨坐感春

翠密藏鴉綠柳隄選陸士衡招隱傷春懶矣步桃溪

杜傷春性杜鵑又晉陶潛桃源記太原中武陵人夢

捕魚為業沿溪行忽逢桃花林夾岸中無雜樹回窗下日當午鷓鴣一聲林外嘯符川集漁家傲詞

暮春有感

倦對飄零滿徑花杜遣意詩一靜聞春水鬧鳴蛙韓

盆池詩一夜故人何處草空碧江淹別賦撩亂寸心

蛙聲鳴到曉御製魚遊春水詞寸心天一涯又杜送高適詩各在天一涯

新注朱淑真斷腸詩後集卷一終

新注朱淑真斷腸詩後集卷之二

錢塘鄭元佐注

夏景

夏日作

東風池漣轉南風李白春日獨酌詩東風萬物全歸長

養功蒸民詩穆如清風注清微之風氣舜豈無心阜

民俗家語樂篇舜彈五絃之琴追南風之詩曰南風

之財吾民之財兮薰薰歌入五絃中見上

暑月獨眠

紗幮困臥日初長古鶴中天詞白角簾碧紗幮微雨乍晴初又隔浦蓮詞困臥北窗清

朱淑真詩後集卷之二

曉解卻紅裙小簾涼上注杜丈八溝納涼一象爐煙

籠午枕冰肌生汗白蓮香東坡洞仙歌詞玉骨冰肌自清涼無汗

暑夜

水亭相對已黃昏王荆公詩茅簷相對坐終日靜數飛螢過小園

窗下孤燈自明滅白樂天長恨歌孤燈挑盡未成眠王荆公詩云一燈明滅照黃昏

無聊獨自懶扃門

夏夜有作

暑夕炎蒸著摸人韓答張微詩暑夕眠風榻移牀借月臥中庭更

深露下衣襟冷杜江月詩夜夢到陽臺不奈醒

唐賦序昔先王登臺夢到婦人曰妾巫山之女朝朝暮暮陽臺之下

夏夜乘涼

滿意好風生水面邵堯夫詩月到天趁人明月到天

心東坡詩步履中庭此時情緒誰能會獨坐中庭夜

已深注上

夏枕自詠

夏日初長候唐文宗聯句風樞暑夕眠暑夕眠風樞

衣輕香汗透睡重翠鬟偏白樂天長恨歌雲鬢綠愁眉小

眉小杜江月詩燭啼紅上臉鮮趙師民詩啼起來無

箇事纖手弄清泉東坡阮郎歸詞玉人纖手弄清泉

游湖歸晚

戀戀西湖景范睢傳以褌袍戀山頭帶夕陽華記云

山西日夕陽詩歸禽翻竹露落果響芹塘葉倚風中

日度其夕陽詩歸禽翻竹露落果響芹塘葉倚風中

靜魚游水底涼半亭明月色荷氣惱人香坡詩一池香

西樓納涼

小閣對芙蓉露塵一點無選謝靈運詩水風涼枕簟

韓新亭詩水雪葛爽肌膚杜詩香羅

淡紅衫子透肌膚古詩淡紅衫縷金裘又夏日初長

水閣虛唐文宗聯句我愛夏日長又獨自憑闌無箇

淡紅衫子透肌膚古詩淡紅衫縷金裘又夏日初長

水閣虛唐文宗聯句我愛夏日長又獨自憑闌無箇

事水風涼處讀文書

古小重山詞水
風生處小亭臨

新注朱淑真斷腸詩後集卷二終

朱淑真詩後集卷二

三

新注朱淑真斷腸詩後集卷之三

錢唐鄭元佐注

秋景

秋日晚望

極目寒郊外宋苕公江湖詩展晚來微雨收隴頭霞
散綺餘霞散成綺天際月懸鉤薄又柳子厚詩新月
吐玉鉤一字新鴻度黃山谷詩雁字千聲落葉秋淮南
葉落而天倚樓堪聽處玉笛在漁舟李白誰家玉
下知秋

秋日行

蕭瑟西風起何處宋玉九悲辭悲哉秋之為氣也蕭
瑟草木搖落而變衰杜甫懷李白

朱淑真詩後集卷三

詩涼風庭前葉葉驚梧樹張耒詩翠樹含風葉葉涼
起天末庭前葉葉驚梧樹又白樂天句秋萬物以成
時萬物收成天地肅前律歷志秋為陰中萬物以成
田家芋栗初登圃杜詩園收芋杳杳高穹片水清禮
樂志歌曰杳杳冥冥杜一點秋鵬翥去路杜鵬鵠在
宴石門句秋水清無底杜牧句雨晴涼颼動地收
詩青雲淒淒空曠雨初晴杜容新沐涼颼動地收
路誰近淒淒空曠雨初晴杜容新沐涼颼動地收
殘暑選怨歌行涼颼收炎熱又王高樓玉笛應清商
李白句黃鶴樓中吹玉笛又選天外數聲新雁度杜
潘安仁句清商應秋至云云記月令季秋之月草木
家書句涼園林草木半含黃黃落又古詞西風漸冷
風新過雁園林草木半含黃黃落又古詞西風漸冷
飄黃木籬菊黃金花正吐陶詩採菊東籬下又唐德
池上枯楊噪晚蟬易大過卦枯楊生華古詞愁蓮

簌簌啼殘露可憐秋色與春風幾度榮枯新復故謝
靈運登池上樓
句新陽改舊陰

秋日偶成

芙蓉斜倚胭脂臉巖桂輕搖金粟花古念奴嬌詞玲瓏
蕊愁思不知秋浩蕩古念奴嬌詞萬一鞭逸興繞天
涯杜野望詩天涯涕淚一身遙

早秋偶筆

蕭蕭涼風至選陸上衡句蕭蕭素秋節淒然景驟清
雨餘殘暑退唐劉禹錫詩日落晚涼生杜游南池
洗鷹隼雙睛轉杜簡高使君詩梧桐一葉驚白樂天
馬朱淑真詩後集卷三二

七夕口占

梧桐落金井一葉飛銀林試聽松竹裏萬嶺起秋
聲杜玉華宮詩萬嶺銀林又試聽松竹裏萬嶺起秋
三秋靈匹此宵期詩知三秋兮又唐韋應物詩豈意
年期一宵此萬古傳聞果是非免俗未能還自笑既
期良可嘉萬古傳聞果是非免俗未能還自笑既
歲七月七日以竹竿挂大布金鍼乞得巧絲歸制楚
寶簾衣於中庭日未罷免俗金鍼乞得巧絲歸制楚
庭中乞巧有蟻子納於瓜上則以為得巧

新秋

一夜涼風動扇愁選裁成合體扇動搖微風發背時
容易入新秋古詩別時容桃花臉上汪汪淚古詞閣

不肯 愁到更深枕上流 古詞枕上偷垂淚眼流

初秋雨晴

雨後涼風暑氣收 選涼風梧桐葉葉報初秋 古惜黃梧葉墜又曹植 浮雲盡逐黃昏去樓角新蟾桂玉鉤 詩素秋涼氣發 柳子厚句新 月玉鉤吐

早秋有感

西風浙浙收殘暑 杜秋風浙浙收巫山庭竹蕭疏報早秋 李白句綠竹動秋聲又古詞晚秋天一陣微雨砌下黃昏微雨灑庭軒檻竹蕭疏井梧零亂惹殘煙 砌下黃昏微雨後注幽恐啾啾使人愁 古詞等得秋風滿院吹又爭人來夢裏望前 程也促纖兒

秋樓晚望

涼吹晚颼颼 古詞颼颼風 蘆花兩岸秋注夕陽樓上望 詩度其 獨倚淚偷流

對秋有感

風倍淒涼月倍明 人閒占得十分清 杜人閒月影清 出十可憐宋玉多才子 選宋玉九辨篇悲 只為多情 分秋 苦愴情 古詞只為情多病 哉秋之為氣也 也 也多省可思量我

秋夜舟行宿前江

扁舟夜泊月明秋 李白月明水面魚游趁闌流更作 嬌癡兒女態 韓愈聽穎師琴 笑將竿竹擲絲鉤 詩 麗兒女語

竿以釣 於洪

中秋夜家宴詠月

九秋三五月 姚合詩三五復秋 此夕正秋 中注天意 一夜別人心千古同 范仲淹詩天意將清光消霧靄 南唐僧謙明詩 皓色偏高空 白樂天詩皓彩 清光何處無 皓色偏高空 白樂天詩皓彩 圓月似團圓 年年對兔宮 杜牛女年年度又桃源夫 人中秋月詩玉兔步虛碧

中秋夜不見月

不許蟾蜍此夜明 張衡靈憲云羿妻嫦娥奔 意是無情何當撥去閒雲霧 古詞僧起嫦娥揀雲 出光輝萬里清 杜萬里 共清輝

中秋月

杳杳長空歛霧煙 前禮樂志 冰輪都勝別時圓 桃源 詩冰輪 風傳滿報天將曉 杜五夜漏 惆悵嬋娟又隔 年 坡詞但願人長久千里共嬋娟 又古臨江仙詞動是隔年期

中秋菴月

獨占秋光盛天工 信有偏清輝千里共 杜千里共清 里 皓魄十分圓 歐陽脩玩月序秋八月十五之 十分 兔影寒猶弄 五經通義月中蟾蜍老更堅 虞喜 論俗傳月中仙人桂樹又西 只愁看未足 古賀新郎 陽維俎月中蟾桂地影也 怎歸 又去一經年 借經年別

湖上詠月

清宵三五涼風發姚合詩三五復秋中又湖上聞吟
步明月李白詩醉起步溪月涓涓流水淺又清唐庭莊詞涓涓
清淺水皎潔長空纖霜滅水光月色環相連杜江
於可憐清景兩奇絕選曹子建詩明月澄清景

秋夜感懷

滿院含秋思古詞覺翠帳涼生秋思漸入微蟾輝映
一方蛩吟喧曲砌古詞砌畔蛩宿鳥傍回塘
宿相呼木落桐應瘦背寒漏正長小重山詞夢魂安
仁閒感慨徒爾鬢蒼蒼選潘安仁秋思賦斑鬢處以

朱淑真詩後集卷三

五

詞雙鬢已蒼蒼

小閣秋日詠雨

疎雨洗高穹瀟瀟滴井桐詩風雨瀟瀟又古詞潤煙
生研底古詞研潤起寒煙涼氣入堂中韓詩風露氣
翠鎖交竿竹紅翻落葉楓謝靈運句曉霜楓葉丹又
撫琴閒弄曲靜坐理商宮司馬紹統詩焉得成琴瑟何期成
絃為宮次絃為商次為角次為徵次為羽次為少宮次為少商

秋日得書

秋風本無意愁思自難禁共月傷千里選謝希逸月賦隔千里兮
共明來書勝萬金杜家書代驕驚北吹
杜奉簡高使君詩驕驕

道路鷹隼越鳥戀南林李白詩越鳥起相呼已有歸窻約詩泉
歸窻而何須惜歲陰晉陶侃傳大禹聖人乃惜寸陰至於眾人當惜分陰

秋深偶作

生殺循環本自然選郭景純游仙句晦朔如循環可堪蕭蕭出乎天
陸士衡詩蕭蕭素秋節又休嗟物理易彫瘁好看西成
報有年書堯典平秩西成詩甫田自古有年

暮秋

瀟瀟風雨暗殘秋詩風雨瀟瀟忍見黃花滿徑幽選黃
黃怡似楚人情太苦年年對景倍添愁選宋玉九辨
氣也蕭瑟兮草木搖落而變衰

朱淑真詩後集卷三

六

新注朱淑真斷腸詩後集卷三終

新注朱淑真斷腸詩後集卷之四

錢塘鄭元佐注

冬景

新冬

日一北而萬物生太玄經全句又後律志日行北陸謂之冬始知天意在
收成愚民未論那寒理往往相為嗟怨聲書君牙冬

初冬書懷

觸日園池景荷枯菊已荒杜甫荒深院菊風寒侵夜枕霜凍
怯晨妝韓遇春行桃李靚晨妝江上楓翻赤選謝靈運詩曉霜

明詩楓落庭前橘帶黃杜黃知題詩欲排悶杜排悶
吳江冷對景倍悲傷詩七月篇我心傷悲

冬日雜詠

愛日温温正滌場左冬日可愛詩七老農擊壤慶時
康帝王世紀堯時有老人擊壤水催春韻擣殘雨杜
於道日鑿井而飲咻田而食宋子京華記云霜瓦曉寒
村春雨風急耒聲帶夕陽山西日夕陽霜瓦曉寒
外急欺酒力月闌夜冷動詩腸厭厭對景無情緒古眼兒
厭愁悶謾把梅花取次妝古詞好容儀
無情緒取次梳妝

霜夜

彤雲黯黯暮天寒古青玉案詞彤半捲朱簾未欲眠

蘇易簡越江吟珠獨坐小窗無伴侶古詞小窗幽幌
簾半捲天香散杜宿贊公房詩獨坐都無侶
可憐霜月向人圓霜月向人圓

長宵

霜月照人悄古祝英臺近詞迢迢夜未闌杜七夕詩
迢迢夢展轉詩關雎篇珠淚向誰彈古慣饒人詞

探梅

温温天氣似春和試探寒梅已滿坡李白早春詩走
笑折一枝插雲鬢白樂天雲鬢問人瀟灑似誰麼

冬至

黃鐘應律好風吹前律應志黃鐘為陰伏陽升淑氣

回左昭四年冬無愆陽夏無伏陰又蔡影使移長至
日選曹植求通親表若葵藿之傾太陽梅花先趁
小寒開杜岸容待臘將舒柳八神表日占和歲左傳
日長至立八方之神以占日長六琯飛葭動細灰
短則歲之妖祥必有驗之者長

冬夜不寐

推枕驚幃不奈寒白樂天詩攬衣起來霜月轉闌干
悶惟脈脈與誰說三天四見詞情厭厭淚滴羅衣不
忍看古二郎神詞別

詠雪

詠雪時淚滴羅衣

生於仁月...

六出花飛四面來韓詩外傳凡花多連山接水皓皚

黃山谷南樓詩四面山光接水光玲瓏天地

合的皜園林爛漫開庚嶺臘梅寒散亂白氏六帖大

杜梅前破章臺風柳絮繁回唐韓柳昔日青柳氏云云

否晉王凝之妻謝道韞有才辯嘗內宴俄而雪下

安問日何所似也兒子即對曰撒鹽空中差可擬道

絮因風起柳自言空有孤吟癖覽景慚無謝氏才注上

憑闌觀雪獨徘徊選謝惠連雪欲賦慚無詠絮才見

詠雪鹽撒空中如可用注上收藏聊與贈羹梅命篇若

惟和羹爾朱淑真詩後集卷四三

雪夜廣筆

夜雪飛花似月明晉王徽之傳微之居山夜雪初

六出交連寒影透門庭只宜挾策臨窗坐孫氏世說

工夫交連寒影透門庭只宜挾策臨窗坐孫氏世說

江上雪霽

江水冰消起綠鱗川原蕩滌少煙塵風吹南北溪橋

古詞寂寞柳色參差欲漏春杜鵬日詩漏洩

對雪一律

紛紛瑞雪壓山河劉義慶世說晉謝安雪下集兒女

謝惠連雪賦盈尺特出新奇和郢歌選宋玉楚王問

者其為陽春白雪屬樂道幽人方閉戶哀安時大雪

陽令出按行至安門一行令高歌漁父正披裘

唐鄭容雪詩漁人披得一蓑歸自嗟老景光陰速

又東坡雪中賞梅高歌對三白自嗟老景光陰速

限光陰有唯使佳時感愴多更念鰥居憔悴客

曹赴東京句映書無寐奈愁何孫康事見

江山憔悴人映書無寐奈愁何前詩注

賞雪

珠簾暮捲綺筵開王勃滕王閣序珠風雪紛紛入酒

杯江雪白醉題風落吳對景恨無飛絮句從今羞見謝

娘才謝氏詠絮事見前詩注

昨夜霜風透膽寒圍爐漫憶昔年歡如今獨坐無人

說古花心動詞自撥悶惟憑酒力寬杜撰詩續傾

休歎流光去看看春欲回唐李德守歲詩冬去椒盤

捲紅燭杜守歲句椒盤已頌花又柏酒溢金杯日詩

樽前柏葉殘臘餘更盡唐孟浩然詩梅花新年曉角

催唐劉禹求詩新年明且爭先何物早唐李白傳唯

有後園梅唐朱史青除夕

新注朱淑真斷腸詩後集卷四終

新注朱淑真斷腸詩後集卷之五

錢塘鄭元佐注

花木類

海棠

天與嬌嬈綴作花古海棠詩嬌嬈全在欲開時更於枝上散餘霞選謝玄暉句少陵漫道多詩興不得當時一句誇子美無海棠詩又東坡海棠詞怪子美無詩到他

芍藥

芬芳紅紫開成叢盧詩紅紫成叢相開開獨占花王品第中古水龍吟東君既與花到底只留為詭贈更勞國史刺民王芍藥須為近侍

牡丹

風詩鄭國風溱洧篇伊其相詭贈之以芍藥

嬌嬈萬態逞殊芳舒元與牡丹賦萬狀皆絕花品名中占得王見上
首注又古牡丹詩莫把傾城比顏色從來家國為伊更占人閒第一春
亡樂天長恨歌漢王重色思傾國六官粉黛無顏色唐宋牡丹詞參陪傾國奉君王占傾國傾城顏色

黃芙蓉

如何天賦與芬芳韓愈芍藥歌翠華紅蕊天付與徒作佳人淡於妝
淡於新妝試倩東風一為主古珍珠簾詞把酒祝東君願與花枝長為主
輕黃應不讓姚黃

長春花

一枝纔謝一枝股古落花詩一枝自是春工不與閒
縱使牡丹稱絕艷古念奴嬌詞絕艷仍清淑到頭榮瘁片時閒

薔薇花

飛葩散亂擁欄香萬朵千枝不計行杜子美詩千朵萬朵壓枝低
爛漫初開向清晝會稽太守乍還鄉漢武帝拜朱買臣為會稽太守
日如衣錦還鄉

芙蓉

滿池紅影蘸秋光古鴨鵝天詞滿池始覺芙蓉植在傍
賴有佳人頻醉賞和將紅粉更施妝唐張易之詩娉娉紅粉妝

櫻桃

朱淑真詩後集卷五 二

為花結實自殊常摘下盤中顆顆香味重不容輕眾
口蕭類士櫻桃賦雖先寢獨於寢廟薦先嘗禮記仲夏之月羞以含桃先薦寢廟
注含桃即今櫻桃

梅花二首

園林蕭索未迎春丁晉公詩幾處園林蕭索裏又獨
爾花開處處新王曾早梅句且只有宮娃無一事東
春日句酒醉每將施額門妝勻宋武帝女壽陽公主
醒來無一事每將施額門妝勻宋武帝女壽陽公主
落主領成五出花妝拂宋武帝女壽陽公主
之不去自後有梅花妝

消得騷人幾許時韓餘幾許時疏籬淡月著橫枝
梅詞句茅舍疎籬又微雲東坡詩
淡月對江山分付東坡詩

案下闕梅花七絕一句又松花一首中尙闕數
詩題均無考後頁尙存五律下半首疑爲竹詩

勁直忠臣節選鮑明遠詩待危見臣節又晉忠義傳
於嚴風北史節義孤高列女心後漢有列女傳又盧
傳露竹多勁節唐宗詩綠筠四時同一色霜雪不能侵
初露節孤高畏雪霜侵

荷花

暑氣炎炎正若焚詩雲漢篇赫赫荷花於此見天真

香房馥郁隨風折韓晚秋聯句笑臉天嬈映水新

儉傳若紅閒葉淺深殷似點杜點溪荷滿池繁媚麗

於春年年占得餘芳在杜荀鶴詩年年越幾見當時

步步人南史東昏侯鑿金爲蓮花貼地令

臘月躑躅一枝獨開

園林經臘正彫殘古玉抱肚詞園林獨爾花開爛漫

鮮韓愈答張功曹詩借問隴梅知幸否借問隴頭梅

知否春信還得陪春卉共時妍

後庭花

豈意爲花屬後庭荒迷亡國自茲生書內作至今猶

恨隔江唱杜牧詩隔江可惜當時枉用情語則民莫

乞蘭

幽芳別得化工栽紅紫紛紛莫與偕韓紅紫珍重故

人培養厚真香獨許寄庭階晉謝玄暉傳譬如芝蘭

新注朱淑真斷腸詩後集卷五終

新注朱淑真斷腸詩後集卷之六

錢塘鄭元佐注

雜題

詠史十首

項羽二首

自古興亡本自天國語晉語國之興亡天命也豈容人力預其間

前韓信傳陛下所非憑天與憑驍逝孟天與之又項

謂天授非人力也馬名驍乃悲歌慷慨作詩歌力拔山兮氣雖不前兮

蓋世時不利兮驍不逝兮奈若何戰已閒注上

蓋世英雄力拔山見上豈知天意主西關高祖紀領

入范增可用非能用前高祖紀項羽有一范增徒歎

身亡頃刻間而不能用所以為我擒也

韓信

男兒忍辱志長存韓信傳淮陰少出跨曾先怨一言年辱信日能死

我不能出跨下信熟視俛出漂母人亡石空在韓信

跨下一市皆笑信以為情有一漂母哀之飯信母曰吾

常從人寄食至城下望報乎今淮陰有漂母石是也

不知還肯念王孫注上

張良

功成名遂便歸休老子九章功成天道分明不與留

易謙卦天道果可人閒戀駒隙如駒之過隙世何

心願學赤松遊

案下關陸賈一首賈生一首董生一首晁錯一

首大成文宣帝二首題王氏必與軒一首余氏

攀鱗軒七律前半首

朱淑真詩後集卷之六

一一

善說命上高宗夢得說若歲旱汝作霖雨變化一身
又荀非相篇傳說之狀身如植鱗云云李白詩龍
雷霹遠一聲雷騰凌千里海波深
曾比崇高志諸葛亮先帝不以臣卑肯憶當時梁父
吟諸葛亮臣向躬耕龍

賀人移學東軒

一軒瀟灑正東偏屏奔鴛座聚簡編選謝元暉句
愈詩簡編美璞莫辭雕作器揚寡見篇良玉不雕琢不
可卷舒作涓流終見積成淵家語涓涓不謝班難繼子漸甚
晉列女傳謝氏才顏孟堪希子勉旃顏子好
後列女傳班昭張良傳鴻鵠
陳道義楊高飛羽翼以
之人蒙求

禾水真詩後集卷六

三

就飛騰早晚看冲天楚世家有鳥在於阜三年不蜚
蜚冲天三年不鳴鳴將驚人

送人赴試禮部

春闈報罷已三年又向雷風促去鞭屢鼓莫嫌非作
氣一飛當自卜冲天賈生少達終何遇本傳吳公廷
年頗通諸家之書文帝召為馬授才高老更堅
日汝大才當晚成又嘗謂寶大抵功名無早晚
客日窮且益堅老當益壯
今見起雷川前漢公孫弘雷川
人後封為平津侯

新注朱淑真斷腸詩後集卷六終

新注朱淑真斷腸詩後集卷之七

錢塘鄭元佐注

雜詠

代送人赴召司農

當年持節史杜詩川合東寬厚出誠心郡國承風遠
武帝紀元光元年朝延注意深前陸賈傳天十行初
初令郡國舉孝廉序以手迹四海望為霖書說命若歲
下詔賜方國一札十行光侵九棘林禮秋官朝
霏雨幾夜台星轉後劉元傳三光侵九棘林禮秋官朝
孤卿大夫位焉

次韻見贈兼簡吳夫人

朱淑真詩後集卷七

南北常嗟見未因停舟今喜笑談親張姬淑德同冰
玉顧家婦冰清玉映自是閨房之秀李白高吟泣
鬼神篇又寄李白詩成泣鬼神和管幸聽鳴鳳
侶前律歷志黃帝使伶倫取竹於嶰谷斷濫竽還愧
賞音人子聽笙竿之聲君佳篇獎拂還過實班衛聲
名豈易倫後列女傳班昭封衛大夫

題四并樓

華榜危樓豈浪名楊億詩危人閒四者此環并選謝
日良辰美景賞心日知光景無虛度古滿庭芳詞時
樂事四者難并廬同茶歌但覺雨庚亮據牀談興逸
覺清風滿座生駘習習清風生

晉庾亮在武昌史浩之徒乘秋夜共登高
樓不覺亮至日諸君少住便據胡牀當浩等談核仲
宜倚檻容愁輕選江陵樓因懷歸而有此述作眼前
此樂難兼得許我登臨載酒行載酒開金盞

題斗野亭

高亭忽登覽豁爾思無窮訪古多遺跡留題有鉅公
地分吳楚界前漢地理志人在斗牛中注不是乘槎
客來不違時乃齋糧乘之到天河日某年某月客星
犯斗那知此路通

舟行卽事七首

帆高風順疾如飛杜入洞庭詩欲側風帆滿天闊波
平遠又低山色水光隨地改黃山谷南樓句四共誰
裁翦入新詩杜層巖中丞句

朱淑真詩後集卷七

扁舟欲發意何如杜絕句客回望鄉關萬里餘選詩
餘里誰識此情腸斷處行子腸斷白雲遙處有親
廬見春景春日書懷詩注

畫舸寒江江上亭杜詩畫舸行舟來去泛縱橫無端

添起思鄉意溫庭筠紅葉詩一字天邊歸雁聲黃山

雁字一行書絳霄又杜月

滿江流水萬重波吳融畫山水歌未似幽懷別恨

多日斷親幃瞻不到臨風揮淚獨悲歌杜酬孟雲卿

歌

對景如何可遣懷與誰江上共詩裁杜江亭詩遺曰

長景好題難盡每自臨風愧乏才謝莊月賦臨風

歲暮天涯客異鄉杜歲暮詩歲暮長為客扁舟今又

度瀟湘韓愈詩共泛鬢眉獨坐水窗下杜江月詩鬢

淚滴羅衣暗斷腸古詞別時

歲節將殘惱悶懷庭幃獻壽阻傳杯杜九日詩傳此

愁此恨人誰見白樂天長恨歌此鎮日愁腸白九回

古詞酒入柔腸似淚流又符

寄大人二首

朱淑真詩後集卷之

去家千里外飄泊若為心杜春日句飄詩誦南咳句

詩南咳孝子琴歌陟岵音琴操曰古琴有詩歌五典

相戒以養也望父承顏故國遠孟梁惠下所舉目白雲深唐狄仁

行山舉頭見白雲孤欲識歸靈意泉水詩衛女思歸

飛日吾親舍其下三年數歲陰

極目思鄉國千山更萬津韓退之洛陽詩庭幃勞

夢寐道路壓埃塵韓齋詩塵詩禮聞相遠語季氏

聞琴樽誰是親愁看羅袖上長搵淚痕新張文潛七

有盡愁無歇又符川集黃

和前韻見寄

忽得南來信殷勤慰我心詩賦風篇新詩憐俊逸杜

可以賦新詩又憶李清論憶容音日斷鄉程遠李義

目斷故鄉樓高客恨深三年重會合依舊見荆陰

憶昔江頭別相看對古津去來分櫓棹南北隔音塵

選謝玄暉詩把酒何時共杜憶李白何時一樽論文

幾日親注上綵服共爭新老萊子年七十

衣

臥龍

開臥紫淵深莊列禦寇篇河

珠其父曰千金之珠必時來天

領下子得之必遭其睡也

地雲雷舉淮南子龍舉起作人間救旱霖

谷中聞龍吟曰不久雨至冉冉雲起望之

果雨作又書說命若歲大旱用汝作霖雨

代謝人見惠墨竹

紛紛桃李皆凡俗東坡詩桃李四時之中惟有竹禮

器如竹箭之有筠貫非惟蒼翠列風輕杜邛竹詩幸

四時而不改柯易葉對之自覺清人肉東坡和筠軒詩無肉羨君年少

多才藝筆墨潛偷造化力李賀高軒過筆掃出一枝

爰惠我唐宋詩一枝清陰翠色驚滿幅嗟我得之喜

何似貪夫忽獲珠盈斛晉石崇傳朝夕捧玩不知疲

如在太白樓上宿李太白遠令標軸掛壁閒唐

子昂傳對策動節直身長目前不必溪邊尋六逸唐李
云徒挂壁牖白傳與孔巢父韓滉裴政張叔不必林間訪七賢晉
明陶沔居祖徠山號竹溪六逸康傳阮籍山濤向秀劉伶阮籍兄弟子宜使閻本與王
咸遂為竹林之游世稱為竹林七賢維唐開立本善畫人物又擅古今稱神師又有屏
維王維善畫山水俱名盛獨擅古今稱神師又有屏
間名浪得誤墨成形何足奇三國志曹不興善畫屏就作蠅
孫權以為生蠅未若一筆掃一枝渭川移來人莫疑
遂以手彈之史貨殖傳渭川千畝珍藏欲默默不得命賤索筆成
竹其人與千戶侯等新詩詩窮紙滿意不盡易繫辭言閻筆無語愧才稀
陸贄傳他學士閣筆不得下贊獨沛然有餘思

新注朱淑真斷腸詩後集卷七終

朱淑真詩後集卷七

五

宋朱淑真斷腸詞著錄於 文淵閣毛晉刊於汲古閣其詩集二卷 四庫則列之附存田藝蘅撰傳略於前獨錢塘鄭元佐注斷腸詩集十卷後集七卷刻本向未之見天一閣書目載刊本八卷卷數不合當非此帙劫後得羅鏡泉廣文手鈔精本惜有關頁闕文無從校補久之於潘是仁刊本得增詩三首馬氏小玲瓏山館寫本增詩一首汪氏振綺堂蔣氏別下齋舊鈔本增詩八首雖中有四首可補羅本之闕惟有詩無注仍難合璧特附梓於後云臨安王唐佐舊爲立傳藝蘅已稱不可得矣光緒丁酉丁丙識